


Mbia Cheě



New Testament in Sirionó (BL:srq;Sirionó)

Mbia Cheë

New Testament in Sirionó (BL:srq:Sirionó)

copyright © 1977 Wycliffe Bible Translators, Inc.

Language: Sirionó

Translation by: Wycliffe Bible Translators, Inc.

Sirionó [srq], Bolivia

Copyright Information

© 1977, Liga Bíblica Mundial del Hogar. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Sirionó

© 1977, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files dated 29 Jan 2022
eb2687f2-4654-5d43-8ec2-3ee35e8a435e

Contents

SAN MATEO	1
SAN MARCOS	38
SAN LUCAS	61
SAN JUAN	101
HECHOS	130
ROMANOS	169
1 CORINTIOS	186
2 CORINTIOS	202
GÁLATAS	212
EFESIOS	218
FILIPENSES	224
COLOSENSES	228
1 TESALONICENSES	232
1 TESALONICENSES	236
1 TIMOTEO	238
2 TIMOTEO	243
TITO	247
FILEMÓN	249
HEBREOS	250
SANTIAGO	262
1 PEDRO	267
2 PEDRO	272
1 JUAN	275
2 JUAN	279
3 JUAN	280
JUDAS	281
APOCALIPSIS	283

EL SANTO EVANGELIO SEGÚN SAN MATEO

Jesucristo i ñiinda ainei

¹ Ña ndei Jesucristo i ñiinda ã. David rei ei tuchi. Abraham abe no.

² Abraham ndei Isaac ndu. Isaac ndei Jacob ndu no. Jacob ndei Judá ru no. Judá nongue abe ru.

³ Judá rei Fares ndu. Zara ru abe no. (Tamar rei ñuqúsi.) Fares ndei Esrom ndu. Esrom ndei Aram ndu.

⁴ Aram ndei Aminadab ndu. Aminadab ndei Naasón ndu. Naasón ndei Salmón ndu.

⁵ Salmón ndei Booz ndu. (Rahab ndei esi.) Booz ndei Obed ndu. (Rut rei esi.) Obed ndei Isaí ru.

⁶ Isaí rei David ndu. David ndei ererecua. David ndei Salomón ndu. (Urías ninisi rei esi.)

⁷ Salomón ndei Roboam ndu. Roboam ndei Abías ru. Abías rei Asa ru.

⁸ Asa rei Josafat ndu. Josafat ndei Joram ndu. Joram ndei Uzías ru.

⁹ Uzías rei Jotam ndu. Jotam ndei Acaz ru. Acaz rei Ezequías ru.

¹⁰ Ezequías rei Manasés ru. Manasés rei Amón ndu. Amón ndei Josías ru.

¹¹ Josías rei Jeconías ru. Jeconías nongue abe ru. Ñuqí ngue siqui abae judíos rerao mose Babilónia nda.

¹² Jeconías rei Salatiel ndu no. Salatiel ndei Zorobabel ndu.

¹³ Zorobabel ndei Abiud ndu. Abiud ndei Eliaquim ndu. Eliaquim ndei Azor ndu.

¹⁴ Azor ndei Sadoc ndu. Sadoc ndei Aquim ndu. Aquim ndei Eliud ndu.

¹⁵ Eliud ndei Eleazar ndu. Eleazar ndei Matán ndu. Matán ndei Jacob ndu.

¹⁶ Jacob ndei José ru. José quia María quereco nguiã. María rei Jesús si. Cristo, i equia ee.

¹⁷ Nyebe cator ce generaciones jaaja. Sã Abraham nane siqui no. David siqui mose, catorce generaciones cote. Abae judíos rerao mose Babilónia, catorce que aque abe mose cote ra. Cristo nyaacuquia mose que catorce aque mose cot e no nda.

Jesucristo nyaacuquia mose

¹⁸ Jesucristo chaacuquia tasenei na jêje. María rei esi. María que siquichõ ndei quia José ninisirã nda. Nyucuaaque ru eã ngue siqui rei ra. Nguiirĩ ngue eteachõ nguie ye ra. Siquiã ndaque José rese. Espíritu Turã ae que eririĩ mondo erie ye ra.

¹⁹ José turãte que eriqui rei ra. Eireĩte que eriqui mae María rio rese ra. —Seninisirã eã nda cote reae. Ahui rei ra esi mbia mbiiranua ndeae, i rei que ndua ndua uchi

angui re ra. María siqui rei nguia emo ndese ee reae.

²⁰ José que ndua ndua quia erese ra. Ndua ndua mose que ángel mo ndu equer re cuu ra. Angel que ñee ee ra. —David ririĩ ño nde re. María eisi turã ño neninisirã. ¡Ndeireĩ nguiã ño jê! Emo ngue siqui ãte quia erese ra. Espíritu Turã ae que eririĩ mondo erie ye ra.

²¹ Nguiirĩ nda etea. “Jesús” ere chõ eririĩ je. Ae quia ra mbia sirõ tuchi eicuã si, i que ángel ñee José je cuu ra.

²² Eĩ nda Dios cheẽ io cote. Ae Dios cheẽ mbuchecuasa mbesa cose nae, ñuqí nda io cote. Ña ndei embesa ji ã:

²³ ¡sã jê! Nyucuaaque ruã nda nguiirĩ tea.

Emanuel, i ra eririĩ je.

Dios riqui nanderese co, i ñi Emanuel nde, i que embesa ji cose ra.

²⁴ José que ñumumba cote ra. Angel cheẽ ndui si que María rerequia turã cote ra.

²⁵ José que siqui eã mbei erese ra. Nguiirĩ ndea chee. Jesús i que José eririĩ je ra.

2

Mbia aquiatu nyoĩ Jesús itãquieĩ ndea

¹ Jesús que nyaacuquia Belén nda. Judea, i que hue ibi je ra. Herodes rei hue jenda mbia rerecua Jesús nyaacuquia mose. Mbia aquiatu mo ngue ngã hue ra. Tenda semba si que ecuaẽ Jerusalén nda.

² Ñuqí ngue ñee ngãẽ judíos je ra. —¿Mangue judíos rerecua mangue re? Ae nyaacuquia ramo nae ¿mangue mangue re? Uremae ngue nyasitata embae rese ra. Ureico mose ure récuua. Nyebe urechu nguiã erea co. Urecoi rá urenia ndese ñee ee. ¿Ma eriqui ma nde? i que mbia aquiatu ñee judíos je ra.

³ Herodes que jirandu erese ra. “Judíos rerecua nyaacuquia” i mose, Herodes que pare pare i tuchi quia ra. Siqui turã eã cote. Jerusalén jenda abe que ndua ndua jate quia erese ra.

⁴ Herodes que “jenyu” i sacerdote rerecua ja je ra. Embesasa ja je abe que “jenyu” i ra. —¿Mangue ra Cristo nyaacuquia mangue re? “Hue ra nyaacuquia” ¿i embesa ji re? i que Herodes ñee ee ra.

⁵ Ñuqí ngue ñee Herodes je ra. —Nyaacuquia ra Belén de Judea. I que embesa ji ra:

⁶ Sucha ñetẽ tuchi rei Belén.

Belén de Judea.

Mbia chiicua tuchi ra Belén cote.

Hue jenda mo nda mbia rerecuarã tuchi cote.

Ae ra serimba Israel jenda teaquiato tuchi quia cote,

i que Dios cheẽ embesa ji ra, i que sacerdotes ñee Herodes je ra.

⁷ Nyebe Herodes “jenyu” i nguiã ùquĩ mbia aquiatu je. Ñee ngue ùquĩ ísaa ra. —¿Manosete nyasitata embae rese jemaee nde? i que ñee ee ra.

⁸ Herodes que ùquĩ mbia aquiatu mondo-choi Belén cote ra. —Jêso Belén. Nyaacuquia ramo je rese jêirando tuchi. Jê erea mose, sembiirandu se. Fnda se abe aso mae erese. Fnda acoi senia ndese se abe ñee ee, i rei que Herodes ñee ee ra.

⁹ Mbia aquiatu que nyoĩ cote ra. Ae nyasitata rese eriqui mae nyii nae, aque nyasitata que oso bei quia mbia rêta ra. Tiba que ee Belén arõ cote ra.

¹⁰ Nyebe mbia aquiatu ia tuchi nguiã mae mose nyasitata tiba rese cote.

¹¹ Mbia aquiatu que ique tuchúaa cote ra. Huee que ãquẽ itãquieĩ ndiqui ee cote ra. Usi rese. María, i equia ee. Ngoi que nguiã ndese eitãquieĩ je cote ra. Ñee turã ngue ee ra. Mbae que esirõ mondo Jesús je cote ra. Oro. Mbae mbushimbua abe no. Mirra abe no.

¹² Dios que ñee mbia aquiatu je cote ra. —Jêsochĩ nda ñee Herodes mbiirandu jê, i que Dios ñee ee cuu ra. Nyebe echoi nguiã Herodes abi nguécuaa.

José nyoĩ uchã Egíptoo

¹³ Aquere que Dio s ángel mo mondo ñee José je ra. Ñee ngue ee cuu ra. —Herodes ra eitãquieĩ sequia sequia. Iquia seríte equia co. Jêso uchã. Æquẽ jendao sunuña Egíptoo. Esi rese. Huee jêingochõ. Acheẽ jee ra ndeje huee, i que Dios ñee José je ra.

¹⁴ José que ñumumba juã cote ra. Æquẽ ngue ecuruchoi isa usi rese ra. Nyoĩ que Egípto quitu ra.

¹⁵ Chĩ arete que Egíptoo ra. Ererecua Herodes que mano cote ra. Dios cheẽ ngue ique cote ra. Eĩ ngue Dios cheẽ embesa ji ra: Seriirĩ ngue aru Egípto si ra, i que embesa ji ra.

Herodes ãquẽ itãquieĩ iquia ja

¹⁶ Herodes que paama i tuchi cote ra. —Mbia aquiatu sembiirĩ irĩ ñochĩ. Nyebiã ñochĩ ecuãe ñee seje, i que ra. Nyebe que soldados mondo mbia riirĩ nacue iquia ja cote ra. Æquẽ itãquieĩ ngu e eiquia iquia ja quia Belén jenda ra. Hue rurubinda ja abe no. Ngata ramo je abe iquia ja. Nyasitata nyecua quia mbia je nae, aque mosenda ãquẽ itãquieĩ iquia ja.

¹⁷ Herodes ùquĩ iquia mose que Dios cheẽ ique cote ra. Ae Jeremías mbesa quia:

¹⁸ Mbia Ramá jenda nyeseo tuchi.

Eya eã tuchi nguiirĩ ndese.

Emo embia aroneãte.

Eriirĩ nguia mano jate nguiã ee, i que embesa ji ra.

¹⁹ José chi mose Egípto que Herodes mano nyee ra. Nyebe Dios ángel mo mondo nguiã ñe e José je.

²⁰ —José, echumumba rã. Jêso Israel cote. Æquẽ abe erao. Esi rese. Ae ãquẽ iquia seríte quia nae, ùquĩ ngue mano cote ra, i que ángel ñee José je cuu ra.

²¹ José que ñumumba cote ra. Nyoĩ que nyebi Israel quitu cote ra. Æquẽ ngue equerao esi rese ra.

²² Herodes riirĩ ngue siqui Judea jenda rerecuarã cote ra. Arquelao, i que ee ra. José jirandu mose erese que esiquiche cote ra. Oso sereãte que huee cote ra. Dios que ñee ee cuu ra. Nyebe esi nguiã Galilea cote.

²³ Sucha tubiriã mo ngue chi Galilêaa ra. Nazaret, i que hue je ra. José que nyoĩ bei hue, hue jendarã cote ra. Nyebe Dios cheẽ mbesa ji ique nguiã cote. F ngue Dios cheẽ nda: Nazaret jenda ra Jesús, i que Dios cheẽ nda.

3

Juan el Bautista Dios chẽ senei senei

¹ Emo mose que Juan el Bautista Dios cheẽ nenei nenei mbia je cote ra. Dios cheẽ ngue esenei senei nguia mbia je turúquiaa ra.

² —Jendua si jêicuã ndese. Jendua si Dios rese. Dios ra tu mbia rerecuarã tuchi cote, i beite que Juan nguia ñee nda.

³ Sã Isaías embesa nyii no:

Emo ndiqui ñeemombo mombo turúquiaa huee.

“Sã emo ndiqui ñeenda mbuquiche no, eĩ jenyere si chõ nguia jê abe icoquiato nandererecua je”, i equia turúquiaa hue,

i que Isaías embesa ra. Juan nĩ si que embesa ra.

⁴ Quiicuã mbuaera chõ ngue Juan irao ra. Mbae ire chõ ngue enumbicuaa no nda. Tucu mbuae chõ ngue eu quia no nda. Irao quiaa riinda abe.

⁵ Jerusalén jenda que ngaẽ ngaẽ tuchi quia echeẽ andu ra. Judea jenda abe no. Ama Jordán nimia nduinda abe no.

⁶ Mbia huicuã nenei nenei mose Dios je, ùquĩ mose que Juan ndiqui bautizar i ee ra. Ama Jordán ye.

⁷ Fariseos tubiriã abe que ngaẽ ngaẽ tuchi quia Juan nde ra. Saduceos tubiriã abe no. Juan ngue ñee asite ùquĩ je ra. —Mbei rã ño jêingo nguiã ã. Mbae icuã nda tu mbia je nae, ¿ùquĩ nĩ ño jenyu quia uchã serea co re?

⁸ Jê mbae icuã ndecha mose Dios je, mbae turã jêsaã saã mbei quiatu quia ee cote.

⁹ “Abraham ndiirĩ nducucha chõ nandre. Nyebe ra Dios nandemingo bei” ijenyechĩ nda jê! Dios Abraham ndiirĩ nducucha chao arõte raque sita je.

¹⁰ Ira rã si chõ mbia riqui nguãã. Sã ira mo ndiqui ia turã no. Sã emo ndiqui ia eã no. Aque quia ra mbia maña cote. Erei sacuaã. Eĩ serĩ serĩ ño Dios nguãã mbia je co, mbia mbae turã naa eã mose.

¹¹ I je chõ aico nguãã bautizar i mbia je co. Jẽ ndua ndua si mose Dios rese. Co chi emo ndu quia serui co. Ae quia equirãcuã tuchi sesi re. Ae quia eturã tuchi sesi re. Ae quia ra bautizar i mbia je Espiritu Turã je. Mbia chiã mbitirõ sacuaã. Sã tata riqui mbae mbitirõ no.

¹² Ae ra mbia umbae mii icúe. Eturã achõ ño embae re. Ae embae eã nae, ùquĩ nda eséi cote. Ûquĩ ndeisa ra ua eã mbei tata. Sã mbia quiata a chiqui chiqui no. Sã ea mii icúe no. Sã echuruique mombo tátaa no, i que Juan ñee mbia je ra.

Juan bautizar i Jesús je

¹³ Jesús que tu Galilea si cote ra. Tu que Juan ndea Ama Jordán nda. Juan bautizar i sacuaã ee.

¹⁴ Juan ngue teã teã ndei ee ra. —¿Mañi ae ra bautizar i ndeje re? Nde chõ bautizar ere seje ae, i rei que Juan ñee Jesús je ra.

¹⁵ Jesús que ñee ee ra. —Bautizar ere rei seje. Dios cheẽ ndui si mbae nandesã turã ja quia, i que Jesús ee ra. Juan ngue eno i chee ee ra.

¹⁶ Juan ngue bautizar i ee ra. Jesús que usẽ oso ama si cote ra. Ibei que nyiequia ee cote ra. Espiritu Turã ngue nguichi nyurushi rã nda. Nguichi que eu Jesús rese ra.

¹⁷ Ibei jenda que ñee nda. —Seriri ño co re. Sechesequa chõ co re. Seyate erese, i que Dios ñee Jesús je ra.

4

Jesús tambücuã, i raque Satanás

¹ Turúquiaa que Espiritu Turã Jesús rerao ra. “Tã tae Jesús je”, i sacuaã diablo Jesús je.

² Huee que Jesús riqui arete ra. Cuarenta días. Mbae mo ngue eu eã mbei aque mose ra. Eriãcuãte que cote ra.

³ Aque mose tuchi que diablo si ee ra. Embücuã sacuaã. —Nde Dios ririĩ mose, mbichae esaã ña sita je. I nda ereu, i rei que diablo ñee ee ra.

⁴ Jesús que ñee ee ra. —Tei. Sã embesa ji ñee no: “Mbia chiũ achõ nda mbia mingõ eã. Dios cheẽ nguia ra mbia mingõ nguãã”, i que embesa ji ra, i que Jesús ee ra.

⁵ Aquere que diablo ererao Jerusalén nda. Querao que suruchui ibate Dios chuchua arõ nda.

⁶ Ñee ngue Jesús je ibate ereco mose ra. —Nde Dios ririĩ mose, eo oso ibii no. Dios ra ndereaquiato. Sã embesa ji riqui i ñee no: Dios ra ángeles mondo ndereaquiato sacuaã. Oje ra ndeisi. Nembuquichi mingue rae. Sita ra cua iã ndei je,

i que embesa ji ra, i rei que diablo ñee Jesús je ra.

⁷ Jesús que ñee diablo je ra. —Sã embesa ji ñee no: “Ma Dios sereaquiatu. Tã tae ee no’, jenyechĩ nda Dios je”, i ñi Dios cheẽ nde, i que Jesús ñee diablo je ra.

⁸ Aquere que diablo ererao ibi ibate mo nda. Ibate tuchi ererao cote. Diablo que ibi teacuquia ja ee ra. Ishonda abe reacuquia ja ee.

⁹ Diablo que ñee ee ra. —Sembae ja chõ ibi re. Ibi turã ja. Ndeico mose serese, tamondo ja ndeje. Serimbarã mose nde, tamondo ja ndeje, i rei que diablo ñee Jesús je ra.

¹⁰ Jesús que ñee ee ra. —Quiatúae sesi ae, Satanás. ¿Mañi nda se nderimbarã nde? “Dios ae rese chõ jeingo”, i que embesa ji ñee ndesẽ, i que Jesús ee ra.

¹¹ Diablo que oso erecha cote ra. Angeles que ngaẽ Jesús reaquiato cote ra.

Jesús mbia mbaaquiato quiato ramo

¹²⁻¹³ Aque mose que mbia rerecua Juan tarõ cárcel nda. Jesús jirandu mose etarõ ndese que esi Galilea cote ra. Nazaret, i que sucha tubiriã je ra. Aquere que esi siri Capernaum cote ra. Ama ndisha ji. Zabulón abe ji. Neftalí abe ji. Huee que Jesús si siri ra.

¹⁴ Isaías chimbesea Dios cheẽ ngue ique cote ra. Jesús siqui mose huee. Eĩ ngue Isaías embesa cose ra:

¹⁵⁻¹⁶ Mbia hue jenda ja que siqui itondáruu nyii ra.

Zabulón jenda. Neftalí jenda.

Ama ndisha ji jenda.

Ama Jordán ndobeinda.

Ae judíos eã Galilea jenda nae, ùquĩ abe no.

Ûquĩ mbia que siqui ja rei itondáruu nyii ra.

Nyaashĩ ngue tu ee cote ra,

i que Isaías embesa ra.

¹⁷ Aque mose bei chõ ngue Jesús riqui ñee mbia je cote ra. —Jendua si Dios rese. Mbia rerecuarã tuchi ra Dios namo jiri, i que Jesús quia ñee mbei mbia je cote ra.

Jẽingo serui, i Jesús uchimbaaquiaturã je

¹⁸ Emo mose que Jesús si quia ama nimia ndui ra. Ama Ndisha Galilea. Huee que mae Simón Pedro rese ra. Enongue rese abe que mae nda. Andrés, i equia ee. I que eu sira mbuasa mondo mondo ii ra. Sira resenda bei rei ùquĩ.

¹⁹ Jesús que ñee ee ra. —¡Serui bei chõ jẽingo jẽ! Taembaaquiato quiato. Mbia teendu endu bei quia seje cote, i que Jesús ee ra.

²⁰ Nyoi ja que erui ra. Sira mbuasa si que echoi hui ra.

²¹ Pe jiri que mae Jacobo rese ra. Enongue rese abe. Juan, i equia ee. Erui abe que siqui erese ra. Zebedeo, i equia ee. Huee que echĩ

ja canoa ye sira mbuasa mbitirō tirō nda. — Jëingo serui, i que Jesús Jacobo je ra. Juan je abe.

²² Jesús cheë nduibe tuchi que echoi erui ra. Canoa ndecha. Ngu abe recha.

Jesús mbia tubiriã mbaaquiato

²³ Jesús que ngata tuchi quia Galilea rĩ nda. Mbia que embaaquiato quiato quia mbia chumunua nuásaa ra. Dios cheë turã ngue esenei senei nguia ee ra. Mbia rasi chumumbara que embucherō cherō nguia ra.

²⁴ Mbia Siri a jenda que jirandu tuchite chee erese ra. Nyebe eriqui nguia erasi rurucuaë cuaë jate ee. Erasi chumumbara. Mbia aba checuayã nyireco abe no. Mbia quiachã quiachã je abe no. Mbia umi sayã je abe no. Jesús que embucherō cherō ja quia ra.

²⁵ Mbia tubiriã tuchi que siqui Jesús rui cote ra. Galilea jenda. Decápolis jenda abe no. Jerusalén jenda abe no. Judea jenda abe no. Ama Jordán ndobeinda abe no. Uquĩ jenda siqui ja Jesús rui.

5

Jesús mbia mbaaquiato quiato ibi ibate

¹ Mbia tubiriã ngu e chi Jesús rese ra. Nyebe Jesús nyui nguia ibi ibate mo ndese ra. Ngoi que huee ra. Echimbaaquiato que esichã ngaë nda.

² Jesús que embaaquiato quiato ra.

Ae eyate riqui

³ Eĩ ngue ñee ee ra:

—Ae siqui mingue quia nae, eya chō ũquĩ nde. ũquĩ nda siqui Dios rese.

⁴ Ae nyeseo quia nae, eya chō ũquĩ nde. Dios ra embia tuchi.

⁵ Ae eseteãte riqui nae, eya chō ũquĩ nde. Ibi ja ra embae cote.

⁶ Ae siqui turã sete quia nae, eya chō ũquĩ nde. Dios ra embucuata turã nguia.

⁷ Ae eya eãte riqui mbia rese nae, eya chō ũquĩ nde. Dios ia eãte ra ũquĩ ndese.

⁸ Ae echiã turãte riqui nae, eya chō ũquĩ nde. ũquĩ nda mae Dios rese.

⁹ Ae mbia mingue turã nguia nyiese nae, eya chō ũquĩ nde. “Seriiĩ” i ra Dios ũquĩ je.

¹⁰ Mbia icuã icuã mose jëturã je, jëya tuchi rae. Jenderecua tuchi chō Dios riqui nguia co.

¹¹ Mbia ñee icuã mose jëje seriĩ, jëya tuchi rae. Mbia icuã icuã mose jëje seriĩ. Mbia ñee ñooño mose jeniĩ, jëya tuchi rae.

¹² Jeñimbã chō nguia ũquĩ mose. Dios quia ra mbae turã tuchi mondo jëje ibate. Mbia icuã icuande jëje nyii. Eĩ ngue mbia icuã icuã nguia Dios rimba je nyii no nda.

Tata rendi rã ndei Dios quiato

¹³ Embiquesa rã ño jëingo nguia mbia je ã. Sã embiquesa turãte no. Eise quiachamba mose, eicuã tuchi ra cote. Mbia ra emombo chō cote. Mbia ra irō ño erese.

¹⁴ Tata rã ño jëingo nguia mbia Dios quia-toã je ã. Mbia sucha cuasu raã mose ibi ibátee, mbia ra mae ja erese.

¹⁵ Sã nandeico lámpara mendi no. Sã nandeico emii eã mbaequi re no. Erendi checua chō nda nandemii nguia. Mbia resae ja sacua.

¹⁶ Eĩ jenye si chō nguia tata turã na. Mbae resae turã mbia je. Eĩ jenye mose ra mbia mae jëturã ndese. Ñee turã nda jendu ibatenda je cote.

Jesús mbia mbaaquiato quiato Moisés chimbese rã

¹⁷ Dios cheë ique ja sacua ño achu nguia co. Moisés cheë mbutiã sacua eã ño ngue achu nguia. Dios cheë mbuchecuaa cheë mbutiã sacua eã ño ngue achu nguia.

¹⁸ Tacheë nyecua jëje. Moisés cheë nda ique ja. Ibei ra ua. Ibi abe ra ua no. Moisés cheë nguia ra ua eã mbei. Ique ja chee rae.

¹⁹ Dios cheë tubiriãte raque mbia je, mbia echeë mumbayã sacua. Emo echeë mii mumba mose, Dios biãte ra ũquĩ, Dios siqui mose ererecuarã tuchi cote. “Dios cheë mii emumba”, i mose emo, Dios biãte ũquĩ. Ae echeë mumbayãte quia nae, Diosbi tuchi chō ũquĩ nde. Ae ñee nguia mbia je nae, “Dios cheë jemumbayã ja” i quia mbia je nae, Diosbi tuchi chō ũquĩ nde.

²⁰ Tacheë nyecua jëje. Fariseos uturã saã saã tuchi raque. Embesasa abe uturã saã saã tuchi raque. jë nguia jëingo turã tuchi ũquĩ si jë! Jë jëingo turã eã mose ũquĩ si, jëingo eã nda Dios rese, Dios siqui mose mbia rerecuarã.

Paama jenyechĩ nda emo je, i Jesús

²¹ Amei ñee ngue jeñandu rei ra. “Mbia mo nda ereiquiachĩ. Nde mbia mo iquia mose, nde abe ra mbia ndeiquia arõte”, i rei que amei nda.

²² Se quia tacheë nyecua jëje. Jë paama i chooño mose jenongue je, mbia ra jëiquia arõte. “Ndeaquiatuã nde” jenye mose jenongue je, mbia ra jëiquia arõte. “Ndearacuayã nde” jenye mose jenongue je, jëso arõte ra tata cuasu.

²³⁻²⁴ Nembae ofrenda rerao mose Dios je, endua rã nyii, emondo nonde ee. Nde-nongue mo paama i mose ndeje, ofrenda esecha rã oso ñee ndenongue je. Jeñimbuturã na nguia nyii. Aquere quiato eso nyebi ofrenda mee Dios je cote.

²⁵ Emo mbia rerecu mbuqueta queta mose nderiĩ, ndeturã ño ee. Echeë turã ño ee. Jë ae chō jeñimbuturã jenyue. I nda ndererao icuã eã. Ndererao mose ra ndetarō mbei cárcel.

²⁶ Huee ra ereico bei. Nembae mondo ja tuchi chee ee.

Emo mae mose cuña mo osei osei, adulterio i ũquí je

²⁷ Amei ñee ngue jeñandu rei ra. “Emo ninisi rese ra jëingochi”, i rei que ra.

²⁸ Se quia tacheê nyecua jêje. Emo mae icuã mose cuña mo ndese, “aque rese nda aico raã ña” i mose, ũquí abe eicuâte. Siqui raanguia erese chõ ũquí nde.

²⁹ Nderesa mae mose mbae icuã ndese, echoo mombo. Nderesa nemingo serí mose mbae icuã nde se, echoo mombo. Coche nderesa mií eremombo nguia. I nda nderete osoã tata cuásuu.

³⁰ Ndeo nemingo mose mbae icuã ndese, echisia mombo. Coche ndeo mombo nguia. Ndequiato cutinda raque. I nda nderete osoã tata cuásuu.

Jeninisi ra jemombochĩ jê, i Jesús

³¹ Amei ñee ngue jeñandu rei ra. “Emo ngüinisi mombosa mose, sã emombo chõ. Papel mbesa ji emondo ee”, i rei que amei nda.

³² Se quia tacheê nyecua jêje. iJeninisi ra jemombochĩ jê! Jeninisi siqui mose emo ndese, ũquí mose mií ño jeninisi jemombo arõte raque. Jê emombo choõno mose, jëingo jeninisi mingo adulterio rese ũquí. Ae emombo ji quereco cote nae, ũquí abe eicuâte no. Adulterio, i chõ ũquí je re.

Jurar jenyê jirichĩ nda jê

³³ Amei ñee ngue jeñandu rei ra. “Jurar jenyê mose Dios je, jeñee nda jem-buchebichĩ ee”, i rei que amei nda.

³⁴ Se quia tacheê nyecua jêje. iJurar jenyê eã mbei tuchi jê! Ibei riã abe jurar jenyê eã jê. Dios recua chõ ibei re.

³⁵ Ibi riã abe jurar jenyê eã jê. Dios ironguia chõ ibi re. Jerusalén nií abe jurar jenyê eã jê. Dios mbae tuchi chõ Jerusalén nde.

³⁶ Jeãquí nií abe jurar jenyê eã jê. Jêa mií mo jembushĩ aroneate. Co mií jemondei aroneate no.

³⁷ iJurar jenyê eã jê! “Ae” jenyê chõ. “Tei” jenyê chõ. ũquí mií ño jeñee. Jurar jenyê mose, eicuâte ũquí.

Emo icuã mose jêje, jêturã ño ee

³⁸ Amei ñee ngue jeñandu rei ra. “Emo nderesa mungue mose, nde abe aque resa emungue. Emo nderei siquio mose, nde abe ereí esiquio”, i rei que amei nda.

³⁹ Se quia tacheê nyecua jêje. Mbae icuã nda jêsaãchĩ mbia icuã je. Emo ucua mose nderitii rese, nderitii ribisho abe eteacuquia ee.

⁴⁰ Emo demandar i mose ndeje, “nembae camisa emondo seje” i mose, emondo chõ ee. Ndeirao nongue abe emondo ee.

⁴¹ “Sembae mbae usi erao jiri seje”, i mose emo ndeje, peebe jiri erao ee.

⁴² Emo ache ache i mose ndeje, emondo ee. “Mbae mo prestar ere seje” i mose emo, emondo ee.

⁴³ Amei ñee ngue jeñandu rei ra. “Ae eturãte riqui ndeje nae, echesequa erese. Ae ndeucuãyã nguia nae, nde abe eucuãyã” i rei que amei nda.

⁴⁴ Se quia tacheê nyecua jêje. Echesequa chõ ndeucuãyãsa rese. Mbae turã esaã ño nguia ee. Ae ñee icuã nguia nderi nae, echeê turã ño nguia nde ee. Ae eicuâte riqui ndeje nae, ũquí nií eico ñee turã Dios je.

⁴⁵ Eí jenyê mose ra Ibatenda ririĩ turã tuchi jê. Dios quiarei eturã mbia ja je. Mbia turã je. Mbia icuã je abe no. Dios quiarei tenda mbusê turã mbei mbia turã je. Eicuã je abe no. Dios quiarei ama mbuchaaqui turã mbei mbia turã je. Eicuã je abe.

⁴⁶ Ae eturãte riqui mbia jêje nae, ũquí achõ je jêturã mose, eicuâte ũquí. Mbia icuã abe mbae turã saate uquiato achõ je. Eí jenyechĩ nda jê.

⁴⁷ Jêquiato achõ je jeñee turã mose, aba biãte ũquí. Eí ño Dios quiatoã abe nguia ñee turã uquiato je.

⁴⁸ Jê nguia jëingo turã mbei mbia ja je. Sã jendu Ibatenda turã mbei riqui no.

6

Mbae turã jêsaã nyecuayã ño nguia

¹ “Sã mbia mae ja sechiao turã ndese”, jenyechĩ nda mbae turã naa mose. Mbia rêsaa achõ nda mbae turã jêsaã saãchĩ jê. ũquí jêsaã saã mose ra jendu Ibatenda mbae turã mee eã jêje.

² Jëingo mose mbae mee mee mbaecha reã je, jemondo checuayã ño nguia ee. Mbia mbiirandu randu eã. Ae uturã saã saã nguia nae, ũquí na nda jëingochĩ. Dios ra mbae turã mee eã ũquí je. “Sã mbia mae ja sechiao turã ndese”, jenyechĩ nda jê.

³ Mbae turã jêsaã mose, jêsaã mingue chõ.

⁴ Mbae turã jêsaã nyecuayã ño. Jëingo mose mbae turã naa naa nyecuayã, Dios ae ra mae jêturã ndese. Ae quia ra mbae turã mee nyecua jêje cote.

Eí jenyê chõ ñee Dios je, i Jesús

⁵ Jeñee mose Dios je, jeñee mingue chõ nguia ee. Uturã naa naasa rã nda jëingochĩ. ũquí ndiqui nyoĩ choĩ mbiásaa ñee sacuã Dios je ũquí. “Sã mbia mae ja serese secheê mose Dios je”, i equia ũquí. Mbia riqui mae jate raque erese. Dios quia ra mbae turã mee eã ee.

⁶ Nde ñeese mose Dios je, nde ae chõ echeê nguia ee ndechuchúaa. “Sa mbia mae ja serese”, erechĩ nda jê. Nde a e chõ echeê nguia ee. Dios ae ra siqui nderese. Dios ae

mbae icua ja nguiã. Ae quia ra mbae turã mee ndeje cote.

⁷ Nde ñee mose Dios je, hue rĩ beite ra ereicochĩ ñee ee. Eĩ ño Dios icuasa reã nguiã ñee ndaque Dios je. “Hue rĩ urecheẽ mbei mose ra Dios ureandu”, i rei nguiã.

⁸ Ūquĩ na nda jẽngochĩ. Ae mbae ãte riqui jẽje nae, ūquĩ Dios icuate quia co. Jeñee nonde ee. “Mbae embu ure je”, jẽ i nonde ee.

⁹ Eĩ jenyete chõ nguia ñee Dios je: Paba Ibatenda, sã mbia ñee turã mbei quia nderiĩ.

¹⁰ Mbã rere cuarã ja sacuaẽ echu jei ibii. Sã mbia ibatenda riqui siqui beite ndebi rese no.

Sã mbia ibi jenda abe riqui ndebi rese.

¹¹ Ae ra ureu namo, ūquĩ embu rã urechiurã.

¹² Ae ursaã icuã icuã ndeje nae, ūquĩ embutiã ná uresi. Sã ureico tesarei mbia icuã icuã mose ure je no.

¹³ “Mbae icuã jẽsaã” jichĩ nda emo ure je jẽ! Urereaquiato bei quia mbae icuã si.

Nde mii ño mbã rerecuarã nde.

Nde mii ño ndequirãcuã nde.

Nde mii je mbã ñee turã sacuaẽ mbei. Amén. Eĩ jenyete chõ ñee Dios je.

¹⁴ Mbã icuã icuã mose jẽje, jẽtesarei chõ esi. Eĩ jenyete mose ra Dios Ibatenda abe jeicuã mbutiã jẽsi.

¹⁵ Jẽtesarei eã mose mbia icuã si, Dios abe ra jẽicuã mbutiã eã jẽsi.

“Sã mbia mae ja serese” jenyechĩ nda hui mose jenyiu si

¹⁶ Jenyiu si jẽhui mose Dios je, “sã mbia mae jate seyayã ndese”, jenyechĩ nda ñee. Jendesa ia eã techĩ nda aque mose jẽ. Eĩ ño uturã naa naasa nguiã. Mbã nda mae ja rei nguiã erese. Dios quia ra mbae turã mee eã ee.

¹⁷ Ndehui mose ndechiu si Dios je, ndeya chõ eico.

¹⁸ Sã mbia jiranuã nderiãcuã ndese. Sã Dios ae jirandu nderiãcuã ndese. Dios quia mbae icua jate nguiã. Ae quia ra mbae mee ndeje cote.

Jembaerã ibatenda rese quia jẽingo ndua ndua

¹⁹ “Mbae turã tamunua nu a sembaerã aa ibii”, jenyechĩ nda jẽ. Chicuaquiareĩ nda eu arõte. Emo embuquiachã arõte jẽsi. Eichoi arõ ndete no.

²⁰ Ibate quia mbae jemunua nua jembaerã. Ibate quia ra chicuaquiareĩ nda eã. Ibate quia ra jembaerã ichoi eã mbei. Ibate quia ra emo embuquiachã eã jẽsi.

²¹ Jembaerã chĩ mose ibate, Dios rese ra jẽingo ndua turã. Jembaerã chĩ mose ibii, ibi jenda mii ndese ra jẽingo ndua.

²² Nanderesa quiarei mbae resae nanderete je. Nanderesa turã mose, nanderete abe ra oso turã.

²³ Nanderesa icuã mose, nanderete abe ra oso icuã icuã no. Tat a rendi rã jẽingo bei. Ūquĩ mose ra jẽingo jiri jiriã itondãruu.

Mbae isiquia Dios quiato eã

²⁴ Erimba mii mo siqui aronea ererecua nyeremo ndese. Ererecua nyeremo mose, huee ra erimba ererecua nongue ucuaayã. Ererecua nongue ra ebite. Eĩ si chõ mbã re. Ae ndua beite quia mbae isiquia rese nae, ūquĩ siqui aroneate Dios rui. Ae siqui beite quia Dios rese nae, ūquĩ nguiareĩ ndua eã jiri mbae isiquia rese.

Dios uquiato teaquiato bei

²⁵ “¿Mbae ra nandeu re?” jenyechĩ nda quicoi coi jẽ. “¿Ma tiru ra nandemingue re?” jenyechĩ nda quicoi coi no jẽ. Mbã chiu ae ra mbã mingo eã. Mbã irao abe ra mbã mingo eã no.

²⁶ Sã nguireĩ no. Mbae tiquiayã ndaque. Mbae ishao eã ndaque no. Mbae ruacuã eãte raque embae no. Dios ae quiarei embuquiaru quiaru bei. Jẽ nguiareĩ Dios queteamba tuchi nguireĩ si. Dios ae jembuquiaru nguiã jẽ no.

²⁷ Mbi a ae ra tiarõ eã. “Se ra atiarombe”, i raque ndua ndua uchiangui re. Dios ae mbã mbutiarõ nguiã.

²⁸ “¿Ma tiru ra nandemingue re?” jenyechĩ nda pare pare i jẽ. Sã mbae uti no. Sã mbae uti turãte riqui no. Mbae ao ao eã ndaque. Ninyu mburirã ndirã eã ndaque.

²⁹ Dios ae chõ mbae uti mbuturã nguiã. Mbae uti quiarei eturã jiri Salomón si. Salomón turãte raque.

³⁰ Sã Dios quiata mbuturã no. Quiata mano jeite raque. ¿Mañi nda Dios jembiirao eã jẽ nde no? ¿Mbaerã jẽingo Dios icuayãte re?

³¹ “¿Mbae ra nandeu re?” jenyechĩ nda pare pare i jẽ. “¿Mbae ra nandembei re?” jenyechĩ nda pare pare i jẽ. “¿Ma tiru ra nandemingue re?” jenyechĩ nda eno jẽ.

³² Eĩ ño Dios quiatoã nguiã. Jẽ nguia jendu Ibatenda tesareia mbeite nguiã jẽsi.

³³ Jẽ nguia jẽingo tuchi Dios rese jenderecuarã. Sã Dios turãte no. Ūquĩ na ño jẽingo. Ūquĩ mose ra Dios mbae mee mee mbei jẽje. Jenyiurã. Jeñimbeirã abe no. Jẽiraorã abe no.

³⁴ “Mbae tiã ñochĩ nda seje isamami nde”, jenyechĩ nda pare pare i jẽ. Isamaminda rese ra jendua nduachĩ namo jẽ. Namonda mii ndese jendua namo no. Isamami nguiatu jendua isamaminda rese.

7

Nanderesa mbae resae nanderete je

“Eicuãte que co ra”, jenyechĩ nda emo nii

1 “Co que eicuâte ra”, jenyechĩ nda emo nĩĩ. “Jëicuâte” iã nda Dios jêje chã.

2 Mbia icuã mose, jeñeechĩ nda ee. Jêturã mose ee, Dios abe ra eturã jêje. Mbae jemee mee turã mbia je. Dios abe quia ra mbae mee tuchi jêje cote. Jê embisê mee mose emo je, Dios abe ra embisê mee jêje no.

3 ¿Mbaerã jëingo “eicuã” i emo je re? Jê jëicuã tuchi mose esi. “Mbae ñetê ndiqui nderésaa aque”, jenyechĩ nda emo je, jê mbae cuasu rerequia mose jendésaa jê nguatiu.

4-5 “Mbae turã ndese chõ jëingo”, jenyechĩ nda jê jëicuã mose jê. “Mbae ñetê tasirõ nderesa si”, jenyechĩ nda mbae cuasu siqui mose jendésaa jê. Jê nguia jêturã jêsaã saã ñote nguia aque. Jê nane nguia jêturã ndiqui. Aquere quia jeñee emo mingõ turã cote.

6 Sã mbia mo ndiqui perro rã si no. Teasu socoi quia rã abe no. Ūquĩ nguiaresi mbia icuã mbei Dios cheê andure. Dios cheê isi teã teã. Dios cheê jësenei eã ūquĩ je cote. Emo je quia jësenei cote.

Jeñee mose Dios je, mbae ra emondo jêje

7 Jeñee mbei mose Dios je, mbae ra emondo jêje. Jê mbae mo ndequia mose, jêtea rae. Jê eiquesa mbuu mbuu mose, ūquĩ mose ra embuquiata jêje no.

8 Ae ñee mbeite quia Dios je nae, mbae ra Dios mondo ee. Ae mbae mo sequia beite quia nae, tea rae. Ae eiquesa mbuu mbuu quia no nae, equia ra ee no.

9 Jendiĩrĩ “mbichae embu seje” i mose, ¿sita ra eru mee ee re?

10 Jendiĩrĩ “sira embu seje” i mose, ¿mbia ra eru mondo ee re?

11 Mbia icuã nyee mbae turã mondo mondo quia nguĩrĩ je ã. Jendu Ibatenda quia ra mbae turã tuchi mee jêje, jeñee mose ee.

12 Sã jëyate riqui mbia siqui turã mose jêje no. Eĩ jenyee si chõ nguia siqui turã mbia je no. Moisés chimbese tuchi chõ ūquĩ nde. Dios quiato cose ndare chimbese ja chõ ūquĩ nde.

Eiquesa chumumbi

13 Eiquesa chumumbi rĩ ño jëso ique jê. Aque ñeenda oso quia tata cuasu nae, eicoi chõ aque re. Ae eiquesa ngasê nguia tat a cuasu nae, eicoi chõ aque no nde. Hue rĩ mbia tubiriã ndiqui nguia ūquĩ.

14 Ñeenda nongue rui quiatu ngasê nguia Dios je. Aque ñeenda quiarei echumumbi. Echumumbi chõ aque ñeenda iquesa re. Mbia mii mii ño siqui nguia aque ñeenda rui. Ūquĩ nguia ra Dios mingõ bei.

15 Ae Dios cheê senei ñooño nguia nae, aba mbiriĩ irisa chõ ūquĩ nde. Ūquĩ ndei Dios quiato raã ñooño. Mbia mbiriĩ irisa Dios rĩ.

16 Sã ira ae e a ae ae no. Uva a rã eã nda nyu a ia no. Ea ae eno nde. Higo a rã eã nda isio rashĩ a no. Ea ae eno nde.

17 Eĩ si chõ mbia no nde. Mbia turã nda siqui mbae turã ndese. Mbia icuã nda siqui mbae icuã ndese no.

18 Ira turã mose, ea abe ra eturã. Nyiabi aronea. Ira icuã mose, ea abe r a eicuã no. Eĩ rã si ra ea.

19 Ira mo ia turã eã mose, nyisia rae. Mendi rae.

20 Dios cheê nenei neneisa chõ jëicua rã. Dios cheê ndui si eriqui turã mose, Dios quiato chõ ūquĩ nde. Dios cheê ndui eã mose, Dios quiato eã ño ūquĩ no nde.

Mbia ra ique ja eã

21 “Sererecua” i rei mbia tubiriã nguia seje ã. Ūquĩ nguia nda ique ja eã nguia serëcuaa. Ae siqui Seru Ibatenda cheê ndui nae, ūquĩ mii ño nda ique serëcuaa.

22 Aque mose ra mbia ñee tuchi seje. “Jesús, ndecheê ngue urembuchecua checua tuchi quia mbia je resê. Aba checuayã ngue urejea jea tuchi quia mbia si nderĩ ndesê. Mbia mae sayã ngue uresaã saã tuchi quia nderĩ ndesê”, i tuch i rei ra mbia seje.

23 Ūquĩ je ra acheê. “Co aico jëicuayã mbeite cos resê. Jëso serecha. Mbae icuã aosa chõ jê nde”, ae ra ee.

Tuchua nyeremo

24 Ae siqui serese, ae secheê mumbayã nguia nae, ūquĩ nguiaresi eturã tuchi. Tuchua ãtã aosa rã ño ūquĩ nde. Sã eaquiato mo tuchua ao sita turã arõ no.

25 Ama nyaaqui mose, amandi cuasu raque. Quiririã abe ichu ichu raque tuchu a je. Tuchua mbuquiata aroneate. Sita turã arõ nguia ngue uchuchu a ao nguia. Eĩ si chõ secheê mumbasa rë a nde. Tuchu a ãtã aosa rã si.

26 Ae secheê mumba quia eandu mose nae, eaquiatuã na ño ūquĩ nde. Sã eaquiatuã mo uchuchuarã ao no. Aque quiarei ibi ribicoi tuchiã. Sita quiishĩ arõchi chõ uchucha ao nguia.

27 Ama nyaaqui mose, amandi cuasu ee cote. Quiririã abe ichu ichu tuchua je. Aque quiarei iãcuã mbucoi asi mondo. Eĩ si chõ secheê mumbasa re, i que Jesús ra.

28 Jesús que hui uchê si cote ra. Mbia que nyuruira tuchi echeê andu ra.

29 Ererecua rã ño ngue eriqui nguia mbia mbaaquiato quiato.

8

Jesús mbia leproso mbucherõ

Sã ira ae ia ae ae no

¹ Jesús que nguichi ibi ibate si cote ra. Mbia cuabête que siqui erui ra.

² Emo ndasi que tu ee ra. Leproso, i que aque erasi je ra. Tu que ngoi ngüiã ndese ñee Jesús je ra. —Sererecua, nde sembucherôse mose, sembucherô se, i que ñee Jesús je ra.

³ Jesús que oco erese cote ra. —Echerô cote, i que ee ra. Echeë mosebe que nyerô nda.

⁴ Jesús que ñee ee ra. —¡Erecheëchĩ nda mbia mo je jê! Eso nderasiã ndeacuquia sacerdote je cote. Moisés cheë ndui si chõ mbae mo emondo Dios je. Eĩ nda mbi a jirandu nderasiã ndese cote, i que Jesús ñee ee ra.

Jesús soldado rerecua rimba mbucherô

⁵ Jesús que oso sucha tubiriã Capernaum cote ra. Soldado rerecu a mo ngue tu ñee ee ra. Capitán ngue ae ra.

⁶ —Sererecua, serimba rasite riqui sechuchua huee. Erasi tuchi. Umi umi sayã tuchi, i que capitán ñee Jesús je ra.

⁷ —Taso embucherô, i que Jesús echeë mose ra.

⁸ Capitán ngue ñee Jesús je ra. —Seicuãte aico co, Jesús. Sechuchua ra ereiquechĩ. Echeëño. Ndecheë achõ ño emondo serimba mbucherô sacuaã.

⁹ Se abe sererecua riqui co. Echeë amumba aroneate quia co. Se abe soldados rerecua aico ngüiã co no. Secheë abe emumbayãte quia co no. Eso, i mose, secheë mumbayãte no. Echu, i mose, secheë mumbayãte no. Se neë mose serimba je, secheë mumbayãte no. Ndequirãcuã na eãte raque se, i que capitán ñee Jesús je ra.

¹⁰ Echeë andu mose que Jesús nyuruirate ra. Ñee ngue nguesenda je ra. —Tacheë nyecua jêje. Capitán ndiqui seicua tuchite co. Seicua tuchite equia judíos mo si co.

¹¹ Tacheë nyecua jêje. Ae judíos eã emo jenda ja nae, ñqui tubiriã nda siqui Dios rese. Dios siqui mose mbi a rerecuarã. Ñqui tubiriãte ra quiaru turã Abraham ndese. Isaac rese. Jacob rese no. Judíos eã ndaque ñqui.

¹² Dios quia ra judíos mombo itaicuee. Itondáruu. Huee ra nyeseo tuchi cote. Erasi te ra huee cote, i que Jesús ñee judíos rĩi nda.

¹³ Jesús que ñee capitán je cote ra. —Eso chõ ndechuchúaa cote. Ereico seicuate co. Nyebe ndecheë amumba eã ngüiã nderimba mbucherô, i que Jesús ee ra. Jesús cheë mosebe que erimba nyerô nda.

Jesús Pedro ninisi si mbucherô

¹⁴ Jesús que oso Pedro chuchua cote ra. I que Pedro chari rasi u nyaara ee ra. Eracu tuchi que ra.

¹⁵ Jesús que oco ari o rese ra. Eracu que ti i cote ra. Ari que juã cote ra. Mbae que echao chao quia mbia chiurã cote ra.

Jesús mbia rasi chumumbara mbucherô

¹⁶ Itondaru ramo mose que mbia erasi rurucuaë cuaë tuchi Jesús je ra. Ae aba checuayã quereco qui a nae, ñqui ndurucuaë tuchi Jesús je. Aba checuayã ngue usë usë nguia mbia si Jesús cheë mose ra. Erasi chumumbara que embucherô cherô tuchi quia ra.

¹⁷ Ñqui mose que Isaías cheë io cote ra. Eĩ ño ngue Isaías embesa cose ra: “Dios rucucha que nandeicuã sirô nandesĩ ra. Dios rucucha que nanderasi sirô nandesĩ no nda”, i que Isaías embesa ra. Ñqui ngue io cote ra.

Jesús rui taico, i raque emo

¹⁸ Mbia cuabête que Jesús mamate ra. Nyebe Jesús ñee ngüiã uchimbaaquiatu je. —Nyao rá mbei, i rei que ee ra.

¹⁹ Aque mosete que embesasa mo ñee ee ra. —Taico bei nderese. Ndeso mose manguiti, se abe ra aso bei quia nderese, i rei que ñee Jesús je ra.

²⁰ Jesús que ñee ee ra. —¿Mbae rasi ra eresaã saã serese re? Eoita quia ecua jiri re. Nguireĩ nguia equisa jiri no nde. Se quia sequisayã mbei re, i que Jesús ee ra.

²¹ Echimbaaquiatu mo ngue ñee ee ra. —Sererecua, sã paba mano na. Aquere quia ra aico bei nderui cote, i rei que Jesús je ra.

²² Jesús que ñee ee ra. —Sã mbia ataque chõ nderu chati. Eico chõ serui nde, i que Jesús ñee ee ra.

Jesús quiririã icuã icuã mbutiba; ama ndebera abe

²³ Jesús que ua canoa ye cote ra. Uchimbaaquiatu rese.

²⁴ Ama ndiit e re mose que quiririã icuã icuã ndu ee ra. I rebera que ique ique tuchi quia canoa ye ra. Jesús que uque oso quia canoa ye ra.

²⁵ Nyebe echimbaaquiatu Jesús mumba ngüiã. —Urembaaquiatusa, echumumba. Ureraaro nã. Nandemanochĩ nda re, i que ñee Jesús je ra.

²⁶ Jesús que ñee uchimbaaquiatu u je ra. —¿Mbaerã jësiquichete riqui re? ¿Seicuayãte equia ã nde? i que Jesús ñee ee ra. Nyuruã ngue ñee asite quiririã je cote ra. Ama je abe no. Quiririã ngue ti i echeë mose cote ra. Ama abe.

²⁷ Echimbaaquiatu que nyuruira tuchi mae Jesús quirãcuã ndese ra. —Quiririã echeë mumbayã ñochĩ. Ama abe echeë mumbayã ñochĩ, i que ñee ñee nyue cote ra.

Jesús aba checuayã icuã jea

²⁸ Jesús que ngasē ama ndobei cote ra. Gadara, i que hue ibi je ra. Amei mo nyeremo ngue ngaē ngasē Jesús je ra. Mbia raaque tãsa si chõ ngue ecuaē ngasē Jesús je ra. Aba checuayã icuã ño ngue siqui tuchi nguiã ũqui ñiangui re ra. Aba checuayã ño ũqui mbicuã tuchi nguiã. Nyebe mbia mo hue rurubiã mbei nguiã.

²⁹ Ũqui ngue ñee asite cuaē Jesús je ra. —¿Mañi ere ra equia ure je re, Jesús? Dios rucucha chõ nde re. ¿Urembasi jei sacua ño erechu aa re? i que ñee tuchi Jesús je ra.

³⁰ Chiasu socoi tubiriã ngue chi quiaru huee rurubi ra.

³¹ Nyebe aba checuayã icuã ñee jate nguiã Jesús je. —Nde urejea mose mbia si, chiasu chiangui re ureso rã, i que aba checuayã ñee Jesús je ra.

³² —Eno, i que Jesús ee ra. Nyebe aba checuayã usē ja nguiã amei ñia si cote. Chiasu chiangui re que echoi ja ra. Chiasu que uchã ja choi nyiichere ama nimia mbucu rĩ nda. Ama ndisha ye que echoi ja mano nda.

³³ Chiasu raarõsa mundite que ra. Mae mose erese. Nyoí que mbia mbuirandu jate chiasu rese ra. —Jesús que amei mbucherõ nda. Aba checuayã ngue ejea esi ra, i que maesa erese ñee mbia ataque je ra.

³⁴ Nyebe hue jenda nyoí ja nguiã ñee Jesús je. —Eso rã urerecha urereca si, i jate que hue such a jenda ñee Jesús je ra.

9

Jesús emi sayã mo mbucherõ

¹ Jesús que ua canoa ye cote ra. Nyoí que sobei ra. Ngasē ngue uchuchuaa cote ra.

² Mbia que erasi mo curucuaē quisa ye ee ra. Emi sayãte que ae ra. —Erurucuaēsa riqui seicua ũqui, i que Jesús ñee uchiangui re ra. Nyebe ñee nguiã emi sayã je. —Echimbã chõ, Echo. Ndechisaã mbae icuã ambutiã nguiã ndesi a, i que Jesús ñee umi sayã je ra.

³ Embesasa que ñee nyue ra. —Jesús riqui Dios ibatenda raã naa ñochĩ co, i que ñee nyue ra.

⁴ Jesús que ũqui ndua ndua icuate quia ra. Nyebe ñee nguiã ee cote. —¿Mbaerã jéingo ndua ndua icuã nde?

⁵ ¿Ma mbaranguiatua ē jiri jēje re? ¿Mbia icuã mbutiã esi ere? ¿Mbia rasi mbucherõ ere no? ¿Ma mbaranguiatua ē jiri jēje re?

⁶ Dios rucucha rei se. Mbia chiao icuã mbutiã aqiuatu chõ se re. Sequirãcuã tateacuquia jēje, i que Jesús ñee ee ra. Ñee ngue erasi je cote ra. —Ehuã na. Ndechuchua eso cote. Ndequisa abe erao, i que Jesús emi sayã je ra.

⁷ Emi sayã ngue juã asi oso ra.

⁸ Mbia que nyuruira ja u mae emi sayã ngata rese ra. Mbia que ñee turã ja Dios quirãcuã nĩ cot e ra.

—Serui bei eico, i Jesús Mateo je

⁹ Mateo, i que emo je ra. Ae que impuestos isi isi bei quia mbia rerecua mbaerã nda. Jesús que ngasē ee cote ra. Ngoi que huí plata isi isi impuestorã nda. —Serui bei eico, i que Jesús ñee ee ra. Ae Mateo juã oso nguiã erui.

¹⁰ Emo mose que Jesús nyoí quiaru erese ra. Impuestos isi isiquia ata que chi quiaru erese huee ra. Echimbãquiatu abe rese. Mbia icuã mo abe que chi quiaru erese no nda.

¹¹ Fariseos que ñee icuãte Jesús chimbaaquiatu je ra. —¿Mbaerã Jesús riqui quiaru mbia icuãte rese re? i que ñee nda.

¹² Nyebe Jesús ñee nguiã ee. —Sã mbia rasiã ndiqui aba mbucherõsa requia eãte no. Sã erasi chõ ndiqui erequia no.

¹³ ¿Ã embesa ji jēicuayãte re?

“Mbae mo jemee seje”, ae eã nguiã jēje co.

“Jēya eã ño mbia rese”, ae chõ nguiã jēje co, i que embesa ji ra. Ũqui embesa ji jēicua jiri ae. “Jenyu seje”, aeã ngue u nguiã mbia turã je. Mbia icuã je chõ ngue achu nguiã “jenyu seje” i, i que Jesús ñee ee ra.

Jesús chimbaaquiatu hui ãte uchũu si

¹⁴ Juan ñimbaaquiatu que ngasē ñee Jesús je ra. —Ure quia ureico nguiã hui hui urechiu si ã. Fariseos chimbaaquiatu abe hui hui quia uchũu si no. ¿Mbaerã ndechimbaaquiatu riqui hui ãte uchũu si ã nde? i que ñee Jesús je ra.

¹⁵ Jesús que ñee ee ra. —Sã emo ndiqui ngũinisirã isi ramo no. Sã eresenda iate riqui quiaru erese no. Sã eriqui hui aroneate uchũu si aque mose no. Sã eru riqui mano emo mose no. Aque mose quiatu ra equiatio hui uchũu si cote.

¹⁶ Sã emo ndiqui tiru yasu mii aroneate tiru ima sorei rese no. Eyasu ra nyaacua quiata eima si. Soro icoi tuchi ra cote.

¹⁷ Sã emo mbaeri rasi ramo nderecoquiatu eã eriru ima ye no. Mbae ire ima ye ererecoquiatu aronea ño ñene. Eri rasi ra ñimatã ño mbae ire ndoro. Eri ra uchẽ ja. Mbae ire abe mbicuãte ra cote. Mbaeri yasu quia nda equerecoquiatu nguiã mbae ire yasu ye. Soroã sacua, i que Jesús ñee ee ra.

Jesús Jairo riirĩ mbucherõ; ari mo abe mbucherõ

¹⁸ Jesús cheẽ mose que judío rerecua mo ngasē ee ra. Jesús jii que ngoi ñee ee ra. —Qui seriirĩ si mano namote qui. Nyao rã erea. Ndeoco mose erese, quera si rae, i que ñee Jesús je ra.

19 Jesús que juã oso erese ra. Echimbaaquiuatu abe nyoí erese.

20 Ari rasi mo abe que oso quia mbia ite rĩ nda. Eruqui nda uchẽ mbei quia ee ra. Doce años nyee. Eruqui nda tibayã mbei ee ra. Ari que tu Jesús quite quiti erichã nda. Jesús irao ai rese que oco cote ra.

21 —Seoco mose Jesús irao rese ra acherõ, i nda ra.

22 Jesús que uba ñee ari je ra. —Coche ñene, Echo. Seicuate que se ra. Nyebe arembucherõ nguã, i que Jesús ñee ari je ra. Aque mose tuchi que eruqui tiba ee cote ra.

23 Jesús que ngasẽ nyee judío rerecua chuchua ra. Mbía que nyeseo seo quia ãquẽ ndaque rese ra. Mbía que irasei rasei eraaque tiquia nonde ra.

24 Jesús que ñee ee ra. —¡Qui jê! Jêso ja itaicuee. Eriĩri mano eã ño nguã. Uque chõ ñene, i que ñee mbía je ra. Mbía que iquia iquia echeẽ mose ra.

25 Jesús que mbía mondo ja chee itaicuee ra. Oso que i que eraaque rea cote ra. Eraaque o que eisi ra. Quera si que cote ra. Nyuruã ngue cote ra.

26 Mbía hue jenda que jirandu jate erese ra. Jesús eraaque mbuquera rese.

Jesús eresayã nyeremo mbucherõ

27 Jesús que oso hue si cote ra. Mbía resayã nyeremo ngue nyoí eruĩ ra. Ñee mombo mombo que Jesús je ra. —¡Jesús! ¡David rucucha! ¡Ndeyayã ño urerese jê! i que ñee Jesús je ra.

28 Jesús que oso ique tuchúaa cote ra. Ae eresayã nyoí nguã erurubi. Jesús que ñee ee ra. —¿Sequirãcuã jembucherõ arõte reĩ nguã jêje re? i que Jesús ñee ee ra. —Ae, i que eresayã ñee ja ee ra.

29 Ae Jesús oco nguã eresa rese cote. —Seicua mose ra jaembucherõ, i que ra.

30 Eresa que nyerõ ja ee cote ra. —Sã mbía jiranua serese, i tuchi rei que Jesús ñee ee ra.

31 Eresayã ngue Jesús cheẽ mumba tuchi ra. Nyoí que mbía mbiirandu tuchi Jesús rese hue rĩ ja ra.

Jesús echeẽ nguã mbucherõ

32 Jesús so mose que mbía echeẽ nguã mo curicuaẽ ee ra. Aba checuayã icuã ngue siqui aque chiangui re ra.

33 Jesús que aba checuayã icuã jea esi ra. Echeẽ nguã ngue ñee turã cote ra. Nyebe mbía tubiriãte chi nguã nyuruira mae erese. —Emo ngue ũqui saã eã mbeite quia aa Israel ra, i que nyuruira jate ra.

34 Fariseos quiatu que ñee icuãte Jesús rĩ nda. —Satanás quirãcuã je chõ Jesús riqui nguã aba checuayã jea jea mbía si co, i rei que fariseos ñee nda.

Jesús ia eã tuchi mbía tubiriã ndese

35 Jesús que nyoí sucha mbuchesea sea ja ra. Mbía mbaaquiatu quiatu ja ra. Mbía chumunua nuásaa jate. Dios cheẽ ngue esenei senei tuchi quia ee ra. Mbía rasi chumumbara que embucherõ cherõ nguia ra.

36 Mbía rasi rasi tuchi que ee ra. Mbía ia eã tuchi que ee ra. Mbía quiachã je rã ngue ee ra. Sã oveja riqui quiachã jate eraarõ iriã no. Eĩ si chõ mbía nguã Jesús je. Nyebe Jesús ia eã tuchi riqui nguã erese.

37 Jesús que ñee uchimbaaquiatu je ra. —Secheẽ andusa reã ndei etubiriã jiri. Secheẽ nenei neneisa quia rei co mii jiri.

38 Jeñee nguã Dios je. “Dios, ndecheẽ nenei neneisa mo emondo tuchi. Mbía mbiirandu randu sacuã”, jenyje chõ nguia Dios je. Sã mbaecha mbía mo mondo mbae a ireĩ ishao shao equiche mose no, i que Jesús ñee ee ra.

10

Jesús mbía doce irabo uchimbaaquiatu rã

1 Jesús que “jenyu” i uchimbaaquiatu doce je ra. Uquirãcuã ngue emee uchimbaaquiatu je cote ra. Aba checuayã icuã jea jea sacuã mbía si. Mbía rasi chumumbara mbucherõ cherõ sacuã abe no.

2 ã ño echimbaaquiatu ã nde:

Simón (Pedro, i abe que mbía quia ee ra.)

Andrés (Simón nongue rei Andrés.)

Jacobo (Zebedeo riĩri ndei Jacobo.)

Juan (Jacobo nongue rei Juan.)

3 Felipe

Bartolomé

Tomás

Mateo (Impuestos isi isiquia rei Mateo.)

Jacobo (Alfeo riĩri ndei Jacobo.)

Lebeo (Tadeo, i abe que ee ra.)

4 Simón el Cananista

Judas Iscariote (Aque que Jesús mondo mbía icuã je ra.)

Ũqui ja que Jesús irabo ra.

Jesús uchimbaaquiatu doce mondo ucheẽ nenei nenei sacuã

5 Jesús que ũqui mondo ja ucheẽ nenei nenei sacuã nda. Emondo nonde que ñee ee ra. —Judíos achõ jembuchaquiatu quiatu quia. Jêsochĩ nda judíos eã je. Samaria jenda chuchua abe ra jêsochĩ.

6 Israel jenda chõ jembuchesea sea oso. Ovejas quiachã je rã ño Israel jenda re.

7 Jêso mose, secheẽ jêseni senei mbei quia ee. “Mbía rerecuarã tuchi ra Dios cote”, jenyje oso secheẽ nenei nenei judíos je.

8 Mbía ire rasi jembucherõ cherõ nguia. Mbía rasi chumumbara jembucherõ cherõ nguia. Mbía raaque abe jembuquera quera quia. Aba checuayã icuã abe jêjea jea quia mbía si. Sequirãcuã ngue amee ñofoño jêje.

“Mbae mo jemea na seje eribishorō”, ae eā tuchi se quia jēje co. Nyebe jē abe mbae turā jēsāā ñoño mbia je. “Mbae embu se”, iā mbia je.

⁹ Mbae mo nda jendaochĩ icua jēso mose. Mbae isiquia mo nda jendaochĩ icua. Mbae isiquia ñete mo nda jendaochĩ icua.

¹⁰ Mbae riru mo abe ra jendaochĩ no. Jēirao nongue abe ra jendaochĩ no. Jēiyao nongue abe ra jendaochĩ no. Jenyitochiquia abe ra jendaochĩ. Ae je ra mbae turā jēsāā saā nae, sā ũquĩ ae riqui jembuquiaru quiaru turā mingo.

¹¹ Jengasē mose sucha tubiriā mo, mbia turā mo jētea huee. Aque chuchua mii ño jēingo uque. Tuchua ra jembuchesea seate chĩ jēingo mose huee. Ae ra jengue nyii nae, hue tuchua bei chō jēingo uque.

¹² Jēique mose emō nyuchuaa, hue jenda je jeñee turā no. Saludar jenyje turā ee no.

¹³ Hue jenda siqui turā mose, Dios quirācuā jemea ee. Siqui turā eā mose, Dios quirācuā jēisibe esi.

¹⁴ Hue jenda jēisi sereā nea mose, jēhui chō esi. Hue jenda jeñee andu sereā mose, jēso chō hue si. Jēi tubi jembutomo tomo ee.

¹⁵ Tacheē nyecua jēje. Ae ra jeñee isi sereā nae, ũquĩ nda Dios mbasi tuchi. Uquiatoā nda embasi ja aque mose. Sodoma jenda ra Dios mbasi raque. Gomorra jenda abe no. Ae jeñee isi sereā nae, ũquĩ nguia ra embasi tuchi Sodoma jenda si. Gomorra jenda abe si.

Mbia icuā icuā tuchi ra jēje, i Jesús

¹⁶ A aico jemondo secheē nenei nenei sacua mbia je a. Sā nyacua icuāte riqui oveja je no. Eĩ si ra mbia icuā icuāte jēje. Oveja seteā na ño jēingo. jēaracua chō nguia jē! Sā mbei aracuate riqui no. Mbae icuā mo nda jēsāāchĩ jē. Sā nyurushi riqui mbae icuā naa eā mbeite no.

¹⁷ ¡sā jē! Mbia icuā icuāte ra jēje. Jembuĩrĩ irĩ ndae. Jemea mee icuā nda mbia rerecua je. Jēiruā nua nda mbia chumunuásaa.

¹⁸ Mbia icuā icuāte ra jēje seriĩ. Mbia rerecua je ra jenderao icuā. Eĩ jenyje mbia rerecua mbiirandu randu seriĩ. Judios eā abe mbiirandu randu seriĩ.

¹⁹ Jemea mose mbia rerecua je, pare pare jenyechĩ nda jē. “¿Manyae ra ũquĩ ñee ndibishorō nde?” jenyechĩ nda pare pare i jē. Dios ae chō nda jembucheē turā nuiā nguiā mbia je aque mose.

²⁰ Jē ae ra jeñee eā. Espiritu Turā ae nda jembucheē nguiā mbia je.

²¹ Jenongue ra jemondo chee mbia icuā je. Jēiquia sacua. Jendu abe ra jemondo chee mbia icuā je. Jendiirĩ abe ra jemondo chee mbia icuā je. Mbia icuā nda jemo iquia iquia chee.

²² Mbia ra jēucua yā jate seriĩ. Ae ra siqui bei sereae, ũquĩ nda Dios mingo bei.

²³ Mbia icuā icuā mose jēje sucha moo, jēso chō sucha tubiriā nonguee. Tacheē nyecua jēje. Achu jeibe ra se. Sucha Israel jenda jembuchesea sea ja eā mose chō nda achu jei.

²⁴ Jengasu ra jēsāā saāchĩ sesi jē. Se chō jembaaquiatusa re. Embaaquiatusa quia ecuasu jiri echimbaquiatusa si re. Ererecua quia ecuasu jiri erimba si re.

²⁵ Coche jēingo nguiā se rā si. Sā mbia icuā icuāte riqui seje no. Eĩ si ra eicuā icuā jēje no. Sā mbia “Satanās” i ñee icuā seje no. Eĩ si ra ñee icuā icuā jēje no. Serimba je no.

Dios riqui jendeaquiatusa bei co

²⁶ Jēsiquiche quichechĩ nda ñee icuā icuā je si jē. Ae mbia saā nyecua yā cuayā nguia nae, ũquĩ nda nyecua ja cote. ũquĩ nda mbia icua ja cote.

²⁷ Ae rĩ aico ñee nyecua yā cuayā jēje nae, ũquĩ jēsenei senei turā mbuchecua mbia je cote. Ae asenei senei nguia jēsaa nae, ũquĩ jēsenei senei turā mbuchecua mbia je cote.

²⁸ Ae “taiquia” i quia jeni nae, ũquĩ si ra jēsiquichechĩ jē! Ae aba mombu serite quia tata cuasu nae, aque si quiatu jēsiquiche. Aque si quiatu jēsiquiche tuchi jē.

²⁹ Aba queteamba eā jiri raque nguireĩ. Mbae isiquia mumba eāte raque nguireĩ. Dios quia ra tesareia nguireĩ mo si. Nguireĩ mo ngoi mose ibii, Dios riqui eicua jate ā.

³⁰ Dios riqui jē mii mii icua jate co. Jēa mii mii abe eicua jate quia co.

³¹ Jēsiquichechĩ nda jē. Dios quiatu queteā tuchi nguiā jendese nguireĩ mo si.

Jesús quiato chō se re, jenyje checua chō nguia mbia je

³² “Jesucristo quiato chō se re”, ae i quia mbia je nae, ũquĩ ñi nda acheē turā se abe. “Sequiato chō ā nde”, ae ra Paba Ibatenda je.

³³ “Jesucristo quiato chō se re”, ae i āte quia mbia je nae, ũquĩ ñi nda acheē turā eā se abe. “Sequiato eā ño ũquĩ nde”, ae ra Paba Ibatenda je.

Achu chō ngue mbia mbuchao chao nyesi resē, i Jesús

³⁴ Achu rē mbia mbuturā turā sacua serimba je jēje re? Tei. Achu chō ngue mbia mbuchao chao nyesi resē. Mbia icuā icuā nda uchue seriĩ. Emo emo nda siqui serui. Emo emo nda siqui icuā icuāte ee.

³⁵ Emo nda eicuāte ngu je seriĩ. Cuña mo nda eicuāte usi je no. Acuanu mo nda eicuāte uchari je seriĩ no.

³⁶ Tuchua jenda ra nyao nyao nyesi. Emo nda siqui sereae serimbarā. Eataque ra nyao nyao esi.

³⁷ Ae nyesequa tuchi quia ngu rese sesi nae, ũquiŋ nda serimbarā eā. Ae nyesequa tuchi quia usi rese sesi nae, ũquiŋ nda serimbarā eā no. Ae nyesequa tuchi quia nguiirī ndese sesi nae, ũquiŋ abe ra serimbarā eā no.

³⁸ Ae ra siquiā serui, ũquiŋ nda serimbarā eā. Āe mano sereāte serī, ũquiŋ nda serimbarā eā.

³⁹ Sā mbia nduate quia serese. Ae nduate quia nyiese nae, ũquiŋ nda nyoi eāte ibate. Ae ndua eāte quia nyiese nae, ũquiŋ nguia ra nyoi ibate.

Dios ra mbae turā mondo mbia turā je

⁴⁰ Ae ra eturā ndiqui jēje nae, seje abe chō nda eturā ndiqui. Ae eturā ndiqui seje nae, semondosa je abe chō eturā ndiqui nguiā.

⁴¹ Ae eturā ndiqui Dios cheē mbuchecuasa je nae, Dios ra mbae turā mondo ee. Sā mbae turā mee ucheē mbuchecuasa je no. Ae eturā ndiqui echā mbuquishī ji je nae, ũquiŋ je abe ra Dios mbae turā mondo no.

⁴² Tacheē nyecua jēje. Emo sechimbaaquiātu isei mbui turā mose serī, mbae turā abe ra Dios mondo aque je no, i que Jesús űee uchimbaaquiātu je ra.

11

Juan el Bautista mbia mondo űee Jesús je

¹ Jesús que hui űee uchimbaaquiātu doce je cote ra. Aquere que esi Dios cheē nenei nenei hue rurubinda je cote ra.

² Juan ngue chī cárcel nae. Hue eñi mose que jirandu Cristo chisaā ndese ra. Uchimbaaquiātu nyeremo ngue emondo Jesuā ee. űee sacuaā ee.

³ —Jeso űee Jesús je. “Cristo ra tu”, i beite equia ā nae, ¿ae nde re? ¿Cristo ra uresaarō arō mbei quia re?” jenyee oso Jesús je, i que Juan uchimbaaquiātu mondo erea ra.

⁴ Jesús que űee Juan nimba je ra. —Ae rese jemaee nae, ũquiŋ jēsenei oso Juan je. Ae jeñandu nae, ũquiŋ abe no.

⁵ Eī jenyee chō űee Juan je: “Jesús que eresayā mbucherō nyerō nguia ra. Ecuatayā abe mbucuat a cuata. Eire rasi abe mbucherō nyerō. Eraaque abe mbuquera quera. Ucheē turā ngue esenei senei tuchi quia mbaecha reā je ra”, jenyee oso Juan mbiirandu.

⁶ Emo hui eā mbei mose sesi, aque ia tuchi ra siqui cote, i que Jesús ucheē mondo Juan je ra.

⁷ Juan ñimondo que nyebi nyoi Juan ndea cote ra. Jesús que űee mbia ja je Juan ñii cote ra. —¿Mbae rese mae jeso turúquiaa re? ¿Quiririā idioi ichu ichu rese chō jeso mae nde? Quiririā ndese mae eā ngue jeso resē.

⁸ ¿Emo irao turā ndese jeso mae nde? ũquiŋ ndese eā ngue jeso mae ndesē. Eirao turā siquiā nguia turuquia ñi. Ae siqui quia mbia

rerecua chuchua nae, ũquiŋ nguia eirao turā ndiqui nguia.

⁹ Juan ndese mae ño ngue jeso turúquiaa resē. Dios cheē nenei neneisa tuchi chō ae mbia mo si re. Ae chō mbia mingoquiātu quiātu nguia se űee sacuaā mbia je.

¹⁰ Sā embesa ji riqui űee no:

Secheē nderaosa tamondo ndenonde.

Ae ra mbia mingoquiātu ndeje, nde űee sacuaā ee,

i que embesa ji űee nda. Juan ñii ño embesa ji riqui nguia űee. Nyebe Juan ndu nguia senonde.

¹¹ Tacheē nyecua jēje. Juan el Bautista quiarei i tuchi raque mbia ñiinda ja si. Ae ra siqui tuchi Dios rese erimbarā cote nae, ũquiŋ nguia ra i tuchi Juan si cote.

¹² Juan Dios cheē nenei nenei namo mosenda bei chō mbia riqui nguia ngaē ngaē Dios cheē andu ā. Mbia bite Dios siqui mose mbia rerecuarā.

¹³ Juan tu nonde chō embesa ji riqui nguia űee j a serī. “Dios rucucha ra tu emo mose”, i serī. Sechu eā mose. Juan nane ngue “co eru quia co” i űee nda.

¹⁴ Sā embesa ji riqui űee nyii no. “Elías raanguia ra tu mbae mbuquiche ja Cristo tu nonde”, sā i embesa ji no. Juan ñii ño eriqui nguia űee.

¹⁵ Jēisa mose, jsecheē jeñandu turā na!

¹⁶ Mbia namonda siqui turā eāte quia aba cheē ndui ā. Mbia riirī na ño eriqui nguia ā. Sā mbia riirī ndiqui ñumbusarei sarei no.

¹⁷ Sā eriqui űee űee nyue no. “Flauta que ambucheē űee ndei jēje ra. ¿Mbaerā jenyuruqui sereā nea nde?” sā i chō nyue no. “Mbae aba mbia eā ngue ambucheē űee ndei jēje resē. ¿Mbaerā jēyate erese re?” sā i chō mbia riirī nyue no. ũquiŋ na si chō mbia riqui nguia aba cheē mumba ā.

¹⁸ Juan el Bautista que tu rei mbia je ra. Mbia que eisi turā ē a nda. “Co eriqui quiaru sereāte nanderese co. Co eriqui mbae mbei sereāte nanderese co”, i chō mbia quia ee ā. “Aba checuayā ndesenda”, i chōchī equia ee ā.

¹⁹ Aquere que achu se abe ra. Aquiaru rei nguia jendese co. Mbae abe ambei rei nguia jendese co. Se abe que seisi turāyā nda. “Quiaru tuchi je”, i chōchī seje. “Mbae mbeisa”, i abe que seje no nda. “Mbia icuā quiato chō ñene”, i chō ngue seje no nda. Ae earacuate nae, Dios aracua abe ra eicua.

Jesús ia eā mbia sucha tubiriā jenda rese

²⁰ Ae mbia je Jesús uquirācuā ndeacuquia cuquia tuchi nae, ũquiŋ ngue Jesús isi eā mbei ra. Nyebe Jesús riqui nguia űee asi asi mbia hue jenda je.

²¹ —Seya eāte jendese, Corazín jenda. Seya eāte jendese, Betsaida jenda. Jendasi tuchi rae. Mbia mae sayā ngue asaā saā jēje nae,

ũqui naa mose Sidón jenda je, eĩ nda Sidón jenda huĩcuã secha rei. Eĩ nda Tiro jenda abe huĩcuã secha rei. Eĩ nda eya eãte rei huĩcuã ndese.

²² Jẽ nguia jẽicuã jẽsecha sereãte rei. Nyebe ra Dios jembasi mbasi tuchi ũqui si quiatu. Dios mbia icuã mbasi mbasi mose.

²³ Jẽcuasu jẽsaã saã tuchi techĩ nguia re, Capernaum jenda. Nyebe ra Dios jemondo tuchi tata cuasu. Mbia mae sayã ngue asaã saã jẽje nae, ũqui naa mose Sodoma jenda je, eĩ nda Sodoma jenda huĩcuã secha rei. Eĩ nda Dios hue sucha cuasu mbutiã eã ndei.

²⁴ Jẽ nguia jẽicuã jẽsecha sereãte rei. Nyebe ra Dios jembasi mbasi tuchi Sodoma jenda si. Dios mbia icuã mbasi mbasi mose, i que Jesús ñee nda.

Jesús aba quenea mboseĩ

²⁵ Jesús que ñee Dios je cote ra. —Seyate aico nderese co, Paba. Ibi jenda rerecua ja chõ nde re. Ibei jenda abe rerecua ja chõ nde no nde. Ndecheẽ ngue erembuchecu a eã mbia aquiatu je ra. Mbia ririĩ naanguia je chõ ngue ndecheẽ erembuchecua nguã.

²⁶ Ũqui ño ngue eturã ndeje ra, Paba, i que Jesús ra.

²⁷ —Seru que mbae mondo ja seje ra. Paba mii ño seicua tuchi nguã. Paba ririĩ mii tuchi chõ se re. Se mii ño Paba aicua tuchi nguã no. Ae je ra Paba ateacuquia nae, ũqui mii ño nda Paba icua tuchi nguã serese.

²⁸ Jenguenea mose, jenyu chõ seje. Jenguenea tamboseĩ na jësi. Taambia mingo.

²⁹ Seseteã ño aico nguã se. Aico mingue chõ nguã se co. Jẽmbaaquiatu jiri seriĩ. Jẽimbucha chõ serese. Eĩ jenyne mose ra jẽnia pare pare i eã cote. Jẽya bei ra jẽingo cote.

³⁰ Ae siqui serimbarã nae, ũqui iate riqui ã. Secheẽ mbaranguiatuã eãte aba je, i que Jesús ñee nda.

12

Jesús chimbaaquiatu mbae a ishao shao sábadu mose

¹ Sábado mose que Jesús si quia mbiaco ite riĩ emo mose ra. Echimbaaquiatu riãcuãte que eriqui ra. Nyebe que quiata a ucua mii mii nyoi quia ecuã mose ra. Equiti quitire oo je que echoi quia eachãña cote ra.

² Fariseos mo ngue ñee ee ra. —¿Mbaerã ndechimbaaquiatu riqui mbae ishao shao sábadu mose re? Co mose chõ mbia riqui uquenea ucua resẽ, i que fariseos ñee Jesús je ra.

³ Jesús que ñee ee ra. —¿Embesa ji rese jemaẽ eã David riĩ nyii re? David riãcuãte que aque mose ra. Eresenda abe riãcuãte que eriqui aque mose no nda.

⁴ David que ique Dios chuchúaa aque mose ra. Mbichae Dios chuchua jenda que eu ra. Mee mee ngue nguesenda abe je ra. Eriãcuãte quiatu ngue re. Sacerdote achõ mbaerã ndaque mbichae.

⁵ ¿Moisés chimbese rese jemaẽ ãte sacerdote riĩ nde? Sábado mose que quieĩ quieĩ rei Dios chuchua ra. “Dios cheẽ mumbasa”, i ãte quia mbia nguã ñee ee.

⁶ Tacheẽ nyecua jẽje. Secheẽ nguia i tuchi jiri nguã Dios chuchua si co.

⁷ Co embesa ji jẽicuayãte quia ã. “Sebite jẽya eã jẽingo mose mbia rese. Sebiãte ofrenda jemaẽ ñoofno mose”, i Dios quia co. Jẽingo ũqui icuayãte ã. Eĩ nda jeñee icuã eãte rei mbia turã je.

⁸ Sábado rerecua bei chõ se re, i que Jesús ñee fariseos je ra.

Jesús emo o tomei mbucherõ

⁹ Jesús que oso mbia chumunuãaa cote ra.

¹⁰ Huee que eo tomei mo ndiqui ee ra. Mbia que Jesús mbucheẽ icuã sete ra. Nyebe ñee nguã ee. —¿Eicuãte erasi mbucherõ sábadu mose re? ¿ere? Echeẽ ure je jẽ, i que mbia ñee Jesús je ra.

¹¹ Jesús que ñee ee ra. —Sã jenimba oveja mo ndiqui jaã no. Ngoi oso ibicua mo ye no. ¿Sábado mose ra jenosẽ ibicua si re? Ae. Jenosẽ jei rae. Sábado mose raque.

¹² Dios queteamba tuchi chõ mbia riqui nguã oveja si ã. Coche nandeico nguã mbae turã naa naa sábadu mose, i que Jesús ñee mbia je ra.

¹³ Ñee ngue eo tomei je cote ra. —Ndeo emee secuti, i que ee ra. O que emee Jesús cheẽ mose ra. Aque mosechi que eo nyerõ cote ra.

¹⁴ Nyebe fariseos paama i nguã Jesús je. Mbia mbucherõ mose sábadu mose. —¿Mañi nande ra Jesús je re? Nandeiquia rei ra reae, i tuchi que eu ñee nyue ra.

Isaiás chimbese ique Jesús riĩ

¹⁵ Jesús que jirandu ũqui ñee ndese ra. Nyebe esi nguã hue si. Mbia tubiriã ngue nyoi erui ra. Jesús que mbia rasi mbucherõ cherõ ja quia ra.

¹⁶ —¿Mbia ra jemiiranduchĩ serese jẽ! i que Jesús ñee ee ra.

¹⁷ Aque mose que Isaiás chimbese ique cote ra. Eĩ ngue Isaiás embesa mii Jesús riĩ nda:

¹⁸ Serimba chõ co re. Co que airabo ra. Sechesequa chõ ae re. Seyate aico erese co. Espiritu Turã tamondo tuchi ee. Ae ra secheẽ turã senei senei ja mbia je.

¹⁹ Eicuã icuã eã nda emo je. Ñee icuã eã ndae. Ucuasu ra esaã saã eã mbia je.

²⁰ Siqui turãte ra equia equirãcuã nea je. Siqui turãte ra equia equiatuã je no. Mbia ra siqui turã nyee erui ererercuarã.

²¹ Mbia ja ra ndua turā mbei erese cote, i que Isaías embesa cose ra. Ūquĩ ngue ique cote ra.

Aba checuayā quirācuā Jesús quereco co, i raque mbia

²² Mbia que eresayā mo curucuaē Jesús je ra. Echeē aquiatuāte abe que ra. Aba checuayā icuā nguiatu ngue siqui nguiā echiangui re. Jesús que embucherō nda. Nyebe mae turā nguiā cote. Ñee turā abe cote no.

²³ Mbia que nyuruira ja mae erese ra. — David rucucha chō Jesús riqui re, i chō ngue mbia quia ndua ndua ra.

²⁴ Fariseos que echandu ja ra. Nyebe ñee icuā icuā nguiā Jesús je. —Ab a checuayā icuā nderecua tuchi chō Satanás nde. Satanás quirācuā je chō Jesús riqui nguiā aba checuayā icuā jea jea mbia si co, i rei que fariseos ñee icuā Jesús je ra.

²⁵ Jesús que ūquĩ ndua ndua icuate ra. Nyebe ñee nguiā ee. —Gobierno icuā icuā mose nyue, ua rae. Tuchuamo jenda icuā icuā mose nyue, ua ra eno.

²⁶ ¿Mañi nda Satanás aba checuayā jea mbia si re? Erimba chō nyeresē. Satanás icuā icuā mose nyue, equirācuā nda ua no.

²⁷ “Satanás quirācuā je chō Jesús riqui nguiā aba checuayā jea jea mbia si”, jenyē chōchĩ nguia seje ā. ¿Aba uquirācuā mee jenimba je jē nde? Aba checuayā icuā jea nonde re. ¿Satanás uquirācuā mee jenimba je serese re?

²⁸ Dios quirācuā je quiatu aico nguiā aba checuayā jea jea mbia si co. “Dios quirācuā ndese chō ureico nguiā mae”, jenyē eā ñochĩ equia ā.

²⁹ Satanás quirācuā tuchite raque. Umbae rese ngueteāte raque. “Sembae chi turāte a”, i raque. Dios quiarei equirācuā tuchi Satanás si. Dios Satanás mbae sirō ja arōte quia esi co. Dios Satanás mbae mbutiā ja arōte quia co.

³⁰ Ae siqui āte quia serese nae, eicuā ño ūquĩ ndiqui nguiā seje. Ae secheē senei senei eāte quia mbia je nae, ūquĩ icuā ño eriqui nguiā seje.

³¹ Tacheē nyecua jēje. Emo siqui icuā mose, Dios eicuā mbutiā arōte esi. Emo ñee icuā mose, Dios echeē icuā mbutiā arōte no. Emo ñee icuā mose Espiritu Turā ñi, ūquĩ icuā nguiatu ra Dios mbutiā eā mbei esi.

³² Emo ñee icuā mose seri, Dios echeē icuā mbutiā arōte. Emo ñee icuā mose Espiritu Turā ñi, ūquĩ icuā nguia ra Dios mbutiā eā mbei. Mbae ua ja mose chee ra Dios ūquĩ ñee icuā mbutiā eā mbei.

Sā ira ae ea ae ae no

³³ Ira turā mose, ea abe ra eturā no. Ira icuā mose, ea abe ra eicuā no. Mbia ira icua

mose, ea abe ra eicua. Nyiabiā ndae. Sā ira ae ea ae ae no.

³⁴ Mbei rā ño jēingo nguiā. Jēicuā ño jēingo nguiā. Nyebe jeñee turā aquiatu āte riqui ā. Ae rese mbia riqui ndua ndua uchiangui re nae, ūquĩ ñi sí ra ñee.

³⁵ Mbia turā nda ñee turā. Echiangui renda quia eturāte re. Nyebe eriqui nguiā ñee turā. Mbia icuā nguia ñee icuā nguiā. Echiangui renda quia eicuāte riqui nguiā. Nyebe eriqui nguiā ñee icuā.

³⁶ Tacheē nyecua jēje. Emo ñee ñooño mose, Dios ra ñee asite aque je. Dios mbia icuā ndea rea mose.

³⁷ Emo ñee turā mose, echiangui renda turā ño ñene. Nyebe ra Dios ñee asiā ee. Emo ñee ñooño mose, echiangui renda icuā ño ñene. Nyebe ra Dios ñee asi ūquĩ je, i que Jesús ñee nda.

Mbia mae sayā esaā ure je, i bei mbia Jesús je

³⁸ Fariseos mo ngue ngaē Jesús rea ra. Embesasa abe que ngaē erea ra. Ñee ngue ee ra. —Mbia mae sayā esaā na ure je, i rei que ñee Jesús je ra.

³⁹ Jesús que ñee ee ra. —Jēicuāte riqui co mosenda jē ja ā. “Mbia mae sayā esaā ure je”, jenyē beite equia ā. Mbia mae sayā mii ño nda asaā jēje. Jonás na si.

⁴⁰ Sā Jonás ndiqui raque tres días sira rie ye no nae. Jonás na sí ra asaā mbia je. Tres días ra aico ibicua rie.

⁴¹ Nínive jenda quia eturā jiri co mosenda si re. Dios ra co mosenda mbasi tuchi Nínive jenda si. Sā Nínive jenda huicuā ndecha Jonás ñee mose ee no. Aico raque ñee jēje co mosenda je co. Jē secheē jemumbate chō chí nguia ā. Se quia raque ererecua tuchi Jonás si. Nyebe ra Dios jembasi tuchi mbia icuā ndea rea mose.

⁴² La reina de Seba quia eturā jiri mbia co mosenda si re. Dios ra co mosenda mbasi tuchi la reina de Seba si. Sā la reina de Seba tu isho si tuchi Salomón ñee andu no. Se quia acheē ndaque quia jēje. Searacua tuchi raque se quiatu Salomón si. Secheē jemumbate chōchĩ nguia ā. Nyebe ra Dios jembasi tuchi mbia icuā ndea rea mose.

Aba checuayā icuā nyebi u mbia chiangui re

⁴³ Aba checuayā icuā usē mose emo ñia si, ngata bei chō nguiā. “¿Mangue ra sequenea aucua que re?” i chō nguiā. Uquenea ucua sacua mo etea eāte.

⁴⁴ “Tasobe rei nyebi. Ae si achu usē, aque chiā ye sí taso”, i que aba checuayā nda. Nyebi si mose u, mbia chiā oreāte que ee ra. Echiā ndecoteā eāte que ee ra. Tuchua tii ji raāte que ee ra.

⁴⁵ Aba checuayã icuã ngue nguesenda siete queru cote ra. Ique ja que echoi aque chianguí re cote ra. Ae chianguí re aba checuayã icuã siete riqui nae, aque icuã i i tuchi que eriqui cote ra. Aba checuayã mü ngue siqui eye nyii ra. Etubiriãte cote. Aque icuã tuchi cote nyii si, i que Jesús mbia je ra.

Jesús nongue ngae erea usi resê

⁴⁶ Jesús ñee mbei mose que esi ngaê ndei ee huee ra. Jesús nongue ja rese. Chichô ja chô ngue taicuee ra. Ñee serete que ee ra.

⁴⁷ —Hue ndesi riqui nderequia taicuee huee. Ndenongue rese, i que emo Jesús mbiirandu ra.

⁴⁸ Jesús que ñee umbiirandusa je ra. —¿Aba je chô aico “tai” i chã? ¿Aba je chô aico “senongue” i no ña? i que Jesús ñee nda.

⁴⁹ Jesús que o mee uchimbaaquiato cuti ra. —¿A je chô aico nguiã “tai” i. ¿A je chô aico nguiã “senongue” i no.

⁵⁰ Ae Paba Ibatenda cheê mumbayã nguia nae, ñquí je chô aico nguiã “senongue” i. Ñquí je chô aico nguiã “tai” i no, i que Jesús ñee ee ra.

13

Emo mbae eĩ mombiquia mbiqia

¹ Aque mose sí que Jesús si usê tuchua si ra. Tuchua si que esi ngoi ama ndish a nimíaa nda.

² Mbia que ngaê ngaê ja quia Jesús rea ra. Nyebe Jesús ua oso nguiã ngoi canoa ye. Mbia quiato que chichô ama nimíaa ndese ra.

³ Jesús que embaaquiato quiato tuchi quia ra. Ejemplos que esaã saã tuchi ee ra. —Sã emo si rei mbae eĩ mombiquia mbiqia no.

⁴ Sã emo ndiqui uqui uqui ñeenda rui no. Sã nguireĩ ndiqui ngaê eu no.

⁵ Sã emo emo ndiqui uqui sita arô no. Sita aronda suri jei raque. Ibi ererate quia ñene.

⁶ Tenda ibate mose que eriqui ñimama mano nda. Erao eãte quia ñene. Nyebe mano jei nguiã.

⁷ Sã emo ndiqui uqui uqui nyu réndaa no. Sã nyu abe riqui suri erese no. Nyu ruri que echati asi u eriquisã nda.

⁸ Sã emo ndiqui uqui uqui ibi túraã no. Ñquí nguiato que ia turã nda. Sã emo ia cien no. Sã emo ia sesenta no. Sã emo ia treinta no.

⁹ Jêisa mose, jsecheê jeñandu turã na!

Dios riqui ucheê mbiãsa jaaja jêje co, i uchimbaaquiato je

¹⁰ Jesús chimbaaquiato que ñee nye-cuayã Jesús ísaa ra. —¿Mbaerã ejemplos achô eresenei senei mbia je re? i que echimbaaquiato ñee ee ra.

¹¹ Jesús que ñee ee ra. —Mbia rerecua tuchi quiarei Ibatenda. Ae riqui nguiã ucheê mbiãsa asa ja jêje co. Mbia ataque je quia siqui sereã erese co. Mbia ataque je quia eriqui nguiã ucheê mbiãsa eã jiri.

¹² Emo umbae rerequia mose, Dios ra emo mondobe ee. Emo embae eã mose, Dios ra embae sirô ja esi.

¹³ Nyebe aico nguiã ejemplos achô nenei nenei mbia je co. Eanduchô sacuã. Eicua turã ndocoí.

¹⁴ Mbia eanduchô mose que Isaías chimbesa ique cote ra:

Mbia ra secheê ñandu raque.

Ícuayã nguiatu rae.

¹⁵ Eãquí átãte riqui ã.

Secheê andu sereãte equia ã.

Mae sereãte equia sechiao rese ã.

Ndua eã mbei equia serese ã.

Nyebe ra ambitirô eã mbei, i que Dios cheê Isaías chimbesa rese ra.

¹⁶ Jê nguiatu Dios cheê jeñandu turãte nguiã ã. Jê nguiatu jemaer serete nguiã Dios chiao rese ã. Nyebe jêyate jêingo nguiã ã.

¹⁷ Tacheê nyecua jêje. Ae jeñandu quia secheê ã nae, Dios cheê mbuchecuaa ñiinda ã ñandu serete raque. Mbia turã ñiinda abe ã andu serete raque. Ñandu eã mbeite equia ã. Jê ae chô jêingo nguiã eandu ã cote. Jê ae je chô echecua riqui nguiã.

Jesús ucheê mbiãsa uchimbaaquiato je mbae eĩ ni

¹⁸ Secheê tambiasa jêje cote. Mbae eĩ mombiquia mbiqia ji rií.

¹⁹ Ae uqui uqui ñeenda rui nae, Dios cheê andu choofosa rá ño ñquí nde. Icuã eãte quia ñene. Nyebe diablo ru nguiã Dios cheê ndirô echiangui si.

²⁰ Ae uqui uqui sita arô nae, mbia mo na ño ñquí no nde. Dios cheê andu mose, isi turã ndaque. Eyate raque erese.

²¹ Mbia icuã icuã mose ee Dios cheê nií, hui jei chô nguiã esi. Mbae rao eã naanguia chô ñquí nde.

²² Ae uqui uqui nyu réndaa nae, mbia mo na ño ñquí no nde. Dios cheê andu turã ndaque. Siqui bei eã ño nguiã erui. Umbaerã achô ndese chô eriquichí nguiã ndua. “Mbaecha tuchite ra se”, i bei chô nguiã ndua ndua. Nyebe hui chô nguiã Dios cheê si. Nyebe Dios cheê ndiqui nguiã ia eã mbeite ee.

²³ Ae uqui uqui ibi túraã nae, mbia mo na ño ñquí no nde. Ñquí nguiatu Dios cheê ñandu turã nguiã. Ícuã icua turã ño nguiã. Nyebe eriqui bei nguiã erese. Ía ia bei raanguia cote. Emo emo ia cien. Emo ia sesenta no. Emo ia treinta no, i que Jesús ucheê mbiãsa ñee nda.

Mbae icuã suri trigo turã ndese

²⁴ Jesús que ejemplo nongue senei ee ra. —Sã emo trigo eĩ mombiquia mbiquia úcco no. Ûquí na ño Dios rimba riqui nguĩã ã.

²⁵ Sã trigo eĩ mombiquiasa uque cote no. Sã emo tu nyu eĩ mombiquia mbiquia trigo eĩ mumbara mbara no.

²⁶ Trigo eĩ ngue obo cote ra. Nyu abe que suri erese ra.

²⁷ Nyebe erimba ñee nguĩã echa je. “Trigo eĩ achõ erembiquia mbiquia reĩ nguĩã seje. ¿Mbaerã nyu abe riqui suri suri erese re?” i que ererecua je ra.

²⁸ Ererecua que ñee ee ra. “Seucuãyãsa chõ ùquí nde. Nyu eĩ mombiquia mbiquia chõchõ trigo eĩ mumbara mbara”, i que ererecua ñee nda. —¿Ureso ra eriqui riqui re? i rei que erimba ñee nguerecua je ra.

²⁹ Ererecua que ñee nda. “Tei. Nyu riqui riqui mose ra trigo abe riqui riquichõ nde.

³⁰ Sã echichõ ja. Eucua mose ja chee. Ea ireĩ mose quiatu ra acheẽ serimba je cote. Serimba ra nyu rane siqui siqui aque mose cote. Nyu ra esei cote. Aquere quia ra trigo a ishao shao erereco quiatu sacua sechuchua cote”, i que echa ñee nda, i que Jesús ñee nda.

Mbae eĩ na ño Dios rimba re

³¹ Jesús que ejemplo mo senei mbia je ra. —Mbae eĩ na ño Dios rimba re. Sã mbia mostaza eĩ tiquia no.

³² Eñetẽ tuchite raque mbae eĩ mo si. Suri oso quia cote. Ecuasu tuchite chee cote. Ira rã ño cote re. Ngureĩ nguichi quichi chee erãquiã ndese. Eĩ si chõ Dios rimba re. Ûquí mii ndaque nyii. Ñimbeta tuchi cote. Mbae eĩ na, i que Jesús ñee nda.

Levadura rã ño Dios rimba re

³³ Jesús que ejemplo mo senei mbia je ra. —Levadura rã ño Dios rimba re. Sã mbia levadura ñetẽ mondo mbichae ao ramo mose no. Sã levadura riqui oso mbichae mbuchimatã ja no. Eĩ si chõ Dios rimba re, i que Jesús ñee nda.

Jesús ejemplos senei tuchi mbia je

³⁴ Eĩ ño ngue Jesús quia mbia tubiriã mbaaquiato quiatu ejemplos je ra. Ejemplos achõ ngue esenei senei mbia mbaaquiato sacua nda.

³⁵ Nyebe Dios cheẽ mbuchecuaa chimbasa ique cote. Eĩ ño echimbasa re: Ejemplos je mbia tambaaquiato quiatu.

Ae mbia icuayã mbeite quia nae, ùquí tambuchecua mbia je, i que embesa ji ra, i que Jesús ñee nda.

Jesús ejemplo mbuchecua nyu eĩ nii

³⁶ Jesús que mbia mondo ja cote ra. Aquere que esi ique tuchu a mo nda. Echimbaaquiato que ecurubite ñee ee ra. —Ae ejemplo eresenei mbia je nyu eĩ nii nae, ùquí embiasa jiri ure je, i que ñee ee ra.

³⁷ Jesús que ñee ee ra. —Ae trigo eĩ mombiquia mbiquia nae, se rã ño ae re.

³⁸ Ae íbii emombiquia mbiquia nae, mbia ja rã ño ùquí ibi re. Trigo eĩ turã na ño Dios quiato re. Nyu eĩ icuã na ño diablo quiato no nde.

³⁹ Ae mbae eĩ icuã mombiquia mbiquia nae, aba checuayã nderecua rã ño ùquí nde. Mbae a ishao shao raanguia ra ibi ua mose cote. Mbae a ishao shaosa rã ño angeles re.

⁴⁰ Sã mbia riqui nyu mombo mombo tátaa nae, eĩ si ra Dios uquiatoã mombo tátaa ibi ua ja mose no.

⁴¹ Serimba ángeles ra amondo mbi a rea rea ja. Ae mbae icuã saã uquia quia mbia je nae, serimba ra ùquí sirõ ja.

⁴² Serimba ra ùquí mombo mondo tata cuásuu. Nyeseo seo tuchi ra tátaa. Huee ra ureĩ quiti quiti tuchi.

⁴³ Ae Dios mbuturã nae, ùquí nininya tuchi ra tenda rã si cote. Eru ibatenda siqui mose mbia rerecuarã tuchi.

Tesoro rã ndei Dios cheẽ

⁴⁴ Dios cheẽ nguiriĩ nii ndei eturã tuchi mbae ja si. Eturã tuchi tesoro si no. Sã amei mo tesoro ati ji rea íbii no. Tesoro turã tuchi que ee ra. Amei ia tuchi que erea mose ra. Sã amei vender i ja umbae je no. Aqué ibi isi sacua. Tesoro mii ndese ndua.

Dios cheẽ ndei perla turã na

⁴⁵ Dios cheẽ nguiriĩ nii ndei eturã tuchi mbae ja si. Sã comerciante mo perlas turã ndequia requia no.

⁴⁶ Perla turã tuchite mo ndea mose, aque mii ndese chõ eriqui nguĩã ndua ndua cote. Sã vender i ja umbae je aque perla ribishorõ no.

Dios ra mbia icuã quirirõ

⁴⁷ Sira mbua mbua ji rã ño Dios rimba re. Sã emo tarafa mondo ii no. Sira chumumbarate que embua ra.

⁴⁸ Sã sira mbuasa mbisẽ tuchi riqui no. Sã echa econosẽ serao usẽ cote no. Echa que ngoi sira turã irabo rabo cote ra. Sira icuã ndirirõ ndirõ emombo sacua.

⁴⁹ Eĩ si ra Dios mbae ua ja mose. Dios ra ángeles mbu mbia icuã mombo sacua mbia turã si.

⁵⁰ Eicuã nda emombo tata cuásuu. Nyeseo seo tuchi ra tátaa. Huee ra ureĩ quiti quiti tuchi.

⁵¹ ¿Secheẽ jëicuate rei quia ã nde? i que Jesús ñee mbia je ra. —Ae, i que ñee Jesús je ra.

⁵² Jesús que ñee ee ra. —Embesasa mo siqui mose serese, mbaecha rã ño aque re. Sã mbaecha riqui umbae ima ndirõ mbia je emo mose no. Umbae yasu abe rirõ emo mose no, i que Jesús ñee mbia je ra.

Mbia Nazaret jenda Jesús isiteã

⁵³ Jesús que ũquí ejemplos senei ja mbia je ra. Hue si que esi cote ra.

⁵⁴ Oso que ngasē nguécua Nazaret cote ra. Oso que mbia mbaaquiātu judíos chumunuásaa ra. Nyebe mbia nyuruira tuchi nguiā ñee nyue. —¿Mangue eriqui ñimbaaquiātu tuchite re? Nandemae sayā esaā saā tuchichī nguia re.

⁵⁵ Ira mbitirō tirōsa ririñ ño ndaque. María abe ririñ ño ndaque no. Jacobo nongue chō ndaque. José abe no. Simón abe no. Judas abe no.

⁵⁶ Ā echari abe riqui ja raque nanderese ā. ¿Mañi equia mbae i cua ja tuchite re? i que mbia Jesús recu a jenda ñee nyue ra.

⁵⁷ Nyebe mbia hue jenda riqui Jesús isiteā nde. Jesús que ñee ee ra. —Dios cheē mbucheuasa ishonda cheē nguia ra mbia isi turā mbei. Nguécua jenda cheē achō nguia ra eisi turā eā. Ngōngue cheē achō nguia ra eisi turā eā no, i que Jesús ñee nguécua jenda je ra.

⁵⁸ Hue jenda mbia que Jesús icua eāte ra. Isiteā ño ngue ra. Nyebe Jesús mbia mae sayā naa eā jiri nguiā ee huee.

14

Mbia Juan el Bautista iquia

¹ Mbia que jirandu ja Jesús rese cote ra. Herodes abe que jirandu erese ra. Ererecua que ae ra.

² Juan el Bautista Jesús riqui reñ ee reaē. Ae que ñee ngūmba je Jesús riñ nda. —Sechiquia quera si chōchī. Juan el Bautista quera si chōchī. Nyebe eriqui nguiā mbia mae sayā naa naa co, i que Herodes ñee Jesús riñ nda.

³⁻⁴ Herodes que Juan isi icuā nyii ra. Nyucua que mondo tarō nda. Paama i nda Juan je ra. —ñNde ndenongue ninisi erereco aroneate jē! i quiatu que Juan ñee ee nyii ra. Herodes siqui mose nōngue ninisi rese. Herodías, i que enongue ninisi je ra. Felipe, i que enongue je ra.

⁵ —Juan taiquia, i rei que Herodes ñee nda. Mbia ataque quiarei siqui tuchi Juan ndese. Dios cheē mbucheuasa, i chō mbia nguiā Juan je. Nyebe Herodes siquiche jiri nguiā Juan iquiyā aqne mose.

⁶ Herodes mbae cumpleaños mose, Herodías ririñ ngue nyuruqui ruqui mbia ja je aqne mose ra. Nyucuaaque que ae ra. Herodes ia tuchi que mae nyucuaaque nyuruqui rese ra.

⁷ —¿Mbae ra amee ndeje re? Echeē ño seje. “Sebite co” nde i mose, aqne tamondo ndeje. Acheē ñooño eā ño nguiā ndeje a, i que Herodes ñee nyucuaaque je ra.

⁸ Esi quia ñee ñee nguia nyucuaaque je nyii reaē. Nyebe nyucuaaque ñee nguiā Herodes je. —Juan el Bautista āquí emee na

seje mbia chiuru riru ye, i que nyucuaaque ñee ererecua Herodes je ra.

⁹ Ererecua chosoi que oso serñ tuchi echeē andu mose ra. —Acheēchī se quia ee. A sere-senda chi ja quiaru sere se a resē. Ā seandu ja chōchī. Nyebe ra secheē ambuchebe eā ee, i que ererecua uchiangui re ra. —Juan āquí emee ee, i que ngūmba je cote ra.

¹⁰ —Juan āquí jendoso oso cárcel. Jemondo nyucuaaque je, i que ra.

¹¹ —Juan āquí ngue ecurucuaē mbia chiuru riru ye cote ra. Mee ngue nyucuaaque je cote ra. Nyucuaaque que emee usi je cote ra.

¹² Juan ñimbaaquiātu que ngaē Juan ndaque rea ra. Nyati que suruchoi ra. Nyoi que Jesús mbiirandu erese cote ra.

Jesús mbichae tubiriā saā mbichae mñje

¹³ Jesús jirandu mose Juan ndese que esi turúquiaa ra. Ama ndui que esi canoa ye ra. Mbia que jirandu randu erese ra. Nyebe nyoi ja nguiā erui ibi rí. Sucha ja ja jenda.

¹⁴ Jesús que usē canoa si cote ra. Mbia tubiriā ndese que mae nda. Eya eā tuchite que erese ra. Erasi que embucherō cherō nda.

¹⁵ Tenda nyesecco mose que echimbaaquiātu ñee ndei ee ra. —Mbae āte a turúquiaa. Tenda abe nyeseccote. Mbia emondo rā sucha tubiriā ñia. Sā echoi bei uchiurā isi, i rei que echimbaaquiātu ñee Jesús je ra.

¹⁶ —Sā echoi eā. Jeño mbae jemondo ee echiurā, i que Jesús ñee ee ra.

¹⁷ —Tei. Mbae quia ra aba mondo ee. Cinco chō ngue mbichae ra. Sira abe nyeremoñote nyeresē, i que echimbaaquiātu ñee Jesús je ra.

¹⁸ —Jembu rā seje, i que Jesús ra.

¹⁹ Ñee ngue mbia tubiriā je cote ra. —Jengoi ja quiata tose, i que ra. Jesús que mbichae cinco sirō cote ra. Sira nyeremo abe no. Mae ngue ibate ra. Gracias, i que ñee Dios je ra. Mbichae que esiquio quio cote ra. Mee ngue uchimbaaquiātu je ra. Echimbaaquiātu que emee mee mbia ja je cote ra.

²⁰ Mbia que embuquiari ja tuchi cote ra. Miātā tuchi que ra. Mbia huisa tubiriā ngue cote ra. Sira rire. Mbichae rire abe no. Doce iru que mba mombisē esique sique je ra.

²¹ Ae mbichae u sira rese nae, etubiriā tuchite que ra. Cinco mil ndobei. Cuña abe etubiriā. Mbia ririñ abe etubiriā no.

Jesús ngata i arō

²² Aqere que Jesús uchimbaaquiātu mondo ja canoa ye ra. —Jē nane jeso sobei. Mbia tambui turā na mondo uchuchúaa se nyii, i que ra.

²³ Jesús que mbia tubiriā mbui turā mondo uchuchúaa cote ra. Ae ae que oso

sita ibate rĩ cote ra. Ñee sacua Dios je. Huee que ae ae riqui itondaru chee ra.

²⁴ Canoa yenda que chi bei quia ama ite rĩ nda. Quiririã ngue tu icuã icuã ee ra. I rebera que tu asi asi tuchi ee ra.

²⁵ Nguira cheẽ mose que Jesús ngasẽ ee ra. I arõ ngue esi quia ngata ra.

²⁶ Echimbaaquiatu que mae erese ra. Echiã ngue cuaãcuaã i tuchi ra. Ngata mose i arõ. —Aba checuayã ño tu nguiã aque, i rei que tasẽ tasẽ nda. Siquiche tuchi que ra.

²⁷ —Jësiquichechi nguiã. Se chõ nyeresẽ, i jeite que Jesús ñee ee ra.

²⁸ Pedro que ñee ee ra. —Nde mose, echeẽ seje. “Echu ngata i arõ”, ere seje, i que Pedro ñee Jesús je ra.

²⁹ —Quiatuchu, i que Jesús ñee ee ra. Ae Pedro nguichi nguiã canoa si i rese irõ. Oso nda ngata i arõ Jesús rea chã nde.

³⁰ Pedro mae mose quiririã icuã ndese que esiquichete ra. I que oso quia ñĩmĩ nda. — ¡Sererecual ¡Senonosẽ na se! i que ñee Jesús je ra.

³¹ Ae Jesús o mondo nguiã eo isi. — Seicuayã ñochĩ. ¿Mbaerã ereico seicuayãte re? i que Jesús ñee ee ra.

³² Ua mose canoa ye que quiririã tiba cote ra.

³³ Canoa yenda que ñee turãte Jesús je cote ra. —Dios rucucha tuchi chõ nde riqui re. ¡Ae bei jël! i que ee ra.

Jesús mbia Genesaret jenda mbucherõ cherõ

³⁴ Ngasẽ nyee que sobei cote ra. Gene-saret, i que hue ibi je ra.

³⁵ Hue jenda que jirandu ja erese ra. Hue rurubinda abe que mbia mbiirandu erese ra. Mbiam que er asi curucuaẽ cuaẽ ja Jesús je cote ra.

³⁶ —Sã mbia rasi oco oco rã ndeirao ai rese, i tuchi que mbia Jesús je ra. Ae oco erese nae, ùquĩ ngue nyerõ nyerõ ja ra.

15

Mbia chiangui renda ae chõ embũcuã nguiã

¹ Aquere que fariseos mo ngaẽ ñee Jesús je ra. Embesasa mo abe que ra. Jerusalén jenda chõ ùquĩ ja re.

² Ùquĩ ngue ñee Jesús je ra. —¿Mbaerã ndechimbaaquiatu riqui nanderamei ñee mumba mumba beite re? Echoi quiiriã mbei chõ quiaru nguiã, i que ñee asite Jesús je ra.

³ Jesús que ñee ee ra. —¿Mbaerã jëingo Dios cheẽ mumba mumba jë nde? Jenamei ñee ndese chõte jëingochĩ nguiã ã. Siqui rocoĩ Dios cheẽ ndese.

⁴ Dios que ñee mbiam je cose ra. “Jëturã ño jëingo jendu je. Jësi je abe no. Emo ñee icuã mose ngu rĩ, ùquĩ jëiquia. Emo ñee icuã

mose usi abe rĩ no, ùquĩ abe jëiquia no”, i quia que Dios ñee mbiammbaaquiatu cose ra.

⁵⁻⁶ Dios cheẽ jenyabi tuchi chõchĩ nguiã mbiammbaaquiatu quiatu ã. “Ae nda amee neĩ jëje, ùquĩ ngue amee ja Dios je ra”, i mose emo ñee ngu je, “coche ñene” jenyechõchĩ nguiã ee. Mbae mee eã mose ngu je. Usi abe je. Nyebe jëingo nguiã mbiammbaaquiatu icuã icuã ùquĩ. Jenamei ñee achõ ño jësenei senei nguiã mbiam je ùquĩ. Dios cheẽ nenei nenei ndocoĩ ee.

⁷ Jëturã jësaã ñooño ño nguiã ùquĩ. Jenii tuchi chõ ngue Isaías embesam nguiã cose. Eĩ ngue Isaías embesam cose ra:

⁸ ã mbiam ñee turã ndaque quia seje ã.

Uchiangui re quia eriquiãte nguiã serese ã.

⁹ Ñee turãte raque equia seje ã.

Amei ñee achõ ño esenei seneichĩ nguiã mbiam je.

Dios cheẽ mii nenei nenei ndocoĩ ee, i que Isaías embesam jeni nda, i que Jesús ñee ucuasu raã naasa je ra.

¹⁰ —Jenyu rã secheẽ andu, i que Jesús ñee mbiam tubiriã je ra. —Secheẽ jëicua rã jëñiangui re.

¹¹ Mbiam chiu embũcuã eã nguiã. Echiangui renda chõ embũcuã nguiã. Echiangui renda chõ usẽ nguiã echuru rĩ echeẽ mose. Ùquĩ ño embũcuã nguiã, i que Jesús mbiammbaaquiatu ra.

¹² Echimbaaquiatu que ngaẽ ñee Jesús ísaa cote ra. —¿Ereicuayãte ere? Ndecheẽ ngue fariseos mbupaama ite ra, i que echimbaaquiatu ñee nyecuayã ee ra.

¹³ Jesús que ñee ee ra. —Ae ira Paba Ibatenda chutã eã nae, ùquĩ nda esiqui ja erao resebe. Ùquĩ ira rã ño fariseos riqui nguiã ã.

¹⁴ Eresayã na ño fariseos riqui nguiã. Sã eresayã mo “ñeenda tateacuquia jëje” i raque emo je no. Quiachã ja chõ ndae, i que Jesús ñee ee ra.

¹⁵ Pedro que ñee ee cote ra. —Erecheẽ ngue namo, “ùquĩ nda mbiammbũcuã” ere que, ùquĩ embuchecua rã ndecheẽ ure je, i que Pedro ee ra.

¹⁶ Jesús que ñee ee ra. —¿Jë abe jëicuayãte quia re?

¹⁷ Ae mbiam u quia nae, oso chõ nguiã erie ye. Echiique rui chõ eriqui nguiã oso oso. Usẽ nyee.

¹⁸ Mbiam chiangui renda chõ embũcuã nguiã usẽ mose echuru rĩ.

¹⁹ Aba chiangui renda quia abamundua icuã icuãte nguiã. Nyebe mbiam riqui nguiã emo iquia. Siqui siqui emo ninisi rese. Emomdu rese abe no. Siqui siqui eruã ndese no. Mbae mbuquiachã quiachã no. Ñee ñooño abe no. Ñee icuã icuã no.

²⁰ Mbiam chiangui renda ja chõ ùquĩ nde. Ùquĩ ño mbiammbũcuã icuã nguiã ùquĩ ao amose. Uchoi quiiriã mose quiaru, ùquĩ

nguia ra mbia mbiꞑuã eã, i que Jesús ñee nda.

Ari mo Jesús icua

²¹ Jesús que nyoï hue recha cote ra. Ngasẽ ngue Tiro jii cote ra. Sidón jii abe no.

²² Ari mo Canaán jenda que siqui huee ra. Ae que tu ñee Jesús je ra. —David nducucha chõ nde re, Jesús. ¡Ndeyayã ño serese jê! Aba checuayã icuã ndiqui seriirĩ mbasi mbasi co, i tuchi que ari ñee Jesús je ra.

²³ Jesús que ñee ãte ee ra. Echĩmbaaquiātu que ngaẽ ñee Jesús je ra. —Ari emondo chõ uchuchúaa. Eñi mbeichĩ ñee nande je a, i que echĩmbaaquiātu ñee Jesús je ra.

²⁴ Jesús que ñee ee ra. —Sã ovejas mo quiachá no. Ūqui na ño judíos riqui nguiã ã. Judíos achõ je chõ ngue Dios sembu nguiã, i que Jesús ee ra.

²⁵ Ari que tu ngoi ngũã ndese ñee Jesús je ra. —Sererecua, seriirĩ embucherõ na seje, i que ari ñee Jesús je ra.

²⁶ Jesús que ñee ee ra. —Judíos rese rane taico mbae raã naa. Ahui aronea judíos si, mbae raã naa mbiamo je, i que Jesús ee ra.

²⁷ Ari que ñee ee ra. —Aicuate raque se, Sererecua. Mbiamo ndaque ure. Judíos eã ndaque ure. Ure abe je chõ mbae esaã ae. Seriirĩ embucherõ seje ae, i que ari ñee ee ra.

²⁸ —Seicuate equia co, Ari. Nderiirĩ tambucherõ ndeje, i que Jesús ñee ari je ra. Aque mosechi tuchi que eriirĩ nyerõ nda.

Jesús mbia rasi chumumbara mbucherõ

²⁹ Jesús que oso hue recha cote ra. Oso que equia ama nimia ndui ra. Ama Ndisha Galilea nimia ndui. Hue si que esi sita ibate cote ra. Huee que ngoi huee ra.

³⁰ Mbía que ngaẽ ngaẽ tuchi quia ee huee ra. Erasi chumumbara rurucuaẽ cuaẽ tuchi ee. Ecuatayã. Eresayã. Echeẽ ngũã. Eo icuã. Mbía que ūqui ndasi chono ja Jesús i jii ra. Jesús que ūqui mbucherõ ja ra.

³¹ Nyebe mbia riqui nguiã nyuruira tuchi mae erese. Echeẽ ngũã ñee turã mose. Eo icuã mbuturã mose. Ecuatayã ngata turã mose. Eresayã mae turã mose. Nyebe mbia ñee turã ja nguiã Dios rĩ.

Jesús mbichae tubiriã saã mbichae mii je

³² Jesús que ñee uchĩmbaaquiātu isaa cote ra. —Seyayãte aico ã mbia tubiriã ndese co. A echĩ arete serese tres días a. Embae mo eãte echĩurã aa. Eriãcuã amondo sereãte echuchúaa. Eriãcuã nda eiquia ñeenda cúa, i que Jesús ra.

³³ Echĩmbaaquiātu que ñee ee ra. —Turúquiaa chõ nandeico a resẽ. ¿Mañi nda aba ã mbuquiariu ja re? Mbae eã tuchite a resẽ, i que echĩmbaaquiātu ñee Jesús je ra.

³⁴ —¿Manya mbichae jembae re? i que Jesús ee ra. —Siete mbichae. Sira ñetẽ mo ndese, i que ee ra.

³⁵ Jesús que mbia mbucoi ja ibi ra.

³⁶ Mbichae que eisi ja o je ra. Sira ñetẽ abe no. Gracias, i que Dios je ra. Mbichae que esiquio quio mbia je cote ra. Sir a rese. Mee ja que uchĩmbaaquiātu je cote ra. Ūqui ngue emee mee mbia ja je cote ra.

³⁷ Mbía que eu ja ñimbio chee ra. Mbichae sique sique que emunua nua ja ra. Sira sique rese. Siete iru que emombisẽ nyee ra.

³⁸ Mbichaecua rei mbia cuatro mil. Cuña abe abe. Mbía riirĩ abe abe no.

³⁹ Jesús que mbia mondochoi ja cote ra. Jesús que ua canoa ye cote ra. Oso que Magdala quiti cote ra.

16

Mbia mae sayã eteacuquia ure je, i fariseos

¹ —Tã nande rã Jesús je, i que fariseos ñee nyue ra. Saduceos rese. Nyebe ūqui ngaẽ nguiã ñee Jesús je. —Mbía mae sayã esaã na ure je. † nda “Dios chimbu” ure tuchi ndeje, i rei que ñee Jesús je ra.

² Jesús que ñee ee ra. —Ibei jëicuate raque ūqui. Ibei ireĩ ndese jemaie mose eresaitõ, “ama nda nyaaquiã” jenyẽ chõ nguiã eicua.

³ Ibei ireĩ ndese jemaie mose eresaitõ ndabe, “nyaaqui rae”, jenyẽ chõ nguiã eicua ūqui no. Ibei jëicuate raque quia ã. Ae Dios teacuquia jëje nae, ūqui jëicuayã mbei chõchĩ nguiã ã. Ae ra tu icuãte mbia je nae, ¿mbaerã jëingo ūqui nguiatu icuayãte re? ¿Mbaerã jëingo jëaracua raã naa nde?

⁴ Mbía icuã ja chõ ã nde. Ae siqui ibi rĩ namo nae. Hui jate equia Dios si ã. “Mbía mae sayã esaã ure je”, i chõchĩ equia seje ã. Aque mii nda asaã jëje. Jonás na si ra asaã jëje, i que Jesús ñee nda. Oso que erecha cote ra.

Fariseos mbia mbaaquiātu icuã, i Jesús

⁵ Jesús chĩmbaaquiātu que uchĩurã curuchoi eã nda. Tesarei que esi nyoï mose sobei ra.

⁶ Jesús que ñee ee ra. —Mbichae mbuchimatãsa rã ndei fariseos cheẽ. Saduceos cheẽ abe no. Ūqui ñee ndese ra jëingochĩ jë, i que Jesús ee ra.

⁷ —Mbichae quiātu ngue nanderuã nguiã. Nyebe eriquĩ nguiã ñee nande je ūqui, i rei que echĩmbaaquiātu ñee nyue ra.

⁸ Jesús que echeẽ ñee icuate ra. Nyebe ñee nguiã ee. —¿Mbaerã jëingo “mbichae nanderuãchĩ” i re? ¿Mbaerã jëingo seicuayãte re?

⁹ Ae rĩ aico ñee jëje nae, ¿ūqui jëicuayã mbeite quia re? Se mbichae mbeta mose ¿ūqui si jëtesarei chõ nde? Cinco mbichae mbeta mose mbia cinco mil je, ¿manya iru jemombisẽ mbichae sique sique je re?

¹⁰ Siete mbichae mbeta mose mbia cuatro mil je ¿manya iru jemombisẽ mbichae sique sique je no?

11 Secheẽ mose jẽje nyii, “mbichae mbuchimatãsa rã ndei fariseos cheẽ”, i mose jẽje, secheẽ jẽicua rã. Mbichae rĩi aico ñee ãte jẽje co. Fariseos cheẽ ndese jẽingo eã sacua ño aico nguĩã ñee jẽje. Saduceos cheẽ ndese abe jẽingo eã sacua, i que Jesús ra.

12 Echimbaaquiatu que eicua chee ra. — Mbi chae mbuchimatãsa rĩi eã ño eriqui ñee nande je re. Ae fariseos senei senei icua nguia mbia mbaaquiatu nae, ũqui ñi ño eriqui ñee nde. Saduceo ñee ñi abe no, i que echimbaaquiatu eicua ramo cote ra.

Cristo chõ nde resẽ, i Pedro Jesús je

13 Jesús que nyoi Cesarea de Filipoo cote ra. Huee que ñee uchimbaaquiatu je cote ra. —Mbiarã ngue achu ibii ra. ¿Aba aico rei se mbia je re? i que Jesús ñee ee ra.

14 Echimbaaquiatu que ñee ee ra. —Juan el Bautista ereico rei nguĩã mbia je co. Elías ereico rei nguĩã emo je no. Jeremías ereico rei nguĩã emo je no. Dios cheẽ nenei neneisa mo ereico rei nguĩã emo je no, i que echimbaaquiatu ñee Jesús je ra.

15 —¿Aba aico rei jẽje co re? i que Jesús ee ra.

16 —Cristo chõ nde resẽ. Dios riirĩ ño nde resẽ, i que Pedro ee ra.

17-18 Jesús que ñee Pedro je cote ra. — Ndeyate ereico co, Simón. Mbã mo nembirandu eãte quia serese co. Paba Ibatenda mĩ ño nembirandu nguĩã serese. Jonás ndiirĩ ndei nde. Tacheẽ tuchi ndeje. “Pedro” i chõ equia ndeje co. “Sita” i ñi Pedro je re. Aque sita arõ ño nda sembae iglesia achao. Satanás nda esiquisã eãte. Satanás quirãcuãte raque. Mbã iquiãsa raque ae no. Ae ra sembae iglesia siquisã eã mbei.

19 Mbae tamee ndeje. Llave tamee ndeje. Aque je ra Dios recua iguesa erembuquiata quiata mbia je. Mbã ique sacua. Ae je ra erembuqui ata, ũqui nda ique. Ae je ra erembuquiata eã, ũqui nda ique eã, i que Jesús ra.

20 Jesús que ñee uchimbaaquiatu ja je cote ra. —“Jesús rei Dios chimondo” jenyechĩ nda emo mbiirandu jẽ, i que ee ra.

Mbia ra seiquia, i Jesús

21 Aque mose bei que Jesús umano nonde senei senei uchimbaaquiatu je ra. —Paba ra sererao Jerusalén. Huee ra amei seiruã nu a tuchi. Sacerdotes rerecua abe ra sembasi mbasi tuchi no. Embesasa abe no. Seiquia rae. Tres días mose ra aquera si, i que Jesús ñee ee ra.

22 Pedro que Jesús querao pe jiri ñee sacua ee ra. —Mbã ra jẽ jẽichĩ ndeje jẽ. Mbã ra ndeiquiachĩ jẽ, i rei que Pedro ñee asi ee ra.

23 Jesús que uba ñee Pedro je ra. —Ehũ chõ sesi, Satanás. ¿Mbaerã ereico seriquisã quisã nde? Mbã ndua rã ño ereico nguĩã ndua. Dios ndua rã eã, i que ñee Pedro je ra.

24 Jesús que ñee uchimbaaquiatu je cote ra. —Emo siquise mose serui, sã hui ja mbae ubi si. Sã cruz umbaerã ndui se rã si. Sã eriqui serui bei cote.

25 Emo ndua bei mose ngueco rese, ereco ra ua esi. Emo hui mose ngueco si seje, ũqui nda siqui bei.

26 Emo ngueco mumba choõno mose, eya eã mbei rae. Mbaecha rete raque. Emo ngueco mumba choõno mose, mbae mo eãte ereco ribishorõ sacua.

27 Dios ra sembu si íbii uquirãcuã je. Ibatenda rese ra achu ángeles. Ae mbae turã saã saã nguia nae, ũqui je ra mbae turã amondo se tu mose. Ae mbae icuã saã saã nguia nae, ũqui je ra mbae icuã amondo no.

28 Tacheẽ nyecua jẽje. A jengu a nae, jemo nda jemaẽ sechu rese. Achu ra mbia rerecuarã tuchi cote. Jemo jemano eã mose r a achu mbia rerecuarã tuchi cote, i que Jesús ra.

17

Jesús nyĩcuabo uchimbaaquiatu resaa

1 Tenda seis uare que Jesús uchimbaaquiatu mo nderao sita ibãtee ra. Pedro. Jacobo. Juan abe no. Jacobo nongue rei Juan. Ũqui ngue equerao ja mbia tiãsa ra.

2 Jesús que nyĩcuabo eresaa ra. Eruba que ñimbiasu ra. Tenda nininya rã tuchi que eruba ra. Eirao abe nininya tuchi que ra. Eiraoshĩ nininya tuchi que ee ra.

3 Mbã nyeremo ngue nyecua u ibate si ra. Jesús nininya mose que echi ñee ñee erese ra. Moisés que enongue ra. Elías que enongue ra.

4 Pedro que ñee Jesús je ra. — Sembaaquiatu, nandecu turãte a. Sucha ñetẽ uresaã saã na, ndebi mose. Enongue nembraerã. Enongue Moisés mbaerã no. Enongue Elías mbaerã no, i rei que Pedro ñee Jesús je ra.

5 Pedro cheẽ mosete que ibeishĩ ndu eite ñi nda. Abamo ñee mo ngue echandu ibeishĩ qui re ra. —Co rei sebi tuchi seriirĩ co. Seya tuchite aico erese co. Echeẽ jeñandu bei quia, i que Dios ñee ee ibeishĩ qui re ra.

6 Echimbaaquiatu que siquichete eandu mose ra. Echeẽ mose que ehoi nyaara nguẽ quiti ra.

7 Jesús que esiichã oco oco erese ra. — Jẽhuã na. Jẽsiquichechĩ nda jẽ, i que ñee ee ra.

8 Echimbaaquiatu soboiba mose que mae Jesús mĩ ndese cote ra.

9 I ecauẽ nguia nguichi mose sita ibate si que Jesús ñee ee ra. —Ae rese jemaẽ namo nae, ũqui nda jẽsenei seneichĩ emo je jẽ. Seraaque quera si mose, aque mose ramo ño jẽsenei senei mbia je cote, i que Jesús ñee ee ra.

¹⁰ Echimbaaquiatsu que ñee ee cote ra. —¿Mbaerã “Elías rane nda tu Cristo si” i embe-sasa re? i que ñee Jesús je ra.

¹¹ Jesús que ñee ee ra. —Ae bei. Coche Elías rane tu nguia mbae mbitirõ ja.

¹² Elías que tu ra. Mbia que eicuayãte ra. Mbia icuã icuã jate que eriqui ee ra. Eĩ si ra mbia icuã icuã seje no, i que Jesús ee ra.

¹³ Echimbaaquiatsu que Jesús cheẽ icua ramo cote ra. —Juan el Bautista rĩ ño eriqui ñee nde, i que Jesús cheẽ icua ramo cote ra.

Jesús aba checuayã jea mbia ririĩ mo si

¹⁴ Ngasẽ ngue mbia ja je cote ra. Emo ngue ngoi nguia ndese ñee Jesús je ra.

¹⁵ —Seriĩĩ embucherõ na, Sererecua. Tẽ i beite que equia ra. Titi titi i beite que equia no nda. Erasi tuchite. Ngoi coi beite tátaa. Ama ye abe ngoi coi beite.

¹⁶ “Seriĩĩ embucherõ na”, ae rei ngue nguia ndechimbaaquiatsu je. Mbia mbucherõ aquiatsu ño eriqui re, i que eru ñee Jesús je ra.

¹⁷ Jesús que ñee cote ra. —¿Mañi jenyee quia seicuayãte re? ¿Secheẽ jemumba tuchi chõ nguia re? ¿Ñimbirãcuã mbeite ra aba quia jẽje re? i que Jesús ra. —Eriĩĩ jendu rã seje, i que cote ra.

¹⁸ Jesús que ñee asite aba checuayã je cote ra. Aba checuayã ngue usẽ eriĩĩ si cote ra. Aque mose tuchi que eriĩĩ nyerõ cote ra.

¹⁹ Aquere que echimbaaquiatsu ñee Jesús ísaa ra. —¿Mbaerã ureico aba checuayã jea aroneate mbia si re? i que ñee Jesús je ra.

²⁰ Jesús que ñee ee ra. —Seicuayãte jiri quiatu nguia ã. Tacheẽ nyecua jẽje. Sã mostaza eĩ ñetete riqui raque no. Jẽ seicua ñetẽ mose, mbae ra asaã ja jẽje. “Eso pe jiri”, jenyee mose co sita ibate je, siri ra oso pe jiri jẽñee nguire. Jẽ seicua mose, mbae jẽ saã ja arondete.

²¹ Aba checuayã ngue ajea namo, ùquĩ nda jẽjea eã jeñee eã mose Dios je. Ùquĩ nda jẽjea eã, jẽhuĩ eã mose jenyiu si, i que Jesús ñee ee ra.

Mbia ra seiquia, i si Jesús

²² Galilea rĩ ngue Jesús riqui ngata uchimbaaquiatsu rese ra. Jesús que embaaquiatsu quiatsu quia ra. —Mbiarã ngue achu ra. Mbia ra semee mbia icuã je.

²³ Mbia icuã nda seiquia. Tres nyaashĩ mose r a aquera si, i que Jesús ra. Echimbaaquiatsu ia eã tuchi que echeẽ mose ra.

Jesús mbae isiquia mondo impuestos pagar i sacua

²⁴ Ngasẽ ja que Capernaum cote ra. Ae impuestos isi isi quia Dios chuchua jenda nae, ùquĩ ngue nyoi ñee Pedro je ra. —¿Jenderecua impuestos mee eã nguia Dios chuchua jenda je re? i que ñee Pedro je ra.

²⁵ —Impuestos emee mee mbeite quia co, i que Pedro ee ra. Pedro que oso ique tuchúaa cote ra. Jesús rane ngue ñee ee ra. —I ere, Pedro. ¿Aba je mbia rerecua riqui “impuestos jemee na seje” i re? I eã nda nguĩĩ je. Mbiamo je chõ nda ñee nguia, i que Jesús ee ra.

²⁶ —Ae. Mbiamo si ra eisi, i que Pedro ñee ee ra. Jesús que ñee ee cote ra. —Eriĩĩ nda impuestos mee eã ee resẽ.

²⁷ Dios ririĩ ndaque se. Impuestos nandemee ndei Dios chuchua jenda je. Sã mbia ndua icuã eã nande rese. Quiatu ama ndíshaa. Sira mbabasa emondo ii. Ae rane nda sira erembua nae, aque churu ye ra mbae isiquia mo eretea. Aque emee serao impuestos isi isiquia je. Sembae impuestos sacua. Nembrae sacua abe no, i que Jesús ñee Pedro je ra.

18

Ererecua tuchi ra se, i jaaja Jesús chimbaaquiatsu nyue

¹ Aque mose que echimbaaquiatsu ñee jate Jesús je ra. —¿Aba ra ererecua tuchi ure nderese re? i que ñee Jesús je ra.

² Jesús que ãquẽ mo mbucoi miĩ eite re ra.

³ Ñee ngue mbia je cote ra. —Tacheẽ nyecua jẽje. Dios quiti jemba eã mose ra jenderecua eã mbei Dios. Mbia ririĩ na jẽingoã mose ra jenderecua eã mbei Dios no.

⁴ Ae siqui quia cocheete nae, ùquĩ nda mbia rerecuarã nyee Dios rese. Ae siqui quia mbia ririĩ n a nae, ùquĩ nda mbia rerecuarã nyee Dios rese.

⁵ Ae eturã ndiqui mbia ririĩ je serĩĩ nae, seje abe chõ eturã ndiqui nguia.

Mbae icuã nda nandesã uquiachũ emo je

⁶ Ae ra mbae icuã saã uquia seicua mo je nae, ùquĩ nda mbae rasi saã tuchi cote. Ùquĩ nda aba mombo chõ ama ndísha ye nyii re chã. Sita resebe ecua ji mondo. I nda mbae icuã naa uquia eãte rei seicua je.

⁷ Mbae icuã nguia rei siqui bei tuchi mbia mbiĩcuã nonde. Ae ñee nguia mbia je nae, “mbae icuã esaã” i nae, eicuã tuchi chõ ùquĩ nde. Ae “mbae icuã esaã” i nae, ùquĩ nda mbae rasi saã tuchi cote.

⁸ Ndeo nemingo mose mbae icuã ndese, ndeo echisia mombo. Coche rei ra ereso ibate ndeo miĩ nderequia, siqui bei sacua huee. Ndei nemingo mose mbae i cuã ndese, ndei echisia mombo no. Coche rei ra ereso ibate ndei miĩ nderequia, siqui bei sacua huee. Oso rocoĩ tata cuásuu, ndeo nyeremo nderao. Ndei nyeremo nderao. Tata ra uqueã mbei huee no.

⁹ Nderesa nemingo mose mbae icuã ndese, nderesa echoo. Coche rei ra ereso

ibate nderesa mii nderequia. Nemombo rocoi tata cuásuu, nderesa nyeremo nderao.

Oveja quiachã je

¹⁰ Seririñ ñetê mo nda jêucuãyãchĩ jê. Angeles riqui eraarôte ã. Angeles riqui Paba rese ibate pe.

¹¹ Se que achu quiachã je rea ra.

¹² Sã emo nimba quiachã oveja no. Cien ndei ngue erimba re. Co mii ngue quiachã ee ra. Aque esi quia quiachã je requia aque. Eataque recha. Noiva y nueva recha.

¹³ Tacheê nyecua jêje. Echa quiachã je rea mose, eyate que erese ra. Eya tuchi que erese ovejas ataque si ra. Quiachã eã je si.

¹⁴ Sã jendu ibatenda abe no. —Sã aque mii quiachã eã seririñ ñetê mo, i chõ Dios nguia co.

Emo mbae icuã naa mbei mose ndeje, etesarei sarei bei chõ

¹⁵ Nderesenda icuã mose ndeje, eso ñee ee. “Á ngue ersaã mbae icuã nda”, ere chõ ñee eísa. Ndecheê andu turã mose, nderesenda que eremitirõ turã nda.

¹⁶ Ndecheê andu sereã mose, emo abe erao ñee sacua ee. Aque mii nda reo. Nyeremo nda re no ae. Ûqui abe ñee sacua ee. Jeñee ja mose ee hue rĩ ja, jêandu turã arõte.

¹⁷ Ûqui andu sereã mose, jeñee mbia chumunuãsa cote. Sã mbia ñumunua je ñee ja ee. Ûqui ñee andu sereã mose, jemombo chõ cote. Dios quiatoã naanguia jêsaã ño ee cote. Mbia icuã naanguia jêsaã ño nguia ee cote.

¹⁸ Tacheê nyecua jêje. Jê mbae mo ndiquisã mose, Dios abe ra esiquisã. Jê mbae mo ndiquisã eã mose, Dios abe ra esiquisã eã no.

¹⁹ Tacheê nyecua jêje. Jê nyeremo ndua turã mose hue rĩ sí, “co embu ure je” jenye turã ja mose Dios je, Paba Ibatenda ra emondo jêje.

²⁰ Jê nyeremo ñumunua mose serĩ, aico chee nguia jendese jêite re huee, i que Jesús uchimbaaquiatu je ra.

²¹ Pedro que ñee Jesús je ra. —Seresenda icuã mbei mose seje ¿mana veces ra atesarei eicuã si re? ¿Siete veces ra re? i que Pedro ra.

²² Jesús que ñee ee ra. —Tei. Siete veces eã. Eata tuchi quia ñene. Setenta veces siete quia ñene, i que Jesús ee ra.

Jendesenda icuã si chõ jêtesarei

²³ Sã ererecua mo ndiqui no. Dios rã si chõ ererecua re. Sã ererecua a cuenta raã naa ja nguimba je no.

²⁴ Cuenta raã naa mose que erimba mo ndurucuaã ee ra. Aque que deber i tuchi quia ee ra.

²⁵ Mbae ãte que erimba mbae pagar i sacua nda. Nyebe ererecua ñee nguia. “Embae je vender nande ja rã. Eriirĩ abe je vender nande. Eninisi abe no. Ae abe je

vender nande. fnda cuenta ua jiri”, i rei que ererecua ñee nda.

²⁶ Erimba ia eã tuchi que echeê andu ra. Ngoi que nguia ndese ñee nguerecua je ra. “Sererecua, eico tochi chõ seje ae. Mbae tamondo ja chee ndeje”, i que erimba ra.

²⁷ Ererecua ia eã tuchi que erese ra. “Mbae emondo eã ndei seje pagar i sacua”, i chõ nyee que ee ra. Hui chõ nyee que esi ra.

²⁸ Erimba que usê ndei oso quia ra. Aque mosechi que ngasê nguenda mo je ra. Deber i müite rei ee reaã. “Pagar ere rã seje”, i que echosoi isi ra.

²⁹ Eresenda que ngoi nguia ndese ñee ee ra. “Eico tochi chõ seje ae. Mbae tamondo ja chee ndeje”, i que eresenda ñee ee ra.

³⁰ “Nya” i chõ ngue enongue echeê mose ra. Cárcel chõ ngue ererao chee matã nda. Mbae mondo ja chee sacua ee.

³¹ Eresenda ataque ia eã tuchi que mae erese ra. Nyebe echoi nguia ñee ererecua je.

³² Nyebe ererecua “echu” i nguia ee. “Serimba icuãte chõ ereicochi nde re. Ae deber ere seje, ùquiñ nii ngue acheê eãte ndeje. Seya eãte que nderese nde ñee mose seje nyii.

³³ ¿Mbaerã ndeya eã eã ño ndenongue rese nde re? Sã ñi seya eãte nderese nyii no”, i que ererecua ñee ee ra.

³⁴ Ererecua que paama i tuchi ee ra. “Jêiruã nua tuchi, pagar i ja chee”, i que ererecua ñee mbia je ra, i que Jesús mbia mbaaquiatu quiatu ra.

³⁵ —Eĩ sí ra Paba Ibatenda paama i jêje, jêtesareiã mose jendesenda icuã si, i que Jesús mbi a je ra.

19

Jesús ñee mbia nguñisi mombo je ri

¹ Jesús cheê uare que esi Galilea si cote ra. Ama Jordán ndobei que esi sobei cote ra. Judea bei chõ hue ja ibi re.

² Mbia que nyoi ja tuchi quia erui ra. Huee que mbia rasi mbucherõ cherõ tuchi ra.

³ Fariseos mo ngue nyoi Jesús riichã nda. —Tã nande Jesús je no. Ma ñee Dios cheê abí, i que ñee nyue ra. —¿Coche mbia nguñisi jea ubiã mose re? i que ñee Jesús je cote ra.

⁴ Jesús que ñee ee ra. —¿Embesa ji rese jêingo mae ãte re? “Dios mbia ao mose, nyeremo ngue echao ra. Erãcũ ngue echao ra. Eninisirã abe que echao no nda.

⁵ Nyebe ra emo ndiqui nguñisi rese bei. Ngu si isho. Usi si abe no. Nguñisi rese siqui bei sacua. Co mii na siqui sacua nyiese”, i ñi embesa ji re.

⁶ Nyeremo siqui rã eã ño cote re. Co mii siqui rã ño ùqui cote re. Ae Dios mbucha nyiese nae, sã ùqui huĩ eã mbei nyesi, i que Jesús ñee ee ra

7 Fariseos que ñee ee cote ra. —¿Mbaerã Moisés ñee ũquí nde? “Jeninisi jea nonde, papel mbesa je jemondo ee”, i ee re, i que ra.

8 Jesús que ñee ee ra. —Jëaquê âtâte quiatu ngue re. Nyebe Moisés embesa nguiã jêje ũquí. ũquí i âte que Dios mbia ao ramo mose nyii ra.

9 Ae ngūinisi jea nae, eninisi siquĩ ndaque emo ndese, eicuã tuchi chō ũquí nde. Ae ngūinisirã mo ndeabe mose, adulterio i que ũquí je ra, i que Jesús ñee ee ra.

10 Echimbaaquiato que ñee ee ra. —Mbaeiae mose ngūinisi jea mose ¿mbaerã nguiatu ra ngūinisirã ndea re? i rei que echimbaaquiato ñee nda.

11 Jesús que ñee ee ra. —Mbia ja riqui ũquí icua eâte ã. Ae Dios mbaaquiato quiatu nae, ũquí mii ño siqui nguiã eicua ã.

12 Ae eninisi sereã mbeite nae, ũquí nda siqui turã, eninisiã ndaque rae. Emo nyia o ji mose, ũquí abe ra siqui turã, eninisiã ndaque rae. Emo ngūinisirã nderequia eã mose Dios riĩ, ũquí abe ra siqui turã, eninisiã ndaque ra eno. Ae ra “coche seninisiã aico nguiã co” i mose, sã eriqui bei eninisiã, i que Jesús ñee ee ra.

Jesús mbia riirĩ isi turã turã

13 Mbia que nguiirĩ ngurucuaẽ cuaẽ nguia Jesús je ra. Jesús o noono sacuaẽ eãquĩ arõ. Jesús ñee sacuaẽ Dios je erĩ. —¿Mbaerã jendiirĩ jendu quia co re? i rei que Jesús chimbaaquiato ñee mbia je ra.

14 Jesús que ñee nda. —Tei. Jëhuĩ chō esi. Sã nguiirĩ ndurucuaẽ cuaẽ seje. Eĩ ño Dios rimba nguiã. Ucuasu raã naa eã. Mbia riirĩ na, i que Jesús ñee ee ra.

15 Jesús que o chono ñono mbia riirĩ arõ nda. Aquere que esi ngata cote ra.

Acuanindu mbaecha mo ñee Jesús je

16 Acuanindu mo ngue tu ñee Jesús je ra. —Mbia mbaaquiatusa turãte nde. ¿Mbae turã mo nda asaã Dios je semingo bei sacuaẽ nde? i que ñee Jesús je ra.

17 Jesús que ñee ee ra. —¿Mbaerã ereico eturã i seje re? Dios mii ño eturã ndesê. Nde ndeico beise mose, Dios cheẽ emumbayã ja, i que Jesús ñee e e ra.

18 —¿Mbae ra amumbayã Dios cheẽ nde? i que acuanindu ee ra. Jesús que ñee ee ra. —“Mbia mo nda ereiquiachĩ. Emo ninisi rese ra ereicochĩ. Mbae mo nda erem-buquiachãchĩ. Erecheẽ ñooñochĩ nda emo nii.

19 Ndeturã ño nderu je. Ndeturã ño ndesi abe je. Sã erchesequa ndechiese no nae, eĩ ere si chō nyesequa nde ji jenda rese”. Dios cheẽ ja chō ũquí nde. Mbia echeẽ mumbayã sacuaẽ, i que Jesús ñee acuanindu je ra.

20 Acuanindu que ñee ndei ee ra. —Ũquí ngue amumbayã ja bei quia ra. Señetê

mosenda bei. ¿Mbae mo abe ra asaã nde? i que acuanindu ñee Jesús je ra.

21 Jesús que ñee ee ra. —“Taico turã tuchi”, nde i mose, ã abe esaã. Nembae emondo mondo ja mbia mbaecha reã je. Nde ũquí naa mose, mbae tubiriã nda nembae, ndeico mose ibate. Nembae mondo ja mose mbaecha reã je, serui eico cote, i que Jesús ee ra.

22 Acuanindu Jesús cheẽ andu mose que echosoi oso serite cote ra. Eyayãte que oso ra. Mbaecha tuchite quiatu ngue ae re.

23 Jesús que ñee uchimbaaquiato je cote ra. —Tacheẽ nyecua jêje. Mbaranguiatu âte mbaecha je ngasê sacuaẽ ibate siqui bei sacuaẽ huee.

24 Sã ticuasú mo ndiqui oso aroneate ique aguja sorei rĩ no nae. Eĩ si chō mbaecha no nde. Oso aronea ibate Dios rese, i que Jesús ra.

25 Echimbaaquiato que nyuruira tuchi echeẽ andu ra. —¿Aba quia ra oso Dios rea ibate re no? i que echimbaaquiato Jesús je cote ra.

26 Jesús que mae erese ñee ee ra. —Ae mbia saã aroneate quia nae, Dios mii ño nda esaã, i que Jesús ee ra.

27 Pedro que ñee Jesús je ra. —Ure que urembae uresech a ja ra. Siqui sacuaẽ nderui. ¿Mbae ra ereme ure je re? i que Pedro ñee nda.

28 Jesús que ñee ee ra. —Tacheẽ nyecua jêje. Dios mbae mbiasu ja mose ra ererecua tuchi rei se cote. Mbia ra mae ja serese aque mose. Aque mose ra jê abe ererecua. Jê doce. Trono jaaja ra jembraerã cote. Judios rerecua ja ra jê.

29 Emo umbae secha ja mose siqui sacuaẽ serui, embae ra asibishorõ tuchi ee cote. Ae uchuchua secha. Ae ngõngue secha. Ae ngu secha. Ae usi secha. Ae ngūinisi secha. Ae nguiirĩ secha. Ae umbae ibi secha no. ũquí mbae ja ra asibishorõ tuchi cien veces. Aquere ra siqui bei tuchi Dios rese ibate cote.

30 Ae rane eriqui nyii nae, ũquí nda siqui mbia rui tuchi cote. Ae siqui quia mbia rui tuchi nyii nae, ũquí nane nda cote, i que Jesús ra.

20

Ae rane eriqui nyii nae, ũquí nda siqui mbia rui tuchi cote

1 Jesús que mbia mbaaquiato quiatube no nda. —Dios rei mbia rerecua tuchi. Sã mbaecha mo ndiqui no. Sã mbaecha uva tubiriãte riqui embae no. Sã mbaecha mbia mo ndea rea umbae ishao shao sacuaẽ no. Nyaashĩ namo mose.

² “Denario mii tamondo mondo ja jêje. Sembae ishao shao sacua tenda mondo chee”, i que emondochoi úcoo cote ra.

³ Tenda chui mose que mae emo ndecoteã eã ndese ra.

⁴ —Jê abe jêso sembae ishao shao. Mbae mo tamee jêje, i que ee ra. Nyoï que echeẽ mose ra.

⁵ Tenda nandeite re mose que echa emo mondo choi cote ra. Umbae ishao shao sacua. Eĩ si que echa tenda chaara ramo mose no nda.

⁶ Tenda ireĩ mose abe que mae emo ndecoteã eã ndese no nda. “¿Mbaerã jêingo tenda mondochooño siqui rocoi mbae mo ndese a re?” i que echa ñee ee ra.

⁷ “Emo ngue ‘mbae mo esaã seje’ i ãte ure je ra”, i que ee ra. “Jêso jê abe sembae ishao shao. Mbae mo tamee jêje”, i que echa ee ra.

⁸ Itondaru ramo mose que echa ñee mbia reaquiatusa je ra. “‘Jenyu’ ere sembae ishao shaosa je. Pagar ere rã úqui ja je. Ae ique ramo eresaitõ nae, úqui nane je pagar ere. Ae rane ique nyii nae, úqui je pagar ere lui bei cote”, i que echa ñee nda.

⁹ Ae ique eresaitõ nae, úqui nane je que denario mii mee mee nda.

¹⁰ Ae rane ique nyii nae, úqui ngue ñee ñee u nyue ra. “Eata jiri ra emee nande je reae. Nande rane ngue uva a nandeishao shao”, i rei que eu ñee ñee nyue ra. Úqui je abe que denario mii mee mee nda.

¹¹ Pagar i mose ee que ñee asi asi echa je ra.

¹² “Ae ique ramo eresaitõ nae, úqui ngue mbae ishao shao eã jiri resẽ. Eresaitõte que ique. Ure quiatu que tenda uremumba rei uva a ishao shao ndeje. ¿Mbaerã mbae isiquia ereme ee ure rã si chõ nde?” i que ñee echa je ra.

¹³ Echa que ñee úqui mo je ra. “Mbae icua mo asaã eãte ndeje resẽ. ‘Denario mii’, nande que ñee nyii resẽ.

¹⁴ Quiatu nembae denario rerao cote. Ae ique ramo nae, úqui je abe denario tamee mee nde rã si.

¹⁵ Sembae ae rese aico nguiã. Sembae amondose mose emo je, ¿amondo aroneate se re? Se sembae mee mose emo je, ¿ndebiãte úqui nde?” i que echa ñee ee ra.

¹⁶ Ae rane eriqui nyii nae, úqui nda siqui mbia rui tuchi cote. Ae siqui quia mbia rui tuchi nyii nae, úqui nane nda cote. “Jenyu serui” i tuchi Dios quia mbia ja je co. Mbiamii ño eisirõ sirõ nguiã co, i que Jesús ñee nda.

Mbia ra seiquia, i si Jesús

¹⁷ Jesús que ngata oso quia Jerusalén quitira. Uchimbacquiato que equerao mbia tiãsa ñee sacua ee ra.

¹⁸ —Co nyao quia Jersalén co. Huee ra mbia semee sacerdotes rerecua je. Embesasa abe je. “Jesús jêiquia”, i ra serii.

¹⁹ Semee nda judíos eã je cote. Seiquia sacua. Mbiamia ra secheẽ saã saã. Seiruã nua abe ra eno. Sembucha chee ra iquia ira rese. Tres nyaashĩ mose ra aquera si, i que Jesús ñee ee ra.

Ererecuarã ure, i raque Jacobo, Juan ndese

²⁰ Ari mo ngue oso Jesús riichã nde. Jacobo si. Juan si. Zebedeo ririĩ ngue úqui nda. Ari que oso Jesús riichã nguiĩ ndese ra. Ngoi que nguiã ndese ñee Jesús je ra. —Mbae mo esaã na seje, i que ee ra.

²¹ —¿Mbae ra aba saã ndeje re? i que Jesús ñee ari je ra. Ari que ñee ee ra. —Ndeico mose ererecua tuchi, sã seriĩĩ abe riqui ererecuarã nderese. Sã seriĩĩ ngoi ja u ndejii. Enongue chí ngoi ndequito cuti. Enongue ndequiato cutiã no, i rei que ari ñee Jesús je ra.

²² Jesús que ñee ee ra. —Ae riĩ jêingo ñee seje nae, jêirandu turã eãte úqui ndese. Ae rasi ra asaã tuchi nae, ¿úqui ndasi ra jêsaã jê abe re? i que Jesús ee ra. “Ae”, i que ari ririĩ ñee ee ra.

²³ Jesús que ñee ee ra. —Ae bei. Ae rasi ra asaã tuchi nae, úqui ndasi ra jêsaã tuchi raque jê abe. “Ererecuarã ure”, jenye que seje, úqui asaã aroneate se jêje. Paba ae quiatu ra úqui saã. Ae ebite, úqui nda emii ererecuarã, i que Jesús ra.

²⁴ Echimbacquiato ataque que jirandu erese ra. Echimbacquiato diez. Paama i que Juan je ra. Jacobo je abe.

²⁵ Jesús que “jenyu” i ñee uchimbacquiato ja je cote ra. —Mbiamia ataque rerecua riqui ucuasu raã naa tuchi nguimba je úqui.

²⁶ Úqui nda jêsaãchĩ jê. “Ererecua ra se”, i mose jemo, sã aque riquichõ uataque rimbarã.

²⁷ Jemo “se rane jê” i mose, sã úqui ndiqui bei mbae turã naa naa uataque je.

²⁸ “Sã mbiambae turã naa naa seje”, ae eã ngue u ra. “Se quiatu mbae turã tasaã saã mbiamia je”, ae u nguiã. Co achu quia mano mbiamia tubiriã ndiquicharõ sacua co, i que Jesús ñee nda.

Jesús mbiam nyeremo ndesayã mbucherõ

²⁹ Jesús que ngata oso quia Jericó si ra. Uchimbacquiato rese. Mbiamia tubiriã ngue nyoï quia erui ra.

³⁰ Eresayã nyeremo ngue chí ñeenda jie ee ra. Eresayã ngue jirandu Jesús ucua rese ra. Ñeemombo mombo que Jesús je ra. —¡Sererecua! ¡David rucucha! ¡Ndeya eã ño urerese jê! i que eresayã ñee Jesús je ra.

³¹ —¡jêquiriri chõ jê! i tuchi rei que mbiamia ñee ee ra. —¡Sererecua! ¡David rucucha!

¡Ndeya eã ño urerese jê! ibe que eresayã ñee Jesús je ra.

³² Jesús que tiba ñee ee cote ra. —Jenyu rã. ¿Mañi ae ra jêje re? i que Jesús ñee eresayã je ra.

³³ —Ureresa embuturã na, Urererecua, i que eresayã ñee ee ra.

³⁴ Jesús ia eã tuchi que erese ra. Oco ja que eresa rese ra. Aque mose tuchi que eresayã ndesa turã ja cote ra. Mae turã ngue cote ra. Jesús rui que echoi quia cote ra.

21

Jesús ngasê Jerusalén

¹ Jesús que Jerusalén curubite nyoï quia ra. Betfagé, i que hue sucha je ra. Ibi ibate mo abe que chí huee ra. Monte de los Olivos, i que hue je ra. Hue si que Jesús uchimbaaquiātu nyeremo mondo ra.

² Ñee ngue ee ra. —Achi súchaa chō jêso rã. Burro cuasa ra chí nguiñi ndese jêje huee. Ũquí jenyura seru seje.

³ Emo ñee mose jêje, “¿mberã nda jenyura re?” i mose jêje, jeñee ee. “Nandererecua que ‘jendu’ i ra. Mondo jeibe ra jêje”, jenyee ee, i que Jesús ñee ũquí nyeremo mondo ra.

⁴ Embesa ji cheê io sacua ño ngue ũquí nda. Embesa ji huï a:

⁵ Jeñee Jerusalén jenda je. “¡Sã jê! Jenderecua ru quia jêje burro ato co. Ucuasa esaã saã eãte u quia co. Burro riñi átoo eru quia co”, jenyee ee, i que embesa ji huï nyii ra.

⁶ Ũquí nyeremo ngue Jesús mondo cote ra. Ae riñ Jesús ñee ee nae, ũquí ngue nyecua ja ee cote ra.

⁷ Burro que ecuruchoi Jesús je ra. Huñrao que echono ñono burro quite arõ nda. Burro riñi quite arõ abe. Jesús que nyui eato cote ra.

⁸ Jesús que ngata rei oso quia burro átoo ra. Mbia tubiriã ngue huñrao mbiitee tee nyoï quia ibi riñ enonde ra. Emo emo ngue sindo mbiitee tee ee no nda. Jesús oso sacua hue riñ.

⁹ Mbia ia tuchi que tasê tasê nda. —Co nandererecua ru quia ngasête co. Co Dios chimbu ru quia ngasête nande je co. David rucucha ru quia co. Dios turã tuchi riqui nande je co, i tuchi que mbia quia ñee nda. Ae nyoï quia Jesús nonde nae, ũquí. Ae nyoï quia erui nae, ũquí abe no.

¹⁰ Jesús que ngasê Jerusalén cote ra. Mbia hue jenda ia tuchi que o o ja erese ra. —¿Aba co re? i tuchi que equia Jesús riñ nda.

¹¹ Mbia ataque que echeê sibishorõ nda. —Dios chimondo chō co re. Jesús i equia ee. Nazaret de Galilea jenda chō ae re, i que ñee nda.

Jesús mbia mbusê Dios chuchua si

¹² Jesús que oso Dios chuchúaa ra. Huee que mbia riqui mbae isi isi bei ra. Mbae mondo mondo abe mbae isiquia ribishorõ. Ũquí ja que Jesús mombo hue si ra. Ae mbae isiquia sibishorõ shorõ nguia, ũquí mbae abe que embuchiichere chere ja mesa ra. Mesa aronda resebe. Ae nyurushi cuasu mondo mondo mbia je mbae ribishorõ nae, ũquí nenda abe que embuchiichere chere ra.

¹³ Jesús que ñee ũquí ja je ra. —“ ‘Mbia cheêsa Dios je’, i ra mbia Dios chuchua je”, i rei que embesa ji huï nda. Jê nguia jêicuã tuchite Dios chuchua a je re. Mbae mbuquiachãsa chuchua jêsaãte chí nguia ee, i que Jesús ñee asite ũquí je ra.

¹⁴ Jesús siqui mose Dios chuchúaa, mbia resayã ngue nyoï nyoï erea huee ra. Mbia cuatayã abe no. Jesús que ũquí mbucherõ ja ra.

¹⁵ Ererecua cuabête que chi mae icuã icuã erese ra. Sacerdote rerecua abe no. Embesasa abe no. Jesús chisaã turã ndese mae mose que paama ite ee no ra. —David rucucha turãte riqui co, i mose mbia riñi Jesús riñ, ũquí mose que ererecua paama i ja Jesús je ra.

¹⁶ —¿Mbia riñi ñee erchandua quia re? i que ũquí ñee Jesús je ra. Jesús que ñee ee cote ra. —Ae. ¿Embesa ji rese jemae eãte re? “Dios ra mbia riñi mbucheê turã uturã niñ”, i que embesa ji ra, i que Jesús ñee ererecua je ra.

¹⁷ Jesús que oso mbia rerecua recha ja cote ra. Sucha tubiriã abe recha. Oso que Betániaa nda. Huee que itõ nda.

Jesús ñee icuã higo i je

¹⁸ Isamamimbe que Jesús choi sí quia sucha tubiriã nda. Eriãcuãte abe que nyoï quia ra.

¹⁹ Higo i mo ndese que mae ñeenda jie ra. Siñhã ndei que oso ra. Ea eãte que ee ra. Ero achõte chō ngue ee ra. Nyebe Jesús ñee nguia higo i je. —Ndea eã mbei r a cote, i que Jesús ñee ee ra. Aque mosebe tuchi que esi quia ñimama mano nda.

²⁰ Echimbaaquiātu que nyuruira tuchi mae erese ra. —¿Mañi higo i quia ñimama asite mano nde? i que ñee Jesús je ra.

²¹ Jesús que ñee ee ra. —Tacheê nyecua jêje. Ae asaã higo i je nae, jê abe ra ũquí jêsaã serã sí, jê Dios jêicuã tuchi mose. Jeñee nyee ra sita ibate mo je. “Esiri rã oso am a ndisha ye”, jenyee chee ra sita ibate mo je. Sita ibate ra jeñee mumbayã jê Dios jêicuã tuchi mose.

²² “Á emondo seje”, jenyee mose Dios je, mondo r a jêje. “Dios ra emondo seje”, jenyee mose jeñiangui re, Dios ra emondo jêje, i que Jesús ra.

¿Aba nembu re? i mbia ñee Jesús je

²³ Jesús que oso Dios chuchúaa ra. Huee que eriqui mbia mbaaquiату quiату ra. Sacerdote rerecua que nyoí ñee ee amei ndese ra. —¿Mbaerā ereico mbia mbaaquiату quiату Dios chuchúaa re? ¿Aba “ũqui esaã saã” i ndeje re? i que ererecua ñee ja Jesús je ra.

²⁴ Jesús que ñee ee ra. —Se rane tacheẽ jêje. Se rane preguntar tae jêje. Secheẽ jêšibishorõ turā mose, ũqui mose quiату ra jeñee asibishorõ turā se abe.

²⁵ ¿Aba ñee Juan je re? “Eso bautizar i mbia je” i ee re. ¿Dios eã ño ere? Jeñee seje, i que Jesús ee ra. Ererecua que ndua ndua ja i cote ra. Ñee ñee ngue i nyue ra. —¿Mañi nande ra echeẽ ndobešihĩ nde? “Dios que Juan mbu ra”, nande aroneate ñee ee. Nyebe ra ñee nande je. “¿Mbaerā jêingo eãte erui re no?” i quiarei ra nande je.

²⁶ “Dios eã ngue embu ra”, nande aroneate ñee ee no. Mbia атаque ra paama i tuchi nande je. Juan quiату tuchi quiarei mbia, i que ererecua i ñee ñee nyue ra.

²⁷ Ererecua que ñee nyee Jesús je cote ra. —Ureicuayate. Aba chõ Juan mbu bautizar i sacua mbia je, i que ererecua ñee ja Jesús je ra. Jesús abe que ñee ee cote ra. —Se abe tacheẽ eã ndei jêje no. Ae “ã esaã” i seje nae, aque riĩ nda acheẽ eã jêje no, i que Jesús ererecua je ra.

Acuanindu ndua ndua si

²⁸ Jesús que ñeembe ee ra. —I ra ã jêje reae. Sã amei mo ndiiri nyeremo no. “Quiату rã uvas ishao shao seje”, i que amei nguiiri ndiqui je ra.

²⁹ “Nya” i rei que eriiri ndiqui ñee ngu je ra. Aquere que ndua si chõ oso uvas ishao shao ra.

³⁰ “Quiату rã uvas ishao shao seje”, i rei que amei ñee nguiiri nduinda je cote ra. “Se quiату taso, Paba”, i rei que ee ra. Osoã ño ngue ra.

³¹ ¿Ma ngu cheẽ mumbayã ũqui mo nde? i que Jesús ñee judiõ rerecua je ra. —Eriqui chõ ngue ngu cheẽ mumbayã ndesẽ, i que ñee ee ra. Jesús que ñee ee ra. —Tacheẽ nyecua jêje. Cuñandu ата riqui Dios cheẽ andu turā jêsi ã. Impuestos isi isiquia abe riqui Dios cheẽ andu turā jêsi ã. ũqui nda siqui tuchi Dios rese jêsi.

³² “Ei jentye chõ siqui turā Dios je”, i rei que Juan el Bautista jembaaquiату quiату ra. Jê nguiату que echeẽ jembate ra. Cuñandu ата ата quiату que echeẽ isi turā nda. Impuestos isi isiqui a rese. ũqui ndese mae mose abe que jêya eã eã jêicuã ndese no nda. Jê echeẽ isi turā sacua.

Uva raarõsa icuã icuã nguerecua je

³³ ã abe jeñandu. Sã mbia ibicha mo ndiqui no. Sã eriqui uva i tiquia tiquia no.

Sã etarõ no. Uva rique rirurã abe que echao ra. Sucha ibate mo abe que echao ra. Uco raarõ turā ja sacua. “Sembae uvas jêsaarõ”, i que emo je cote ra. Ae que oso ishõ itõte cote ra.

³⁴ Uva quiche mose que ngũimba mo mondo rei umbaerã ndea ra.

³⁵ Uva raarõsa que erimba mbucuasẽ icuã ño nda. Iruã nua ño ngue ra. Echa que ngũimba nongue mo abe mondo rei erea ra. Eraarõsa que aque iquia ra. Enongue que echei chei tuchi mbuqui sita je ra.

³⁶ Eĩ eĩ mbei que eraarõsa quia echa rimba ja je ra.

³⁷ Aquere que echa nguiiri mondo erea cote ra. “Irei irei jiri ra seriiri si”, i rei que ra.

³⁸ Uva raarõsa mae mose erese que ñee nyue ra. “¿Co eriiri ndu quia co cote jê! ¿Nandeiquia rei jê! I nda uvas nandembaerã ae tuchi cote”, i que ñee nyue ra.

³⁹ Eraarõsa que eriiri isi icuã cote ra. Curuchoi que pe jiri iquia ra. Mano ngue cote ra.

⁴⁰ ¿Mañi nda echa quia eraarõsa je cote re? i que Jesús ñee mbia je ra.

⁴¹ Mbia que ñee ee ra. —Echa ra eraarõsa icuã iquia ja cote. Uva i ra emondo emo je eraarõ sacua cote. ũqui nguia ra embaerã mee turā turā ee equiche mose, i que mbia ñee Jesús je ra.

⁴² Jesús que ñee mbia je ra. —¿ã embesa ji rese jemaẽ ate re?

Sã emo ndiqui tuchia ao sita je no.

Sita mo ngue equirirõ mombo ra.

Eicuãte eriqui rei nguia ee.

Aquere Dios emundua si erese. “Earonda sacua turambi chõ eriqui re”, i ndua si uchimombo rese.

Uchimombo que esirõ si cote ra.

Dios chiao chõ ũqui nde.

Dios chiao turā tuchi riqui nande je ã,

i ñi embesa ji re.

⁴³ Tacheẽ nyecua jêje. Jenderecua eã nyee ra Dios cote. Ae mbiamo nda Dios icua nae, ũqui nderecua quia ra Dios cote.

⁴⁴ Ae ra ngoi aque sita arõ nae, ũqui nda huẽ. Aque sita ngoi mose emo arõ, ũqui nda mano no, i que Jesús ra. —Aque sita rã ndei se, i chõ ngue re.

⁴⁵ Sacerdote rerecua que Jesús cheẽ ñandu ja ejemplos ra. Fariseos abe echandu ja. —Urerĩ ño eriqui nguia ñee co, i que ndua ndua ra.

⁴⁶ Paama i tuchi que Jesús je ra. Jesús nda eisi icuã nguia ña. Siquiche quiату que mbia si ra. —Dios cheẽ na si tuchi chõ Jesús riqui nguia ñee co, i jate quiату que mbia атаque quia ra.

22

Jenyu quiaru serese, i raque emo uquiato je

¹ Jesús que ejemplo mo senei mbia je ra.

² —“Jenyu serea”, i raque Dios quia emo je co. Sã erereca mo ndiqui ñee mbia je no. “Jenyu quiaru serese”, i rei que uquiato je ra. Eriirĩ ngũinisi rea ramo mose.

³ Mbae quiche ja mose que ngũimba mo mondo rei mbia mbiirandu ra. Mbua que ngaẽ sereã nea ja chõ erea ra.

⁴ Ngũimba mo ngue emondobe rei erea ra. “Mbae quiche jate que ra. Ticuasú quira tuchi que equishĩ nda. Eriirĩ ngũinisirã isi ramo ndese jẽso mae. Jẽso quiaru erese”, i rei que erimba mbia je ra.

⁵ Ae je “jenyu” i nae, ùquĩ ngue echeẽ mumba ja chõ nda. “Co aso quia seco co”, i que emo nda. “Co aso quia mbae mo naa naa se co no”, i que emo no nda.

⁶ Mbua que teã teã ja ra. Erereca rimba iruã nua ño ngue ra. Eiquia chee.

⁷ Ûquĩ mose que erereca paama i tuchi ra. Soldados que emondo ngũimba iquiasa iquia iquia ra. Echuchua abe rei rei.

⁸ Erereca que ñee ngũimba je cote ra. “Mbae quiche chí ja raque a. Ae je ‘jenyu’ ae rei nyii nae, sã ùquĩ ngaẽ eã. Eicuãte quia ñene.

⁹ Jẽso ñee mbia ja je. Ishonda ja je. “Jenyu ja erereca riirĩ ngũinisi rerequia ramo ndese mae”, jenyẽ oso quia mbua mbuchesea sea”, i que erereca ñee nda.

¹⁰ Erimba que nyoĩ mbia mbiirandu randu ja ra. Mbua turã mbiirandu. Mbua icuã abe mbiirandu randu no. Mbua que ngaẽ tuchi cote ra. Tuchua itãyã nyee que ra.

¹¹ Erereca que ique mbia tubiriã ndese mae cote ra. Emo irao icuãte que chí ee huee ra. Tiru erereca chimondo emingue eã ñochĩ nguia reaẽ.

¹² Erereca que ñee ee ra. “Seriirĩ ndiqui ngũinisirã isi a resẽ. ¿Mbaerã ndeirao turã eremingue eã nde?” i que erereca ñee ee ra. Ñee eãte que erereca cheẽ mose ra.

¹³ Erereca que ñee ngũimba je cote ra. “Co jẽisi jẽ. Eo jenyucua. Ei abe jenyucua. Jenosẽ serao mombo itaicuee itondaruqui re. Huee ra nyeseo tuchi. Huee ra ureĩ quiti quiti tuchi”, i que erereca ñee nda.

¹⁴ “Jenyu serui” i tuchi Dios quia mbia ja je co. Mbua mii mii ño eisirõ sirõ nguã co, i que Jesús ñee nda.

¿Impuestos ra uremee erereca je re? i mbia ñee Jesús je

¹⁵ —Jesús nandembucheẽ icuã na. I nda mbia paama i ee, i que fariseos ñee ñee nyue ra.

¹⁶ Nyebe fariseos uchimbuaquiato mo mondochoi nguã Jesús rea. Herodes

chimbuaquiato rese. Jesús mbucheẽ icuã sacua ño ùquĩ nde. Uthurã ngue esaã ñoõño Jesús je ra. —Jesús, co ereico mbia mbuaquiato quiato turãte co. Ndeturãte ereico mbia ja je co. Co ereico turãt e mbia mbuchiabiã co. Mbua erembuaquiato quiato turãte quia Dios icha rĩ co.

¹⁷ Nyebe urechu nguã ñee nde je a. ¿Coche mbia mbae isiqui a mee mee Romano ndereca je re? ¿Uremee nda ee re? ¿Uremee eã nda ee re no? i que ñee Jesús je ra.

¹⁸ Jesús que ùquĩ icuã icuate ra. Nyebe ñee nguã ee. —¿Mbaerã jẽingo “ĩ nda Jesús ucheẽ nyabi”, i seriĩ nde?

¹⁹ Mbae isiquia mo jẽteacuquia imbu seje, i que ee ra. Mbua que eteacuquia ee ra.

²⁰ —¿Aba mbae nombre ñi mbae isiqui a rese a re? ¿Aba ãquĩ aingue abe ñi a re? i que Jesús ee ra.

²¹ —Romano ndereca, i que ñee Jesús je ra. Jesús que ñee ee cote ra. —Romano ndereca mbaerã jemee ño ee. Dios mbaerã jemee ño ee no, i que Jesús ee ra.

²² Mbua que nyuruirã jate u Jesús cheẽ andu ra. Nyoĩ ja que erecha cote ra.

Mbua raaque ra quera si, i Jesús

²³ —Mbua raaque ra quera eã mbei, i que mbiamo nguia ñee nda. Saduceos i que ùquĩ je ra. Ûquĩ mo ngue nyoĩ ñee Jesús je ra.

²⁴ —Serereca, ã ngue Moisés mbesa nande je ra: “Emo mano mose eriiriã, sã enongue mano je ninisi rerequia erendaque re. Sã tiirĩ ngõngue raaque rĩ”, i que Moisés embesa nande je ra.

²⁵ Eriquii mo ngue siqui urerese ra. Seis que eribi ra. Eriquii que ngũinisirã quereco rei ra. Mano ño ngue tiirĩ ndocoĩ ngũinisi recha ra. Enongue que nguiquii checha quereco rei cote ra.

²⁶ Ae abe que mano ño tiirĩ ndocoĩ no nda. Ûquĩ seis que ngõngue checha quereco ja rei ra. Mano ja chõ ngue tiirĩ ndocoĩ no nda.

²⁷ Eninisi eru checha que mano nyee chõ cote no nda.

²⁸ Siete rei que eru nyii ra. Mbua raaque quera si ja mose, ¿abate ra equereco cote re? i que saduceos ñee Jesús je ra. —Ma Jesús ñee icuã, i chõ ngue re.

²⁹ Jesús que ñee ee ra. —¿Mbaerã jẽingo Dios cheẽ icua eãte ã nde? Jẽingo Dios cheẽ abi tuchi ã. Jẽingo Dios quirãcuã icua eãte ã.

³⁰ Ae raaque ra Dios mbuquera si nae, ùquĩ nda ngũinisi quereco eã mbei huee cote. Ûquĩ nda ngu quereco eã mbei huee cote no. Angeles rã mbei ra mbua riqui huee ibate cote.

³¹ Mbua raaque quera si rĩ ño ngue Dios jembuierandu rei ra. ¿Embesa ji rese jemae ãte re?

³² ã ño Dios cheẽ embesa ji re: Abraham ndereca chõ aico nguã se co.

Isaac nderecua abe.

Jacob rerecua abe no,
i que embesa ji ra. ã ngue mano ndei nyii
ra. Ereco siqui bei chõ nguiã namo ã. Mbia
raaque rerecua eã ño Dios re. Mbia reco
rerecua chõ ae re, i que Jesús ñee mbia je ra.
33 Mbia tubiriã ngue chi nyuruirã tuchi
eandu ra. Jesús mbae icua ja mose.

Echesequa tuchi quia Dios rese

34 Jesús cheë aquiatu tuchi que ra. Nyebe
saduceos cheë mbutiba nguiã. Fariseos
ji-randu mose erese que ñumunua ñee nyue ra.

35 —Se chõ tacheë Jesús je. Ma Jesús ñee
icua, i rei que fariseo mo nda. Embesasa que
ae ra.

36 —Jesús, Dios cheë tubiriãte riqui ã
ndesë. Mbia echeë mumbayã sacua. ¿Ma
Dios cheë ndiita tuchi ma nde? i que fariseo
ñee Jesús je ra.

37 Jesús que ñee ee ra. —Ã ño Dios cheë
ndiita ã nde: “Echesequa tuchi quia Dios
rese. Ndechã je. Neaï je abe. Nendua ndua
je abe”.

38 Ûqui ño Dios cheë ndiita ùqui nde. Ûqui
ño Dios cheë ñiinda ùqui nde.

39 ã abe rei ùqui nduinda ã no: “Sã ereico
nyesecua ndechiese no. Eï ere si chõ nyese-
cua mbia rese”.

40 Moisés chimbasa tuchi chõ ùqui nde.
Dios quiato cose ndare chimbasa ja chõ ùqui
nde, i que Jesús ra.

¿Aba rucucha Cristo re?

41 Fariseos chichõ mose ñumunua ngue
Jesús ñee ee ra.

42 —¿Aba rucucha Cristo re? ¿Aba jenyee
equia ee re? i que Jesús ñee ee ra. —David
nducucha chõ ñene, i que fariseos ñee nda.

43 Jesús que ñee ee cote ra. —¿Mbaerã
David “sererecua” i ee re no? Espiritu turã
embucheë mose.

44 ã ngue David ñee nda:
Dios que ñee Cristo sererecua je ra:
“Ecoi seji. Nde abe ra ererecua serese.
Ae ndeucuyãte quia nae, ùqui je ra nde-
quirãcuã atecuquia tuchi.
Ndequirãcuã tuchi chee ra ùquisi”, i que Dios
ñee sererecua je ra,

i que David ra.

45 David sí chõ “sererecua” i nguiã Cristo je.
Cristo David rucucha mose, ¿mbaerã David
“sererecua” i ee re? i que Jesús fariseos je ra.

46 Ûqui ngue ñee aquiatuãte Jesús cheë
ndibishorõ nda. Aque mose bei que mbia
preguntar i eã mbei Jesús je cote ra.

23

Jesús ñee asi fariseos je

1 Jesús que ñee uchimbacuaquiato je ra.
Mbia tubiriã je abe no.

2 —Fariseos rã nda jëingochi jë. Em-
besasa rã abe ra jëingochi jë. “Ure quia
Moisés chimbasa ureicuate nguiã ure ã”, i
chõ nguiã.

3 Coche jëingo nguiã echeë mumbayã
ndaque. Erã sí quia nda jëingoã nguiã.
Echeë turã turãte raque. Siqui turã eãte
quiato nguiã.

4 Dios cheë embeta mbeta tuchichí nguiã
mbia je ã. Mbia echeë mumbayã aroneate
chee quia ã. Eya eã eãte eriqui mbia rese ã.

5 Mbae turã naa mose, mbia mae sacua
erese chõ ùqui nde. Tiru huirao ibi quitinda
ai mbaicoi tuchi equia ã. Dios cheë mbesa ji
echucua bei quia uchiba cúa rese ã. Mbia
mae sacua erese chõ eriqui nguiã ùqui naa
naa ã.

6 Aba mbia eã tuchi fariseos. “Serendarã
turã nguiato se jë”, i tuchi equia mbia chu-
munua nua mose ã.

7 “Sã mbia ererecua i nande je”, i beite
equia ã. Ebi tuchi “mbia mbaacuaquiatusa” i
mose ee.

8 “Mbia mbaacuaquiatusa rei se”, jenyechí
nda jë. Se mii ño jembacuaquiatusa re.
Nyiesenda chõ jë nde.

9 “Paba” jenyechí nda mbia mo je jë.
Jendu mii ño siqui nguiã ibate pe.

10 “Ererecuarã se”, jenyechí nda eno. Se
mii ño jenderecua re.

11 Jemo siqui mingue mose, mbae raã naa
mose uataque je, aque quia ra ererecuarã.

12 Ae ucuaasu raã naa nguiã nae, mbia ñetë
nda Dios saã ño ùqui je. Ae siqui mingue
quia nae, mbia rerecuarã ño nda Dios saã
ùqui je.

13 Aba mbia eã tuchite jë, Embesasa. Aba
mbia eã tuchite jë abe no, Fariseos. Jëcuasu
jësaã saãte quia ã. Jëingo sereãte quia Dios
rese ã. Mbia siquise mose Dios rese, jëingo
emingo eãte erese ã no.

14 Aba mbia eã tuchite jë. Eru cheecha
mbae jembutiã tiã ñochi nguiã ã. Ûquinde
jëingo chõchi ñee oco oco Dios je ã no. “I nda
mbia mae nanderese” jenyee chõchi equia ã.
Nyebe ra Dios jembasi tuchi cote.

15 Aba mbia eã tuchite jë, Embesasa. Aba
mbia eã tuchite jë abe no, Fariseos. Jëcuasu
jësaã saãte quia ã. “Jëingo ure ru” jenyee bei
chõchi equia mbia je ã. Ûqui mo siqui mose
jendui, eicuã tuchi chõ ùqui abe cote re.

16 Aba mbia eã tuchite jë. Sã eresayã
mo ndiqui mo ndesayã mbuti echiba
rese no. Ûqui na ño jë nde. Jëacuaquiã ño
mbia mbaacuaquiato quiatuchi nguiã. “Jurar
jenyee mose Dios chuchua rí, coche jëñee
jembuchebe nguiã”, jenyee chõchi nguiã
mbia je ã. “Jurar jenyee mose oro Dios
chuchua jenda rí, ùqui mose quiato jëñee
jembuchebe aroneate nguiã”, jenyee chõchi
nguiã mbia je ã.

17 ¿Oro quiatu i tuchi jiri Dios chuchua si re? ¿Mbaerã jêaquiatuãte riqui re?

18 “Jurar jenyemose altar riã, coche jeñee jembuchebi nguiã”, jenyemose chõchĩ nguia mbia je ã. “Jurar jenyemose ofrenda altar jenda riã, ùqui mose quiatu jeñee jembuchebi aroneate nguiã”, jenyemose chõchĩ nguia mbia je ã.

19 Eresayã na tuchi chõ jêingochĩ nguiã. ¿Mbaerã jêaquiatuãte riqui re? ¿Ofrenda quiatu i tuchi jiri altar si re?

20 Jurar jenyemose altar riã, earonda abe riã ño jêingo nguiã jurar i ofrenda.

21 Jurar jenyemose Dios chuchua riã, Dios abe riã ño jêingo nguiã jurar i. Dios abe quia siqui nguiã uchuchua huee.

22 Jurar jenyemose ibei riã, Dios renda abe riã ño jêingo nguiã jurar i. Dios sí riã abe no.

23 Aba mbia eã tuchite jê, Embesasa. Aba mbia eã tuchite jê abe no, Fariseos. Jêcuasu jêsaã saãte quia ã. Décimo jemeemendaquie quia Dios je mbae ñetê ñi. Comino. Menta. Anís. Dios cheẽ ndiita quiatu jemumba mumbate nguiã. Dios jêicua rá nyii. Jêingo turã na nyii. Jêya eã na mbia rese nyii. Aquere quiatu mbae ñetê jêsaã cote.

24 Sã eresayã mo ndiqui emo ndesayã mbuti echiba rese no. Ùqui na ño jê nde. Mbae ñetê jêsaã turã turãte raque quia ã. Dios cheẽ ndiita quiatu jemumba mumbate nguiã.

25 Aba mbia eã tuchite jê, Embesasa. Aba mbia eã tuchite jê abe no, Fariseos. Jêcuasu jêsaã saãte quia ã. Sã emo ndiqui i riru irei irei earonda no. Eimi nguiatu eirei quiiriãte re. Eĩ ño jê no nde. Jêturã abe reã ño jêaronda no nde. Jeñiangui renda quiatu eicuã icuãte re. Mbae quia jembuquiachã quiachãte nguiã. Mbae abe quia jenyosei icuã icuãte nguiã.

26 Eresayã na tuchi chõ jêingochĩ jê nde, Fariseos. Jeñiangui renda rane nguiatu jêirei. Jêaronda abe ra equishĩ cote.

27 Aba mbia eã tuchite jê, Embesasa. Aba mbia eã tuchite jê abe no, Fariseos. Jêcuasu jêsaã saãte quia ã. Mbia raaque tãsa rá ño jêingo nguiã. Eati ji turãte raque. Eimi ye quiatu mbia raaque quiangue chi nguiã hue. Eroo cuí abe no.

28 Eĩ si chõ jê nde. Jêaronda turãte abe reã ndiqui raque mbia je. Jeñiangui rend a quiatu eicuãte re.

29 Aba mbia eã tuchite jê, Embesasa. Aba mbia eã tuchite jê abe no, Fariseos. Jêcuasu jêsaã saãte quia ã. Aba mbia turã mano cose nae, ùqui tãsa jembiiã turã mbeite raque quia ã. Dios cheẽ mbuchecuasa tãsa abe no.

30 “Cose ureico mose, ñnda ureicuã eãte rei Dios quiato je. Uramei na eã”, jenyemose raque quia ã.

31 “Mbia iquia iquiasa riirĩ ño ure re”, jenyete equia ùqui. Jendu rá si tuchi jê. Mbia i quiasa.

32 Jenamei icuã na si chõ jêingo no.

33 Mbei tãsie rá tuchi chõ jê nde. Eĩ jenyete bei oso quia aque ngasê nyee tata cuasu.

34 Nyebe ra Dios cheẽ mbuchecuasa amondo mondo quia jêje. Mbia mbaaquiatusa ra amondo jêje. Mbia aracua abe no. Jê nda sechimondo emo emo jêiquia. Emo emo nda jêiruã nua mbia chumunuásaa no. Jêico ico ra equia erese eiquia chee.

35 Ae Dios quiato iquia iquia quia cose nae, ùqui ñi nda Dios jembasi cote. Sã mbia Abel iquia cose no. Sã mbia Zacarías abe iquia Dios chuchua jii no. Berequias riirĩ ndei aque. Sã mbia Dios quiato iquia iquia bei cose no.

36 Ùqui ja riã nda Dios jembasi cote. Acheẽ nyecua quia jêje a.

Jesús ia eã tuchi Jerusalén jenda rese

37 Tacheẽ na jêje, Jerusalén jenda. Seya eãte aicochĩ jendese co. Hue jêingo mbia iquia iquia beite hue. Dios cheẽ mbuchecuasa iquia iquia. Dios chimondo abe iquia iquia no. Sã nguira riqui nguiire reaquiato mondo ujeoqui re no. “Eĩ tae jendeaquiato”, abe beite rei nguiã jêje co. Secheẽ jêisi sereã mbei chõchĩ nguiã ã.

38 ¡Aico jendecha a cote jê!

39 Jemaie mae eã nda serese cote. Sechube mose ibate si, aque ramo mose ra jemaie serese cote. “¡Co chi Dios rucucha ru quia co cote jê!” i ra mbia seisi turã aque mose cote, i que Jesús ñee nda.

24

Mbia ra Dios chuchua mbucoi ja, i Jesús

1 Jesús que oso usê Dios chuchua si cote ra. Ecuata mose que echimbaaquiato ñee ee ra. —Sã Dios chuchua turã tuchite jê, i que ñee ee ra.

2 Jesús que ñee ee ra. —Tacheẽ nyecua rá jêje. Ae rese jêingo mae ã nae, ùqui nda mbia mbucoi ja cote. Sita mo nda chi eã nyichuarõ Dios chuchua cote. Mbia ra Dios chuchua mbucoi ja tuchi cote, i que Jesús ñee nda.

Mbae ua ja nonde chõ ã nde

3 Jesús que chí ngoi huee ibi íbatee mo nda. Monte de los Olivos i que hue je ra. Echimbaaquiato que ngasê ñee eisaa ra. —¿Manosete ra ùqui nde? ¿Mbae ra urembiirandu nderese ndechu serĩ mose re? ¿Mbae ra urembiirandu mbae ua ja serĩ mose re no? i que echimbaaquiato ñee Jesús je ra.

4 Jesús que ñee ee ra. —Jêtesa jiri quia jê. Mbia mo nda jembiriã irichĩ ñee jêje jê.

5 “Cristo chõ se re”, i ra mbia ñee ata atate jêje. Ùqui ñee nda jeñanduchĩ jê. Ùqui nda

mbia mbĩĩrĩ irĩ jate. Ñee ñooño je chõ ùquĩ nde.

⁶ Mbia ra guerras saã saã tuchi. Mbia ra ñee ñee tuchi quia nyĩiquia iquia je rĩĩ. Ùquĩ mose ra jėsiquichechĩ jė. Ùquĩ ja rane nda nyecua raque. Aque mose ra mbae ja ua eã nã.

⁷ Mbia ra guerras saã tuchi chee. Nyĩiquia iquia tuchi rae. Mbia riãcuã tuchi ra aque mose no. Emo ñooñoa tuchi ra mbia rasi. Mangue chooñoa tuchi ra ibi nyere nyere.

⁸ Jembasi ramo mose chõ nda ùquĩ nde. Aquere ra jembasi tuchi cote.

⁹ Mbia icuã icuã tuchi r a jėje serĩĩ. Nguerecua je ra mbia jenderao rao tuchi. Jėiquia chee rae. Mbia mangue chooñoa jenda ra jėucuyã tuchi serĩĩ.

¹⁰ Ae siqui quia serui nae, ùquĩ tubiriã nda hui sesi ùquĩ mose cote. Ùquĩ nda nyiucuyã. Ùquĩ nda nguerecua mbuqueta queta tuchi ngõngue rĩĩ.

¹¹ “Dios cheẽ mbuchecua chõ se re”, i ra mbia ñee ata atate jėje. Ùquĩ nda mbia mbĩĩrĩ irĩ tuchi.

¹² Mbia icuã icuã tuchi ra cote. Aba cheẽ mumba mumba beite ra cote. Mbia ra nyesequa eã tuchi nyiese cote.

¹³ Ae ra siqui bei serese, ùquĩ nda Dios mingo bei.

¹⁴ Sequiato r a Dios cheẽ turã senei senei ná mbia ja je nyii. Mangue chooñoã jenda ja je. Aquere ra mbae ua ja cote.

¹⁵ Dios cheẽ mbuchecua rei Daniel. Ae que embesa Mbae Mbutiãsa Icuã nii nda. “Dios rendaque re taico se quiatu”, i ra equia huee. (Ae ra mae nguia sechimbesa rese nae, sã ùquĩ eicua.)

¹⁶ Jemaie mose Mbae Mbutiãsa Icuã ndese, jeña esi. Ae siqui quia Judéaa, sã ùquĩ uchã jei choi ibi ibátee mo.

¹⁷ Ae ra siqui tuchua quite rese, sã ùquĩ iqueã nyoĩ uchuchua uquichi mose. Sã echoi chõ uchã hue si bei, umbae rirõ ndocoi.

¹⁸ Ae ra siqui úcoo, sã ùquĩ nyebiã ngaẽ huĩrao rea. Sã hue si bei chõ echoi uchã.

¹⁹ Aba mbia eã tuchi ra emo ãquẽ ndiru rerequia mose aque mose. Nguiĩrĩ mbuquiambu je abe no.

²⁰ “Nyiseĩ mose eã urechã” jenyje Dios je. “Sábado mose eã abe urechã”, jenyje abe Dios je no.

²¹ Mbia ra mbae rasi saã tuchi aque mose. Mbae rasi que mbia saã eã jiri nyii ra. Aque ramo mose ra mbae rasi raã tuchi cote. Mbae ua bei sacua ño ùquĩ nde.

²² Ae rasi ra mbia saã tuchi nae, ùquĩ nda Dios mbujua jiri uquiato rĩĩ. † nda emo ñimbirãcuã eã tuchi rei ùquĩ ndasi je.

²³ “A Cristo riqui a jė” i mose emo jėje, “nyia” jenyechĩ nda ùquĩ ñee mose jė. “Hue

Cristo riqui hue jė” i mose emo jėje, “nyia” jenyechĩ nda eno jė.

²⁴ “Cristo chõ se re”, ichõĩño nda mbia ñee ata atate jėje. “Dios cheẽ mbuchecua chõ se re”, ichõĩño nda mbia ñee ata atate jėje no. Mbia mae sayã nda esaã saã tuchi mbia mbĩĩrĩ irĩ sacua. Ùquĩ Dios quiato abe chee mbĩĩrĩ irĩ arõte.

²⁵ Ùquĩ nonde chõ aico nguia jemiirandu randu co.

²⁶ “Hue Cristo riqui turuquia hue”, ichõĩño nda mbia jėje serĩĩ. “A Cristo riqui tuchua a”, ichõĩño nda emo jėje serĩĩ no. Ùquĩ mose ra “nyia” jenyechĩ jė.

²⁷ Sã ama ndiqui pirirã i ibei resae ja no, eĩ nda sechu mose. Mbia ra mae ja serese.

²⁸ Sã urubu riqui mae ja mbae raaque rese no. Eĩ si ra seicua mae ja sechu rese no.

Dios rirĩ nda tube ibate sĩ

²⁹ Mbia ùquĩ ndasi raã ja mose r a tenda checuayã mbei cote. Nyasi abe no. Nyasitata ra ngoi ngoi. Ibei jenda abe ra quiata quiata chee cote no.

³⁰ Aque mose ra achu ibei rese. Senininya tuchi ra sechu mose. Sequirãcuã tuchi ra sechu mose no. Mbia ra mae ja tuchi sechu rese mangue chooñoa jenda ja. Mbia ia eã tuchi ra nyeseo mae mose serese.

³¹ Angeles serimba ra amondo corneta mbucheẽ sacua. Ùquĩ nda mbia sechiisirõ munua nua ja seje cote. Ishonda ja. Mangue chooñoa jenda ja.

³² Sã higuera riqui no. Sã ira mo ndiqui no. Ero quira usẽ j a mose, “iraro itõ ndacu ra cote”, i chõ mbia nguia aque mose.

³³ Eĩ si ra mbae ua ja nonde. Ae rĩĩ aico ñee jėje nae, ùquĩ ndese jemaie mose, “mbae ra ua ja cote” jenyje ra cote.

³⁴ Tacheẽ nyecua jėje. ã mbia riqui ngata ibi ã nae, ùquĩ emo emo nda manoã mbae ua ja nonde.

³⁵ Ibei ra ua. Ibi abe ra ua no. Secheẽ nguia ra ua eã mbei.

³⁶ Manosete chõ nda mbae ua ja. Aico eicuyãte co. Mbia mo abe eicuyãte quia ã no. Angeles abe eicuyãte quia ã no. Paba mĩĩ ño eicua nguia co.

³⁷ Sã Noé mosenda mbia siqui sereãte Dios rese cose no. Eĩ si ra mbia siqui sereã Dios rese sechu nonde no.

³⁸ Sã Noé mosenda mbia quiaru chooño no. Ndua rocoĩ Dios rese. Ngũimisirã ngue equereco chooño ndua rocoĩ Dios rese no nda. Noé que ique chee arca ye ra. Amandĩ cuasu nonde.

³⁹ Ama ngue uchi u quia mbia iquia ja nonde cote ra. Mbia mbua tuchi que ra. Eĩ ae ra u mbia mbua tuchi sechu mose.

⁴⁰ Sechu mose ra mbia nyeremo siqui úcoo. Co mĩĩ nda arao. Enongue ra siquichõ.

⁴¹ Cuña nyeremo nd a chi raque mbua tocho no. Co miñ nda arao. Enongue ra siquichō.

⁴² Jētesa bei quiatu quia serese. Ae mose ra achu, aque tenda rese jēiranuate riqui ā.

⁴³ Mbaecha mo jirandu mose mbae mbuguachāsa rese, “co isa ra eru” i mose, ūqui mose nda uqueā nde chaē. F nda mbae mbuguachāsa mbae sirō eā ndei.

⁴⁴ Jēingoquiātu bei quiatu quia seraarō arō. Jendua eā mose serese ra achu jembuate.

Erimba echeē mumbayā mose, eya tuchi rae

⁴⁵ Dios rimba aba cheē mumbayā je aico ñee a. Dios rimba aquiātu je aico ñee a. Sā ererecua mo ñee ngūimba turā je no. “Sembae esaarō turā ja quia secutiā. Serimba атаque embuquiaru quiaru turā secutiā”, i que ererecua ee ra.

⁴⁶ Erimba echeē mumbayā mose, ererecua ia tuchi ra eru mose. Erimba abe ra eya tuchi no.

⁴⁷ Ererecua ra ngūimba mi umbae raarō mbei sacuā cote.

⁴⁸ Sā erimba ndua ndua uchiangui re no. “Sererecua ra tu jei āte” i ndua ndua.

⁴⁹ Hue ñee icuā icuā uataque je hue cote. Iruā nua cote. Quiaru chooño cote. Mbae mbei chooño abe cote. Quiacua quiacua mbia icuā ndese cote.

⁵⁰ Sā ererecua ruchi nguia ngūimba mbuate aque mose cote jē.

⁵¹ Ererecua ra eiruā nua tuchi. Mombo rae. Mbae rasi ra esaā tuchi. Ae ucuasu saā saā nguia nae, ūqui ndese ra mbae rasi raā tuchi cote. Nyeseo seo tuchi ra equia. Ureñ nda equiti quiti tuchi.

25

Nyucuaaque icoquiātu je

¹ Nyucuaaque icoquiātu je rā si rei Dios rimba. Sā nyucuaaque diez nyoī quia emo ngūinisi nderequia ramo ndese maenno. Lamparina nendi que ecuruchoī ja quia ra.

² Cinco que icoquiātu je ra. Cinco que icoquiātuā je no nda.

³ Ae icoquiātuā nae, ūqui ngue mbae quira curuchoī eā umbae lamparina mombisē sacuā nda.

⁴ Ae icoquiātu nae, ūqui ngue mbae quira curuchoī botella ye ra. Lamparina ye abe.

⁵ Ae ra ngūinisi isi rei nguia ee, aque que itōte ee ra. Nyucuaaque reesi esi chee que ra. Uque uque ja chee que ra.

⁶ Itondiite mose que to i andu cote ra. “Co erurā ndu quia co cote jē. Jēso mae erese cote”, i que mbia tasē tasē ee ra.

⁷ Nyucuaaque que nyuruā ja cote ra. “Nandembae lamparina nandemombisē mbisē ja”, i rei que ra.

⁸ Ae icoquiātuā nae, ūqui ngue ñee ndei icoquiātu je ra. “Urembae uque uquete. Mbae quira ñetē jemee mee na ure je”, i rei que uataque je ra.

⁹ “Ateē. Nande ja chayāte ra resē. Emo jēisi chō oso icua”, i que icoquiātu je ñee ee ra.

¹⁰ Nyoī rei que equia eisi cote ra. Ecutiā ngue erurā ndu cote ra. Nyucuaaque icoquiātu je que nyoī ique erese ra. Ngūinisirā isi ramo ndese mae. Quiaru abe que echoī erese ra. Eiquesa que ematā cote ra.

¹¹ Icoquiātuā je abe que ngaē nyee ra. I que eiquesa matā ji mi ee ra. “Embuquiata rā ure je”, i rei que ñee eru je ra.

¹² Eru que ñee ee ra. “Tei. Jaēicuayā tuchite se”, i que eru ñee ee ra, i que Jesús ñee mbia je ra.

¹³ —Jēingoquiātu bei quia jē. Ae mose ra achu, ūqui jēicuayāte quia ā.

Ererecua a mbae isiquia mbuchao chao ngūimba je

¹⁴ Sā ererecua mo mbae isiquia mee mee ngūimba je no. Eñ si chō Dios nguia mbae mee mee ngūimba je. Ererecua oso serī mose que umbae mbae isiquia mee mee ngūimba je ra. Embaata ata sacuā ño ngue emee nguia ee.

¹⁵ Cinco mil que emee emo je ra. Dos mil enongue je no. Un mil que enongue je no nda. “Jenya chō tamee mee jēje jē”, i que ñee ee ra. Secha que oso isho cote ra.

¹⁶ Ae je ererecua cinco mil mondo nae, aque que negocio saā saā mbae isiquia je ra. Mbae isiquia que embaata tuchi ra.

¹⁷ Ae je ererecua dos mil mondo nae, aque abe que negocio saā saā mbae isiquia je ra. Mbae isiquia que embaata tuchi no nda.

¹⁸ Ae je ererecua un mil mondo nae, aque que ibi sibicoī mbae isiquia rerecoquiātu sacuā nda.

¹⁹ Emo mose tuchi que ererecua ru cote ra. Ñee ngue ngūimba je cote ra. “Jenya semiirandu sembae mbae isiquia rese cote”, i que ñee ee ra.

²⁰ Ae je cinco mil mondo nae, aque rane ngue tu ñee nguerecua je ra. “Cinco mil que eremeē ndei seje nae, ūqui ngue ambaata ra. Cinco mil que aisibe ra”, i que emee ja nguerecua je ra.

²¹ Ererecua que ñee ee ra. “Coche ñene. Nde quiarei serimba turā tuchi. Mbae ñetē ngue eresaā turāte nde ra. Nyebe ra mbae tubiriā ereteaquiātu seje cote. Ndeya bei tuchi ra ereico serese cote”, i que ererecua ñee ee ra.

²² Ae je ererecua dos mil mondo nae, aque que tu ñee nguerecua je cote ra. “Dos mil

que eremei ndei seje nae, ũquí ngue ambaata ra. Dos mil que aisibe ra”, i que emee ja nguerecua je ra.

²³ Ererecua que ñee ee ra. “Coche ñene. Nde quiarei serimba turã tuchi. Mbae ñetẽ ngue eresaã turãte nde ra. Nyebe ra mbae tubiriã ereteaquiatu seje cote. Ndeya bei tuchi ra ereico serese cote”, i que ererecua ñee ee ra.

²⁴ Ae je ererecua un mil mondo nae, aque que tu rei ñee nguerecua je cote ra. “Nde que ere queteãte quiatu nguiã mbae rese. Ndechitiquia eã abe ereishao shaote quia co.

²⁵ Nyebe asiquiche tuchi nguiã mbae isiquia mee mose seje. Nyebe ahati nguiã ibi je. Co é co resẽ”, i que ñee nguerecua je ra.

²⁶ Ererecua que ñee ee ra. “Aba rimba biã tuchi quiarei nde. Ndetomei tuchi chõ eriqui re. Sequeteã mose mbae rese ndeje, ¿mbaerã secheẽ eremumba re?”

²⁷ Sembae mbae isiquia eremonaõ ñochĩ banco. I nda eata jiri sechu mose cote re chã”, i que ererecua ñee asite ee ra.

²⁸ Ererecua que ñee mbi a huẽ jenda je cote ra. “Mbae isiquia jẽsirõ na esi un mil. Ae diez mil querecõ nae, aque je jemondo.

²⁹ Ae embae tubiriãte nae, aque je mbae tamondobe. Ae embae ãte nae, embae ñetẽ tasirõ ja esi.

³⁰ Co que serimba icuã tuchi ra. Jemombo itondaruqui re. Mbae rasi ra esaã tuchi huee. Huee ra nyeseo tuchi. Urei nda equiti quti tuchi”, i que ererecua ñee nda.

Jesús ra mbia emo emo mingo icúe umbaerã

³¹ Sechu mose íbii mbia rerecurã, ángeles sembae ra semama tuchi aque mose. Serenda nininya tuchi ra aque mose.

³² Mbia mangu chooñoa jenda ja ra chi ñumunua huee aque mose. Mbia emo emo nda achono icúe sembaerã aque mose. Sã oveja raarõsa riqui ovejas no icúe chivos si no.

³³ Uquiato cuti ra ovejas no. Uquiato cutiã nda chivos no no.

³⁴ Eĩ ae ra se mbia rerecua tuchi mose. Acheẽ nda mbia sequiatio cutinda je. “Jenyu serese. Jenderecua turã tuchi ra aico jẽje. Paba turãte riqui jẽje co. Paba que jẽirabo nyii mbae ao nonde ra. Jẽingo sacuaã serese.

³⁵ Seriaãcua mose que mbae jeme seje ra. Seisei mose que sembiu ra. Sechuchua eã mose que seisi turã no nda.

³⁶ Seirao eã mose que tiru jeme seje ra. Serasi mose que jẽso mae serese ra. Seico mose cárcel que jẽso mae serese no nda”, ae ra ñee sequiatio cutinda je.

³⁷ Sequiatio cutinda ra ñee seje cote. “¿Manose mbae uremee ndeje nderiaãcua

mose re? ¿Manose ureso nembiu ndeisei mose re?”

³⁸ ¿Manose ure ndeisi turã ndechuchua eã mose re? ¿Manose tiru uremee ndeje ndeirao eã mose re?”

³⁹ ¿Manose ureso mae nderese nderasi mose re? ¿Manose ureso mae nderese ndeico mose cárcel re?” i tuchi ra ñee seje.

⁴⁰ Aque mose ra acheẽ ee. “Tacheẽ nyecua jẽje. Senongue mo mbaech a reã ndaque. Ae turã jẽsaã senongue mo je nae, seje eraã naanguia chõ ũquí nde”, ae ra ñee ee.

⁴¹ Acheẽ nda sequiatio cutiã quitinda je cote. “Jẽso sesi. Mbae turã nda jẽisiã seo jenda. Jẽso tata cuásuu. Ae Dios chiao tata, diablo mbasi sacuaã. Diablo rimb a abe mbasi sacuaã. Ũquí tata ra uqueã mbei.

⁴² Seriaãcua mose que mbae mo jeme eãte seje ra. Seisei mose que sembiu eãte no nda.

⁴³ Sechuchua eã mose que seisi turã eã nda. Seirao eã mose que tiru jeme eãte seje ra. Serasi mose que jẽso eãte mae serese ra. Seico mose cárcel que jẽso eãte mae serese no nda”, ae ra sequiatio cutiã quitinda je.

⁴⁴ Sequiatio cutiã quitinda ra ñee seje cote. “¿Manose mbae mo uremee eã ndeje nderiaãcua mose re? Ndeisei mose abe no. Ndechuchua eã mose abe no. Ndeirao eã mose abe no. ¿Manose uresoã nderea nderasi mose re? ¿Manose uresoã nderea nderese mose cárcel nde no?” i ra sequiatio cutiã quitinda ñee seje.

⁴⁵ Acheẽ nda ee. “Mbae turã jẽsaã eã mose emo je, seje eraã eã naanguia chõ ũquí nde”, ae ra sequiatio cutiã quitinda je.

⁴⁶ Ũquí nda nyoi ja tata cuasu cote. Huee ra mbae rasi raã mbei tuchi cote. Sequiatio cutinda quia ra siqui turã mbei ibate cote, i que Jesús ñee nda.

26

Jesús nandeisi tarõ, i ja ererecua nyue

¹ Aquere que Jesús ñee uchimbaaquiatu je cote ra.

² —Dos días mose ra fiesta de la pascua cote. Aque mose ra mbia icuã semee ererecua je seiquia sacuaã, i que Jesús ñee nda.

³ Sacerdote rerecua que ñumunua ja cote ra. Amei ja rese. Embesasa rese abe no. Ũquí ngue ñumunua ja u Caifás itaicuee ra. Caifás rei sacerdote rerecua tuchi.

⁴ Caifás itaicuee que ũquí nyi ñee ñee Jesús rĩ nda. —Jesús nandembĩĩ rĩ jẽ. Eisi sacuaã. Etarõ sacuaã. Eiquia sacuaã cote, i que u ñee ñee nyue ra.

⁵ —Fiesta mose eã ño nandeisi jẽ. Mbia ra paama i tuchi nande je, i que u ñee ñee nyue ra.

Cuã mo aba mbusimbusa turã ichusẽ Jesús ãquí ndese

⁶ Jesús que siqui Simón Leproso chuchúaa ra. Betania, i que hue je ra.

⁷ Cuña mo ngue tu erea hue ra. Aba mbusimbusa mo ngue equeru Jesús je ra. Embisē tuchi que equeru ra. Mbae isiquia mumbasa tuchi que ũqui nda. Ichusē ja que Jesús āquī ndese equiaru mose ra.

⁸ Echimbaaquiātu que chi ja mae erese ra. Paama i que cuña je ra.

⁹ —¿Mbaerā eichusē ñooño nde? Mbae isiquia ribishorō ño nda aba emondo re. Mbaecha reā je emee mee sacua, i que echimbaaquiātu ñee nyue ra.

¹⁰ Jesús que echeē ñandu ra. Ñee ngue ee ra. —¿Mbaerā jēingo ñee ũqui nde? Sā cuña ae riqui ae. Ae esaā seje nae, eturāte seje ũqui.

¹¹ Mbaecha reā nguia ra chi arete íbii a. Se quia nda aico bei eā nguā jendese aa.

¹² Seati nonde chō ngue cuña aba mbusimbusa ichusē nguā serese.

¹³ Tacheē nyecua jēje. Mbia Dios cheē turā nenei nenei mose mangue chooñoa jenda ja je, cuña nyisaā abe ra esenei senei. Mbia ndua turā ja sacua echisaā abe rese, i que Jesús ñee uchimbaaquiātu je ra.

Jesús tamee jēje, i Judas mbia icuā je

¹⁴ Judas Iscariote, i rei que Jesús chimbaaquiātu mo je ra. Aque que oso ñee sacerdote rerecua je ra.

¹⁵ —Jesús tamee jēje. ¿Mbae ra jemee seje eribishorō nde? i que Judas ñee sacerdote rerecua je ra. Sacerdote rerecua que mbae isiquia ata mee ee ra. Treinta que ra.

¹⁶ —Mbia eāsa quiātu Jesús tamee jēje, i que Judas ñee ee ra.

Jesús quiaru uchimbaaquiātu rese

¹⁷ Fiesta que tu cote ra. Aque fiesta mose bei que mbia riqui oveja iquia iquia querabe ra. Mbichae mbuchimatā iriā ngue eu eu quia aque mose querabe no nda. Fiesta nonde que echimbaaquiātu ñee Jesús je ra. —¿Mangue ra oveja urembuchi mangue ndechiurā nde? i que ñee Jesús je ra.

¹⁸ Jesús que ñee ee ra. —Jēso sucha cuasu. Jeñee aque je. “Jesús que urembu ñee ndeje ra. Ndechuchua oveja tau sequiato rese semano nonde”, i que Jesús ucheē mbu ndeje ra”, jenyee aque je, i que Jesús ñee nda.

¹⁹ Echimbaaquiātu que nyoī erea Jesús cheē nguire ra. Oveja que embuchi huee cote ra.

²⁰ Itondaru ramo mose que Jesús chi quiaru uchimbaaquiātu rese huee cote ra.

²¹ Quiaru mose que Jesús ñee ee cote ra. —Tacheē nyecua jēje. Jemo nda semondo mbia icuā je, i que ñee uchimbaaquiātu je ra.

²² Echimbaaquiātu ia eā tuchi que echeē mose ra. —¿Se ra aremondo ee re? i ja jate que ñee Jesús je ra.

²³ Jesús que ñee ee ra. —Ae chí quiaru serese aque plato ye sí a nae, aque tuchi ra semondo mbia icuā je.

²⁴ Dios cheē ndui sí tuchi ra amano ndaque. Ae ra semee mbia icuā je, aque ra mbae rasi saā tuchi quia. Aba mbia eā tuchi ra aque. “Taī sembuecua jirichī nguia curi”, i chee ra aque, i que Jesús ra.

²⁵ —¿Se ra aremondo mbia icuā je re? i que Judas ñee Jesús je ra. Jesús rīī ñeende mbia icuā je nyii. “Ae” i que Jesús echeē mose ra.

²⁶ Quiaru que u ra. Jesús que mbichae sirō nda. Gracias i que Dios je ra. Siquio que mbuchao chao ee cote ra. —Ā mbichae jēu. Serete chō ā nde, i que Jesús ñee ee ra.

²⁷ Vino mbeisa que esirō cote no nda. Gracias i que Dios je ra. Mondo que uchimbaaquiātu oo cote ra. —Jembeī mbei ja.

²⁸ Seruqui chō ā nde. Mbia icuā mbutiā sacua ño seruqui re. Dios cheē yasu rui si chō seruqui riqui nguā mbia icuā mbutiā co.

²⁹ Tacheē nyecua tuchi jēje. Vino mo nda ambei eā mbei cote. Paba mbia rerecua tuchi mose, aque mose ramo nguia nda ambei nguā jendese cote, i que Jesús ñee nda.

Jesús aicuayāte resē, ichōñō nda Pedro serī, i Jesús

³⁰ Iraseī raseī que cote ra. Nyoī que Monte de los Olivos ra.

³¹ Jesús que ñee uchimbaaquiātu je ra. —Jēireī ireite ra serī co isa. Jeñimboseī mboseī nda oso serecha co isa. Sā embesa ji riqui ñee no: “Dios ra oveja raarōsa iquia. Oveja ra ñimboseī nyoī cote”, sā embesa ji riqui i no.

³² Seraaque quera sire ra aso se rane jendarō Galilea, i que Jesús ra.

³³ Pedro que ñee ee ra. —Seataque ra ireī ireite raque ndesi. Se quia ra aireī ireiā mbei ndesi, i rei que Pedro ñee ee ra.

³⁴ Jesús que ñee ee ra. —Tacheē nyecua ndeje, Pedro. Ngaira cheē nonde ra erecheē ñooño tres veces serī namo, Pedro. “Jesús aicuayāte resē”, ere chooño ño nda serī, i que Jesús ñee ee ra.

³⁵ Pedro que ñee ee ra. —Mbia seiquia arōte raque nderī, acheē ñooño eā nda nderī, i rei que Pedro ra. Eī ja que ñee nda.

Jesús ñee ngu je

³⁶ Jesús que oso Getsemanī cote ra. Uchimbaaquiātu rese. —Jengoī rā u aa. Taso rā ñee Paba je pe jiri se, i que Jesús ee ra.

³⁷ Pe quiti jiri que Pedro rerao ra. Zebedeo riiri nyeremo ndese. Eya eā ndasi tuchi que tu ee aque mose ra.

³⁸ Ñee ngue ũqui je ra. —Seya eā ndasi tuchi aico co. Seya eā ndasi ra seiquia chee. Jenguchō na jē aa. Jētesa tesa bei u aa, i que Jesús ñee ee ra.

³⁹ Jesús que oso pe quiti jiri cot e ra. Nyibi que u ngüiã ndese ñee Dios je ra. —Paba, ũqui ndasi asaã sereãte raque quia co. Ae sebite riqui nae, ũqui ndese semingo eã. Ae ndebite riqui nae, ũqui ndese quiatu semingo, i que Jesús ñee Dios je ra.

⁴⁰ Nyebi que u uchimbaaquiatsu je cote ra. I que eu uque ja ee cote ra. Ñee ngue Pedro je ra. —Jëingo areã ñochi tesa serese se ñee mose Dios je.

⁴¹ Jëtesa tesa u. Jengue eã u ñee Dios je. Mbae icuã tã i eã sacuaã jëje. Jëingo serete raque serese. Mbae icuã nguiatu jembuti mbutite nguiã, i que Jesús ñee ra.

⁴² Osobe que ñee Dios je pe jiri cote ra. —Paba, nde ñee mose seje, “mbae rasi ra eresaã” nde i mose seje, asaã nda se, i que ñee Dios je ra.

⁴³ Nyebi que u uchimbaaquiatsu je cote ra. I si que u uque ee no nda. Eresa quiatu ngue eshiu shiute nguiã.

⁴⁴ Jesús que osobe erecha ñee Dios je ra. Tres veces que aque cote ra. Hue ri si que ñee Dios je ra.

⁴⁵ Uchimbaaquiatsu jii que esi ñee ee cote ra. —Jengue cote. Jenguenea jëucua cote. Semondo ra mbia icuã je cote. Sei quia sacuaã.

⁴⁶ Jëhuã cote. Nyao cote. Ae ra semee mbia icuã je, co eru quia semee sacuaã co cote, i que Jesús uchimbaaquiatsu je ra.

Mbia icuã Jesús isi suruchoi

⁴⁷ Jesús cheë mosebe tuchi que Judas ru erea ra. Jesús chimbaaquiatsu rei que ae ra. Aque rese que mbia cuaë tuchi quia ra. Tiquise abe que ecurucuaë nguia ra. Ira jua abe no. Sacerdote rerecua chõ ũqui mbucuaë nguia reaë. Amei abe.

⁴⁸ Judas ñee nyecuayã nguiatu quia ũqui je nyii reaë. —Ae ritii ra asiite, aque chõ ñee. Aque jëisi serao, i quia equia ee nyii reaë.

⁴⁹ Jesús riichã ngue esi saludar i ee cote ra. Jesús ritii que esiite ee cote ra.

⁵⁰ —¿Mbaerã erchu serea re? i que Jesús ee ra. Mbia que ngaë Jesús isi ecua cote ra.

⁵¹ ũqui mose que Jesús rimba mo uchuuru sirõ tiquise ra. Sacerdote rerecua rimba rese que tiquise uru ra. Eisa que echisia ra.

⁵² Jesús que ñee ee ra. —Ndechuuru emingue chõ eriru ye. Nde emo nyiisha mose tiquise je, nde abe ra emo ndeisha.

⁵³ ¿Ndeiranuate ángeles rese re? Se ñee mose Paba je, ángeles tubiriã tuchi nda embu seje re chaë. Sereaquiatsu sacuaã.

⁵⁴ “Ángeles embu rã sereaquiatsu”, ae eã nda Paba je. ũqui mose ra embesa ji ique eã cote. Sã embesa ji riqui ñee no: “Mbae rasi ra esaã tuchi” i no, i que Jesús ñee Pedro je ra.

⁵⁵ Jesús que ñee mbia ja je cote ra. —¿Mbaerã jenyu quia tiquise rurucuaë serea co re? Ira jua abe no. Mbae mbuquiachãsa

rea rocoi jenyuchi nguia serea co. Tenda que amumba mumba beite rei quia jendese Dios chuchua resë. Mbia que ambaaquiatsu quiatu bei rei quia huee resë. ¿Mbaerã seisiã nyucua aque mose re?

⁵⁶ Embesa ji ique sacuaã ño jëicuã icuã ndiqui nguia seje ã, i que Jesús ra. Echimbaaquiatsu que nyoi ja chee uchã Jesús recha ra.

Jesús mbia curuchoi mbia rerecua je

⁵⁷ Ae Jesús isi nae, ũqui ngue ecuruchoi sacerdote rerecua je ra. Huee que embesasa chi ja ñumunua nda. Amei ererecua ja abe.

⁵⁸ Pedro que embuchurucha rucha oso quia erui ra. Ngasë nyee que sacerdote rerecua itaicuee ra. Huee que ngoi sacerdote rimba mo ndese ra. —Mañi nda mbia Jesús je reae, i que hui ngoi eraarõ arõ nda.

⁵⁹ Sacerdote rerecua que chi ja huee ra. Amei mbia rerecua ja abe no. Mbia rerecua ja tuchi. —Jesús nandequia, i rei que ñee ñee nyue ra. —¿Mbae i ra aba mbia je Jesús riicharã nde? i rei que u ñee ñee nyue ra.

⁶⁰ Emo emo ngue ngaë ndei ñee icuã icuã Jesús riñi nda. ũquinde que mbia nyeremo ngaë ñee ñooño Jesús riñi nda.

⁶¹ —Jesús que ñee ñooño Dios chuchua riñi nda. “Dios chuchua ra ambucoi. Tres días mose ra achaobe”, i que urechandu Jesús cheë nda, i que ũqui ñee ñooño Jesús riñi nda.

⁶² Sacerdote rerecua que juã ñee Jesús je ra. —¿Echeë nda eresibishorõ eã mbei re? ¿Mbae i equia nderiñi nde? i que Jesús je ra.

⁶³ Jesús que ñee eã mbei echeë mose ra. Sacerdote rerecua que ñeembe ee ra. —¿Dios rucucha nde re? ¿Cristo nde re? Diósaa echeë ure je, i que sacerdote rerecua ñee ee ra.

⁶⁴ Jesús que ñee ee ra. —Ae. Dios rucucha chõ se re. Tacheë nyecua jëje. Jemae nda serese se coi mose Dios quirãcuã jii. Sechu mose abe ibeishã ndese, i que Jesús ee ra.

⁶⁵ Sacerdote rerecua que paama i tuchi Jesús cheë mose ra. Huñrao que endoro ndoro chee ra. Ñee ngue ererecua ataque je ra. —Jesús riqui Dios rucucha raã naa co. Jeñandu jate equia ã. Sã mbia mo nandembiirandube eã cote. Nandemae ndei ngue erese re.

⁶⁶ ¿I jëje re? ¿Mañi nande ra equia re? i que sacerdote rerecua ñee ererecua ataque je ra. —Eicuã tuchi que ra jë. Sã mbia eiquia, i jate que ererecua ñee Jesús riñi nda.

⁶⁷ Mbia que ñinimbu nimbu Jesús ruba rese cote ra. Ucuu ucua abe que erese ra. Emo emo ngue eritii mbeete ete o je ra.

⁶⁸ Ñee ngue ee ra. —“Cristo chõ se re”, ere ñi equia. Aba chõ ucua nderese chã. Ma eicua no, i que mbia ñee icuã icuã ee ra.

Jesús aicuayãte reseë, ichõño Pedro

⁶⁹ Pedro que chí mbeite ngoi itaicuee ra. Nyucuaaque mo ngue tu ñee ee mbia rimba mo nda. —Jesús resenda que nde abe ra. Galilea jenda, i que nyucuaaque ñee ee ra.

⁷⁰ Pedro que ñee ee ra. —Tei. Ndecheê aiciayâte, ichõifño ngue Pedro mbia résaa ñee ee ra.

⁷¹ Pedro que oso quia eiquesa cuti cote ra. Nyucuaaque nongue que ñee mbia je eríí nda. —Co abe que Jesús resenda ra. Nazaret jenda, i que ñee mbia je ra.

⁷² —Tei. Jesús aiciayâte, ibe que Pedro ñee icuã ee ra.

⁷³ Ae chí huee nae, ùquí mo ngue ñee Pedro je cote ra. —Jesús resenda chõ nde abe resê. Ndecheê aba chícuate resê, i que ñee ee ra.

⁷⁴ Pedro que jurar i tuchi ñee ee ra. —Aicuayã tuchite se resê, i que ñee ñooño nda. Aque mose tuchi que nguira ñee cote ra.

⁷⁵ Pedro que ndua Jesús cheê ndese cote ra. Sã Jesús ñee ee nyii no. —Nguira cheê nondre ra ercheê ñooño tres veces serií, sã Jesús i ee nyii no. Ûquí ndese que Pedro ndua cote ra. Nyebe esi nguia usê nyeseo tuchi.

27

Mbia Jesús curuchoi Pilato je

¹ Nyaashí namo mose que sacerdotere rerecua ndua hue rí ja ra. Amei mbia rerecua ja abe no. Hue rí ja ndua Jesús iquia sacua.

² Jesús que echucua suruchoi Pilato je ra. Pilato rei mbia rerecua, hue jenda ja rerecua.

Judas uchosi mumbi nyiquia

³ Mbia ra Jesús iquia, i mose Judas je, eya eã tuchi que ùquí mose ra. —Jesús amee jirichí nguia mbia je, i que ra. Nyebe mbae isiquia mondobe nguia sacerdotere rerecua je. Amei ererecua je abe no.

⁴ —Mbae icuã tuchi asaachí. Jesús seteã tuchi ameechí jêje. Eiquia sacua, i que Judas ñee nda. —Nde quia rei. Ure eã ñene, i ja que ererecua ñee ee ra.

⁵ Judas que mbae isiquia mbaba asi mombo mondo íbii ra. Dios churchúaa. Oso que uchosi mumbi nyiquia cote ra.

⁶ Sacerdotere rerecua que mbae isiquia sirõ ibi si cote ra. —Mbia ribishoronda chõ ã mbae isiquia re. Nyebe nandemondo eã ofrendarã, i que ñee ñee nyue ra.

⁷ Aquere que sacerdotes ibi mo isi aque mbae isiquia je ra. Ibi mo ngue eisi mbiamo tiquia tiquia sacua nda. Ñionga, i que hue ibi je ra.

⁸ Nyebe eriqui nguia “mbia ruqui rua” i bei hue je. Namonyee.

⁹ Aque mose que Jeremías ñimbasa ique cote ra. ã ndei Jeremías ñimbasa ã:

Ûquí mbae isiquia treinta que eisi cote ra. Ûquí ndei mbia ribishoronda ùquí.

¹⁰ Ûquí mbae isiquia que mondo hue ñionga ribishorõ cote ra.

Dios ñee nguia eríí seje nyii nae, ùquí ndui si, i que Jeremías embesa cose ra.

Pilato ñee Jesús je

¹¹ Mbia que Jesús curuchoi Pilato je cote ra. Pilato que ñee ee ra. —¿Judíos rerecua chõ nde re? i que ee ra. —Ae. Judíos rerecua chõ se re, i que Jesús ee ra.

¹² Sacerdotere rerecua que ñee icuã ja Jesús je ra. Amei ererecua abe no. Jesús que ñee ãte echeê mose ra.

¹³ —¿Erechanuãte equia ñee mose nderíí nde? i que Pilato ñee Jesús je ra.

¹⁴ Jesús que ñee ãte echeê mose ra. Nyebe Pilato nyuruira tuchi nguia echeê eã mose.

Jesús jëiquia mbucha ira rese, i ererecua

¹⁵ Pilato que mbia tarõ ji mo mbusê mbei quia pascua mose ra. Co mü ngue embusê mbusê mbei quia pascua mose ra. Ae je mbia riqui ñee, “aque embusê mondo” i nae, aque chõ ngue embusê mbei quia ee ra.

¹⁶ Barrabás, i que etarõ ji mo je ra. Mbia chícuca tuchi que ae ra.

¹⁷ Mbia ñumunua ja mose que Pilato ñee ee ra. —¿Aba ra ambusê mondo jêje re? ¿Barrabás ra re? ¿Jesús ra re? i que Pilato ñee ee ra.

¹⁸ —Sacerdotere rerecua riqui paama i chooñote Jesús je ã, i quiatu que Pilato ndua ndua uchiangui re ra.

¹⁹ Pilato que chí ngoi ndua ndua ngüenda tose ra. Eninisi que ucheê mondo ñee ee ra. —Ehui chõ Jesús si jê. Mbae icuã ngue esaã eãte resê. Atea que seque re isa ra jê. Seque re icuã tuchi que aa ra jê, i que Pilato ninisi ñee ngu je ra.

²⁰ Sacerdotere rerecua que ñee mbia ja je ra. Amei ndese. —Sã Pilato Barrabás mbusê mondo. Sã Jesús quiatu iquia, i que ererecua ñee ja mbia je ra. Nyebe mbia “eno” i chee ee.

²¹ Pilato que ñee si mbia je ra. —¿Aba ra ambusê mondo jêje re? ¿Jesús ra re? ¿Barrabás ra re? i que Pilato ra. —Barrabás embusê mondo i que mbia ee ra.

²² —¿Mañi ae quia ra Jesucristo je re no? i que Pilato ra. —Embucha ira rese, i ja que mbia ñee ee ra.

²³ —¿Mbae icuã esaã nde? i que Pilato ee ra. —Embucha ira rese jê, ibe que mbia tasê tasê ee ra.

²⁴ —Mbia riqui “Jesús eiquia” i i tuchichí, i que Pilato ndua ndua ra. —I mo embu seje, i que mbia je cote ra. Nyo: que mbia résaa cote ra. —A aico nyo: a. Se ra Jesús aiquiayã. Eseteãte quiatu ngue re. Jê nguiau jëingo erese, i rei que Pilato ñee mbia je ra.

²⁵ Mbia que ñee ja Pilato je ra. —¿Eiquia jê! Eicuãte que eriqui ra jê. Dios ra paama i eã eiquia mose. Dios paama i mose, sã ure je

quiato paama i. Ureiriĩ je abe no, i jate que mbia Pilato je ra.

²⁶ Pilato que Barrabás mbusē mondo cote ra. Jesús cuasa quiatu que chiño nda. Pilato que Jesús iruã nua cote ra. —Jembucha iquia ira rese, i que ñee soldados je cote ra.

²⁷ Soldados que Jesús cuasa curuchoi ererecua chuchúaa ra. Huee que soldados ataque abe ngaē ja Jesús mama nda.

²⁸ Jesús irao que embui esi ra. Tiru ireĩ nguiatu ngue emingue nguiã ee cote.

²⁹ Nyu ritiméi uma ji que emii eãquĩ ndese corona nda. Ira ñetē mo abe que emondo éoo ra. Ngoi ja que u ngúĩã ndese Jesús nonde ra. Ñee icuã icuã ngue u erii nda. —Judíos rerecua tuchi chõ nde re, ichõĩño ngue soldados Jesús je ra.

³⁰ Ñinimbu nimbu abe que erese ra. Ira abe que euru uru eãquĩ ndese no nda.

³¹ Jesús rimba que esaã saã ee no nda. Iquia iquia que ee no nda. Aquere que tiru ireĩ mbui esi cote ra. Eiraote que emingue ee cote ra. Curuchoi que embucha nonde ira rese cote ra.

Mbia Jesús mbucha ira rese

³² i rei que echoi quia ra. Mbia mo ngue esobeishĩ nda. Simón, i equia ee. Cirene jenda que ae ra. —Cruz echa rã Jesús mbucha sacua pe, i que soldados ee ra. Nguerao que ee cote ra.

³³ Ngasē ngue pee cote ra. Gólgota, i que hue je ra. Eresa cuare, i chõ nguiã hue je.

³⁴ Huee que vino ñimocondo tuchi mo mondo Jesús je ra. Ubi rei que erese ra. Aquere que embei eã cote ra.

³⁵ Soldados que Jesús mbucha ira rese ra. Aquere que sita ñetē mbaba mbaba o je cote ra. —Aba ra Jesús irao querao ñi ja, i que nyue ra. Aquere mose que embesa ji cheē ique cote ra.

Seirao que embuchao chao nyue ra.

Sita ñetē mbaba mbabare o je, i que embesa ji ra.

³⁶ Aquere que soldados chi ngoi Jesús raarõ cote ra.

³⁷ Mbia que letrero mii Jesús aqũ nguiti ibate ra. JESUS REI JUDIOS RERECUA, i que embesa mii nda. Ūquĩ ñi ño eriqui nguiã eiquia hue.

³⁸ Mbia nyeremo abe que embucha ira rese Jesús chabe ra. Jesús rereco chobei que emii ira rese ra. Mbae mbuquiachãsa tuchi que ūquĩ nda.

³⁹ Mbia que iquia iquia chõ nguia echeē naa naa ecuã nda. Ñee icuã icuã ee.

⁴⁰ —“Dios chuchua ra ambucoi. Tres días mose ra ambuchuruambe” ere que equia. Ndequirãcuã tuchi mose, equichi u hue si. Nde Dios rucucha mose, equichi u cruz si, i tuchi que mbia quia iquia iquia ee ecuã mose ra.

⁴¹ Sacerdote rerecua abe que iquia iquia chõ nguia ee ra. Embesasa abe no. Amei ererecua abe no. Ūquĩ ngue ñee icuã icuã ja quia erii nda.

⁴² —Mbia que embuquera quera rei nyii ra. Ae si quia quera aroneate nguiã aque. Judío rerecua mose ae, sã ae ae nguichi ira si. I nda ureicu a cote, i ja que ererecua ñee icuã icuã e erii nda.

⁴³ —“Dios acuate”, i que equia, sã Dios ae embuquichi eya mose erese. “Dios rucucha rei se” i que equia, i ja que ererecua ñee icuã icuã erii nda.

⁴⁴ Ae mbuchai chi ira rese mbae mbuquiachãsa nae, ūquĩ abe que ñee icuã icuã nyee ee ra.

Jesús mano cote

⁴⁵ Tenda nandeite re mose que itondaru ru ra. Itondaru bei que mbia ja je tres horas ra.

⁴⁶ Tenda cheseco mose que Jesús ñeemombo cote ra. —Elí, Elí, ¿lam a sabactani? i que ñeemombo ra. —Dios sererecua, ¿mbaerã ereico hui sesi re? i chõ ngue ñee nguiã.

⁴⁷ —Elías je eriqui “quiatchu” i reae, i rei que echeē andusa mo nda.

⁴⁸ Aquere mose tuchi que emo esponja monde vinagre ye ra. Ira ai rese que embia ji mondo rei Jesús chúruu cote ra.

⁴⁹ —Esecha rei. ¿sã Elías ruãte quia erea! i que eataque ñee ee ra.

⁵⁰ Jesús que tasē mano mbei cote ra.

⁵¹ Aquere mosechi tuchi que cortina nyisia Dios chuchua jenda ra. Ibate si que eru nyisia íbii ra. Ibi que nyere nyere cote ra. Sita abe que nyisia sia nyibite bite ri nda.

⁵² Mbia tãsa mo abe que nyeequia equia ra. Dios quiato raaque mo ngue quera quera ra.

⁵³ Jesús quera si mose que ūquĩ ndaaque usē nyoi cote ra. Nyoi que Jerusalén cote ra. Mbia tubiriã ngue mae u erese ra.

⁵⁴ Soldados rerecua que chí mae Jesús rese ra. Soldados abe no. Ūquĩ ngue siquichete Jesús mano mose ra. Ibi chere mose. Mae mose mbae ja rese. —Dios riiri ño eriqui re, i jate que soldados ñee erii cote ra.

⁵⁵⁻⁵⁶ Cuña ngue chi jate mae Jesús rese isho ra. María Magdalena abe que chí huee ra. María abe no. María rei Jacobo si. José abe si. Zebedeo riiri si abe que chí erese huee ra. Ūquĩ ngue siqui bei quia Jesús rui ra. Echirã ngue emii mii mbei quia ee ra. Galiléaa eico mose bei.

Mbia Jesús raaque chati cote

⁵⁷ José, i que mbaecha mo je ra. Arimatea jenda rei ae. Jesús quiato que ae ra. Tenda irei mose que esi ñee Pilato je ra.

⁵⁸ —Jesús raaque emee na seje, i que oso ñee Pilato je ra. Pilato que “eno” i ee ra.

⁵⁹ José que eraaque curuchoi cote ra. Ñuma ngue tirushī mo je ra.

⁶⁰ Jesús raaque que eiti suruchoi sita ribicoi ji imi ye ra. José chisaā ye. Nyati rei que sita cuasu mo je cote ra. Nyoī que erecha cote ra.

⁶¹ María Magdalena ngue chi ngoi mae Jesús atisa rese ra. María rese.

Soldados Jesús raaque atiquia saarō u

⁶² Isamami ngue sacerdote rerecua choi ñee Pilato je ra. Fariseos abe no. Sábado isamami ngue ra.

⁶³ Ūquī ngue nyoī ñee Pilato je Jesús rīī nda. —Urendua nduachī nguiā ñeeñoño je rese. “Tres días mose ra aquera si”, i que equia mano nonde ra.

⁶⁴ Soldados emondo rā eatiquia raarō. Sā echī bei tres días eraarō huee. † nda echimbaaquiātu eraaque siroā suruchoi. “Quera si que ra” ¡ichī nda ñee ñooño mbia je jē! Ūquī mose ra mbia mbiirī irī tuchi cote, i que ñee Pilato je ra.

⁶⁵ Pilato que ñee ee ra. —Soldados jendao rā. Eraaque raarō tuchi sacuā, i que ee ra.

⁶⁶ Soldados que ecuruchoi Jesús atiquiaa cote ra. Eiquesa aronda que ematā tuchi cote ra. —Jēsaarō tuchi jē, i rei que soldados je cote ra.

28

Jesús raaque quera si

¹ Jesús raaque ati ji que chibe sábado mose ra. † nyaashī oso quia domingo mose, aque mose que cuña mo nyoī mae eatisa rese ra. María Magdaalena, i que emo je ra. María, i que enongue je ra.

² Aque mose tuchi que ibi nyere nyere ee ra. Angel ibatenda mo nguiā tu quia eatisa mbuquiata reaē. Sita eatiquia que ecuruba ra. Ngoi que etose ra.

³ Enininya tuchi que chī ngoi ra. Ama pirirā pirirā i rā tuchi que ra. Eiraoshī tuchi que chī nda.

⁴ Soldados que titi titi i tuchi chō mae ūquī ndese ra. Emundi tuchi que ra.

⁵ Angel que ñee cuña je ra. —Jēsiquiche quichechī nguiā. Jēingo raque Jesús raaque requia ā.

⁶ Emoate aa resē. Eraaque que quera si no. Ucheē ndui si que quera resē. Jenyu rei mae eatisa rese ae.

⁷ Jēso asi rā echimbaaquiātu mbiirandu equera si rese. “Jenonde ra esi Galilea. Jemaē nda erese huee”, jenyē embiirandu. Ūquī ae chō ngue u nguiā jēje, i que ángel cuña je ra.

⁸ Cuña ngue siquichete echeē andu ra. Eyate abe que ra. Ūchā ndei que echoi quia Jesús chimbaaquiātu mbiirandu ra.

⁹ Ñeenda cūa chō ngue Jesús nyecua saludar i ee ra. Cuña ngue nyoī oo erese ra. Jesús i que equiaama ama nda.

¹⁰ Jesús que ñee ee ra. —Jēsiquichechī nguiā sesi. Jēso ñee seresenda je. “Jēso rā Galilea. Hue ra jemaē Jesús rese”, jenyē oso ee, i que Jesús ñee cuña je ra.

Soldados ñee ñooño Jesús raaque rīī

¹¹ Soldados eraaque raarōsa que nyoī sacerdotes rerecua mbiirandu Jesús quera rese ra. Ae rese mae nae, ūquī ngue esenei ja ee ra.

¹² Sacerdotes rerecua que nyoī ja ñee amei ererecua je cote ra. —¿Mañi nande ra equia mbia jiranuā sacuā Jesús quera rese re? i que ererecua ndua ndua hue rī ja ra. Nyebe mbae isiquia mee nguiā soldados je, ñee ñooño sacuā mbia je.

¹³ —Jēñee ñooño mbia je jē. “Ureque mose Jesús resenda eraaque suruchoi rei sirō”, jenyē chooño mbia je jē.

¹⁴ Pilato jirandu mose jendese, urecheē nda ee. Paama iā nda jēje chā, i que ererecua ñee ja soldados je ra.

¹⁵ Soldados que mbae isiquia isi cote ra. Ñee ñooño tuchi que mbia je cote ra. Nyebe judíos riqui nguiā ñee mbei ā cote. —Jesús chimbaaquiātu que eraaque sirō cose ra, nyebe eriqui nguiā i bei ā cote.

Jesús uchimbaaquiātu mondo mbia mbiirandu

¹⁶ Jesús chimbaaquiātu once que nyoī ja Galilea ra. Ibi ibate mo ngue echoi Jesús cheē nguire ra.

¹⁷ Jesús que nyecu a ee huee ra. Jesús rese mae mose que ngoi nguiā ndese ñee ee ra. —Jesús eā ño co reae, i rei que emo emo ñee uchiangui re ra.

¹⁸ Aquere que Jesús si eriichā ñee ee cote ra. —Sequirācuā tuchi chō se re. Se rei ibi jenda rerecua ja. Ibatenda abe rerecua ja.

¹⁹ Jēso mbia mbaaquiātu quiātu ja serīī. Mbiamangue chooñoa jenda ja. Bautizar jenyē ee Paba rīī. Serīī abe. Espíritu Turā nū abe no.

²⁰ Jembaaquiātu quiātu tuchi secheē nū. Ae asenei senei nguiā jēje nae, ūquī jēsenei senei ja ee. Secheē mumbayā sacuā. Aico bei ra se quia jendese. Mbae ua j a chee, i que Jesús ñee ee ra. Amén.

EL SANTO EVANGELIO SEGÚN SAN MARCOS

Juan el Bautista Dios cheë senei senei

¹ Ñ tasenei na jêje. Dios cheë turã Jesu-cristo riñ. Jesucristo rei Dios riiñ.

² Sã Isaias Dios cheë mbesa cose no: Secheë nderaosa amondo quia nderëta aque.

Ae ra ñeenda mbuquiche nembraerã, i que Dios ra.

³ Emo ndiqui ñeemombo mombo turúquiaa hue.

“Sã emo ndiqui ñeenda mbuquiche no, eñ jenye si chõ nguia jê abe ico quiatu nandererecua raarõ arõ”, i equia turúquiaa hue,

i que Isaias embesa ra.

⁴ Juan el Bautista que tu ñquĩ ñee nguire cote ra. Dios cheë ngue esenei senei nguia turúquiaa cote ra. —Jendua si Dios rese. Jêhui chõ jêicua si. Dios jêicua mbutiã sacua. Ñquĩ mose nda bautizar ae jêje chã, i beite que Juan nguia ñee nda.

⁵ Jerusalén jenda que ngaë ngaë tuchi quia echeë andu ra. Judea jenda abe no. Mbia huicua nenei nenei mose Dios je, ñquĩ mose que Juan ndiqui bautizar i ee ra. Ama Jordán ye.

⁶ Quiicua mbuaera chõ ngue Juan irao ra. Camello. Mbae ire chõ ngue enumbicuaa no nda. Tucu mbuae chõ ngue eu eu quia ra. Irao quiaa riinda abe.

⁷⁻⁸ Dios cheë ngue esenei senei nguia ra: — I achõ je chõ aico nguiã bautizar i mbia je co. Co chi emo ndu quia serui co. Dios riiñ tuchi chõ ae re. Ae quia equirãcuã tuchi sesi re. Ae quia eturã tuchi sesi no nde. Ae quia tura bautizar i mbia je Espíritu Turã je. Mbia chi mbitirõ sacua, i beite que Juan nguia ra.

Juan bautizar i Jesús je

⁹ Aque mose que Jesús ru sucha tubiriã Nazaret si ra. Galilea jenda rei Nazaret. Juan ngue bautizar i Jesús je ra. Ama Jordán ye.

¹⁰ Jesús que usë oso ama si cote ra. Ibei que nyeequia ee cote ra. Espíritu Turã ngue nguichi u erese cote ra. Nyurushi rá ngue eru nguichi erese ra.

¹¹ Ibei jenda que ñee ee ra. —Seriirñ ño nde re. Sechesecua chõ nde re. Seyate nderese, i que Dios ñee ee ra.

Jesús tambü cuã, i raque Satanás

¹² Espíritu Turã ngue Jesús querao turúquiaa cote ra.

¹³ Huee que Jesús riqui arete ra. Cuarenta días. Nyacua risha ite re. Mbia riichare ja ite

re. Satanás que tu rei tã i ee cote ra. Angeles que ngaë ngaë nguia ereaquiatu ra.

Jesús mbia mbaaquiatu quiatu ramo

¹⁴ Mbia rerecua que Juan tarõ cárcel cote ra. Aquere que Jesús si Galiléaa ra. Dios cheë turã ngue esenei senei nguia huee ra.

¹⁵ —Achite Dios ñi tu mbia rerecuarã a. Jendua si Dios rese. Jêhui chõ jêicua si. Dios cheë turã jêicua. ¶ nda Dios jemingo bei, i que Jesús quia ñee mbia je ra.

Jëingo serui, i Jesús uchimbaaquiaturã je

¹⁶ Jesús que ngata oso quia ama nimia ndui ra. Galilea, i que aque ama ndisha je ra. Huee que mae Simón ndese ra. Enonga abe rese mae. Andrés, i equia ee. I que u sira mbua mbuasa mondo mondo ii ra. Sira resenda bei rei ñquĩ.

¹⁷ Jesús que ñee ee ra. —Serui bei chõ jëingo jê. Taembaaquiatu quiatu. Mbia teendu endu bei quia seje cote, i que ee ra.

¹⁸ Nyoï ja que erui ra. Sira mbuasa si que echoï hui ra.

¹⁹ Pe jiri que mae Jacobo rese ra. Enongue rese abe. Juan, i equia ee. Zebedeo riiñ ja rei ñquĩ. Huee que echï ja canoa ye sira mbuasa mbitirõ tirõ nda.

²⁰ —Jëingo serui, i que Jesús ñee ee ra. Echeë nduibe tuchi que echoï erui ra. Ngu que esecha choï ra. Eru que siquichõ canoa ye ngüimba rese ra.

Jesús aba checuayã icuã jea mbia mo si

²¹ Nyoï que sucha tubiriã Capernaum nda. Sábado mose que Jesús si judíos chumunua nuásaa ra. Mbia mbaaquiatu quiatu sacua.

²² Mbia rerecua rá ño ngue eriqui mbia mbaaquiatu quiatu ra. Embesasa rá eã. Nyebe mbia riqui nguiã nyuruira tuchi echeë andu.

²³ Huee que amei no ndiqui mbia chumunuásaa ra. Aba checuayã icuã nyireco rei ae. Ñee asite que Jesús je ra.

²⁴ —¿Mbaerã erachu urerea co re, Jesús? Quiatúae urerecha ae. ¿Urericharã ño erachu quia co re? Dios rucucha chõ nde re. Areicuate se, i rei que aba checuayã ñee asite ee ra.

²⁵ Jesús que ñee asi ee cote ra. —¿Equiriri chõ jê! Esë oso amei ñiangui si, i que ee ra.

²⁶ Jesús cheë mose que aba checuayã amei mburirite cote ra. Tasë ngue oso usë amei si cote ra.

²⁷ Mbia que nyuruira tuchi mae Jesús rese ra. Ñee ñee ja que nyue cote ra. —Jesús riquichï mbia mbaaquiatu quiatu ucheë namonda je co. Equirãcuã ae ñee nguiã. Mbia rerecua rá ño eriqui nguiã ñee aba checuayã icuã je co. Sã aba checuayã echeë mum-bayãte jê, i que mbia ra.

²⁸ Mbia que jirandu jei Jesús rese Galilea jenda ja cote ra.

Jesús Simón ninisi si mbucherō

²⁹ Jesús que usê nyoĩ mbia chumunuasa si cote ra. Nyoĩ que Simón nyuchua ra. Andrés abe que siqui rei huee tuchia ra. Jesús que ique nyoĩ huee ra. Jacobo rese. Juan ndese abe no.

³⁰ I que Pedro chari rasi u nyaara ee ra. Eracu tuchi que ra.

³¹ Jesús que eo isi embuchuruã nda. Aque mosebe que eracu ti i esi cote ra. Mbae que echao chao mbia chiurã cote ra.

Jesús mbia rasi chumumbara mbucherō

³² Itondaru ramo mose que mbia erasi rurucuaẽ cuaẽ tuchi Jesús je ra. Ae aba checuayã queroco quia nae, ũqui abe que ecurucuaẽ cuaẽ tuchi quia ee ra.

³³ Sucha tubiriã jenda ja que chi ñumunua eiquésaa ra.

³⁴ Mbia rasi chumumbara que embucherō cherō ja ra. Aba checuayã icuã tubiriã ngue ejea jea quia mbia si ra. Aba checuayã ngue Jesús icuate rei ra. Nyebe Jesús riqui nguiã echeẽ ndiquisã quisãte.

Jesús mbia Galilea jenda mbuchesea sea

³⁵ I nyaashĩ oso quia, aque mose que Jesús juã oso mbia tiãsa ra. Ñee sacua Dios je itondaru bei mose.

³⁶ Simón ngue oso erui emuñã nda. Nguesenda rese.

³⁷ Ngasẽ ngue ee ra. —Pe mbia chi nderequia jate pe, i que ee ra.

³⁸ Jesús que ñee ee ra. —Nyao sucha tubiriã mbuchesea sea achi jenda. Dios cheẽ nda asenei senei ee chã. Nyebe achu nguiã, i que ee ra.

³⁹ Galilea jenda que embuchesea sea ja cote ra. Dios cheẽ nenei nenei judíos chumunua nuásaa. Aba checuayã abe jea jea mbia si.

Jesús mbia leproso mbucherō

⁴⁰ Emo ndasi que ngasẽ Jesús je ra. Leproso, i que ũqui erasi je ra. Tu que ngoi nguiã ndese ñee Jesús je ra. —Nde sembucherōse mose, sembucherō se, i tuchi que ñee ee ra.

⁴¹ Jesús ia eã tuchi que erese ra. Ñomee ngue oco erese cote ra. —Eno. Tarem-bucherō, i que ee ra.

⁴² Echeẽ nduibe tuchi que nyerō cote ra.

⁴³⁻⁴⁴ Jesús que ñee ee ra. —Sã jẽ. Erecheẽchĩ nda emo je jẽ. Eso nderasiã ndeacuquia sacerdote je cote. Moisés cheẽ ndui si chõ mbae mo emondo Dios je. Eĩ nda mbia jirandu nderasiã ndese cote, i rei que Jesús ñee emondo ra.

⁴⁵ Mbia que embiirandu ja tuchi chõ oso ra. Nyebe Jesús nyecua aroneate nguiã sucha tubiriã mo. Siquiibi ibi chõ ngue eriqui cote ra. Icuenda ja que ngaẽ ngaẽ nguia erea ra.

2

Jesús emi sayã mo mbucherō

¹ Emo mose jiri que Jesús nyebi Capernaum nda. Echuchua ereco mose que mbia jirandu erese ra.

² Mbia tubiriã ngue ñumunua ee ra. Mbia chayã tuchi que ra. Ei quesa abe itãyã tuchi que ra. Dios cheẽ ngue esenei senei tuchi quia ee ra.

³ Mbia cuatro que erasi mo curucuaẽ ee ra. Emi sayã.

⁴ Mbia tubiriã ngue tuchia mbiitãyate eriquisã nda. Nyebe erasi ruruchoi nguiã sui tei quite arõ. Tei que endoro cote ra. Erasi que embuquichi imbu quisa ye Jesús je cote ra.

⁵ —Erurucuaẽsa riqui seicuate ũqui, i que Jesús ñee uchiangui re ra. Nyebe ñee nguiã emi sayã je. —Eho, ndechisaã mbae icuã ambutiã nguia ndesi a, i que ee ra.

⁶ Embesasa mo abe que chi echeẽ andu ra. Mae icuã icuãte que equia Jesús res e ra.

⁷ —¿Mbaerã Jesús riqui ñee ũqui nde? Ñee icuã icuã ñochi equia Dios rĩ co. Dios ibatenda ae mbi a chiao icuã mbutiã tiã nguia esi resẽ, i rei que ñee icuã icuã Jesús rĩ nda.

⁸ Jesús que ũqui ndua ndua icuate quia ra. Nyebe ñee nguiã ee cote. —¿Mbaerã jẽingo ndua ndua icuã nde?

⁹ ¿Ma mbaranguiatuã eã jiri jẽje re? ¿Mbia icuã mbutiã esi ere? Mbia rasi mbucherō ere no ae. ¿Ma mbaranguiatuã eã jiri jẽje re?

¹⁰ Dios rucucha rei se. Mbia chiao icuã mbutiã aquiatu chõ se re. Sequirãcuã tateacuquia jẽje, i que Jesús ñee ee ra. Ñee ngue erasi je cote ra.

¹¹ —Ehuã na. Ndechuchua eso cote. Ndequisa abe erao, i que Jesús emi sayã je ra.

¹² Emi sayã ngue juã asi Jesús cheẽ nduibe cote ra. Ngua que esirõ asite serao cote ra. Mbia resa rae ja. —Ã ndese que ureico mae eã tuchi emo mose ra, i tuchi que mbia u mae nyururira erese ra. Mbia que ñee turã jate Dios quirãcuã nĩ cote ra.

Serui bei eico, i Jesús Leví je

¹³ Jesús que oso si ama ndisha rimíaa nda. Mbia que ngaẽ ngaẽ jate erea ra. Jesús que embaaquiatu quiatu ra.

¹⁴ I que Jesús oso quia ra. Mae ngue Leví rese ra. Alfeo ririĩ ngue Leví ra. Ngoi que huĩ plata isi isi impuestorã nda. —Serui bei eico, i que Jesús ñee ee ra. Ae Leví juã oso nguiã erui.

¹⁵ Jesús que nyoĩ quiaru erese ra. Impuestos isi isiquia ata que chi quiaru erese huee ra. Echimbaaquiatu abe rese. Mbia icuã mo abe que chi quiaru erese no nda. Ũqui tubiriãte que siqui erui ra.

¹⁶ Fariseos que ñee icuãte Jesús chimbaaquiatu je ra. Embesasa abe que ñee

icuatē ee ra. —¿Mbaerã Jesús riqui quiaru mbia icuatē rese re? i que ñee nda.

¹⁷ Nyebe Jesús ñee nguiã ee. —Sã mbia rasiã ndiqui aba mbucherõsa requia eãte no. Sã erasi chõ ndiqui erequia no. “Jenyu seje” ae eã ngue u nguiã mbia turã je. Mbiam icuã je chõ ngue achu nguiã “jenyu seje” i, i que Jesús ra.

Jesús chimbbaaquiātu hui ãte uchü si

¹⁸ Juan ñimbaaquiātu que hui uchü si aque mose ra. Fariseos chimbbaaquiātu abe no. Nyebe mbia ngaẽ nguiã ñee Jesús je. —¿Mbaerã ndechimbbaaquiātu abe riqui hui ãte uchü si re? i que ñee Jesús je ra.

¹⁹ Jesús que ñee ee ra. —Sã emo ndiqui ngüinisirã isi ramo no. Sã eresenda iate riqui quiaru erese no. Sã eriqui hui aroneate uchü si aque mose no.

²⁰ Sã eru riqui mano emo mose no. Aque mose ramo nguiātu ra equiātu hui uchü si cote.

²¹ Sã emo ndiqui tiru yasu mii aroneate tiru ima sorei rese no. Eyasu ra nyaacua quiata eima si. Soro icoi tuchi chõ nda cote.

²² Sã emo mbaeri rasi ramo nderecoquiātu eã eriru ima ye no. Mbae ire ima ye ererecoquiātu aronea ño ñene. Eri rasi ra ñimatã ño mbae ire ndoro. Eri ra uchẽ ja. Mbae ire abe mbicuatē ra cote. Mbaeri yasu quia nda equerecoquiātu nguiã mbae ire yasu ye. Soroã sacua, i que Jesús ñee ee ra.

Jesús chimbbaaquiātu mbae a ishao shao sãbado mose

²³ Sãbado mose que Jesús si quia mbiaco ite ite rĩ emo mose ra. Echimbbaaquiātu que quiata a nyiqui nyiqui choi quia erui ra.

²⁴ Fariseos mo ngue ñee ee ra. —¿Mbaerã ndechimbbaaquiātu riqui mbae ishao shao sãbado mose re? Co mose chõ mbia riqui uquenea ucua resẽ, i que fariseos ñee Jesús je ra.

²⁵ Jesús que ñee ee ra. —¿Embesa ji rese jemaẽ eã David rii nyii re? David riãcuãte que aque mose ra. Eresenda abe riãcuãte que eriqui aque mose no nda.

²⁶ David que ique Dios chuchua aque mose ra. Abiatar que sacerdote rere cua aque mose ra. Mbichae Dios chuchua jenda que David u ra. Mee mee ngue nguesenda abe je ra. Eriãcuãte quiātu ngue re. Sacerdote mbaerã ja chõ ndaque mbichae, i que Jesús fariseos je ra.

²⁷ —Sãbado que Dios chao mbia mbaerã nda. Sãbado mbaerã eã ño Dios mbia ao nguiã.

²⁸ Sãbado rerecua bei chõ se re, i que Jesús ñee fariseos je ra.

3

Jesús emo o tomei mo mbucherõ

¹ Jesús que oso mbia chumunuásaa cote ra. Huee que eo tomei mo ndiqui ee ra.

² Mbiam que mae nguiatute quia Jesús rese ra. —Ma Jesús eo tomei mbucherõ. Sãbado mose raque co. Sã embucherõ. Nandecheẽ icuã icuã nda ee chã, i que eu mae nguiatute Jesús rese ra.

³ Jesús que ñee eo tomei je cote ra. —Ehuã na u aa mbia ite re, i que ee ra.

⁴ Jesús que ñee mbiam je ra. —¿Mbae eturãte jẽje co tenda sãbado mose re? ¿Coche nandeico mbae turã naa naa sãbado mose re? ¿Coche nandeico mbae icuã naa naa co mose re no? ¿Coche mbiam mbucherõ co mose re no? ¿Coche mbiam iquia co mose re no? i que Jesús ñee mbiam ja je ra. Mbiam que ñee ãte echeẽ mose ra.

⁵ Jesús que paama i mae mbiam rese ra. Eya eãte que eriqui mbiam chiã ãtã ndese ra. Ñee ngue eo tomei je cote ra. —Ndeo emee secuti, i que ee ra. O que emee Jesús cheẽ mose ra. Aque mosechi que eo nyerõ cote ra.

⁶ Nyebe fariseos paama i nguiã Jesús je. Mbiam mbucherõ mose sãbado mose. Ndua ndua ja que Jesús i quia nonde ra. —Jesús nandeiquia rei, i tuchi que equia Herodes resenda ja je ra.

Mbia tubiriã nyoi Jesús rui

⁷ Jesús que oso ama ndisha quti ra. Uchimbbaaquiātu rese. Mbiam tubiriã Galilea jenda que nyoi quia erui ra.

⁸ Mbiam que jirandu ja tuchi Jesús chisã turã ndese ra. Nyebe eriqui nguiã ngaẽ ngaẽ erea. Judea jenda. Jerusalén jenda. Idumea jenda. Ama Jordán ndobeinda abe. Tiro rurubinda abe no. Sidón ndurubinda abe no. Ūqui ja que ngaẽ ngaẽ nguiã erea ra.

⁹ Nyebe Jesús ñee nguiã uchimbbaaquiātu je. —Canoa mo jendu rã ño mbuquiche co rĩ, i que ee ra. Mbiam quiātu ngue emumbite nguiã.

¹⁰ Mbiam que embucherõ cherõ tuchi quia nyii ra. Nyebe erasi ataque riqui nguiã “taoco erese” i raque. Nyebe eriqui nguiã ñimaña maña tuchi. “Nandeoco Jesús rese” i.

¹¹ Aba checuayã icuã mae mose Jesús rese que ngoi ngoi quia ngüã ndese ñee ee ra. —Dios riirĩ ndei nde, i que equia ñeemombo mombo ee ra.

¹² Jesús que ñee asite ee ra. —“Co rei Dios riirĩ co” jenyechĩ nda jẽ, i que ee ra.

Jesús mbiam doce irabo uchimbbaaquiaturã

¹³ Jesús que nyui oso sita ibate mo ndese ra. “Jenyu” i que uchirabobi je ra. Nyoi que erea ra.

¹⁴ Ūqui doce que eirabo nguesendacuã nda. Embuchao chao sacua mondo Dios cheẽ nenei nenei.

¹⁵ Uquirãcuã ngue emondo ee ra. Aba checuayã jea jea sacua mbia si. Mbia rasi chumumbara mbucherô cherô sacuaã.

¹⁶ Æ ndei mbia echiirabo ã:

Simón (Pedro, i abe que ee ra.)

¹⁷ Jacobo (Zebedeo riirĩ ndei Jacobo.)

Juan (Jacobo nongue rei Juan. Boanerges, i que ùqui ja je ra. “Ama sieu je riirĩ” i chõ nguã ee.)

¹⁸ Andrés

Felipe

Bartolomé

Mateo

Tomás

Jacobo (Jacobo rei Alfeo riirĩ.)

Tadeo

Simón el Cananista

¹⁹ Judas Iscariote (Aque que Jesús mondo mbia icuã je ra.)

Ûqui ja que Jesús irabo ra.

Aba checuayã quirãcuã Jesús quereco co, i raque mbia

Nyoi que ique tuchúaa cote ra. Uchĩmbaaquiato rese.

²⁰ Mbia que ngaẽ ngaẽ tuchi quia erea no nda. Equiaru mose rocoĩ. Echĩmbaaquiato abe quiaru mose rocoĩ.

²¹ Jesús nongue jirandu mose que echoi erea ra. Equiachã eriqui rei nguã ee. Nyebe eriqui rei nguã “nanderao” i raque.

²² Embesasa ngaẽ nguia Jerusalén si nae, ùqui ngue ñee ñee mbia je ra. Mbia mbuqueta queta Jesús riĩ. —Satanás quirãcuã je chõ Jesús riqui nguã aba checuayã icuã jea jea mbia si co, i rei que ñee icuã Jesús je ra.

²³ —Jenyu rã tacheẽ jêje, i que Jesús ee ra. —¿Mañi nda Satanás aba checuayã icuã jea mbia si re? Erimba chõ nyeresẽ.

²⁴ Gobierno icuã icuã mose nyue, ua rae.

²⁵ Tuchuamo jenda icuã icuã mose nyue, ua ra eno.

²⁶ Satanás icuã icuã mose nyue, equirãcuã nda ua no.

²⁷ Satanás quirãcuã tuchite raque. Umbae rese ngueteate raque. “Sembae chi turãte a”, i raque. Dios quiareĩ equirãcuã tuchi Satanás si. Dios Satanás mbae sirõ ja arõt e quia esi co. Dios Satanás quirãcuã mbutiã ja arõte quia co.

²⁸ Tacheẽ nyecua jêje. Emo siqui icuã mose, Dios eicuã mbutiã arõte esi. Emo ñee icuã mose, Dios echeẽ icuã mbutiã arõte no.

²⁹ Emo ñee icuã mose Espiritu Turã nii, ùqui icuã nguia tu ra Dios mbutiã eã mbei esi, i que Jesús ee ra.

³⁰ —Jesús chianguĩ re aba checuayã icuã ndiqui co, i quiatu ngue mbia nguã. Nyebe Jesús ñee nguã ùqui.

Jesús nongue ngaẽ erea usi rese

³¹ Jesús nongue que ngaẽ ndei erea ra. Usi rese. Chichõ ja chõ ngue itaicuee ra. —“Quiatuchu” ere Jesús je, i que emo mondo ra.

³² Mbia que chi jate ngoi Jesús jii ra. Ûqui ngue ñee ee ra. —Hue ndesi riqui nderequia itaicuee hue. Ndenongue rese, i que ee ra.

³³ —¿Aba je chõ aico “taĩ” i chã? ¿Aba je chõ aico “senongue” i no ña? i que Jesús mbia je ra.

³⁴ Jesús que mae ucheẽ andusa rese ra. — Æ je chõ aico nguã “taĩ” i. Æ je chõ aico nguã “senongue” i no.

³⁵ Ae Dios cheẽ mumbayã nguia nae, ùqui je chõ aico nguã “senongue” i. Ûqui je chõ aico nguã “taĩ” i no, i que Jesús ñee ee ra.

4

Emo mbae eĩ mombiquia mbiquia

¹ Jesús que mbia mbaaquiato quiato si ama nimia ndese ra. Mbia que ñumunua tuchi u erese huee ra. Nyebe Jesús si nguã ua canoa mo ye. Ngoi que huĩ huee mbia mbaaquiato quiato ra. Mbia que chi jate ama nimia ndese ra.

² Jesús que mbia mbaaquiato quiato tuchi quia ra. Ejemplos que esaã saã tuchi ee ra.

³ —Jenyisaquia rã serese. Sã emo si rei mbae eĩ mombiquia mbiquia no.

⁴ Sã emo ndiqui uqui uqui ñeenda rui no. Sã nguireĩ ndiqui ngaẽ eu no.

⁵ Sã emo emo ndiqui uqui sita arõ no. Sita aronda suri jei raque. Ibi ererate quia ñene.

⁶ Tenda ibate mose que eriqui ñimama mano nda. Erao eãte quia ñene. Nyebe mano jei nguã.

⁷ Sã emo ndiqui uqui uqui nyu réndaa no. Sã nyu abe riqui suri erese no. Nyu ruri que echati asi cuaẽ eriquisã nda. Nyebe ia eã ño nguã.

⁸ Sã emo ndiqui uqui uqui ibi turã no. Ûqui nguia tu que suri turã nda. I a turã ngue ra. Sã emo ia treinta no. Sã emo ia sesenta no. Sã emo ia cien no.

⁹ Jêisa mose, secheẽ jeñandu turã na, i que Jesús ra.

Jesús ucheẽ mbiassa uchĩmbaaquiato je mbae eĩ ni

¹⁰ Mbia ataque nyoi mose que Jesús ji jenda ñee ee ra. Echĩmbaaquiato doce rese. —Ndecheẽ embiassa tuchi rã ure je mbae eĩ ni, i que ñee Jesús je ra.

¹¹ Jesús que ñee ee ra. —Mbia rerecua tuchi quiareĩ Ibatenda. Ae chõ asenei senei nguã jêje ã. Secheẽ ambiassa asa bei tuchi quia jêje co. Mbia ataque quia siqui sereã erese co. Mbia ataque je aico ejemplos achõ naa naa mbei co.

¹² Eanduchõ sacua eicua turã nonde rocoĩ. Sã eriqui uba eãte Dios icha rui no.

Dios eicuã mbutiã eã sacuaã esi, i que Jesús ñee nda.

¹³ Jesús que ñee ee ra. —¿Secheẽ jêicuayãte mbae ei nã ñee mose jêje re? ¿Mañi jenyje quiatu ra ejemplos ataque icua re no?

¹⁴ Ae mbae eĩ mombiquia mbiquia nae, Dios cheẽ nenei neneisa rã ño aqae re.

¹⁵ Ae uqui uqui ñeenda rui nae, mbia Dios cheẽ andu chooñosa rã ño ùqui nde. Ae Dios cheẽ andu chooñote quia nae, ùqui ñiangui si chõ Satanás ndiqui nguiã Dios cheẽ ndirõ.

¹⁶ Ae uqui uqui sita arõ nae, mbia mo na ño ùqui no nde. Dios cheẽ andu mose, isi turã ndaque. Eyate raque erese nyii.

¹⁷ Mbia icuã icuã mose ee Dios cheẽ nã, hui jei chõ nguiã esi. Mbae rao eã naanguia chõ ùqui nde.

¹⁸ Ae uqui uqui nyu réndaa nae, mbia mo na ño ùqui no nde. Dios cheẽ andu turã ndaque. Siqui bei eã ño nguiã erui.

¹⁹ Umbaerã achõ ndese chõ eriquichĩ nguiã ndua. “Mbaecha tuchite ra se”, i bei chõ nguiã ndua ndua. Nyebe hui chõ nguiã Dios cheẽ si. Nyebe Dios cheẽ ndiqui nguiã ia eã mbeite ee.

²⁰ Ae uqui uqui ibi túraã nae, mbia mo na ño ùqui no nde. ùqui nguiatu Dios cheẽ ñandu turã nguiã. Nyebe eriqui nguiã siqui beite erese. I a ia bei raanguia cote. Emo emo ia treinta. Emo emo ia sesenta no. Emo emo ia cien no, i que Jesús ra.

Tata rendi mbia resae ja

²¹ Jesús que ñeembe ee ra. —Sã nandeico lamparina ati eã no. Sã nandeico emũ eã mbaequi re no. Erendi checua chõ nda nandemũ. Mbia resae ja sacuaã.

²² Mbae checuayã nda nyecua ja emo mose. Mbia chiangui renda checuayã nda nyecua emo mose no.

²³ Jêisa mose secheẽ jeñandu turã na.

²⁴ Secheẽ nda jeñandu chooñochĩ jê. Jê secheẽ mumbayã mose, taembaaquiatu i i tuchi.

²⁵ Emo umbae rerequia mose, Dios ra embaerã mo mondobe ee. Emo embae eã mose, Dios ra embae sirõ ja esi.

Dios rimba ñimbeta chõ nguiã mbae eĩ na

²⁶ Dios rimba ñimbeta chõ nguiã mbae eĩ na. Sã emo mbae eĩ tiquia tiquia no.

²⁷ Suri ra itõ mocoinde cote. Eruri cuasu tuchi ra cote. Echa embusuriã ndaque.

²⁸ Dios ae chõ embusuri nguiã. Eracói rane. Ìa chee. Ea ñetê nane. Ea cuasute cote. Ea ireĩ cote.

²⁹ Ea ireĩ tuchi mose ra eishao shao cote.

Mbae eĩ na ño Dios rimba re

³⁰ Mbae rã ño Dios rimba chã. Ejemplo mo tasenei jêje.

³¹ Mbae eĩ na ño Dios rimba re. Sã mbia mo mostaza eĩ tiquia no. Eñetê tuchi raque mbae eĩ mo si.

³² Suri oso quia cote. Ecuasu tuchi chee. Ira rã ño cote re. Nguireĩ nguichi quichi chee erãquiã ndese. Eĩ si chõ Dios rimba re. ùqui mui ndaque nyii. Ñimbeta tuchi cote. Mbae eĩ na, i que Jesús ñee mbia mbaaquiatu ra.

Jesús ejemplos senei senei tuchi mbia je

³³ Eĩ ño ngue Jesús quia mbia tubiriã mbaaquiatu quiatu ejemplos je ra. Mbia quenea tuchi chee que ra.

³⁴ Ejemplos achõ ngue esenei senei mbia mbaaquiatu sacuaã nda. Uchimbaaquiatu je quiatu que embiasa turã turã nda.

Jesús quiririã icuã icuã mbutiba; ama ndebera abe

³⁵ Itondaru ramo mose que ñee uchimbaaquiatu je ra. —Nyao ama ndisha robei, i que ee ra.

³⁶ Ae canoa ye Jesús ñi mbia mbaaquiatu quiatu nae, aqae ye sí que echimbaaquiatu Jesús rerao ra. Mbia tubiriã ndecha. Canoa mo abe que nyoi quia erese ra.

³⁷ Ama ndiite re mose que quiririã icuã icuã ndu ee ra. I rebera que ique ique tuchi quia canoa ye ra. Nyebe canoa ndiqui nguiã ñimi serĩ tuchi ee.

³⁸ Jesús que uque rei oso quia canoa ndiita quiu ra. Uãqui ndua arõ ngue esi rei quia ra. Echimbaaquiatu que emumba ra. —Urembaaquiatusa, echumumba. Nandemanochĩ nda re, i que Jesús je ra.

³⁹ Jesús que nyuruã ñee asite quiririã je ra. —Ti ere cote, ama, i que ama ndebera je no nda. Quiririã ngue tiba echeẽ mose cote ra. Ama ndebera abe que tiba ra.

⁴⁰ Ñee ngue uchimbaaquiatu je cote ra. —¿Mbaerã jêsiquichete riqui re? ¿Seicuayãte equia ã nde? i que Jesús ñee ee ra.

⁴¹ Siquiche bei que equia ra. Nyuruira tuchi que mae Jesús quirãcuã ndese ra. —Quiririã Jesús cheẽ mumbayã ñochĩ. Ama abe echeẽ mumbayã ñochĩ no, i que ñee nyue ra.

5

Jesús aba checuayã icuã jea

¹ Ngasẽ ngue ama ndobei cote ra. Gadara, i que hue ib je ra.

² Canoa sí Jesús nguichi mose que hue jenda mo tu erea ra. Aba checuayã icuã ngue siqui echiangui re ra. Mbia raaque tãsa si chõ ngue eru ngasẽ Jesús je ra.

³ Mbia raaque tãsa bei que eriqui ra. Emo ngue echucua aroneate quia ra. Cadenas je abe que emo ndiqui ecua aroneate ra.

⁴ Nyucua mocoite rei nda cadenas je raẽ. Ei nda echucua rei raẽ. Eo abe. Ucuasa

nda endoso ndoso bei quia ra. Emo nda embutiba aronea tuchi quia ra.

⁵ Ngata bei nda equia itondaru ra. Nyaashí mose abe. Tasê tasê mbei nda equia mbia raaque tása ra. Sita íbátee abe no. Sita je nda eriqui ñimbasi mbasite ra.

⁶ Isho que mae Jesús rese ra. Uchã asi que eu ngoi ngüiã ndese enonde ra.

⁷⁻⁸ Jesús que ñee ee ra. —Esê u aque chiã si, aba checuayã, i que Jesús ñee ee ra. Aba checuayã ngue tasê tuchi ñee Jesús je ra. —¿Mañi ere ra equia seje re, Jesús? Dios ririñi ño nde re. ¡Sembasichí nda se jê! i tuchi que ee ra.

⁹ —¿Mañi ndeje re? i que Jesús ee ra. —Etubiriã, i chõ ngüiã seje. Ure cuabête quia ñene, i que ñee Jesús je ra.

¹⁰ —Isho ra uremondochí, i tuchi que aba checuayã ñee Jesús je ra.

¹¹ Chiasu socoi tubiriã ngue chi quiaru huee ibi íbátee ra.

¹² Nyebe aba checuayã icuã ñee ja ngüiã Jesús je. —Uremondo ja rá chiasu socoi chiangui re, i tuchi que equia Jesús je ra.

¹³ Eno, i que Jesús ee ra. Nyebe aba checuayã usê ja ngüiã amei ñia si cote. Chiasu chiangui re que echoi ja cote ra. Dos mil rei chiasu. Chiasu que uchã ja choi nyiichere ama nimia mbucu rí nda. Ama ndisha ye que echoi ja mano nda.

¹⁴ Chiasu raarõsa mundite que ra. Uchã ngue echoi mbia mbiirandu randu ja ra. Sucha tubiriã jenda mbiirandu. Ishonda abe mbiirandu no. Mbía que ngaê ngaê ngüia jirandu turã cote ra.

¹⁵ Ngasê ngue euaê Jesús je ra. Ae aba checuayã icuã ngueroco uchiangui re nyii nae, aque abe que siqui huee ee ra. Huiirao resebe que eñi ngoi ra. Earacuate que ee cote ra. Nyebe mbia riqui ngüiã siquichete.

¹⁶ Ae mae erese nae, úqui ngue ñee ñee mbia je ra. Mbía mbiirandu chiasu socoi rese. Ae aba checuayã quereco quia nyii nae, aque rese abe no.

¹⁷ —Eso rá urerecha urerecua si, i jate que hue jenda ñee Jesús je ra.

¹⁸ Ae aba checuayã quereco quia nyii nae, aque que ñee Jesús je ra. Jesús ua mose canoa ye. —Nderese bei chõ taso se jê, i rei que ñee Jesús je ra.

¹⁹ Jesús que ñee ee ra. —Tei. Quiatu rei ndechuchúaa. Quiatu ñee nderesenda je. “Dios chõ sembucherõ ngüiã. Eya eã tuchite que eriqui serese ra”, ere oso nderesenda mbiirandu, i que Jesús ee ra.

²⁰ Amei ngue oso sucha mbuchesea sea cote ra. Mbía Decápolis jenda mbiirandu randu ja. —Jesús chõ sembucherõ ngüiã, i ja jate que equia mbia je ra. Mbía que nyuruirate quia mae erese ra.

Jesús Jairo ririñi mbucherõ; ari mo abe mbucherõ

²¹ Jesús que tu si iasa sobei si canoa ye ra. Mbía tubiriã ngue ngaê ngaê ngüia erea ra. Ama nimiaa eriquibe mose.

²² Judíos rerecua no ngue tu erea ra. Jairo, i que ee ra. Judíos munua nuasa que ae ra. Jesús nonde que eru ngoi ngüiã ndese ñee ee ra.

²³ —Qui seriiri si quia mano qui. Nyao rá ndeo terechono earõ. Embucherõ sacua, i tuchi que equia Jesús je ra.

²⁴ Jesús que oso erese cote ra. Mbía tubiriã abe que nyoí quia ñimajaã tuchi eruí ra.

²⁵ Ari rasi mo abe que oso quia eruí ra. Eruqui nda uchê mbei quia ee ra. Doce años nyee.

²⁶ Ngasi nda esaã tuchi quia ra. Erasi rea reasa nda etea tea jate rei quia raê. Umbae nda emondo mondo ja chee ngasi rea reasa je ra. Nyerõ jiri jiriã tuchi que ra. Erasi i i tuchi chõ ngue ra.

²⁷ Jirandu chee que Jesús rese ra. Equite quiti que esi mbia joõ nda. Oco que oso eirao rese ra.

²⁸ —Eirao achõ ndese se oco mose, acherõ nda se, i nda ra.

²⁹ Aque mose tuchi que eruqui ti i ee cote ra. Ngasiã ngue eicua uchiangui re cote ra.

³⁰ —Sequirãcuã ngue mbia mo mbucherõ nda, i que Jesús uchiangui re ra. —¿Aba oco seirao rese re? i que mae uquite quiti ra.

³¹ Echimbaaquiatu que ñee ee ra. —Mbía tubiriãte nyeresê. Ñimajaãte nyeresê. ¿Mbaerã ereico “¿aba oco serese re?” i re? i que ee ra.

³² Jesús que nyuruba ruba mae nda. —¿Aba oco serese re? i.

³³ Ari que jirandu tuchi ucherõ ndese ra. Eireite que titi titi i huí ee ra. Ngoi que ngüiã ndese Jesús resa quiti ra. Mbae que esenei ja ee cote ra.

³⁴ Jesús que ñee ee ra. —Seicuate que se ra. Nyebe arembucherõ ngüiã. Ndeya chõ eso cote. Nderasi ra tu si eã ndeje, i que Jesús ñee ee ra.

³⁵ Echeê mose chite que emo ngaê Jairo chuchua si ra. —Ndeririñi ngue mano cote ra. ¿Mbaerã nda Jesús ererao ndechuchua cote re? i que ñee ee ra.

³⁶ Jesús que echeê ñandu ra. Ñee ngue Jairo je cote ra. —Ndeya eã techí nda jê. Seicua chõ se jê, i que Jesús ee ra.

³⁷ Jesús que oso eraaque rea cot e ra. Uchimbaaquiatu tres que equerao ra. Pedro. Jacobo abe. Juan abe no. Jacobo nongue que Juan nda. Úqui mii ño ngue equerao erea ra.

³⁸ Ngasê ngue Jairo chuchua cote ra. Mbía que chi ja nyeseo áquẽ ndaaque rese ee ra. Nyiibu tuchi que eu ra.

³⁹ Ique que oso ñee mbia je ra. —¿Mbaerã jëingo nyiibute re? ¿Mbaerã jëingo nyeseo re? Äquë manoâte resë. Uque chõ u co resë, i que Jesús ñee mbia je ra.

⁴⁰ Mbia que iquia iquia chõ ee ra. Jesús que mbia mondo ja chee itaicue ra. Eru rese que esi ique eririĩ ndaaque rea ra. Esi abe rese. Nguesenda abe rese.

⁴¹ Eraaque o que eisi ñee ee ra. —Echuruã, Äquë, i que ee ra.

⁴² Echeë mose tuchi que äquë juã ngata cote ra. Etiarõte que ra. Doce años que ra. Mbia que nyuruira tuchi mae erese ra.

⁴³ —“Jesús que co raaque mbuquera ra”, jenyechi nda emo je jë, i que Jesús mbia je ra. —Ndeririĩ embuquiaru cote, i que ee cote ra.

6

Mbia Nazaret jenda Jesús isiteã

¹ Hue si que esi nguécuaa ra. Echimbaaquiatu abe que nyoĩ erese ra.

² Sábado mose que mbia mbaaquiatu quiatu judíos chumunuásaa ra. Mbia que nyuruira ja tuchi u echeë andu ra. Ñee ñee ngue u nyue ra. —¿Mangue eriqui ñimbaaquiatu tuchite re? ¿Mañi equia mbae icua ja tuchite re? Nandemae sayã naa naa tuchichĩ.

³ Ira mbitirõ tirõsa chõ ndaque. María riiriĩ ño ndaque. Jacobo nongue chõ ndaque. José abe no. Judas abe no. Simón abe no. Ä echari enongue riqui ja raque nanderese ä, i que mbia ra. Nyebe mbia Jesús cheë andu sereã nea nguã.

⁴ Jesús que ñee ee ra. —Dios cheë mbuchecuaa ishonda cheë nguia ra mbia isi turã mbei. Nguécua jenda cheë achõ nguia ra eisi turã eã. Ngõngue cheë achõ nguia ra eisi turã eã no, i que Jesús ñee nguécua jenda je ra.

⁵ Jesús que mbia mae sayã saã saã aroneate quia huee ra. O que echono mbia rasi mii mii arõ embucherõ nda.

⁶ Hue jenda mbia que chi Jesús icua eãte ra. Nyebe Jesús nyuruira tuchi nguã mae erese. Sucha tubiriã mbuchesea sea que equia mbia mbaaquiatu quiatu ra.

Jesús uchimbaaquiatu doce mondo ucheë nenei nenei sacua

⁷ “Jenyu” i que uchimbaaquiatu doce je ra. Nyeremo nemo ngue embuchao chao mondo ra. Uquirãcua ngue emee mee ee ra. Aba checuayã icuã jea jea sacua mbia chiangui si.

⁸⁻⁹ —Mbae mo nda jendaochĩ icua. Mbae riru mo abe ra jendaochĩ. Jenyurã mo abe ra jendaochĩ no. Mbae isiquia abe ra jendaochĩ. Jëiyao nongue mo nda jendaochĩ. Jëirao nongue mo abe ra jendaochĩ no. Jeny-itochoquia mii ño jendao.

¹⁰ Jengasë mose sucha tubiriã mo, aque tuchua mii ño jëingo uque. Tuchua ra jem-buchesea seate chi jëingo mose huee. Ae ra jengue nyii nae, hue tuchua bei chõ jëingo uque.

¹¹ Sucha tubiriã jenda mo jëisi sereã nea mose, jëhui chõ esi. Hue jenda jeñee andu sereã mose, jëso chõ hue si. Jëi tubi jem-butomo tomo ee. Hue jenda huicua icua sacua. Tacheë nyecua jëje. Ae ra jeñee isi sereã nae, üqui nda Dios mbasi tuchi. Uquia-toã nda embasi ja aque mose. Sodoma jenda ra Dios mbasi raque. Gomorra jenda abe no. Ae jeñee isi sereã nae, üqui nguia ra embasi tuchi Sodoma jenda si. Gomorra jenda abe si, i que Jesús ñee uchimondobi je ra.

¹² Nyoĩ nyoĩ ja que equia Dios cheë nenei nenei mbia je ra. —Jendua si Dios rese, i ite que equia mbia ja je ra.

¹³ Aba checuayã icuã ngue eja jea tuchi quia mbia chiangui si ra. Mbae eĩ quira que equiti quiti quia mbia rasi rese ra. Mbucherõ ja que ra.

Mbia Juan el Bautista iquia

¹⁴ Mbia que jirandu ja Jesús rese cote ra. Herodes abe que jirandu erese ra. Ererecua que ae ra. Juan el Bautista Jesús riqui reĩ Herodes je reaë. —Juan ndaaque que quera si ra. Nyebe eriqui nguã mbae raã jate, i rei que Herodes ra.

¹⁵ Elías Jesús riqui reĩ emo je reaë. Dios cheë mbuchecuaa ñiinda Jesús riqui reĩ emo je re no aë.

¹⁶ Herodes que jirandu Jesús rese ra. Juan el Bautista eriqui reĩ nguã ee. —Juan ño eriqui re. Ae äqui achisia. Quera si chõchĩ ere, i rei que Herodes ra.

¹⁷⁻¹⁸ Herodes Juan mondo quiatu quia carcel nyii reaë. Nyucua nda cadena je ra. Paama i nda Juan je ra. —iNde ndenongue ninisi erereco aroneate jë! i quiatu que Juan ñee ee nyii ra. Herodes siqui mose nõngue ninisi rese. Herodías, i que enongue ninisi je ra. Felipe, i que enongue je ra.

¹⁹ Herodías que Juan ucuyãte quia ra. —Taiquia, i rei que equia ra.

²⁰ Herodes bite rei que Juan ñee andu ra. Icuayã jiri rei que ra. —Juan turãte que ra jë, i que equia Juan mii nda. Nyebe eriqui nguã ireĩ ireĩte esi. Nyebe Herodías Juan iquia aroneate nguã.

²¹ —Co mose chõ jë, i que Herodías Herodes mbae cumpleños mose cote ra. —Jenyu quiaru serese, i que Herodes mbia rerecua ja je ra. Ererecua Galilea jenda ja je.

²² Aque mose que Herodías riiriĩ nyuruqui ruqui mbia je ra. Nyucuaaque que ae ra.

Herodes ia tuchi que mae nyucuaaque nyuruqui rese ra. Ñee ngue nyucuaaque je ra. —¿Mbae ra amee ndeje re? Echeê ño seje.

²³ “Sebite co” nde i mose, aque tamondo ndeje. Sembae ataque tamondo ja ndeje ndebi mose. Acheê ñoñoa ño nguiã ndeje a, i que Herodes ñee nyucuaaque je ra.

²⁴ Nyucuaaque que oso ñee usi je ra. —¿Mbae “embu seje” ae ra ee re? i que ñee usi je ra. —“Juan el Bautista ãqui ño embu seje”, ere chõ ee, i que esi ra.

²⁵ Nyebe que esi ñee Herodes je cote ra. — Juan el Bautista ãqui emee na seje plato ye, i que ñee ee ra.

²⁶ Herodes chosoi que oso serĩ tuchi echeê andu mose ra. —Acheêchĩ se quia ee. A sere-senda chĩ ja quiaru serese a resê. ã seandu ja chõchĩ. Nyebe ra secheê ambuchebi eã ee, i que Herodes uchiangui re ra.

²⁷ Soldado mo ngue emondo cote ra. — Quiatu Juan iquia. Eãqui eru seje, i que ñee soldado je ra.

²⁸ Cárcel que esi Juan ãqui sia cote ra. Eãqui ngue equeru plato ye nyucuaaque je cote ra. Nyucuaaque que emee usi je cote ra.

²⁹ Juan ñimbaaquiatu jirandu mose que echoi eraaque rea cote ra. Ñono ngue sita ndoro ji ye ra.

Jesús mbichae tubiriã saã mbichae mü je

³⁰ Ae Jesús mondo quia uchimbaaquiatu, ñqui ngue ngaê si ee cote ra. Uchisaã ngue esenei senei cuaê ee ra. —Eĩ ure que mbia mbaaquiatu quiatu ra, i que euaê Jesús mbiirandu ra.

³¹ Mbia tubiriãte que ngaê ngaê nguia ñindecua ndecua erea ra. Equiaru mose rocoĩ abe. Nyebe ñee nguiã uchimbaaquiatu je. —Nyao rã mbia eãsaa, jenguenea ucua mbiĩ, i que ra.

³² Ae ae que nyoi canoa ye mbia eãsaa ra.

³³ Mbia tubiriã tuchi ngue mae ñochĩ nguiã echoi rese. Jesús icua chõ ngue ra. Mbia que nyoi uchã ibi rĩ nda. Suchã jenda ja. Ñqui nane ngue nyoi ngasê Jesús raarõ ama nimia nda.

³⁴ Jesús que usê canoa si cote ra. Mbia tubiriã ndese que mae nda. Eya eã tuchite que erese ra. Oveja raarõ iriã na nguiatu que mbia chi ee ra. Mbia que embaaquiatu quiatu tuchi cote ra.

³⁵ Tenda oso mose que echimbaaquiatu ñee ndei ee ra. —Tenda osote resê. Mbia chuchua mo ãte a resê.

³⁶ Mbia chiurã eã abete a resê. Mbia embu mondo uchiurã ndequia requia sacua sucha achi jenda rea rea, i que ñee Jesús je ra.

³⁷ —Jeño mbae jemondo ee echiurã, i chõ ngue Jesús ñee ee ra. —Tei. Mbae quia ra aba mondo ee. Mbia tubiriã tuchite quia ñene. Mbae isiquia tubiriã tuchi je quia nda aba

mbae isi rei nguiã ña. Mbia chayãte chõ eno nde, i que ñee Jesús je ra.

³⁸ —¿Manya mbichae jendeco ñqui nde? Jêso mae erese no, i que Jesús ee ra. Emo ngue oso mae erese eicua ra. —Cinco mbichae riqu i co. Sira nyeremo abe, i que echimbaaquiatu mo ñee ee ra.

³⁹ —Sã mbia ngoi ngoi ja quiata tose. Echeesea sea, i que Jesús ra.

⁴⁰ Mbia que ngoi ngoi ja nyesea sea cote ra. Cincuenta jaaja. Cien abe no.

⁴¹ Jesús que mbichae cinco sirõ cote ra. Sira nyeremo abe no. Ibei rese que mae gracias i Dios je ra. Mbichae que esiquio quio cote ra. Mee mee ngue uchimbaaquiatu je ra. —Jemee mee mbia je, i que uchimbaaquiatu je ra. Sira nyeremo abe que esiquio quio mbia ja je ra.

⁴² Mbia ja que eu tuchi ra. Ñimbio chee que ra.

⁴³ Mbia chiu sique tubiriã tuchi que ra. Mbichae rire. Sira rire abe no. Doce iru que mbia mombisê esique sique je ra.

⁴⁴ Cinco mil hombres que mbia mbichae-cua ra.

Jesús ngata i arõ

⁴⁵ Aquere que Jesús uchimbaaquiatu mondo ja canoa ye ra. —Jê nane jêso Betsaida sobei. Mbia tambui turã na mondo uchuchuaa se nyii, i que ra.

⁴⁶ Jesús que mbia mbui turã mondo cote ra. Ae ae que oso sita ibátee cote ra. Ñee sacua Dios je.

⁴⁷ Huee que ae ae riqui itondaru chee ra. Canoa yenda que chi bei ama ndiite rĩ nda.

⁴⁸ Echimbaaquiatu que pare pare i canoa ibu ra. Quiririã ngue eichu ichute eruba quiti ra. Jesús que mae erese ishote ra. Nguira ñee mose que esi eriichã nda. I arõ ngue esi quia ngata ra. Nyucuaño nda eña nde.

⁴⁹ Mbia aingue eriqui reĩ nguiã echimbaaquiatu je. Ngata mose i arõ. Nyebe tasê tasê nguiã.

⁵⁰ Echimbaaquiatu chiã ngue cuãacuã i tuchi mae erese ra. —Jêsiquichechĩ nguiã. Jêya chõ ae. Se chõ nyeresê, i que Jesús ñee ee ra.

⁵¹ Ua que canoa ye embirõ cote ra. Quiririã ngue tiba cote ra. Echimbaaquiatu que nyuruira tuchi u mae erese ra.

⁵² Jesús mbichae mbeta quia nae, ñqui ngue echimbaaquiatu icuayãte uchiangui re ra. —Dios riiri ño eriqui reaê, i ãte que eicuayã nda. Eãqui ãtãte chõ ngue ra.

Jesús mbia Genesaret jenda mbucherõ cherõ

⁵³ Ngasê nyee que sobei cote ra. Genesaret, i que hue ibi je ra.

⁵⁴ Jesús usê mose canoa si que mbia eicua jei ra.

⁵⁵ Mbia que nyoï ja uchã tuchia mbuchesea sea ra. Erasi rurucuaë cuaë sacua Jesús je, erua resebe.

⁵⁶ Jesús cuatásaa que mbia riqi erasi rurucuaë cuaë ee ra. Sucha tubiriã jenda jaaja. Sucha mii mü jenda jaaja abe no. Turuquia jenda abe no. Ūqui ja que erasi curucuaë cuaë nguia ñono Jesús jii ra. —Sã erasi oco oco ja rá ndeirao ai rese, i jaaja que ñee Jesús je ra. Ae oco erese nae, ūqui ngue nyerõ ja ra.

7

Mbia chiangui renda ae chõ emb#cuã nguia

¹ Aquere que fariseos mo ngaë ñee Jesús je ra. Embesasa mo abe, ae ngaë Jerusalén si.

² Jesús chimbaaquiato mo ngue quiaru quiaru echoi quiiriã ee ra. —¿Mbaerã jëingo quiaru jenyoi quiiriã nde? Nanderamei ñee ndui si eã ño jëingochi nde, i que ñee asite ee ra.

³ Fariseos quiarei nyoï bei quiaru nonde. Judíos ja abe no. —Nandechoi eã mose ra nandechiã mondeite, i rei equia ã. Ngãmei ñee nguire eriqui ūqui naa naa mbei ã.

⁴ Echoi quiiriã mose eriqui quiaruã ã. Ngaë mose plaza si eriqui nyoï tuchi quiaru nonde ã. Ngãmei ñee nguire chõ eriqui nguia mbae raã ja ã. Sã eriqui uyuquia irei irei no. Nio abe no. Irachaë abe no. Ūquisa abe no.

⁵ Nyebe fariseos ñee nguia Jesús je. —¿Mbaerã ndechimbbaaquiato riqi eï eã nanderamei ñee nguire re? ¿Mbaerã eriqui quiaru uchoi quiiriã nde? i que fariseos ñee Jesús je ra. Embesasa abe no.

⁶ Jesús que ñee ee ra. —Isaías que embesa jeni cose ra. Eï ngue embesa ra:

Á mbia riqi ñee turãte raque seje ã. Uchiangui re quia eriquiãte nguia serese ã.

⁷ Ñee turãte raque equia seje ã. Amei ñee achõ ño esenei seneichi nguia mbia je.

Dios cheë mü nenei nenei ndocoï ee, i que Isaías embesa jeni nda.

⁸ Jenamei ñee achõ ño jesenei seneichi nguia mbia je ūqui. Dios cheë nenei nenei ndocoï ee.

⁹ Dios cheë jemumba mumba chõ chã nguia ã. Nanderamei ñee ndese chõ jëingochi oote ã.

¹⁰ Moisés cheë ndui turã eã ño jëingochi ã. Sã Moisés ñee mbia je no: “Jëturã ño nguia jendu je jë. Jësi je abe no. Emo ñee icuã mose ngu je, ūqui jëiquia chõ. Emo ñee icuã mose usi abe je, ūqui abe jëiquia no”, sã i Moisés no.

¹¹ Jë nguia jëingo nguia Moisés cheë abi abite ã. Sã jëingo ñee no. “Ae nda amee nei jëje, ūqui ngue amondo ja Dios je ra”, i mose emo ñee ngu je, “coche ñene” jenyê chõchã

nguia ee. Mbae mee eã mose ngu je. Usi abe je. Nyebe jëingo nguia mbia mbaaquiato icuã icuã ūqui.

¹² ¿Mbaerã jëingo mbia riqisã quisãte mbae meese mose usi je re? Ngu je abe no.

¹³ Nanderamei ñee achõte jësenei seneichi nguia jendiiri je ã. Nyebe jëingo nguia Dios cheë mbuquiachãte jendiiri si ã. Mbae icuã atate jësaã saã nguia ã, i que Jesús fariseos je ra. Embesasa abe je.

¹⁴ —Jenyu secheë andu, i que Jesús mbia ja je ra. —Secheë jëicua rá.

¹⁵ Mbia chiu emb#cuã eã nguia. Echiangui renda chõ emb#cuã nguia. Echiangui renda chõ usë nguia echuru rí echeë mose. Ūqui ño emb#cuã nguia.

¹⁶ Jëisa mose, secheë jëñandu turã na, i que Jesús ra.

¹⁷ Jesús que mbia secha oso ique tuchiaa ra. Echimbbaaquiato que ñee ee cote ra. —Erecheë ngue namo, “ūqui nda mbia mb#cuã” ere que, ūqui embuchecua rá ndecheë ure je, i que ñee Jesús je ra.

¹⁸ Jesús que ñee ee ra. —¿Jë abe jëicuayãte quia re? Ae mbia u quia nae, ūqui mbia mb#cuã eã nguia.

¹⁹ Iqueã nda oso echiangui re. Erie ye chõ eriqui nguia oso. Echiique rui chõ eriqui nguia oso. Usë nyee, i que Jesús ñee uchimbbaaquiato je ra. —Mbia chiu turã ja, i chõ nguia.

²⁰ —Mbia chiangui renda chõ emb#cuã nguia usë mose echuru rí.

²¹ Aba chiangui renda quia aba mundua icuã icuãte nguia. Nyebe eriqui nguia siqui emo ninisi rese. Emo ndu rese abe no. Siqui siqui eruã ndese abe no. Mbia abe iquia iquia.

²² Mbae abe mbuquiachã quiachã no. “Aque raã nda sembaerã ña”, i emo mbae je no. Mbae icuã ñumumbara raã naa ja. Mbia abe mbiiri iri no. Mbae icuã oseï oseï bei. “Se quiato ae”, i mbae je. Ñee icuã icuã no. Ucuasu abe raã naa no. Mbae icuã naa ja chooño.

²³ Mbia chiangui renda icuã ja chõ ūqui nde. Ūqui ño mbia mb#cuã icuã nguia ūqui ao ao mose, i que Jesús ra.

Ari mo Jesús icua

²⁴ Jesús que nyoï hue recha cote ra. Ngasë ngue Tiro jii cote ra. Sidón jii abe no. Ique que oso tuchia mo nda. —Sã mbia jiranua serese, i rei que ra. Mbia qu e jirandu chõ erese ra.

²⁵ Ari mo abe que jirandu erese ra. Eriiri ngue aba checuayã nguereco uchiangui re ra. Ari que tu Jesús rea ra. Ngüiã ndese que ngoï ejii ra.

²⁶ Sirofenisia jenda que ae ra. Judío eã tuchi que ae ra. Griego cheë ño ngue echeë

nde. —Aba checuayā icuā ejea rā seriirī si, i tuchi que Jesús je ra.

²⁷ Jesús que ñee ee ra. —Judíos rese rane taico mbae raā naa. Ahui aronea judíos si, mbae raā naa mbiamo je, i que Jesús ee ra.

²⁸ Ari que ñee ee ra. —Aicuate raque se, Sererecua. Mbiamo ndaque ure. Judíos eā ndaque ure. Ure je abe chō mbae esaā ae. Seriirī embucherō seje ae, i que ari ñee ee ra. ²⁹ Jesús que ñee ee ra. —Erecheē turāte. Quiatu rei. Nderiirī ngue nyerō no, i que ee ra.

³⁰ Ari que oso uchuchúaa cote ra. I que eriirī u ngua ye ee cote ra. Aba checuayā icuā usē ño ngui a esi reaē.

Jesús eisayā mbucherō

³¹ Jesús que nyebi Tiro rurubi si ra. Sidón ngue etasamo nda. Ama ndisha Galiléaa que esi ra. Decápolis rī ngue esi ra.

³² Eisayā mo ngue mbia curucuaē ee ra. Echeē aquíatuāte abe que ra. —Ndeo echono earō embucherō, i tuchi que mbia Jesús je ra.

³³ Jesús que eisayā nguerao pe jiri mbia recha ra. O que emingue mondo eisacua rereco chobei ra. O que embia ngüendi je ra. Mondo que echuru rī cote ra.

³⁴ Soboiba que ibate cote ra. Jiabute que ñee ee ra. —Esoro, eisacua, i que ee ra.

³⁵ Eisacua que soro cote ra. Echuru abe que nyerō cote ra. Ñee ngue cote ra.

³⁶ —Emo nda jembiiiranduchī jē, i rei que Jesús ñee mbia je ra. Mbiam que ñambiirandu i i tuchi ra.

³⁷ Mbiam que ñee ñee nyue Jesús rīi nda. —Mbae raā turā turā ja tuchichī equi a co. Eisayā abe isa ndoro chee no. Echeē ngüiā abe mbucheē nyee no, i ja tuchi que mbiam quia nyuruirā mae erese ra.

8

Jesús mbichae tubiriā saā mbichae mü je

¹ Mbiam que ñumunua tuchi Jesús je aque mose ra. Ñee ngue uchimbbaaquiātu je ra.

² —Seya eāte aico ā mbiam tubiriā ndese co. A echi arete serese tres días a. Echuurā mo eāte mbae mo aa.

³ Eriācuā amondo sereāte echuchúaa. Ngasē āte chō ndae. Ishote si ecuaē aa resē. Nandembuquiaru chō aa, i que Jesús ra.

⁴ Echimbbaaquiātu que ñee ee ra. —Turuquia re chō nandeico a resē. ¿Mañi nda aba ā mbuquiaru ja re? i que ñee Jesús je ra.

⁵ —¿Manya mbichae jendeco re? i que Jesús ee ra. —Siete, i que ee ra.

⁶ Jesús que mbiam mbucoi ja ibi ra. Mbichae siete que eisi ja o je cote ra. Gracias i que Dios je cote ra. Mbichae qu e esiquio quio mee uchimbbaaquiātu je cote ra. Úqui ngue embuchao chao mbiam tubiriā je cote ra.

⁷ Sira ñetē mü abe que equereco ra. Gracias i que Jesús Dios je cote ra. —Sira abe jembuchao chao mbiam je, i abe que ee ra.

⁸ Mbiam que eu ja ñimbio chee ra. Echui sique que emunua nua ja ra. Siete iru que emombisē nyee ra.

⁹ Mbichaecua rei mbiam cuatro mil. Jesús que embui turā mondo cote ra.

¹⁰ Canoa ye que Jesús ua uchimbbaaquiātu rese cote ra. Nyoi que Dalmanútaa ra.

Mbiam mae sayā eteacuquia ure je, i fariseos

¹¹ —Tā nande rā Jesús je, i que fariseos cuaē ñee ñee ee ra. —Mbiam mae sayā esaā na ure je. I nda “Dios chimbua” ure tuchi ndeje, i rei que ñee Jesús je ra.

¹² Jesús que iabu tuchi ñee nda. —¿Mbaerā mbiam riqui “mbiam mae sayā esaā ure je” i tuchi re? Tacheē nyecua jēje. Mbiam mae sayā mo nda eteacuquia eā tuchi jēje, i que Jesús ñee ee ra.

¹³ Oso que mbiam recha cote ra. Iasa que echoi sobei cote ra.

Fariseos mbiam mbaaquiātu icuā, i Jesús

¹⁴ Jesús chimbbaaquiātu que uchuurā curuchoi eā nda. Tesarei que esi ra. Mbichae mü tuchi que equeru huee ra.

¹⁵ Jesús que ñee ee ra. —Mbichae mbuchimatāsa rā ndei fariseos cheē. Herodes chimbbaaquiātu cheē abe no. Úqui ñee ndese ra jēingochī jē, i que Jesús ee ra.

¹⁶ —Mbichae quiātu ngue nanderuā nguiā. Nyebe eriqui nguiā ñee nande je úqui, i rei que echimbbaaquiātu ñee nyue ra.

¹⁷ Jesús que echeē ñee icuate ra. Nyebe ñee nguiā ee. —¿Mbaerā jēingo “mbichae nanderuāchī” i re? ¿Ae rīi aico ñee jēje nae, úqui jēicuayā mbeite quia re? ¿Jēñia ātā mbeite eriqui re?

¹⁸ Jēisate raque. ¿Secheē jēñania mbeite quia re? Jendesate raque. ¿Sechisaā jēicuayā mbeite quia re?

¹⁹ Se mbichae cinco mbeta mose mbiam cinco mil je, ¿manya iru jemombisē mbichae sique sique je re? i que Jesús ee ra. Doce, i que ee ra.

²⁰ —Mbichae siete mbeta mose mbiam cuatro mil je, ¿manya iru jemombisē esique sique je re no? i que Jesús ee ra. Siete, i que ee ra.

²¹ —¿Jēingo secheē icuayā i ite ā nde? i que Jesús ee ra.

Jesús eresayā mo mbucherō

²² Nyoi que Betsaida cote ra. Mbiam amei ndesayā mo ngurucuaē Jesús je ra. Oco sacua erese embucherō.

²³ Jesús que eo isi serao pe jiri sucha si cote ra. Ngüendi que equiti eresa rese ra. O que echono earō nda. —¿Eremaete mbae rese cote re? i que ee ra.

²⁴ Eresayā ngue mae cote ra. —Mbia rese amaete cote. Ecuata rese amaete. Ira raāte mbia seje, i que eresayā nda.

²⁵ Jesús que o chonombe eresa rese ra. Mae turā ngue cote ra. Nyerō tuchi que cote ra.

²⁶ Jesús que embui mondo uchuchúaa ra. —Eresochĩ nda sucha ite rĩ jē, i que ee ra.

Cristo chō nde resē, i Pedro Jesús je

²⁷ Jesús que nyoi Cesarea de Filípo cote ra. Huee que ñee uchimbaaquiātu je cote ra. —¿Aba aico reĩ mbia je re? i que ee ra.

²⁸ Echimbaaquiātu que ñee ee ra. —Juan el Bautista ereico reĩ nguiā mbia je co. Elías ereico reĩ nguiā emo je no. Dios cheē nenei neneisa mo ereico reĩ nguiā emo je no, i que echimbaaquiātu ñee Jesús je ra.

²⁹ —¿Aba aico reĩ jēje co re? i que Jesús ee ra. —Cristo chō nde resē, i que Pedro ñee ee ra.

³⁰ —Jeñeechĩ nda mbia mo je ũquí jē, i que Jesús ee ra.

Mbia ra seiquia, i Jesús

³¹ Jesús que umano nonde senei senei uchimbaaquiātu je ra. —Mbae rasi ra asaā tuchi. Judíos ramei icuā icuā tuchi ra seje. Sacerdotes rereuca abe no. Embesasa abe no. Seiquia rae. Tres días mose ra aquera si, i que ñee uchimbaaquiātu je ra.

³² Jesús que ñee nyecua tuchi ee ra. Nyebe Pedro Jesús rerao nguiā suruicha. —¿Mbaerā erecheē ũquí nde? Mbia ra ndeiquiyā, i rei que Pedro ñee asite Jesús je ra.

³³ Jesús que uba mae uchimbaaquiātu rese ra. Ñee ngue Pedro je ra. —Ehui chō sesi, Satanás. Mbia ndua ndua rā ño ereico nguiā ndua. Dios ndua ndua rā eā, i que ñee Pedro je ra.

³⁴ Jesús que ñee uchimbaaquiātu ja je cote ra. Mbia abe je. —Emo siquise mose serui, sã hui ja mbae ubi si. Sã cruz rui umbaerā se rã si. Sã eriqui serui bei cote.

³⁵ Emo ndua bei mose ngueco rese, ereco ra ua esi. Emo hui mose ngueco si seje, ũquí nda siqui bei.

³⁶ Emo ngueco mumba chooño mose, eya eā mbei rae. Mbaecha rete raque.

³⁷ Emo ngueco mumba chooño mose, mbae mo eāte ereco ribishorō sacuā.

³⁸ Emo ireĩ ireĩ mose sesi mbia icuā ndésaa, se abe ra aireĩ ireĩ esi. Emo ireĩ ireĩ mose secheē si, se abe ra aireĩ ireĩ esi, sechu mose mbia rerecuarā. Dios ra sembu si íbii uquirācuā je aque mose. Ibatenda rese ra achu ángeles, i que Jesús ee ra.

9

¹ —Tacheē nyecua jēje. A jengu a nae, jemo nda jemaē sechu rese. Achu ra mbia rerecuarā tuchi cote. Jemo jemano eā mose

ra achu mbia rerecuarā tuchi cote, i que Jesús ee ra.

Jesús nyĩcuabo uchimbaaquiātu résaa

² Tenda seis uare que Jesús uchimbaaquiātu mo nderao sita ibátee ra. Pedro. Jacobo. Juan abe no. Ũquí ngue equerao ja mbia tiásaa ra. Jesús que nyĩcuabo erésaa huee ra. Nininya tuchi que ee ra.

³ Eirao abe nininya tuchi que ra. Eiraoshĩ nininya tuchi que ee ra.

⁴ Mbia nyeremo ngue ngaē ibate si ra. Ñee ñee ngue ecuaē Jesús nininya rese ra. Moisés que ũquí nda. Elías rese.

⁵ Pedro que ñee Jesús je ra. —Sererecuca, nandecu turāte a. Sucha ñetē uresaā saā na. Enongue nembraerā. Enongue Moisés mbaerā. Enongue Elías mbaerā no, i rei que Pedro ñee Jesús je ra.

⁶ Echimbaaquiātu siquichete quiātu ngue re. Nyebe Pedro riqui nguiā “mañĩ nda aba re” ite.

⁷ Ibeishĩ ngue tu nguichi eite re cote ra. Moisés mbuchecuayā ee. Elías abe no. Echeē mo ngue echandu ibeishĩ qui re ra. —Co rei sebi tuchi seriirĩ co. Echeē jeñandu bei quia, i que Dios ñee ee ibeishĩ qui re ra.

⁸ Echimbaaquiātu mae mose que Jesús mii ndiqui ee cote ra. Moisés que nyecuayā asi ee ra. Elías abe.

⁹ Ecuāē mose nguichi sita ibate si que Jesús ñee ee ra. —Ae rese jemaē namo nae, ũquí je jenyecuachō jē. Sequera si mose quiātu teñee ñee mbia je cote. Semano nonde eā, i que Jesús ñee uchimbaaquiātu je ra.

¹⁰ Nyebe ñee eā nguiā emo je. —¿Mbaerā eriqui “se quera si mose” i re? i que ndua ndua ñee nyue ra.

¹¹ Ñee ngue Jesús je cote ra. —¿Mbaerā embesasa ñee nde? “Elías rane nda tu Cristo si” i re, i que ñee Jesús je ra.

¹² Jesús que ñee ee ra. —Ae bei. Coche Elías rane tu nguiā mbae mbitorō ja. ¿Mbae i chō embesa ji quia Cristo rĩ ña? “Mbae rasi ra esaā tuchi”, i chō nguiā. “Mbia ra eucuayā tuchi”, i chō nguiā no.

¹³ Elías que tu no. Mbia icuā icuā tuchi que ee ra. Sã embesa ji ñee nyii no. Eĩ si tuchi que ra, i que Jesús ñee ee ra.

Jesús aba checuayā jea mbia riirĩ mo si

¹⁴ Ngasē ngue echoi echimbaaquiātu ataque je cote ra. Mbia tubiriā tuchi que chĩ echimbaaquiātu mama huee ra. I que embesasa u ñee icuā icuā echimbaaquiātu je huee ra.

¹⁵ Jesús ngasē mose que mbia nyuruira tuchi mae erese ra. Oo tuchi que erese ra.

¹⁶ —¿Mbae rĩ jēingo ñee icuā icuāte jenyue re? i que Jesús ñee mbia je ra.

¹⁷ Emo ngue ñee Jesús je ra. —Sererecua, seriiri aru quia ndeje co. Nde embucheró sacua. Aba checuayã icuã equereco uchiangui re co. Nyebe eriqui nguiã ñee eãte co.

¹⁸ Aba checuayã icuã ndiqui seriiri isi isi beite co. Mbucoi coi beite equia íbii co. Echuru abe mbichoite. Urei abe quti quitite. Nyebe equirãcuã neate riqui nguiã co. “Aba checuayã jêjea seriiri si”, ae rei que ndechimbaaquiato je ra. Eaquiataũte chõ ngue ra, i que eru ñee Jesús j e ra.

¹⁹ Jesús que ñee cote ra. —¿Mañi jenyee quia seicuayãte re? ¿Nimbirãcuã mbeite ra aba quia jêje re? i que Jesús ra. —Eriiri jendu rã seje, i que cote ra.

²⁰ Eriiri ngue ecurucuaẽ ee cote ra. Aba checuayã ngue eriiri mburirite Jesús rese mae mose ra. Mbucoi que íbii ra. Mbuchishao shao tuchi que ra. Echuru mbicho tuchi que ra.

²¹ —¿Manosete aba checuayã ndiqui erequia re? i que Jesús eru je ra. —Eñetẽ mosebe bei, i que eru ra.

²² —Tátaa eriqui emondo mondo beite co. Ama ye abe. Eriicharã. Nde ejea aquiato mose, ejea rã esi ure je, i que eru ñee Jesús je ra.

²³ Jesús que ñee ee ra. —¿Mbaerã ereico “nde aquiato mose” i seje re? Ae seicua quia nae, ùqui i aico mbae raã aquiato jate co resẽ, i que Jesús ee ra.

²⁴ Eru que ñee ee ra. —Areicuate se resẽ. Semingo uquiabe jiri ndere se ae, i que eru ucheẽ mumbote ñee Jesús je ra.

²⁵ I que mbia cuaẽ nguiã ñumunua nua tuchi huee ra. Nyebe Jesús ñee asi nguiã aba checuayã icuã je. —Aba checuayã, mbia isa erembitaote quia hue. Erembucheẽ nguiãte abe equia hue. Esẽ oso esi. Eriique sichi nda oso echiangui re jê, i que Jesús ee ra.

²⁶ Aba checuayã ngue tasẽte eriiri mburiri cote ra. Usẽ oso cote. Eraaque rã ngue eriiri nyi cote ra. Mano nei nguiã mbia je.

²⁷ Jesús que emua eo rese ra. Juã turã ngue cote ra.

²⁸ Jesús que oso ique tuchúaa cote ra. Echimbaaquiato que ñee ee mbia tiãmbaa cote ra. —¿Mbaerã aba checuayã useã oso urecheẽ mose ure re? i que ñee ee ra.

²⁹ Jesús que ñee ee ra. —Jeñee eã mose Dios je, ã jêjea aroneate. Jêhui eã mose jenyiu si, ã jêjea aroneate no, i que Jesús ee ra.

Mbia ra seiquia, i si Jesús

³⁰ Galilea ri ngue echoi hue si ra. —Sã mbia jiranua nanderese, nandeso mose hue ri, i que Jesús ñee uchimbaaquiato je ra.

³¹ Uchimbaaquiato ae que embaaquiato quiato oso quia ñeenda rui ra. —Emo nda semee mbia icuã je seiquia sacua. Seiquia

ji ra aquera si tres días mose, i que equia embaaquiato quiato ñeenda rui ra.

³² Echimbaaquiato que echeẽ icuayãte quia ra. —Ndecheẽ embiasa asa tuchi rã ure je, i ãte que equia ee ra. Irei ireite quiato que equia esi ra.

Ererecua tuchi ra se, i jaaja Jesús chimbaaquiato nyue

³³ Ngasẽ ngue Capernaum nda. Tuchúaa ique mose que ñee uchimbaaquiato je ra. —¿Mbae ri jenyu quia ñee icuã icuãte jenyue ñeenda rui re? i que ee ra.

³⁴ Quiriiri ja chõ ngue u ñee ndocoi ee ra. —Ererecuarã nda se cote, i jaaja chõ equia nyue ñeenda rui reaẽ. Nyebe eriqui irei ireite Jesús si re.

³⁵ Jesús que ngoi cote ra. —Jenyu ja rã. Tacheẽ jê ja je, i que uchimbaaquiato doce je ra. —“Ererecuarã se” i mose emo, sã uataque rimbarã ño eriqui, i que Jesús ee ra.

³⁶ Áquẽ mo ngue emi eite re cote ra. Sui que ñee uchimbaaquiato je ra.

³⁷ —Ae siqui turã nguiã mbi a riiri je seriĩ nae, seje abe chõ eriqui nguiã siqui turã. Ae eturã ndiqui seje nae, semondosa abe je chõ eturã ndiqui nguiã, i que Jesús ee ra.

Emo icuã eã mose nande je, nanderesenda chõ ùqui nde

³⁸ Juan ngue ñee Jesús je ra. —Pe emo nyi aba checuayã ndirõ ndirõ mbia si nderiĩ pe. Uremae ngue erese ra. Aque eriqui ãte nanderese aque. Nyebe uresiquisã nguiã, i que Juan Jesús je ra.

³⁹ Jesús que ñee ee ra. —Tei. ¡jêsequisã quisãchi nda jê! Emo mbia mae sayã naa mose seriĩ, ñee icuã eã nda seje aquere.

⁴⁰ Emo icuã eã mose nande je, nanderesenda chõ ùqui nde.

⁴¹ Emo sechimbaaquiato isei mbiu turã mose seriĩ, Dios abe ra mbae turã mondo aque je.

Mbae icuã nda nandesã uquiachi emo je

⁴² Ae ra mbae icuã saã uquia seicuaa mo je nae, ùqui nda mbae rasi saã tuchi cote. Ùqui nda aba mombo chõ ama ndisha ye nyii re chã. Sita resebe ecua ji mondo. I nda mbae icuã naa uquia eãte rei seicuaa je.

⁴³ Ndeo nemingo mose mbae icuã ndese, ndeo echisia mombo. Coche rei ra ereso ibate ndeo mi Nderequia, siqui bei sacua huee. Oso rocoi tata cuãsuu, ndeo nyeremo nderao. Tata mungue aronea tuchi chõ hue jenda re.

⁴⁴ Mbae rosei ra manoa mbei huee. Tata ra uqueã mbei huee no.

⁴⁵ Ndei nemingo mose mbae icuã ndese, ndei echisia mombo. Coche rei ra ereso ibate ndei mi nderequia, siqui bei sacua

huee. Nemombo rocoĩ tata cuásuu, ndei nyeremo nderao. Tata mungue aronea tuchi chõ hue jenda re.

⁴⁶ Mbae rosei ra manoa mbei huee. Tata ra uqueã mbei huee no.

⁴⁷ Nderesa nemingo mose mbae icuã ndese, nderesa echoo. Coche rei ra ereso Dios recua nderesa mii nderequia. Nemombo rocoĩ tata cuásuu, nderesa nyeremo nderao.

⁴⁸ Mbae rosei ra manoa mbei huee. Tata ra uqueã mbei huee no.

⁴⁹ Tata ra mbia sei bei huee.

⁵⁰ Embiquesa rã ño jëingo nguiã mbia je ã. Sã embiquesa turãte no. Eise quiachamba mose, eicuã tuchi ra cote. Embiquesa rã tuchi chõ jëingo mbia je. Jëingo turã ño nguia jenyiese, i que Jesús ee ra.

10

Jesús ñee mbia ngüinisi mombo je rii

¹ Jesús que ngata si oso cote ra. Judéaa que esi ra. Ama Jordán ndobei que esi sobei cote ra. Mbia que ñumunua nua tuchi quia ee ra. Mbaaquiату quiatu que equia ra. Sã eriqui mbia mbaaquiату quiatu beite no.

² Fariseos mo abe que ngaë erea ra. —Tã nande Jesús je no. Ma ñee Dios cheë abi, i que ñee nyue ra. —¿Coche mbia ngüinisi jea ubiã mose re? i que ñee Jesús je cote ra.

³ —¿Mbae i Moisés embesa re? i que Jesús ee ra.

⁴ Fariseos que ñee ee ra. —“Jeninisi jea nonde, papel mbesa ji jemondo ee”, i que Moisés ra, i que ra.

⁵ Jesús que ñee ee ra. —Jeãquĩ ãtãte quiatu ngue re. Nyebe Moisés ùquĩ mbesa nguiã jëje.

⁶ Ùquĩ i ãte que Dios quia mbia ao ramo mose nyii ra. Dios mbia ao mose, nyeremo ngue echao ra. Erãcuë ngue echao ra. Eninisi rã abe que echao no nda.

⁷ Nyebe ra emo ndiqui ngüinisi rese bei. Ngu si isho. Usi si abe no. Ngüinisi mii ndese siqui bei sacua.

⁸ Co mii na siqui sacua nyiese cote. Nyeremo siqui rã eã ño cote re. Co mii siqui rã ño ùquĩ cote re.

⁹ Ae Dios mbucha nyiese nae, sã ùquĩ hui eã mbei nyesi, i que Jesús ñee fariseos je ra.

¹⁰ Ngasë mose tuchúaa que echimbaaquiату ñeembe ee ra. —Ndecheë embiasa turã na ure je, i que ee ra.

¹¹ Jesús que ñee ee ra. —Ae ngüinisi jea nae, emo ndese siqui sacua nae, eicuã tuchi chõ ùquĩ nde. Adulterio i que ùquĩ je ra.

¹² Cuña no ngu jea mose siqui sacua emo ndese, eicuã tuchi chõ ùquĩ no nde, i que Jesús ee ra.

Jesús mbia ririĩ isi turã turã

¹³ Mbia que ngüiriĩ ngurucuaë cuaë nguia Jesús je ra. Jesús oco oco sacua erese. —¿Mbaerã jendiiriĩ jendu quia co re? i rei que echimbaaquiату ñee mbia je ra.

¹⁴ Jesús que paama i ñee uchimbaaquiату je ra. —Jeñechi nguiã ee. Sã ae ae riqui ngüiriĩ ndurucuaë cuaë seje. Eĩ ño Dios rimba nguiã. Ucuasu raã naa eã. Mbia ririĩ na.

¹⁵ Mbia ririĩ na ño jëingo Dios isi turã. ¶ mose ra Dios rimba tuchi jë cote, i que Jesús ra.

¹⁶ Mbia ririĩ ngue esui sui ra. O que echono ñono earõ nda. Ñee turã ngue Dios je erã nda.

Acuanindu mbaecha mo ñee Jesús je

¹⁷ Acuanindu mo ngue tu Jesús je ra. —Mbia mbaaquiatusa turãte nde. ¿Mbae turã mo nda asaã Dios je semingo bei sacua nde? i que ñee Jesús je ra.

¹⁸ Jesús que ñee ee ra. —¿Mbaerã ereico “eturã” i seje re? Dios mii ño eturã ndesë.

¹⁹ Dios cheë emumbayã. Echeë ereicuate quia co resë: “Emo ninisi rese ra ereicochĩ. Mbia ra ereiquiachĩ. Mbae ra erembuquiachĩ. Ereceheë ñooñochĩ nda emo nii. Emo nda erembiriĩ irichĩ. Ndeturã ño nderu je. Ndesi abe je”, i que Dios cheë nda, i que Jesús ñee ee ra.

²⁰ Acuanindu que ñee ndei ee ra. —Ùquĩ ngue amumbayã ja bei quia ra. Señetë mosenda bei, i rei que ñee Jesús je ra.

²¹ Jesús que nyesequa tuchi mae mose erese ra. —Ã mii mo abe eresaã eãte. Nembae emondo mondo ja mbia mbaecha reã je. Nde ùquĩ naa mose, mbae tubiriã nda nembae ndeico mose ibate. Nembae mondo ja mose mbaecha reã je, serui eico cote, i que Jesús ee ra.

²² Acuanindu Jesús cheë andu mose que echiã ndoso tuchi cote ra. Eya eã tuchi que oso Jesús recha ra. Mbaecha tuchite quiatu ngue ae re.

²³ Jesús que mae mbia rese ra. —Mbaranguiatu ãte mbaecha je ngasë sacua ibate, siqui bei sacua huee, i que ñee uchimbaaquiату je ra.

²⁴ Echimbaaquiату que nyuruira tuchi eandu ra. Jesús que ñeembe ee ra. —Ae ndua ndua beite quia umbae tubiriã ndese, mbaranguiatu ãte ùquĩ je oso sacua ibate Dios rese.

²⁵ Sã ticuasuo mo ndiqui oso aroneate ique aguja sorei rĩ no. Eĩ si chõ mbaecha no nde. Oso aronea ibate Dios rese, i que Jesús ee ra.

²⁶ Echimbaaquiату que nyuruira tuchibe u eandu no nda. —¿Aba quiatu ra oso Dios rea ibate re no? i que ñee nyue ra.

²⁷ Jesús que mae erese ñee ee ra. —Ae mbia saã aroneate quia nae, Dios mii ño nda esaã, i que Jesús ee ra.

²⁸ Pedro que ñee Jesús je ra. —Ure que urembae uresеча ja ra. Siqui sacua nderui, i que Pedro ñee nda.

²⁹ Jesús que ñee ee ra. —Tacheē nyecua jēje. Emo umbae secha ja mose siqui sacua serui, embae ra asibishorō tuchi ee cote. Ae uchuchua secha. Ae ngōngue secha. Ae ngu secha. Ae usi secha. Ae nguiirī secha. Ae umbae ibi secha no.

³⁰ Ūquĩ mbae ja ra asibishorō tuchi cien veces ereco mose ibii. Echuchua ata. Enongue ata. Esi ata. Eriirī ata. Ibi ata abe no. Ūquĩ ja ra asibishorō tuchi ee. Mbia icua icua tuchi ra ee seriĩ. Aquere ra siqui bei tuchi Dios rese ibate cote.

³¹ Ae ererecua saã saã nguia namo nae, ererecua eã tuchi ra ūquĩ m o cote. Ae ererecua eã namo nae, ūquĩ mo nda ererecua cote, i que Jesús ra.

Mbia ra seiquia, i si Jesús

³² Jerusalén ngue echoi quia ra. Jesús que oso quia enonde ra. Echimbaaquiātu que siquichete nyoĩ quia ra. Nyebe Jesús ererao nguĩã mbia tiãsaã ñee sacua ee.

³³ —Co nyao quia Jerusalén co. Huee ra mbia semee sacerdotes rerecua je. Embesasa abe je. “Jesús jēiquia”, i ra seriĩ. Semee nda judíos eã je cote. Seiquia sacua.

³⁴ Mbia ra secheē saã saã. Seiruã nua abe ra eno. Sembucha chee ra iquia ira rese. Tres nyaashĩ mose ra aquera si, i que Jesús ñee ee ra.

Ererecuarã se, iraque Jacobo, Juan ndese

³⁵ Jacobo que oso Jesús riichã ngōngue rese ra. Juan, i equia ee. Zebedeo riirī ndei ūquĩ. —Urechu ñee ndeje aa, Urembaaquiātusa. Ae riĩ nda urecheē ndeje nae, ūquĩ je “eno” ere rã ure je, i rei que ee ra.

³⁶ —¿Mbae ra aba saã jēje re? i que Jesús ee ra.

³⁷ —Ndeico mose ererecua tuchi, sã ure abe ureico ererecuarã nderese. Sã urecoi ja u ndejii. Co miĩ chĩ ndequiato cuti. Enonge chĩ ndequiato cutiã no, i rei que ñee Jesús je ra.

³⁸ Jesús que ñee ee ra. —Ae riĩ jēingo ñee seje nae, jēirandu turã eãte ūquĩ ndese. Ae rasi ra asaã tuchi nae, ¿ūquĩ ndasi ra jēsaã jē abe re? Bautizar i ra seje, ¿ei nda bautizar i jē abe je re? i que Jesús ee ra.

³⁹ “Ae” i que ñee ee ra. Jesús que ñee ee cote ra. —Ae bei. Ae rasi ra asaã tuchi nae, ūquĩ ndasi ra jēsaã tuchi rei jē abe. Bautizar i ra seje, ei si rei ra bautizar i jēje no.

⁴⁰ “Ererecuarã ure”, jenyere rei que seje, ūquĩ asaã aroneate se jēje. Paba ae quiātu ra ūquĩ saã. A e ebite, ūquĩ nda emiĩ ererecuarã, i que Jesús ra.

⁴¹ Echimbaaquiātu атаque que jirandu erese ra. Echimbaaquiātu diez. Paama i que Jacobo je ra. Juan je abe.

⁴² Jesús que “jenyu” i ñee uchimbaaquiātu ja je cote ra. —Mbia атаque rerecua riqui ucuasu raã naa tuchi nguĩmba je ūquĩ.

⁴³ Ūquĩ nda jēsaã eã jē. “Ererecua ra se”, i mose jemo, sã ūquĩ siquichō uataque rimbarã.

⁴⁴ Jemo “se rane jē” i mose, sã ūquĩ ndiqui bei mbae turã naa naa uataque je no.

⁴⁵ “Sã mbia mbae turã naa naa seje”, ae eã ngue u ra. “Se quiātu mbae turã tasaã saã oso mbia je”, ae u nguĩã. Co achu quia mano mbia tubiriã ndiquicharō sacua co, i que Jesús ñee nda.

Jesús Bartimeo ndesayã mbucherō

⁴⁶ Jesús que ngasē Jericoo ra. Uchimbaaquiātu rese. Jesús ngata mose hue si, mbia tubiriãte que nyoĩ quia erui ra. Eresayã mo ngue chĩ ñeenda jie huee ra. Ache ache i que huĩ nda. Bartimeo, i equia ee. Timeo ndiirī ngue ae ra.

⁴⁷ Jirandu mose Jesús rese que ñeemombo mombo ee ra. —¡Jesús! ¡David nducucha! ¡Ndeya eã ño serese jē! i que ee ra.

⁴⁸ —¡Equiriri chō jē! i tuchi rei que mbia ñee ee ra. —¡Sererecua! ¡David nducucha! ¡Ndeya eã ño serese jē! ibe que eresayã ñee Jesús je ra.

⁴⁹ Jesús que tiba ra. —Eresayã jendu rã, i que ra. Mbia que ñee eresayã je ra. —Ndeya chō jē. Ehuã. Jesús riqui ñee ndeje a, i que ee ra.

⁵⁰ Juã asi que oso oo Jesús rese ra. Uchiatiquia recha.

⁵¹ —¿Mañi ae ra ndeje re? i que Jesús ñee ee ra. —Serese embuturã na, Sererecua, i que ra.

⁵² Jesús que ñee ee ra. —Eso cote. Seicuate que se ra. Nyebe nderesa nyerō nguĩã cote, i que ee ra. Aque mose tuchi que eresayã ndesa turã ja cote ra. Jesús rui que esi quia cote ra.

11

Jesús ngasē Jerusalén

¹ Jesús que Jerusalén curubite nyoĩ quia ra. Betfagē, i que hue sucha je ra. Ibi ibate mo abe que chĩ huee ra. Monte de los Olivos, i que ee ra. Hue si que Jesús uchimbaaquiātu nyeremo mo mondo ra.

² Ñee ngue ee ra. —Achi sucha chō jēso rã. Jengasē namo mose ra burro riirī cuasa mo ñi jēje huee. Emo ngue nyui eãte eátoo ra. Jenyura seru seje.

³ Emo ñee mose jēje, “¿mbaerã nda jenyura re?” i mose jēje, jeñee ee. “Nandererecua que ‘jendu’ i ra. Mondo jeibe ra jēje”, jenyere ee, i que Jesús ñee ūquĩ nyeremo mondo ra.

⁴ Nyoĩ que erea cote ra. Burro riirī ngue etea Jesús cheē nguire cote ra. Ecuasa que chĩ taicuee eiquesa jii ra. Nyura que cote ra.

⁵ Ae mbia chi huee nae, ũquí mo ngue ñee ee ra. —¿Mbae rese jéingo hue re? ¿Mbaerã jéingo era era re? i que ee ra.

⁶ Jesús cheẽ ndui si que ũquí ñee ee ra. “Eno” i que mbia ee cote ra.

⁷ Burro ririĩ ngue ecuruchoi Jesús je cote ra. Huiĩrao que echono ñono earõ nda. Jesús que nyui éatoo cote ra.

⁸ Jesús que ngata oso quia burro átoo cote ra. Mbia tubiriã ngue huiĩrao mbiitee tee nyoĩ quia ibi rĩ enonde ra. Emo ngue sindo mbiitee tee choi quia enonde no nda. Jesús oso sacua hue rĩ.

⁹ Mbia ia tuchi que tasẽ tasẽ nyoĩ quia enonde ra. Erui abe no. —Co nandererecua ru quia ngasẽte co. Co Dios chimbu ru quia ngasẽte nande je co.

¹⁰ David nducucha ru quia co. Nandererecua turã sacua. Dios turã tuchi riqui nande je co, i tuchi que mbia quia ñee nda.

¹¹ Jesús que ngasẽ Jerusalén cote ra. I que que oso Dios chuchua cote ra. Mae ja mose mbae rese que esi Betania uchimbaaquiato rese cote ra. Tenda quiatu ngue osote nguiã ee.

Jesús ñee icuã higo i je

¹² I que Jesús choi quia Betania si isamami nda. Eriãcuãte que oso quia ra.

¹³ Isho que mae higo i mo ndese ra. Ero rerecua que ra. —Ea mo tau, i rei que oso era ra. Ero achõte chõ ngue ee ra. Aque mose que eriqui ia eã nda.

¹⁴ Jesús que ñee higo i je cote ra. —Mbia ra ndea u eã mbei cote, i que ee ra. Echimbaaquiato abe que echeẽ ñandu ra.

Jesús mbia mbusẽ Dios chuchua si

¹⁵ Ngasẽ ngue Jerusalén cote ra. Jesús que oso Dios chuchúaa ra. Huee que mbia riqui mbae isi isi bei ra. Mbae mondo mondo abe mbae isiquia ribishorõ. ũquí ja que Jesús mbusẽ mondo ra. Ae mbae isiquia sibishorõ shorõ nguiã, ũquí mbae abe que embuchiichere chere ja mesa ra. Mbae ja resebe. Ae nyurushi cuaso mondo mondo mbia je mbae ribishorõ nae, ũquí nenda abe que embuchiichere chere ja ra.

¹⁶ Jesús que ñee ũquí je ra. —Dios chuchua ite rĩ jéingochĩ nguiã mbae rerao rao.

¹⁷ “Mbia cheẽsa Dios je”, i ra mbia Dios chuchua je”, i rei que embesa ji huĩ nda. Jẽ nguiã jéicuã tuchite Dios chuchua je re. Mbae mbuquiachãsa chuchua jesaãte chĩ nguiã ee, i que Jesús ñee asite ũquí je ra.

¹⁸ Sacerdote rerecua que chĩ Jesús cheẽ andu ra. Embesasa abe no. —¿Mañi nda aba Jesús iquia re? i que eu ndua ndua ra. Mbia quiatu que oote Jesús cheẽ ndese ee ra. Nyebe eriqui nguiã Jesús ucuayãte.

¹⁹ Hue sucha qu e Jesús secha oso eresaitõ cote ra.

Higo i mano cote

²⁰ I que Jesús nyoĩ quia isamami nda. Higo i cutite que echoi quia ra. Higo i ñimama ño nguia reaẽ. Erao abe mano ño nguia re no aẽ.

²¹ Pedro que ndua ñee Jesús je ra. ¡—Sã Sererecua! Higo i je que erecheẽ asi nae, mano ño equia cote reaẽ, i que ñee Jesús je ra.

²² Jesús que ñee ee ra. —Dios jéicua tuchi.

²³ Tacheẽ nyecua jêje. Jemo ñee mose sita ibate mo je, “esiri rã oso ama ndisha ye” i mose sita ibate mo je, sã Dios icua tuchi rã nyii. “Dios ra secheẽ mumbayã” i tuchi mose uchiangui re, Dios ra echeẽ mumbayã. Sita ra siri ee.

²⁴ “A emondo seje”, jenye mose Dios je, mondo ra jêje. “Dios ra emondo seje”, jenye mose jẽñiangui re, mondo ra jêje.

²⁵ Emo mbae icuã naa mose jêje, ũquí ñee chĩ mose jendese, jêtesarei chõ ũquí si. Jêtesarei chõ esi ñee nonde Dios je. ũquí mose ra jendu ibatenda abe jéicuã mbutiã no.

²⁶ Jêtesareiã mose emo icuã si, Dios abe ra jéicuã mbutiã eã mbei jêsi, i que Jesús ee ra.

¿Aba nembu re? i mbia ñee Jesús je

²⁷ Nyebibete que echoi Jerusalén nda. Dios chuchuaqui rĩ ngue Jesús riqui ngata ra. Sacerdote rerecua que nyoĩ ñee ee ra. Embesasa rese. Amei ndese.

²⁸ —¿Mbaerã ereico mbia mbaaquiato quiatu Dios chuchúaa re? ¿Aba “ũquí esaã saã” i quia ndeje re? i que ũquí ererecua ñee ja Jesús je ra.

²⁹ Jesús que ñee ee ra. —Se rane tacheẽ jêje. Se rane preguntar tae jêje. Secheẽ jêsibishorõ na nyii. Aquere quiatu ra jeñee asibishorõ cote.

³⁰ ¿Aba ñee Juan je re? “Eso bautizar i mbia je” i ee re. ¿Dios eã ño ere? Jeñee seje, i que Jesús ee ra.

³¹ Ererecua que ndua ndua ja u cote ra. Ñee ñee ngue u nyue ra. —¿Mañi nande ra echeẽ ndibishorõ nde? “Dios que Juan mbu ra”, nande aroneate ee. Nyebe ra ñee nande je. “¿Mbaerã jéingo eãte erui re no?” i quiarei ra nande je.

³² “Dios que embu eã nda”, nande aroneate ee no. Mbia ataque ra paama i tuchi nande je. Juan quiatote quia mbia re, i que ererecua ñee ñee nyue ra.

³³ Ñee nyee que Jesús je cote ra. —Ureicuayãte. Aba chõ Juan mbu bautizar i sacua mbia je, i que ee ra. Nyebe Jesús ñee nguiã ee. —Se abe quiatu tacheẽ eã jêje no. Ae “ã esaã” i seje nae, erii nda acheẽ eã jêje no, i que Jesús ũquí ererecua je ra.

12

Uva raarõsa icuã icuã nguerecua je

¹ Jesús que ejemplos saã saã mbia je ra. — Sã mbia ibicha mo ndiqui no. Sã eriqui uva i tiquia tiquia no. Sã etarõ no. Uva rique rirurã abe que echao ra. Sucha ibate mo abe que echao no nda. Uco raarõ turã ja sacua. Ibicha que “sembae uvas jësaarõ” i emo je cote ra. Al partido. Ae que oso isho itõte cote ra.

² Uva quiche mose que ngũimba mo mondo rei umbaerã ndea ra.

³ Uva raarõsa que erimba mbucuasẽ icuã ño nda. Iruã nua ño ngue ra. Eochi chõ ngue emondo mbuchebi ra.

⁴ Echa que ngũimba mo mondobe rei ereabe no nda. Aque abe que embucuasẽ icuã no nda. Sita que emombo mombo erese no nda. Eãquĩ nduqui tuchi que ra.

⁵ Ngũimba mo ngue emondobe aquere no nda. Aque quiatu que eiquia tuchi cot e ra. Eĩ eĩ mbei que eraarõsa quia echa rimba je ra. Emo emo ngue eirua nua nda. Emo emo ngue eiquia no nda.

⁶ Aque mĩ tuchi que siquichõ echa rese cote ra. Eriirĩ tuchi chõ ngue aque re. Nyesecua tuchi que equia aque rese ra. Aque que emondo chee uva rea cote ra. “Ireĩ ireĩ jiri ra seriirĩ si”, i rei que ra.

⁷ Eriirĩ ngasẽ mose que uva raarõsa ñee nyue ra. —iCo eriirĩ ndu quia co cote jẽ! jNandeiquia rei jẽ! f nda uvas nandembaerã ae tuchi cote, i que ñee nyue ra.

⁸ Eraarõsa que eriirĩ isi icuã cote ra. Curuchoi que iquia pe jiri ra. Mano ngue cote ra.

⁹ ¿Mañi nda echa quia eraarõsa je cote re? Echa ra eraarõsa icuã iquia ja cote. Uva i ra emondo ja emo je eraarõ sacua cote.

¹⁰ ¿Ã mbesa ji rese jemaẽ ãte re? Sã emo ndiqui tuchia ao sita je no.

Sita mo ngue equirirõ mombo ra. Eicuãte eriqui reĩ nguiã ee.

Aquere ndua si erese.

“Earonda sacua turambi chõ eriqui re”, i ndua si uchimombo rese.

Uchimombo que esirõ si cote ra.

¹¹ Dios chiao chõ ũquĩ nde.

Dios chiao turã tuchi riqui nande je ã, i ñi embesa ji re, i que Jesús ee ra.

¹² —Nanderĩ ño eriqui nguiã ñee, i que ũquĩ ererecua ra. —Nandeisi rei serao jẽ, i rei que nyue ra. Jesús isi aronea tuchi que mbia resaa ra. Eireite quiatu ngue mbia tubiriã si re.

¿Impuestos ra uremee ererecua je re? i mbia ñee Jesús je

¹³ ũquĩ ererecua que fariseos mo mondochoi ñee Jesús je ra. Herodes chimbaaquiato abe mondochoi erea. —Jesús nandembuchee icuã na. f nda mbia paama i ee, i rei que ra.

¹⁴ Uturã ngue esaã ñooño Jesús je ra. — Jesús, co ereico mbia mbaaquiato turãte

co. Mbia jaje ndeturãte riqui co. Co ereico turãte mbia mbuchiabiã co. Mbia erembaaquiato quiato turãte quia Dios icha rĩ co. Nyebe urechu nguiã ñee ndeje a. ¿Coche mbia mbae isiquia mee mee Romanos nderecua je re? Impuestos.

¹⁵ ¿Uremee mee nda ee re? ¿Uremee eã nda ee re nõ? i que ñee Jesús je ra. Jesús que ũquĩ icuã icuate ra. Nyebe ñee nguiã ee. — ¿Mbaerã jëingo “ĩ nda Jesús ucheẽ nyabi”, i serĩ nde? Mbae isiquia jëteacuquia imbu seje. Tamae erese, i que ee ra.

¹⁶ Mbia que eteacuquia ee ra. —¿Aba mbae nombre ñi mbae isiquia rese a re? ¿Aba ãquĩ aingue abe ñi a re? i que Jesús ee ra. Romanos nderecua, i que mbia ee ra.

¹⁷ Jesús que ñee ee cote ra. —Romanos nderecua mbaerã jemondo chõ ee no, i que Jesús ee ra. Mbia que nyuruira jate u Jesús cheẽ andu ra.

Mbia raaque ra quera si, i Jesús

¹⁸ —Mbia raaque ra quera eã mbei, i que mbiamo nguia ñee nda. Saduceos i que ũquĩ mbia je ra. ũquĩ mo ngue nyoĩ ñee Jesús je ra. Tã i sacua ee.

¹⁹ —Sererecua, ã ngue Moisés mbesa nande je ra: “Emo ndiiriã mano mose, sã enongue mano je ninisi rerequia erendaque re. Sã tiirĩ ngõngue raaque rĩ”, i que Moisés embesa nande je ra.

²⁰ Eriquii mo ngue siqui urerese ra. Seis que eribi ra. Eriquii que ngũinisirã quereco rei ra. Mano ño ngue tiirĩ ndocoĩ ngũinisi recha ra.

²¹ Enongue que nguiquii checha quereco rei cote ra. Ae abe que mano ño tiirĩ ndocoĩ no nda. Enongue que equereco no nda.

²² ũquĩ seis que ngõngue checha quereco ja rei ra. Mano ja chõ ngue erecha tiirĩ ndocoĩ no nda. Eninisi eru checha que mano nyee chõ cote no nda.

²³ Siete rei que eru nyii ra. Mbia raaque quera si ja mose, ¿abate ra equereco cote re? i que saduceos ñee Jesús je ra. —Ma Jesús ñee icuã, i chõ ngue re.

²⁴ Jesús que ñee ee ra. —Jëingo Dios cheẽ icuayãte ã. Jëingo Dios cheẽ abi tuchi ã. Jëingo Dios quirãcuã icuayãte ã.

²⁵ Ae raaque ra Dios mbuquera si nae, ũquĩ nda ngũinisi quereco eã mbei huee cote. ũquĩ nda ngu quereco eã mbei huee cote no. Angeles rã mbei ra mbia riqui huee ibate cote.

²⁶ ¿Moisés chimbese rese jemaẽ ãte re? Mbia raaque quera si rĩ ño ngue embesa nguiã. Ira ruri sendi quia, aque mose que Dios Moisés mbiirandu ũquĩ ndese ra. “Abraham nderecua chõ aico nguiã se co. Isaac nderecua abe. Jacob nderecua abe no”, i que Dios Moisés je aque mose ra.

²⁷ Ñ ngue mano ndei nyii ra. Eresco siqui bei chõ nguiã namo ã. Mbia raaque rerecua eã ño Dios re. Mbia reco rerecua chõ ae re. ¿Uquí jëcua eãte quia ã nde? i que Jesús ñee mbia je ra.

Echesequa tuchi quia Dios rese

²⁸ Embesasa mo ngue chí echeë andu ra. —Jesús ñee turã tuchichí saduceos je, i que uchiangui re ra. Nyebe esi nguiã ñee ee. —Jesús, Dios cheë tubiriãte riqui ã ndesë. Mbia echeë mumbayã sacua. ¿Ma Dios cheë ndiita tuchi ma nde? i que embesasa ñee Jesús je ra.

²⁹ Jesús que ñee ee ra. —Ñ ño Dios cheë ndiita ã nde: “Secheë jeñandu rã, Israelitas. Dios mii tuchi chõ nandererecua je.

³⁰ Echesequa tuchi quia Dios rese. Ndechiã je. Neaï je. Nendua ndua abe je. Ndequirãcuã abe je”, i chõ Dios cheë ndiita nguiã.

³¹ Ñ abe rei úquí nduinda ã no: “Sã ereico nyesequa ndechiese no. Eï ere si chõ nyesequa mbia rese”, i. Úquí nyeremo ndei Dios cheë i tuchi úquí, i que Jesús ee ra.

³² Embesasa que ñee Jesús je cote ra. —Ae bei, Sererecua. Dios mii tuchi chõ nandererecua re. Emo abe mo eãte.

³³ Nandehesequa tuchi mose Dios rese, úquí eturãte ee. Nandehesequa tuchi mose nandechiã je. Nandendua ndua je. Nandeaï je. Nandequirãcuã je abe no. Nandehesequa tuchi mose mbia rese, úquí eturãte Dios je mbae mo si. Sacrificio mo si. Ofrenda mo si, i que embesasa ñee Jesús je ra.

³⁴ —Ñee aquíatue equia seje co, i que Jesús uchiangui re ra. —Dio s rimbarã tuchi chee ra nde, i que ee cote ra.

¿Aba rucucha Cristo re?

³⁵ Jesús que mbia mbaaquiato quiato quia Dios chuchúaa ra. —¿Mbaerã embesasa riqui ñee nde? “David rucucha chõ Cristo re” i re.

³⁶ David abe que “sererecua” i Jesús je ra. Sã embesa jii ñee no:

Dios que ñee Cristo sererecua je ra: “Ecoi seji. Nde abe ra ererecua serese. Ae ndeucuayãte quia nae, úquí je ra ndequirãcuã atecuquía tuchi.

Ndequirãcuã tuchi chee ra úquí si”, i que Dios ñee sererecua je ra, i que Espíritu Turã David mbucheë nda.

³⁷ David sí chõ “sererecua” i nguiã Cristo je. Cristo David rucucha mose, ¿mbaerã David “sererecua” i ee re? i que Jesús embesasa je ra. Mbia tubiriã ngue Jesús cheë chandu turã jate ra.

Jesús ñee así embesasa je

³⁸ Jesús que uchimbaaquiato mbaaquiato quiato ra. —Embesasa rã nda jëingochí jë. Úquí ucuasú saã saã mbeite quia ã. Huiãrao

turã equereco beite quia ã. “Sã mbia ererecua i nande je”, i beite equia ã.

³⁹ Mbia renda turã abe eirabo rabo beite quia mbia sí ã. “Fiestacha jii quia taï jë”, i abe beite equia ã no.

⁴⁰ Ari eru cheecha mbae abe embutiã tiãte quia ã no. Ucheë oco abe esaã saã mbeite quia Dios je ã no. “I nda mbia mae nanderese”, i chõ nguiã. Úquí nda Dios mbaasi tuchi cote, i que Jesús mbia je ra.

Eru cheecha mbaecha reã mo mbae mee Dios je

⁴¹ Emo mose que Jesús ñi Dios chuchúaa ra. Ofrenda riru nonde que eñi ngoi ra. Mae ngue mii mbia mbae isiquia mondo mondo mose eriru ye rese ra. Mbaecha atate que mbae isiquia tubiriã mondo mondo quia eriru ye ra.

⁴² Eru cheecha mo ngue ngasë u cote ra. Nyeremoño tuchi que ae mbae isiquia mondo ra. Centavo mii mbuchecha tuchi que ra.

⁴³ Jesús que ñee uchimbaaquiato je ra. —Jenyu. Tacheë nyecua jëje. Eru cheecha mbaecha reã ngue mbae isiquia mondo tuchi mbia ataque si ra.

⁴⁴ Mbaecha quiato que umbae rire ñetë mondo mondo ra. Eru cheecha quiato que umbae mii mondo ja ra, i que Jesús ra.

13

Mbia ra Dios chuchua mbucoi ja, i Jesús

¹ Jesús que oso usë Dios chuchua si cote ra. Echimbaaquiato mo ngue ñee ee ra. —Sã Dios chuchua turã tuchite jë. Eao jii turã tuchi sita je, i que echimbaaquiato mo ñee ee ra.

² Jesús que ñee ee ra. —Ñ ndese jëingo mae ã nae, úquí nda mbia mbucoi ja cote. Sita mo nda chí eã nyuchuarõ Dios chuchua cote. Mbia ra Dios chuchua mbucoi ja tuchi cote, i que Jesús ñee nda.

Mbae ua ja nonde chõ ã nde

³ Jesús que chí ngoi huee ibi ibate mo nda. Monte de los Olivos, i que hue je ra. Dios chuchua checate que ee hue si ra. Echimbaaquiato que ngasë ñee ee ra. Pedro. Jacobo. Juan. Andrés. Úquí ja que ñee eísaa ra.

⁴ —¿Manosete ra úquí nde? ¿Mañi ure ra equia jirandu mbae ua nonde re? i que ñee Jesús je ra.

⁵ Jesús que ñee ee ra. —Jëtesa jiri quia jë. Mbia mo nda jembiri irichí ñee jëje jë.

⁶ “Cristo chõ se re” i ra mbia ñee ata atate jëje. Úquí nda jeñanduchí jë. Úquí nda mbia mbiri iri jate. Ñee ñooño je chõ úquí nde.

⁷ Mbia ra guerras saã saã tuchi. Mbia ra ñee ñee tuchi quia nyiiquia iquia je ri. Úquí mose ra jësiquichechí jë. Úquí ja rane nda

nyecua raque. Aque mose r a mbae ja ua eã ná.

⁸ Mbia ra guerras saã tuchi chee. Nyiiquia iquia tuchi rae. Mbia riãcuã tuchi ra aque mose no. Emo ñooñoa tuchi ra mbia rasi. Mangue chooñoa tuchi ra ibi nyere nyere. Jembasi ramo mose chõ nda ùqui nde. Aquere ra jembasi tuchi cote.

⁹ ¡Sã jê! Mbia icuã icuãte ra jêje. Jembirĩ irĩ ndae. Jemee mee icuã nda mbia rerecua je. Jêiruã nua nda mbia chumunuásaa. Nguerecua je ra mbia jenderao rao tuchi. Ererecua abe je chee ra secheẽ jêsenei senei.

¹⁰ Sequiato ra Dios cheẽ turã senei senei ná mbia ja je nyii. Mangue chooñoa jenda ja je. Aquere ra mbae ua ja cote.

¹¹ Jemee mose mbia rerecua je, pare pare jenyechĩ nda jê. “¿Manyae ra ùqui ñee ndibishorõ nde?” jenyechĩ nda pare pare i jê. Espiritu Turã ae chõ nda jembucheẽ turã nguiã mbia je aque mose. Jê ae ra jêñee eã. Espiritu Turã ae chõ nda jembucheẽ nguiã.

¹² Jenongue ra jemondo chee mbia icuã je. Jêiquia sacuã. Jendu abe ra jemondo chee mbia icuã je. Jendiirĩ abe ra jemondo chee mbia icuã je. Mbia icuã nda jemo iquia iquia chee.

¹³ Mbia mangue chooñoa jenda ra jêucuyã tuchi seriĩ. Ae ra siqui bei serese, ùqui nda Dios mingo bei.

¹⁴ Daniel que embesa Mbae Mbutiãsa icuã nii nda. Mbae Mbutiãsa icuã nda siqui nguercuãyaã. “Dios rendaque re taico se quiatu”, i ra equia huee. (Ae ra mae nguia sechimbese rese nae, sã ùqui eicua.) Jemae mose Mbae Mbutiãsa icuã ndese, jêña esi. Ae siqui quia Judéaa, sã ùqui uchã jei choi ibi ibátee mo.

¹⁵ Ae ra siqui tuchua quite rese, sã ùqui iqueã nyoĩ uchuchua uquichi mose. Sã echoi chõ uchã hue si bei, umbae rirõ ndocoĩ.

¹⁶ Ae ra siqui úcoo, sã ùqui nyebiã ngaẽ huĩrao rea. Sã hue si bei chõ echoi uchã.

¹⁷ Aba mbia eã tuchi ra emo ãquẽ ndiru rerequia mose aque mose. Nguiirĩ mbuquiambu je abe no.

¹⁸ “Nyiiiseĩ mose eã urechã” jenyee Dios je.

¹⁹ Mbia ra mbae rasi saã tuchi aque mose. Mbae rasi que mbia saã eã jiri nyii ra. Aque ramo mose ra mbae rasi raã tuchi cote. Mbae ua bei sacuã ño ùqui nde.

²⁰ Ae rasi ra mbia saã tuchi nae, ùqui nda Dios mbujua jiri uquiato riĩ. I nda emo ñimbirãcuã eã tuchi rei ùqui ndasi je.

²¹ “A Cristo riqui a jê” i mose emo jêje, “nyia” jenyechĩ nda ùqui ñee mose jê. “Hue Cristo riqui hue jê” i mose emo jêje, “nyia” jenyechĩ nda eno jê.

²² “Cristo chõ se re” ichõĩño nda mbia ñee ata atate jêje. “Dios cheẽ mbuchecuaa chõ se re” ichõĩño nda mbia ñee ata atate jêje no. Mbia mae sayã nda esaã saã tuchi mbia

mbirĩ irĩ sacuã. Ùqui Dios quiato abe chee mbiirĩ irĩ arõte.

²³ Ùqui nonde chõ aico nguiã jembiiirandu randu co.

Dios riirĩ nda tube ibate si

²⁴ Mbia ùqui ndasi raã ja mose ra tenda checuayã mbei cote. Nyasi abe no.

²⁵ Nyasitata ra ngoi ngoi. Ibei jenda abe ra quiata quiata chee cote no.

²⁶ Aque mose ra achu ibei rese. Senininya tuchi ra sechu mose. Sequirãcuã tuchi ra sechu mose no.

²⁷ Angeles serimba ra amondo mbia sechiisirõ munua nua sacuã. Ishonda ja. Mangue chooñoa jenda ja. Mbia sechiisirõ nda emunua nua ja seje cote.

²⁸ Sã higuera riqui no. Sã ira mo ndiqui no. Ero quira usẽ ja mose, “iraro itõ ndacu ra cote”, i chõ mbia nguiã aque mose.

²⁹ Eĩ si ra mbae ua ja nonde. Ae riĩ aico ñee jêje nae, ùqui ndese jemae mose, “mbae ra ua ja cote” jenyee ra cote.

³⁰ Tacheẽ nyecua jêje. ã mbia riqui ngata ibi ã nae, ùqui emo emo nda manoa mbae ua ja nonde.

³¹ Ibei ra ua. Ibi abe ra ua no. Secheẽ nguia ra ua eã mbei.

³² Manosete chõ nda mbae ua ja. Aico eicuayãte co. Mbia mo abe eicuayãte quia ã no. Angeles abe eicuayãte quia ã no. Paba mii ño eicua nguiã co.

³³ Nyebe jêingo quiatu quia eraarõ arõ mbei. Jêtesa tesa bei quia. Ma nyaashĩ ño nda equeru. Jêicuayãte equia ã.

³⁴ Sã ererecua mo oso isho itõte no. Sã ñee ngũimba je oso nonde no. —Sembae jêsaarõ ja. ã ndese jêingo. Co rese eico nde. Qui rese eico nde no, i que ñee ngũimba mii mii je ra. —Etesa tesa bei quia, i que eiquesa raarõsa je ra.

³⁵ Manosete chõ nda tuchuacha ru. Jêicuayãte equia ã. Itondaru ramo mose eru arondete. Itondii mose eru arondete. Ngaira cheẽ mose eru arondete no. Eresaitõ ndabe mose eru arondete no. Nyebe jêtesa tesa bei quiatu quia.

³⁶ Jengue mose ra eruchĩ jembuate jê.

³⁷ “Jêtesa tesa bei quia” ae chõ nguiã mbia ja je co. Jê mii je eã, i que Jesús ra.

14

Jesús nandeisi tarõ, i ja ererecua nyue

¹ Sacerdote rerecua que ñee ja nyue ra. Embesasa abe no. —¿Mañi nande ra equia Jesús isi nonde re? Eiquia sacuã. ¿Mañi nande ra embirĩ irĩ nde? i que equia ñee ñee nyue ra. Achite que fiesta de la pascua ñi tu ee cote ra. Dos días.

² —Fiesta mose eã nandeisi jê. Mbia ra paama ichĩ nande je jê, i que u ñee ñee nyue ra.

Cuña mo aba mbusimbusa turā ichusē Jesús āquī ndese

³ Jesús que siqui Simón Leproso chuchúaa ra. Betania, i que hue je ra. Cuña mo ngue tu erea huee ra. Aba mbusimbusa mo ngue equeru ee ra. Sita ao ji ye que ereru ra. Embisē tuchi que equeru ra. Mbae isiquia mumbasa tuchi que ūquī nda. Eriru churui que esiquio eichusē nonde Jesús āquī ndese equiaru mose ra.

⁴ Mbia que chí ja mae erese ra. Paama i que cuña je ra. —¿Mbaerā eichusē ñooño nde?

⁵ Mbae isiquia ribishorō ño nda aba emondo re. Mbaecha reā je emee mee sacua, i que ñee icuā icuā cuña je ra.

⁶ Jesús que ñee cote ra. —¿Mbaerā jēingo ñee ūquī nde? Sā cuña ae riqui ae. Ae esaā seje nae, eturāte seje ūquī.

⁷ Mbaecha reā nguia ra chí arete íbii a. Jē mbae raāse mose ee, mbae jēsaā turā mbei ee ae. Se quia nda aico bei eā nguiā jendese aa.

⁸ Seati nonde chō ngue cuña aba mbusimbusa ichusē ja nguiā serese.

⁹ Tacheē nyecua jēje. Mbia Dios cheē turā nenei nenei mose mbia ja je, cuña nyisaā abe ra esenei senei mangue chooñoa jenda ja je. Mbia ndua turā ja sacua echisaā abe rese, i que Jesús ñee mbia je ra.

Jesús tamee jēje, i Judas mbia icuā je

¹⁰ Judas Iscariote, i rei que Jesús chimbaaquiato mo je ra. Aque que oso ñee sacerdote rerecua je ra. Jesús mee nonde ee.

¹¹ Sacerdote rerecua ia ja que ūquī andu ra. —Mbae isiquia uremee tuchi ndeje jē, i que ee ra. Nyebe Judas riqui nguiā ndua ndua. —Mbia eāsa quiatu Jesús tamee ee, i.

Jesús quiaru uchimbaaquiato rese

¹² Fiesta que tu cote ra. Aque fiesta mose bei que mbia riqui oveja iquía iquía querabe ra. Mbichae mbuchimatā iriā ngue eu eu quia aque mose querabe no nda. —¿Mangue ra oveja urembuchi mangue ndechiurā nde? i que echimbaaquiato ñee Jesús je ra.

¹³ Ñee ngue uchimbaaquiato nyeremo je ra. —Jēso sucha cuasu. Huee ra jemae emo i rerao rese. I ra equerao quia irasa mo ye. Aque rui jēso.

¹⁴ Eique mose, aque tuchuacha je jēñee. “Jesús que urembu ñee sacua ndeje ra. ‘¿Ma cuarto ra urecu quiaru oveja u que re? Sechimbaaquiato rese’, i que Jesús ñee ndeje ra”, jeny tuchuacha je.

¹⁵ Tuchuacha ra cuarto cuasu mee jēje. Mbia quesa ibatenda ra emee jēje. Embuquiche ji. Huee chō oveja jembuchi nan-dequiaru sacua, i que Jesús ñee ee ra.

¹⁶ Nyebe echimbaaquiato nyoī nguiā sucha cuasu. Jesús cheē ndui si tuchi que mbae chí ja ee huee ra. Huee que oveja mbuchi huee cote ra.

¹⁷ Itondaru ramo mose que Jesús ru uchimbaa quiatu ataque rese ra.

¹⁸ Quiaru mose que Jesús ñee ee cote ra. —Tacheē nyecua jēje. A jēingo quiaru serese a nae, jemo nda semondo mbia icuā je, i que ñee uchimbaaquiato je ra.

¹⁹ Echimbaaquiato ia eā tuchi que echeē mose ra. —¿Se ra aremondo ee re? i ja jate que ñee Jesús je ra.

²⁰ Jesús que ñee ee ra. —Doce jēingo quiaru serese a nae, jemo ño ñene. Ae chí quiaru serese aque plato ye sí a nae, aque chō ñene.

²¹ Dios cheē ndui sí tuchi ra amano ndaque. Ae ra semee mbia icuā je, aque ra mbae rasi saā tuchi quia. Aba mbia eā tuchi ra aque. “Taī sembuecua jirichī nguia curi”, i chee ra aque, i que Jesús ra.

²² Quiaru que u ra. Jesús que mbichae sirō nda. Gracias i que Dios je ra. Siquio que mbuchao chao ee cote ra. —Á mbichae jēu. Serete chō ā nde, i que Jesús ñee ee ra.

²³ Vino mbeisa que esirō cote no nda. Gracias i que Dios je ra. Mondo que uchimbaaquiato oo cote ra. Mbei mbei ja que cote ra.

²⁴ Jesús que ñee ee ra. —Seruqui chō ā nde. Mbia icuā mbutiā sacua ño seruqui re. Dios cheē yasu rui si chō seruqui riqui nguiā mbia icuā mbutiā ā.

²⁵ Tacheē nyecua jēje. Vino mo nda ambei eā mbei cote. Paba mbia rerecua tuchi mose, aque mose ramo nguia nda ambei nguiā cote, i que Jesús ñee nda.

Jesús aicuayāte resē, ichōiño nda Pedro serí, i Jesús

²⁶ Írasei rasei que cote ra. Nyoī que ibi ibate mo cote ra. Monte de los Olivos, i que hue ibi je ra.

²⁷ Jesús que ñee uchimbaaquiato je huee ra. —Jēireite ra eriqui serí. Jēñimboseī mboseī nda oso serecha. Sā embesa ji riqui ñee no: “Mbia ra oveja raarōsa iquía. Ovejas ra ñimboseī nyoī cote”, sā embesa ji riqui i no.

²⁸ Seraaque quera sire ra aso se rane jendaarō Galilea, i que Jesús ee ra.

²⁹ Pedro que ñee ee ra. —Seataque ra ireī ireite raque ndesi. Se quia ra aireī ireiā mbei ndesi, i rei que Pedro ñee ee ra.

³⁰ Jesús que ñee ee ra. —Tacheē nyecua ndeje. Nguira cheē nyeremo nonde ra erecheē ñooño tres veces serí namo, Pedro. “Jesús aicuayāte resē”, ere chooño ño nda serí, i que Jesús ñee ee ra.

³¹ Pedro que ñee ee ra. —Mbia ra seiquia arôte raque nderĩĩ, acheẽ ñooño eã nda se nderĩĩ, i rei que Pedro ra. Eĩ ja que ñee nda.

Jesús ñee ngu je

³² Jesús que oso Getsemaní cote ra. Uchi mbaaquiatsu rese. —Jengoi rã u aa. Tacheẽ na oso Paba je pe jiri se, i que Jesús ee ra.

³³ Pe quiti jiri que Pedro rerao ra. Jacobo rese. Juan abe no. Eya eã ndasi tuchi que tu ee aque mose ra.

³⁴ Ñee ngue ũquí je ra. —Seya eã ndasi tuchi aico co. Seya eã ndasi ra seiquia chee. Jenguchõ na jẽ aa. Jẽtesa tesa bei u aa, i que Jesús ñee ee ra.

³⁵ Jesús que oso pe quiti jiri cote ra. Nyibi que u ngoi ngũĩã ndese ñee Dios je ra. —Mbae rasi asaã sereãte, i rei que ñee Dios je ra.

³⁶ —Paba, mbae eresaã ja arôte nde. Ũquí ndasi asaã sereãte raque quia co. Ae sebi riqui nae, ũquí ndese semingo eã. Ae ndebite riqui nae, ũquí ndese quiatsu semingo, i que Jesús ñee Dios je ra.

³⁷ Nyebi que u uchimbaaquiatsu je cote ra. I que eu uque ja ee cote ra. Ñee ngue Pedro je ra. —Simón, zereque huĩ a re? Ereico areã ñochĩ tesa tesa s e ñee mose Dios je.

³⁸ Jẽtesa tesa u. Jengue eã u ñee Dios je. Mbae icuã tã i eã sacuaã jẽje. Jẽingo serete raque serese. Mbae icuã nguiatu jembuti mbutite nguiã, i que Jesús ee ra.

³⁹ Nyebi si que oso ñee Dios je ra. Hue rĩ si que ñee ee ra.

⁴⁰ Nyebi que u uchimbaaquiatsu je cote ra. I si que u uque ee no nda. Eresa quiatsu ngue eshiu shiute nguiã. —¿Mañĩ nda aba ñee nde? i ja tuchi que echimbaaquiatsu ra.

⁴¹ Osobe que ñee Dios je pe jiri cote ra. Tres veces que aque cote ra. Ūba rei que u ñee uchimbaaquiatsu je ra. —Jengue tuchi cote. Jenguenea jẽucua cote. Semondo ra mbia icuã je cote. Seiquia sacuaã.

⁴² Jẽhuã cote. Nyao cote. Ae ra semee mbia icuã je, co eru quia semee sacuaã co cote, i que Jesús uchimbaaquiatsu je ra.

Mbia icuã Jesús isi suruchoi

⁴³ Jesús cheẽ mosebe tuchi que Judas ru era ra. Jesús chimbaaquiatsu rei que ae ra. Aque rese que mbia cuaẽ tuchi quia ra. Tiquise abe que ecurucuaẽ nguia ra. Ira jua abe no. Sacerdote rerecua chõ ũquí mbucuaẽ nguia reaẽ. Embesasa abe. Amei abe.

⁴⁴ Judas ñee nyecuayã nguiatsu quia ũquí je nyii reaẽ. —Ae ritiu ra asiite nae, aque chõ ñene. Aque jẽisi quiatsu tuchi serao, i quia equia ee nyii reaẽ.

⁴⁵ Jesús rĩchã ngue esi saludar i ee cote ra. Jesús ritiu que esiite ee cote ra.

⁴⁶ Mbia que Jesús isi cuaẽ ecua cote ra.

⁴⁷ Ũquí mose que Jesús rimba mo uchuuru sirõ tiquise ra. Sacerdote rerecua rimba rese que tiquise uru ra. Eisa que echisia ra.

⁴⁸ Jesús que ñee mbia ja je cote ra. —¿Mbaerã jenyu quia tiquise rurucuaẽ serea co re? Ira jua abe no. Mbae mbucuaichãsa rea rocoĩ jenyuchĩ nguia serea co.

⁴⁹ Tenda que amumba mumba beite rei quia jendese Dios chuchua resẽ. Mbia que ambaaquiatsu quiatsu bei rei quia huee resẽ. ¿Mbaerã seisiã nyucua aque mose re? Embesa ji ique sacuaã ño jẽicuã icuã ndiqui nguiã seje ã, i que Jesús ñee ee ra.

⁵⁰ Echimbaaquiatsu que nyoi ja chee uchã Jesús recha ra.

⁵¹ Acuanindu mĩ mo ngue oso erui ra. Tiru mĩ ngue equereco nyiatsu ra. Mbia que acuanindu abe isi rei ra.

⁵² Huĩrao que esecha oso uchã nda. Eirao eã tuchi que oso uchã nda.

Jesús mbia curuchoi mbia rerecua je

⁵³ Mbia que Jesús curuchoi sacerdote rerecua je cote ra. Huee que sacerdote rerecua ja chi ñumunua nda. Embesasa abe. Amei ererecua ja abe no.

⁵⁴ Pedro que embuchurucha rucha oso quia erui ra. Ngasẽ nyee que sacerdote rerecua itaicuee ra. Hue que ngoi sacerdote rimba mo ndese ra. Nyee que huĩ huee ra.

⁵⁵ Sacerdote rerecua que chi ja huee ra. Amei mbia rerecua ja abe no. Mbia rerecua ja tuchi. —Jesús nandequia, i rei que ñee ñee nyue ra. —¿Mbae i ra aba mbia je Jesús rĩcharã nde? i rei que u ñee ñee nyue ra.

⁵⁶ Emo emo ngue ñee icuã icuã ndei Jesús rĩĩ nda. Ucheẽ ngue etasa tasa tuchi chõ nda.

⁵⁷ Mbia mo abe que juã ñee ñooño erĩĩ nda.

⁵⁸ —Jesús cheẽ ngue urechandu ra. Ñee icuãte que Dios chuchua rĩĩ nda. “Dios chuchua tambocoĩ mbia chiao. Tres días mose ra Dios chuchuarã asaã no. Mbia chiao eã nda ũquí cote”, i que urechandu Jesús cheẽ nda, i que ũquí ñee ñooño Jesús rĩĩ nda.

⁵⁹ Ucheẽ ngue etasa tasa bei chõ nda.

⁶⁰ Sacerdote rerecua que juã ñee Jesús je ra. —¿Echeẽ nda eresibishorõ eã mbei re? ¿Mbae i equia nderĩĩ nde? i que ñee Jesús je ra.

⁶¹ Jesús que ñee eã mbei echeẽ mose ra. Sacerdote rerecua que ñeembe ee ra. —¿Dios rucucha nde re? ¿Cristo nde re? i que ñee Jesús je ra.

⁶² Jesús que ñee ee ra. —Ae. Dios rucucha chõ se re. Jemae nda serese s e coi mose Dios quirãcuã jii. Sechu mose abe ibeishĩ ndese, i que Jesús ee ra.

⁶³⁻⁶⁴ Sacerdote rerecua que paama i tuchi Jesús cheẽ mose ra. Huĩrao que endoro ndoro chee ra. Ñee ngue ererecua ataque je ra. —Jesús riqui Dios rucucha raã naa co.

Jeñandu jate equia ã. Sã mbia mo nandem-biirandube eã cote. Nandemae ndei ngue erese re. ¿i jêje re? ¿Mañi nande ra equia re? i que sacerdote rerecua ñee mbia rerecua ataque je ra. —Eicua tuchi que ra jê. Sã mbia equia, i jate que ererecua ñee Jesús rii nda.

⁶⁵ Mbía que ñinimbu nimbu Jesús ruba rese cote ra. Eresa que echati mbae mo je ra. Ucuu ucua tuchi que erese cote ra. —¿Aba ucua ucua u nderese a re? Eicua no, i que equia eresa ati ji je ra. Soldados abe que ucua ucua tuchi eresa rese ra.

Jesús aicuayâte resê, ichôïño Pedro

⁶⁶ Pedro que chímbeite ngoi itaicuee ra. Nyucuaaque mo ngue tu huee sacerdote rerecua rimba ra.

⁶⁷ Pedro que chí nyee tata jii ee huee ra. —Jesús resenda que nde abe ra, i que nyucuaaque ñee mae mose Pedro rese ra.

⁶⁸ —Tei. Ndecheê aicuayâte, ichôïño ngue Pedro ñee ee ra. Hue si que esi eiquesa quiti cote ra. Usê mose que nguira ñee cote ra.

⁶⁹ Nyucuaaque que maembe erese ra. —Co abe que Jesús resenda ra, i que mbia ataque je ra.

⁷⁰ —Tei. Aicuayâte se, ichôïño ngue Pedro ee no nda. Ae chi huee nae, ùqui mo ngue ñee ee cote ra. —Jesús resenda chõ nde abe resê. Galilea jenda chõ nde resê, i que ñee Pedro je ra.

⁷¹ Pedro que jurar i tuchi ñee ee ra. —Aicuayã tuchite se resê, i que ñee ñooño si no nda.

⁷² Aque mose tuchi que nguira ñee sí cote ra. Pedro que ndua Jesús cheê ndese cote ra. Sã Jesús ñee ee nyii no. —Nguira cheê nyeremo nonde ra erecheê ñooño tres veces serii, sã Jesús i ee nyii no. Ùqui ndese que Pedro ndua cote ra. Nyebe nyeseo tuchi nguia cote.

15

Mbia Jesús curuchoi Pilato je

¹ Nyaashí namo mose que sacerdote rerecua ñumunua ja ra. Amei ererecua abe no. Embesasa abe no. Mbía rerecua jate que ñumunua nda. Jesús que echucua suruchoi Pilato je ra. Pilato rei mbia rerecua hue jenda ja.

² —¿Judíos rerecua chõ nde re? i que Pilato ñee ee ra. —Ae. Judíos rerecua chõ se re, i que Jesús ee ra.

³ Sacerdote rerecua que ñee ñooño tuchi Jesús rii nda. Ñee icuã tuchi que erii nda.

⁴ —Sã ñee icuã icuãte nderii jê. ¿Echeê nda eresibishorõ eã nde? i que Pilato ñee Jesús je ra.

⁵ Jesús que ñee ãte echeê mose ra. Nyebe Pilato nyuruira tuchi nguia echeê eã mose.

Jesús jëiquia mbucha ira rese, i ererecua

⁶ Pilato que mbia tarõ ji mo mbusê mbei quia pascua mose ra. Co mii ngue embusê mbusê mbei quia pascua mose ra. Ae je mbia riqui ñee, “aque embusê mondo” i nae, aque chõ ngue embusê mbei quia ee ra.

⁷ Barrabás, i que etarõ ji mo je ra. Emo abe que chi huee erese ra. Mbía iquiasa que ùqui nda.

⁸ Mbía que ñee ngaê Pilato je ra. —Mbía mii tarõ ji que erembusê mbeite quia, einyere si emo mbusê namo, i ja que mbía ñee Pilato je ra.

⁹ —¿Judío rerecua ra ambusê mondo jêje Jesús re? i rei que Pilato ra.

¹⁰ —Sacerdote rerecua riqui paama i chooñote Jesús je ã, i quiatu que Pilato ndua ndua uchiangui re ra.

¹¹ —Sã Pilato Barrabás mbusê mondo Jesús rendaque re, i tuchi que sacerdotes ñee ja mbía je ra. Nyebe que mbía “Barrabás embusê mondo” i chee Pilato je ra.

¹² —¿Mañi ae quia ra Jesucristo je re no? i que Pilato ñee ee ra.

¹³ —Embucha ira rese, i ja que mbía ñee ee ra.

¹⁴ —¿Mbae icuã esaã nde? i que Pilato ñee ee ra. —¡Embucha ira rese jê! i bei bei que mbía ra.

¹⁵ —Mbía turã jiri nda seje chã, i chee que Pilato ra. Nyebe Barrabás mbusê mondo nguia. Jesús quiatu que eiruã nua cote ra. —Jembucha iquía ira rese, i que mbía je cote ra.

¹⁶ Soldados que Jesús cuasa curuchoi ererecua chuchúaa ra. Huee que soldados ataque abe ngaê ja Jesús mama no nda.

¹⁷ Tiru irei ngue emingue ee cote ra. —Ererecua chõ nde re, ichôïño iquía iquía ee. Nyu ritimei uma ji que emii eãqui ndese corona nda.

¹⁸ —Judío rerecua tuchi chõ nde re, ichôïño ngue iquía iquía ee ra.

¹⁹ Ira que euru uru eãqui ndese ra. Ñinimbu nimbu abe que erese no nda. Ngoi ngoi que nguia ndese erimba raã naa ee ra.

²⁰ I quia iquía tuchi que eu ee ra. Aquere que tiru irei mbei esi cote ra. Eiraote que emingue ee cote ra. Curuchoi que embucha nonde ira rese cote ra.

Mbia Jesús mbucha ira rese

²¹ I rei que emo u quia uco sí ra. Simón, i que ee ra. Cirene jenda mo ngue ae ra. Alejandro ru que ra. Rufo ru abe no. Aque que soldados isi ira mbuchicandasa ji rerao sacua ee ra. Cruz, i equia ee. Nguerao que cote ra.

²² Ngasê ngue pee cote ra. Gólgota, i que hue je ra. Eresa cuare, i chõ nguia hue je.

²³ Huee que vino mondo rei Jesús je ra. Mirra je emumbarai. Mbei eã ngue ra.

²⁴ Soldados que Jesús mbucha ira rese ra. Aquere que sita ñetê mbaba mbaba o je cote ra. —Aba ra Jesús irao querao ñi ja, i que nyue ra.

²⁵ Tenda chui ite ramo mose que embucha ira rese ra.

²⁶ Mbia que letrero mii Jesús ãquĩ nguiti ibate ra. JĒSUS REI JUDIO RERECUA i que embesa mii nda. Ũquĩ ñii ño eriqui nguiã eiquia hue.

²⁷ Mbia nyeremo abe que embucha ira rese Jesús chabe ra. Jesús rereco chobei que emii ira rese ra. Mbae mbuquiachãsa tuchi que ũquĩ nda.

²⁸ Embesa ji cheẽ nguire que Jesús iquia mbia icuã ndese cote ra. Sã embesa ji riqui ñee no: “Mbia icuã ndese ra eiquia, sã embesa ji i ñee nyii no.

²⁹ Mbia que iquia iquia quia Jesús cheẽ naa naa ecuã mose ra. Ñee icuã icuã ee. —“Dios chuchua ra ambucoi. Tres días mose ra ambuchuruambe” ere que equia.

³⁰ Equiche u nde ae hue si no, i tuchi que mbia quia iquia iquia ee ecuã mose ra.

³¹ Sacerdote rerecua abe que iquia iquia chõ nguia ee ra. Embesasa abe no. Ũquĩ ngue ñee icuã icuã ja quia erii nda. —Mbia que embuquera quera rei nyii ra. Ae si quera aroneate nguia a que.

³² Judío rerecua mose ae, sã ae ae nguichi ira si. Cristo mose ae, sã ae ae nguichi no. f nda uremae erese. f nda ureicua cote, i ja que ererecua ñee icuã icuã erii nda.

Jesús mano mose cote

³³ Tenda nandeite re mose que itondaru tu ra. Itondaru bei que mbia ja je tres horas ra.

³⁴ Tenda cheseco mose que Jesús ñeemombo cote ra. —Eloi, Eloi, ¿lama sabactani? i que ñee mombo ra. —Dios sererecua, ¿mbaerã ereico hui sesi re? i chõ ngue ñee nguia.

³⁵ —Elías je eriqui “quiatuchu” i reae, i rei que echeẽ andusa mo nda.

³⁶ Emo ngue esponja monde vinagre ye ra. Ira ai rese que embia ji mondo rei Jesús chũruu cote ra. —Esecha rei. Sã Elías ruãt e quia erea, i que emo ñee ee ra.

³⁷ Jesús que tasẽ mano mbei cote ra.

³⁸ Aque mosechi tuchi que cortina nyisia Dios chuchua jenda ra. Ibate si que eru nyisia ibii ra.

³⁹ Soldado rerecua que chĩ Jesús nonde mae erese ra. Emano ndese que eñi mae nda. —Dios ririĩ ño eriqui re, i que cote ra.

⁴⁰ Cuña ngue chi jate ma e Jesús rese isho ra. María Magdalena abe que chĩ huee ra. Salomé abe no. María abe no. María rei José si. Jacobo Ñetê si abe no.

⁴¹ Ũquĩ ngu e siqui bei quia Jesús rui ra. Echiurã ngue emii mii mbei quia ee ra. Galiléaa eico mose bei. Cuña tubiriãte abe que chi mae Jesús mbuchai rese huee ra. Ae nyoi Jesús rese Jerusalén, ũquĩ.

Mbia Jesús raaque chati cote

⁴² Tenda que oso cote ra. Sábado nonde. Aque mose bei que mbia riqui mbae mbuquiche ja sábado sacua nda.

⁴³ Aque eresaitõ mose que José si ñee Pilato je ra. Judío turã ngue ae ra. Arimatea jenda que ae ra. Judío rerecua que ae no nda. —Dios ra ererecua, i beite que equia eraarõ arõ nda. Aque que irei irei ãte oso ñee Pilato je ra. —Jesús raaque emee na seje, i que oso ñee ee ra.

⁴⁴ —¿Mano jei tuchi ere? i tuchi que Pilato uchiangui re ra. —Quiatuchu rã sembiirandu. ¿Jesús mano cote re? i que Pilato ñee soldado rerecua je ra.

⁴⁵ —Mano ngue cote ra, i que soldado rerecua ñee ee ra. Nyebe Pilato eraaque mondonguiã José je cote.

⁴⁶ José que Jesús raaque mbuquichi cote ra. Tirushĩ turã mo ngue eisi ra. Eraaque que echuma a que je cote ra. Iti que echoi sita ribicoi ji imi ye ra. Nyati que sita cuasu mo je cote ra.

⁴⁷ María Magdalena ngu e mae mi eati rese ra. María rese. José si que ae ra.

16

Jesús raaque quera si

¹ Jesús raaque ati ji que chibe sábado mose ra. I nyaashĩ oso quia domingo mose, a que mose que cuña mo nyoi mae eatisa rese ra. María Magdalena. Salomé abe no. María abe no. Jacobo si rei ae. Ũquĩ ja que aba mbushimbua isi rei eichusẽ chusẽ sacua Jesús raaque rese ra.

² Tenda nyui ramo mose que echoi eatisaa ra.

³ —¿Aba ra sita curuba nande je eatiquia re? i rei que echoi quia ñee ñee nyue ra.

⁴ I que sita rurubai u ee cote ra. Sita cuasute quiatu ngue re.

⁵ Ique rei que echoi sita imi ye ra. Acuanindu mo ngue chĩ ngoi huee equiatocuti quiti ra. Huiiraoshi oco tuchi que ecunui huee ra. Cuña ngue siquiche tuchi ra.

⁶ Acuanindu que ñee ee ra. —¿Mbaerã jẽingo siquiche re? Jesús raaque jẽsequia raque quia ã. Emoate a resẽ. Eraaque que quera si no. Jemae eatisa rese ae.

⁷ Jẽso asi rã echimbaaquiatu mbiirandu erese. Pedro abe jembiiirandu. “Jenonde ra esi Galilea. Jemae nda erese huee. Sã ñee jẽje nyii no”, jenyẽ embiirandu, i que acuanindu ee ra.

⁸ Cuña ngue siquichete echeẽ andu ra. Uchã ngue echoi eatisa si ra. Ñee eã tuchi que mbia mo je ra. Esiquichete quiatu ngue re.

Jesús nyecua María Magdalena je

⁹ Jesús que quera si nyaashĩ namo mose domingo mose ra. María Magdalena nane je que nyecua ra. Aque si chõ eriqui siete aba checuayã icuã jea nyii reaẽ.

¹⁰ Ae que oso Jesús quiato mbiirandu ja cote ra. Ngasẽ mose ee que echi nyeseo jate eya eã ee ra.

¹¹ —Jesús que quera si ra. Amae ngue erese ra, i rei que embiirandu ra. Quera aroneate que ùquĩ je ra.

Jesús nyecua uquiato nyeremo je

¹² Aquere que nyecua uquiato nyeremo je ra. Ishote que sucha tubiriã si ra. Emo na tuchi que ee ra.

¹³ —Jesús que quera si nyecua ure je ra, i rei que echoi uataque mbiirandu ra. Quera aroneate que ee no nda.

Jesús uchimbaaquiatu mondo mbia mbiirandu

¹⁴ Aquere que Jesús nyecua uchimbaaquiatu ja je no nda. Once je. Ùquĩ quiaru mose que nyecua ee ra. Ñee asi asi que ee ra. —¿Mbaerã jeñia átãte riqui re? ¿Mbaerã “nyia” jenyee eã jembiirandu mose sequera rese re? i que ñee ee ra.

¹⁵ —Jẽso secheẽ nenei nenei mbia ja je. Mbia mangue chooñoa jenda ja je.

¹⁶ Mbia mo nda seicua icua. Ùquĩ je bautizar jenyee. Ùquĩ nda siqui bei cote. Ae ra seicuayã, ùquĩ nda mbae rasi saã mbei.

¹⁷ Seicuasa ra mbia mae sayã saã saã tuchi. Aba checuayã icuã nda ejea jea mbia si serĩ. Mbia cheemo nda esaã.

¹⁸ Mbei ra eisi isi o je. Aba iquiasa mbei mose ra erasiã. O ra echono ñono erasi arõ embucherõ sacuã, i que Jesús uchimbaaquiatu mondo ra.

Jesús nyui oso ibate

¹⁹ Jesús ñee ja mose que Dios equerao ibate cote ra. Siqui bei sacuã Dios jii cote.

²⁰ Echimbaaquiatu que nyoĩ Dios cheẽ nenei nenei mbia ja je ra. Mangue chooñoa jenda ja je. Dios que siqui tuchi quia erese ra. Mbia mae sayã tuchi que esaã saã nguia ra. Mbia Dios cheẽ icua sacuã. Amén.

EL SANTO EVANGELIO SEGÚN SAN LUCAS

Lucas ucheë mbesa Teófilo je

¹ Jesucristo que mbae saã saã tuchi quia huico mose ibi ra. Mbia atate que echisaã mbesa mbesa rei ra.

² Mae ndei equia erese nyii. Dios cheë esenei senei mbei rei quia nyii. Jesucristo chisaã ndese que urembiirandu cote ra.

³ Se abe que airandu tuchi cote ra. Ae esaã saã nguia nyii nae, aque mosenda bei rese que airandu cote ra. Se abe ùqui tambesa ja ndeje, Teófilo. Tasenei turã ja embuchiabiã ndeje.

⁴ Ae rese ereirandu randu nae, ùqui ereicua tuchi sacua ño aico nguia embesa mbesa ndeje. Eï nda “ae bei” ere chõ nguia Jesucristo chisaã saã je.

“Juan el Bautista ra nyecua u mbia je”, i que ángel mo nda

⁵ Zacarías, i que emo je ra. Sacerdote que ae ra. Herodes que siqui Judea mbia rerecurã aque mose ra. Abías resenda rei Zacarías. Aarón ndiirí nducucha rei Zacarías. Eninisi abe rei Aarón ndiirí nducucha no. Elisabet, i que eninisi je ra.

⁶ Zacarías turãte que eriqui Dios je ra. Ngüinisi rese. ùqui ngue Dios cheë mumbayã mbei quia ra. Eicuãte, i aroneãte que mbia mo nguia eriã nda.

⁷ Eriirã mbei que eriqui ra. Tiirã je rei Elisabet. Ari chee. Zacarías abe que ameite chee ra.

⁸⁻⁹ Sacerdotes que nyuuru uru beite quia querabe mbae raã naa Dios chuchúaa ra. Nyebe que Zacarías abe riqui mbae raã naa Dios chuchúaa emo mose ra. Zacarías que oso ique tuchi Dios chuchua ra. Mbae mo ndei sacua embushimbu.

¹⁰ Zacarías que mbae shimbu sei cote ra. Mbia cuabë ngue chi ja taicuee ñee ñee Dios je ra.

¹¹ Angel ibatenda mo ngue tu nyecua Zacarías je cote ra. Chí ngue juã mbae shimbu reisa ji ee ra.

¹² Zacarías mae mose ángel rese, siquiche tuchi que ra.

¹³ Angel que ñee Zacarías je cote ra. —¿Mbaerã ereico siquiche re? Dios que ndecheë ñandu ra. Elisabet nda tiirí ndeje cote. Juan, ere nderiirí je nyaacuquia mose.

¹⁴ Ndeyate ra cote. Nderiirí nyaacuquia mose ra mbia ia tuchi cote.

¹⁵ Nderiirí nda mbae turã saã saã tuchi quia Dios je. Mbaeri rasi mo nda embei eã tuchi. Espiritu Turã nda siqui tuchi erese. Esi rie ye ereco mose bei.

¹⁶ Nderiirí nda mbia Israel jenda mbuchebi ja Dios je. Dios ra ùqui nderecurã.

¹⁷ Nderiirí nda mbae mbuquiche ja Cristo tu nonde. Sã Dios Elías mbuquirãcuã no, eï si ra Dios uquirãcuã mee nderiirí je. Nderiirí nda mbia mbuturã turã nyiese. Eru mbuturã turã nguiri ndese. Eriirí mbuturã turã ngu rese no. Nderiirí nda aba cheë mumbasa mbaaquiutu quiatu. Aba cheë mumbayã sacua cote. Nderiirí nda mbia mbuquiche ja Cristo tu nonde, i que ibatenda ñee Zacarías je ra.

¹⁸ Zacarías que ñee ángel je ra. —¿Mañi nda ùqui nde? ¿Ndecheë nda ique seje re? ¿Manyae ra eicua re? Ameite se. Seninisi abe arite, i que Zacarías ee ra.

¹⁹ Angel que ñee Zacarías je ra. —Se rei Gabriel. Dios rimba chõ aico co. Dios quia semondo rei nguia ñee turã sacua ndeje.

²⁰ “Nya” ere eã ñochí secheë je. Nyebe ra ndeisayã. Ndecheë ngüã nda eno. Nderiirí nda nyaacuquia chee. Nderiirí nyaacuquia mose ra erecheë nyecua cote. Secheë nda io ja ndeje cote, i que ángel Zacarías je ra.

²¹ Mbia que chi bei taicuee huee ra. Zacarías raarõ arõ. —¿Mbaerã Zacarías riqui itõ tuchite Dios chuchúaa re? i que mbia ñee jate ra.

²² Zacarías que usë nyee ra. Echeë ngüã. O que emumbate mbate chõ nguia mbia je ra. —Zacarías mbae mo tea cuu Dios chuchua reae, i que mbia ñee ñee nyue ra.

²³ Zacarías que umbae tarea saã ja Dios chuchúaa ra. Tenda nongue mose. Emo ngue tu euru cote ra. Zacarías que oso uchuchua cote ra.

²⁴ Aquere qu Eya uchi que cote ra. Eninisi que useã mbei tuchua si cinco meses ra.

²⁵ —Dios seriirina meeñi seje cote. Mbia ra iquia iquia eã seje cote, i que Elisabet ra.

“Dios riirí nda nyecua u mbia je”, i que ángel mo nda

²⁶ Nyasi nongue mose que Dios ibatenda mondo mbia mo je ra. Gabriel, i que aque ángel je ra. Aque que emondo sucha Nazaret ra. Galilea, i que aque ibi je ra.

²⁷ —Eso rã ñee nyucuaaque María je, i que Dios ángel mondo ra. Emo ngue siquiã tuchi María rese ra. Eruã mbei. José ninisibi rei María. José siquiã ndaque erese. David riirí nducucha rei José.

²⁸ Angel que ique María ch María chuchua cote ra. —Acheë ngue u ndeje ra. Dios turã tuchi riqui ndeje co. Ndua bei nderese. Dios ia tuchite nderese acuaní mo si, i que ángel María je ra.

²⁹ María mae mose ibatenda rese que ñee uchiangui re ra. —¿Mbaerã eru quia serea co re? ¿Mbaerã eru quia ñee seje co re? i que María uchiangui re ra.

³⁰ Angel que ñeembe ee ra. —María, siquichechí nda sesi re. Dios turã tuchi riqui ndeje co.

³¹ Dios cheë turã ngue asenei u ndeje ra. Nanimbae ra nde cote. Nderiirina nda eretea cote. Jesús, ere nderiirí je.

³² Nderiirí quirãcuã tuchi rae. Dios quirãcuã ndiirí nda erereco. Mbia rerecua tuchi ra ae. Sã David riqui mbia rerecua nyii no, eí nda nderiirí mbia rerecua tuchi cote.

³³ Nderiirí nda judíos rerecua bei cote. Ua eã mbei rae, i que ángel ñee María je ra.

³⁴ María que ñee ángel je ra. —¿Mañi nda serío re? Seru eãte nyeresé, i que María ee ra.

³⁵ Angel que ñee María je ra. —Espíritu Turã ae ra Dios riirí mondo nderie ye. Espíritu Turã nda ndereaquiatu bei quia. Dios quirãcuã nda siqui bei nderese. Nyebe ra Dios mbaerã tuchi nderiirí. Dios rucucha, i ra nderiirí je.

³⁶ Ndesi nongue ndiirí abe ra tiirí cote. Elisabet, i equia ee nae, aque abe ra tiirí. Arite raque. Erie cuasu cote. Tiirí mbae, i mbia quia ee nyii nae, aque ra tiirí cote.

³⁷ Dios quiarei mbae ao ja, i que ángel ñee María je ra.

³⁸ María que ñee ee ra. —Dios rimba chõ aico nguiã co. Sã ndecheë ique quia seje, i que María ra. Angel que oso erеча cote ra.

María oso Elisabet ndea

³⁹ María que oso Elisabet ndea cote ra. Ñeenda ishote que ee ra. Sita ibate bate rí ngue esi quia ra. Judea, i hue ibi je.

⁴⁰ María que ngasë Elisabet ndu chuchúaa ra. Zacarías, i equia eru je. Ique que ñee Elisabet je ra.

⁴¹ Elisabet María cheë andu mose, erie yenda que umi nda. Espíritu Turã ngue ique tuchi Elisabet chiangui re cote ra.

⁴² Elisabet que ñee nyecua tuchi María je ra. —Nde rese chõ Dios ia tuchi acuaní mo si re. Dios ia tuchi nderie yenda rese abe no.

⁴³ ¿Mbaerã Cristo si ru serea se re? Mbia rerecua eã ño se resë.

⁴⁴ Se ndecheë andu mose que serie yenda ia tuchi umi nda.

⁴⁵ Dios cheë ngue ereisi turã nda. Nyebe Dios iate riqui nderese co. Nyebe ra Dios cheë ique tuchi ndeje cote, i que Elisabet ñee María je ra.

⁴⁶ María que ñee cote ra.

Acheë turã mbei quia Dios rí co.

⁴⁷ Seya bei riqui Dios rese co.

Ae que serirõ mbae icuã si ra.

⁴⁸ Dios que nduate quia serese ra.

Seaquiatuã ndaque.

Nyebe ra mbia ia jate serese cote.

⁴⁹ Dios quirãcuã ngue mbae turã saã tuchi seje ra.

Ae mii ño eturã tuchi emo si re.

⁵⁰ Ae ndua turã nguia Dios rese nae, ùqui ndese chõ Dios ia eã tuchi riqui nguiã. Eí mbei chõ Dios nguiã mbia je co.

⁵¹ Dios quirãcuã ngue mbae saã ja ra.

Ucuasu raã naasa chõ Dios mboseí nguiã.

⁵² Siqui mingue je chõ Dios mii mii nguiã mbia rerecuarã.

Ae ererecua uaquiatu saã saã nguia nae, ùqui ño Dios sirõ nguiã.

Ererecua eã ño ùqui cote re.

⁵³ Dios que mbae mee mee nguia mbaecha reã je ra.

Mbaecha quia emboochi nguiã.

⁵⁴ Dios que siqui tuchi judíos rese ra.

Tesareíã mbei esi.

Eyayã mbei erese no.

⁵⁵ Sã Dios ñee Abraham je no, ùqui ngue embuchebiã mbei ra.

Ae ucheë mondo judíos jaje nae, ùqui ngue embuchebiã mbei no nda, i que María ñee turã Dios rí nda.

⁵⁶ María que siqui arete Elisabet rese ra. Tres meses. Aquere que eru nyebi uchuchúaa cote ra.

Juan el Bautista nyaacuquia

⁵⁷ Elisabet rasi rasite que cote ra. Nyaa cuquia que cote ra.

⁵⁸ Mbia que nyoí ja Elisabet ndea cote ra. Ejii jenda. Eresenda ja. —Dios turã tuchi riqui ndeje co. Áquë mondo ndeje, i ja que ee ra. Eya ja tuchi que erese ra.

⁵⁹ Ocho días mose que circuncisión naa eriirí je ra. Zacarías, i nda mbia eriirí je chã nde. Eru rã si.

⁶⁰ Esi quia que ñee nda. —Tei. Juan nande chõ ee, i que esi ra.

⁶¹ Mbia que ñee esi je ra. —¿Mbaerã nda “Juan” ere nderiirí je re? Juan mo eã ndere-senda mo aa resë, i rei que mbia esi je ra.

⁶² Mbia que o mbaaba aba Zacarías je ra. —¿Mañi nda nderiirí je re? i ee.

⁶³ Zacarías que ñomee mbia je ra. Nyebe mbia embesa sacua mee nguiã ee. —Juan, i chõ seriirí je, i que Zacarías embesa ra. Mbia que nyuruira ja u mae erese ra.

⁶⁴ Aque ruibe que Zacarías ñee aquiatu cote ra. Ñee turã tuchi que equia Dios rí cote ra.

⁶⁵ Zacarías cheë andure que mbia nyuruira jate ndua ndua hue jenda ra. Nyebe mbia ñimbiirandu ja nguiã sita ibate bate jenda. Judea, i que hue ibi je ra.

⁶⁶ Ae jirandu quia erese, ùqui ngue ndua tuchi quia erese ra. —Mañi nda Zacarías riirí nguia reae. Nandemae nguia erese no, i que mbia quia ndua ndua ra. Dios que siqui tuchi Zacarías ndiirí ndese ra.

Zacarías ia tuchi ñee Dios je

⁶⁷ Espíritu Turã ngue siqui tuchi Zacarías rese ra. Nyebe Zacarías Dios cheë nenei nguiã.

68 Sã mbia ñee turã Dios rĩ judíos rerecua rĩ. Uturã ngue eteacuquia nande je ra. Nanderirõ ngue mbae icuã si ra.

69 Nanderirõ sacua nandeicuã si que Dios mondo nande je ra.

David ririĩ nducucha que nanderirõ sacua nda.

70 Sã Dios ñee cose no.

“Mbia rirõ sacua nda ambu ibii”, i cose no. Ucheẽ nenei neneisa que embuchecua mbia je cote ra.

71 “Jëucuãyãsa si ra jendirõsa jendeaquiatiu be”, i que Dios nande je ra.

72-73 Dios turãte que eriqui nandei ñiinda je ra.

Abraham je abe que eturãte riqui ra.

Ae Dios ñee Abraham je nyii nae, echeẽ ngue io cote ra.

74 Dios que ñee Abraham je nanderiĩ nyii ra. “Taendeaquiatiu jëucuãyãsa si, jësiquicheã sacua ico mose serese”, i que Dios nanderiĩ cose ra.

75 Nyebe ra nandeico turã mbei Dios je.

Ae ra nandemingo bei icuẽ umbaerã.

76 Nde ra Ibatenda cheẽ esenei senei nguia mbia je, ãquẽ.

Dios ririĩ ndetã nda Dios cheẽ eresenei senei nguia mbia je, ãquẽ.

Mbia icoquiatiu sacua Dios ririĩ je.

77 Eĩ mose ra Dios mbia rirõ eicuã si.

Eĩ mose ra Dios mbia icuã mbutiã esi.

78 Dios turãte quia eriqui nguia nande je.

Eriiriĩ nda tu ibate si mbae mbuchecua nande je.

79 Nandeaquiatiuã mbaaquiatiu sacua ño eru nguia aque.

Nandemingo sacua nyaashĩ naanguia chõ eru nguia aque,

i que Zacarías ñee ãquẽ je ra.

80 ãquẽ ngue tiarõ i i oso quia cote ra. Dios rese que eriqui i i cote ra. Siqui bei que equia turúquiaa ra. Dios cheẽ ngue esenei senei nyee mbia je cote ra.

2

Jesús nyaacuquia

1 Aque mose que ererecua ñee nda. Augusto, i que ee ra. —Censo nandesã na mbia ja je, i que ra. Mbia mbae nombre mbesa mbesa ja mose, “censo” i que ùquĩ je ra.

2 Censo raã namo mose rei ùquĩ. Cirenio ngue Siria jenda rerecua aque mose ra.

3 —Jenyusua sua jëso ja pueblo. Nombre mbesa mbesa ja sacua jembae, i que ererecua mbia ja je ra.

4 Nyebe José choi nguia Judea. Belén, i que sucha je ra. Belén ño David chusua re. José i chõ David re. Nyebe José choi nguia Belén. Umbae ibi recha. Nazaret recha. Galilea abe recha no.

5 José que nyoĩ Belén umbae nombre mui sacua nda. María rese. María que eninisibi ra. María riote que ra.

6 Siqui mose Belén ngue ãquẽ ndasi rasite María je ra.

7 Aque ngue María nguiiriĩ mbua ra. Ñuma ngue tiru je ra. Ticuasú quiarusa ye que eno nda. Mbia chuchua quiatu que eitàyãte ee ra.

Oveja raarõsa ngaẽ mae Jesús itãquẽ ndese

8 Hue jii que oveja raarõsa mo nyi isa ra. Ovejas que esaarõ arõ nguia turuquia rĩ nda.

9 Angel ibatenda mo ngue tu embua tuchi ra. Dios nininya tuchi que tu oveja raarõsa resae ra. Nyebe siquiche tuchi nguia esi.

10 Angel que ñee ee ra. —¿Mbaerã jësiquichete riqui re? Mbae turã ñi ño achu nguia ñee jëje co. Ae ra asenei jëje, mbia mbia sacua tuchi chõ ùquĩ nde.

11 Dios ririĩ ngue nyaacuquia namo Belén nda. Cristo, i equia ee. Mbia rirõsa mbae icuã si chõ ae re.

12 Aque echi ticuasú quiarusa ye aque. Ema ji tiru je. Jemae nda erese huee. Jemae mose sechienei ndese, “Cristo chõ eriqui re”, jeyre ra cote, i que ángel ñee oveja raarõsa je ra.

13 Angeles tubiriãte que nyecua oveja raarõsa je cote ra. Angel ñiinda ndese. Ñee turã ja que Dios rĩ nda.

14 Sã mbia ñee turã ja Dios ibatenda rĩ. Sã Dios uquiato mbia ja ibi jenda, i que ángeles ñee nyecha ee ra.

15 Angeles que nyoĩbe ibate cote ra. Oveja raarõsa que ñee ñee nyue cote ra. —Nyaso rã Belén. Ae Dios senei senei nguia nande je nae, nyaso rã mae erese. Ae nyaacuquia namo nae, nyaso rã mae erese, i que oveja raarõsa ñee nyue ra.

16 Nyoĩ asi tuchi que mae erese ra. Ngasẽ ngue María je ra. José abe je. ãquẽ abe je. I que ãquẽ u ticuasú quiarusa ye ee ra.

17 Oveja raarõsa que mbia mbiirandu ja erese ra. Ae ángel senei senei nguia ee María ririĩ ñi, ùquĩ ngue oveja raarõsa senei senei tuchi mbia je cote ra.

18 Eandusa que nyuruira ja tuchi eandu ra.

19 María que ndua ndua tuchi quia ùquĩ ja rese uchiangui re ra.

20 Oveja raarõsa ia tuchi que nyoĩ nyebi ovejas je ra. Ñee turã turã tuchi que ehoi quia Dios rĩ nda. —Angel que ñee nande je, echeẽ ndui si tuchi chõchĩ mbae eĩ ja, i que ñee ñee nyue ra.

Jesús ruruchoi Dios chuchúaa

21 Ocho días mose que circuncisión naa ãquẽ je cote ra. Jesús, i que ãquẽ je cote ra. Angel cheẽ ndui si tuchi chõ “Jesús” ichĩ ãquẽ

je. Ae ángel ñee María je erio nonde nae, echeē ndui si tuchi chō “Jesús” ichĩ María ririĩ je.

²² Aquere que María ñimbitirō Moisés cheē ndui si cote ra. Aquere que āquē nduruchoi Jerusalén cote ra. Āquē mee sacua Dios je.

²³ Embesa ji cheē ndui si que āquē mee Dios je ra. —Ae eririĩ i erācuē nae, ũquĩ jemondo tuchi Dios je, i quiatu ngue embesa ji rese re.

²⁴ Jerusalén José riqui mose que sacrificio mee Dios je ra. Embesa ji cheē ndui si. Sã embesa ji riqui ñee no: —Nyurusi nyeremo jemeē Dios je. Ũquĩ eã mose, nyurusi ñetē jemeē ee no ae, i que embesa ji cheē nda.

²⁵ Amei mo ngue siqui hue Jerusalén nda. Simeón, i que ee ra. Ae que eturã tuchi ra. Ñee mbei que equia Dios je ra. Ae que Dios ririĩ saarō arō tuchi quia ra. Judios mbui sacua mbae icua si. Espiritu Turã abe que siqui Simeón ndese ra.

²⁶ Espiritu Turã nguia ñee ndei Simeón je nyii. —Eremae nda Dios ririĩ ndese. Nde-mano nonde ra eretea. Dios ra embu ibii, i que Espiritu Turã ñee Simeón je nyii ra.

²⁷ Espiritu Turã ngue Simeón querao Dios chuchúaa ra. Embesa ji cheē ndui si que José āquē nduruchoi Dios chuchúaa aque mose si ra. María reses.

²⁸ Simeón ngue āquē sui ra. Eya tuchi que erese ra. —iCo chō jē! i que Simeón ñee turã Dios je ra.

²⁹ Dios, ndecheē ngue io seje cote ra.

Seyate aico co cote Sererao se cote.

³⁰ Ndeririĩ ndese que amae cote ra.

³¹ Ae erembu mbia rirō sacua mbae icua si nae, aque rese aico mae co cote.

³² Mbia resae sacua tuchi chō ndeririĩ ndiqui re.

Judios eã abe ra etesae tuchi.

Judios abe je ra eturã tuchi no, i que Simeón ñee Dios je ra.

³³ Simeón ñee mose María ririĩ nii, José que nyuruira tuchi echeē andu ra. María rese.

³⁴ Simeón ngue ñee turã María je ra. —Ndeririĩ nda judios tubiriã mingo turã. Ae siqui sereate quia erese, ũquĩ nguia ra emingo icua. Mbia ra ñee icua icua nguia ndeririĩ turã je. Eicua je rocoi.

³⁵ Ae ndua turãte quia ndeririĩ nii nae, ũquĩ ndua ndua turã nda nyecua mbia je cote. Ae ndua ndua icua nguia, ũguĩ ndua ndua abe ra nyecua mbia je cote no. Mbia icua nda nemundite ndeririĩ ndese, i que Simeón María je ra.

³⁶ Huee que arite mo ndiqui ra. Dios cheē nenei neneisa que ae ra. Ana, i equia ee. Fanuel, i que eru eiruã siasa je ra. Aser, i que ei ñiinda je ra. Ana yasu mose que ngurã ndea nyii ra. Siete años que eriqui ngu rese nyii ra.

³⁷ Eru eã ngue cote ra. Eru cheecha que siqui beite ra. Ochenta y cuatro años. Dios chuchúaa que eriqui beite ra. Ñee ñee mbei Dios je. Quiaru rocoi. Isa abe.

³⁸ Ana ngue mae āquē Jesús rese Dios chuchua cote ra. —iCo chō jē! i tuchi que Dios je ra. Ñee turã tuchi que āquē nii mbia jaje cote ra. Ae Dios ririĩ saarō arō nguia nae, ũquĩ jaje que Ana ñee turã turã āquē nii nda.

José nyebi Jesús rerao Nazaret

³⁹ José que mbae saã ja embesa ji cheē nguire ra. Aquere que echoi nyebi Galiléaa ra. Nazaret, i equia echuchua je.

⁴⁰ María ririĩ ngue tiarō cote ra. Ñimbaaquiato quiatu que equia cote ra. Ñimbirācuā nacuāte que equia cote ra. Dios turã ngue siqui tuchi quia erese ra.

Jesús ñimbaaquiato quiatu Dios chuchúaa

⁴¹ Aque tenda bei que José riqui nyoĩ choi Jerusalén nda. Fiesta de la pascua mose bei. María rese.

⁴² Jesús tiarō namo mose, doce años mose que echoi si fiesta de la pascua mose no nda. Jerusalén.

⁴³ Fiesta ua mose que euaē ndei quia nyebi ra. Jesús que siquichō Jerusalén nda. Jesús abe oso rei nguia usi je. Ngu abe je.

⁴⁴ Jerusalén ño eriquichō neaē. Mbia ataque rese eru rei nguia esi je. Mbia que ngaē ngaē bei quia tenda mumba chee ra. —Ma Jesús ñi, i rei que nguesenda je ra.

⁴⁵ Tea eã mbei que ra. Erea eã mose que eru si chee nyebi Jerusalén nda. María rese. Erequia sacua huee cote.

⁴⁶ Tres días mose que erea huee cote ra. Dios chuchúaa que eriqui ee ra. Ñimbaaquiato quiatu. Mbia mbaaquiatusa cheē andu andu que Jesús riqui ngoi huee ra. —¿Mañi equia re? Tachandu tuchi rã, i i que equia ee ra.

⁴⁷ Jesús cheē aracua tuchi que eriqui mbia je ra. Nyebe mbia nyuruira nguia echeē aracua andu.

⁴⁸ Eru erea mose huee, ae abe que nyuruira ra. Esi abe nyuruira no. Esi que ñee ee ra. —¿Mbaerã eresoa urerese re, Echo? Ureya eã tuchi que eriqui nderequia asi asi ra, i que María nguiĩrĩ je ra.

⁴⁹ Jesús que ñee ee ra. —¿Mbaerã serequia mámbii re? Paba chuchua chō ngue aico resē, i que Jesús usi je ra.

⁵⁰ María que Jesús cheē icuayãte ra. José abe echeē icuayã no.

⁵¹ Jesús que oso uchuchua erese cote ra. Nazaret, i equia sucha je. Usi cheē ngue emumbayã mbei quia ra. Ngu cheē ngue emumbayã mbei quia no nda. Esi que ndua ndua bei quia ũquĩ Jesús chisaa ndese ra.

⁵² Jesús rete que siri siri oso quia cote ra. Ñimbaaraqua racua que equia no nda. Dios iate que eriqui erese ra. Mbia abe iate que eriqui erese no nda.

3

Juan Dios cheë senei senei mbia je

¹⁻² Aquere que Dios ñee Juan je ra. Zacarías riri je. Tiberio siqui bei mose mbia ja rerecuarã. Quince años ereco mose mbia rerecuarã. Poncio Pilato que Judea jenda rerecu a que mose ra. Herodes que Galilea jenda rerecu ra. Felipe que Herodes nongue ra. Felipe que Iturea jenda rerecu ra. Traconite jenda rerecu abe que Felipe no nda. Lisanas que Abilinia jenda rerecu ra. Anás que sacerdote rerecu ra. Caifás abe que sacerdote rerecu ra. Ûqui ererecu si que mose que Dios ñee Juan je turuquia ra.

³ Nyebe que Juan Dios cheë senei senei nguia mbia je ra. Ama Jordán ndurubinda jaje. Eí ño ngue Juan nguia ñee mbia je ra. —Jehui chõ jëicuã si. Dios jëicuã mbutiã sacua. Ûqui mose nda bautizar ae jêje chã, i que Juan nguia ñee mbia ja je ra.

⁴ Isaías chimbasa io sacua ño ngue Juan Dios cheë nenei nenei nguia. Isaías chimbasa chõ ã nde: Emo nda ñeemombo mombo quia mbia je turúquiaa.

“Ñeenda nandererecu mbaerã jem-buquiche.

Jëingo quiatu nandererecu tu nonde.

⁵ Ñeenda jembuturã turã nandererecu mbaerã.

Ibi cuaacua jembato mbato.

Ibi ati ati jësimiambo ambo.

Ñeenda chaa chaa jëneengo.

Ibi rashí ndashí jëiti iti.

⁶ ‘Mbia mingo beisa’, i ja ra mbia ñee Dios je cote’, i ra emo nguia turúquiaa,

i que Isaías embesa cose ra.

⁷ Mbia que nyoi nyoi ja quia Juan ndea ra. Juan bautizar i sacua ee. Juan ngue ñee ee ra. —Mbei rá ño jëingo nguia. Mbae icua nda jëi jëi mbia je, ¿Ûqui si jenyu quia seje co re?

⁸ Jë mbae icua ndecha mose Dios je, mbae turã jësaã saã mbei quia ee cote. “Abraham ndiirí nducucha chõ nande re. Nyebe ra Dios nandemingo bei” jenyechí nda jë! Dios Abraham ndiirí nducucha chao arondete raque sita je.

⁹ Ira rá si chõ mbia re. Sã ira mo ia eã no. Sã ea eã maña ño no. Sã eréi chõ no. Eí serí serí ño Dios mbia je, mbia mbae turã naa eã mose, i que Juan ñee mbia je ra.

¹⁰ —¿Mbae rese ra ureico Dios je re? i que mbia Juan je ra.

¹¹ Juan ngue ñee ee ra. —Ndeirao nyeremo mose, enongue emondo eirao eã je.

Ndechurã mose, emo emondo mbae cha reã je, i que Juan mbia mbaaquiato quiatu ra.

¹² Impuestos isi isiquia mo abe que nyoi Juan je ra. Juan bautizar i sacua ee. —¿Mbae rese ra ureico ure re? i que ñee Juan je ra.

¹³ —¡Mbae ra jembatachí jë! ¡Cobrar jenyeturã ño jë! Jëicua quiatu chõ, i que Juan ee ra.

¹⁴ Soldados mo abe que ñee Juan je ra. —¿Mbae rese ra ureico ure re no? i que soldados ñee Juan je ra. Juan ngue ñee ee ra. —¡Mbia mbae ra jëisi chooñochí jë! “Co que mbae icua saã nda” jenyeturã chooñochí nda emo je jë! Jembae ae chõ jendeco, i que Juan ñee soldados je ra.

¹⁵ Mbia que mae quiatu quiatu quia Juan ndese ra. —Cristo chõ co reae, i raque mae quiatu quiatu erese.

¹⁶ Juan ngue ñee mbia jaje ra. —I achõ je chõ aico nguia bautizar i mbia je co. Co chí emo ndu quia serui co. Ae quia equirãcuã tuchi sesi re. Ae quia eturã tuchi sesi re. Ae quia ra bautizar i mbia je Espíritu Turã je. Mbia chiã mbitirõ sacua. Sã tata riqui mbae mbitirõ no.

¹⁷ Ae ra mbia umbae mii icúe. Eturã achõ ño embae re. Ae embae eã nae, Ûqui nda esei cote. Ûqui ndeisa ra ua eã mbei tata. Sã mbia quiata a chiqui chiqui no. Sã ea mii icúe no. Sã echuruique mombo táta no, i que Juan ñee mbia je ra.

¹⁸ Eí ngue Juan nguia Dios cheë turã nenei nenei mbia je ra. Mbia mbaaquiato tuchi.

¹⁹ Ererecu Herodes je que Juan ñee nyee ra. Felipe ninisi rese siqui mose. —¿Mbaerã ereico ndenongue ninisi rese re? i que Juan ererecu je ra. —Mbae icua eresaã saã ja techí nguia re, i tuchi que Juan ee ra.

²⁰ Ererecu que Juan ñee mumba bei chõ nda. Ererecu que Juan tarõ nyee cárcel nda.

Juan bautizar i Jesús je

²¹ Juan bautizar i mose mbia jaje, Jesús je abe que bautizar i ra. Jesús que ñee ñee nguia ngu je ra. Ibei que obo ee ra.

²² Espíritu Turã ño nguichi checu erese. Nyurusi rá ño nguichi checu erese. Ibatenda que ñee ee ra. —Serirí ño nde re. Sechesequa chõ nde re. Seyate nderese, i que Ibatenda Jesús je ra.

Mbia ñiinda Jesús i

²³ Jesús treinta años mose que mbia mbaaquiato quiatu ramo nda. —José riri, i ja que mbia Jesús je ra. Eli riri nguia José re.

²⁴ Elí rei Matat ndiirí. Matat ndei Leví riri. Leví rei Melqui riri. Melqui rei Jana ndiirí. Jana ndei José riri.

²⁵ José rei Matatías riiṛi. Matatías rei Amós ndiiṛi. Amós ndei Nahum ndiiṛi. Nahum ndei Esli riiṛi. Esli rei Nagai riiṛi.

²⁶ Nagai rei Maat ndiiṛi. Maat ndei Matatías riiṛi. Matatías rei Semei ndiiṛi. Semei ndei José riiṛi. José rei Judá riiṛi.

²⁷ Judá rei Joana ndiiṛi. Joana ndei Resa riiṛi. Resa rei Zorobabel riiṛi. Zorobabel rei Salatiel riiṛi. Salatiel rei Neri riiṛi.

²⁸ Neri rei Melqui riiṛi. Melqui rei Adi riiṛi. Adi rei Cosam ndiiṛi. Cosam ndei Elmodam ndiiṛi. Elmodam ndei Er riiṛi.

²⁹ Er rei Josué riiṛi. Josué rei Eliezer riiṛi. Eliezer rei Jorim ndiiṛi. Jorim ndei Matat riiṛi.

³⁰ Matat rei Leví riiṛi. Leví rei Simeón ndiiṛi. Simeón ndei Judá riiṛi. Judá rei José riiṛi. José rei Jonán ndiiṛi. Jonán ndei Eliaquim ndiiṛi.

³¹ Eliaquim ndei Melea riiṛi. Melea rei Mainán ndiiṛi. Mainán ndei Matata riiṛi. Matata rei Natán ndiiṛi.

³² Natán ndei David riiṛi. David rei Isaí riiṛi. Isaí rei Obed riiṛi. Obed rei Booz riiṛi. Booz rei Salmón ndiiṛi. Salmón ndei Naasón ndiiṛi.

³³ Naasón ndei Aminadab riiṛi. Aminadab rei Aram ndiiṛi. Aram ndei Esrom ndiiṛi. Esrom ndei Fares riiṛi. Fares rei Judá riiṛi.

³⁴ Judá rei Jacob riiṛi. Jacob rei Isaac riiṛi. Isaac rei Abraham ndiiṛi. Abraham ndei Taré riiṛi. Taré rei Nacor riiṛi.

³⁵ Nacor rei Serug riiṛi. Serug rei Ragau riiṛi. Ragau rei Peleg riiṛi. Peleg rei Heber riiṛi. Heber rei Sala riiṛi.

³⁶ Sala rei Cainán ndiiṛi. Cainán ndei Arfaxad riiṛi. Arfaxad rei Sem ndiiṛi. Sem ndei Noé riiṛi. Noé rei Lamec ndiiṛi.

³⁷ Lamec ndei Matusalén ndiiṛi. Matusalén ndei Enoc ndiiṛi. Enoc ndei Jared riiṛi. Jared rei Mahalaleel riiṛi. Mahalaleel rei Cainán ndiiṛi.

³⁸ Cainán ndei Enós ndiiṛi. Enós ndei Set riiṛi. Set rei Adán ndiiṛi. Adán ndei Dios riiṛi.

4

Satanás tã i Jesús je

¹ Jesús que nyebi Ama Jordán si ra. Espíritu Turã ngue siqui tuchi quia erese ra. Turúquiaa que Espíritu Turã Jesús rerao ra.

² Huee que eriqui arete ra. Cuarenta días. Mbae mo ngue eu eã mbei aque mose ra. Eriãcuãte que cote ra. —Tã tae rã Jesús je. Ma Jesús mbae icuã naa, i rei que diablo Jesús riiṛi nda.

³ —Nde Dios riiṛi mose, mbichae esaã co sita je no, i rei que diablo Jesús je ra.

⁴ Jesús que ñee ee ra. —Tei. Eĩ ngue embesa ji ñee nda: “Mbia chiú achõ nda mbia mingo eã. Dios cheẽ nguia ra mbia

mingo nguia”, i que embesa ji ra, i que Jesús diablo je ra.

⁵ Aquere que diablo Jesús rerao ibi ibate mo nda. Ibate tuchi. Diablo que ibi teacuquia ja Jesús je ra. Ishonda abe reacuquia ja ee. Aque mose bei que ereacuquia ja ee ra.

⁶⁻⁷ Diablo que ñee Jesús je ra. —Sembae ja chõ ibi re. Se emondose mose emo je, amondo ra ee. Tamondo tuchi ndeje. Mbia ja rerecuarã nda aremii. Ndeico mose serese, tamondo ja ndeje. Serimbarã mose nde, tamondo ja ndeje no, i rei que diablo ñee Jesús je ra.

⁸ Jesús que ñee diablo je ra. —Quiatúae sesi ae, Satanás. ¿Mañi nda nderimba se re? “Dios ae rese chõ jẽingo”, i que embesa ji ñee ndesẽ, i que Jesús diablo je ra.

⁹ Aquere que diablo Jesús rerao Jerusalén nda. Querao que suruchi ibate Dios chuchua arõ nda. Ibate tuchi echuchua. —Nde Dios riiṛi mose, eo oso ibii. Dios ra ndereaquiatu. Eremanoã nda oso ngoi.

¹⁰ Sã embesa ji riqui ñee no: Dios ra ángeles mondo ndereaquiatu sacua.

¹¹ Oje ra ndeisi. Nembuquichi mingue rae.

Sita ra cua iã ndei je, i que embesa ji ra, i rei que diablo Jesús je ra.

¹² Jesús que ñee diablo je ra. —Sã embesa ji ñee no: “‘Ma Dios sereaquiatu. Tã tae ee no’, jenyechi nda Dios je”, i ñi Dios cheẽ nde, i que Jesús ñee diablo je ra.

¹³ Diablo Jesús mbiãcuã aronea mose, secha chee que oso ra. —Emo mose jiri ra tã aebe ndeje jẽ, i rei que uchiangui re ra.

Jesús mbia mbaaquiatu quiatu ramo

¹⁴ Jesús que oso nyebi Galiléaa cote ra. Espíritu Turã quirãcuã ngue siqui tuchi quia erese ra. Mbia hue jenda ja que jirandu ja tuchi quia erese ra.

¹⁵ Judíos chumunuásaa que Jesús riqui mbia mbaaquiatu quiatu ra. Mbia que ñee turã ja quia erẽi nda.

Nazaret jenda Jesús isiteã

¹⁶ Jesús que ngasẽ Nazaret cote ra. Hue rei etiarõsa hue. Sábado mose que esi judíos chumunuásaa ra. Sábado mose bei que eriqui oso oso huee ra. Juã ngue embesa ji renei nonde mbia je ra.

¹⁷ Mbia que Isaías chimbesea mondo Jesús oo ra. Isaías chimbesea que equia cote ra. ã embesa ji que esaã saã mbia je ra:

¹⁸ Espíritu Turã ndiqui tuchi serese co.

Dios que sererecúe ra.

Echeẽ turã nenei nenei sacua mbaecha reã je.

Etarõi mbusẽ sacua ño ngue Dios sererecúe ra.

Eresayã ndesa ira sacua ño ngue sererecúe no nda.

Ae je ererecua icuâte riqui nae, ũquí mbusê sacuã ño ngue Dios sererecúe nguia no.

19 Mbia je ñee ñee sacuã ngue Dios sererecúe no nda.

“Namo ño Dios turã ndiqui nguia”, i sacuã mbia je,

i que Jesús embesa ji mbuchecua mbia je ra.

20 Jesús que embesa ji mumbi cote ra. Mondo que emo oo cote ra. Ngoi que cote ra. Mbia que mae mbei quia erese ra.

21 Jesús que ñee mbia je ra. —Embesa ji que ambuchecua jêje namo, aque io quia jêje a cote, i que Jesús mbia je ra.

22 Mbia que ñee turã ja quia Jesús riñ nda. —Jesús cheê turã tuchi quia eriqui re, i ja tuchi que mbia nyuruira ra. —¿José ririñ ño co re? i que mbia quia ee ra.

23 Jesús que ñee mbia je ra. —“Mbia mae sayã ngue eresaã saã Capernaum nae, ũquí mo esaã aa ndechuchúaa no”, jenyê arôte seje sechuchúaa.

24 Tacheê nyecua rá jêje. Dios cheê mbuchecuasa ishonda cheê nguia ra mbia isi turã mbei quia. Nguécua jenda cheê nguia ra eisi turã eã.

25 Tacheê nyecua rá jêje. Elías reco mose íbii, ama ngue nyaaquia mbei ra. Tres años ndobei. Mbia riãcuã ja que aque mose ra. Eru cheecha tubiriãte que chi rei hue Israel jenda ra.

26 “Ūquí eru cheecha mo je mbae echao turã”, i ãte que Dios quia Elías je ra. “Sarepta jenda je quia mbae echao eru cheecha je”, i quiatu que Dios ee ra. Judío eã je quiatu que Dios Elías mondo ra.

27 Eliseo reco mose íbii, leprosos tubiriãte que chi rei hue Israel jenda ra. Eliseo que hue jenda mo mbucherõa no nda. Ishonda mo nguia que embucherõ Siria jenda ra. Naamán, i que ee ra, i que Jesús ñee mbia je ra.

28 Judíos chumunuasa que Jesús riqui ñee mbia je ra. Mbia Jesús cheê andu mose que paama i ee ra.

29 Mbia paama i je que Jesús mombo sucha tubiriã si ra. Sita ibate que sucha tubiriãte ra. Sita rimia mbucu que mbia Jesús rerao rei ra. Hue si nda emombo nguia ña.

30 Jesús que oso chee mbia tubiriã ite re si ra.

Jesús aba checuayã icuã jea amei mo si

31 Jesús que oso Capernaum cote ra. Sucha tubiriã mo. Galilea jenda. Sábado mose que mbia mbaaquiato quiatu ra.

32 Ererecua rá ño ngue Jesús riqui mbia mbaaquiato quiatu ra. Nyebe mbia riqui nguia nyuruira tuchi echeê andu.

33 Huee que amei mo ndiqui mbia chumunuásaa ra. Aba checuayã icuã nyireco rei ae. Aque que ñee asite Jesús je ra.

34 —¿Mbaerã erachu quia urerea co re, Jesús? Quiatúae urerecha ae. ¿Urericharã ño erachu quia co re? Dios rucucha chõ nde re. Areicuate se, i rei que aba checuayã icuã Jesús je ra.

35 Jesús que ñee ee ra. —Equiriri chõ jê. Esê oso amei ñiangui si, i que Jesús ee ra. Jesús cheê mose que aba checuayã amei mombo íbii ra. Mbia tubiriãsaa. Usê ngue u amei mbasiã cote ra.

36 Mbia tuririã ngue nyuruira ja u erea ra. —Jesús quirãcuã ae ñee nguia. Mbia rerecua rá ño eriqui nguia ñee aba checuayã icuã je. ¿Sã aba checuayã echeê mumbayã jê! i tuchi que mbia nyuruira erea ra.

37 Mbia que ñimbirandu randu ja Jesús rese ra. Erurubinda jenda abe jirandu ja erese.

Jesús Simón ninisi si mbucherõ

38 Jesús que usê mbia chumunuasa si cote ra. Oso que ique Simón nyuchua cote ra. I que Simón nyari rasi u ee ra. Eracu tuchi que ee ra. —Embucherõ na, i tuchi que mbia Jesús je ra.

39 Jesús que oso nyibi earõ nda. Ñee ngue eracu je ra. —Etiba, i que ee ra. Eracu que hui esi Jesús cheê nguire ra. Ari que juã cote ra. Mbae que echao chao mbia chiurã cote ra.

Jesús mbia rasi chumumbara mbucherõ

40 Tenda irei mose que mbia nguesenda rasi rurucuaê cuaê ja Jesús je ra. Erasi chumumbara tuchi que ra. Jesús que o chono ñono ja erasi arõ embucherõ cherõ ja ra.

41 Aba checuayã icuã ngue usê usê nguia mbia si Jesús cheê mose cote ra. —Nde rei Cristo Dios ririñ, i que usê usê mbia si ra. —¡Jêñee eã ño jê! i tuchi que Jesús quia aba checuayã icuã je ra. Ūquí ngue Cristo icua chõ nda.

Jesús mbia Galilea jenda mbuchesea sea

42 Nyaashĩ namo mose que Jesús si turuquia a. ra. —Se ae taico mbiri na, i rei que ra. Mbia que nyoí erui erea chee ra. —¡Eresochĩ nda urerecha jê! Ure rese bei chõ eico, i rei que mbia ñee Jesús je ra.

43 Jesús que ñee ee ra. —Dios cheê tasenei senei pe quitinda je abe. Nyebe sembu nguia, i que Jesús ra.

44 Jesús que mbia mbuchesea sea quia Galilea jenda ra. Dios cheê nenei nenei judíos chumunuásaa.

5

Jesús sira tubiriã mbua uquia mbia je

1 Emo mose que Jesús riqui ama ndisha rimia ndese ra. Genesaret, i que ama ndisha aque je ra. Mbia cuabê ngue ngaê ee huee ra. Dios cheê anduse rete que ra. Nyebe mbia tubiriã Jesús mumbi i i tuchi nguia.

² Canoa nyeremo abe que chi hue erimia ndese ra. Eoreã ja que ra. Echa que chi sira mbuasa irei irei ra.

³ Jesús que ua canoa nongue ye ra. Simón mbae que aque canoa nda. —Ama nimia ndecha jiri sererao mingo, i que Jesús Simón je ra. Canoa ye que Jesús ñi erimia ndesenda mbaaquiату quiату ra.

⁴ Mbia mbaaquiату jare que ñee Simón je ra. —Eriquirasa ri canoa jendao. Huee tarafa jemondo ii. Sira mbuasa jemondo ii, i que Jesús ee ra.

⁵ Simón ngue ñee ee ra. —Nyaashí nyee que ureico rei embuasa rerequia isa ra. Emo ngue uresiroã mbei ra, Sererecua. Ma ndecheende tasaambe no, i que Simón Jesús je ra.

⁶ Mbia que tarafa mondo ii cote ra. Sira tubiriã mbua nonde. Tarafa soro serí sira usi je.

⁷ Nyueru eru que canoa nongue yenda je ra. —Sira usite ure je. Jenyu rá. Nandembua ja rá canoa ye, i que canoa nongue yenda je ñee nda. Canoa nyeremo puk i ja sira je. Aete ñiimi sira usi je.

⁸ Sira tubiriãchí sira eande nyii. Nyebe Simón Pedro nyuruira tuchi nguiã mae Jesús chimondo rese. Ngoi que nguiã ndese ñee ee ra. —Seicuãte aico co, Sererecua. Serecha rei se ae, i rei que Simón Pedro ñee Jesús je ra.

⁹ Echiã nguia cuaãcuã i tare nguiã. Eresenda abe chiã cuaãcuã i ja. Sira tubiriã nde. Sira mbua eande nyii.

¹⁰ Zebedeo riirí abe que chi ja Simón ndese huee ra. Jacobo, i que enongue je ra. Juan, i que enongue je no nda. Ūqui chiã abe que cuaãcuã i ra. Jesús que ñee Simón je ra. —Eresiquichechí nda jê! Sira rese ra ereicoã cote. Mbia ra ereru reru bei quia seje cote, i que Jesús ee ra.

¹¹ Canoa yenda ngasê mose ama nimíaa, umbae que esecha ja nyoí bei nonde Jesús rese cote ra.

Jesús mbia leproso mbucherõ

¹² Jesús que siqui tuchia mo nda. Hee que emo ndasi riqui ee ra. Leproso. Jesús rese mae mose que ngoi nguiã ndese ee ra. Nyibi que ñee Jesús je ra. —Sererecua, nde sembucherõse mose, sembucherõ se, i que leproso ñee Jesús je ra.

¹³ Jesús que oco erese ra. —Echerõ cote, i que ee ra. Echeê mosebe que nyerõ nda.

¹⁴ Jesús que ñee ee ra. —jErechechí nda mbia mo je jê! Eso nderasiã ndeacuquia sacerdote je cote. Moisés cheê ndui si mbae mo emondo Dios je. Eí nda mbia jirandu nderasiã ndese cote, i que Jesús ñee ee ra.

¹⁵ Mbia que ñimbiirandu i i tuchi quia Jesús rese ra. Ngaê ngaê ja que equia echeê andu

ra. Umbucherõ cherõ sacua abe que eriqui ngaê ngaê erea ra.

¹⁶ Jesús que oso oso quia mbia tiãmbaa ra. Ñee ñee Dios je.

Jesús emi sayã mo mbucherõ

¹⁷ Emo mose que Jesús riqui mbia mbaaquiату quiату ra. Huee que fariseos mo nyi echeê andu andu ra. Embesasa abe que chi ra. Galilea jenda chõ ūqui nde. Judea jenda abe no. Jerusalén jenda abe no. Huee que echi ja Jesús cheê andu ra. Dios quirãcuã ngue siqui tuchi Jesús rese ra. Erasi mbucherõ cherõ sacua.

¹⁸ Mbia que erasi mo curucuaê quisa ye ra. Emi sayã ngue ae ra. —Nandemingue serao Jesús je, i rei que ra.

¹⁹ Tuchua mbaranguiatuãte que ee ra. Mbia tubiriã ngue tuchia mbiitãya ee ra. Nyebe erasi ruruchoi nguiã sui tuchia arõ. Tei que endoro ra. Erasi que embuquichi imbu quisa ye Jesús rimbe ra. Mbia ite rí.

²⁰ —Ererucuaêsa riqui seicua ūqui, i que Jesús ñee uchiangui re ra. Nyebe ñee nguiã emi sayã je. —Ndechisaã mbae icuã ambutiã nguiã ndesi co, i que Jesús ee ra.

²¹ Fariseos que ñee ñee nyue ra. Embesasa rese. —Jesús ñee icuã ñochí nguiã Dios rí co. Dios ibatenda ae mbia chiao icuã mbutiã nguiã esi. Jesús aquiatuã ño ñene, i rei que eu ñee ñee nda.

²² Jesús que ūqui ndua icuã icuate ra. Nyebe ñee nguiã ee cote. —¿Mbaerã jëingo ndua icuã nde?

²³ ¿Ma mbaranguiatuã eã jiri jêje re? ¿Mbia icuã mbutiã ere? ¿Mbia rasi mbucherõ ere no? ¿Ma mbaranguiatuã eã jiri ūqui jêje re?

²⁴ Dios riirí ndei se. Mbia chiao icuã mbutiã aquiату chõ se re. Sequirãcuã tateacuquia jêje, i que Jesús ñee ee ra. Ñee ngue erasi je cote ra. —Ehuã na. Ndechuchua eso cote. Ndequisa abe erao, i que Jesús emi sayã je ra.

²⁵ Jesús cheê ndurucha reã ngue emi sayã juã nda. Mbia que mae ja tuchi u erese ra. Uquisa abe que equerao ra. Eya tuchi que oso uchuchúaa ra. Ñee ñee turã ngue equia Dios rí nda.

²⁶ Mbia que nyuruira ja u mae emi sayã ngata rese ra. —Emi sayãte rei nyii. Ngata chõchí cote, i ja que mbia u mae nguiatu erese ra. Mbia ñee turã ja Dios rí cote.

Serui bei eico, i Jesús Leví je

²⁷ Leví, i que emo je ra. Ae que impuestos isi isi bei quia ererecua mbaerã nda. Jesús que ngasê ee emo mose ra. Huee que eñi ngoi plata isi isi ra. —Serui bei eico, i que Jesús ñee ee ra.

²⁸ Ae Leví juã oso nguiã Jesús rui. Mbae rechã ja umbae.

²⁹ Leví que fiesta saã tuchi Jesús je ra. Embuquiaru turã sacua uchuchua. Impuestos isi isiquia ata que chi quiaru erese huee ra. Mbiamo abe que chi no nda.

³⁰ Fariseos que ñee icuãte Jesús chimbaaquiato je ra. Embesasa rese ñee icuã ee. —¿Mbaerã jëingo quiaru impuestos isi isiquia rese re? Mbia icuã ndese abe jëingochi nguiã quiaru, i que ñee nda.

³¹ Jesús que ñee ee ra. —Sã mbia rasiã ndiqui aba mbucherõsa requia eãte no. Sã erasi chõ ndiqui erequia no.

³² “Jenyu seje”, aeã ngue u nguiã mbia turã je. Mbia icuã je chõ ngue achu nguiã “jenyu seje” i. “Jëicuã si jëhui”, ae chõ ngue u nguiã eicuã je, i que Jesús ee ra.

Jesús chimbaaquiato hui ãte uchii si

³³ Mbia que ñee Jesús je ra. — Juanñimbaaquiato hui hui uchii si. Ñee nonde Dios je. Fariseos chimbaaquiato abe hui hui uchii si no. ¿Mbaerã ndechimbaaquiato riqui hui ãte uchii si re? i que mbia Jesús je ra.

³⁴ Jesús que ñee ee ra. —Sã emo ngüinisirã isi ramo mose no. Sã eresenda iate riqui quiaru erese no. Sã hui aroneate uchii si aque mose no.

³⁵ Sã eru riqui mano emo mose no. Aque mose quia ra equiato hui uchii si cote, i que Jesús ñee ee ra.

³⁶ Jesús que ejemplo saã mbia je ra. —Sã emo ndiqui tiru yasu mii aroneate tiru ima sorei rese no. Ûqui mose eicuãte cote. Eyasu ra quiata chõ esi.

³⁷ Sã emo eri rasi ramo nderecoquiato eã eriru ima ye no. Mbae ire ima ye erecoquiato aronea. Eri rasi ra ñimatã ño mbae ire ndoro. Eri ra uchë ja. Mbae ire abe mbicuãte ra cote.

³⁸ Eri yasu quia nda equerecoquiato nguiã mbae ire yasu ye. Soroã sacua.

³⁹ Emo eri ima mbei mose, eyasu ra embei sereã cote. “Eima ño eturã nde”, i chõ nguiã cote. Nyebe mbia riqui nguiã secheë yasu isi sereãte, i que Jesús ñee mbia je ra.

3

Jesús chimbaaquiato mbae a ishao shao sábadu mose

¹ Sábado mo mose que Jesús si quia mbiaco ite rĩ nda. Uchimbaaquiato rese. Echimbaaquiato que quiata a ucua mii mii nyo i quia ecuã mose ra. Equiti quitire oo je que echoi quia eachãaña cote ra.

² Fariseos mo ngue ñee ee ra. —¿Mbaerã jëingo mbae ishao shao sábadu mose re? Co mose chõ mbia uquenea ucua resë, i que fariseos ee ra.

³ Jesús que ñee ee ra. —¿Embasa ji rese jema eã David rii nde? David riãcuãe que

aque mose ra. Eresenda abe riãcuã ngue aque mose ra.

⁴ David que ique Dios chuchúaa ra. Mbichae Dios chuchua jenda que eu ra. Mee mee ngue nguesenda je ra. Eriãcuãte quia ñene. Sacerdote achõ mbaerã ndaque mbichae.

⁵ Sábado rerecua bei chõ se re, i que Jesús ñee fariseos je ra.

Jesús eo tomei mo mbucherõ

⁶ Sábado nongue mose que Jesús si judíos chumunuasa ra. Mbia que embaaquiato quiato huee ra. Huee que eo tomei mo ndiqui ee ra. Equiato cutinda tomei ngue ra.

⁷ Fariseos que mae nguiato quia Jesús rese ra. Embesasa abe que mae nguiato quia erese ra. —Mañi nda Jesús quia eo tomei je reae. Co sábadu mose reae. Sã embucherõ jë. Nandechë icuã nda ee chã jë, i que u mae nguiato Jesús rese ra.

⁸ Ûqui ndua icuã ngue Jesús icua ra. Ñee ngue eo tomei je cote ra. —Ehuã na u mbia ite rĩ, i que Jesús ee ra. Eo tomei ngue juã uã cote ra.

⁹ Jesús que ñee mbia je ra. —¿Mbae eturãte jëje co tenda mose re? Sábado mose bei. ¿Coche mbae turã naa naa sábadu mose re? ¿Coche mbae icuã naa naa co mose re no? ¿Coche mbia mbucherõ co mose re no? ¿Coche mbia iquia co mose re no? i que Jesús ñee mbia ja je ra.

¹⁰ Jesús que mae mbia ja rese cote ra. — Echomee secuti, i que eo tomei je cote ra. Eo tomei ngue ñomee Jesús cheë mose ra. Aque mosechi que eo nyerõ cote ra.

¹¹ Nyebe fariseos paama i tuchi nguiã Jesús je. Sábado mose mbia mbucherõ mose. —¿Mañi nande ra Jesús je re? Nandequia chõ nda reae, i tuchi que eu ñee nyue ra.

Jesús mbia doce irabo uchimbaaquiaturã

¹² Jesús que oso mbia tiãmbaa ra. Sita ibátee. Huee que eñi ñee mbei Dios je nyaashĩ nyee ra.

¹³ Nyaashĩ mose que uchimbaaquiato munua ja cote ra. Ûqui doce mo ngue eirabo ra. —Sechimondo sacua jë. Jaemondo ra secheë neni neni sacua mbia je, i que Ûqui doce je ra.

¹⁴ A mbia que eirabo ra:

Simón (Pedro, i abe que ee ra.)

Andrés (Simón nongue rei ae.)

Jacobo

Juan

Felipe

Bartolomé

¹⁵ Mateo

Tomás

Jacobo (Alfeo riri ndei ae.)

Simón el Cananista

¹⁶ Judas (Jacobo nongue rei ae.)

Judas Iscariote (Aque que Jesús mondo mbia icuã je ra.)
 Ūqui ja que Jesús irabo ra.

Jesús mbia tubiriã mbaaquiutu

¹⁷ Jesús que nguichi u sita si cote ra. Uchimbaaquiutu rese. Ibi túraã ngue ecuaẽ ngasẽ cote ra. Mbia tubiriãte abe que chi huee ra. Judea jenda. Jerusalén jenda abe no. Tiro jenda abe no. Sidón jenda abe no. Ama nimia jenda rei ūqui. Ūqui ngue ngaẽ nyiisaquia Jesús cheẽ ndese ra. Jesús embucherõ abe sacua ngue ecuaẽ nda.

¹⁸ Ae rese aba checuarã icuã ndiqui nae, ūqui abe que Jesús mbucherõ nda.

¹⁹ Jesús quiracuã ngue mbia mbucherõ ja quia ra. Nyebe mbia riqui nguiã ocose ja Jesús rese.

Ae eyate riqui

²⁰ Jesús que mae uchimbaaquiutu rese ñee nonde ee ra. —Jeyate riqui ã. Jẽ mbaecha reã ndaque. Dios quiatu ra jendecuarã tuchi cote.

²¹ Jẽyate riqui ã. Jeniãcuã ndaque. Jendio rete ra cote. Jẽyate riqui ã. Jenyeseo seo raque. Jẽiquia iquia ra emo mose cote.

²² Mbia jemo ucuãyã mose, jemo mombo mose, ñee icuã mose jẽje serii, jẽyate jẽingo ūqui.

²³ Jeñimbia tuchi chõ aque mose. Mbia icuã mose jẽje. Dios quia ra mbae turã mondo jẽje ibate. Mbia icuande jẽje nyii. Eĩ si que mbia icuã nguia Dios rimba ñiinda je no nda.

Ae aba mbia eãte quia

²⁴ Aba mbia eã tuchichĩ jẽ, Mbaecha. Mbae icuã nda tu jẽje. Jẽyare nyii.

²⁵ Aba mbia eã tuchichĩ jẽ, quiaru tuchi je. Jeniãcuã tuchi ra cote. Aba mbia eã tuchichĩ jẽ, iquia iquia je. Jenyeseo ra cote.

²⁶ Aba mbia eã tuchichĩ jẽ mbia ñee turã mbei mose jeni. Eĩ si rei que equia ñee turã turã dios abareã nimba je cose ra.

Jẽingo turã ño nguia jẽucuãyãsa je

²⁷ Aico ñee jẽje a. Ae eicuãte riqui jẽje, ūqui ndese jenyeseuca chõ. Jẽingo turã ño nguia jẽucuãyãsa je.

²⁸ Emo ñee icuã mose jeje, jeñee turã ño ee. Jeñee turã ño Dios je erii.

²⁹ Emo ucua mose jenditii rese, “tasaã se abe”, jenyechĩ ndae. Jenditii ribisho abe jẽteacuquia ee. Emo jẽirao rirõ mose jẽsi, jẽirao nongue abe rese jengueteã eã ño ee.

³⁰ Emo ache ache i mose jẽje, jemondo chõ ee. Emo jembae reraochõ mose, “emondobe seje”, jenyechĩ nda ee.

³¹ Sã jẽyate riqui mbia siqui turã mose jẽje no. Eĩ jenyee si chõ nguia siqui turã mbia je no.

³² Ae eicuãte riqui jẽje nae, ūqui ndese jenyeseuca chõ. Ae nyeseuca quia jendese nae, ūqui mii ndese jenyeseuca mose, eicuãte ūqui. Mbia ja rese quiatu jenyeseuca.

³³ Jẽingo turã nguiatu quia mbia ja rese. Ae eturã ndiqui jẽje, ūqui mii ndese jẽingo turã mose, eicuãte ūqui. Jesús quiatoã abe chee siqui turã uquiato je.

³⁴ Emo prestar i mose jembae je, jemondo chõ ee. Ae mbae mondo aroneate eribishorõ nae, jemondo bei chõ ee. “Cobrar tae ee”, jenyechĩ ndae. Jesús quiatoã abe chee mbae mondo eribishorõsa je. “Mbae mo nda emondobe seje”, i.

³⁵ Eĩ jenyechĩ nda jẽ abe. “Mbae mo nda emondobe seje chã” jenyechĩ nda jẽ abe jẽ! Jemondochõ ño ee. Ae eicuãte riqui jẽje, ūqui ndese jenyeseuca chõ. Ūqui mose ra Dios mbae mee tuchi jẽje. Dios rã tuchi ra jẽ cote. Dios ia eãte quia eriqui nguiã eicuã ndese. Dios turãte quia eicuã je re. Eicuã ñee turã eã ndaque ee.

³⁶ Jẽyayã ño mbia rese. Sã Dios abe eya eãte nanderese no.

“Eicuãte que co ra”, jenyechĩ nda emo nii

³⁷ “Co que eicuãte ra”, jenyechĩ nda emo nii. “Jẽicuãte”, iã nda Dios jẽje chã. ¡Condenar jenyechĩ nda emo je jẽ! Dios nda condenar iã jẽje chã. Emo icuã mose jẽje, jẽtesarei chõ eicuã si. Dios nda tesarei jẽicuã si no ña.

³⁸ Mbae jemee mee ño mbia je. Dios quia ra mbae mee tuchi jẽje cote. Mee turã nda jẽje. Eñetẽ nda emee eã jẽje. Embisẽ ño nda emee jẽje. Jẽ embisẽ mee mose emo je, Dios ra embisẽ mee jẽje no, i que Jesús mbia mbaaquiutu quiatu ra.

³⁹ Jesús que ejemplo saã mbia je ra. —Sã eresayã ja nyiruchoi aronea no. Ngoi ja chõ nda ehoi ibicua rie.

⁴⁰ Embaaquiatusa quiarei earacua tuchi uchimbaaquiutu si. Embaaquiutu ja ji mose, earacua tuchi cote. Umbaaquiatusa rã si cote.

⁴¹ ¿Mbaerã nda “eicuã” jenyee emo je re? Jẽ jẽicuã tuchi mose esi. “Mbae ñetẽ ndiqui nderesaa aque”, jenyechĩ nda emo je. Mbae cuasu siqui mose jendésaa jẽ quiatu.

⁴² “Mbae turã ndese chõ jẽingo”, jenyechĩ nda jẽingo icuã mose jẽ. Jẽturã nda jẽsaã ñooñochĩ jẽ. “Mbae ñetẽ tasirõ nderesa si”, jenyechĩ nda mbae cuasu siqui mose jendésaa jẽ. Jẽ nane nguia jẽturã ndiqui. Aquere quiatu jeñee emo jingo turã cote.

Sã ira ae ia ae ae no

⁴³ Ira turã mose, ea abe turã ndae. Ira icuã mose, ea abe icuã ño nda eno.

⁴⁴ Sã ira ae ea ae ae no. Higo a rã eã nda nyu a no. Ea ae eno nde. Uva a rã eã nda isio rashĩ a no. Ea ae eno nde.

⁴⁵ Eí sí chõ mbia no nde. Mbia turã nda ñee turã. Echiangui renda quia eturãte re. Nyebe eriqui nguiã ñee turã. Mbia icuã nda ñee icuã no. Echiangui renda quia eicuãte riqui nguiã. Nyebe eriqui nguiã ñee icuã. Nandechuru achõ ñee eã nguiã. Nandechiangui renda quia ñee nguiã.

Tuchua nyeremo

⁴⁶ “Sererecua” jenye chõchí seje secheë mumba mumbare.

⁴⁷ Ae siqui serese secheë mumbayã nae, eturã tuchi chõ ñqui nde.

⁴⁸ Sã emo uchucharã ao no. Sã ibi ribicoi tuchi no. Sita je ngasë nyee. Sita arõ tuchia ao cote. Nyebe echuchua ãtãte riqui nguiã. Ama ndicuasú mose, iãcuã irãtã ndaque echuchua ite rí. Tuchua mbuquiata aroneate iãcuã irãtãte raque. Sita arõ nguia ngue uchuchua ao nguiã. Eí sí chõ secheë mumbasa reã nde. Tuchua ãtã aosa rã sí.

⁴⁹ Sã emo uchucharã ao no. Aque quiarei ibi ribicoi tuchiã. Ibi arõchi chõ uchuchua ao nguiã. Iãcuã ngasë mose aque chuchua, mbucoi asi que mondo ra. Eí sí chõ secheë mumbasa re. Ae uchuchua saã ibi arõchi nae, aque rã sí chõ ñene, i que Jesús ra.

7

Jesús soldados rerecua rimba mbucherõ

¹ Jesús cheë ngue tiba mbia je cote ra. Oso que Capernaum cote ra.

² Soldados rerecua mo ngue siqui hue ra. Capitán ngue ae ra. Roma jenda que ae ra. Aque rimba rasi que chí hue erese ra. Ebite que erimba ra. Erimba rasi tuchi. Mano seríte que equia ee ra.

³ Capitán ngue jirandu Jesús rese cote ra. Ñee ngue judíos ramei je ra. —“Echu serimba mbucherõ”, i que capitán ñee nde je ra”, jenye oso Jesús je, i que capitán nda.

⁴ Judíos ramei ngue ngasë Jesús je ra. —Capitán nimba embucherõ na oso ee. Capitán turãte quiatu ngue eriqui nguiã ure je.

⁵ Nandequiato turã tuchi que aque ra. Judíos quiato ja. Urechumunua nua sacua ngue ae chao tuchia ra, i que amei ñee Jesús je ra.

⁶ Jesús que oso amei ndese ra. Capitán nyuchua rurubi mose que capitán uquiato mo mondo Jesús robeishí nda. —Seicuãte se, Jesús. Sechuchua ra ereiquechí.

⁷ Nyebe se asoã nguiã nderea. Ndecheë achõ je chõ nda serimba erembucherõ.

⁸ Se abe sererecua no nde. Se echeë amumba aroneate. Soldados rerecua se no nde. Secheë abe emumbayã nguiã no. Eso, i mose, secheë mumbayã no. Echu, i mose, secheë mumbayã no. Se ñee mose serimba je, secheë mumbayãte no. Ndequirãcuã na

eãte raque se, i que capitán ucheë mondo Jesús je ra.

⁹ Echeë andu mose que Jesús nyuruirate ra. Uba que ñee nguesenda je ra. —Tacheë nyecua jêje. Capitán seicua tuchite quia co. Israel jenda mo embuchecha aroneate quia co, i que Jesús ra.

¹⁰ Capitán nyimondo que nyebi nyoi uchuchuaa cote ra. Erimba mbucherõ ji que ee cote ra.

Jesús eru cheecha riirí ndaaque mbuquera

¹¹ Isamami ngue Jesús choi quia Naín cote ra. Echimbaaquiato abe que nyoi quia erese ra. Mbia tubiriãte que nyoi quia erese ra.

¹² Sucha ata rurubi mose que ngasë mbia tubiriã je ra. I que eraaque ruruchoi quia etã sacua nda. Aque mii tuchi rei ngue cuña ndiirí mo nde. Eru cheecha riirí. Aque que mano ño ee ra. Hue jenda mbia que nyoi jate quia esi rese ra. Eraaque rui.

¹³ Jesús que mae esi nyeseo rese ra. Jesús ia eãte que erese ra. —¡Echeseo eã ño jê! i que ee ra.

¹⁴ Jesús que oco eraaque rese ra. Eru-ruchoisa que tiba ee cote ra. —Echurua, Acuanindu, i que ñee eraaque je ra.

¹⁵ Eraaque que nyuruã ñee cote ra. Jesús que embuquera ji mondo esi je cote ra.

¹⁶ Mbia que nyuruira ja erea ra. Ñee turã ja Dios rii. —Dios chimondo chõ co re, i que mbia quia ñee Jesús rii nda. —Dios riqui tesareiã nande sí co, i que mbia quia nyue ra.

¹⁷ Jesús chumbucherõ ndese que mbia riqui ñimbirandu jate ra. Judea jenda jirandu ja erese. Erobeinda ja abe que jirandu erese ra.

Juan el Bautista mbia mondo ñee Jesús je

¹⁸ Juan abe que jirandu Jesús chiao rese ra. Erimba quiatu ngue embiirandu nguiã erese.

¹⁹ Nyebe Juan ñee nguiã ngũimba nyeremo je. —Nyeremo jêso ñee Jesús je. —“Cristo ra tu’, i bei equia nae, ¿ae chõ nde re?” jenye oso ee. —“¿Cristo ra ure Saarõ arõ sí quia re?” jenye oso Jesús je, i que Juan ngũimba mondochoi ra.

²⁰ Juan ñimondo que nyoi ngasë Jesús je ra. —Juan el Bautista que urembu ñee nde je ra. ¿Cristo chõ nde re? ¿Cristo ra ure Saarõ arõ sí quia re no? ¿Ae chõ nde re? i que Juan nimba ñee Jesús je ra.

²¹ Juan nimba ngasëte mose que Jesús riqui mbia rasi mbucherõ cherõ nda. Erasi chumumbara. Erasi cuabê. Aba checuayã icuã abe que embusë mbusë nguia mbia sí ra. Eresayã abe que embu cherõ nyerõ nguia ra. Juan nimba que mae ja quia ñqui mbucherõ ndese ra.

²² Jesús que ñee Juan nimba je ra. —Ae rese jemae nae, ũquí jēsenei oso Juan je. Ae jeñandu nae, ũquíabe no. “Jesús que eresayā mbucherō nyerō nguia ra. Ecuatayā abe mbucuata cuata. Eire ndasi abe mbucherō nyerō. Eisayā abe mbucherō nyerō. Eraaque abe mbuquera. Ucheē turā esenei senei tuchi mbaecha reā je”, jenyee oso Juan mbiirandu.

²³ Emo hui jei eā mose sesi, aque iate ra siqui cote, i que Jesús ucheē mondo Juan je ra.

²⁴ Juan ñimondo que nyoí nyebi ee cote ra. Jesús que ñee mbia ja je Juan ñi cote ra. —¿Mbae rese mae jēso turúquiaa re? ¿Qiririri idioi ichu ichu rese jēso mae nde?

²⁵ ¿Mbae rese mae jēso re? ¿Emo irao turā ndese jēso mae nde? Tei. Eirao turā siquiā nguia turuquia ñi. Ae siqui quia mbia rerecua chuchua nae, ũquí ño eirao turā ndiqui nguia.

²⁶ Juan ndese mae ño ngue jēso turúquiaa resē. Dios cheē nenei neneisa tuchi chō ae emo si re. Ae chō mbia mingoquiato quiatu nguia se ñee sacua ee aque.

²⁷ Sā embesa ji riqui ñee no: Secheē nderaosa tamondo nderēta.

Ae ra mbia mingoquiato ndeje, i que embesa ji ñee nda. Juan ñi ño embesa ji ñee nguia.

²⁸ Juan el Bautista quiarei i tuchi raque mbia ñiinda ja si. Dios cheē nenei neneisa ataque si. Ae ra siqui tuchi Dios rese erimbarā cote nae, ũquí nguia ra i tuchi Juan si cote, i que Jesús ñee nda.

²⁹ Mbia que Jesús cheē ñandu turā ja ra. Impuestos isi isiquia abe chee que echeē ñandu turā nda. —Dios turā tuchi, i ja que mbia ra. Juan ngue bautizar i ja ee nyii ra.

³⁰ Fariseos achō ño ngue Jesús cheē isi sereā nda. Embesasa rese. ũquí ngue siqui sereāte Dios cheē ndese ra. Nyebe Juan bautizar i eā nguia ee.

³¹ Jesús que ñembe ee ra. —Mbia nandona siqui turā eāte quia aba cheē ndui ā. Mbia riiri na ño eriqui nguia.

³² Sā mbia riiri ndiqui ñumbusarei sarei no. Sā eriqui ñee ñee nyue no. “Flauta que asaā saā ndei jēje ra. ¿Mbaerā jenyuruqui sereā nea nde?” sā i chō nyue no. “Mbae aba mbia eā ngue asaā ndei jēje resē. ¿Mbaerā jēyate erese re?” sā i chō mbia riiri nyue no. ũquí na si chō jēingo nguia aba cheē mumba ā.

³³ Juan el Bautista que tu rei jēje ra. Jēisi turā eā ngue ra. “Co eriqui quiaru sereāte nanderese co. Co eriqui mbae mbei sereāte nanderese co”, jenyee chōchī ee. “Aba checuayā ndesenda”, jenyee chō ngue ee ra.

³⁴ Se abe que achu rei jēje ra. Aquiaru rei quia jendese co. Mbae abe ambei rei quia jendese co. Se abe que jē seisi turāyā nda.

“Quiaru tuchi je”, jenyee chōchī seje. “Mbae mbeisa”, jenyee chō ngue seje no nda. “Mbia icuā quiato chō ñene”, jenyee que seje resē.

³⁵ Ae earacuate nae, Dios aracua abe ra eicua, i que Jesús mbia je ra.

Jesús quiaru fariseo chuchua

³⁶ —Nandequiaru sechuchua, i que fariseo mo ñee Jesús je ra. Jesús que oso erese ra. Ngoi que quiaru nonde ra.

³⁷ Cuña icuā mo ngue siqui hue jenda huee ra. Jirandu que Jesús rese ra. Oso que erea cote ra. Aba mbushimbua que equerao erea ra. (Sita ao ji rei aba mbushimbua riru.)

³⁸ Jesús quite quitu que eñi nyeseo ra. Nguesari je que Jesús i irei irei ra. Ua je que embiru iru cote ra. Uchuru que embucha Jesús i rese eriite ra. Aba mbushimbua que eicherē ei rese cote ra.

³⁹ Jesús mbuquiarusa que ñee nguia uchiangui re ra. —¿Mbaerā Jesús ñee asiā cuña icuā je re? Jesús Dios riiri mose, i nda ñee asi rei ee, i que fariseo uchiangui re ra.

⁴⁰ Jesús que ñee fariseo je ra. —Tacheē ndeje, Simón, i que ee ra. —Eno. Echeē seje no, Sererecua, i que fariseo ee ra.

⁴¹ Jesús que ñee ee ra. —Sā mbia nyeremo deber i ererecua mo je no. Sā enongue deber i ee quinientos no. Sā enongue deber i ee cincuenta no.

⁴² ũquí ja que pagar i aronea ja. Nyebe ererecua ñee nguia ee. “Mbae jemondo eā ño seje”, sā i chō ererecua ee no. ¿Aba eya tuchi nguerecua rese re? i que Jesús ñee Simón je ra.

⁴³ Simón ngue ñee ee ra. —Ae deber i tuchi ee nae, aque eya tuchi erese cote reae, i que Simón ee ra. —Ae bei, i que Jesús ñee ee ra.

⁴⁴ Jesús que mae cuña ndese ñee Simón je ra. —Ndechuchuaa seique mose que sei ereirei eā nda. Co cuña nguia que sei irei nguesari je ra. Ua je que sei mbiru ra.

⁴⁵ Nde quiatu que seritii eresitē eā ndesē. Cuña nguia que sei siite nguia.

⁴⁶ Nde que aba mbushimbua ereichereā sea rese resē. Cuña nguia ngue aba mbushimbua icherē nguia sei rese.

⁴⁷ Tacheē nyecua ndeje, Simón. Cuña icuā tuchi raque. Eicuā ngueambutia ee namo nda. Nyebe eriqui nguia nyesequa tuchi serese a. Ae “seicuā eā jiri se”, i quia nae, ũquí nguia ra nyesequa eē jiri serese. Se eicuāambutia ndaque, i que Jesús Simón je ra.

⁴⁸ —Ndeicuā ngueambutia ndesi ra, i que Jesús ñee cuña je cote ra.

⁴⁹ Ae que chi quiaru erese nae, ũquí ngue ñee nyecuayā cuayā u nyue ra. —¿Mañi nda Jesús mbia icuā mbutiā esi re? i que eu ñee ñee nyue ra.

⁵⁰ Jesús que ñee cuña je ra. —Seicuasa chõ nde re. Nyebe arerirõ nguiã ndeicua si. Ereico bei ra cote. Ndeya eso cote, i que Jesús cuña je ra.

8

Cuña mo nyoí ngata Jesús rui mbae raã naa ee

¹ Jesús que sucha tubiriã mbuchesea sea quia ra. Dios cheẽ turã ngue esenei senei nguia mbia je ra. Echimbaaquiatu doce abe que ngata quia erese ra.

² Cuña echimbucherõ mo abe que ngata quia erese ra. Ae si aba checuayã icuã ndirõ nyii, ùqui mo abe que ngata quia erese ra. María Magdalena que ngata quia erese ra. Ae si aba checuayã siete rirõ nyii nae.

³ Juana abe que ngata quia erese ra. Chuza ninisi que aque ra. Herodes resenda rei Chuza. Susana abe que ngata quia erese ra. Cuña ata que ngata quia erese ra. Ùqui ngue umbae mee mee mbei quia Jesús je ra.

Emo mbae eĩ mombiquia mbiqui

⁴ Mbia que ngaẽ ngaẽ ja quia Jesús rea ra. Suchamo jenda abe. Mbia ñumunua ja mose que Jesús ejemplo raã ee ra.

⁵ —Sã emo si mbae eĩ mombiquia mbiquia no. Emombiquia mbiquia mose sã emo uqui uqui ñeenda rui no. Sã mbia riqui irõ irõ erese no. Sã nguireĩ abe eu chee no.

⁶ Sã emo uqui uqui sita arõ no. Sita aronda suri raque. Ibi irute quia ee re. Nyebe ñimama nguiã mano.

⁷ Sã emo ndiqui uqui uqui nyu réndaa no. Sã nyu abe suri erese no. Nyu ruri que echati asi u eriquisã nda.

⁸ Sã emo uqui uqui ibi túraã no. Ùqui nguiatu que ia turã nda, i que Jesús mbia je ra. Aquere que ñee asite mbia je ra. —Jẽisa mose ¡secheẽ jeñandu turã na! i que Jesús mbia je ra.

⁹ —Eresenei ngue mbae eĩ nii, ùqui embi-asa turã na ure je, i que echimbaaquiatu ñee ee ra.

¹⁰ Jesús que ñee ee ra. —Mbia rerecua tuchi quiarei Dios. Ae riqui nguiã ucheẽ mbiasa asa ja jẽje co. Mbia ataque quia siqui sereã erese co. Mbia ataque je quia eriqui nguiã ucheẽ mbiasa eã jiri. Ejemplos achõ esenei senei nguiã ee co. Eanduchõ sacua. Eicua turã ndocoĩ.

Jesús ucheẽ mbiasa uchimbaaquiatu je mbae eĩ nii

¹¹ Secheẽ tambiasa jẽje cote. Dios cheẽ na si chõ mbae eĩ nde.

¹² Ae uqui uqui ñeenda rui nae, ùqui ndei mbia Dios cheẽ andu chooñosa rã ùqui. Ae Dios cheẽ andu chooño nae, ùqui ñiangui si chõ diablo riqui nguiã Dios cheẽ

ndirõ. Nyebe eriqui nguiã Dios icuayã mbei. Nyebe Dios riqui nguiã emingo bei eã.

¹³ Ae uqui uqui sita arõ nae, mbia mo na ño ùqui no nde. Dios cheẽ andu mose, isi turã ndaque. Eyate raque erese. Mbae mo embiayã mose, hui jei chõ esi cote. Mbae rao eã naanguia chõ ùqui nde.

¹⁴ Ae uqui uqui nyu réndaa nae, mbia mo na ño ùqui no nde. Dios cheẽ andu turã ndaque. Siqui bei eã ño nguiã erese. Umbaerã achõ ndese chõ eriquichi nguiã ndua. Ñimbusarei sarei bei chõchĩ nguiã. Nyebe hui chõ nguiã Dios cheẽ si. Nyebe Dios cheẽ ndiqui nguiã ia eã mbei ee.

¹⁵ Ae uqui uqui ibi túraã nae, mbia mo na ño ùqui no nde. Echiã quishĩ ño ùqui nde. Dios cheẽ andu mose, siqui bei erese. Ìa ia bei raanguia cote.

Tata rendi mbia resae ja

¹⁶ Sã nandeico lamparina mendi no. Sã nandeico eati eã no. Sã nandeico emii eã mbaequi re no. Erendi checua chõ nda nandemii nguiã. Mbia resae ja sacua.

¹⁷ Mbae checuayã nda nyecua ja emo mose. Ñeminde ra nyecua ja.

¹⁸ Secheẽ jeñandu tuchi. Aba mo umbae rerequia mose, Dios ra emo mondoobe ee. Emo embae eã mose, Dios ra embae sirõ ja esi.

Jesús nongue ngaẽ erea usi rese

¹⁹ Jesusi que ngaẽ ndei ee ra. Jesús nongue ja rese. Mbia tubiriãte que esiquisãte esi ra.

²⁰ —Hue ndesi riqui nderequia taicuee hue. Ndenongue rese, i que mbia Jesús mbiirandu ra.

²¹ Jesús que ñee mbia je ra. —Ae Dios cheẽ andu turã nae, ae Dios cheẽ mumbayã nguia nae, ùqui je chõ aico nguiã “senongue” i. Ùqui je chõ aico nguiã “taĩ” i no, i que Jesús ñee nda.

Jesús quiririã icuã icuã mbutiba; ama ndebera abe

²² Emo mose que Jesús ua canoa ye ra. Uchimbaaquiatu ja rese. —Nyao ama ndisha robei, i que Jesús ee ra. Nyoí que cote ra.

²³ Ama ndisha rasa mose que Jesús si quia uque ra. Ama ndiite re mose que quiririã icuã icuã ndu ee ra. I rebera que ique ique tuchi quia canoa ye ra. Nyebe canoa ñiimi serĩ tuchi nguiã ee.

²⁴ Nyebe mbia Jesús mumba nguiã. —Urembaaquiatusa, echumumba. Nandemanochĩ nda re, i que ñee Jesús je ra. Jesús que nyuruã cote ra. Ñee quiririã je. Ama mbutiba. Quiririã ngue ti i ee cote ra. Ama abe que ti i no nda.

²⁵ —¿Mbaerã jẽingo siquichete re? ¿Seicuayãte equia re? i que Jesús uchimbaaquiatu je ra. Siquiche bei que

equia ra. Nyuruira tuchi Jesús quirācuā ndese mae. —Quiririā Jesús cheē mumbayā ñochí. Ama abe echeē mumbayā ñochí, i que ñee ñee nyue cote ra.

Jesús aba checuayā icuā jea Gadara jenda mo si

²⁶ Ngasē nyee que sobei ra. Gadara, i que hue ibi je ra. Galilea mbuchechea tuchi que hue ra. Ama ndisha rasa.

²⁷ Canoa si Jesús nguichi mose, hue jenda amei mo ngue tu ee ra. Aba checuayā icuā ngue siqui quia echiangui re re. Cosete ngue eriqui rei nguā echiangui re. Eirao eā mbei que eriqui ra. Tuchuaqui re que eriqui uqueā nda. Mbia raaque tása bei chō eriqui nguā.

²⁸ Tu que ngoi nguā ndese Jesús resa quiti ra. Ñee asite que eu ee ra. —¿Mañi ere ra seje re, Jesús? Dios ibatenda riiri ño nde re. ¡Sembasichí nda se jé! i que ñee tuchi Jesús je ra.

²⁹ —Esē esi, i chō Jesús aba checuayā icuā je reaē. Aba checuayā ño aque amei isi isi bei quia embicuā icuā neaē. Mbia eo cuaacua raque quia cadenas je. Ei abe cuaacua raque no. Ucuasa ndoso ndosochō mbei que equia ra. Aba checuayā ño equerao rao quia turuquia ñi neaē.

³⁰ —¿Mañi ndeje re? i que Jesús ñee ee ra. — Etubiriā, i que seje ra. Ure cuabēte quia ure re, i que aba checuayā ñee Jesús je ra.

³¹ —Uremondochí nda tata cuasu, i que aba checuayā ñee tuchi Jesús je ra.

³² Chiasu socoi tubiriā ngue chi quiaru huee ra. Sita ibate rese. Nyebe aba checuayā ñee Jesús je. —Chiasu chiangui re ureso rā, i tuchi que equia ñee Jesús je ra. — Eno, i que Jesús ee ra.

³³ Aba checuayā icuā ngue usē ja amei ñia si cote ra. Chiasu chiangui re que echoi ra. Chiasu que uchā ja choi nyiichere ama nimia mbucu rí nda. Ama ndisha ye que echoi ja mano nda.

³⁴ Chiasu raarōsa que chi mae erese ra. Emundite que ra. Nyoi que uchā mbia mbiirandu i chiasu rese ra. Sucha tubiriā jenda mbiirandu. Mbia ataque abe mbiirandu no.

³⁵ Mbia que ngaē ja mae erese ra. Huee que Jesús riqui beite ra. Ae rese aba checuayā ndiqui nyii amei nae, aque abe que chí ngoi Jesús i jii ra. Huiirao resebe cote. Earacuate que mbia je cote ra. Nyebe mbia nyuruira tuchi nguā era.

³⁶ —Jesús que amei mbucherō aba checuayā ndirō esi ra, i que maesa erese ñee mbia ataque je ra. Maesa erese que esenei ja mbia je ra.

³⁷ Mbia hue jenda que siquiche ja Jesús si cote ra. —Eso rā urerecha urerecua si, i ja que hue jenda ñee Jesús je ra. Nyebe Jesús

ua nguā canoa ye. Oso que nyebi sobei cote ra. Gadara recha.

³⁸ Ae rese aba checuayā ndiqui nyii nae, aque que ñee Jesús je ra. —Nderese taso bei, Jesús, i rei que ee ra. Jesús que ñee ee ra.

³⁹ —Eso chō ndechuchúaa. Mbae esenei ja nderesenda je. “Dios que sembucherō nda”, ere oso mbae renei nenei ja nderesenda je, i que Jesús ee ra. Umbucherōsa renei nenei ngue oso mbia ja je cote ra. Jesús renei nenei ja sucha jenda ja je.

Jesús Jairo riiri mbucherō; ari mo abe mbucherō

⁴⁰ Jesús chebi si mose sobei si, mbia que chí eraarō arō nda. Ūqui nguiatu que eisi turāte ra.

⁴¹ Emo ngue tu ñee Jesús je ra. Jairo, i que ee ra. Judio munua nuasa que ae ra. Jesús i jii que ngoi ñee ee ra. —Nyao rā sechuchúaa.

⁴² Seririñ nguasu jiri si quia mano serite seje qui. Seririñ mii tuchi se, i tuchi que Jesús je ra. Jesús que oso erese ra. Mbia cuabē ngue nyoi ja erui ra. Jesús mbiitāyāte que echoi quia ra.

⁴³ Ari mo abe que oso quia mbia ite rí nda. Eruqui nda uchē uñe mbei quia ee ra. Doce años nyee nda eruqui tibayā mbei ee ra. Aba mbucherōsa abe nda embucherō aroneate quia ee ra. Ari umbae mondo mundo ja raque quia ee.

⁴⁴ Ari que tu Jesús quite quiti erichā nda. Eirao ai rese que oco ra. Aque mose tuchi que eruqui tiba ee cote ra.

⁴⁵ —¿Aba oco serese re? i que Jesús mbi je cote ra. —Tei. Aba āte, i ja rei que mbia ee ra. Pedro que ñee ee ra. —Mbia tubiriāte nyeresē. Mbia cuaē nguia ñimaña maña jate co resē. ¿Mbaerā ereico “¿aba oco serese re?” i re? i que echimbaaquiatu ñee ja ee ra.

⁴⁶ Jesús que ñee ee ra. —Tei. Emo ngue oco serese ra. Sequirācuā ngue emo mbucherō nda i que Jesús ra.

⁴⁷ —Jesús jiranduchí serese, i que ari uchiangui re cote ra. Nyebe ngoi nguā nguā ndese Jesús resa quiti. Titi titi i ete que ra. Ñee nyecua que ee ra. —Sembucherō sacua ño aoco nguā ndese. Aque mose tuchi chō acherōchí, i que ari ereñei ja Jesús je ra. Mbia que echandu ja u ra.

⁴⁸ Jesús que ñee ee cote ra. —Seicuasa chō nde re. Nyebe arembucherō nguā. Ndeya tuchi eso cote, i que Jesús ee ra.

⁴⁹ Jesús cheē mosete que emo ndu Jairo chuchua si ra. —Ndeririñ ngue mano cote ra. ¿Mbaerā nda Jesús ererao ndechuchua cote re? i que ñee Jairo je ra.

⁵⁰ Jesús que echandu ra. Ñee ngue Jairo je ra. —¡Ndeya eā techí nda jé! Seicua chō se. Ndeririñ nda quera si, i que eru je ra.

⁵¹ Ngasē ngue echuchúaa cote ra. Jesús que ique eraaque rea cote ra. Pedro rese.

Jacobo abe rese. Juan abe rese. Eraaque ru abe rese no. Esi abe rese. Ūquí achō ngue emingue ra.

⁵² Mbia que chí ja nyeseo áquē ndese ra. —Jenyeseochĩ nguiã. Mano eã ño ñene. Uque chō ñene, i que Jesús ñee mbia je ra.

⁵³ Mbia que íquia Jesús cheē mose ra. —Eraaquete nyeresē. ¿Mañi nda nyuruã nde? i que mbia ra.

⁵⁴ Jesús que eraaque o isi ra. —Echuruã na, Echo, i que ñee asite ee ra.

⁵⁵ Quera si que nyuruã cote ra. —Nderiirĩ embuquiaru cote, i que Jesús ee ra.

⁵⁶ Eru que nyuruã tuchi mae erese ra. Esi abe nyuruãra tuchi. —¡Emo nda jembiranduchĩ jē! i que Jesús ee ra.

9

Jesús uchimbaaquiato doce mondo ucheē nenei nenei sacuã

¹ —Jenyu, i que Jesús uchimbaaquiato doce je ra. Uquirãcuã ngue emee mee ee ra. Aba checuayã icuã jea sacuã mbia si. Mbia rasi mbucherō cherō sacuã.

² —Jēso Dios cheē nenei nenei mbia je. Jēso mbia rasi abe mbucherō cherō. “Mbia rerecuarã tuchi ra Dios cote”, jentye oso secheē nenei nenei mbia je.

³ Mbae mo nda jendaochĩ icua. Jenyitochiquia ra jendaochĩ. Mbae riru mo abe ra jendaochĩ no. Jenyurã mo nda jendaochĩ no. Mbae isiquia mo abe ra jendaochĩ no. Jēirao nongue abe ra jendaochĩ no.

⁴ Emo nyuchúaa jengue mose, hueechō ño jēingo uque. Jemba jembatechĩ nda uque tuchia raamba amba. Hue si chō jēso sucha tubiriã mo secheē nenei nenei cote.

⁵ Sucha tubiriã mo jenda jēisi sereã mose, jēsecha chō. Jēi tubi jembutomo tomo ee. Hue jenda huicua icua sacuã, i que Jesús uchimbaaquiato je ra.

⁶ Echimbaaquiato que nyoi choi bei quia sucha tubiriã mbuchesea sea ra. Dios cheē turã nenei nenei mbia ja je. Mbia rasi mbucherō cherō no.

Mbia Juan el Bautista íquia

⁷ Herodes abe que jirandu Jesús chiaio rese ra. Embusiquichete que ra. Emo ngue ñee ndei ee ra. —Ae ereiquia nae, Juan i equia ee nae, aque que quera si ra, i rei que emo ñee Herodes je ra. Juan Jesús riqui reĩ nguiã mbia je.

⁸ Elías Jesús riqui reĩ nguiã emo je no. —Dios cheē nenei neneisa ima quera si je chō ñene, i rei que emo emo Jesús rĩ no nda.

⁹ Herodes que ñee nda. —Juan áquí ngue achisiamo tuchi. ¿Mañi nda quera si re? ¿Aba Jesús re? Ae rese aico jirandu tuchite. Tamae erese no, i que ndua ndua uchiangui ra ra.

Jesús mbichae mbeta tuchi mbia je

¹⁰ Jesús chimondo ucheē nenei neneisa que nyebi ngaē ee ra. —Á ngue uresaã saã nda, i que mbae renei ja Jesús je ra. Mbia tiãmbaa que Jesús ūquí nderao ja rei ra. Bet-saida ruruubi jiri.

¹¹ Mbia ataque jirandu mose que nyoi erui ra. Jesús que eisi turã Dios cheē nenei nenei ee ra. Erasi abe mbucherō cherō ee.

¹² Tenda oso mose que echimbaaquiato ñee ndei ee ra. —Mbia emondo rã sucha tubiriã nia. Sã echoi bei quiaru huee. Uque bei abe huee no. Mbae áte nandecu a, i rei que echimbaaquiato Jesús je ra.

¹³ —Jeño mbae jemondo ee echurã, i que Jesús ee ra. —Tei. Mbae quia ra aba mondo ee. Cinco chō ngue mbichae ra. Sira abe nyereñoote nyeresē, i que echimbaaquiato Jesús je ra.

¹⁴ Mbia tubiriã tuchi que chí ra. Cinco mil ndobei. —Mbia jembucoi ja ño ibii. Eata jaaja jeñoño mbucoi. Sã echi ngoi icúe cúe cincuenta jaaja, i que Jesús uchimbaaquiato je ra.

¹⁵ Jesús cheē nguire que ngoi ja cote ra.

¹⁶ Jesús que mbichae sirō cote ra. Sira abe rirō. Mae ngue ibate ra. —Gracias, i que ñee Dios je ra. Mbichae que esiquio quío ra. Sira abe no. Mondo mondo ja que uchimbaaquiato je cote ra. —Jembuchao chao mbia tubiriã je cote, i que Jesús ra.

¹⁷ Mbia que embuquiaru ja tuchi ra. Miãtã tuchi que ra. Mbia huisa tubiriã ngue cote ra. Sira rire. Mbichae rire abe no. Doce iru que mbia mombisē esique sique je ra.

Cristo chō nde resē, i Pedro Jesús je

¹⁸ Emo mose que Jesús ae riqui ñee ñee Dios je ra. Echimbaaquiato abe que chí huee ra. —¿Aba aico reĩ mbia je re? i que Jesús ee ra.

¹⁹ Echimbaaquiato que ñee ee ra. —Juan el Bautista ereico reĩ nguiã emo je co. Elías ereico reĩ nguiã emo je no. Dios cheē nenei neneisa quera si je ereico reĩ nguiã emo je no, i que echimbaaquiato ee ra.

²⁰ —¿Aba aico reĩ jēje co re? i que Jesús ee ra. —Cristo chō nde resē. Dios riirĩ ño nde resē, i que Pedro Jesús je ra.

Mbia ra seiquia, i Jesús uchimbaaquiato je

²¹ —Ūquí nda jeñeechĩ emo je jē, i tuchi que Jesús ee ra.

²² Jesús que uchimbaaquiato mbaaquiato quiato ra. —Mbiarã ngue Dios sembu ra. Mbia ra sembaasi mbasi tuchi. Amei nda hui ja sesi. Sacerdotes rerecuã abe ra hui ja sesi. Embesasa abe ra hui ja sesi. Mbia ra seiquia chee. Tres tenda mose ra aquera si, i que Jesús mbia equia nonde ra.

23 —Emo siquise mose serui, sã hui ja mbae ubi si. Sã cruz umbaerã ndui bei se rã si. Sã eriqui serui cote.

24 Emo ndua bei mose nguenco rese, ereco ra ua esi. Emo hui mose nguenco si seje, ũqui nda siqui bei.

25 Emo nguenco mumba choõño mose, eya eã mbei rae. Mbaecha rete raque.

26 Emo ireĩ ireĩ mose sesi, se abe chõ nda aireĩ ireĩ esi. Emo ireĩ ireĩ mose secheẽ si, se abe chõ nda aireĩ ireĩ esi, sechu mose mbia rerecuarã. Dios quirãcuã nda sembu. Angeles rese ra achu aque mose.

27 Tacheẽ nyecua jêje. ã jêingo serese ã nae, jemo nda jemaẽ Dios quirãcuã ndese jemano nonde. Mbia rerecua tuchi ra Dios, jemo mano nonde, i que Jesús ee ra.

Jesús nyũcabo uchimbaaquiatu je

28 Ocho tendare que Jesús choi sita ibátee ra. Ñee sacua Dios je huee. Pedro que oso erese ra. Jacobo abe. Juan abe.

29 Jesús ñee mose Dios je que eruba ñimbiasa ra. Eirao abe que enininya ra. Eiraoshĩ nininya tuchi que ra.

30 Mbia nyeremo ngue nyecua u ibate si ra. Jesús nininya mose que eriqui ñee ñee nyue erese ra. Moisés que enongue ra. Elías que enongue no nda.

31 Ũqui ja que enininya Jesús rese ra. —Mbia ra Jesús iquia mbucha ira rese Jerusalén, i que equia ñee nyue ra.

32 Pedro reesite raque. Eresenda abe reesi esite raque. Uqueã mbei quera. Jesús nininyate quiatu ngue ee re. Moisés abe nininyate quiatu ngue ee re. Elías abe nininya no.

33 Ibatenda que nyoĩ quia Jesús recha cote ra. —¿Manyae ra ñee Jesús je re? i que Pedro ra. Nyebe ñee iru chõ nguia ee. — Nandecu turãte aa, Sembaaquiatusa. Sucha ñetẽ ursaã saã na. Enongue nembraerã. Enongue Moisés mbaerã no. Enongue Elías mbaerã no, i rei que Pedro ñee Jesús je ra.

34 Pedro cheẽ mosete que ibeishĩ ndu eite ñi nda. Ibeishĩ ngue Moisés mbuchecuayã ee ra. Elías abe mbuchecuayã ee. Nyebe esiquiche nguia.

35 Echeẽ mo ngue ehandu ibeishĩ qui re ra. —Co rei sebi tuchi seriĩĩ co. Echeẽ jeñandu bei quia, i que Dios ee ibeishĩ qui re ra.

36 Aquere que Jesús mui ndiqui uchimbaaquiatu rese ra. Umaesa que esenei eã ja emo je ra. Ñee ãte que emo je ra.

Jesús aba checuayã jea mbia riiri mo si

37 Isamamimbe que euaẽ nguichi sita ibate si ra. Mbia tubiriã ngue ngaẽ Jesús re ra.

38 Ũqui mo ngue ñee Jesús je ra. — Seriĩĩ ndese emae, Urembaaquiatusa. Seriĩĩ muite que se co ra.

39 Aba checuayã icuã ndiqui eisi isi co. Embaasẽ asẽ mbei. Emburiri riri. Echuru mbichoi. Erete munumbi numbi. Aba checuayã hui sereã mbei seriĩĩ si.

40 “Aba checuayã embusẽ seriĩĩ si”, ae rei ngue ndechimbaaquiatu je re. Embusẽ aroneate esi, i que eru ñee Jesús je ra.

41 —¿Mañi jenye quia seicuayãte re? ¿Secheẽ jemumba tuchi chõ nguia re? ¿Ñimbirãcuã mbeite ra aba quia jêje re? i que Jesús ñee ee ra. —Nderiĩĩ eru rã seje, i que eru je cote ra.

42 Jesús rurubite mose que aba checuayã eriĩĩ mbucoi mondo ra. Mburiri tuchi que ra. Jesús que ñee asite aba checuayã icuã je ra. Eriĩĩ ngue embucherõ nda. Embucherõ ji que emondo eru je cote ra.

43 Dios quirãcuã ndese mae ngue mbia nyuruira tuchi ra.

Mbia ra seiquia, i si Jesús

Jesús chiaõ rese mae ngue mbia nyuruira tuchi ra. Mbia nyuruira mose que Jesús ñee uchimbaaquiatu je cote ra.

44 —Mbiarã ngue achu ra. Mbia ra semee mbia icuã je. Seriĩcharã. Ũqui si ra jêtesareichĩ, i rei que Jesús uchimbaaquiatu je ra.

45 Echimbaaquiatu que Jesús cheẽ icuayãte re. Echecuayãte que ee ra. — Ndecheẽ embiasa ure je, iã ngue ñee ee ra. Ireĩ ireĩ ño ngue ñee ee ra.

Ererecua tuchi ra se, i jaaja Jesús chimbaaquiatu nyue

46 —Se quia ra ererecuarã tuchi jêsi, i jaaja que echimbaaquiatu ñee nyue ra. Ñee icuã icuã nyee nyue.

47 Jesús que ũqui ndua ndua icuate ra. Nyebe ãquẽ mo mbucoi mui nguia ujii.

48 Jesús que ñee ee ra. —Sã ãquẽ mo ndiqui siqui mingue no jê. Ae eturã ndiqui mbia riĩĩ je seriĩ nae, seje abe chõ eturã ndiqui nguia. Ae eturã ndiqui seje nae, semondosa je abe chõ eturã ndiqui nguia. Ae ererecua sereãte riqui jemo nae, ũqui nguia sebi re. ¿Mbaerã jêingo “ererecuarã se” i nyue re? i que Jesús ee ra.

Emo icuã eã mose nande je, nandere-senda chõ ũqui nde

49 Juan ngue ñee Jesús je ra. —Pe emo nyi aba checuayã ndirõ ndirõ mbia si nderiĩ pe. Uremae ngue erese ra. Aque eriqui ãte nanderese aque. Nyebe uresiquisã nguia, i que Juan Jesús je ra.

50 Jesús que ñee ee ra. —Tei. jêsiquisã quisãchĩ nda jê! Emo icuã eã mose nande je, nanderesenda chõ ũqui nde, i que Jesús ñee ee ra.

Jesús ñee asi Jacobo je; Juan abe je

⁵¹—Namo jiri ra aso ibate cote, i que Jesús ndua ndua cote ra. —Taso Jerusalén, i tuchi que equia ra.

⁵² Jesús que mbia mo mondo unonde ra. Ūquí ngue ngasē sucha tubiriā mo nda. Samaria jenda rei sucha. —Jesús ra uque aa jendese, i rei que hue jenda je ra.

⁵³ Hue jenda que Jesús isi turā sereāte ra. —Jerusalén Jesús si quia qui reae. Nyebe ureico nguiā eisi sereā aa, i que hue jenda ñee icuā Jesús chimondo je ra.

⁵⁴ Jacobo jirandu mose que paama i hue jenda je ra. Juan abe que paama i hue jenda je ra. Ūquí ngue ñee Jesús je ra. —Sā Elías tata mbu ibate si mbia icuā je cose no. ¿Ei ure si ra tata mbu ā iquia sacuā nde? i que echimbaaquiatu ñee Jesús je ra.

⁵⁵ Jesús que uba ñee asite ee ra. —Jēsecha chō. Aba mingosa ririñ ño jēingo ā ndesē. ¿Jētesarei chō nguiā ūquí si re?

⁵⁶ Mbia iquia sacuā ngue achuā ndesē. Mbia mingo bei sacuā ño ngue achu nguiā, i que Jesús ra. Sucha tubiriā mo ngue echoi cote ra.

Jesús rui taico, i raque emo

⁵⁷ Jesús ngata mose que mbia mo ñee ee ra. —Taico bei nderese. Ndeso mose manguiti, se abe ra aso bei quia nderese, i que ñee Jesús je ra.

⁵⁸ Jesús que ñee ee ra. —¿Mbae rasi ra eresaā sañ serese re? Eoita quia ecua jiri re. Nguirei nguiā equisa jiri no nde. Se quia sequisayā mbei re, i que Jesús ee ra.

⁵⁹—Serui eico bei, i que Jesús emo je ra. —Sā seru mano na. Aquere quia ra aico bei nderui, i rei que aque ñee Jesús je ra.

⁶⁰ Jesús que ñee ee ra. —Sā mbia ataque chō nderu chati. Nde quia eso Dios cheē nenei nenei mbia je, i que Jesús ee ra.

⁶¹ Emo ngue ñee Jesús je ra. —Aico jee ra nderui. “Co acua quia co”, tae rā oso sechuchua jenda je, i que ñee Jesús je ra.

⁶² Jesús que ñee ee ra. —“Achu jirichī nguiā Jesús rui”, i mose sequiatio mo, aque ra ngaseā Dios je, i que ra.

10

Jesús mbia setenta mondo ucheē nenei nenei sacuā

¹ Aquere que Jesús mbia setenta irabo no nda. —Serēta chō jēso jēso quia sucha mbuchesea sea, i que ee ra. Nyeremo nemo ngue embuchao chao quia mondo ra.

² —Secheē andusa reā ndei etubiriā. Secheē nenei neneisa rei co mā jiri. “Dios, ndecheē nenei neneisa mo emondo tuchi. Mbia mbiirandu randu sacuā”, jenyē chō nguiā Dios je. Sā echa mbae a ishao shaosa mondo ea irei mose no.

³ Jēso cote. Sā nyacua icuā ndiqui oveja je no. Ei si ra mbia icuā icuā jēje. Nyacua rā si.

⁴ Jēochi chō jēso. Mbae riru ra jendaochī. Mbae isiquia abe ra jendaochī no. Jēiyao abe ra jendaochī. Jēitō itōchī nda ñeenda cúa ñee sacuā mbia je.

⁵ Jēique mose emo nyuchúaa, jeñee turā huee tuchua jenda je. “Dios nda jembia bei quia chā”, jenyē hue jenda je.

⁶ Hue jenda ia mose Dios rese, Dios ra siqui tuchi erese. Eya eā mose Dios rese, emo je quia jeñee.

⁷ Jemba jembatechī nda uque tuchua raamba amba. Jengue mocoī jiri quia huee. Ae hue jenda u u quia nae, jē abe jēu quia erese. Jēingo mose secheē nenei nenei mbia je, sā mbia mbae mondo mondo jēje.

⁸ Sucha tubiriā jenda jēisi turā mose, jēquiaru quiaru erese.

⁹ Hue jenda ndasi jembucherō nyerō ee. Hue jenda je secheē jēsenei senei. “Namo jiri ra jenderecuarā Dios cote”, jenyē chō hue jenda je.

¹⁰ Sucha tubiriā jenda mo jēisi sereā nea mose, jeñee asi ee etaicúee.

¹¹ “Urei tubi urembuto mo nguiā jendique jie a. Jētesareiā sacuā urecheē si. Jenderecuase rete raque Dios. Jēisiā ñochi”, jenyē chō hue jenda mbiirandu.

¹² Se mbia icuā mbasi mbasi mose, hue jenda ra ambasi mbasi tuchi Sodoma jenda si.

Jesús ia eā mbia sucha tubiriā jenda rese

¹³ Seya eāte jendese, Corazín jenda. Seya eāte jendese, Betsaida jenda. Jendasi tuchi chō ndae. Mbia mae sayā ngue asaā saā jēje nae, ūquí naa mose Sidón jenda je, ei nda hue jenda huicua ndecha rei. Ei nda Tiro jenda abe huicua ndecha rei. Ei nda eya eāte rei huicua ndese.

¹⁴ Jē nguiā jēicuā jēsecha sereāte rei. Nyebe ra Dios jembasi mbasi tuchi ūquí si quiatu. Dios mbia icuā mbasi mbasi mose.

¹⁵ Jēcuasu jēsaā saā tuchi techī nguiā re, Capernaum jenda. Nyebe ra Dios jemondo tuchi tata cuasu.

¹⁶ Secheē nenei neneisa chō jē nde. Ae ra jeñee ñandu quia nae, secheē abe ra echandu. Ae ra jēucuāyāte quia nae, se abe ucuāyā ndae. Ae ra seucuāyāte quia nae, sembusa abe ucuāyā nda eno, i que Jesús ñee uchimondo setenta je ra.

Jesús chimondo mbia setenta nyebi ngaē ee

¹⁷ Ūquí setenta nyebi si mose que eyate ra. —Aba checuayā icuā urecheē mumbayā ñochi nderiī, Urererecuā, i que ñee Jesús je ra.

¹⁸ Jesús que ñee ee ra. —Satanás que ngoi tuchi u ibei si ra. Sā ama piriā i asi no, ei si que eu ngoi ra. Amae tuchi que ecoi rese ra.

¹⁹ Sequirācuā ngue amee tuchi jēje ra. Jendeaquiatu sacua. Jēirō sacua mbei tāsie rese. Quiraē ndese. Seucuāyāsa riquisā sacua. Sequirācuā nda jendea quiatu mingo.

²⁰ Ūquī ndesechī nda jēya. Serese quia jēya. Aba checuayā fejnee mumbayā mose jūquī ndesechī nda jēya no jē! Paba que nombre jembae mbesa mbesa mii ibate ra. Ūquī ndese quia jēya, i que Jesús ee ra.

Jesús ia tuchi

²¹ Aque mosete que Espiritu Turā Jesús mbia tuchi ra. Ñee ngue ngu je ra. — Seyate aico nderese co, Paba. Ibi jenda rerecua ja chō nde re. Ibei jenda abe rerecua ja chō nde no nde. Ndecheē ngue erembuchecua yā mbia aquiatu tuchi je ra. Mbia riirī naanguia je chō ngue erembuchecua nguā. Ūquī ño ngue eturā ndeje ra, Paba, i que Jesús ra.

²² —Seru que mbae mondo ja seje ra. Paba mii ño seicua tuchi nguā. Paba riirī mii ño se re. Se mii ño Paba aicua tuchi nguā no. Ae je ra Paba atecuquia nae, ūquī mii ño nda Paba icua tuchi nguā serese, i que Jesús ñee nda.

²³ Jesús que uba mae uchimbaaquiatu rese ra. Eísaa que ñee nda. —Coche jemae nguā ā sechiao rese.

²⁴ Mbia rerecua ñiinda mae ja bite raque ā sechiao rese. Dios cheē nenei neneisa abe mae ja bite raque ā ndese. Mae eā mbei que equia sechiao rese ra. Secheē andu bite raque. Secheē ngue echanuate ra, i que Jesús ra.

Samaria jenda mo turā erasi je

²⁵ —Ma Jesús ucheē nyabi, i que embesasa mo ñee oso Jesús rea ra. —¿Mbae rese ra aico siqui bei nonde re? i que ñee Jesús je ra.

²⁶ —¿Mañi ño Voisés chimbesa re? i que Jesús ee ra.

²⁷ Embesasa que ñee ee ra. —Eí ño ngue Moisés embesa ra: “Echesequa tuchi quia Dios rese. Ndechiā ja je chō eico nyesequa erese. Neaí abe je. Ndequirācuā abe je. Nendua ndua abe je. Sā erechesequa ndechiese no, eí ere sí chō nyesequa nde ji jenda rese”, i que embesa ji ñee ndesē, i que embesasa ñee Jesús je ra.

²⁸ Jesús que ñee ke ra. —Erecheē turāte. Ndkico mose ūquī ndese, Paba ra nemingo bei, i que Jesús ee ra.

²⁹ Embesasa que uturā saā saā Jesús je ra. —¿Aba se ji jenda re? ¿Aba rese ra achesequa re? i que ñee Jesús je ra.

³⁰ Jesús que ñee ee ra. —Sā emo oso quia Jericó quitu no. Jerusaén sí. Sā mbia icuā nyarō erese ñeenda cúa no. Ucuā ucua tuchi que erese ra. Embae que embuquiachā ja ra. Eirao abe rirō ja esi no. Ecura curái que esecha ino ñeenda cúa rī nda.

³¹ Aque ñeenca aui que sacerdote mo si ra. Maeño ngue ecura curái rese ra. Nyucuaño ngue oso ra.

³² Levita mo abe que oso rei hue rī no nda. Aque abe que maeño sí erese no nda. Ñeenda ibi chō esi nguia kcuafia no.

³³ Aquare que Samaria jenda mo oso hue rī nda. Aque mae mose ecura curái rese, eya eā tuchi que aque quiatu ra. Aque quia echucuaño eā nguā cote.

³⁴ Aque que tiba erese ra. Mbae quira que equiti quiti eiruā nua ji rese ra. Vino abe quiti erese. Esia ji que echucua chucua ee ra. Caballo umbae rese que erasi mbuchui cote ra. Tuchua mo ngue ererao ra. Huee que eriqui eraarō isa ra.

³⁵ Isamami ngue ñee tuchuacha je ra. —Taso cote. Ecura curái embucherō nguia aa. Co mbae isiquia nyeremo tamondo ndeje. Embucherō sacua eisi co je. Co nyeremo chayā mose, mbae isiquia mo nda amondobe ndeje sechube mose, i que Samaria jenda ñee tuchuacha je ra.

³⁶ ¿Aba nyesequa ecura curái rese re? ¿Sacerdote ere? ¿Levita ere? ¿Samaria jenda ere? i que Jesús embesasa je ra.

³⁷ Embesasa que ñee ee ra. —Samaria jenda chō ngue nyesequa erese resē, i que embesasa ñee Jesús je ra. Jesús que ñee ee ra. —Ae rā sí chō eico nyesequa, i que ee ra.

Jesús oso Marta rea; María abe rea

³⁸ Jesús que ngasē sucha tubiriā mo nda. Cuña mo ngue eisi turā uchuchúaa ra. Marta, i equia ee.

³⁹ María, i que Marta nongue je ra. Jesús i ji bei que María riqui ngoi ra. Jesús cheē ndese nyiisaquia bei.

⁴⁰ Marta que mbae chao chao ja tuchi quia ra. Erecoteā tuchi que eriqui ra. Oso que ñee Jesús je ra. —Mbae mo ndese senongue riquiā ño co resē. Echeē na ee. Siqui sacua mbae mo ndese seje, i rei que Marta Jesús je ra.

⁴¹ Jesús que ñee Marta je ra. —¿Mbaerā erico siqui jate mbae rese re, Marta?

⁴² Aque mii ndese chō eico ndenongue rā sí ae, Marta. María riqui secheē andu andu a resē. Emo nda embui eā secheē sí, i que Jesús Marta je ra.

11

Jesús mbia mbaaquiatu quiatu ñee tura sacua Dios je

¹ Emo mose que Jesús chi ñee ngu je ra. Hui mose que echimbaaquiatu ñee ee cote ra. —Urerererecua, urembaaquiatu rā ñee Dios je. Sā Juan uchimbaaquiatu mbaaquiatu no, i que Jesús chimbaaquiatu ñee ee ra.

² Jesús que ñee ee ra. —Eí jenyē chō nguia Dios je ñee mose:

Paba ibatenda, sã mbia ñee turã ja bei quia nnderĩ.

Mbia rerecuarã ja sacua echu jei lbii.

Sã mbia ibatenda siqui beite ndebi rese no. Sã mbia ibi jenda abe riqui ndebi rese.

³ Ae ra ureu namo, ùqui embu rã urechiurã.

⁴ Ae uresaã icuã icuã ndeje nae, ùqui embutiã ná uresi.

Sã ureico tesareĩ mbia icuã icuã mose ure je no.

“Mbae icuã jesaã” jichĩ nda emo ure je jẽ!

Urereaquiato mbae icuã si.

Eĩ jenyẽ chõ ñee mose Dios je, i que Jesús embaequiatio ra.

⁵ Jesús que ñeembe ee ra. —“Mbae embu seje”, jẽ i mose jẽquiato je, ¿mee nda jẽje re? Sã jẽingo oso jẽquiato rea itondiite rete mose no. “Mbichae prestar ere rã seje.

⁶ Sequiatio mo ngue tu serea ra. ¿Mbae ra amee ee re?” jenyẽ chõ ee.

⁷ Ae je jẽingo ñee nae, ¿mee eã nda jẽje re? Sã ñee jẽje no. “Jẽso rei. Seiquesa átãte. Co achu seriĩrĩ ndese quisa ye co. Sehuã sereãte. Mbae mo amondo aronea tuchite ndeje”, ¿i ra jẽje re?

⁸ Mondo eã aroneate jẽje jeñee mbei bei mose ee. Nyuruã sereãte raque uquiato je. Ñee mbei mose ee, nyuruã nda mbae mondo turã ee.

⁹ Eĩ si chõ Dios no nde. Jeñee i i mose Dios je, mbae ra emondo jẽje no. Jẽ mbae mo ndequia i i mose, jẽtea rae. Jẽ eiquesa mbu i i mose, mbuquiata ra jẽje cote.

¹⁰ Ae ñee i ite quia Dios je nae, mbae ra Dios mondo ee. Ae mbae mo sequia i ite quia nae, tea rae. Ae eiquesa mbu i ite quia nae, equia ra ee.

¹¹ Jendiĩrĩ “mbichae embu seje” i mose, ¿sita ra eru mee ee re? Jendiĩrĩ “sira embu seje” i mose ¿mbei ra eru mondo ee re?

¹² Jendiĩrĩ “nguira chia embu seje” i mose, ¿quiraẽ nda eru mondo ee re?

¹³ Mbia icuã nyee mbae turã mondo mondo quia nguiĩrĩ je ã. Jendu Ibatenda quia ra mbae turã tuchi mee jẽje. Jendu ra Espiritu Turã mee jẽje, jeñee mose ee, i que Jesús ee ra.

Aba checuayã quirãcuã Jesús quereco co, i raque mbia

¹⁴ Emo mose que Jesús aba checuayã icuã mbusẽ emo ñia si ra. Aque aba checuayã nguia echeẽ mbaequiatuãte nguia. Jesús embusẽ mose que ñee cote ra. Ñee mose que mbia nyuruĩra tuchi mae erese ra.

¹⁵ Emo emo ngue ñee nda. —Aba checuayã icuã nderecua tuchi chõ Satanás nde. Satanás quirãcuã je chõ Jesús riqui nguia aba checuayã icuã mbusẽ mbusẽ mbia si co, i rei que emo emo nda.

¹⁶ —Ma Jesús aquiatute, i que mbia ñee nyue ra. —Jesús, mbia mae sayã mo esaã na ure je, i que mbia ñee Jesús je ra.

¹⁷ Jesús que ùqui ndua ndua icuate ra. Nyebe ñee nguia ee. —Gobierno icuã icuã mose nyue, ua rae. Tuchuamo jenda icuã icuã mose nyue, ua ra eno.

¹⁸ Satanás icuã icuã mose nyue, Satanás quirãcuã nda ua no. Jeñee ñooño ño nguia seje ã. “Satanás quirãcuã je chõ Jesús riqui nguia aba checuayã mbusẽ mbusẽ mbia si”, jenyẽ chõchi nguia seje ã.

¹⁹ ¿Aba jeñimbaequiatio mbirãcuã jẽ nde? Aba checuayã icuã mbusẽ nonde re. ¿Satanás jeñimbaequiatio mbirãcuã serese re?

²⁰ Dios quirãcuã je quiatu aico aba checuayã mbusẽ mbusẽ mbia si ã. “Dios quirãcuã ndese chõ ureico nguia mae”, jenyẽ eã ñochĩ nguia ã.

²¹ Satanás quirãcuã tuchite raque. Umbae raarõ tuchite raque. “Sembae chi turãte a”, i raque.

²² Dios quiarei equirãcuã tuchi Satanás si. Dios Satanás mbae sirõ ja arõte quia esi co. Dios Satanás mbae mbutiã ja arõte quia co.

²³ Ae siqui ãte quia serese nae, ùqui icuã ño eriqui nguia seje. Ae mbae a ishao shao raanguia eãte quia seje nae, ùqui icuã ño eriqui nguia seje.

Aba checuayã icuã nyebi u mbia chianguire

²⁴ Aba checuayã icuã usẽ mose emo ñia si, ngata bei chõ nguia. “¿Mangue ra sequenea aucua que re?” i chõ nguia. Uquenea ucuu sacua ngue etea eãte ra. “Tasobe rei nyebi. Ae si achu usẽ, aque chiã ye si taso”, i que aba checuayã nda.

²⁵ Aba checuayã nyebi si mose u, mbia chiã ndecoteã eãte que ee ra. Tuchua tii ji raãte que ee ra.

²⁶ Aba checuayã icuã ngue nguesenda si-ete queru cote ra. Ique ja que ehoi aque chianguire cote ra. Ae chianguire re aba checuayã icuã sietẽ riqui nae, aque icuã i i tuchi que cote ra. Ñiinda si. Aba checuayã mii ngue siqui eye nyii ra. Etubiriãte cote, i que Jesús ee ra.

Dios cheẽ andusa je quiatu mbae roonde

²⁷ Jesús cheẽ mose que cuña mo tasẽ tuchi ñee mombo ra. —Mbae roonde tuchiñi ndesi je nye. Ae nembuquiambu quia, i que cuña mo ñee mombo Jesús je ra.

²⁸ Jesús que ñee ee ra. —Dios cheẽ andusa je quiatu mbae roonde riqui nguia. Dios cheẽ mumbasa reã je quiatu mbae roonde riqui nguia, i que Jesús ra.

Mbia mae sayã esaã ure je, i bei mbia Jestis je

²⁹ Mbia que ngaẽ tuchi Jesús rĩchã nda. Jesús que ñee mbia je ra. —Co mosenda mbia

icuâte riqui ã. “Mbia mae sayã esaã ure je”, i beite equia seje ã. Mbia mae sayã mii ño nda asaã ee. Jonás na si.

³⁰ Sã Jonás ndiqui raque sira rie ye tres días nae, sã mbia Nínive jenda echeê andu cote nae. Jonás na si ra asaã mbia je. Mbia co mosenda je mae sayã tasaã.

³¹ La reina de Seba quia eturã jiri mbia co mosenda si re. Dios ra co mosenda mbasi tuchi la reina de Seba si. Sã la reina de Seba tu isho tuchi si Salomón ñee andu no. Se quia acheê ndaque quia jêje. Searacua tuchi raque se quiatu Salomón si. Secheê jemumbate chõchĩ NGUIA Æ: Nyebe ra Dios jembasi tuchi mbia icuã ndea rea mose.

³² Nínive jenda quia eturã jiri co mosenda si re. Dios ra co mosenda mbasi tuchi Nínive jenda si. Sã Nínive jenda huicuã ndecha Jonás ñee mose ee no. Aico raque ñee jêje, co mosenda je. Jê secheê jemumbate chõchĩ nguia ã. Se quia raque ererecua tuchi Jonás si. Nyebe ra Dios jembasi tuchi mbia icuã ndea rea mose.

Nanderesa quiarei mbae resae nanderete je

³³ Nande lámpara mendi mose, nandemii aroneate mbaequi re. Nandemii aroneate mbae mo ye. Nandemingo quia ibate erenda rese. Mbia resae ja sacua.

³⁴ Nanderesa quiarei mbae resae nanderete je. Nanderesa turã mose, nanderete abe ra oso turã. Naneeresa icuã mose, nanderete abe ra oso icuã icuã no.

³⁵ Tata rendi rã jêingo bei.

³⁶ Tata rendi rã jêingo bei mose, jemae turã nda mbae ja rese cote. Sã tata rendi riqui nanderesae no, i que Jesús mbia mbaaquiutu ra.

Jesús ñee asi fariseos je

³⁷ Jesús ñee jare que fariseo mo ñee ee cote ra. —Nyao rã sechuchúaa. Terequiuru serese, i que ñee Jesús je ra. Jesús que oso erese ra. Ngoi que quiaru cote ra.

³⁸ Fariseo que ñee uchiangui re ra. —Jesús choi quiiriã ño quiaruchi, i que uchiangui re ra.

³⁹ Jesús que ñee asi ee cote ra. —Jêo achõ ño jêirei ireichĩ nguia. Jeñiangui renda quia eicuâte re. Jeñiangui renda quia jêirei ãte nguia. Abei chiâte chõ jêingochĩ jeñiangui re.

⁴⁰ Nandeo achõ eã ño ngue Dios saã nguia. Nandechiangui renda abe chõ ngue Dios saã ndesê.

⁴¹ Abei chiâte chõ jêingochĩ jeñiangui re ã. Jeñiangui renda turã mose, eã nda jêturã ja rei.

⁴² Aba mbia eã tuchichĩ jê, Fariseos. Mbae a jemondo mondo tuchi raque Dios je. Jenyesecua eãte quia erese jeñiangui re re.

Jêingo turã eãte quia mbia rese no nde. Ûqui jêsaã jiri ae. Mbae a abe jemondo Dios je.

⁴³ Aba mbia eã tuchichĩ jê, Fariseos. “jSerendarã turã nguiatu se jê!” jenyete chĩ nguiã mbia ñumunua mose. “Sã mbia sererecua i nande je”, jenyete chĩ nguia no.

⁴⁴ Aba mbia eã tuchichĩ jê, Fariseos. Embesasa abe no. Jenguasu jêsaã saã techĩ nguiã mbia je. Mbia raque tãsa rã ño jeñiangui renda re. Jeñiangui renda soõ ño nguia. Erondeite. Sã eraaque tãsa yenda soõ no. Mbia jirandu eã ndaque jeñiangui renda soõ ndese, i que Jesús ñee fariseos je ra. Embesasa je abe no.

⁴⁵ Embesasa mo ngue ñee Jesús je cote ra. —¿Mbaerã ereico ñee ure abe je re? i que ra.

⁴⁶ Jesús que ñee Ûqui abe je ra. —Aba mbia eã tuchichĩ jê abe. Jeñee tuchite quia mbia je ã. Dios cheê jemumbeta mbeta tuchichĩ nguia mbia je ã. Mbia echeê mumbayã aroneate chee quia ã. Jê si chõ jeñee jemumba mumba nguia ã.

⁴⁷⁻⁴⁸ Cose ndare rã si jêingo nguia ã. Jenamei na si. Sã ñi jenamei icuã icuã ndiqui Dios cheê mbuchecuasa je cose no. Eã jenyete si chõ nguia ã no.

⁴⁹ Dios quiarei earacua tuchi. Ae que ñee jêje ra. “Secheê mbuchecuasa emo emo nda amondo mbia je. Mbia icuã icuâte ra secheê mbuchecuasa je. Secheê mbuchecuasa mo iquia chee, i que Dios ñee nda.

⁵⁰⁻⁵¹ Ae Dios quiato iquia iquia quia cose nae, Ûqui nã nda Dios jembasi cote. Sã mbia Abel iquia cose no. Sã mbia Zacarías abe iquia altar jii no. Sã mbia Dios quiato iquia iquia bei cose no. Ûqui ja riñ nda Dios jembasi cote.

⁵² Aba mbia eã tuchichĩ jê. “Ure mii ño Dios cheê ureicua nguia ã”, jenye chooño ño nguia ã. Dios cheê jêisi turã eãte quia ã. Mbia siquise mose Dios rese, jêingo emingo eãte erese ã no. Jê abe chee jêingo eãte erese ã no, i que Jesús ñee embesasa je ra.

⁵³⁻⁵⁴ Jesús ñee jare que fariseos paama i tuchi ee ra. Embesasa abe paama i nguia ee no. Ûqui ngue ñee ñee tuchi Jesús je ra. —Sã Jesús ucheê tasa tãsa nande je no. Ûqui mose nandeesi serao policiaa, i tuchi que ra. Nyebe eriqui nguia Jesús rea chemi ñemi.

12

Jêturã nda jêsaã ñooño chĩ je

¹ Mbia tubiriã ngue ngaë ngaë nguia Jesús rea cote ra. Cuaacua i tuchi que equia nyuera. Mbia tubiriã tuchi. Jesús que ñee uchimbaaquiutu je cote ra. —jFariseos rã nda jêingochĩ jê! Uturã naa ñooño mbei.

² Ae mbia saã nyecuayã cuayã nguia nae, Ûqui nda nyecua ja cote. Ûqui nda mbia icua ja cote.

³ Ae jeñee nguia itondaru jëingo mose, ũquí nda nyecua ja mbia je cote. Jeñee equia nyiisa isa nae, ũquí abe ra nyecua ja mbia je no.

Dios riqui jendeaquiato bei co

⁴ Tacheë nyecua jëje, Sequiato. Ae “taiquia” i quia jeni nae, jūquí si ra jësiquichehí jël!

⁵ Ae aba mombo serite quia tata cuasu nae, aque si quiatu jësiquiche. ¡Aque si quiatu jësiquiche tuchi jël!

⁶ Nguireí ndei aba queteamba eã jiri. Mbae isiquia mumba eã jiri raque. Dios quia nguireí icua jate nguia. Dios ra tesareíã nguireí mo si.

⁷ Dios riqui jë mii icua ja co. Dios riqui ngueteã jiri jendese nguireí si co. Nyebe jësiquicheã mbae mo si.

Jesús quiato chõ se re, jenyê checua chõ nguia mbia je

⁸ “Jesucristo quiato chõ se re”, ae i quia mbia je nae, ũquí nii nda acheë turã se abe. “Sequiato chõ ã nde”, ae ra se. Angeles ra ambiirandu ja ũquí ndese.

⁹ “Jesucristo quiato chõ se re”, ae iã nguia mbia je nae, ũquí nii nda acheë turã eã. “Sequiato eã ño ũquí nde”, ae ra se. Angeles nda ambiirandu ja sequiato eã ndese.

¹⁰ Emo ñee icuã mose serií, Dios ra echeë icuã mbutiã arõte. Emo ñee icuã mose Espiritu Turã nii, ũquí icuã nguia ra Dios mbutiã eã mbei.

¹¹ Mbã icuã icuã nda jëje serií. Jenderao mose mbã rerecua je, ¡jêquicoi coichí nda jël! “¿Mañi nande ra ñee ee re?” ¡jenyechí nda jël!

¹² Huee quia ra Espiritu Turã ñee nguia jëje jembucheë sacua, i que Jesús ñee uchimbãaquiato je ra.

Mbaecha aracuayã

¹³ Emo ngue ñee Jesús je ra. —Sererecua, senongue icuã icuãte seje. Echeë na senongueje. Ae ureru secha ure je nae, senongue embuchecha turã eãte seje, i que mbã mo ñee Jesús je ra.

¹⁴ Jesús que ñee ee ra. —¿Mbaerã nda re? “Mbã mbae embuchecha turã turã ee”, iã ngue Dios seje ra, i que Jesús ee ra.

¹⁵ —¡Emo mbae rese ra jemaë maechí eosei sacua jël! “Sembã tubiriã mose ra seyate cote”, ¡jenyechí nda jël! i que Jesús ee ra.

¹⁶ Jesús que ñee ee ra. —Sã mbaecha mo ndiqui no. Ibicha. Sã embae ia tuchite no.

¹⁷ “¿Mañi ae ra se re? ¿Mangue ra aba ererecoquiato re?” i tuchi que mbaecha uchiangui re ra.

¹⁸ “Sembã ruacuã tambucuasu tuchi. Quiata a ruacuã. ¡ nda sembã ique ja tuchi huee. Ae arecoquiato quia ã nae, ũquí nda tenda ata jiri tea seje chã.

¹⁹ Aquieí quieí eã mbei ra se quia cote. Aquiaru quiaru chõ nda se quia cote. Mbae ra ambei mbei chõ nguia cote. Achimbã mbã chõ nda se quia cote”, i raque mbaecha ñee uchiangui re.

²⁰ Dios que ñee ee ra. “Ndearacuayãte ereico co. Co isa chõ nda eremano. Ae ererecoquiato quia nae, aba je chio nda ũquí cote”, i que Dios ñee mbaecha je ra.

²¹ Ae mbae munua nua mbei quia nae, ererecoquiato sacua nae, earacuayã tuchi chõ ũquí nde. Dios quiato eã ño ũquí nde, i que Jesús mbã mbaaquiato quiato ra.

Dios uquiato reaquiato bei

²² Jesús que ñee uchimbãaquiato je ra. — “¿Mbae ra nandeu re?” ¡jenyechí nda quicoi coi jël! “¿Ma tiru ra nandemgue re?” ¡jenyechí nda quicoi coi jël!

²³ Mbã chiú ae ra mbã mingo eã. Mbã irao abe ra mbã mingo eã no.

²⁴ Sã nguireí no. Mbae tiquiayã ndaque. Mbae ishão eã ndaque no. Mbae ruacuã eãte raque embae. Dios quiareí embuquiaru quiaru. Jë nguireí Dios queteamba tuchi nguireí si. Nguireí ja si. Jë abe Dios ae jembuquiaru nguia jë no.

²⁵ Mbã ae ra tiarõ eã. “Se ra atiarombe”, i raque ndua ndua uchiangui re. Dios ae mbã mbutiarõ arõ nguia.

²⁶ Jë mbae ñetë naa aquiatuã mose, ¿mbaerã jëingo “mbã cuasu tasaã” i re? Dios quia ra mbae saã ja jëje.

²⁷ Sã mbae uti turãte riqui no. Mbae ao ao eã ndaque. Ñinyu mburirã eã ndaque. Mbae uti quiareí eturã jiri Salomón si. Salomón turãte raque.

²⁸ Sã Dios quiata mbuturã no. Quiata mano jeite raque. ¿Mañi nda Dios jembãirao eã jë nde no? ¿Mbaerã jëingo Dios icuayãte re?

²⁹ “¿Mbae ra nandeu re?” ¡jenyechí nda pare pare i jël! “¿Mbae ra nandembei re?” ¡jenyechí nda quicoi coi no jël.

³⁰ Eí ño Dios quiatoã nguia. Jë nguia jendu tesareíã mbeite nguia jësi.

³¹ Jë nguia jëingo tuchi Dios rese jenderecuarã. ũquí mose ra Dios mbae mee mee mbei jëje. Jenyurã. Jeñimbeirã abe no.

Jembae jemondo ja Dios je

³² Jësiquichehí nda mbae mo si, Seriirí. Jendu ra umbae mondo ja jëje. Dios iate ra umbae mondo mose jëje.

³³ Jembae jemondochõ ño mbaecha reã je. ¡ nda jembae tubiriã jëingo mose ibate cote. Mbae riru ra soro soroã mbei jembae ibate cote. Mbae ra ua eã mbei huee. Mbã ra mbae mbuquiachãyã huee. Chicuaquiareí eãte ra huee no.

³⁴ Jë jembae mondo mondo mose ibate, jendua ra ibatenda rese cote. Jë jembae

monoã mose emo je, ibatenda rese ra jendua eãte.

Jëingoquiato bei chõ nguia

³⁵ Jëingoquiato bei quia jë! Itondaru abe jëingoquiato quia.

³⁶ Sã ererecua mo no. Oso ngüinisirã nderequia no. Huee erimba mo ndiqui echuchua raarõ huee. Aque ererecua ru quia eiquesa mbuu mbuu aque cote. Erimba eequia asi ee cote.

³⁷ Erimba uqueã mose nguerecua tu mose, ererecua ia tuchi ra erese. Ererecua ra embuquiaru turã. Ae sí chõ echara chara nguã ngüimba je hue no.

³⁸ Ererecua ra tu arõte itondáruu. Itondite mose abe no. Erimba uqueã mose nguerecua tu mose, ererecua ia tuchi ra erese.

³⁹ Sã emo ñee ndeje no. “Co mose ra mbae mbuquiachãsa ru nembae rirõ”, i ndeje no. Ūquí mose ra erequeã. Nembae ra resaarõ mbei esi.

⁴⁰ Eĩ jenyje jë abe icoquiato. Eĩ ae ra u ibate si. “Tu eãte rei rae”, i mose quia ra achu, i que Jesús ra.

Erimba echeẽ mumbayã mose, eya tuchi rae

⁴¹ Pedro que ñee Jesús je ra. —¿Aba je ereico ñee ũquí nde? ¿Ure mii je ere? ¿Mbia ja je ere? i que Pedro ee ra.

⁴² Jesús que ñee ee ra. —Dios rimba aba cheẽ mumbayã nii aico ñee co. Dios rimba aracua riãico ñee co. Sã ererecua ñee ngüimba turã je no. “jSembae esaarõ ja jë!” i ee. “Serimba атаque embuquiaru quiaru ja quia no”, i ee.

⁴³ Erimba echeẽ mumbayã mose, ererecua ia tuchi ra tu mose. Erimba abe ra eya no.

⁴⁴ Ererecua ra ngüimba mii mbei cote, umbae raarõ sacua.

⁴⁵ Sã erimba ndua ndua uchiangui re no. “Sererecua ra tu jei ãte”, i ndua ndua. Hue ñee icua icua uataque je huee cote. Iruã nua cote. Quiaru chooño cote. Mbae mbei chooño abe cote. Quiacua quiacua cote.

⁴⁶ Sã ererecua ru quia ngüimba mbuate aque cote no. Ñee ee. “Mbae ra resaarõ mbei seje cote”, i ngüimba je cote. Ngüimba iruã nua tuchi cote. Ae aba cheẽ mumbate quia, ũquí ndese ra mbae rasi raã naa cote.

⁴⁷ Ae nguerecua cheẽ icuate quia nae, ũquí nda ererecua mbasi mbasi bei ucheẽ mumba mose.

⁴⁸ Ae nguerecua cheẽ icua eãte quia nae, ũquí nguia ra ererecua mbasi mbasiã jiri ucheẽ mumba mose. Ae Dios cheẽ icua tuchi quia nae, ũquí je ra Dios “mbae esaã tuchi seje”, i. Ae je Dios mbae mondo tuchi nae, ũquí je ra Dios “mbae esaã tuchi seje”, i.

Achu chõ ngue mbia mbuchao chao nyesi resẽ, i Jesús

⁴⁹ Ibate si que achu íbii ra. Mbia mae sacua sequirãcuã ndese. Mbia sequirãcuã icua eã ñochi namo nyee.

⁵⁰ Mbia ra sembasi tuchi cote. Pare pare aete se quia ndua erese co.

⁵¹ ¿Achu rei mbia mbuturã turã sacua serimba je jëje re? Tei. Achu chõ ngue mbia mbuchao chao nyesi resẽ.

⁵² Mbia chuchua jenda ra ñimbuchao chao nyesi. Nyeremo nda siqui serese serimbarã. Eataque ra ñimbuchao esi.

⁵³ Emo nda eicuãte ngu je seriĩ. Emo nda eicuãte nguiĩrĩ je seriĩ no. Emo nda eicuãte usi je seriĩ no. Acuani abe ra eicuãte uchari je no. Ari mo abe ra eicuãte nguiĩrĩ ninisi je no. Eĩ si ra mbia icua icua uchue seriĩ no, i que Jesús ra.

Ae ibatenda ra tu icuãte mbia je nae, aque jëicua eãte chõchi

⁵⁴ Jesús que ñeembe mbia je ra. —“Ama nda nyaaqui”, jenyje bei quia pã i mose ã. Ibei jëicuate raque quia ã.

⁵⁵ “Tenda rasite ra cote”, jenyje bei quia quiririã ichu ichu mose ã no.

⁵⁶ Ibei jëicuate raque quia ã. Tenda abe jëicuate raque quia ã no. Ama abe no. Dios rucucha ra tu mbia je, ¿mbaerã jëingo ũquí icuayãte quiato re? ¿Mbaerã jëingo jëaracua raã naa nde?

Ae eicuãte riqui jëje nae, “nandeico turã ño nguia”, jenyje chõ nguia ee

⁵⁷ ¿Mbaerã jëingo mae sereaẽte mbae turã ndese re?

⁵⁸ Emo ñee icua mose jeniĩ mbia rerecua je, jëturã ño ee. Jeñee turã ño ee. Jë ae chõ jeñimbuturã nguia erese. I nda jenderao icua eã. Jenderao mose ra jëtarõ mbei cárcel.

⁵⁹ Huee ra jëingo bei. Jembae mondo ja tuchi chee ee, i que Jesús ra.

13

Jëhui chõ jëicua si

¹ Aque mose que mbia Jesús mbiirandu Pilato riĩ nda. Pilato nda mbia Galilea jenda mo iquia iquia ra. Mbia ticuasú iquia iquia mose Dios mbaerã.

² Jesús que ñee mbia je ra. —Ae Pilato iquia iquia quia nae, ¿ũquí icuãte riqui rei mbia атаque si re? Tei. Jëicua ja chõ jëingo nguiã ã no.

³ Jëhui eã mose jëicua si, jemano ja chõ nda jë abe. Ūquí na si.

⁴ Sã torre de Siloé ngoi mbia ati no. Dieciocho iquia. ¿Ūquí eicuãte riqui rei mbia атаque si re? Tei.

⁵ Eĩ ja chõ ñene. Jëhui eã mose jëicua si, jemano ja chõ nda jë abe. Ūquí na si, i que Jesús ra.

Ira ia ea mbei

⁶ Jesús que ñee mbia je ra. —Sã amei mo ira tiquia rei no. Ìa eã mbei chõ ee no. “Ma taso erea no. Ìa cote reae”, i rei que amei nda. Ei oreãte que ee ra.

⁷ Nyebe amei ñee nguã nguimba je cote. “Ira a rea ngue aso rei nguã. Ìa eã mbei chõchĩ seje tres años. ¡Echisia chõ oso jê! Ìbi riquisã ñoño uã aque”, i que amei nguimba je ra.

⁸ Sã erimba ñee amei je no. “Co tenda mose nandechisia eã na. Equi tambuturã. Mbae ruusi tachono ñono erao rese.

⁹ Ma ia eãte co tenda. Ìa eã mose, nandechisia chõ cote”, i que erimba amei je ra, i que Jesús mbia mbaaquiato ra.

Jesús ari rasi mbucherõ

¹⁰ Sábado mose que Jesús chi mbia mbaaquiato quiato ra. Judíos chumunuásaa.

¹¹ Cuña ndasi mo ngue siqui hue ra. Nyiituquia bei dieciocho años nyee. Aba checuayã icuã nguia embasi nguã. Ari que nguete isoã mbei quia ra.

¹² Jesús que mae ari rasi rese ra. —Echu rã aa, i que ee ra. —Cuña, nderasi ãte cote, i que Jesús ee ra.

¹³ Jesús que o chono erese ra. Aque mose tuchi que ari nguete iso turã cote ra. Ari que ñee turã turã Dios je cote ra.

¹⁴ Ererecua judíos munuasa que paama i tuchi Jesús je ra. Ari mbucherõ mose sábado. —Sábado eã mose chõ nandeico mbae rese ae. Sábado eã mose chõ nandeico erasi mbucherõ ae. Sábado mose chõ Dios mbae resẽ. Erasi mbucherõ aroneate co mose resẽ, i rei que ererecua mbia je ra.

¹⁵ Jesús que ñee ee ra. —¿Mbaerã ereico ndeturã naa ñoño nde? ¿Sábado mose jẽingo ticuasú mbui eã mbei embiu sacuã nde?

¹⁶ ¿Mañi nande ra cuña ndasi mbucheroã co sábado mose re? Judía sí chõ nyeresẽ. Jẽ na si. Satanás que embasi cosete ra. Dieciocho años chee. ¿Mañi ae ra erasi mbui eã esi sábado mose re? i que Jesús ñee nda.

¹⁷ Mbia ataque iate que Jesús cheẽ mose ra. Jesús chiao rese abe eyate no. Ae Jesús ucuãyãte quia, ùqui ngue eirei tuchi Jesús cheẽ mose ra.

Mbae eĩ na ño Dios rimba re

¹⁸⁻¹⁹ Jesús que ñee mbe mbia je cote ra. —¿Mbae rã ño Dios rimba chã? Mbae eĩ na ño Dios rimba re. Sã mbia mostaza eĩ tiquia no. Ieĩ ñetẽte raque etiquia ramo mose. Suri oso quia cote. Ecuasu tuchi chee cote. Nguirei uquisa saã nyee erãquiã ndese. Eĩ si chõ Dios rimba re. Ùqui mii ndaque nyii. Ñimbeta tuchi cote. Mbae eĩ na.

Levadura rã ño Dios rimba re

²⁰⁻²¹ ¿Mbae rã ño Dios rimba chã? Levadura rã ño Dios rimba re. Sã mbia levadura ñetẽ mondo mbichae ao ramo mose no. Levadura oso quia mbichae mbuchimatã ja no. Eĩ si chõ Dios rimba re, i que Jesús ra.

Eiquesa chumumbi

²² Jesús que oso quia Jerusalén nda. Tiba tiba que oso quia mbia chuchua mbuchesea sea ra. Mbia mbaaquiato quiato.

²³ Emo ngue ñee Jesús je ra. —Sererecua, ¿mbia mii mii ño nda siqui ibate nderese re? i que emo ñee Jesús je ra.

²⁴ Jesús que ñee ee ra. —¡Eiquesa chumumbi rĩ ño jẽso ique jê! “Hue rĩ nda aso se abe ique”, i ja jate raque rae. Tei. Ique ja eã nguia nda re.

²⁵ Emo mose ra eiquesa amatã mbei cote. Emo nda iqueã mbei cote. Eiquesa ra jembuu mbuu raque cote. “Sererecua, eiquesa embuquiata rã ure je”, jenyere raque ra seje cote. Acheẽ nda jêje. “¿Mangue jenda jẽ nde? Jaẽicuayãte se”, ae ra jêje cote. Eiquesa ra ambuquiatayã mbei jêje cote.

²⁶ Jeñee tuchi raque ra seje cote. “Ure-quiuru que equia nderese. Nde que urembaquiato quia. ¿Mañi ere ra urerecha re?” jenyere raque ra seje cote.

²⁷ Acheẽ nda jêje cote. “Jaẽicuayãte se. Jẽso serecha. Mbae icuã ngue jesaã saãte quia resẽ”, ae ra se hue cote.

²⁸ Hue ra jenyeseo seo seje huee cote. Jeñee nda seje. “Abraham ño siquichĩ nderese hue. isaac abe no. Jacob abe no. Dios cheẽ mbuchecuasa ja abe no. Ure chõ urechĩ taicuee a”, jenyere ra nyeseo seo seje huee.

²⁹ Mangue jenda chooñoa nda ngaẽ ngaẽ Dios riichã aque mose. Quiaru quiaru ra equia Dios rese.

³⁰ Ae eaquiature riqui raque namo nae, ùqui mō nda eñetẽ na pee cote. Ae eaquiature riqui raque namo nae, ùqui mō nguia ra siqui ecuasurã tuchi pee cote, i que Jesús ñee nda.

Jesús ia eã tuchi Jerusalén jenda rese

³¹ Aque nyaashĩ mose que fariseos ngaẽ ñee Jesús je ra. —¡Eso a si jê! Herodes ndeiquia serite quia co, i que Jesús mbi-irandu ra.

³² Jesús que ñee ee ra. —Eoita rã ño Herodes re. Jẽso ñee ee. “Jesús que ñee ndeje ra. Taico mbirimbe rã aba checuayã icuã jea jea mbia si. Taico mbirimbe rã mbia rasi mbucherõ cherõ. Namó. Isamami abe. Isamami nongue ra ahui erecha cote”, i que Jesús ndeje ra”, jenyere oso Herodes je.

³³ Taicobe jiri namo. Isamami. Isamami nongue abe no. Jerusalén nguia nda seiquia nguã. Sã Dios cheẽ mbuchecuasa mano ja Jerusalén no.

³⁴ Tacheẽ na jêje, Jerusalén jenda. Seya eãte aicochĩ jendese co. Hue jêingo mbia iquia iquia beite hue. Dios cheẽ mbuchecuasa iquia iquia. Dios chimondo abe iquia iquia no. Sã nguira riqui nguĩre reaquiato mondo ujeoqui re no. “Eĩ tae jendeaquiato”, ae beite rei nguĩã jêje co. Secheẽ jêisi sereã mbei chõchĩ nguia ã.

³⁵ ¡Aico jendecha a cote jê! Jemae mae eã nda serese cote. “¡Co chi Dios rucucha ru quia co cote jê!” jenyu mose, hue ramo nguia ra jemae serese cote.

14

Jesús mbia rete ruru mbucherõ

¹ Jesús que oso rei quiaru fariseo rerecua mo nyuchúaa ra. Sábado mose. Fariseos mo ngue chi erea chemi ñemi nda.

² Huee que emo ndasi riqui Jesús je ra. Erete ruru ja que ra.

³ Jesús que ñee fariseos je ra. Embesasa je abe. —¿Eicuãte se erasi mbucherõ mose sábado mose re? Í ere. Jêñee seje, i rei que Jesús ee ra.

⁴ Jesús cheẽ mose que mbia mo ñee eãte ee ra. Jesús que erasi mbucherõ mondo cote ra.

⁵ Jesús que ñee fariseos je ra. —Sã jenimba ticuasú riqui jaã no, ngoi oso ibicua rie. ¿Sábado mose ra jêsiquiã nde? i que Jesús ee ra.

⁶ Fariseos que ñee sereãte echeẽ mose ra.

Jêcuasu ra jêsaã saãchĩ, i Jesús mbia je

⁷ Mbia que erenda turã isirõ sirõ nguia ra. Ngoi sacuaẽ ererecua ji. Ucuasu raã naa sacua. Nyebe Jesús ñee nguia ee.

⁸ —Jêingo mose fiesta, jerenda turã mo nda jêisirõchĩ jê! Mbia chiucuate mo nda tu arõ ndeje cote.

⁹ Fiestacha ra ñee arõte ndeje. “Ehuã na nde. Erenda turã tamondo sequiato je”, i arõte ra ndeje. Ndeireĩte ra huee cote. Pe quiti jiri ra nembucoi cote.

¹⁰ Jêingo mose fiesta, pe quiti jiri chõ jengoi. Erenda turã isirõ nocoĩ. Í nda fiestacha ñee ndeje. “Quiatuchu a jiri, Sequiato. Erenda turã tose”, i sacuaẽ ndeje. Í nda mbia mae ja nderese.

¹¹ Ae ererecua saã saã nguia nae, ùquiã nda siqui eñetẽ na cote. Ae siqui mingüete quia nae, ùquiã nda siqui ererecuarã cote, i que Jesús mbia je ra.

¹² Fiestacha abe je que ñee cote ra. — Nde fiesta raã mose, “jenyu quiaru serese”, jerechĩ nda mbaecha jiri je jê! Erechĩ nda ndenongue je. Erechĩ nda ndequiato tuchi je. ùquiã mose ra embuchebi ndeje. Dios quia ra embuchebiã ndeje cote.

¹³ Nde fiesta raã mose, “jenyu quiaru serese”, ere chõ mbaecha reã je. Ere chõ

mbia rasi rasi je. Mbia cuatayã je. Mbia resayã je.

¹⁴ Nde fiesta raã naa mose ùquiã je, ùquiã nda embuchebiã ndeje. Dios quia ra embuchebi ndeje, Dios quiato quera si mose. ùquiã mose ra ndeya tuchi, i que Jesús fiestacha je ra.

Ererecua quiaru mbaecha reã ndese

¹⁵ ùquiã andu mose que emo ñee Jesús je ra. —Ababi tuchi siqui Dios rese ae ererecua tuchi mose, i que emo ñee Jesús je ra.

¹⁶ Jesús que ñee ee ra. —Sã emo fiesta raã no. “Jenyu quiaru serese”, i sacuaẽ mbia tubiriã je. Mbia chiurã ngue esaã tuchi ra.

¹⁷ Echiurã quiche ja mose que nguimba mo mondo cote ra. “Ae je acheẽ, sã euaẽ quiaru cote”, i que nguimba je ra.

¹⁸ “Ateẽ. Aso eã nda se. Serecoteãte chõchĩ”, i ja ja que ra. “Ibi mo ngue aisi ramote ra. Taso rã erea”, i que emo ucheẽ mondo fiestacha je ra.

¹⁹ “Ticuasú mo ngue aisi ramote ra. Cinco yuntas. Taso rã erea”, i que emo ucheẽ mondo no nda.

²⁰ “Seninisirã mo areco ramote co. Nyebe ra asoã quiaru nderese huee”, i que emo ee no nda.

²¹ Erimba que tu nyebi ñee nguerecua je ra. “Erecoteã ja jate que ra. Quiaru eã nda nderese”, i que erimba embiirandu ja ra. Ererecua que paama i ra. Ngaẽ eã mose erea. Ae ñeembe nguiaẽ nguimba je. “Eso ñee ùquiã je quiatu no. Mbaecha reã je. Mbia rasi rasi je. Mbia cuatayã je. Mbia resayã je. ùquiã ja je echeẽ. Sã euaẽ quiaru serese”, i que ererecua ra.

²² Emo mose jiri que erimba ru ñee nyebi ee ra. “Acheẽ ñee ja que ee ra. Co euaẽ ndaque nguia co. Mbia miite que ra”, i que erimba ñee fiestacha je ra.

²³ Ererecua que ñeembe ee ra. “Esobe ñee ñee emo je no. Eru ja sechuchua. Quiaru sacua serese. Í nda sechuchua mbiitãyã jiri.

²⁴ Ae je acheẽ nyii, ùquiã nda quiaruã tuchi serese cote”, i que ererecua ñee asi ra, i que Jesús ñee nda.

Jesús rui aba siqui jei aronea

²⁵ Mbia tubiriã ngue siqui quia Jesús rui ra. Jesús que uba ñee ee ra.

²⁶ —Ae nyesequa tuchi quia ngu rese sesi, ùquiã nda serimba eã. Ae nyesequa tuchi quia usi rese sesi, ùquiã nda serimba eã no. Ak nyesequa tuchi quia nguĩmisi rese sesi, ùquiã nda serimba eã no. Ae nyesequa tuchi quia nguĩrĩ ndese sesi, ùquiã nda serimba eã no. Ae nyesequa tuchi quia nguõngue ndese sesi, ùquiã nda serimba eã no. Ae nyesequa tuchi quia nguico rese sesi, ùquiã nda serimba eã no. ùquiã ja ra serimba eã.

²⁷ Ae mano sereãte serĩĩ, ũquí nda serimba eã no. Ae siqui sereãte quia serui, ũquí nda serimba eã no.

²⁸ Sã emo ñee no. “Sechuchua tasaã na”, i. “¿Manya mbae isiquia ra amumba sechuchua raã sacuaã nde?” i nyii eao nonde.

²⁹ Sã uchuchua raã naa ndaque no. Hũaẽ tiquia tiquia raque. Hui bei chõ esi cote. Hue mbia iquia iquia ee cote.

³⁰ “Co uchuchua saã saã ndei cose. Saã ja eã mbei chõchĩ nae”, i ra mbia iquia iquia ee.

³¹ Sã soldados rerecua icuã icuã emo je no. Guerra raã serĩ ee. Guerra raã nonde ra ndua ndua. “Ae quiatu que soldados tubiriãte embae sesi ra”, i uchiangui re cote.

³² Nyebe guerra raã eã nguiã ee. Nyebe ucheẽ turã mondo nguiã ee. Isho mose. “¡Nandeico turã ño nyiese jê!” i ee.

³³ ¡Eĩ jenyenye si chõ nguia jê! Jendua rã nguia nyii. Jê jembae recha ja eã mose, serimbarã eã nda jê.

Embiquesa ise quiachamba mose

³⁴ Embiquesa turãte raque. Embiquesa ise quiachamba mose, eicuã tuchi cote.

³⁵ Ñio ye echã aronea cote. Eicuãte cote. Emombo bei chõ cote. Ae eisate riqui, secheẽ jeñandu, i que Jesús ra.

15

Oveja quiachã je

¹ Mbia icuã ngue Jesús siichã nguia ra. Ae impuestos isi isi quia, ũquí abe que Jesús siichã nguia ra. Echeẽ andu sacuaã.

² Nyebe fariseos ñee icuã icuã nguiã Jesús riĩ. Embesasa abe ñee icuã icuã nguiã erĩĩ no. —¿Mbaerã Jesús riqui mbia icuã isi turã turã nde? ¿Mbaerã eriqui quiaru erese re? i que equia ñee Jesús mbutereã tuchi ra.

³ Nyebe Jesús ñee nguiã ee. Embaaquiatu sacuaã.

⁴ —Sã emo nimba quiachã oveja no. Cien ndei erimba. Co miĩ ngue quiachã ee ra. Aque esi quia quiachã je requia aque. Eataque recha. Noventa y nueve recha.

⁵ Quiachã je rea mose, sui cote. Equiaama cote. Eya tuchi erese cote.

⁶ Tu uchuchua cote. “Quiatuchu rã”, i uquiato je cote. Nguesenda je abe no. “Quiachã je que atea cote ra. ¡Sã jê! Jêya tuchi serese cote”, i que uquiato je ra.

⁷ Tacheẽ nyecua jêje. Quiachã je mo nyebi mose, Dios iate riqui co. Mbia icuã tu mose ee, Dios iate riqui erese co. Ae uturã saã saã nguia nae, ae huicuã secha sereãte quia nae, ũquí ndese quia Dios ia eãte re.

Mbae isiquia quiachã je

⁸ Sã cuña mo mbae isiquia diez quereco no. Sã aque miĩ quiachã ndaque ee no. Lamparina ngue emendi eresae sacuaã nda. Sã uchuchua tii no. Mbae isiquia rea chee.

⁹ Ereare que ñee uquiato ja je ra. “Quiachã je que atea cote ra. ¡Sã jê! Jêya tuchi serese cote, i que uquiato je ra.

¹⁰ Aico ñee nyecua jêje a. Mbia mo hui mose huicuã si, ángeles ibatenda ia tuchi erese, i que Jesús ra.

Ae ngu secha

¹¹ Jesús que ñeembe ee ra. —Sã amei mo eriirĩ nyeremo no.

¹² Eriirĩ ndiquii que ñee ngu je ra. “Paba, mbae isiquia ataque embu rã se sembaerã. Ndemano nonde”, i que ñee ngu je ra. Ae eru mbae isiquia mbuchechea nguiã ee. Mondo eo cote.

¹³ Isamami nongue que eriirĩ nduinda umbae rerecoquiato ra. Ae oso nguiã isho cote. Ngu recha. Huee que mbae isiquia umbae mumba chooño ja ra. Mbae icuã ndibishorõ.

¹⁴ Hue jenda mbia chiu que uate cote ra. Amei ndiirĩ abe riãcuã nyee que ra. Umbae mumba chooño jare.

¹⁵ “Taquiei quiei rã oso ererecua mo je”, i chee. “Teasu socoi easarõ na serimba”, i chee ererecua mo ee.

¹⁶ “Teasu chiu au chõ mbichĩ ira a. Seriãcuã tuchichĩ”, i chee amei ndiirĩ. Emo ngue embuquiaruã mbei ra.

¹⁷ “Paba rimba chichĩ quiaru turãte sechuchua huee, seriãcuã mose aa.

¹⁸ Tasobe rei Paba rea. Tacheẽ ndei oso ee. “Seicuã tuchite que ndeje curi ra, Paba. Paba ibatenda je abe no.

¹⁹ Seririĩ ere eã seje cote. Nderimbarã taico cote’, tae rã oso Paba je”, i que ndua ndua uchiangui re cote ra.

²⁰ Ngu rea que esi cote ra. Isho ereco mose que eru mae erese ra. Amei ia eã tuchi que eriqui erese ra. Amei ngue oso uchã nguiirĩ ndese oo ra. Equiaama. Eritii riite no.

²¹ Ngu je que eriirĩ ñee ndei cote ra. “Seicuã tuchite que ndeje curi ra, Paba. Paba ibatenda je abe no. Seririĩ ere eã seje cote”, i rei que ngu je ra.

²² Eru que ñee ngũimba je cote ra. “Eirao turã mo emondo seririĩ je. Eiyaorã abe mo emingue ee. Anillo mo abe emingue eo rese.

²³ Ticuasú quira mo jêquishĩ echo je. Nandequiaru tuchi erese. Fiesta nandesã ee.

²⁴ Seririĩ ngue mano naanguia oso curi resẽ. A eru quera si raanguia seje a. Quiachã tuchi que oso serecha ra. A erube seje a cote”, i que amei ngũimba je ñee nda. Eya tuchi cote. Nyebe fiesta raã nguiã nguiirĩ je.

²⁵ Amei ndiirĩ nongue que siqui úcoo ra. Ngasẽ ndaque u quia uchuchúaa cote. Tõotõ i que echandu ra. Mbia cheĩ cururi abe andu.

²⁶ Ñee ngue erimba mo je ra. “¿Mbaerã eriqui toótō i re? ¿Mbaerã mbia riqui nyuruqui re?” i que amei ndiirĩ ndiqui ra.

²⁷ Erimba que ñee ee ra. “Ndenongue que tu ngasẽ nderu je ra. Nyebe ticuasú icuia nguiã ee”, i que erimba ñee ee ra.

²⁸ Ae enongue paama i nguiã ngu je. Ique sereã nea ngu chuchúaa. Ae eru tunguiã usẽ ñee ee taicuee. “Eique rá mae ndenongue rese”, i rei que eru ee ra.

²⁹ Eriirĩ ngue ñee ngu je ra. “Cosete que aico rei quiei quiei ndeje. Ndecheẽ ngue amumba mumba eãte quia emose. Mbae mo ngue ereiquia eã mbeite seje. Sembae fiesta raã sacua sequiato rese.

³⁰ Ae tu ramo nderiirĩ, ¿mbaerã ticuasú mo ereiquia ee re? Umbae que emumba chooño oso curi resẽ. Siqui siqui cuña icuã ndese. ¿Mbaerã ereico fiesta raã ee re?” i que eriirĩ ngu je ra.

³¹ Eru que ñee echeẽ mose ra. “A ereico beite serese a resẽ, Echo. Sembae ja chõ nembraerã ndesẽ.

³² Ndenongue quiatu que quiachã nandesĩ resẽ. Mano naanguia oso nandesĩ. A eru si quera raanguia nande je a. Nyebe fiesta nandesã ee. Nandeya tuchi rá erese”, i que eru nguiirĩ nongue je ra, i que Jesús mbia je ra.

16

Ererecua rimba mo icoquiato

¹ Jesús que ñee uchimbaaquiato je ra. —Sã ererecua mo mbaechate riqui no. Erimba mo ngue embae saarõ ja quia ra. “Nderimba que nembae mbuquiachã quiachã nguia ra”, i que mbia mo ererecua mbiirandu cote ra.

² Ererecua que ñee ee ra. “¿Mbaerã mbia riqui ñee nderĩ seje re? ¡Cuentas esaã saã mbia mbae ja jê! Sembae raarõsa eã nda nde cote”, i que ererecua ngũimba je ra.

³ Erimba que ndua ndua uchiangui re cote ra. “¿Mañĩ ae ra sequia sererecua re mombo mose re? Sequirãcuã neate quiei quiei sacua ndesẽ. Seirẽite ache ache i mbia je.

⁴ Ūquí ño nda asaã ee nda. † nda mbia seisi turã uchuchúaa sembae eã mose”, i que erimba uchiangui re ra.

⁵ Ae deber i quia ererecua je, ūquí je que erimba ñee nda. Co mii mii je. “¿Manya deber ere sererecua je re?” i que erimba emo je ra.

⁶ “Cien latas de aceite que deber ae ee ra”, i que erimba je ra. Erimba que ñee ee ra. “Nembae cuenta nandemombo chõ. Emo nandesã asi. Cien eã nda cote. Cincuenta achõ ño nda cote”, i que erimba ee ra.

⁷ Ae deber i quia ererecua je, ūquí mo je que erimba ñee no nda. “¿Manya deber ere sererecua je re?” i ee. “Cien bolsas de

trigo que deber ae ee ra”, i que erimba je ra. Erimba que ñee ee ra. “Nembae cuenta nandemombo chõ. Emo nandesã asi. Cien eã nda cote. Ochenta achõ ño nda cote”, i que erimba ñee ee ra.

⁸ Ererecua que jirandu erese cote ra. “Serimba aracua chõ eriquichĩ nde no”, i que ererecua ra. Mbia ibi jenda aracua tuchi chõchĩ Dios quiato si.

⁹ Acheẽ tuchi quia jêje co. ¡Mbae isiquia jemondo mondo quia ibatenda je jê! Eĩ nda jêquiato jiri. Eĩ nda Dios jëisi quiato turã ibate jembae ua mose. Huee ra jëingo bei cote.

¹⁰ Ae mbae ñetẽ saarõ turãte quia, mbae tubiriã abe ra esaarõ turã nguia. Ae mbae ñetẽ saarõ turã eãte quia, mbae tubiriã abe ra esaarõ turãya nguia no.

¹¹ Jê jembae mondo turã eã mose Dios je, Dios ra mbae turã mondo eã jêje ibate.

¹² Jê Dios mbae raarõ turã eã mose, ¿aba quia ra mbae mondo jêje jembraerã tuchi cote re?

¹³ Co mii erimba siqui aronea ererecua nyeremo ndese. Ererecua nyeremo mose, huee ra erimba nguerecua nongue ucuãya. Ererecua nongue ra ebite. Ae ndua beite quia mbae isiquia rese nae, ūquí siqui aroneate Dios rese. Ae siqui beite quia Dios rese nae, ūquí ndei ndua eã jiri mbae isiquia rese, i que Jesús ra.

¹⁴ Fariseos que chi Jesús cheẽ andu ja ra. Mbae isiquia quiato tuchi que ūquí nda. Nyebe ñee icuã nguiã Jesús cheẽ mose.

¹⁵ Nyebe Jesús ñee asite nguiã ūquí je. — Jê nguiarei jêturã jembuchecua tuchi mbia résaa. Dios quiarei jeñiangui renda icua tuchi quia co. Ae eturã abareãte riqui mbia je nae, ūquí Dios ucuãya te quia co.

Dios cheẽ nda io ja

¹⁶ Moisés chimbesea que mbia mbaaquiato quiatu nyii ra. Dios cheẽ mbuchecuasa chimbesea abe que mbia mbaaquiato quiatu nyii ra. Juan tu nonde. Juan ngue Dios cheẽ turã senei senei cote ra. “Mbia rerecuarã tuchi ra Dios cote”, i bei que Juan nguia ee cote ra. Nyebe mbia riqui nguiã ñee. “Dios rimba ra se”, i tuchi mbia quia ã cote.

¹⁷ Ibei ua arõte quia co. Ibi abe ua arõte quia co no. Embesa ji Dios cheẽ nguia ra uayã mbei. Io ja rae.

Eicuãte ngũinisi mombo mose

¹⁸ Mbia ngũinisi mombo mose, ngũinisiã mo nderequia mose, eicuã tuchi ūquí. Adulterio, i que ūquí je ra. Ae eru mombo, emo aque rerequia mose, eicuãte ūquí abe no.

Mbaecha mo oso tata cuasu

¹⁹ Sã mbaecha tuchi mo ndiqui no. Huñrao turã mingue mingue bei. Huñrao nininya mingue mingue bei. Fiesta que

esaã saã mbei quia ra. Umbae mbae isiquia mumba chooño mbae rese.

²⁰ Sã mbaecha reã mo abe riqui no. Lázaro, i que ee ra. Erete reechu echu que ra. Huee que Lázaro riqui chĩ mbei ngoi ra. Mbaecha chuchua taronda jii.

²¹ Lázaro riãcuã ngue ñee mbei quia ra. “Mbaecha chiũ rire nda au rã ña”, i tuchi que equia uchiangui re ra. Ñooñoõ ngue ngaẽ ngaẽ nguia erete reechu rere rere ra.

²² Lázaro mbaecha reã ngue mano cote ra. Angeles que equerao mbae turãsa Abraham ndea ra. Mbaecha abe que mano nda. Mbia que echati ra.

²³ Mbaecha que oso tata cuasu cote ra. Isho que mae Abraham ndese ra. Lázaro abe.

²⁴ Sã ñeemombo mombo Abraham je no. “Paba Abraham, ndeya eã jiri serese ae. Serasite aico tata réndii a. Lázaro embu rã. Sã o mbia rã i je sechuru mbia sacua”, i rei que mbaecha ñeemombo Abraham je ra.

²⁵ Abraham ngue ñee ee cote ra. “Mbae tubiriãte que nembae nyii resẽ. Lázaro quiatu que mbae rasi saã tuchi quia nyii ra. A riqui turãte a cote, nde nderasi rasi mose cote.

²⁶ A jenda mo oso aroneate erasa ndeje hue. Hue jenda abe tu aroneate erasa ure je aa no”, i que Abraham mbaecha je ra.

²⁷ Mbaecha que ñeemombo Abraham je ra. “Lázaro chõ emondo Paba chuchúaa no, Abraham.

²⁸ Hue senongue cinco chi hue. Sã Lázaro si ñee ee. Embiirandu. † nda euaẽ eã mbae rasi raã a”, i rei que mbaecha ñee Abraham je ra.

²⁹ Abraham ngue ñee ee ra. “Ndenongue Moisés chimbese rerequia hue. Dios cheẽ mbuchecua cheẽ abe rerequia hue no. Sã ùqui mumbayã”, i que Abraham ee ra.

³⁰ Mbaecha que ñeembe Abraham je ra. “Embasa ji rerequia raque. Mano je oso mose ñee ee, aque cheẽ nguia ra emumbayã cote. Huiãcuã nda esecha cote”, i rei que mbaecha ñee Abraham je ra.

³¹ Abraham ngue ñee ee ra. “Ndenongue Moisés chimbese mumba mumba mose, mano je cheẽ abe ra emumba no. Eraaque mo quera si je ñee mose ee, aque cheẽ abe ra emumba no”, i que Abraham ñee mbaecha je ra, i que Jesús ra.

17

Mbae icuã nda nandesã uquiachĩ emo je

¹ Jesús que ñee uchĩmbaaquiatu je ra. — Mbae icuã nguiarei siqui bei tuchi mbia mbiãcuã nonde. Ae ñee nguia mbia je nae, “mbae icuã esaã” i nae, eicuã tuchi chõ ùqui nde. Ae “mbae icuã esaã” i nae, ùqui nda mbae rasi saã tuchi cote.

² Ae ra mbae icuã saã uquia seicuaa mo je nae, ùqui nda mbae rasi saã tuchi cote. Ùqui nda aba mombo chõ ama ndisa ye nyii re chã. Sita resebe ecua ji mondo. † nda mbae icuã naa uquia eãte rei seicuaa je.

³ ¡Jẽingo chooñoa ño nguia jẽ! Nderesenda icuã mose ndeje, echeẽ ño ee. “Nandeico turã ño”, ere ee. Hui mose huiãcuã si, eicuã si etesarei chõ nde.

⁴ Sã nderesenda mbae icuã naa naa siete veces ndeje no. Sã ñee ndaque siete veces ndeje no. “Mbae icuã nda asaã eã ndeje cote”, sã i raque ndeje no. Eicuã si etesarei chõ, eicuã mbei bei raque, i que Jesús ñee ee ra.

Jẽ Dios icua jiri mose, eĩ nda mbae mo jeñee mumba eãte rei

⁵ Jesús chimbaaquiatu que ñee ee ra. — Dios eicua tuchi rã ure je, i que ñee Jesús je ra.

⁶ Jesús que ñee ee ra. —Jẽ Dios icua jiri mose, i nda mbae mo jeñee mumbayãte rei. † nda jeñee ndei ira je. “Nde ae echisiqui. Nde ae si echitiquia ama ndisha ite re”, i ira je. † nda ira jeñee mumbayãte rei, jẽ Dios icua jiri mose.

Dios rimbachõ ño nande re, jenyẽ chõ nguia

⁷ Sã emo nimba mo ndiqui bei turuquia rĩ ticuasu raarõ arõ no. Ecuasẽ mose tuchúaa, ¿mañi nda ererecua ñee jei ee re? “Equiaru rã”, i jei ee re.

⁸ Tei. I jei eã nda ee. “Sechiurã esaã naa seje. Sequiaru eteaquiatu rã nyii. Aquere quia terequiuru nde”, i chõ nda ererecua ee.

⁹ Ererecua ra gracias i eã ngũmba je. Erimbachõ ño ñene.

¹⁰ Eĩ si chõ jẽ no nde. Dios rimbachõ ño jẽ no nde. Ae rĩ Dios riqui ñee jẽje, ùqui naa ja mose, ¡jẽingo mingue chõ nguia ee jẽ! “Ae rĩ Dios ñee nande je nae, ùqui mi ño ngue nandesã nda. Erimbachõ ño nande re”, jenyẽ chõ nguia ico mingue, i que Jesús ra.

Jesús mbia leproso ata mbucherõ

¹¹ Jesús que ngata si Jerusalén icha rui ra. Galilea rĩ ngue ecoi quia ra. Samaria rĩ abe que ecoi quia ra.

¹² Jesús que ngasẽ sucha tubiriã moo nda. Hue que mbia rasi mo chi ee ra. Diez que ra. Eire rasi ja que ra. Lepra, i que ùqui mbia rasi je ra. Erasi que chi icúe isho jiri Jesús si ra.

¹³ Ùqui mbia rasi que ñeemombo mombo Jesús je ra. —¡Jesús! ¡Mbia mbaaquiatusa! Urembucherõ na ae, i que ñeemombo mombo ee ra.

¹⁴ Jesús que mae erese cote ra. Ñee ngue ee ra. —Eno. Jẽso jendete reacuquia sacerdotes je, i que Jesús ee ra. Ecuata mose chõ ngue nyerõ ja ra.

¹⁵ Ucherō ndese mae mose que co mii ndu nyebi ñee Jesús je ra. Eya tuchi que ñeemombo mombo Dios rii nda.

¹⁶ Ngoi que ngüiã ndese Jesús resa quití ra. Nyibi que u ñee ee ra. Gracias i tuchi que Jesús je cote ra. Samaria jenda que ae ra. Judío eã ngue ra.

¹⁷ Jesús que ñee nda. —Eatate que ambucherō. ¿Ma eataque ma nde? ¿Ma nueve ma nde? Nyebiã ñochi ecuaē gracias i seje.

¹⁸ Co mii tuchi chō tuchi nyebi gracias i Dios je co. Judío eã ndaque, i que Jesús ra.

¹⁹ Jesús que ñee erasi je cote ra. —Ehuã. Eso cote. Nde que seicua ra. Nyebe arembucherō ngüiã, i que Jesús ee ra.

Mbia chiangui re quiatu Dios riqui ngüiã mbia rerecuarã

²⁰ —¿Manosete ra Dios ru ibii mbia rerecuarã tuchi re? i que fariseos ñee Jesús je ra. Jesús que ñee ee ra. —Mbia ra mae eã erese.

²¹ “¡Aa chō Dios riqui mbia rerecuarã jê!” iã ndae. “¡Pee chō Dios riqui mbia rerecuarã jê!” iã nda eno. Mbia chiangui re quiatu Dios riqui ngüiã mbia rerecuarã, i que Jesús ra.

²² Jesús que ñee uchimbaaquiato je cote ra. —Namō jiri ra jê seosei osei setiã mose cote. “Jesús nda siqui mbiri na nanderese chã”, jenyere rei nda re.

²³ “Hue Cristo riqui hue”, ichōiño nda mbia jêje seriã. “Pe eriqui pe”, ichōiño nda jêje no. “Nyia” jenyechi nda ee jê. Ñeeñoño ndae.

²⁴ Sechecuayã nguia ra achuã. Mbia ra mae ja quiatu senininya rese seru mose. Sã mbia riqui mae jate ama pirirã i rese no. Eĩ ae quia ra u mbia mumae ja.

²⁵ Sechube nonde ra mbia icuã tuchi seje. Mbae rasi ra asaã tuchi rã. Ae siqui namo ã mbia, ũqui nda seririrō tuchi rã.

²⁶ Sã Noé mosenda mbia siqui sereã tuchi Dios rese no. Eĩ si ra mbia siqui sereã Dios rese sechu nonde no.

²⁷ Sã Noé mosenda mbia quiaru chooño no. Ndua rocoi Dios rese. Sã ngüinisirã nderequia chooño no. Sã mbae raã ñooño ndua rocoi Dios rese no. Sã Noé ique chee arca ye no. Sã ama ndicuasú tu cote no. Sã mbia mano ja no.

²⁸ Sã Lot mosenda abe mbia no. Sã quiaru chooño no. Sã mbae isi isi chooño no. Sã mbae eĩ tiquia chooño no. Sã uchucharã naa ñooño no. Sã mbae raã ñooño no. Ndua rocoi Dios rese no.

²⁹ Sã Lot usé nyee hue si cote no. Sã Dios tata mbu ibate si cote no. Sã Sodoma jenda oquei ja aque mose no.

³⁰ Eĩ si ra mbia mbae raã ñooño. Seru mose chee. Ndua rocoi serese.

³¹ Emo siqui mose taicuee se tu mose, ique eã nda uchuchua umbae rerecoquiato. Ae siqui úcoo, nyebiã nda u uchuchua no.

³² ¡Lot ninisi rã nda jëingochi jê!

³³ Ae ngueteãte quia ngueco rese nae, ereco ra quiachã esi. Ae ngueteã eãte quia ngueco rese nae, aque reco quia ra quiachãya esi.

³⁴ Sechu mose, aque isa ra nyeremo chi uque quisa ye. Co mii nda arao. Enongue ra siquichō.

³⁵ Cuña nyeremo nda chi mbua tocho no. Co mii nda arao. Enongue ra siquichō no.

³⁶ Mbia nyeremo nda chi úcoo no. Co mii nda arao. Enongue ra siquichō no, i que Jesús ra.

³⁷ —¿Mangue ra ũqui mangue re, Jesús? i que echimbaaquiato ra. Jesús que ñeembe ee ra. —Ae rĩ mbae raaque riqui chi nae, huee ra urubu choi ja tuchi, i que Jesús ra.

18

Eru cheecha ñee chiibe ibe ererecua mo je

¹ Jesús que ñee uchimbaaquiato je ra. — Sã mbia riqui ñee mbei Dios je. Sã tesareiã mbei ñee Dios je.

²⁻³ Sã eru cheecha mo ndiqui no. Oso chiibe ibe ñee ererecua je no. “Ae sembae quereco nae, sã aque sembae meembe seje”, i chiibe ibe ererecua je. Dios quiatoã ndaque ererecua. Mbia quiato biãte raque aque ererecua.

⁴⁻⁵ Ererecua que eru cheecha cheẽ ñanduchō nyii ra. Eru cheecha que ñee i i tuchi ee ra. Ererecua que ndua chee uchiangui re ra. “Ari riqui ñee chiibe ibe tuchihi seje co. Echeẽ tamumbayã na”, i chee que ererecua ra, i que Jesús ñee uchimbaaquiato je ra.

⁶ Ñeembe que ee ra. —Sã ererecua ari cheẽ mumbayã nyee no. Ererecua icuãte raque.

⁷ Eĩ nda Dios uquiato cheẽ mumbayã no. Dios quiato riqui ñee ñee mbei Dios je co. Arō mose. Isa abe. Dios riqui uquiato ucuãyãsa riisu isu raque co.

⁸ Dios ra uquiato cheẽ mumbayã nyee cote. Se tube mose ibii manya sequiato ra chi bei ñee Dios je reae, i que Jesús ra.

Mbia nyeremo ñee Dios je

⁹ Ucuasu raã naasa mo ngue chi Jesús je ra. Mbia ataque ririrōte que equia ra. Mbia ataque isi teã teã mbei. Nyebe Jesús ñee ngüiã ũqui je.

¹⁰ —Sã mbia nyeremo nyoĩ ique Dios chuchua no. Ñee Dios je no. Co mii ngue fariseo ra. Enongue que impuestos isi isi quia ererecua mbaerã nda. Mbia mbiiri irisa que ae ra.

¹¹ Fariseo que ñee ndei Dios je ra. “Dios, seturãte se. Mbia icuã na eã ño se re. Co mbia mbiiri irisa rã eã ño se re. Mbae

mibuquiachāsa eā ño se no nde. Acheē ñooño eā ño se re. Emo ninisi rese aicoāte se. Mbia ambĩĩĩ irĩrĩ āte quia co.

¹² Aquiaruā mocoite quia ndua bei nderese co. Diezmos amee mee mbeite quia ndeje co”, i rei que fariseo ñee Dios je ra.

¹³ Aba mbĩĩĩ irĩsa que chĩ isho ra. Uāquĩ ngue embucheseco ibi quiti ra. Uchiā ngue eisi ñee Dios je ra. “Ndeyayā ño serese, Dios. Mbae icuā asaā saā mbei chōchĩ nguia co. Seyayā tuchi chĩ seicuā ndese”, i que ñee Dios je ra.

¹⁴ Tacheē nyecua rā jēje. Dios que aba mbĩĩĩ irĩsa cheē isi turā nda. Ico minguede quiatu nguia ñee ñee Dios je. Fariseo quiatu ngue uturā saā saā mbeite nguia ñee Dios je. Nyebe Dios echeē ñanuāte nguia. Ae ucuasu saā saā nguia nae, ũquĩ nda Dios isiāte. Ae ico tochei quia Dios je, ũquĩ quiatu ra Dios isi, i que Jesús ra.

Jesús mbia riĩrĩ isi turā turā

¹⁵ Mbia que nguĩĩrĩ ngurucuaē cuaē nguia Jesús je ra. Jesús oco oco sacua ere. —¿Mbaerā jendiĩrĩ jendu quia co re? i rei que Jesús chimbaaquiātu ñee mbia je ra.

¹⁶ Jesús quiatu que ñee nda. —Tei. Jēsecha. Sā nguĩĩrĩ ndurucuaē seje. Eĩ ño Dios rimba re. Mbia riĩrĩ na. Ucuasu rā naa eā.

¹⁷ Mbia riĩrĩ na ño jēingo Dios isi turā. Eĩ jenje mose, Dios rimba tuchi ra jē cote, i que Jesús ra.

Acuanĩndu mbaecha mo ñee Jesús je

¹⁸ Ererecua mo ngue ñee Jesús je ra. —Mbia mbaaquiātusa turāte nde. ¿Mañĩ ae ra se siquĩ bei nonde ibate re? i que ererecua ñee Jesús je ra.

¹⁹ Jesús que ñee ee ra. —¿Mbaerā ereico eturā i seje re? Dios mĩ ño eturā ndesē.

²⁰ Dios cheē ereicuare resē: “Emo ninisi rese ra ereicochĩ. Mbia mo nda ereiquiachĩ no. Mbae ra rembuquiachāchĩ. Erecheē ñooño chĩ nda emo nĩ. Ndeturā ño nderu je. Ndeturā ño ndesi abe je”, i que Dios cheē nda, i que Jesús ñee ererecua je ra.

²¹ Ererecua que ñee ndei Jesús je ra. —Ūquĩ ngue amumbayā ja bei quia ra. Señetē mosenda bei, i rei que ererecua ra.

²² Jesús eandu mose que ñee ee ra. —Mbae mĩ mo abe eresaā eāte. Á abe esaā. Nmbae emondo mondo ja mbia mbaecha reā je. Nde ũquĩ naa mose, mbae tubiriā nda nde, ndeico mose ibate. Nmbae mondo ja mose mbaecha reā je, serui eico cote, i que Jesús ee ra.

²³ Ererecua Jesús cheē andu mose que echosoi oso serite cote ra. Mbaecha tuchite quiatu ngue ae re.

²⁴ Jesús que mae mbaecha ia eā ndese ra. Ñee ngue mbia je cote ra. —Mbaranguiātu āte mbaecha je ngasē sacua ibate Dios rese.

²⁵ Sā ticuasú mo ndiqui oso aroneate aguja sorei rĩ no nae. Eĩ si chō mbaecha no nde. Oso aronea ibate Dios rese, i que Jesús ra.

²⁶ —¿Aba quia ra oso Dios rea re no? i que mbia Jesús je cote ra.

²⁷ Jesús que ñee ee ra. —Ae mbia saā aroneāte quia nae, Dios mĩ ño nda esaā, i que Jesús ee ra.

²⁸ Pedro que ñee Jesús je ra. —Ure que urembae uresecha ja ra. Siqũ sacua nderui, i que Pedro ee ra.

²⁹ Jesús que ñee ee ra. —Emo umbae recha ja mose Dios rĩ, Dios ra esibishorō tuchi ee. Ae uchuchua secha. Ae ngu secha. Ae usi secha. Ae ngōngue secha. Ae nguĩnisi secha. Ae nguĩrĩ secha.

³⁰ Ūquĩ mbae ja ra Dios sibishorō tuchi. Ibi mbia reco bei mose. Aquere ra Dios emingo bei ibate cote, i que Jesús ra.

Mbia ra sei quia, i si Jesús

³¹ Jesús que ñee icúee uchimbaaquiātu doce je ra. —Co nandeso quia Jerusalén co. Ae Dios cheē mbuchecuasa mbesa mbesa quia serĩ nyii nae, ũquĩ nda io ja cote.

³² Mbia ra semee judíos eā je cote. Mbia ra secheē naa naa. Ñee icuā tuchi ra seje. Ñinimbu nimbu ra serese.

³³ Seiruā nua ndae. Sei quia ra cote. Tres nyaashĩ mose ra aquera sí, i que ñee ee ra.

³⁴ Echimbaaquiātu que echeē icuayāte ra. —¿Mbae rĩ eriqui ñee nande je re? i que nyue ra.

Jesús eresayā mo mbucherō Jericoo

³⁵ Jesús Jericó rurubi mose que eresayā mo ndiqui ee ra. Ñeenda jie que eñĩ ache ache i mbia je ra.

³⁶ Eresayā ngue mbia tubiriā quicoi chandu ra. —¿Mbae ere? i que eresayā emo je ra.

³⁷ —Co Jesús coi quia co. Nazaret jenda coi quia co, i que emo eresayā je ra.

³⁸ Eresayā ngue ñee mombo ra. —¡Jesús! ¡David rucucha! ¡Ndeya eā ño serese jē! i que eresayā ñee Jesús je ra.

³⁹ Ae rane nyoĩ quia, ũquĩ ngue ñee ndei eresayā je ra. —¡Equiriri chō jē! i rei que ee ra. —Jesús, ¡ndeya eā ño serese jē! i bei bei que Jesús je ra.

⁴⁰ Jesús que tiba cote ra. —Eresayā jendu rā, i que mbia je ra. Eresayā ngue oso Jesús rĩchā cote ra.

⁴¹ —¿Mañĩ ae ra ndeje re? i que Jesús ñee ee ra. —Seresa embuturā na, Sererecua, i que eresayā nda.

⁴² Jesús que ñee ee ra. —Nderesa que cote ra. Seicuate quiatu ngue se re. Nyebe arembucherō nguia, i que Jesús ee ra.

⁴³ Aque mose tuchi que eresayā ndesa turā cote ra. Mae turā ngue cote ra. Jesús

rui que esi quia cote ra. Ñee turã turã tuchi que equia Dios rii cote ra. Ae mae erese nae, ũquí abe que ñee turã ja quia Dios je cote ra.

19

Taico nderese, i Zaqueo Jesús je

¹ Jesús que ngasē Jericoo cote ra. Sucha tubiriã ite rĩ ngue esi quia ra.

² Mbia mbaecha mo ngue siqui ee huee ra. Zaqueo, i que ee ra. Aba mbiiri irisa que ae ra. Impuestos isi isiquia rerecua que ae ra.

³ —Jesús rese tamae. Jesús taicua rã, i rei que Zaqueo ra. Mbia tubiriã ngue Jesús chatite esi ra. Zaqueo jua tuchi que ra. Nyebe mae aroneate nguia Jesús rese.

⁴ Zaqueo que oso uchã Jesús nonde ra. Nyui que oso ira mo ñi nda. Jesús ucua rese mae sacuaã.

⁵ Jesús que ngasē Zaqueoqui re cote ra. Soboiba que mae erese ra. —Equichi, Zaqueo. Taso ndechuchua nderese, i que Jesús ee ra.

⁶ Zaqueo que nguichi asi u cote ra. Eyate que Jesús rerao uchuchúaa ra.

⁷ Mbia que ñee ñee tuchi Jesús rii cote ra. —¿Mbaerã Jesús si quia mbia icuã nyuchúaa aque re? i tuchi que mbia ñee nda.

⁸ Zaqueo que juã ñee Jesús je ra. —Sererecua, tacheẽ ndeje. Sembae tachisia nyibite rĩ mondo sacuaã mbia mbaecha reã je. Ae asirõ ñooño mbia si nae, ũquí tambuchebibe ee. Eata tambuchebibe ee, cuatro veces, i que Zaqueo Jesús je ra.

⁹ Jesús que ñee ee cote ra. —Arerirõ ngue mbae icuã si namo nda. Judiote quiatu nde re.

¹⁰ Quiachã je requia chõ achu nguia ibate si co. Quiachã je mingo bei sacuaã abe chõ achu nguia ibate si co no, i que Jesús ra.

Mbae isiquia jambaata, i ererecua ngũimba je

¹¹ Mbia que Jesús cheẽ ñandu turã nguia ra. Jerusalén ndurubite que echoi quia ra. —Mbia rerecuarã ja ra Jesús cote reae, i rei que mbia quia ndua ndua ra. Nyebe Jesús ñee nguia ee.

¹² —Sã mbia mo ndiqui oso ibimo isho tuchi no. “Mbia rerecuarã eico nde cote”, i nonde mbia pe jenda ee. Aquere ra eru mbia rerecuarã cote.

¹³ Sã ñee ja ngũimba je oso nonde no. Diez rei erimba. Mbae isiquia atate que embuchao chao ngũimba je ra. “Á mbae isiquia jambaata ata oso quia. Sechu mose chee”, i que ngũimba je ra.

¹⁴ Sã hue jenda mbia aque ucuãyãte no. Comisión ngue emondo ra. “Aque urebiãte urererecuarã”, i rei que comisión mondo ra.

¹⁵ Gobierno ngue emii mbei chõ ererecuarã nda. Nyebe uba bei u nguia uchuchua cote. Ngũimba je que ñee cote ra. Ũquí diez.

Ae je eriqui mbae isiquia mondo nae, ũquí. “¿Sechimee mbae isiquia jambaata ata rei re?” i jaaja que ngũimba je ra.

¹⁶ Erimba mo ngue ñee ee ra. “Ae. Aque mii ngue ereme ndei seje nyii, ambaatate que se cote ra. Diez que cote ra”, i que nguerecua je ra.

¹⁷ Ererecua que ñee ee ra. “Coche ñene. Serimba turãte nde. Mbae ñetẽ ngue eresaã turãte quia secheẽ nguire ra. Nyebe mbae cuasu tamondo ndeje cote. Diez pueblos rerecuarã nda nde cote”, i que ererecua ngũimba ñiinda je ra.

¹⁸ Erimba nongue que tu ñee ee cote ra. “Aque mii ngue ereme ndei seje nyii, ambaatate que se cote ra. Cinco que cote ra”, i que nguerecua je cote ra.

¹⁹ Ererecua que ñee ae abe je no nda. “Eno. Cinco pueblos rerecuarã nda nde cote”, i que aque ngũimba je ra.

²⁰ Erimba nongue que tu ñee ee cote ra. “Co nembae mbae isiquia co. Tiru ye que areco bei ra.

²¹ Sesiquichete quiatu ngue ndesi re. Erequeteãte quiatu nguia mbae rese. Ndechitiquia eã abe ereishao shaote quia co. Nyebe nembae mbae isiquia arco quiatuchõ ño nguia ndeje”, i que aque nguerecua je ra.

²² Ererecua que paama i tuchi ñee ee ra. “Serimba icuã tuchi chĩ nde re. Nde sí chõ erecheẽ nguia sembiirandu. ‘Nembae que ambaata eãte ra’, ere chõchĩ. ‘Areco quiatuchõ ño nguia’, ere chõchĩ. Se ngueteã mose mbae rese ndeje ¿mbaerã secheẽ eremumba re?

²³ ¿Mbaerã sembae mbae isiquia eremondo eã banco re? I nda ñimbaata jiri rei seje”, i que ererecua ñee asi aque ngũimba je ra.

²⁴ Ae chi huee, ũquí je que ererecua ñee nda. “Ae sembae quereco chooña nguia nae, jēsirõ na esi. Ae diez quereco quia nae, aque je jemondo”, i que ererecua ra.

²⁵ Mbia que ñee ererecua je ra. “¿Mbaerã nda re? Eatate ae resẽ. Diez que ae resẽ. ¿Mbaerã nda emo abe eremondo ee re?” i que mbia ñee ererecua je ra.

²⁶ Ererecua que ñee ee ra. “Ae embaete nae, mbae tamondobe ee. Ae mbae quereco ãte quia nae, embae tasirõ ja esi.

²⁷ Seucuãyãsa jendu ja rã. Ae ñee nguia seriĩ. ‘Aque urebiãte urererecuarã’, ae i quia seriĩ. Ũquí jendu ja. Ũquí jēiquia ja sésaa”, i que ererecua ra, i que Jesús ñee mbia mbaaquiatu ra.

Jesús ngasē Jerusalén

²⁸ Jesús cheẽ jare que ngata si Jerusalén icha rui ra.

²⁹ Jerusalén ndurubite que echoi ngasē nda. Betfagé, i que hue sucha je ra. Betania, i que hue sucha erurubinda je no nda. Ibi ibate abe que chí huee ra. Monte de los Olivos, i que ee ra. Hue si que uchimbaaquiātu nyeremo mondo cote ra.

³⁰ —Aichi súchaa chō jēso rā. Burro riirī cuasa ra chí jēje hue. Ae ato emo nyui āte. Jenyura seru seje.

³¹ “¿Mbaerā nda jenyura re?” i mose emo jēje, jeñee ee. “Nandererecua que jendu i ra”, jenyee ee, i que Jesús ũquí nyeremo mondo ra.

³² Nyoi que súchaa ra. Ae rií Jesús ñee ee nae, ũquí ngue nyecua ja ee cote ra.

³³ Burro riirī ngue etea ra. Era mose que echa ñee ee ra. —¿Mbaerā jēingo era era re? i que ee ra.

³⁴ Jesús chimbaaquiātu que ñee ee ra. —Nandererecua que jendu i ra, i que echa je ra.

³⁵ Burro riirī ngue ecuruchoi Jesús je cote ra. Echimbaaquiātu que huñrao chono ñono burro arō nda. Mbia que Jesús mbuchui burro ato cote ra.

³⁶ Jesús ngata mose burro ato, mbia que huñrao mbiitee ee ibi rií nda. Jesús nonde. Jesús oso sacua hue rií.

³⁷ Jesús quiato tubiriā tuchi que nyoi quia erese ra. Monte de los Olivos icha re ngasē mose, Jesús quiato que tasē tasē tuchi ra. Eya tuchi que ra. Ñee mombo mombo turā ngue Dios je cote ra. —Jesús riqiui mbia mae sayā naa naa tuchi mbia je co, i que ñee mombo mombo turā Dios je ra.

³⁸ Mbia ia tuchi que tasē tasē nda. —Co nandererecua ru quia ngasēte co. Co Dios chimbu ru quia ngasēte nande je co. Dios turā tuchite nande je, i que mbia ia tuchi ra.

³⁹ Fariseos mo abe que chí huee ra. ũquí ngue ñee ndei Jesús je ra. —Ndechimbaaquiātu embaasē asē eā jiri ae, i rei que Jesús je ra.

⁴⁰ Jesús que ñee ee ra. —Sequiato ñeemombo mombo eā mose serí, eí ndei ra sita ñeemombo mombo serí cote, i que ñee nda.

⁴¹ Jesús que ngasē seríte oso quia Jerusalén cote ra. Sucha checuate que esi quia ee cote ra. Jesús ia eā tuchi que Jerusalén ndese ra. Nyeseo que erese cote ra.

⁴² Jesús que ñee sucha tubiriā je cote ra. Jerusalén je. —Seyayā tuchi aico nderese co, Jerusalén. Mbia mbiasa ereicuayā mbei chōchí nguia co. Echecuayā mbei chō eriquichí ndeje co.

⁴³ Mbae rasi ra eresaā tuchi cote. Ndeucuāyāsa ra nderiquisā tuchi cote. Nemama nda euaē.

⁴⁴ Sucha ra embucoi ja ndeyenda. Sita ra embucoi ja tuchi mbia chuchua si. Mbia ra mano ja ndeyenda cote. Dios quiatu ngue ereisiā mbeite nguiā. Dios sembu mose nderea, aque mose abe que seisiāte no nda, i que Jesús ñee Jerusalén je ra.

Jesús mbia mbusē Dios chuchua si

⁴⁵ Jesús que oso Dios chuchúaa ra. Huee que mbia riqui mbae isi isi querabe ra. Mbae mondo mondo abe mbae isiquia ribishorō. Jesús que ũquí mombo ja Dios chuchua si ra.

⁴⁶ Jesús que ñee mbia je ra. —“‘Mbia cheesa Dios je’, i ra mbia Dios chuchua je”, i que embesa ji ra. Jē nguia jēcuā tuchite Dios chuchua je re. Mbae mbuquiachāsa chuchuarā ño jēsaāte chí nguia Dios chuchua je, i que Jesús ũquí je ra.

⁴⁷ Jesús que mbia mbaaquiātu quiatu bei quia Dios chuchúaa ra. Ererecua cuabēte que mae icuā icuā nguia erese ra. Sacerdote rerecua. Embesasa abe no. Mbia rerecua ja. ũquí ererecua ja que ñee ñee nguia nyue ra. —¿Mañi nande ra equia Jesús iquia sacua nde? i que ererecua quia ñee ñee nyue ra.

⁴⁸ Ererecua que Jesús iquia aroneate ra. Mbia tubiriāte quiatu que Jesús chandu quia ra.

20

¿Aba nembu re? i mbia ñee Jesús je

¹ Emo mose que Jesús riqui mbia mbaaquiātu quiatu Dios chuchúaa ra. Ererecua que ngaē ja ñee ee ra. Sacerdote rerecua. Embesasa abe no. Amei abe no.

² ũquí ngue ñee ja Jesús je ra. —¿Mbaerā ereico mbia mbaaquiātu quiatu re? ¿Aba “mbia embaaquiātu quiatu” i ndeje re? i que ererecua ja Jesús je ra.

³ Jesús que ñee ee ra. —Se rane tacheē jēje. Se rane preguntar tae jēje.

⁴ ¿Aba ñee Juan je re? “Eso bautizar i mbia je” i ee re. ¿Dios eā ño ere no? Jeñee seje, i que Jesús ee ra.

⁵ Ererecua que ndua ndua ja u ra. Ñee ñee ngue u nyue ra. —¿Mañi nande ra echeē ndobeishí nde? “Dios que Juan mbu ra”, nande aroneate. Eí nda ñee nande je. “¿Mbaerā jēingoāte erui re no?” i quiarei ra nande je.

⁶ “Dios eā ngue embu ra”, nande aroneate no. Mbia ataque ra paama i tuchi nande je. Nandei ei ra sita je. Juan quiato tuchi que mbia, i que ererecua ñee ñee nyue ra.

⁷ Ererecua que ñee nyee Jesús je ra. —Ureicuayāte. Aba chō Juan mbu. Bautizar i sacua, i que ererecua ñee ja ee ra.

⁸ Jesús abe que ñee ee cote ra. —Se abe ra acheē eā jēje no. Aba chō “ā esaā” i seje. Acheē eā nda jēje no, i que ererecua je ra.

Uva raarōsa icuā icuā nguerecua je

⁹ Jesús que mbia mbaaquiato quiatu cote ra. —Sã mbia mo ndiqui no. Sã ibicha mo ndiqui no. Sã ibicha riqui uva i tiquia tiquia no. Sã ibicha riqui “sembae uvas jësaarõ”, i emo je no. Sã eriqui oso itõte no.

¹⁰ Uva quiche mose que echa ngũimba mo mondo rei umbaerã ndea ra. Ae uva saarõ nguia nae, ùquĩ ngue eisi icuã tuchi ra. Ucuu ucua que erese ra. Eochi que emondo mbuchebi ra.

¹¹ Echa que ngũimba mo mondo rei ereabe no nda. Aque abe que eraarõsa isi icuã no nda. Ucuu ucua que aque abe rese no nda. Eochi que emondo mbuchebi ra.

¹² Echa que emo abe mondo rei ra. Aque abe que eiruã nua mondo mbuchebi no nda.

¹³ Echa ia eãte que ra. “¿Mañi ae ra se re? Seririĩ quiatu tamondo era cote. Ûquĩ nda ireĩ ireĩ jiri esi cote reae”, i rei que echa ra.

¹⁴ Uva raarõsa mae mose erese que ñee nyue ra. “¿Co eririĩ ndu quia co cote jël jNandeiquia rei jël! fnda uvas nandembaerã ae cote”, i que ñee nyue ra.

¹⁵ Eraarõsa que eririĩ querao pe jiri eiquia ra. Eriiriĩ ngue mano cote ra. ¿Mañi nda echa quia eraarõsa je cote re?

¹⁶ Echa ra oso eraarõsa iquia ja cote. Ibi ra emondo emo je cote. Eraarõ sacuã, i que Jesús mbia je ra. —¿Ûquĩ nda iquechĩ jël! i que mbia ra.

¹⁷ Jesús que mae erese ñee ee cote ra. —¿Ã embesa ji rese jemae ãte re?

Sã emo ndiqui tuchia ao sita je no.

Sã sita mo ndirirõ mombo no.

Eicuãte eriqui reĩ nguĩ ee.

Aquere Dios emundua si erese.

“Earonda sacuã turambi chõ eriqui re”, i ndua si uchimombo rese.

Sã uchimombo rirõ si cote no,

i que embesa ji ra.

¹⁸ Ae ra nyoĩ ngoĩ aque sita arõ nae, ùquĩ nda huẽ. Aque sita ngoĩ mose emo arõ, ùquĩ nda mano, i que Jesús ra. —Aque sita rã ndei se, i chõ ngue re.

¿Impuestos ra uremee ererecua je re? i mbia ñee Jesús je

¹⁹ —Nanderĩ ño Jesús riqui nguĩ ñee a. Nandeisi rei serao jël, i rei que sacerdotes rerecua ñee nyue ra. Embesasa abe no. Ûquĩ ngue paama i ja Jesús je ra. Jesús isi aronea tuchite que mbia résa ra. Eireite quiatu ngue mbia tubiriã si re.

²⁰ Ererecua que mbia icuã mondo mondo quia Jesús cheẽ andu andu ra. —jËturã jësaã saã oso Jesús je jël! jEcheẽ ndese jenyiisaquia quiatu ure je jël! Mbae mo nii ñee icuã mose, jnandeisi rei jël! Ererecua tuchi je nandemondo cote, i ja que ererecua ñee nda.

²¹ Ae chi uturã naa naate Jesús je nae, ùquĩ ngue ñee ee ra. —Jesús, co ereico mbia

mbaaquiato quiatu turãte co. Mbia jaje ndeturãte riqui co. Mbia erembaaquiato quiatu turãte quia Dios icha rĩ co.

²² Nyebe ureico nguĩ ñee ndeje a. ¿Coche mbia mbae isiquia mee mee mose Romano nderecua je re? ¿Uremee nda ee re? ¿Uremee eã nda ee re no? i que ñee Jesús je ra.

²³ Jesús que ùquĩ icuã icuate ra. Nyebe ñee nguĩ ee. —¿Mbaerã jëingo “¿nda Jesús ucheẽ nyabi”, i seje re?

²⁴ Mbae isiquia mo jëteacuquia imbu seje. ¿Aba mbae nombre ñi mbae isiquia rese a re? ¿Aba ãquĩ aingue abe ñi a re? i que Jesús ee ra. —Romano nderecua, i que ñee Jesús je ra.

²⁵ Jesús que ñee ee cote ra. —Romano nderecua mbaerã jemee ño ee. Dios mbaerã jemee ño ee, i que Jesús ee ra.

²⁶ Jesús que ucheẽ nyabi aroneate ee ra. Ûquĩ ngue nyuruira jate u Jesús cheẽ andu ra. Nyebe eriqui ñee eã ee cote.

Mbia raaque ra quera si, i Jesús

²⁷ —Mbia raaque ra quera eã mbei, i que mbiamo nguia ñee nda. Saduceos i que ùquĩ je ra. Ûquĩ mo ngue nyoĩ ñee Jesús je ra.

²⁸ —Ã ngue Moisés mbesa nande je ra: “Emo eririã mano mose, ngũinisi recha mose, sã enongue mano je ninisi rerequia. Sã tiiri ngõngue raaque rĩ”, i que Moisés embesa nande je ra.

²⁹ Sã eriqui mo ndiqui no. Eribi que seis ra. Eriqui que ngũinisiã quereco rei ra. Mano ño ngue tiiri ndocoĩ ngũinisi recha ra.

³⁰ Enongue que nguiqui checha quereco rei cote ra. Ae abe que mano ño tiiri ndocoĩ no nda.

³¹ Enongue abe que equereco rei cote no nda. Ae abe que mano ño tiiri ndocoĩ no nda. Ûquĩ seis ja que ngõngue checha quereco ja rei ra. Mano ja tuchi chõ ngue tiiri ndocoĩ no nda.

³² Eninisi eru checha abe que mano ño nyee cote ra.

³³ Siete que eru nyii resẽ. Mbia raaque quera si mose, ¿abate ra equereco cote re? i que saduceos ñee Jesús je ra. —Ma Jesús ñee icuã no, i chõ ngue re.

³⁴ Jesús que ñee ee ra. —Aa chõ mbia riqui nguĩ ngũinisi rerequia querabe. Siqui mose íbi.

³⁵ Ae raaque ra Dios mbuquera si nae, ae ra Dios mingo bei nyiese nae, ùquĩ nda ngũinisi quereco eã mbei huee cote. Ûquĩ nda ngu quereco eã mbei huee cote no.

³⁶ Huee quiatu ra mbia manaõ mbei. Angeles rã mbei ra mbia riqui huee cote. Dios riiri tuchi ra eriqui huee mose cote. Embuquerá quiatu ra cote.

³⁷ Moisés abe que mbia mbiirandu ra. “Mbia raaque quera quera bei quia co”, i que Moisés ra. “Se rei Dios. Abraham

nderecua chō aico nguiã co. Isaac nderecua abe. Jacob nderecua abe no', i que Dios ra", i que Moisés embesa ra. Ira ruri rendi mose que Dios Moisés mbiirandu ũqui ndese ra.

³⁸ Ũqui mano ndaque nyii. Ũqui ndeco siqui bei chō nguiã ũqui. Mbia raaque rerecua eã ño Dios re. Mbia reco rerecua chō ñene. Mbia reco ja chō siqui nguiã Dios je ã, i que Jesús ee ra.

³⁹ —Ndecheẽ turâte, i que embesasa mo ñee Jesús je ra.

⁴⁰ Ae "Jesús nandemb#cuã" i rei quia, ũqui ngue ñee eã Jesús je cote ra.

¿Aba rucucha Cristo re?

⁴¹ Jesús que ñee mbia je ra. —Se abe tacheẽ jêje cote. ¿Mbaerã mbia riqui ñee nde? "David rucucha chō Cristo re" i re.

⁴² David si que "sererecua" i Cristo je ra. Sã David chimbesa Salmos no: Dios que ñee Cristo sererecua je ra. "Ecoi sejii.

Nde abe ra ererecua serese.

⁴³ Ae ndeucuãyãte quia nae, ũqui je ra ndequirãcuã ateaucuquia tuchi.

Ndequirãcuã tuchi chee ra ũqui si", i que Dios sererecua je ra, i que David embesa ra.

⁴⁴ David si chō "sererecua" i nguiã Cristo je. ¿Mañi nda David rucucha Cristo re? Jeñee ño seje, i que Jesús ũqui je ra.

Jesús ñee asi embesasa je

⁴⁵ Mbia ja rêsaa que Jesús ñee uchimbaaquiату je cote ra.

⁴⁶ —¡Embesasa rã ño nda jëingochi je! Ũqui ucuasu saã saã mbeite quia ã. Huiirao turã equereco beite quia ã. "Sã mbia ererecua i nande je", i beite equia ã. Mbia renda turã abe eirabo rabo beite quia mbia si ã. "Fiestacha jii quia taĩ jê", i abe bei equia ã no.

⁴⁷ Ari eru cheecha mbae abe embutiã tiã nguiã ã no. Ucheẽ oco abe esaã saã mbeite quia Dios je ã no. "ƒ nda mbia mae nanderese", i chō nguiã. Ũqui nda Dios mbasi tuchi cote, i que Jesús uchimbaaquiату je ra.

21

Eru cheecha mbaecha reã mo mbae mo mee Dios je

¹ Jesús que nyoĩ nyoĩ quia Dios chuchúaa ra. Hue que mbia mbaecha riqui ofrenda mondo mondo ofrenda riru je ra.

² Eru cheecha abe que siqui ra. Ae que centavos nyeremoño mondo ofrendarã nda. Mbaecha reãte quiату ngue ae re.

³ Jesús que ñee nda. —Tacheẽ tuchi jêje. Eru cheecha mbaecha reã ngue mbae mondo tuchi mbia ataque si ra.

⁴ Mbaecha quiату que umbae rire ñetê mondo mondo ra. Eru cheecha quiату

nbbbbknnnknnnnnnn gue umbae mñi mondo ja nguiã, i que Jesús ra.

Mbia ra Dios chuchua mbucoi ja, i Jesús

⁵ Mbia que ñee ñee Dios chuchua turã ñii nda. Tuchua mbarõ ji sita turã ñii. Mbae aba queteamba riĩ abe no, Dios chuchua jenda. Jesús que ñee mbia je cote ra.

⁶ —Ae rese jëingo mae nae, ũqui nda mbi-amo mbutiã ja cote. Sita mo nda chi eã nyuchuarõ cote. Mbia ra tuchua mbucoi ja tuchi. Dios chuchua ra chi eã juã cote, i que Jesús ra.

Mbae ua ja nonde

⁷ —¿Manose ra ũqui nde? ¿Mañi ure ra equia irandu mbae ua nonde re? i que Jesús chimbaaquiату ee ra.

⁸ Jesús que ñee ee ra. —Jêtesa jiri quia jê. Mbia ra jembiiĩ irichĩ jê. "Cristo chō se re", i ra mbia ñee ata atate jêje. "Co rei é co cote", i ra mbia ñee ata atate jêje no. Ũqui nda jeñanduchi. Ñeeñoño je chō ũqui nde.

⁹ Mbia ra ñee ñee tuchi nyiiquia iquia je riĩ. Guerra riĩ abe no. Ũqui mose ra jësiquichechĩ jê. Ũqui ja rane nda nyecua raque. Aque mose ra mbae ja ua eã ná, i que Jesús mbia mbaaquiату ra.

¹⁰ —Mbia ra guerra saã tuchi chee. Nyiiquia iquia tuchi rae.

¹¹ Ibi ra nyere nyere tuchi. Mbia mo abe riãcuã tuchi ra aque mose. Emo ñooñoa tuchi ra mbia rasi. Mbia mae sayã nda nyecua tuchi ibei ri cote.

¹² Ũqui nonde ra mbia icuã icuã tuchi jê je seriĩ. Nguerecua je ra mbia jenderao rao tuchi. Ererecua abe icuã icuã tuchi ra jêje. Jêtarõ tarõ tuchi ra seriĩ.

¹³ Ũqui mose nda secheẽ jêseni senei tuchi mbia je chã.

¹⁴ ¿Manyae ra ũqui ñee ndibishorõ nde? jenyechĩ nda ñee ũqui nonde jê.

¹⁵ Se chō nda jaembucheẽ turã nguiã aque mose. Nyebe ra jëucuayãsa jeñee ndibishorõ aroneate aque mose.

¹⁶ Jendu ra jemondo chee mbia icuã je. Jenongue abe ra jemondo chee mbia icuã je no. Jendesenda abe ra jemondo chee mbia icuã je no. Jëquiato abe no. Ũqui nda jemo iquia chee no.

¹⁷ Mbia ra jëucuayã tuchi seriĩ.

¹⁸ Jësiquichechĩ nda esi. Jaendeaquiату tuchi ra aque mose.

¹⁹ Jeñimbirãcuã mose ra Dios jemingo turã mbei.

Jerusalén tiã tuchi rae, i Jesús

²⁰ Soldados Jerusalén mama mose, aque mose ra Jerusalén mbutiã cote.

²¹ Sã Judea jenda choi uchã ibi ibate riichã aque mose. Sã Jerusalén jenda abe choi uchã hue si. Ae chi isho isho Jerusalén si nae,

sã ũquí nyebibe eã Jerusalén ndiichã aque mose.

²² Aque mose ra mbia mbae icuã ja irara tuchi huicuaã nũ. Embesa ji cheẽ nda ique ja aque mose.

²³ Aba mbia eã tuchi ra emo aqũẽ ndiru rerequia mose aque mose. Nguiĩri mbuquiambu je abe no. Mbia ra mbae rasi saã tuchi aque mose. Mbae icuã nda irara tuchi huicuaã nũ.

²⁴ Aque mose ra mbia guerra raã tuchi. Mbia ra nyiquia iquia aque mose. Jerusalén jenda ra sasẽ tuchi aque mose. Mbia ra ecuruchoi choi tuchi tarõ isho. Judios eã nda chi tuchi Jerusalén aque mose. Dios ra emondochoi chee hue si cote.

Dios riĩri nda tube ibate si

²⁵ Mbia mae sayã ndese ra mbia mae tuchi ibei rĩ cote. Tenda rese. Nyasi rese abe no. Nyasi tata rese abe no. Ama ndisha ra sieu tuchi quia aque mose cote. Mbia ra titi titi i tuchi aque mose. Quiachã tuchi rae.

²⁶ Mbia chiã nda cuaãcuã i tuchi aque mose. “Mbae rasi ra nandesã tuchichĩ nde”, i tuchi ra titi titi i. Ibei jenda abe chee ra quiata quiata cote.

²⁷ Aque mose tuchi ra achube ibii cote. Ibeishĩ ndese ra achu. Senininya tuchi ra achu. Sequirãcuã tuchi ra achu.

²⁸ Ũquí ndese jemaẽ mose, jẽo jẽo tuchi aque mose jẽ. Dios ra jendiro jei mbae icuã si aque mose cote, i que Jesús ra.

²⁹ Jesús que ñeeme ee ra. —Sã higuera riqui no. Sã ira mo ndiqui no.

³⁰ Ero quira usẽ ja mose, “iraro itõ ndacu ra cote”, i chõ mbia nguiã aque mose cote.

³¹ Eĩ si chõ nda mbia mae mbae ja rese cote. Ũquí ndese mae mose, “achite Jesús ñi tu a cote”, jenyẽ rae. “Mbia rerecua tuchi ra Dios cote”, jenyẽ ra aque mose.

³² Ae siqui quia mbia aque mose nae, ũquí nda manõã mbae ua ja mose chee.

³³ Ibei ra ua. Ibi abe ra ua. Secheẽ nguia ra uayã mbei.

³⁴⁻³⁵ Mbia ndua eã mose serese ra achu cote. Ibi jenda ja ra ambua tuchi u. Jẽ nguia seraarõ arõ mbei quia. Mbae icuã ndese siqui rocoĩ. Quiacua siqui rocoĩ. Mbae rese ndua ata ata rocoĩ. Ũquí icuã ndese jẽingo mose, jaembuate ra u.

³⁶ Jẽtesa bei quiatu quia serese. Jẽnee mbei quiatu quia Dios je. ã mbae icuã jei eã sacuaã jẽje. Jẽingo turã sacuaã serese sechu mose, i que Jesús ra.

³⁷ Nyaashĩ mose que Jesús riqui mbia mbaaquiātu quiatu Dios chuchua ra. Isa que eriqui oso oso bei Monte de los Olivos ra.

³⁸ Isamamimbe que mbia riqui ngaẽ ngaẽ ja bei echeẽ andu ra. Dios chuchuaa.

22

Jesús nandeisi tarõ, i ja mbia rerecua ñee nyue

¹ Achite que fiesta de la pascua cote ra. Mbichae mbuchimatã iriã ngue mbia u u quia aque fiesta mose querabe ra.

² Sacerdotes rerecua que ñee ja nyue ra. Embesasa abe no. —Jesús nandeiquia. ¿Mañi nande ra equia equia nonde re? i que equia ñee ñee nyue ra. Eireite que eriqui mbia tubiriã si ra.

³ Judas Iscariote, i que Jesús chimbaaquiātu mo je ra. Satanãs que ique aque chiangui re cote ra.

⁴ Nyebe aque si nguiã ñee sacerdotes rerecua je. Dios chuchua raarõsa je abe no. —Jesús tamondo jẽje. ¿Mañi nande ra equia ee re? i que Judas ñee ee ra.

⁵ Ũquí iate que Judas ñee mose ee ra. —Mbae isiquia ra uremee ndeje, i que Judas je cote ra.

⁶ Judas que eno i mbia ñee mose ee ra. —Jesús tamondo rã jẽje mbia tiãsa, i que ñee nda.

Jesús quiaru uchimbaaquiātu rese

⁷ Fiesta que tu cote ra. Aque fiesta mose bei que mbia riqui oveja iquia iquia querabe ra. Mbichae mbuchimatã iriã ngue eu eu quia no nda.

⁸ Jesús que ñee Pedro je ra. Juan abe je. —Jẽso oveja mbuchi nande je, i que Jesús ee ra.

⁹ Ũquí ngue ñee echeẽ mose ra. —¿Mangue ra aba embuchi mangue re? i que Jesús cheẽ mose ra.

¹⁰ Jesús que ñee ee ra. —Jengasẽ mose sucha cuasu, emo i rerao rese ra jemaẽ. I ra equerao quia irasa mo ye. Aque rui jẽso bei quia ique chee echuchua.

¹¹ Tuchuacha je jeñee. “Jesús que urembu ñee ndeje ra. ‘¿Ma cuarto ra urecu quiaru oveja u que re? Sechimbaaquiātu rese’, i que Jesús ñee ndeje ra”, jenyẽ tuchuacha je.

¹² Tuchuacha ra cuarto cuasu mee jẽje. Mbia quesa ibatenda ra emee jẽje. Embuquiche ji. Huee chõ oveja jembuchi nandequiaru sacuaã, i que Jesús ñee ee ra.

¹³ Pedro que nyoĩ cote ra. Juan abe. Jesús cheẽ ndui si tuchi que mbae eĩ ja cote ra. Huee que oveja mbuchi cote ra.

¹⁴ Mbae quiche ja mose que Jesús ngoi uchimbaaquiātu rese quiaru sacuaã cote ra.

¹⁵ Jesús que ñee ee ra. —Co oveja que ause tuchi quia jendese semana nonde ra. Co mose pascua mose.

¹⁶ Pascua mo nda au eã mbei jendese cote. Dios mbia rerecua tuchi mose chee, i que Jesús ee ra.

¹⁷ Jesús que vino mbeisa isi cote ra. Gracias i que Dios je ra. Ñee ngue

uchimbaaquiату je cote ra. —Cojēisi. Jembeí jaaja jē.

¹⁸ Vино mo nda ambei eã mbei cote. Dios mbia rerecua tuchi mose chee, i que Jesús ra.

¹⁹ Jesús que mbichae isi cote ra. Gracias i que Dios je ra. Siquio que mbuchao chao ee cote ra. Ñee ngue ee cote ra. —Ã ndei serete rã ä. Serete ra mano jēje cote. Jendua serete riquio ji rese ä mbichae u mose, i que Jesús ñee ee ra.

²⁰ Eí si que Jesús vino mbeisa isi no nda. Quiaru jare. —Ã ndei seruqui rã ä. Mbia icuã mbutiã sacua tuchi chõ seruqui re. Dios cheẽ yasu rui si chõ seruqui riqui nguã mbia icuã mbutiã co.

²¹ Ae ra semee mbia icuã je nae, aque abe riqui quiaru serese a.

²² Co acua raque quia mano nonde co. Dios cheẽ ndui si co. Ae semee nguia mbia icuã je a nae, aque ra mbae rasi saã tuchi. Aba mbia eã tuchi rae, i que Jesús ee ra.

²³ Echimbaaquiату que mae jaaja nyiese ra. —Aba tuchi ra emee mbia icuã je reae, i ja jate que nyue ra.

Jesús chimbaaquiату mbia rerecua saã saã tuchi nyue

²⁴ Aquere que Jesús chimbaaquiату ñee icuã icuã tuchi nyue ra. —Se quia ererecua tuchi ndesi re, i jaaja que nyue ra.

²⁵ Jesús que ñee ee ra. —Mbia ataque rerecua riqui ucuasu raã naa tuchi nguimba je ùqui.

²⁶ Eí jenyechĩ nda jē jē. “Ererecuarã se”, jenyechĩ nda jē. Ae eaquiату jiri jemo nae, sã ùqui ndiqui uñetē naa naa ño. Sã ùqui ndiqui tochei chõ nguia. Ae ererecua jemo nae, sã ùqui ndiqui ererecua rimba rã tuchi chõ.

²⁷ Ererecua ngoi chõ nguã. Erimba mbae mee mee ño nguã ee. Eí eã ño se re. Se quia mbae amee mee nguã jēje co.

²⁸ Jē nguiaту ngue jēingo beite nguã serese. Se mbae icuã irara tuchi mose.

²⁹ Nyebe ra jaemii tuchi mbia rerecuarã. Sã seru semii tuchi mbia rerecuarã no.

³⁰ Jēingo tuchi ra serese, se ererecua tuchi mose. Jēquiату ra serese. Mbae mo abe ra jembei serese no. Israel ndiirĩ nderecua ja ra jē. Judíos rerecua ja ra jē, i que Jesús ee ra.

Jesús aicuayãte resẽ, i ra Pedro serũ, i Jesús
³¹ Jesús que ñee Pedro je cote ra. —Simón, Satanás que ñee jenii nda. “Ndechimbaaquiату emee na seje. Tã taẽ rã ee. Ma siqui beite Dios rese”, i rei ngue Satanás jenii nde.

³² Acheẽ tuchite que Dios je nderiĩ nda. Nde Dios icua tuchi sacua. Nde ubabe mose serese, nderesenda abe je echeẽ emingo sacua serese, i que Jesús Pedro je ra.

³³ Pedro que ñee ee ra. —Sererecua chõ nde re. Aico bei ra se quia nderese. Mbia nda sematã ndei nguã. Mbia nda sei quia rei nguã nderese, i que Pedro ra.

³⁴ Jesús que ñee ee ra. —Tacheẽ nyecua ndeje, Pedro. Ngaira cheẽ nonde ra erecheẽ ñooño tres veces serii namo, Pedro. “Jesús aicuayãte resẽ”, ere chooño ño nda serii, i que Jesús Pedro je ra.

Embesa ji chee nda ique ja serii cote, i Jesús

³⁵ Jesús que ñee uchimbaaquiату je ra. —Jaemondo que mbia mbaaquiату quiату sacua nyii, jëochi que jaemondo. Mbae isiquia mo ngue jendao eã tuchi icua. Mbae rirurã mo abe que jendao eãte. Jëiyao eã abe no. ¿Aque mose mbae eãte jēje re? i que Jesús ee ra. —Tei. Urembae tubiriãte que ra, i que echimbaaquiату ñee Jesús je ra.

³⁶ Jesús que ñee ee ra. —Ae jemo embae rirurã mo nae, jendao cote ae. Ae mbae isiquia mo nae, jendao cote ae. Ae echuru eãte tiquise mo nae, sã emo isi huirao ribishorõ ae.

³⁷ Sã embesa ji riqui ñee serii no. “Mbia icuã ndese ra Dios rirĩ mingo chee”, i. Ùqui nda ique cote. Embesa ji cheẽ nda ique ja tuchi serii cote, i que Jesús ñee nda.

³⁸ —Co tiquise nyeremo ñi co resẽ, i que echimbaaquiату echeẽ mose ra. —Coche ñene, i que Jesús ee ra.

Jesús ñee ngu je

³⁹ Jesús que oso uosẽ taicuee cote ra. Oso que Monte de los Olivos cote ra. Eí mbei que ae quia oso oso huee ra. Echimbaaquiату que nyoi erese ra.

⁴⁰ Ngasẽ mose que ñee uchimbaaquiату je ra. —Jënee tuchi Dios je. Satanás tã i eã sacua jēje, i que Jesús ñee ee ra.

⁴¹ Jesús que oso pe quiti jiri esi ra. Ngoi que nguã ndese ñee Dios je ra.

⁴² —Paba, ndebi mose sereaquiату se, mbae rasi raã eã sacua. Ae sebite nae, ùqui esaã eã seje. Ae ndebite nae, ùqui nguiaту esaã, i que Jesús Dios je ra.

⁴³ Aque mose que ángel mo tu ibate si ee ra. Embirãcua sacua.

⁴⁴ Jesús ia eã tuchite que ra. —Mbae rasi ra asaã tuchichĩ nde, i tuchi que ndua ndua ra. Ñee tuchi que Dios je ra. Eiriei ruqui que tiqui tiqui tuchi quia ibii ra.

⁴⁵ Jesús ñee jare Dios je que juã cote ra. Uchimbaaquiату rea que esi ra. I que u uque ee ra. Eya eãte quiату ngue re.

⁴⁶ Ñee ngue ee ra. —¿Mbaerã jēingo uque a re? Jenyuruã eae. Jënee na Dios je. Satanás tã i eã sacua jēje, i que Jesús ee ra.

Mbia Jesús nyucua serao

⁴⁷ Jesús cheẽ ua eã mose que mbia ngaẽ jate ee ra. Judas que tu quia mbia nonde

ra. Jesús chimbaaquiatu raque que ae ra. Ae que Jesús siichã u eritii riite sacuaã nda.

⁴⁸ Jesús que ñee Judas je ra. —¿Ereico seritii riite mbia icuaã je sereacuquia sacuaã a re? i que Jesús ee ra.

⁴⁹ Jesús resenda que mae u erese ra. Ñee ngue Jesús je ra. —Urererecua, ¿tiqise ra ureuru uru mbia rese re? i que ñee Jesús je ra.

⁵⁰ Jesús resenda mo ngue tiqise uru sacerdote rerecua rimba rese ra. Eisa sia. Eisa equiatocuti quitinda.

⁵¹ —¿Jêhui esi ae. Coche ñene, i que Jesús ee ra. Oco que eisa rese embucherõ nda.

⁵² Jesús rerao sacuaã ño mbia ngaẽ nguia reaẽ. Sacerdotes rerecua. Policía abe no. Judíos rerecua abe no. Nyebe Jesús ñee nguia ee. —¿Mbaerã jenyu quia tiqise reru serea co re? Ira jua abe no. Mbae mbuquiachãsa isi rã ño jenyuchi nguia serea co.

⁵³ Tenda que amumba mumba beite rei quia jendese resẽ. Mbã mbaaquiatu quiatu Dios chuchúaa resẽ. ¿Mbaerã jẽingo seisiã secua aque mose re? Isa chõ jenyuchi serea co, mbã mae eã sacuaã jendese. Itondaru rĩnda chõ jẽ nde, i que Jesús ee ra.

Jesús aicuayãte resẽ, ichõĩño Pedro

⁵⁴ Mbã que Jesús isi nyucua cote ra. Sacerdotes rerecua chuchua que eruruchoi cote ra. Pedro que oso quia ishote erui ra.

⁵⁵ Itaicuee que mbã tata mbucha ra. Huee que echi ngoi tata jii ra. Pedro abe que ngoi embirõ nda.

⁵⁶ Nyucuaaque mo ngue chĩ mae nguia tu tuchi Pedro rese ra. Tata rendi que etesaete ee ra. —Aque abe que Jesús resenda, i que mae Pedro rese ra.

⁵⁷ Pedro que ñee ee ra. —Tei. Jesús aicuayãte resẽ, ichõĩño ngue Pedro nyucuaaque je ra.

⁵⁸ Emo jiri mose que mbã mo mae Pedro rese ra. —Nde abe que Jesús resenda ra, i que Pedro je ra. —Tei. Eresenda eã ño se resẽ, ichõĩño ngue Pedro ee ra.

⁵⁹ Emo mose jiri que emo ñee ee no nda. —Jesús resenda chõ nde resẽ. Galilea jenda chõ nde abe resẽ, i tuchi que Pedro je ra.

⁶⁰ Pedro que ñee ee ra. —Tei. Ndecheẽ aicuayãte resẽ, ichõĩño ngue Pedro ee ra. Pedro cheẽ mose tuchi que nguira ñee cote ra.

⁶¹ Jesús que uba mae Pedro rese nguira cheẽ mose cote ra. Pedro que ndua Jesús cheẽ ndese cote ra. —Nguira cheẽ nonde ra echeẽ ñooño tres veces serĩ, sã Jesús i Pedro je nyii no.

⁶² Pedro ndua mose ñuĩ ndese que esi nyeseo pe jiri ra.

Mbã iquia chooño Jesús je

⁶³ Ae Jesús isi mĩ nae, ñuĩ ngue iquia iquia tuchi u Jesús je ra. Ucua ucua tuchi que u erese ra.

⁶⁴ Jesús resa abe que echati ra. Eruba rese que ucua ucua tuchi ra. —¿Aba ucua ucua quia nderuba rese a re? i abe que equia Jesús resa ati ji je ra.

⁶⁵ Ñuĩ mĩ eã ngue eriqui ñee ee ra. Mbae ja rĩ ngue embuqueta ra.

Mbã Jesús ruruchoi ererecua chumunua mose

⁶⁶ I que nyaashĩ u quia ra. Aque mose que ererecua ñumunua ja ra. Judíos rerecua. Sacerdotes rerecua abe no. Embesasa abe no. Ñuĩ ñumunua mose que Jesús ruruchoi ee cote ra. Ererecua que ñee ja Jesús je cote ra.

⁶⁷ —¿Cristo nde re? Echeẽ tuchi ure je no, i que ererecua ñee Jesús je ra. —“Cristo chõ se re”, ae raque ra jẽje, “nyia”, jenyẽ ãte ra secheẽ mose.

⁶⁸ Se abe preguntar i mose jẽje mbae mo ni, jẽñee ãte chõ nda secheẽ ndibishorõ. Jêhui eã abe ra sesi no.

⁶⁹ Namõ jiri ra acoi Dios quiatocuti cote. Hue bei ra aĩ cote. Dios quirãcua na si ra aico mbã rerecua cote, i que Jesús ñee ererecua chumunua mose ra.

⁷⁰ Ñee ja que Jesús je cote ra. —¿Dios rucucha chõ nde re? i ja que ñee Jesús je ra. —Ae. Dios rucucha rei se, i que Jesús ee ra.

⁷¹ Ererecua que ñee ja nyue ra. —¿Mbaerã nda mbã Jesús icuã nenei i ite nande je re? Jesús cheẽ icuã ngue nandechandu rei nande abe resẽ. Sã mbã eiquia, i que ererecua ñee ja nyue ra.

23

Mbã Jesús ruruchoi Pilato je

¹ Judíos rerecua que juã ja cote ra. Jesús que ecuruchoi Pilato je cote ra.

² Ñuĩ ngue ñee icuãte Pilato je Jesús rĩ nda. —Jesús que mbã mbaaquiatu icuã icuãte quia ra jẽ. “Impuestos ra jemee meecheĩ mbã rerecua je”, i chõ ngue equia mbã je ra jẽ. “Se chõ Cristo re. Mbã rerecuarã nda se”, i que equia ra, i que judíos rerecua ñee icuã Jesús rĩ nda.

³ —¿Judíos rerecua nde re? i que Pilato ñee Jesús je ra. —Ae. Judíos rerecua chõ se re, i que Jesús ee ra.

⁴ Pilato que ñee mbã je cote ra. Sacerdotes rerecua je abe no. —“Mbae icuã mo ngue Jesús saã nda”, ae aroneate erĩ, i que Pilato ra.

⁵ Judíos que ñee asite ee ra. —Jesús riqui mbã mbaaquiatu icuã icuã tuchi co. Mbã mbesa chooño. Judíos mbaaquiatu icuã icuã ja. Galilea jenda rane. A jenda abe chee cote, i que ñee asite Pilato je ra.

Mbia Jesús ruruchoi Herodes je

⁶ Galilea jenda, i mose que Pilato ñee ee ra. —¿Galilea jenda chõ Jesús re? i que mbia je ra.

⁷ —Ae. Galilea jenda chõ Jesús re, i que mbia Pilato je ra. Nyebe Pilato Jesús mondo nguã Herodes je. Galilea jenda rerecua quiatu ngue Herodes re. Herodes que siqui Jerusalén aque mose ra.

⁸ Herodes que maese beite quia Jesús rese ra. Jesús rese que eriqui jirandu beite ra. — Jesús nda mbia mae sayã mo saã na serésaa chã, i beite que equia ra. Nyebe eya tuchi nguã mae mose Jesús rese cote.

⁹ Herodes que ñee atate rei Jesús je ra. Jesús que ñeeã mbeite echeẽ ndibishorõ nda.

¹⁰ Sacerdotes rerecua abe que chi ra. Embesasa abe no. Ûqui ngue ñee icuã icuãte quia Jesús rã nda.

¹¹ Herodes que iquia iquia chõ nguia Jesús rã nda. Erimba soldados abe no. Jesús ririrõ tuchi que equia ra. Tiru nininya tuchi que emingue Jesús je ra. Ererecua raã naa tuchi Jesús je. Aquere que Herodes embuchebi mondo Pilato je cote ra.

¹² Aque mose ramo ngue Herodes quiato Pilato cote ra. Eicuã icuã mbeite que eriqui nyue nyii ra.

Jesús jëiquia mbucha ira rese, i ererecua

¹³ Pilato que mbia rerecua munua ja ra. Sacerdote rerecua. Judíos rerecua abe no. Mbia ja abe no.

¹⁴ Ñee ngue mbia je cote ra. —Jë ngue Jesús jendu rei seje ra. “Mbia mbiã rãsa chõ Jesús re”, jenyere rei que seje ra. Acheẽ ocote rei que ee jësaa ra. Ae jeñee ndei seje nae, ùqui icuã mo eãte seje Jesús rã.

¹⁵ Herodes je abe mbae icuã mo eãte Jesús rã. Herodes que Jesús mbube chõ nande je ra. ¿Mbaerã nda nandeiquia re? Mbae icuã mo ngue esaã eãte resẽ.

¹⁶ Tairuã nua ño. Aquere tambui mondo, i rei que Pilato ñee mbia je ra.

¹⁷ Pascua mose bei que Pilato riqui mbia matã ji mii mbui bei ra.

¹⁸ Mbia que tasẽ tasẽte ñeemombo mombo Pilato je ra. —Jesús eiquia. Barrabás quia embui ure je, i tuchi que mbia quia Pilato je ra.

¹⁹ Barrabás tarõ ji que chã nda. Mbia iquiasa tuchi que ae ra. Romanos nderecua je abe que eicuã icuã tuchi riqui ra.

²⁰ —Jesús quia tambui, i rei que Pilato ñeembe mbia je ra.

²¹ —Jesús embucha ira rese, i tuchi que mbia quia tasẽ i ra.

²² Pilato que ñee si ee ra. Tres veces cote. — ¿Mbaerã nda Jesús aiquia re? ¿Mbae icuã esaã nde? Mbae icuã esaã eãte umano sacuã. Tairuã nua ño. Aquere tambui mondo, i rei que Pilato ra.

²³ Mbia que ñee mombo mombo tuchite ee ra. —¿Eiquia jël jira rese embucha jël i tuchi que mbia quia tasẽ tasẽ ee ra. Sacerdotes rerecua abe que tasẽ i ite ra. Eno i chee que Pilato cote ra.

²⁴ Pilato que mbia cheẽ mumbayã nyee ra.

²⁵ Pilato que Barrabás mbui mondo cote ra. Mbia iquia iquiasate raque ae. Ñee icuã icuãate raque ererecua je. Pilato que Jesús mee mbia je cote ra. Eiquia sacuã.

Mbia Jesús mbuchesecco ira rese

²⁶ Soldados que Jesús curuchoi eiquia sacuã cote ra. I rei que emo u quia uco si ra. Simón, i que ee ra. Cirene jenda mo ngue ae ra. Aque que soldados isi ra. Ira mbuchicuandasa ji rerao sacuã Jesús rui. Cruz, i equia ee.

²⁷ Mbia tubiriã ngue nyo i quia erui ra. Cuña abe tubiriã. Ûqui ngue nyo i quia tasẽ tasẽ tuchi nyeseo erese ra.

²⁸ Jesús que uba mae ñee ee ra. —Cuña, jenyeseochi nguã serese. Jenyiese quia jenyeseo. Jendiirã abe rese quia jenyeseo, Jerusalén jenda.

²⁹ Mbae icuã nda tuutu tuchi jëje cote. Ae eriirã nderecua nae, ùqui nda mbae rasi saã tuchi aque mose cote. Aque mose quiatu bichĩ mbia ririã eã ja mbite re. Mbae icuã tuchite quia nda aque mose cote re.

³⁰ “Amano ño mbichĩ se”, i tuchi ra mbia aque mose cote. “Sita ibate tu chõ mbichĩ seati”, i tuchi ra mbia aque mose cote.

³¹ Se chee mbia riquichĩ sembasi mbasi a. Seicuã eã ndaque se. Mbia quiatu ra mbae rasi saã tuchi huiicuã nã cote, i que Jesús ñee nda.

³² Soldados que mbia icuã nyeremo curuchoi Jesús rese eiquia sacuã nda.

³³ Ngasẽ ngue ibi ibate mo cote ra. Eresa cuare, i que hue je ra. Huee que Jesús mbucha ira rese cote ra. Ûqui mbia icuã abe que embucha ira rese ra. Enongue que emã Jesús quiatocuti ra. Equiatocutiã ngue enongue mii no nda.

³⁴ Mbia Jesús mbucha mose ira rese que Jesús ñee Dios je ra. —Paba, ã icuã embutiã esi. Nĩmbaaquiutuãte equia sei quia ã, i que Jesús Dios je ra. Soldados que sita ñetẽ mbaaba aba o je ra. —Aba ra ja. Aba mbaerã nda Jesús irao reae, i que nyue ra.

³⁵ Mbia que chi ja tuchi mae erese ra. Ererecua abe chee que chi iquia iquia Jesús je ra. —Ma ndequirãcuãte. Mbia que erembucherõ cherõ tuchi quia. ¿Mbaerã ereico eã ãte ndechue nde abe re? Dios ririã nde reã, i que ererecua u iquia iquia Jesús je ra.

³⁶ Soldados abe que iquia iquia chõ nguia ee ra. Vinagre chiquino ngue emee ndei ee echimbei sacuã nda.

³⁷ —¿Mbaerã ereico nguichi ãte ira si nde ae re? Judíos rerecua rei nde reaê, i que soldados iquia iquia Jesús je ra.

³⁸ Mbia que embesa ji mii Jesús ãquĩ quiti ibate ra. JUDÍOS RERECUA CHÕ CO RE, i que embesa ji huĩ nda. Griego cheê. Latín ñee abe no. Hebreo cheê abe no.

³⁹ Ae mbia icuã mbucheseco ji chi Jesús rese nae, ùquĩ mo ngue ñee icuã Jesús je ra. —¿Mbaerã ereico nguichiã nde ae re? ¿Mbaerã ereico urembuquichiãte ure abe re? Dios riirĩ nde reaê, i que ùquĩ mo ñeemombo Jesús je ra.

⁴⁰ Enongue que ñee ee ra. —¿Mbaerã ereico ñee ùquĩ Jesús je re? ¿Ndesiquiche ãte eriqui Dios si re? Ereico mano Jesús rã si a resê.

⁴¹ Nandeico mano nandeicuã nii a resê. Jesús quiatu que mbae icuã saã eãte rei resê, i que enongue ñee ee ra.

⁴² Aque sí que ñee Jesús je cote ra. —Jesús, endua serese nde ererecuarã mose, i que ñee Jesús je ra.

⁴³ Jesús que ñee ee ra. —Tacheê nyecua ndeje. Ereico ra serese namo Dios rese seico mose, i que Jesús ee ra.

Jesús mano cote

⁴⁴ Tenda chĩ mose nandeite re que itondaru ru cote ra. Ibi ja que itondaru ra. Itondaru beite que ra. Tenda nyesecco chee. Tres horas que ra.

⁴⁵ Tenda cuute que aque mose ra. Tiru mbucheseco ji Dios chuchua jenda que nyisia turã nda.

⁴⁶ Jesús que ñee mombo ngu je ra. —Paba, aso quia nderea aque, i que ra. Mano ngue cote ra.

⁴⁷ Soldado rerecua que mae tuchi huĩ erese ra. Ae que ñee turã Dios rĩĩ cote ra. —Mbae icuã naasa eã tuchi chõ Jesús riqui re, i que maende erese ra.

⁴⁸ Mbia tubiriã chi quia mae ja erese nae, ùquĩ ia eã tuchi que nyoĩ quia uchiã isi cote ra.

⁴⁹ Mbia Jesús chiucua ja que chi isho mae erese ra. Ae cuña nyoĩ beite quia erese Galilea si nae, ùquĩ abe que chi isho mae erese ra.

Mbia Jesús raaque chati cote

⁵⁰ I que mbia turã mo nguia huee ra. José, i que ee ra. Judío mo ngue ae ra. Arimatea jenda que ae ra. Judíos rerecua mo ngue ae ra.

⁵¹ José ia eãte que ererecua ataque rese Jesús iquia mose ra. Ae que Dios quiatote ra. —Dios ra ererecua, i beite que equia eraarõ arõ nda.

⁵² —Jesús raaque emee na seje, i que José oso ñee Pilato je ra.

⁵³ José que Jesús raaque mbuquichi cote ra. Tiru je que ema nda. Sita ribicoĩ ji imi

ye que emondo ra. Mbia raaque mo ngue emondo eãte huee nyii ra.

⁵⁴ Viernes que aque mose ra. Mbia que icoquiato ja quia sãbado nonde ra.

⁵⁵ Ae cuña nyoĩ beite quia Jesús rese Galilea si nae, ùquĩ ngue nyoĩ sita imi ndese mae nda. Jesús raaque iti ji rese que mae tuchi ra.

⁵⁶ Nyebi que echoĩ uchuchua ra. Aba mbushimbusa que esaã nyoĩ ra. Sãbado mose que ùquĩ uquenea ucua cote ra. Dios cheê si.

24

Jesús raaque quera si

¹ Isamamimbe tuchi que cuña nyoĩ domingo mose sita imi ndese mae nda. Aba mbushimbusa que ecuruchoĩ rei eichusê chusê sacuã Jesús raaque rese ra. Cuña mo abe que nyoĩ quia erese ra.

² I que sita eraaque atiquia ruruba ji u ee ra.

³ Cuña ngue ique rei nyoĩ sita imi ye ra. Jesús raaque oreãte que ee ra.

⁴ Tiri i tuchi que ra. —¿Mañi nda aba re? i tuchi que ra. Aque mose que mbia nyeremo chi juã ee ra. Eirao nininya tuchi que chi ee ra.

⁵ Cuña ngue titi titi i tuchi u ra. Nyebe echĩ nguiã nyibi beite. Angeles que ñee ee ra. —¿Mbaerã jẽingo Jesús raaque requia requia a re? Quera si que resê.

⁶ Emoate a resê. Quera si que resê. Sã ñee jẽje siqui mose Galilea no.

⁷ “Mbia icuã nda seisi iquia. Sembucha ra ira rese. Tres días mose ra aquera si”, i que jẽje nyii resê, i que ángeles ñee cuña je ra.

⁸ Ùquĩ ndese que cuña ndua cote ra.

⁹ Cuña ngue nyebi cuã mbia mbiirandu ja cote ra. Jesús chimbaaquiato once abe mbiirandu.

¹⁰ María Magdalena i que mbia mbiirandusa je ra. Juana i que emo je ra. María i que enongue je ra. Jacobo si que María ra. Cuña mo abe abe que ra.

¹¹ Nyia iã ñochĩ Jesús chimbaaquiato cuña ñee mose ee. Cuña ñee ñooño nei nguiã ee.

¹² Pedro que oso uchã sita imi ndese mae nda. Nyurucua que mae erese ra. Jesús umanda achõ ngue chi ee ra. Pedro que nyebi oso quia ndua ndua Jesús oreã ndese ra.

Jesús ngata querare uquiato rese

¹³ I que Jesús quiato nyeremo nyoĩ quia aque mose ra. Emaús quiti que echoĩ quia ra. Dos leguas que Jerusalén si ra.

¹⁴ Ùquĩ ngue nyoĩ quia ñee ñee nyue ra. Jesús mano nii. Jesús raaque oreã nii abe no.

¹⁵ Ùquĩ ñee ñee ndichã ngue Jesús si ra. Ererecua que Jesús si quia ngata cote ra.

16 Ûquí ngue mae ndei Jesús rese ra. Icuá eâte chõ ngue ra. Mbiamo nda eriqui reí ee raê.

17 Jesús que ñee nyee ee ra. —¿Mbae ríi jëingo ñee nyue ã nde? ¿Mbaerã jëya eâte riqui re? i que Jesús ñee ee ra.

18 Ûquí mo ngue ñee Jesús je cote ra. Cleofas, i equia ee. —¿Ereiranuate erese re? ¿Nde mii ño ereiranua erese ndeico mose Jerusalén nde? i que Cleofas ñee ee ra.

19 —¿Mbae rese? i que Jesús ee ra. Ûquí ngue ñeembe ee ra. —Jesús rese. Nazaret jenda rese. Dios cheê nenei neneisa tuchi rei que ae ra. Equirãcuã tuchi rei que ae ra. Mbia que mae ja tuchi rei equirãcuã ndese ra.

20 Mbia rerecua que Jesús iquia cote ra. Sacerdotes rerecua abe chõ ngue Jesús iquia nguiã. Nyebe soldados eiquia nguiã mbucha ira rese cote.

21 Israel jenda rerecua reí nda ure je. Tres días chee namo cote emano mosenda bei.

22 Urerenda cuña mo ngue ñee uremuni tuchi ra. Ûquí ngue nyoi rei eatísaa nyaashí namo mose ra.

23 Jesús raaque oreâte nda ee ra. Nyebe ecuaê nguiã urembiirandu cote. Angeles mo nda chi ee eatísaa ra. “Jesús que quera si ra”, i nda ángeles ñee ee ra.

24 Aquere que ureresenda mo abe nyoi eatísaa ra. Cuña ñee ndui si que Jesús raaque oreâte ee ra. Jesús rese quiatu que mae eã nda, i que Cleofas ñee Jesús sí je ra. Jesús eã nda eriqui reí ee raê.

25 Jesús que ñee ee cote ra. —¿Mbaerã jëaquiatuâte riqui re? ¿Mbaerã jëingo Dios cheê icuayâte re? ¿Mbaerã jëingo Dios cheê nenei neneisa chimbasa icuayâte re?

26 Sã embesa ji ñee no. “Cristo ra mbae rasi saã ja oso nonde ibate”, i que embesa ji no, i que Jesús ee ra.

27 Jesús que Dios cheê mbuchecua ja ee cote ra. Ngasi ríi. Umano nii abe no. Uquera ríi abe no. Moisés chimbasa que embuchecua ee ra. Aquere que Dios cheê nenei neneisa chimbasa abe mbuchecua ja ee ra.

28 Ngasê ngue ùquí nyuchúaa cote ra. Jesús que ngata i abareã oso ra.

29 Jesús ngata i abareã mose que ùquí eriquisã nda. —Eitõ urerese aa ae. Tenda osote resê. Itondarute ra ndeje resê, i que ñee ee ra. Nyebe Jesús ique nguiã echuchúaa erese.

30 Ngoi ja que quiaru nonde cote ra. Jesús abe que ngoi erese ra. Mbichae que esirõ o je cote ra. Gracias i que Dios íbatenda je mbichae ríi nda. Mbichae que esiquio mondo ee cote ra.

31 Ûquí mose tuchi que Dios mbia mumae turã tuchi Jesús icua sacua cote ra. Jesús icua

ramo sacua cote. Jesús que quiachã asi esi cote ra.

32 Ûquí ngue ñee ñee nyue cote ra. —Jesús chõ eriqui reaê. Nyebe nandeya tuchite riqui nguiã Dios cheê mbuchecua checua mose nande je ñeenda cúa, i que equia ñee ñee nyue ra.

33 Nyebe echoi jei nguiã nyebi si Jerusalén. Huee que Jesús chimbaaquiatu chi ñumunua ee ra. Eresenda mo abe rese.

34 Ûquí ñumunua je que ñee ee ra. —Jesús que quera si ra. Ae bei. Simón ngue mae erese ra, i que ñumunua je ee ra.

35 Aquere que ùquí nyeremo ñee mbia chumunua je cote ra. —Jesús rese que uremae ñeenda cúa ra. Urembaaquiatu quiatu que umano nii nda. Uquera ríi abe no. Mbichae riquio mose ure je, aque mose ramo ngue Jesús ureicua ra, i que mbia mbiirandu ja ra.

Jesús nyecua uchimbaaquiatu je

36 Ûquí ñee ua eã mose que Jesús nyecua ee ra. Mbia ite re. —Jëya chõ serese, i que ñee ee ra.

37 Mbia que titi titi i tuchi u mae erese ra. Aba checuayã nda Jesús riqui reí ee raê.

38 Jesús que ñee ee ra. —¿Mbaerã jësiquichete riqui re? ¿Mbaerã “Jesús chõ eriqui re” jenyee eã seje re?

39 ¡Sã jê! Jemae seo rese. Jemae sei abe rese ae. Jëoco serese ae. ¡Sã se si chõ jê! Aba checuayã nguia eroo eã nde. Equiangue eã abe no. Se rã eã, i que Jesús ee ra.

40 O que eteacuquia ee cote ra. Hui abe que eteacuquia ee ra.

41 —Jesús chõ eriqui re, i eã ngue ra. Ndua ndua chõ erese. Eyate raque erese. Jesús que ñeembe ee ra. —¿Mbae mo ndei eu sacua aa re? i que ee ra.

42 Sira resi ji que emee ee ra. Irao abe que emee ee eretã ndesebe ra.

43 Jesús que eisi eu bei ùquí ndésaa cote ra.

44 Jesús que ñee ee cote ra. —Sã acheê jêje seico mose jendese nyii no. “Ae Moisés mbesa seríi nae, ùquí nda ique ja seríi cote. Dios cheê nenei neneisa chimbasa abe ra ique ja cote. Salmos ndesenda cheê abe ra ique ja seríi cote”, ae que se quia jêje nyii. Ûquí ngue ique ja semana mose cote ra. Sequera mose abe no, i que Jesús ñee ee ra.

45 Dios cheê ngue embuchecua checua ee cote ra.

46 Jesús que ñeembe ee ra. —Sã embesa ji riqui ñee no: “Cristo ra mbae rasi saã tuchi mano nonde. Tres días mose ra quera si.

47 Mbia ra echeê senei senei tuchi cote. Jerusalén jenda je rane nda erenei nenei. Mbia ja je ra erenei nenei cote. ‘Jëicuã si jêhui rã. Cristo jëicuã mbutiã sacua’, i tuchi ra mbia ja je Cristo ríi cote”, i que embesa ji quia nae.

⁴⁸ Ũquí i que quia ã cote. Jemae nguia erese ã cote.

⁴⁹ Ae je Paba ñee jêje nae, “Espíritu Turã tamondo jêje”, i equia jêje nae, aque tamee jêje cote. A jenguchõ na Jerusalén. Paba ibatenda uquirãcuã mee nyee jêje, i que Jesús ñee uchimbaaquiato je ra.

Jesús nyui oso ibate

⁵⁰ Jesús que equerao ja pe jiri Jerusalén si cote ra. Betania i que hue sucha je ra. Jesús que o mumbate ñee uchimbaaquiato je cote ra. —Sã Dios jendeaquiato turã, i ee.

⁵¹ Aque mose tuchi que Jesús si nyui ibate erecha cote ra.

⁵² Ũquí ngue ñee turãte Jesús riã nda. Eya tuchi que nyebi nyoi Jerusalén nda.

⁵³ Dios chuchua que eriqui bei nyoi ñee turã Dios riã nda. Amén.

EL SANTO EVANGELIO SEGÚN SAN JUAN

Jesucristo rane ngue siqui nyii ra

¹ Dios cheë nane tuchi que nyii ra. Mbae ja si. Dios cheë ndei Jesús. Ae que siqui bei Dios rese ra. Dios si rei Jesús.

² Ae chõ ngue siqui bei Dios rese nyii ra.

³ Dios que mbae chao eã ae ae ra. Jesús rese ae mbae ao ja nguiã.

⁴ Jesús chõ mbia mingõ nguiã ã. Nandemingosa chõ nanderesae nguiã ã.

⁵ Nandemingosa chõ mbae tesae tuchi nguiã itondaru. Itondaru quia ra emungue aroneäte.

⁶ Dios que emo mbu cote ra. Juan, i que ee ra.

⁷ Juan ngue tu aba resaesa renei nenei mbia je ra. Mbua mbiirandu randu ja. ¶ nda mbia aba resaesa icua ja, Juan ñee nguire.

⁸ Aba resaesa eã ño Juan nde. Emo mii ño Juan ndiqui nguiã ñee. —Ae chõ nanderesae nguiã co, i que Juan nda.

⁹ Aba resaesa que tu ibi cote ra. Aba resaesa choõñoã tuchi que ra. Ae chõ aba resae ja nguiã ã.

¹⁰ Aba resaesa que siqui ñbii cote ra. Mbua que eicua eãte chõ nda. Mbae aosa ja raque ae.

¹¹ Aba resaesa que tu rei nguesenda mbirõ nda. Eresenda que eisiteã ñochi nguiã.

¹² Mbua mii mii ño ngue eisi turã turã nguiã. Mbua mii mii ño ngue eicua icua nguiã. Uqui je quia Dios riqui nguiã “seriirĩ” i.

¹³ Mbua riirĩ na eã ño Dios riirĩ ndiqui nguiã nyaacuquia cuquia ã. Aque nyaacuquia rã eã ño Dios riirĩ ndiqui nguiã nyaacuquia cuquia ã cote. Sã emo ndiqui ngũnisi rese embiirĩ nae, uqui na eã ño Dios riirĩ ndiqui nguiã nyaacuquia cuquia ã. Dios ae chõ “seriirĩ” i nguiã ee Dios icua mose.

¹⁴ Jesús rei Dios cheë. Jesús que tu mbiarã cote ra. Mbua tuchi que ae cote ra. Siqui que equia urerese cote ra. Echisaã turã ndese que ureico mae cote ra. Eturã tuchi chõ ae re. Ngu rã si chõ ae re. Ichõñosa reã tuchi chõ ae re.

¹⁵ Juan ngue Jesús senei senei nguia mbia je ra. —Co riã ngue acheë jêje resë. “Ae ra tu serui, aque quiarei ererecua tuchi sesi. Ae rane nguia siqui rei seã mose nyii”, ae rei que jêje resë. Ae siqui co cote, i que Juan mbia je ra.

¹⁶ Jesús turã tuchi que ra. Nyebe eriqui nguiã mbae turã mee mee mbei nande je.

¹⁷ Dios cheë mumbayã sacua ngue Moisés ñee ndei nguiã nande je. Jesús quiatu ngue tu nguiã cote. Dios turã nenei nenei nande je. Jesús quiatu ngue Dios cheë ñooñoa senei senei nguiã nande je no.

¹⁸ Emo maeäte Dios rese. Eriirĩ ae que nandembiirandu randu quia Dios rese ra. Eriirĩ nguiarei ngu rã si.

Juan el Bautista ñee turã Jesús rii

¹⁹ Judíos Jerusalén jenda que mbia mondochoi ñee Juan je ra. Sacerdotes mondo era. Levitas mo ndese. —¿Aba nde re? i sacua Juan je.

²⁰ Juan ngue ñee nyecua tuchi ee ra. —Christo eã ño se re, i que ee ra.

²¹ —¿Abate nde re? ¿Elías chõ nde re? i que judíos chimondo ñeembe Juan je ra. —Tei. Elías eã ño se re, i que Juan ee ra. —Dios cheë mbuchecuasa ra tu, i equia nae, ¿ae chõ nde re? i que mbia ñee Juan je ra. —Tei, i que Juan ee ra.

²² Judíos chimondo que ñeembe Juan je ra. —Ndecheë embuchecua ure je. ¿Abate nde re? ¶ nda ndecheë uresenei uqui je, ae urembu. ¿Mañi ure ra nderĩ nde? i que Juan je ra.

²³ Juan ngue ñee ee ra. —Tacheë jêje cote. Aba chõ se chã. Mbua amingo quiatu quiatu quia co. Ae ñee mombo mombote quia mbia je turuquia ite re nae, ae chõ se re. —“Ñeenda jembuquie nandererecua mbaerã”, ae i quia, aque chõ se re, i que Juan nda. (Isaías chimbasa rui si chõ Juan ñee nguiã.)

²⁴ Ae ñee ñee nguia Juan je nae, uqui ndei fariseos chimondo uqui.

²⁵ Fariseos chimondo que ñee ee ra. —¿Mbaerã ereico bautizar i re? Cristo eã ño nde resë. Elías eã ño nde resë. Dios cheë mbuchecuasa eã ño nde resë, i que Juan je ra.

²⁶ Juan ngue ñee ee ra. —Ije chõ aico nguiã bautizar i. Emo nguia siqui raque quia jêite re. Aque quia jêicuayãte nguiã co.

²⁷ Enonde aico co. Aque ra tu serui. Ae quia ererecua tuchi sesi re. Erã si eã ño se re, i que Juan fariseos chimondo je ra.

Jesús rei oveja rã

²⁸ Betábara, i que hue sucha je ra. Huee quia fariseos chimondo ñee nguiã Juan je. Ama Jordán ndobei. Ae Juan ndiqui bautizar i, huee.

²⁹ Isamami nongue que Juan mae Jesús rese ra. Jesús que tu quia Juan ndiichã nda. —Co mbia icua ndiquicharõ sacua ndu quia co. Oveja riirĩ na eriqui Dios je. Ae ra nandeicua mbutiã nandesí.

³⁰ Erĩ ngue aico ñee jêje. “Ae ra tu serui, aque quiarei ererecua tuchi sesi. Ae rane nguia siqui rei seã mose nyii”, ae que se quia jêje. Co chi eru quia co cote.

³¹ Se sí que aicuayāte nyii ra. I je que bautizar ae quia mbia je cote ra. f nda Israel jenda Cristo icua, i que Juan nda.

³² Juan ngue ñee mbei quia ra. —Espíritu Turā ndese que amae nda. Nguichi que u Jesús arō nda. Nyurusi rā ngue eru nguichi earō nda. Ibate si.

³³ “¿Aba ra Cristo re?” ae beite que se quia ra. Dios que ñee seje ra. “¡I je eico bautizar i mbia je jē! Ae arō nda Espiritu Turā ndu nguichi bei nae, ae quiatu bautizar i sacua mbia je Espiritu Turā je”, i que Dios seje ra.

³⁴ Atea que se cote ra. Ae rei Dios riiirī. Aicuate se cote, i que Juan nda.

Jesús mbia irabo uchimbaaquiaturā

³⁵ Isamami nongue que Juan ndiqui hue sí ño nda. Nguesenda nyeremo ndese que eriqui ra.

³⁶ f que Jesús ucua quia ra. —Qui mbia icuā ndiquicharō sacua coi quia qui. Oveja riiirī na eriqui Dios je, i que Juan Jesús rīi nda.

³⁷ Juan ndesenda nyeremo ngue Juan ñee ñandu ra. Nyoī que Jesús rui cote ra.

³⁸ Jesús que mae nguique quiti ra. —¿Mbae jēsequia quia re? i que mae erese ra. Ūquī ngue ñee Jesús je ra. —Mbia mbaaquiatusa, ¿ma ndechuchua ma nde? i que ee ra.

³⁹ —Jenyu mae erese, i que Jesús ee ra. Nyoī que mae echuchua rese ra. Tenda nyesece mose que ehoī erese ra. Tenda oso cheete que echi erese cote ra.

⁴⁰ Ūquī nyeremo ngue Juan ñee ñandu ra. Siqui que Jesús rui cote ra. Andrés, i que Ūquī mo je ra. Simón Pedro nongue que ae ra.

⁴¹ Andrés que oso asite ngōngue requia ra. Simón ndequia. —Dios chimondo que uretea ra. Cristo que uretea ra, i que Andrés ngōngue je ra.

⁴² Andrés que ngōngue queroa Jesús rea cote ra. Jesús que mae erese ra. Ñee ngue ee ra. —Simón ño nde re. Jonás ndiirī ño nde re. Cefas, i ra ndeje cote. Cefas, i chō Pedro re, i que Jesús ee ra.

Jesús Felipe irabo; Natanael abe

⁴³ Isamami nongue que Jesús ñee nda. —Taso Galilea, i que ra. Ngasē ngue Felipe je ra. —Serui eico, i que ee ra.

⁴⁴ Betsaida jenda que Felipe ra. Hue jenda si chō Andrés re. Pedro rese.

⁴⁵ Felipe que oso Natanael ndequia cote ra. —Ae rīi Moisés riqui embesa mbesa cose, aque que uretea ra. Ae rīi Dios cheē mbuchecuaa riqui embesa mbesa cose, aque que uretea cote ra. Jesús chō eriqui re. Nazaret jenda chō eriqui re. José riiirī ño eriqui re, i que Felipe Natanael je ra.

⁴⁶ Natanael que ñee Felipe je ra. —¿Mbae turā mo nda tu Nazaret jenda re? i que ra. —Echu erea ae, i que Felipe ee ra.

⁴⁷ Natanael que tu Jesús rīichā nda. Jesús que mae erese ra. —Co israelita turā tuchi mo ndu quia co. Aba mbiirī irīsa reā tuchi mo ndu quia co, i que Jesús Natanael ñii nda.

⁴⁸ —¿Mañi ere quia seicuate re? i que Natanael Jesús je ra. —Amae ngue nderese ra. Felipe ‘quiatuchu’ i nonde ndeje. Iraqui re que amae nderese ra. Higo iqui re, i que Jesús ee ra.

⁴⁹ Natanael que ñeembe ee ra. —Mbia mbaaquiatusa, Dios ndiirī ño nde riqui re. Israel jenda rerecua tuchi chō nde riqui re, i que Natanael Jesús je ra.

⁵⁰ Jesús que ñee ee ra. —¿Seicuate se re? “Iraqui re que amae nderese ra”, ae que ndeje, ¿aque bei bei seicua quia co re? Mbae turā tuchi rese ra eremae cote, aque si, i que Jesús Natanael je ra.

⁵¹ Jesús que ñee si ee ra. —Tacheē nyecua jēje. Ibei ra obo jēje. Angeles nda nguichi quichi quia seje. Nyoī nyoī si ra equia ibate. Angeles ibatenda. Dios rimba. Jemae nda erese, i que Jesús ee ra.

2

Emo ngūinisirā nguereco

¹ Tres días mose que emo ngūinisirā isi ra. Galilea. Caná, i que hue sucha tubiriā je ra. Mbia que ñumunua nua fiesta raā ngūinisirā isi mose ra. Jesús si abe que siqui huee ra.

² Jesús abe que siqui huee no nda. Uchimbaaquiatu rese.

³ Mbia que uva rique mbei u huee ra. Ua jei que mbia je ra. Jesús si que ñee nda. —Uva rique que ua jeite ra, i que ñee Jesús je ra.

⁴ Jesús que ñee ee ra. —¿Mbaerā ereico ñee seje ūquī nde, Tai? Achecua jei eā nda mbia je, i que Jesús usi je ra.

⁵ Esi que ñee mbia rimba je ra. —¡Jesús cheē ndui si chō jēingo jē! i que ee ra.

⁶ Cántaro atate que chi ra. Seis que cántaro ra. Sita ao jī. Ūquī jie que judíos riqui nyoī nyoī querabe ra. Ūquī cántaro jie que cien litros jaaja ra.

⁷ Jesús que ñee mbia rimba je ra. —Cántaro jemombisē mbisē ja i je, i que Jesús ee ra. Nyebe emombisē ja nguiā.

⁸ Jesús que ñeembe ee ra. —Embisengue jenyarabe jiri mondo fiesta raā naasa je, i que ee ra. Erimba que echara serao ee cote ra.

⁹ Uva rique rā si chō ngue i fiesta raā naasa je cote ra. Fiesta raā naasa que ubi erese ra. Eiranuā ngue ubi erese ra. Erimba achō ño ngue jirandu ja nguiā. Ae ngūinisirā isi quia nae, aque je que fiesta raā naasa ñee nda.

¹⁰ —Mbia ja quiarei uva rique turā nane mee mee nguiā mbia je querabe. Eturā mbei ja mose, ereā jiri mbei ruquia ruquia

mbia je cote. Nde quia eturā tuchi ererecuiatu nguiā. Hui bei sacua cote, i que ra. Jesús chisaā niñ ño eriqui nguiā ñee.

¹¹ Ūqui nane ngue Jesús saā mbia mae sayā nyii ra. Uva rique rā si tuchi que i raā nda. Ūqui ngue esaā Galilēaa eriqui mose ra. Caná, i que hue sucha tubiriā je ra. Hue rane ngue Jesús uquirācuā ndeacuquia mbia je ra. Echimbaaquiātu que Jesús icua tuchi cote ra.

¹² Huesi que Jesús choi Capernaum nda. Usi rese. Ngōngue rese. Uchimbaaquiātu abe rese. Hue que echi itō mocoite ra.

Jesús oso Dios chuchúaa

¹³ Fiesta rurubite mose que Jesús si Jerusalén nda. Pascua, i que judíos aque fiesta je ra.

¹⁴ Jesús que oso Dios chuchúaa ra. Huee que mbia chi ticuas mee mee nyue mbae isiquia ribishorō nda. Ovejas abe no. Nyurusi cuasu abe no. Emo ngue chi ngoi ra. Mbae isiquia que esibishorō shorō u ra.

¹⁵ Mbia iruā nuāsa que Jesús saā nda. Esaā nderecua. Aque je que Jesús mbia mbusē ja mondochoi Dios chuchua si ra. Ticuas abe. Ovejas abe. Ae mbae isiquia sibishorō shorō nguiā, ūqui mbae abe que embuchiichere chere ja mesa ra. Mbae isiquia mombo mombo íbii.

¹⁶ Ae nyurusi cuasu mee mee nguiā mbia je nae, ūqui je que Jesús ñee asite ra. —Ā nyurusi cuasu jendao Dios chuchua si. Mbae isi isisa jēsaā saā ñochi u Paba chuchúaa, i que Jesús ñee ee ra.

¹⁷ Jesús chimbaaquiātu que ndua ndua quia embesa ji rese ra. —Sebi tuchi ndechuchua, i que embesa ji huí nda. Ūqui ndese que echimbaaquiātu ndua ndua ra. Jesús mbia icuā mbusē mondochoi mose Dios chuchua si.

¹⁸ Judíos que ñee Jesús je ra. —¿Ma mbia mae sayā nda eresaā ure je re? Ure ndeicua sacua. “Ererecua chō eriqui re”, ure nda ndeje chā, i que judíos ñee Jesús je ra.

¹⁹ Jesús que ñee ee ra. —Jē Dios chuchua mbutiā mose, asiquicharō nda se. Tres días mose ra asiquicharō, i que Jesús ra.

²⁰ Judíos que ñeembe Jesús je ra. —Tenda atate que nanderu riqui itōte Dios chuchua ao ao resē. Cuarenta y seis años. ¿Mañi ere ra tres días eao ja nde re? i que judíos Jesús je ra.

²¹ Nguete riñ ngue Jesús riqui ñee nda. Mbia chumunuasa riñ eā ño ngue ñee nguiā.

²² Jesús quera si mose ramo ngue echimbaaquiātu ndua aque echeē ndese cote ra. Embesa ji rese ndua. —Ā nguiā equia re, i que echimbaaquiātu ndua ndua cote ra. Jesús quera si mose.

Jesús mbia chiā icuate

²³ Mbia tubiriā ngue Jesús icuate aque mose ra. Fiesta de la pascua mose. Siqui mose Jerusalén. Mbia mae sayā naa naa mose que mbia icuate cote ra.

²⁴ Jesús que mbia ndua ndua icuate quia ra. Nyebe ñee tuchi eā nguiā mbia je.

²⁵ —Ēi ño mbia nguiā ā, i aronea mbia mo Jesús mbiirandu. Jesús quiātu que mbia chiā icuate quia ra.

3

Nicodemo oso ñee Jesús je

¹ Mbia mo ngue siqui ra. Nicodemo, i que ee ra. Fariseo que ae ra. Judíos rerecua que ae ra.

² Itondaru mo ngue esi Jesús rea ra. —Mbia mbaaquiatusa chō nde re. Dios chimbu chō nde re. Ureicuate que ra. Mbia mae sayā nda mbia mo saā eā, Dios siquiā mose erese, i que Nicodemo Jesús je ra.

³ Jesús que ñee ee ra. —Tacheē nyecua ndeje. Ae nyaacuquia si eā, ūqui nda siquiā Dios rese, i que Jesús ee ra.

⁴ Nicodemo que ñee Jesús je ra. —¿Mañi nda mbia cuasu nyaacuquia si re? ¿Usi riequi riñ nda esi si re? ¿Nyaacuquia si nonde re? i que Nicodemo Jesús je ra.

⁵ Jesús que ñee ee ra. —Tacheē nyecua ndeje. Ae nyaacuquia i achō je nae, ūqui nda siquiā Dios rese. Ae nyaacuquia Espiritu Turā abe je nae, ūqui nguiā ra siqui Dios rese cote.

⁶ Mbia nyaacuquia mose, mbia sí chō eririñ nde. Emo nyaacuquia mose Dios riirina, Dios rā si chō eno nde.

⁷ “Nducuā”, erechi nda secheē mose jē. “¡Jenyaacuquia si ja chō jē!” se i mose.

⁸ ¿Mbaranguiti si quiririā ndiqui ichu re? ¿Mbaranguiti ra esi re? Ereicuayāte. Quiririā erechandu raque. Eremae āte erese. Eí si chō Dios riiriñ nde. Ae nyaacuquia Dios je nae, i que Jesús ee ra.

⁹ —¿Mañi ūqui nde? i que Nicodemo Jesús je ra.

¹⁰ Jesús que ñee ee ra. —¿Secheē ereicuayāte quia re? Mbia mbaaquiatusa raque nde. Judíos mbaaquiatusa raque nde.

¹¹ Tacheē nyecua ndeje. Ae ureicua, ūqui ño uresenei senei ndei nguiā jēje. Ae rese uremae, ūqui ño uresenei senei ndei nguiā jēje. “Íchōñi nguiā”, jenyē chōchī nguiā urecheē mose.

¹² “Íchōñi nguiā”, jenyē chōchī nguiā secheē mose. Ibi jenda renei nenei mose jēje. Secheē nda jemumba tuchi cote, iba-tenda nenei nenei mose jēje.

¹³ Emo nguichiāte ibei si. Se mii ño ngue achu nguiā nguichi ibei si. Mbiarā ño ngue achu nguiā. Asobe ra ibei. Ibei jenda chō se re.

¹⁴ Sã Moisés mbei raanguia mbuchecua mbia je turuquia re cose no. Eí si ra mbia sembucha ira rese.

¹⁵ I nda seicuaasa quiachã eã mbei sesi. † nda seicuaasa siqui bei ibate serese.

Dios nyesecua ja mbia rese

¹⁶ Dios que nyesecua tuchite mbia ja rese ra. Nyebe nguiirĩ mii mbu nguiã mbia je. Eriirĩ icua sa ra manoa. Siqui bei rae.

¹⁷ Mbia mbasi sacua eã ngue Dios nguiirĩ mbu íbii ra. Mbia rirõ sacua mbae icua si quia ñi ngue Dios nguiirĩ mbu nguiã.

¹⁸ “Eso tata cuasu”, i eã nda Dios nguiirĩ icuasa je. “Eso tata cuasu”, i Dios quia nguiirĩ icuasa reã je ã. Jesús icua eãte quia ñene.

¹⁹ “Eso tata cuasu”, i Dios quia nguiirĩ icuasa reã je. Ebite quia ñi itondaru nyaashĩ si re. Nyaashĩ tu mose íbii, isiteã ngue ra. Mbae icua ndese quia eriqui beite nguiã.

²⁰ Ae siqui beite quia mbae icua ndese, ùqui nguia siquichete nguiã nyaashĩ si. Nyaashĩ ndũchã sereãte quia ñene. “† nda mbia mae eã nandechisaã ndese mbae icua ndese”, i ñene.

²¹ Ae mbae turã saã mbeite quia nae, ùqui nguiatu nyaashĩ siichã sete nguiã. † nda echisaã saã nyecua mbia je. † nda mbia ñee, “Dios quirãcuã nguia siquite nguiã erese”, i ra mbia ñee, i que Jesús ra.

Juan el Bautista ñee turã Jesús rñ

²² Jesús que nyoí Judéaa cote ra. Uchĩmbaaquiatu rese. Huee que eriqui mocoite ùqui ndese ra. Huee que eriqui bautizar i mbia je ra.

²³ Juan abe que bautiza r i quia mbia je ra. Enón, i que sucha tubiriã je ra. Salim ndurubi que ra. Hue quiatu ngue i tubiriãte re. Mbia que ngaẽ ngaẽ nguia erea ra. Juan ngue bautizar i quia ee ra.

²⁴ Mbia Juan tarõ nonde mii ngue eriqui bautizar i huee nyii ra.

²⁵ Judío mo ngue ñee icua icua Juan ñĩmbaaquiatu je ra. Bautizar i rñ. —¿Aba quia ra bautizar i mbia mbitirõ sacua nde? i que ñee icua icua nyue ra.

²⁶ Nyebe Juan ñĩmbaaquiatu nyoí nguiã ñee Juan je. —Ae rese ereico Ama Jordán ndobei, ae abe riqui bautizar i mbia je huee. Ae eresenei senei turã nguia ure je, aque. Mbia riqui tuchite erui ã, i que Juan ñĩmbaaquiatu ñee ee ra.

²⁷ Juan ngue ñee ee ra. —Coche ñene. Dios ibatenda quiarei. Emo siqui aroneate mbia rerecurã, Dios emingo sereã mose.

²⁸ Cristo tu nonde que Dios sembu resẽ. Mbae mbuquiche ja sacua Cristo tu nonde. “Cristo eã ño se resẽ”, ae checua rei que jẽje resẽ.

²⁹ Jesús rui ra mbia siqui ja. Sã emo ngũinisirã nguereco no nae. Sã eninisi riqui ngu rese no. Sã eru quiato abe eya erese

no. Eru quiato rã ño seya riqui Jesús rese co, mbia siqui mose erui.

³⁰ Jesús quia ererecua tuchi riqui nguiã sesi co. Ererecua eã ño aico nguiã se co, i que Juan nda.

Jesús rei ibatenda

³¹ Jesús rei ibatenda. Nyebe equiatu riqui nguiã mbia si co. Ibi jenda chõ nande re. Ibi jenda rese achõ ño nandeaquiatu nande re. Ae quiarei ibatenda.

³² Ibatenda umaesa senei senei nguia mbia je co. Ae echandu ibate nae, ùqui abe esenei senei nguia mbia je co. Mbia mii jiri riqui echeẽ andu andu ã.

³³ Ùqui mii mii ño Jesús cheẽ isi turã nguiã ã. Ùqui mii “Dios ichõifosa reã”, i tuchi nguiã ã.

³⁴ Dios quiatu que Jesús mbu ra. Nyebe Jesús riqui Dios cheẽ nenei nenei co. Dios que Espiritu Turã mondo tuchite Jesús je ra.

³⁵ Jesús rese Paba riqui nyesecua tuchite co. Erucucha quia ae re. Nyebe Paba uquirãcuã mee tuchi nguiã ee. † nda Jesús riqui mbae rerecurã ja.

³⁶ Ae Dios rucucha icua nae, ùqui nda siqui bei Dios rese. Ae Dios rucucha icuayã nae, ùqui nda siquiã tuchi erese. Nyoí eã mbei ra ibate. Dios ra ùqui mondo tata cuãsuu.

4

Jesús ñee acuaní mo je

¹⁻² Mbia que siqui tuchite Jesús rui cote ra. Bautizar i sacua mbia je. Jesús sí que bautizar i eã nda. Echĩmbaaquiatu quia ngue bautizar i nguiã ee. —Fariseos riqui ndeu-cuãyãte ã. Mbia siqui tuchi mose nderui, i que mbia mo Jesús mbiirandu ra.

³ Jesús jirandu mose que esi Judea recha cote ra. —Tasobe Galilea, i que ra.

⁴ Samaria ni ngue esi ra.

⁵ Ngasẽ ngue Samaria ra. Sucha tubiriã mo ngue ngasẽ nda. Sicar, i que hue je ra. Jacob chĩmee ibi ndurubite que huee ra. Ae emee nguiirĩ José je.

⁶ Jacob chĩbicoi ibi que chí huee ra. Noria. Jesús que ngoi huí queneua ucua huee ra. Noria ji. Tenda nandete re mose. Ñeenda ishote que ee ra.

⁷⁻⁸ Jesús ae que tiba huee ra. Echĩmbaaquiatu que nyoí sucha tubiriã nda. Mbae mo isi uchĩurã. Acuaní mo ngue tu ngasẽ i rea huee ra. Samaria jenda que ae ra. —I embu rã. Tayu, i que Jesús ñee ee ra.

⁹ Judíos que ñee eã mbei mbia Samaria jenda je querabe ra. Isho bei que eriqui nyesi ra. Nyebe acuaní ñee nguiã Jesús je. —Judíote nde resẽ. ¿Mbaerã ereico ñee seje re? ¿Mbaerã ereico “i embu” i seje

re? Samaria jenda chō se resē, i que acuaní Jesús cheē ndibishorō nda.

¹⁰ Jesús que ñee ee cote ra. —Dios chimee ereicuayâte quia co. Co ereico seicuayâte co. Eí nda “i raanguia embu seje” ere rei seje. Seicua mose. Eí nda i mbia mingo beisa amee ndeje, i que Jesús acuaní je ra.

¹¹ Acuaní ngue ñee si Jesús je ra. —Noria cuate nyeresē. I arasa ereru eâte quia a resē. Ma je quia ra i raanguia erechara seje.

¹² Nanderu ñiinda abe nda íu íu quia a yenda ye resē. Jacob. Nguiirí ndese. Erimba abe nda íu íu quia a yenda ye resē. ¿Ndeaquiatute ae si nde re? i que acuaní Jesús je ra.

¹³ Jesús que ñee acuaní je ra. —Mbia íu mose a yenda jite, eisei jei chō nda eno.

¹⁴ Ae i raanguia mbei quia nae, ũquí nda eisei chiã mbei cote. I raanguia sechimee nguia ra siqui bei echianguí re. Uchi uchi bei ra equia echianguí re. Emingo bei sacua, i que Jesús acuaní je ra.

¹⁵ Acuaní ngue ñeembe Jesús je ra. —I raanguia embu nembae seje no. Eí nda seisei chiã mbei. Eí nda achu achu eã a jenda ara, i que acuaní ee ra.

¹⁶ —Eso nderu rea. Eru seje a, i que Jesús ee ra.

¹⁷ —Seru eâte nyeresē, i que acuaní nda. Jesús que ñee ee ra. —Ae beite. Nderu eâte que ereico namo co ra.

¹⁸ Nderurã ngue eretea mocoíte rei resē. Cinco. Ae erereco co nae, nderu tuchi eã ño aque re. Erecheē ñoñoño áte rei nguia seje a, i que Jesús acuaní je ra.

¹⁹ Jesús cheē mose que acuaní ñeembe ee no nda. —Mbae mbuchecuaa nde reae. Dios resenda nde reae.

²⁰ Uramei nda ngaē ngaē nguia a ibi ato ra. Ñee ñee sacua Dios je. “Jerusalén quiatu mbia cheesa Dios je re” jenyé chōchí nguia judíos, i que acuaní Jesús je ra.

²¹ Jesús que ñee acuaní je ra. —Tacheē nyecua ndeje. Mangu choño áte ra mbia ñee Dios je cote. Namó jiri. Jerusalén mii eã. A ibi ato mii eã no.

²² Jeñee mbeite raque equia Dios je ã. Dios icuare rocoí. Ure quia ureico nguia Dios icuate ã. Judíos chō ure re. Judío rei mbia rirōsa mbae icua si.

²³ Namó jiri ra Dios quiatote ñee turã turã Dios ríi uchianguí re. Mangu choñoa cote. Dios quiatote ra ñee turã bei quia Dios ríi cote. Echeē nguire.

²⁴ Dios rei espíritu. Mae aronea erese. Nandechianguí re chō nandeico Dios andu ã. Nandechianguí re nandechē turã turã Dios ríi. Dios cheē nguire, i que Jesús ra.

²⁵ Acuaní ngue ñee Jesús je ra. —Mesías ra tu ibate si. “Cristo”, i equia ee nae, aque ra tu ibii cote. Tu mose ra mbae mbuchecua ja

mbia je. Ũquí aicuate quia co, i que acuaní nda.

²⁶ —Cristo chō se re. Ae je ereico ñee, i que Jesús acuaní je ra.

²⁷ Aque mose que Jesús chimbaaquiato ngaē ngasē cote ra. —Jesús riquichí ñee acuaní je a re, i que eu nyuruirate mae erese ra. —¿Mbae jenyé quia ñee nde? i eã ngue emo nda. Irei ireíte quiatu ngue ñee Jesús je re.

²⁸ —Se rei Cristo, i mose que acuaní ía tuchi ra. Ñio ngue esecha oso ra. Mbia mbiirandu randu sucha tubiriã jenda.

²⁹ —A emo ndiqui a. Semumbusē ja que ra. Cristo chō ae reae. Nyao rã mae erese, i que acuaní mbia je ra.

³⁰ Nyebe mbia nyoí ja nguia ícuaa. Jirandu mae Jesús rese. Acuaní ñee nguire.

³¹ —Mbae mo eu, i chiibe ibe que echimbaaquiato Jesús je ra. Acuaní oso mose sucha tubiriã.

³² —Tei. Sechiu jéicuayâte jē, i que Jesús ee ra.

³³ —Emo mbae mo queru echiurã ndeae, i que echimbaaquiato ñee ñee nyue ra.

³⁴ Jesús que ñee ee ra. —Ae ríi Paba ñee seje nae, ũquí tasaã mbei quia ee. Paba cheē mumbayã mose, ũquí ño sechiu riqui nguia.

³⁵ “Pete mbae ishao shao ñi pe”, jenyé chōchí nguia ã. Mbiaco yenda ea irei ishao iriã na ño mbia riqui nguia ã. Sã mbia riqui nyoí mbae a ishao shao no. Eí jenyé si chō nguia nyoí mbia reru reru seje. Serese siqui sacua.

³⁶⁻³⁸ Sã emo ndiqui mbae a ishao shao no. Sã mbae acha riqui mbae mondo mondo ee eishao shao ribishorō no. Sã emo ndiqui mbae eí tiquia tiquia no. Sã emo ndiqui eishao shao equiche mose no. Eí si chō secheē no nde. Sã emo ndiqui secheē nenei nenei nyii no. Aquere emo mbia reru reru seje no. Ae secheē nenei nenei quia nyii nae, ae mbia queru queru quia seje cote nae, ũquí ia jate nyiese cote. Ae emo ndiqui secheē nenei nenei nyii, huee jaemondo quia aque. Mbia reru reru sacua seje. Se mbia mingo bei sacua. Emo nane serenei nenei nguia ee nyii. Jē jēngó ereru reru seje ã cote. Jēya jate riqui jenyiese ã cote. Ae secheē nenei nenei quia nyii, ũquí ndese jēya jate, i que Jesús ra.

³⁹ —Jesús que semumbusē ja ra, i que acuaní ñee sucha tubiriã jenda je ra. Nyebe mbia tubiriã siqui nguia Jesús rui hue jenda cote.

⁴⁰ Samaria jenda que nyoí Jesús rea cote ra. —Eico are jiri ure rese, i que mbia Jesús je ra. Nyebe Jesús itō nguia nyeremo huee.

⁴¹ Jesús sí que mbia mbaaquiato quiato cote ra. Nyebe mbia tubiriã siqui tuchi nguia erui cote.

⁴² Mbia que ñee acuaní je cote ra. —Nde chō ngue urembiirandu rei nyii ra. Uremae ngue erese cote ra. Echeē ngue urechandu cote ra. Nyebe ureico nguiā eicua tuchi ā cote. Erecheē ñoñoa ngue ra. Cristo tuchi chō ae re. Mbia rirōsa mbae icuā si chō ae re, i que mbia ñee acuaní je ra.

Jesús ererecua mo ndiirī mbucherō

⁴³ Huee que Jesús itō nyeremo nda. Samáриа. Hue sí que esi si nyuruā Galilea quti ra.

⁴⁴ —Mbia ra Dios cheē nenei neneisa quereco turā eā hue jenda sí mose, i que Jesús nyii ra. Nyebe esi nguiā Galiléaa.

⁴⁵ Jesús que ngasē Galiléaa cote ra. Mbia hue jenda que embucuasē turā nda. Mae nguiatu equia erese Jerusalén neaē. Pascua mose. Mbia mae sayā nguiatu ngue Jesús saā saā nguiā ee nyii. Nyebe eyate nguiā Jesús cuasē mose cote.

⁴⁶ Jesús que oso si Caná de Galilea no nda. Ae eriqui i mbuchiicabo uva rique rā mbia je nyii nae, huee que esi si ra. Hue rurubi que ererecua mo ndiirī ndasi riqui ra. Capernaum, i que hue je ra.

⁴⁷ —Jesús ru Judea si a cote, i que mbia ererecua mbiirandu ra. Nyebe ererecua si nguiā Jesús rea cote. —Seriirī chí mano seríte qui. Nyao terembucherō seje, i que ererecua ñee ee ra.

⁴⁸ —Mbia mae sayā naa eā mose ra jē seicuayā ñochí nde, i que Jesús ee ra.

⁴⁹ —Nyao jei rā. Seriirī nda mano nyee re, i que ererecua Jesús je ra.

⁵⁰ —Esobe nyebi ndechuchúaa. Nderiirī ngue nyerō nda, i que Jesús ee ra. —Jesús ñee ñoño aroneate, i que ererecua oso nyebi ra.

⁵¹ Echuchua rurubi que erimba ngaē erobeishí ñee nda. —Nderiirī ngue nyerōte ra, i que ñee embiirandu ra.

⁵² —¿Ma tenda seriirī ngasi ucua re? i que ererecua ra. —Tenda nyiichere ramo mose que nderiirī ngacu ucua curi ra, i que mbia ñee ee ra.

⁵³ —Hue tenda tuchi que Jesús ñee seje curi ra. “Nderiirī ngue nyerō nda”, i seje curi, i que ererecua ra. Nyebe eriqui nguiā Jesús icua tuchi cote. Echuchua jenda abe que Jesús icua ja cote ra.

⁵⁴ Judea sí que Jesús ru Galiléaa ra. Mbia mae sayā nyeremo ngue Jesús saā Galilea jenda je ra. I que esaā uva riquerā nyii ra. Ererecua riirī ngue embucherō namo no nda.

5

Jesús Amei mbucherō

¹ Aquere que judíos mbae fiesta ra. Jesús que oso Jerusalén fiesta mose ra.

² Oveja iquesa que chí huee ra. Mbia icua abe que chí huee ra. Cinco tei que chí hue

eicua mama nda. Betesda, i que judíos hue mbia icua je ra.

³ Mbia rasi que chí jate nyaara huee ra. Taiqui re. Eresayā. Ecuatayā. Echaacua. Mbia rasi chumumbara que chí huee ra. I rebera raarō arō.

⁴ Angel mo nda nguichi quichi quia ra. I mumbera sacuā mbia rasi je. —Ae rane nda ua ama ndebera mose nae, aque rane nda nyerō, i que mbia ra.

⁵ Amei ndasi ima mo ngue chí bei aque rī nda. Treinta y ocho años que amei ndasi ra.

⁶ Aque que chí nyaara Jesús je ra. —Aa chō erasi riqui bei a cose re, i que Jesús uchiangui re ra. —¿Erecherō sete ere? i que ee ra.

⁷ Amei ndasi que ñee ee ra. —Aba quia ra sembua i ye, i rebera mose. Mbia rane ngue secuā secuā nguia ra. I rebera mose, i que erasi Jesús je ra.

⁸ Jesús que ñee ee ra. —Ēhuā. Ndequisa erao. Eso, i que Jesús ee ra.

⁹ Echeē mose que nyerō nda. Uquisa que esirō serao ra. Erasí ngue oso cote ra. Sábado mose que Jesús embucherō nda.

¹⁰ Nyebe judíos paama i nguiā embucherō mose sábado mose. —Co mose que mbia uquenea ucua ra. ¿Mbaerā nda ndequisa ererao re? i que judíos Jesús chimbucherō je ra.

¹¹ —Ae sembucherō, aque que ñee seje ra: “Ndequisa erao. Eso”, i que sembucherōsa seje ra, i que judíos cheē mose ra.

¹² Judíos que ñee ee ra. —¿Aba aque re? ¿Aba “ndequisa erao”, i ndeje re? i que ra.

¹³ —Aicua eāte se. Aba chō sembucherō. Mbia tubiriāte quiatu ngue re, i que erasi judíos je ra. Jesús oso rei.

¹⁴ Emo mose que Jesús ngasembe uchimbucherō je ra. Dios chuchúaa. Ñee ngue ee ra. —¡Sā jē! Arembucherō ngue se resē. ¡Mbae icuā nda eresaā sichí jē! Mbae mo nda jei tuchi ndeje cote, i que Jesús ee ra.

¹⁵ Amei ngue oso judíos mbiirandu cote ra. —Jesús chō sembucherō nguia reaē, i que judíos je ra.

¹⁶ Nyebe judíos paama i nguiā Jesús je. Nandequia, i. Sábado mose quia Jesús riqui nguiā mbia mbucherō cherō judíos je. Judíos uquenea ucua mose. Nyebe judíos paama i nguiā ee.

¹⁷ Jesús que ñee judíos je cote ra. —Paba recoteā mbeite riqui co. Namó abe. Se abe Paba rā sí serecoteā teā mbeite riqui co, i que Jesús ee ra.

¹⁸ Nyebe judíos riqui nguiā paama i tuchi Jesús je. Iquia serí seríte que cote ra. Jesús que judíos cheē mumba mumba ra. Mbia rasi mbucherō cherō sábado mose. —Dios rā sí aico co. Paba rei Dios, i que Jesús ra. Nyebe judíos paama i tuchi nguiā ee.

Jesús rei Dios rucucha

¹⁹ Jesús que ñeembe judíos je ra. —Dios rucucha rei se. Dios rucucha ae ra mbae saã eã. Se ae ra mbae asaã eã. Paba chisaã ndese maende ae aico nguiã mbae raã naa se abe co. Ae Paba saã saã nguia, ùqui asaã saã ja quia se abe co.

²⁰ Dios rucucha rei se. Paba riqui nysecua tuchi serese co. Paba riqui uchiao reacuquia tuchi seje co. Uchiao ra eteacuquia tuchi seje cote. Mbia mae sayã tuchi. Jenyuruira tuchi ra mae erese cote.

²¹ Paba mbia raaque ambuquera quera. Se abe ra mbia raaque ambuquera quera. Ae amingo bei sete, ùqui abe ra amingo bei.

²² Paba ra mbia mo mondo eã tata cuásuu. “Nde chõ mbia equirirõ ndirõ mondo tata cuásuu”, i que Paba seje ra.

²³ I nda mbia ñee turã serií. Sã mbia riqui ñee turã Paba rií no. Ae ñee turã eã nguia serií, ùqui ñee turã eãte Paba abe rií no. Dios rucucha rei se. Dios chimee ndei se.

²⁴ Tacheë nyecua jêje. Secheë andusa ra siqui bei. Paba icuasa ra siqui bei. Nyoí eã mbei ra tata cuásuu. Paba ra emingo bei cote.

²⁵ Tacheë nyecua jêje. Namó jiri ra mbia raaque secheë andu. Secheë mumbasa reã nda siqui bei.

²⁶ Paba quiarei mbia mingo beisa. Se abe rei mbingo beisa Paba rui si.

²⁷ Se abe ra mbia amondo tata cuásuu. “Nde chõ mbia equirirõ ndirõ mondo tata cuásuu”, i que Paba seje ra. Se chí erucucha.

²⁸ Jenyuruira techí nda secheë mose jê! Mbia raaque ra secheë ñandu ja chee.

²⁹ Júã ja ra ngua si. Ae siqui turã, ùqui nda Dios mingo bei cote. Ae siqui icuã icuã nguia, ùqui nda nyoí tata cuásuu.

Serí ño embesa ji ñee, i Jesús

³⁰ Se ae ra mbae asaã eã. Paba cheë ndui si chõ aico nguiã mbia mondo tata cuásuu. Paba cheë ndui si chõ aico nguiã mbia mingo bei no. Paba cheë nda achabiã. Paba cheë nguire chõ aico nguiã mbae raã naa co. Se ae eã ño ñene.

³¹ Se ae eã ño acheenei enei nguiã mbia je co. I nda “ichõíño” jenyere sei seje.

³² Aque emo ndiqui serenei nenei mbia je aque. Aque eriqui ñee ñoño eã serií aque.

³³ Jemo ngue jemondo Juan je. Jêirandu sacua serese. Juan ngue ñee ñoño eãte jêje ra.

³⁴ Ae mbia ñee ñee serií, ùqui ñee ndeseã aico nguiã se. “Dios riirí eã ño co re”, i mose mbia serií, Dios riirí mbei chõ se re. Jêicuã mbutiã sacua ño aico rei nguiã ñee jêje.

³⁵ Tata rendi rá ndei Juan. Mbae resae ja raque. Huee que jengu mbirí ndei erese ra. Jêhuí je chíchí esi.

³⁶ Juan ñee ngue mbia mbiirandu rei serese ra. Sechisaã nguia mbia mbiirandu tuchi serese Juan ñee si. Dios cheë nguire ae aico nguiã mbae ao ao co. Sechisaã ndese mae jee mbia jirandu nguiã serese cote. “Dios chimondo quiarei Jesús”, i mbia cote.

³⁷ Paba abe riqui serenei nenei mbia je co. Paba cheë jeñauate raque. Jemae sayãte raque Paba no.

³⁸ Jê nguia seicuayãte nguiã co. Paba chimondo chõ se re. Nyebe Paba cheë chí eãte jendese.

³⁹ Embesa ji rese jêingo mae tuchite raque. “Embasa ji ra nandemingo beite”, jenyechí nguiã. Serese jemiirandu sacua ño embesa ji re. Se quiatu mbia mingosa tuchi re.

⁴⁰ Jê nguia jêingo sereãte nguiã serese. I nda se jaemingo beite rei.

⁴¹ Jêingo eã mose Dios rese, sebiãte jeñee turã turã mose serií.

⁴² Co aico jêicuate co resê. Jenyesequa eãte quia Dios rese co resê.

⁴³ Paba que sembu resê. Jêo eã ñochí serese. Paba chimondo eã tu mose, aque rese quia ra jêo tuchite cote.

⁴⁴ Mbia resa rae jêingochí nguiã jêturã naa naa. Dios je quiarei jêturã eãte. ¿Mañi jenyere quiatu ra equia seicua re?

⁴⁵ Se quia ra jêicuã ambuchecua eã Paba je. Moisés chimbasa quia jêicuã mbuchecua nguiã. “Moisés chimbasa rei mbia mingo beisa”, jenyechí nguiã.

⁴⁶ Moisés chimbasa jêicua eãte quia ã. Nyebe jêingo nguiã seicua eãte ã. Serií ngue Moisés embesa ra.

⁴⁷ “Nyia” jenyere eã mose Moisés chimbasa je, “nyia” jenyere eã nda secheë mose abe no, i que Jesús judíos je ra.

6

Jesús mbichae mbeta tuchi

¹ Aquere que Jesús choi ama ndisa rasa ra. Galilea, i que ama ndisa je ra. Tiberias, i abe que ee ra. Hue robei que echoi ra.

² Mbia que nyoí tuchite Jesús rui ra. Mbia mae sayã ngue Jesús saã saã nguia ra. Echisaã ndese que mbia mae mae nda. Mbia rasi mbucherõ cherõ mose.

³ Sita ibate rí ngue Jesús choi ra. Huee que echí ngoi uchimbacquiatsu rese ra.

⁴ Fiesta de pascua rurubi que ra.

⁵ Mbia tubiriã ngue ngaë nguia Jesús rui ra. Jesús que mae erese ra. Ñee ngue Felipe je ra. —Mbia tubiriã tuchi. ¿Mangue ra echirã nandei mangue re? i que Jesús ee ra.

⁶ Jesús eicuate raque. —Mañi nda Felipe quia secheë mose reae, i que Jesús ra.

⁷ Felipe que ñee ee ra. —Doscientos plata mbia chayâte mbia chiurã isi sacua. Echayã tuchite, i que Felipe ra.

⁸ Andrés abe que chi ra. Jesús chimbaaquiato. Simón Pedro nongue. Ae que ñee nda.

⁹ —A ãquẽ mo ndiqui a. Cinco mbichae rerequia a. Sira nyeremo abe rerequia a. Echayãte quiatu nda re. Mbia tubiriãte quia ñene, i que Andrés Jesús je ra.

¹⁰ —“Jengoi ja”, jenye mbia je, i que Jesús ra. Quiata turã ngue huee ra. Quiata tose que mbia ngoi ja ra. Mbia cuabẽ. Cinco mil que mbia ra.

¹¹ Jesús que mbichae isi cote ra. Iaanye, i que ngu je cote ra. Mbichae riĩ. Mbichae que embuchao chao cote ra. Uchimbaaquiato je que emondo mondo ra. Echimbaaquiato que emondo mondo mbia je cote ra. Ae chi ngoi. Sira abe que embuchao chao mbia je ra. Mbia que eu ja ra. Mbia que echosei chiã chiã nyee ra.

¹² Mbia rio ja mose que Jesús ñee uchimbaaquiato je cote ra. —iMbia chiu sique jemunua nua jẽ! ¡jendecoquiato ja jẽ! i que ra.

¹³ Echiu sique que emunua ja ra. Doce irairu que puk i ja ra. Mbichae sique sique. Cinco chõ ndei que mbichae nyii aẽ.

¹⁴ Mbia que mae tuchi Jesús rese ra. Mbichae mbeta rese ra. Ũqui ndese que mbia riqui mae eã tuchi nyii ra. —Dios cheẽ nenei neneisa chõ co riqui re. Ae uresaarõ arõ nguia, ae chõ eriqui re, i que mbia Jesús riĩ nda.

¹⁵ Jesús que mbia icua ra. —Mbia ra seisichĩ suruchoi ererercuarã nde, i que ra. Nyebe esi si nguia mbia recha. Sita ibate ri ngue esi erecha ra.

Jesús ngata i arõ

¹⁶ Itondaru ndaru que Jesús chimbaaquiato choi ama ndisaa ra.

¹⁷ Nyui nyui que canoa ye cote ra. Aque echoichĩ nguia iasa Capernaum aque. Jesús que nyebi eã mbeite u ee ra. Itondaru chee. Nyoĩ chee que erecha ra.

¹⁸ Quiririã ngue tu icua icua ee ra. Ama ndiite re mbia reco mose. I rebera que tu asi asi tuchi ra.

¹⁹ Mbia que nyoĩ choi bei canoa ye ra. Una legua. Jesús que canoa curubite cote ra. I arõ ngue esi quia ngata ra. Canoa yenda que mae erese ra. Echiã ngue cuaãcua i tuchi ra.

²⁰ —Se chõ nyeresẽ. ¿Mbaerã jẽingo siquiche sesi re? i que Jesús ee ra.

²¹ Canoa yenda que oote erese cote ra. Mbua que canoa ye ra. Ngasẽ asi que ecuaẽ ibii cote ra.

Mbia cuabẽ Jesús requia

²² Mbia cuabẽ ngue chi sobei ra. Isamami ngue Jesús tiãte ee ra. Nyebe ñee nguia nyue.

—Canoa mii ño ngue chi resẽ. Canoa ye eã ño Jesús si iasa resẽ. Echimbaaquiato achõ ño ngue nyoĩ iasa canoa ye resẽ. ¿Mangue Jesús riqui mangue re? i que mbia cuabẽ u ñee Jesús requia ra.

²³ Aque mose que canoa mo ngaẽ ngasẽ ee ra. Tiberias si que canoa cuaẽ nda. Mbia mbichae usa rurubi que ecuaẽ tiba ra.

²⁴ Jesús tiã mbei que mbia je huee ra. Mbichae úsaa ra. Echimbaaquiato abe tiã ngue mbia je ra. Nyebe mbia choi nguia erequia canoa ye. Ngasẽ ngue coquimo cote ra. Capernaum, i que hue sucha je ra.

Mbichae rã ndei Jesús

²⁵ Mbia cuabẽ ngue ngaẽ ama ndasa coquimo ngote ra. Ngasẽ ngue Jesús je cote ra. —Mbia mbaaquiatusa, ¿manose erechu ngasẽ aa re? i que mbia cuabẽ Jesús je ra.

²⁶ Jesús que ñee ee ra. —Tacheẽ nyecua jẽje. Se jembuquiarure chõ jẽingo nguia serese. Se jembiore chõ jẽingo nguia serese. Sechisaã icuare rocoĩ. Jemae sayã ngue asaã saã ndei quia resẽ.

²⁷ Jenyirã ndese jẽingochĩ nguia ndua tuchite. Ũqui nda ua jeite. Ae ua eã mbeite quia, ũqui ndese quiatu jendua. Mbia mingo beisa rese quiatu jendua. Se rei mbia mingo beisa. Se rei Dios rucucha. Paba que uquirãcua mondo seje ra, i que Jesús ee ra.

²⁸ Mbia que ñeembe Jesús je ra. —¿Mañi ure ra equia re? ¿Mbae rese ra aba riqui Dios mbia re? i que mbia Jesús je ra.

²⁹ Jesús que ñeembe ee ra. —Dios que sembu ra. Seicua quia se. Seicua mose ra Dios ia tuchi jendese cote, i que Jesús mbia je ra.

³⁰ —¿Mbae mo nda eresaã na ure je re, uremae sayã nde? ¡nda uremae nderese. Eĩ ure ra ndeicua cote.

³¹ Cose nda nanderamei ndiqui maná u u turuquia ri nda. Sã embesa ji no: “Dios que mbichae mbu ibei si mbia je ra”, sã embesa ji riqui i no, i que mbia Jesús je ra.

³² Jesús que ñee ee ra. —Tacheẽ nyecua jẽje. Moisés eã ño ngue mbichae mondo nguia mbia je ibei si. Paba chõ ngue emondo nguia ibei si mbia je. Aque mbichae ra mbia mingo bei eã. Paba ra mbia mingo beisa mondo mbia je cote.

³³ Dios riqui mbichae mbuae mondo mondo mbia je co. Ae Dios mondo mondo nguia mbia je co nae, aque que tu ibei si ra. Aque rei mbia mingo beisa, i que Jesús ra.

³⁴ Mbia que ñee Jesús je ra. —Aquembichae mbichae emondo mondo bei quia ure je, Urererrecua, i que mbia Jesús je ra.

³⁵ Jesús que ñee ee cote ra. —Mbichae rã ño se re. Mbia mingo beisa chõ se re. Serese siqui mose ra jeniãcua eã mbei. Serese siqui mose ra jẽisei eã mbei. Jẽya bei rae.

³⁶ Jemae ndei que equia serese resē. Seicuayā mbei chōchī nguiā ā. Acheē ndei que jēje nyii resē.

³⁷ Ae Paba mee seje mbia nae, ũquĩ nda siqui bei serese. Ũquĩ nda aisi teā eā mbei.

³⁸ Paba que sembu ibei si resē. Secheē nguire eā ño aico nguiā mbae raā naa. Paba cheē nguire ae chō aico nguiā mbae raā naa co.

³⁹ “Ae amondo ndeje nae, ũquĩ mo nda quiachāchī”, i que Paba seje ra. Ambuquera ja ra se, se tube mose íbii.

⁴⁰ Se rei Dios rucucha. Paba que sembu ra. Ae seicuate nae, ũquĩ nda siqui bei. “Ũquĩ nda amingo bei”, i que Paba ra. Ũquĩ ndaambuquera ja, se tube mose íbii, i que Jesús ra.

⁴¹ Judíos que paama i Jesús je ra. —Se rei mbichae rā. Ibei si que achu ra, i mose que judíos ñee icuā icuā Jesús je ra.

⁴² —Jesús chō co re. José riiri ño co re. Eru rese que nandemae ndesē. Esí abe rese que nandemae ndesē. ¿Mbaerā eriquiñee nande je re? “Ibei si que achu ra”, i nande je re, i que mbia ñee ñee nyue ra.

⁴³ Jesús que ñee ee cote ra. —¿Mbaerā jēingo ñee icuā icuā seríi nde?

⁴⁴ Mbía ae ra siqui eā serese. Paba emingo mose serese, aque mose ra eriqui tuchi serese cote. Ũquĩ ndaambuquera si mingo sechube mose íbii.

⁴⁵ “Dios ra mbía mbaaquiātu ja”, sã embesa ji ríqui i no. Nyebe ra Paba cheē andusa siqui bei serese. Nyebe ra Paba cheē mumbasa reā siqui bei serese.

⁴⁶ Emo ngue mae eāte Paba rese ra. Se mií ño ngue amae erese ra. Esí chō ngue achu resē.

⁴⁷ Tacheē nyecua jēje. Ae seicuate quia nae, ũquĩ nda siqui bei.

⁴⁸ Se rei mbichae rā. Mbía mingo beisa rei se.

⁴⁹ Nanderamei ngue maná u u turā ndei quia turuquia re ra. Emo mose que mano mano ja ra.

⁵⁰ Mbichae mbuae chō asenei senei nguiā jēje co. Mbía mingo beisa rei mbichae mbuae. Aque que tu ibei si ra. Ae mbichae mbuae u nae, ũquĩ nda siqui bei. Ũquĩ nda ua eā mbei.

⁵¹ Se rei mbichae. Ibei si que achu ra. Mbía mingo beisa rei se. Ae seu nae, ũquĩ nda siqui bei. Mbichae ra amee mbía mingo bei sacuā. Aque mbichae rei serete sí. Seroo sí, i que Jesús judíos je ra.

⁵² Judíos que ñee icuā icuā nyue cote ra. —¿Mañi nda nguete mee nandechiurā nde? i que nyue ra.

⁵³ Jesús que ñee ee cote ra. —Tacheē nyecua jēje. Mbiarā ngue achu ra. Serete jēu eā

mose, jēingo bei eā ndae. Seruqui jembei eā mose, jēingo bei eā ndae.

⁵⁴ Ae serete u quia nae, ũquĩ nda siqui bei. Ae seruqui mbei quia nae, ũquĩ nda siqui bei. Ũquĩ ndaambuquera si mingo, sechube mose íbii.

⁵⁵ Serete rei mbía chiu rā. Seruqui rei mbía chimbei rā.

⁵⁶ Ae serete u quia nae, ae seruqui mbei quia nae, ũquĩ nda siqui bei sechiangui re. Se abe ra aico bei echiangui re.

⁵⁷ Paba ríqui bei co. Paba ríqui semingo se abe co. Eí nda serete usa abe siqui bei. Amingo bei ra se.

⁵⁸ Mbichae mbuae chō asenei senei nguiā jēje co. Ae tu ibei si. Maná na eā ño aque mbichae re. Maná ngue nanderamei u u rei ra. Maná ngue mbía mingo bei eā nda. Emo mose que mano ja chō nda. Ae sechimee u quia nae, ũquĩ nguiā ra siqui bei, i que Jesús judíos je ra.

⁵⁹ Eí ngue Jesús quia judíos mbaaquiātu quiātu ra. Capernaum. Judíos chumunuásaa.

Mbía tubiriā hui Jesús sí

⁶⁰ Jesús cheē andusa que ñee tuchi nyue ra. —Mbaranguiatuā tuchi chō Jesús cheē ndiqui re. Echeē nandemumba eā aroneate quiātu quia re, i que nyue ra.

⁶¹ —Mbía ríqui ñee icuā icuā tuchichí secheē nií, i que Jesús uchiangui re ra. Nyebe ucheē mbuchecua ee cote. —¿Mbaranguiatuāte secheē jēje re?

⁶² ¿Mañi jenyre ra mae mose serese re? Seso sí mose ibate re.

⁶³ Nande rete nandemingo eā nguiā. Nande aĩ ño nandemingo nguiā. Secheē nguiā ra mbía mingo bei íbátee.

⁶⁴ Seicua ja eāte quiātu nguiā ā. Jemo seicua eāte quia ā, i que Jesús ee ra. Mbae ao ramo mosenda bei que Jesús mbía icua uchiangui re ra. —Ā nda seicua. Ā nda seicua eā. Co ra semondo mbía icuā je, i que Jesús mbía icua uchiangui re nyii ra.

⁶⁵ —Acheē ngue jēje nyii, ũquĩ sí aico ñee jēje a. Mbía ae ra siqui eā serese. Paba emingo mose serese, aque mose ra eriqui tuchi serese cote, i que Jesús ra.

⁶⁶ Aque mosebe bei que mbía tubiriā hui Jesús sí cote ra. Ae siqui erese nyii nae, ũquĩ mo ngue hui ja esi cote ra. Ngatayā ngue equia erui cote ra.

⁶⁷ Jesús que ñee uchimbaaquiātu je cote ra. Doce je. —¿Jē abe ra jēhui sesi re? i que uchimbaaquiātu je ra.

⁶⁸ Simón Pedro que ñee ee ra. —Tei, Urererecua. Aba rui quia ra ureico cote. Ndecheē ño mbía mingo beisa resē.

⁶⁹ Ureico ndeicua ā cote. Cristo rei nde. Dios rucucha rei nde, i que Pedro ra.

⁷⁰ Jesús que ñee ee cote ra. —Jē doce que jaëirabo rei ra. Sechimbaaquiatu sacua. Jemo ngue diablo rã nda, i que ra.

⁷¹ Judas Iscariote riñ ngue eriqui ñee nda. Diablo, i. Simón ndiiri ndei Judas. Ae quia Jesús mee nguiã icua je. Jesús chimbaaquiatu mo ndaque.

7

Jesús nongue siquiã Jesús rese

¹ —Jesús nandeiquia, i rei que judíos quia ñee ñee nyue ra. Nyebe Jesús si eã nguiã Judea cote. Galilea bei que eriqui ngata ra.

² Fiesta rurubi mose que cote ra. Tuchua ñetē ngue judíos saã saã mbei quia aque fiesta mose ra. Curubite que cote ra.

³ Jesús nongue que ñee ja ee ra. —Eso rã Judea. † nda ndechimbaaquiatu mae ja ndechisaã ndese Judea jenda.

⁴ †Mbae esaã nyecua chõ mbia resa rae jël! † nda mbia ndeicua ja. Co ereico mbia mae sayã naa naa co. Mbia resa rae quiatu esaã saã, i que enongue ee ra.

⁵ Jesús nongue abe que Jesús icuayãte ra. Nyia, i eã Jesús cheë je.

⁶ Jesús que ñee ee cote ra. —Emo mose quia ra aso nyecua mbia je cote. Jē jëso jē ae ae, jësome mose.

⁷ Dios cheë mumbasa riqui jëucuyã eãte raque jē. Se quia eriqui nguiã seucuyãte ã. “Jenyisaã saã nguia eicuãte riqui nguiã”, ae quiatu nguiã ee co. Nyebe eriqui nguiã seucuyãte ã.

⁸ Jē ño jëso fiesta rea. Se ra asoã. Emo mose quia nda achecua nguiã mbia je cote, i que Jesús ngõngue je ra.

⁹ Jesús que siqui are jiri Galilea cote ra.

Jesús mbia mbaaquiatu quiatu fiesta mose

¹⁰ Jesús nongue que nyoi fiesta rea cote ra. Aquere que Jesús abe si mingue cote ra. Ngasë nyecuyã ño ngue oso ra. —Mbia ra jiranduchĩ serese re, i que uchiangui re ra.

¹¹ Judíos rerecua que Jesús sequia sequia ja u ra. —¿Ma Jesús riqui ma nde? i ja que fiesta mose ra.

¹² Mbia que ñee ata atate Jesús riñ nda. —Jesús turãte que, i que emo emo nda. —Jesús turã eã ngue ra. Mbia mbĩrĩ irĩte que equia no nda, i que emo emo no nda.

¹³ Mbia que siquichete judíos rerecua si ra. Nyebe mbia ucheë mbuchecua eã nguiã Jesús riñ.

¹⁴ Fiesta ite mose que Jesús si Dios chuchua mbia mbaaquiatu quiatu cote ra.

¹⁵ Judíos que nyuruiãra tuchi Jesús cheë andu ra. —Eaquiatute quia eriqui re. ¿Mangue eriqui ñimbaaquiatu mangue nyii re? i que mbia ra.

¹⁶ Jesús que ñee ee ra. —Secheë ae eã asenei senei nguiã jēje co. Paba cheë ño asenei senei nguiã jēje. Ae sembu.

¹⁷ Emo siquise mose Dios cheë ndui, aque ra Dios cheë icua tuchi. Aque ra ñee. “Ucheë ño eã Jesús senei senei nguiã mbia je co. Dios cheë ño esenei senei nguiã mbia je co”, i ra aque ñee serĩ.

¹⁸ “jã mbia ñee turã mbe i serĩ jël” i ra emo ucheë achõ nenei nenei. “jã mbia ñee turã mbei Dios riñ nguiatu jël!” ae chõ nguiã Dios cheë nenei nenei se co. Acheë ñooño eã ño nguiã co. Mbia ambĩrĩ irĩ eã ño nguiã co.

¹⁹ Moisés que Dios cheë mbesa rei nande je ra. Nande emumbayã sacua. Jē nguia rei Dios cheë mumba. ¿Mbaerã jëingo seiquia serĩte re? i que Jesús ee ra.

²⁰ Mbia que ñee ee cote ra. —Emo ndiqui ndeiquia serĩ eãte co. Aba checuayã icua e nembĩcua ndeae, i que mbia Jesús je ra.

²¹ Jesús que ñee ee cote ra. —Mbia rasi mo ngue ambucherõ sábadu mose. Aque mii ño ngue asaã ndei nguiã. Aque mii je chõ jëingochĩ nguiã nyuruirate mae serese.

²² Moisés que circuncisión teacuquia jēje ra. Nanderamei nane ngue circuncisión saã nguiĩrĩ je ra. Nyebe jëingo nguiã sábadu mose abe circuncisión naa naa jendiĩrĩ je.

²³ Moisés cheë nguire chõ jëingo nguiã circuncisión naa naa jendiĩrĩ je ã. Sábadu mose abe. ¿Mbaerã jëingo paama i seje mbia mbucherõ mose sábadu mose re?

²⁴ “Aque eicuãte”, jenye jei chõchĩ nguiã. Jëirandu turã na erese nyii, i que Jesús ee ra.

Ibatenda chõ se re, i Jesús

²⁵ Jerusalén jenda que ñee ñee Jesús riñ cote ra. —A Jesús riqui ñee mbia je a. ¿Nandererecua ra Jesús iquia eã si chõ nde?

²⁶ A eñi nyecua ñee mbia ite re a. Nandererecua ñee eã tuchi chõchĩ ee. Teachõ tuchi chõchĩ. ¿Cristo eriqui rei nandererecua je re?

²⁷ Cristo eã ño Jesús re. Galilea jenda chõ ae re. Cristo tu mose quiatu ra nanderiranute. Ma si chõ nda eru, i que Jerusalén jenda ñee nda.

²⁸ Jesús que echeë ñandu ja ra. Dios chuchuaa eriqui mose mbia mbaaquiatu quiatu. Nyebe Jesús echeë ndibishorõ nguiã cote. —¿Ma si achu co re? ¿Jē seicuate re? Se ae achu eã nguiã co. Sembu ji ae aico nguiã co. Ichõiñosa reã ae ngue sembu nguiã. Ae rese jemaie ãte nae, ae chõ sembu nguiã.

²⁹ Se ae que amae erese ra. Esí que achu ra. Ae chõ sembu nguiã co, i que Jesús ee ra.

³⁰ Mbia que paama i Jesús cheë mose ra. —Jesús nandeisi etarõ sacua, i rei que mbia ñee nyue ra. Ae mbia eisiã ño nguiã. —Aque mose ra eremano, i ãte quiarei Dios ee.

³¹ Mbia tubiriã ngue Jesús icua icua ramo nguia cote ra. Nguerecuarã. —Cristo tuchi rei co. Co eriqui mbia mae sayã naa naa

tuchi co. Emo aquiatu mo nda tuâte rei. Co mü tuchi chõ ndei Dios chimbu co, i que mbia tubiriã nguia ñee ñee Jesús rîi nda.

Fariseos paama i Jesús je

³² Fariseos que nyiisaquia mbia cheë ndese ra. Mbia ñee turã turã mose Jesús rîi. Nyebe fariseos paama i nguia Jesús je. Policía jenda mo ngue emondo rei Jesús isi sacua nda. Sacerdote rerecua abe que policía jenda mondo rei Jesús isi sacua nda.

³³ Jesús que ñee nda. —Aico mbiri ño nguia jendese a cote. Aqere ra aso si Paba rea. Ae sembu.

³⁴ Jê nda serequia cote. Serea eãte ra se cote. Ae ra aso nae, huee jengasê aroneate, i que Jesús ee ra.

³⁵ Judíos que ñee nyue ra. —Manguiti ra esi reae. Manguiti ra nandecuasê aroneate ee reae. Judíos siqui quia griegos rese nae, ûqui ndea ra esi reae. Griegos mbaaquiату sacua ndeae.

³⁶ “Serequia ra se cote. Serea eãte ra se. Ae ra aso nae, huee jengasê aroneate”, i chõchî nguia nande je. ¿Mbaerã eriqui ñee nande je ûqui nde? i que judíos u ñee nyue ra.

Jesús icuasa rei i riõ na

³⁷ Fiesta ua nonde que mbia ñumunua tuchi cote ra. Fiesta mumba bei. Aque mose que Jesús ñi juã ñee mbia ite re ra. —“Emo isei mose, sã eru serea. Ambiu ra se.

³⁸ Ae ra seicua nae, i riõ na nda ûqui. Iãcuã turã na nda ûqui”, sã embesa ji riqui i no, i que Jesus ucheë mbirãtãte mbia je ra.

³⁹ —Ae ra seicua nae, ûqui je ra Espiritu Turã amondo, i ñene. Espiritu Turã mbu nonde chõ eriqui nguia ñee. Jesús oso eã mose ibate chõ eriqui nguia ñee.

Mbia ñee atate Jesús rîi

⁴⁰ Mbia tubiriã ngue chi Jesús cheë andu ra. Uqui mo ngue ñee nyue ra. —Co rei Dios cheë nenei neneisa co. Ae ursaarõ arõ nguia co, i que u ñee Jesús rîi nda.

⁴¹ Emo emo ngue ñee nda. —Co rei Cristo tuchi co, i que ra. Emo emo ngue echeë sibi shorõ no nda. —Tei. ¿Mañi nda Galilea jenda Cristo re? Hue jenda eã ño nda Cristo ndesê.

⁴² “David riri nda Cristo. Belén jenda ra Cristo, David rã si”, sã embesa ji riqui i no, i que mbia ñee ñee nyue ra.

⁴³ Hue rîi ja mbia ñee eãchî Jesús rîi. Mbia que ñee ata ata Jesús rîi nda.

⁴⁴ —Jesús nandesi serao tarõ, i rei que emo emo ñee nda. Isã si que ra.

Fariseos Jesús icuayã

⁴⁵ Policía jenda ochi que nyoï nyebi fariseos je cote ra. Sacerdotes rerecua je abe nyebi. —¿Mbaerã Jesús jendu eã ure je re? i que ererecua policía jenda je ra.

⁴⁶ Policía jenda que ñee ee ra. —Aque Jesús riqui mbia mbaaquiату turã tuchi aque. Ae

rã si emo mbia mbaaquiату turã aronea, i que policía jenda ñee mbia rerecua je ra.

⁴⁷ Fariseos que ñee policía jenda je cote ra. —¿Jê abe chee chõ Jesús jembiri iri nguia re?

⁴⁸ Nandererecua mo ngue “coche rei” iã tuchi Jesús je resê. Fariseos mo abe que “coche rei” iã tuchi Jesús je resê.

⁴⁹ A mbia ataque riqui Dios cheë icua eãte ã. Quiachã ja ra Dios si, siqui mose Jesús rese, i rei que fariseos ra.

⁵⁰ Nicodemo abe rei fariseo. Ae tu Jesús je isa nae, aque que ñee fariseos je ra. Uataque je ra.

⁵¹ —Emo nandembasi mbasi chooño aroneate. Echeë nandechandu rane nguia tu. Nandeirandu ja rã nguia tu erese. Embasi nonde. Eï ngue Moisés embesa mü nande je ra, i que Nicodemo uataque je ra.

⁵² Fariseos que ñee ee cote ra. —¿Nde abe chõ Galilea jenda Jesús rese re? Embesa ji rese emae mae. Dios cheë nenei neneisa mo eãte que Galilea jenda resê, i rei que fariseos ñee asi Nicodemo je ra.

⁵³ Mbia que nyoï ja uchuchua cote ra.

8

Cuña mo siqui emo ndu rese

¹ Jesús que oso Monte de los Olivos ra.

² Isamami ngue Jesús si nyebi si Dios chuchúaa ra. Eresaitõ ndabe. Mbia que esichã tuchi ra. Jesús que ngoi ra. Mbia mbaaquiату quiatu.

³ Fariseos que cuña mo curucuaë Jesús je ra. Embesasa rese que cuña ndurucuaë ee ra. Cuña nda siqui emo ndu rese mbia je ra. Mbia ite re que fariseos cuña mü nda.

⁴ Ae cuña curucuaë nae, ûqui ngue ñee Jesús je ra. —Urembaaquiatusa, mbia que mae cuña ndese ra. Emo ndu rese siqui mose.

⁵ Moisés que ñee nande je ra. “A jëiquia sita je”, i que Moisés quia ã mbia rîi nda. ¿Mañi ere ra ã mü ñee nde re? i que cuña ndurucuaësa ñee Jesús je ra.

⁶ —Jesús nandembiri. I nda ñee icua. I nda mbia nandembicuã Jesús je cote, ichõ equia nyii reae. Nyebe cuña ndurucuaëchi ee reae. Jesús que nyatiquio chõ nda. Ibi que embesa mbesa o je ra.

⁷ —¿Mañi ere ra nde cuña je re? i bei que mbia quia Jesús je ra. Jesús que juã ñee mbia je cote ra. —Jemo turã mbeite mose, sã aque rane cuña chei sita je, i que Jesús ee ra.

⁸ Nyatiquio si que ibi mbesa ra.

⁹ Jesús cheë andu mose que mbia rerecua irei irei ja chõ nda. —Nandeicua jate que, i ja chõ ngue ñee uchiangui re ra. Nyebe echoi nguia usê ja. Amei nane ja que ra. Eataque quia usê nguia erui cote. Ererecua que usê ja ra. Jesús ae que siquichõ nda. Cuña ndesechõ.

¹⁰ Jesús que juã mbia rerecua ruihe cote ra. Cuña je que ñee cote ra. —¿Ma nderuru-cuaësa ma nde? “Nandechei rá sita je”, ¿iãte emo nguia nderií co re? i que Jesús ñee cuña je ra.

¹¹ —Tei. Emo ñeeãte, Sererecua, i que cuña Jesús je ra. Jesús que ñee ee cote ra. —Se abe ra acheë eã ndeje. Eso rei. ¡Mbae icuã nda eresaã sichi jê! i que Jesús cuña je ra.

Tata rendi rá ndei Jesús

¹² Jesús que ñee si mbia je ra. —Mbia ja mbaaquiatusa chõ se re. Tata rendi rá ño aico nguia mbia je co. Ae siqui serui nae, ùqui nda siquiã itondáruu. Ûqui amingo bei quia querabe co, i que Jesús mbia mbaaquiatu ra.

¹³ Fariseos que ñee Jesús je cote ra. —Ndechue chõ ereico nguia ñee mbia je. Nyebe mbia “coche rei” i aronea ndechëe je, i que fariseos ñee Jesús je ra.

¹⁴ Jesús que ñee echeë ndibishorõ nda. —Sechue acheë ndaque mbia je. “¡Ae bei jê!” i chõ mbite raque aba secheë mose. Ae si achu nae, huee jëicuayãte. Ae ra aso nae, hue abe ra jëicuayãte no. Se ae aicua nguia co.

¹⁵ Jeñee icuã jei chõchí nguia aba rií. Mbae mumbusë ja mose rocoí. Eí ae eã ño nguia se.

¹⁶ “Co eicuãte”, ae eã nguia se ae co. Paba rese chõ aico nguia mbia mumbusë ja co. Nyebe aico nguia ñee Paba cheë ndui si co.

¹⁷ “Mbia nyeremo ñee mose hue rí si, ‘ae beite’ jenyê chõ”, i que Moisés jêje ra.

¹⁸ Sã ure nyeremo ure no. Paba rese. Ae sembu. Sã ureico ñee serií Paba rese no. Ure nyeremo, i que Jesús fariseos je ra.

¹⁹ —¿Ma nderu riqui ma nde? i que fariseos Jesús je ra. Jesús que ñee ee ra. —Paba jëicuayãte quia ã. Sè abe seicuayãte quia ã. Jê seicua mose, Paba abe ra jëicua, i que Jesús ra.

²⁰ Eí ngue Jesús quia mbia mbaaquiatu quiatu Dios chuchúaa ra. Ofrenda no nosa jii que eriqui mbia mbaaquiatu quiatu ra. Emo ngue Jesús isi ãte etarõ sacua nda. —Aque mose ra eremano, i ãte quiarei Dios ee.

Aso si ra ibate Paba rea, i Jesús

²¹ Jesús que ñee si fariseos je ra. —Aso si ra Paba rea cote. Serequia requia rei nda se re. Jëicuã mbei ra jemano nyee. Ae ra aso nae, huee jengasë aroneate, i que Jesús ee ra.

²² Judíos que ñee ñee nyue ra. —¿Mbaerã nda nandecuasë aroneate ee re? Nyi quia ra reae, i rei que ñee nyue ra.

²³ Jesús que ñee ee ra. —Ibi jenda chõ jê nde. Ibatenda chõ se re. Ibi jenda eã ño se re.

²⁴ Nyebe aico nguia ñee jêje nyii. “Jëicuã mbei ra jemano nyee”, ae que jêje nyii.

Seicuayã mbei mose ra jemano nyee jëicuã mosebe, i que Jesús ee ra.

²⁵ —¿Aba tuchi nde re? i que mbia Jesús je ra. Jesús que ñee ee ra. —Cose ndare bei chõ aico nguia serenei nenei jêje co.

²⁶ Mbae ra asenei tuchi jêje reae. Secheë nda jëicuã mbuchecua tuchi jêje. Ae sembu nae, aque quiarei ñee ñooño aronea. Echeë ngue achandu ra. Ae cheë ño asenei senei mbei nguia mbia je co, i que Jesús mbia je ra.

²⁷ Mbia rerecua que Jesús cheë icuayã mbei ra. —Dios rií ño eriqui nguia ñee, iã mbei que mbia ra.

²⁸ Jesús que ñeembe ee ra. —Mbiarã ngue achu ra. Jê nda sembucha ira rese cote. Aque mose ra mbae jëicua jiri serií cote. “Dios cheë nguire chõ eriqui mbia mbaaquiatu quiatu re”, jenyê ra serií cote. “Dios rucucha chõ eriqui re”, jenyê ra serií cote.

²⁹ Ae sembu nae, aque riqui bei serese co. Echeë nguire aico bei embia co. Nyebe eriqui nguia serechayã mbei co, i que Jesús ra.

³⁰ Jesús cheë mose que mbia Jesús icua icua cote ra.

Jëingo bei mose serui, sechimbaaquiatu tuchi chõ jê nde

³¹ Ae Jesús icua quia judíos nae, ùqui je que Jesús ñee nda. —Secheë si jëhuí eã mose, sechimbaaquiaturã tuchi ra jê.

³² Jê nda ichõiñosa reã jëicua tuchi cote. Mbia icuã nderecua rimba eã nda jê cote, i que Jesús ee ra.

³³ Mbia que ñee Jesús je ra. —Abraham nducucha rei ure. Mbia mo nimba eã mbei que ureico resë. ¿Mbaerã ereico ñee ure je re? “Mbia si taembuti mingo cote”, i ure je re, i que mbia Jesús je ra.

³⁴ Jesús que ñee ee cote ra. —Ae mbae icuã saã saã nguia nae, ùqui ndiqui bei eicuã nimbarã ã.

³⁵ Erimba ra siqui bei eã nguerecua rese. Nguiri tuchi quiatu ra equereco bei nyiese.

³⁶ Se jembui mose mbae icuã si, eicuã nimbarã eã nda jëingo cote.

³⁷ Abraham nducucha raque jê. Ûqui aicuate raque. ã jëingo secheë isi turã eãte ã. Secheë jëicuayã nguia ã. Nyebe jëingo nguia seiquia serite ã.

³⁸ Ae Paba teacuquia seje nae, ùqui ño asenei senei nguia jêje co. Ae jendu teacuquia jêje nae, ùqui ndese chõ jëingo nguia jê ã no, i que Jesús ee ra.

³⁹ —Abraham ño ureru resë. Urei resë, i que mbia Jesús je ra. Jesús que ñee ee cote ra. —Abraham nducucha turã mose jê, eí nguia nda jëingo turã nguia ña. Abraham ndui si.

⁴⁰ Dios que sembaaquiatu ra. Dios quiarei ñee ñooño eã. Echeë ño asenei senei nguia

jêje co. Ûquí je chõ jêingo nguiã sei quia serîe ã. I âte que Abraham quia seje ra.

⁴¹ Jendu rã si chõ jêingo nguiã ã, i que Jesús ee ra. Mbia que ñee Jesús je cote ra. —Ureru ata ata eâte nyeresê. Dios mii ño ureru re, i que ñee Jesús je ra.

⁴² Jesús que ñeembe ee ra. —Dios jendu tuchi mose, eí nguia nda jêingo nguiã nyese-cua serese chã. Ae quiarei sembu. Se ae eã achu nguiã.

⁴³ ã jêingo secheê andu sereâte ã. Nyebe jêingo nguiã secheê icua aroneate ã.

⁴⁴ Aba checuayã nderecua rei jendu. Erese bei chõ jêingo nguiã ã. Echeê jemumbayã mbei chõ nguiã ã. Mbia iquia iquiasa bei que ae ra. Cose ndare mosenda bei. Ñee ñooñosa reã quiato aronea tuchi quiarei ae. Ñee ñooño mbeite equia co. Ucheê achõ ño esenei senei nguiã mbia mbiirî irî querabe co. Ñee ñooñosa rerecua chõ aque re.

⁴⁵ Se quia acheê ñooño âte rei nguiã jêje. Secheê jêucuyãte chõchî nguiã.

⁴⁶ Mbae icuã ngue asaã eâte ra. Ûquí jêicuate raque. Acheê ñooño âte sequia co resê. ¿Mbaerã jêingo secheê andu sereã neate ã nde?

⁴⁷ Dios quiato quia Dios cheê ñandu turã nguiã. Dios quiato eã ño jê nde. Nyebe jêingo nguiã Dios cheê andu sereâte ã, i que Jesús mbia je ra.

Jesús rane siqui Abraham si nyii

⁴⁸ Judíos que ñee si Jesús je ra. “Samaría jenda chõ nde reae. Aba checuayã nyireco chõ nde reae”, ure que nderîi nda. ¿Ae tuchi nde re? i que judíos ñee Jesús je ra.

⁴⁹ Jesús que ñee ee ra. —Aba checuayã nyireco eã ño se resê. Co aico ñee turã tuchi Paba rîi co resê. Jê nguia jeñee icuã mbeite nguiã serîi.

⁵⁰ “Isã mbia ñee turã serîi jê!” ae eã ño nguiã se co. Paba quia siqui nguiã ñee turã turâte serîi co. Ae quia ra mbia icuã mbasi.

⁵¹ Tacheê nyecua jêje. Ae secheê mumbayã nguia nae, ùquí nda amingo bei. Ûquí nda manoã mbei, i que Jesús ra.

⁵² Judíos que ñee Jesús je ra. —Aba checuayã nyireco tuchi chõ ereico nguiã co. ¿Mbaerã ereico ñee nde? “Mbia ra manoã, secheê mumbayã mose”, i re. Abraham ngue mano. Nandei. Dios cheê nenei neneisa que mano ja resê.

⁵³ ¿Nde ndeacuiatu tuchi Abraham si re? Ae chee que mano. Dios cheê nenei neneisa chee que mano. ¿Abate nde re? “Mbia ra manoã”, ere chõte equia co, i que judíos Jesús je ra.

⁵⁴ Jesús que ñee ee cote ra. Se ae secheê turã mose serîi, mbia ra seanduchõ. Paba

quia ñee turã mbei nguiã serîi co. Ae je jêingo ñee. “Dios urererecua” i raque eriã.

⁵⁵ ã jêingo Dios icuayãte ã. Se quia aicuate nguiã co. “Dios aicuayã”, se i mose, eí nda acheê ñooñote rei jê na si. Dios aicua tuchite. Echeê ndui chõ aico bei nguiã co.

⁵⁶ Abraham ngue seraarõ ndrõ mbei quia ra. “Tu rae”, i bei que equia ñimbía serîi nda. Secuasê mose que eyate mae serese cote ra, i que Jesús mbia je ra.

⁵⁷ Mbia que ñee Jesús je ra. —Cosete que Abraham mano ndesê. ¿Mañi ere mae erese re? Cincuenta años eâte nde resê, i que ra.

⁵⁸ Jesús que ñee ee ra. —Tacheê nyecua jêje. Cose ndare bei chõ aico nguiã co. Abraham tiã mosenda bei, i que Jesús ra.

⁵⁹ —¿Sita je Jesús nandechei jê! i rei que mbia sita isi isi ra. Jesús que ñimi ñimi oso ra. Usê Dios chuchua si.

9

Jesús emo ndesayã mbucherõ

¹ Ñeenda rui que Jesús mae emo ndesayã ndese ra. Echaacuquia mosenda bei que eresayã nyobei ra.

² Jesús chimbaacuiatu que ñee ee ra. —Urembaacuiatusa, ¿abate mbae icuã saã nyii re? Co resayã nonde re. Eru ereae. Esi ere no ae. Ae si ere no ae. ¿Abate ere? i que Jesús je ra.

³ Jesús que ñee ee ra. —Tei. Emo ngue mbae icuã saã eâte rei ra. Mbia ra mae ja Dios quirãcuã ndese chã. Embucherõ mose. Nyebe eresayã nyaacuquia nguiã.

⁴ Arõ ño nandeico nguiã mbae raã naa. Itondaru mose, mbae rese nandeico aroneâte cote. Nyebe aico bei nguiã mbae rese Paba je co. Semano mose quia aico aroneâte nguiã mbae rese íbii cote.

⁵ Seico mose íbii, aico mbia resaete co, i que Jesús ra.

⁶ Jesús que ñinimbu íbii cote ra. Tuchu que esaã nguendi je ra. Nguiti que eresayã ndesa rese cote ra.

⁷ —Eso nuderuba irei cote. Ama Silóé eso eirei, i que Jesús eresayã je ra. (“Echimondo”, i chõ nguiã Silóé je.) Eresayã ngue oso nguesa irei huee ra. Obei que eru quia mae turã cote ra.

⁸ Hue jenda que nyuruira jate mae erese ra. Ae mae nguia erese nyii nae, ùquí ngue nyuruira tuchi mae erese cote ra. Eresa cherõ mose. —¿Co resayã ño ache ache i quia nyii re? ¿Ae chõ ere? i que mbia ñee ñee nyue ra.

⁹ —Ae eã ño ñene, i que emo nda. —Ae chõ ñene, i que emo emo no nda. Eresayã ngue ñee cote ra. —Se chõ nyeresê, i que ñee mbia je ra.

¹⁰ —¿Mañi nderesayã mae nde? i que mbia ee ra.

11 Eresayā ngue ñee nda. —Ae eriqui “Jesús” i nae, aque que tuchu saã nda. Nguiti que seresa rese ra. “Eso nderuba irei Ama Siloé”, i que seje cote ra. Aso que se ra. Seruba irei ji que amae cote ra, i que eresayā mbia je ra.

12 —¿Ma nderesa mbucherōsa riqui ma nde? i que mbia eresayā je ra. —Qui chō esi, i que ee ra.

Fariseos ñee eresayā je

13 Mbia que eresayā curuchoi fariseos je cote ra.

14 Ae mose Jesús eresayā mbucherō nae, sábadō mose que ra. Tuchu que esaã, aque mose que ra.

15 —¿Mañi ere nderesa ira re? i que fariseos ee ra. —Tuchu que equiti seresa rese ra. Ae seresa airei nguia. Co aico mae co cote, i que eresayā nda.

16 Fariseos mo ngue ñee nyue ra. —Ae eresa mbucherō sábadō mose nae, Dios cheé nenei neneisa eã ño aque re, i rei que nyue ra. Emo emo ngue ñee no nda. —Ei nguia nda eicuã mose mbia mae sayā naa naa eã nguia nande je chã, i que fariseos mo ñee nyue ra. Hue rí ja eã ngue fariseos ñee Jesús rí nda.

17 Fariseos que ñee si eresayā je ra. —Ae nembucherō nae, ¿mañi ee re? ¿Mañi ere quia nde eri co re? i que ra. Eresayā ngue ñee nda. —Dios chimondo que ae ra, i que eresayā nda.

18 Judíos que echeé ñandu sereã nda. Eresa turã mbei mo eriqui rei nguia ee. Nyebe “jenyu” i nguia eresayā ndu je. Esi je abe no. —Nandeirandu rã erese, i que ra.

19 —¿Co nderiri co re? ¿Eresayā nyobei nyii re? ¿Eresayā nyaacuquia nyii re? ¿Mbae emumae nguia co cote re? i que ñee eru je ra. Esi je abe.

20 Eru que ñee ee ra. —Co rei seriiri co. Eresayā ngue nyaacuquia rei ra.

21 Mañi ño equia mae co cote. Aba chō embucherō. Ureicuayáte. Jeñee nguia ee. Etiarôte nyeresê. Ae ra ñee jêje, i que eru ñee judio rerecua je ra. Esi abe.

22 Judíos rerecua quia ñee nguia nyue nyii reaê. —Emo ñee turã mose Jesús rí, ùqui nandemombo bei mbia chumunuasa si. “Dios chimbu rei Jesús”, i mose, nandemombo bei mbia chumunuasa si, i quia ererecua quia ñee nyue nyii reaê. Nyebe eresayandu siquichete nguia ñee turã Jesús rí. Esi abe no.

23 Nyebe eru riqui nguia ñee ererecua je. —Jeñee nguia seriiri je. Etiarôte nyeresê, i ee. Esiquichete quia ñee.

24 —Quiatuchu, i si que judíos rerecua eresayā je no nda. —Echeé turã Dios mii je. ¿Jesús abe je ra errecheé turãchí jê! Eicuãte ae resê, i rei que judíos rerecua eresayā je ra.

25 Eresayā ngue ñee ee ra. —Aicuayáte se. Eicuãte ereae. Eturâte ere no ae. Aicuayáte se. Seresayā ngue nyii ra. Co aico mae co cote. Ùqui mii ño aicua nguia co, i que eresayā judíos rerecua je ra.

26 —¿Mañi equia ndeje re? ¿Mañi nderesayā ira re? i si que eresayā je no nda.

27 Eresayā ngue ñeembe ererecua je ra. —Acheé ndei que jêje resê. Secheé ngue jemumb resê. ¿Mbaerã jéingo “echeembe” i seje ã nde? ¿Jê abe jéingose rete sembucherōsa rui re? i que eresayā judíos rerecua je ra.

28 Ererecua que ñee icuãte ee cote ra. —Ae rui chō ereicochí nguia nde co. Moisés rui chō ureico nguia ure ã.

29 Moisés je quiatu que Dios ñee nyii resê. Ùqui ño ureicua nguia ã. Ae nembucherō nae, ma si quiatu ñi ae ru. Ae quia ureicuayáte nguia, i que judíos rerecua ra.

30 Eresayā ngue ñee ee ra. —Seresa que embucherō ndesê. “Dios chimbu”, jenyé eã ñochí equia ã. Seresa mbucherōsa raque ae.

31 Dios ra mbia icuã ñee ñanuã. Ae Dios cheé mumbayã nguia nae, ùqui ñee nguia ra Dios ñandu.

32 Seresayā ngue achaacuquia rei nyii ra. Ae que sembucherō nda. Emo abe ra ùqui saã eã.

33 Dios chimbu eã mose, eí nguia nda mbae raã eate nguia ña, i que eresayā judíos rerecua je ra.

34 Judíos rerecua que ñee eresayā je ra. —Ndechaacuquia mosenda bei chō ndeicuã ndiqui nguia co. ¿Mbaerã ereico urembaaquiato sete re? i que judíos rerecua eresayā je ra. Nyebe que judíos rerecua eresayā mombo bei judíos chumunuasa si cote ra.

Ureaquiature ure, i chōchí fariseos

35 Jesús que jirandu erese ra. Emombo mose. Nyebe esi nguia ñee eresayā je. —¿Dios rucucha ereicuate quia co re? i que ee ra.

36 —¿Aba chō Dios rucucha re? Aicua sete quia co, i que eresayā nda.

37 —Ae chō se resê. Ae je chō ereã ñee a resê. Eremae ndei serese resê, i que Jesús ee ra.

38 Eresayā ngue ngoi ngüã ndese Jesús ji cote ra. —Areicua tuchi se cote, i que Jesús je ra.

39 Jesús que ñee ee ra. —Achu que íbii ra. Mbia icuã mbuchecua mbia je ra. Achu que eresayā ndesa mumae mae nda. Ae eresa nae, ùqui mumae eã sacua abe que achu ra, i que ra.

40 Fariseos mo abe que chi hue ra. Jesús cheé andu que ñee Jesús je ra. —¿Urerresayā ureico ure abe ã nde? i que fariseos ee ra.

41 Jesús que ñee ee ra. —Jendesayā mose, eí nda jêicuã ambuchecuayã ndei.

“Seaquiatute”, jenyechĩ equia ã. Nyebe aico nguiã jêicua mbuchecua jêje co, i que Jesús judíos rerecua je ra.

10

Ovejas ucha cheẽ icuate

¹ Jesús que ñee nda. —Tacheẽ nyecua jêje. Ae iqueã nguia oveja chiquesa rĩ nae, mbae mbuquiachãsa chõ ùqui nde. Echiquesa eã ñi ique ique mose.

² Ae ique ique quia oveja chiquesa rĩ nae, aque quia oveja raarõsa aque re.

³ Ae echiquesa saarõ nguia nae, aque ra echiquesa equia oveja raarõsa je cote. Eique sacua. Oveja raarõsa cheẽ nda oveja icua ja. Ñee mii mii nda umbae oveja je. Oveja icua ja. Ae ra oveja nyoi usẽ erui.

⁴ Eraarõsa embusẽ ja mose etaronda si, ae rane nda ngata oso quia erêta. Oveja ra nyoi ja quia erui. Echeẽ nguia eicuate nguiã.

⁵ Emo ndui ra echoi eã. Uchã ño nda emo si. Echeẽ nguia eicuayãte nguiã, i que Jesús ñee nda.

⁶ Jesús que eĩ ndei ñee fariseos je ra. Ejemplo je. Oveja renei nenei ee. Jesús cheẽ andusa que echeẽ icuayãte ra.

Jesús rei oveja raarõsa

⁷ Jesús que ñee si ee ra. —Tacheẽ nyecua jêje. Oveja chiquesa rã ño se re.

⁸ Ae ngaẽ senonde nyii nae, mbae mbuquiachãsa ja chõ ùqui nde. Nyebe ovejas eche siichã eã nguiã.

⁹ Oveja chiquesa chõ se re. Ae seicua quia nae, ùqui nda atequiatu bei mingo. Sã oveja mo ndiqui oso quiaru quiaru no. Sã eriqui cuaẽ nyebi chebi bei utaronda no. Eĩ si ra seicua quia siqui bei serese.

¹⁰ Mbae mbuquiachãsa quia ra tu mbae rirõ sacua. Mbae mbutiã sacua. Mbae iquia sacua. Se quia ni achu nguiã mbia mingo bei sacua. Mbã mbia tuchi nonde que achu ra.

¹¹ Oveja raarõsa rei se. Ovejas atequiatu bei quia co. Amano nda emingo bei sacua.

¹² Ae ovejacha eã nae, aque ra ovejas saarõ ndaque, saarõ turã eã ndae. Uchã ño nda nyacua tu mose ovejas je. Nyacua ra ovejas isi embuquiachamba u quia.

¹³ “Echa eã ndei se re”, i ra eraarõsa uchã erecha. Esiquiche mose. Oveja raarõ turã eã.

¹⁴⁻¹⁵ Se quiarei oveja raarõsa turã. Sã Paba riqui seicuate co no. Sã aico Paba icuate se abe co no. Eĩ ae chõ nguiã oveja icua sembae co no. Sembae abe seicua quia ã. Sembae ovejas mingo bei sacua nda amano.

¹⁶ Ovejas mo abe que sembae no nda. A jenda eã ño ùqui nde. Ùqui abe ra aru a. Ùqui nda secheẽ mumbayã no. Sembae oveja ra chi ja serese cote. Se mii ño nda asaarõ ja cote.

¹⁷ Sesiquiche eã semana ndese. Sembae ovejas mingo sacua. Nyebe Paba iate riqui nguiã serese co. Semanonde ra aquera si.

¹⁸ Semano sereã mose, eĩ nda mbia sei quia aroneate rei. Se ae chõ amanosete nguiã mbia je. Se ae chõ nda aquera si no. Paba quia uquirãcua meete nguiã seje, i que Jesús mbia je ra.

¹⁹ Judíos que ñee ata atate nyue ra. Jesús cheẽ mose. Hue rĩ si ñee ja eã.

²⁰ —Aba checuayã siquite Jesús rese co resẽ. ¿Mbaerã jêingo echeẽ andu re? i que emo emo uataque je ra.

²¹ Emo emo ngue ñee no nda. —Ae rese aba checuayã ndiqui nae, ùqui nda ñee turã eã ndesẽ. Aba checuayã nda mbia resayã mbucherõ eã ndesẽ, i que emo emo no nda.

Judíos Jesús oseĩ chiã

²² Mbã que ñumunua nua nguia Jerusalén cote ra. Dios chuchua ao mosenda ndese ndua ndua. Nyiiseite que aque mose ra.

²³ Jesús que oso Dios chuchúaa ra. Portal de Salomón ngue eriqui ngata ra.

²⁴ Judíos que ngaẽ Jesús mama nda. Ñee ngue ee ra. —Ureico ndeicuayãte ã. ¿Manosete ra erecheẽ tuchi ure je re? Nde rii. Echimbu checua jiri ure je. Nde Cristo mose, ndecheẽ embuchecua ure je, i que judíos ñee Jesús je ra.

²⁵ Jesús que ñee ee ra. —Acheẽ ndei que jêje resẽ. Secheẽ jêñanuã ño nguiã ã. Paba quirãcua je chõ aico nguiã mbia mae sayã naa naa co. Æ ndese mae nda seicua nguiã ña.

²⁶ Acheẽ ndei que jêje nyii resẽ. Serimba eã ño jê nde. Nyebe jêingo nguiã secheẽ anuã.

²⁷ Serimba secheẽ icua ja quia ã. Serimba aicua ja quia ã. Serui ja serimba riqui ã.

²⁸ Serimba amingo bei quia co. Serimba ra quiachã eã mbei. Emo eisi aronea tuchi sesi.

²⁹ Paba que emee serimbarã nda. Emo eisi aroneate Paba o si. Ae quiarei equirãcua tuchi.

³⁰ Aque mii ño ureico nguiã ã. Paba rese. Eĩ si tuchi ureico nguiã ã, i que Jesús ee ra.

³¹ Nyebe judíos paama i nguiã ee. Sita que esirõ sirõ nda. —Jesús nandechei, i rei que ra.

³² Jesús que ñee ee ra. —Paba que sembuquirãcua tuchi ra. Nyebe jemaẽ sayã asaã saã tuchi nguiã jêje. ¿Ùqui mo nii jêingo “nandechei” i seje re? i que Jesús judíos je ra.

³³ Judíos que ñee Jesús je ra. —Ndechiao turã mo je eã ño ureico nguiã “nandechei” i ndeje. Ereceheẽ icuate que Dios rii ndesẽ. Dios eresaã saãte quia ure je co resẽ. Mbã si chõ ndaque nde, i que judíos Jesús je ra.

³⁴ Jesús que ñee ee ra. —Sã embesa ji riqui i no: “Jẽ ndei dioses, i que Dios ra”, sã embesa ji riqui i no.

³⁵ Embesa ji ñeeñoño aronea. “Dioses rei jẽ”, i que Dios ucheẽ nenei neneisa je ra.

³⁶ Dios que seirabo ra. Sembu que íbii cote ra. ¿Mbaerã jẽingo paama i secheẽ mose re? “Dios riirĩ ño se re”, i mose re. “Ndeicuãte chõchĩ Dios je”, jenyẽ chõchĩ nguiã seje.

³⁷ Se mbae raã naa eã mose Paba rã si, ùqui mose quia secheẽ jeñanua.

³⁸ Paba rã si mose, “coche ñene” jẽnye chõ sechisaã je. Secheẽ jeñandu sereã ndaque. Paba riqui serese co. Se abe aico Paba rese co. Ùqui nda jẽicua cote, “coche ñene” i mose sechisaã je, i que Jesús ee ra.

³⁹ —Jesús nanderao etarõ sacuã, i rei que mbia ra. Jesús que oso chee hue si ra.

⁴⁰ Jesús que oso Ama Jordán ndobei ra. Ae Juan ndiqui bautizar i nyii nae, huee que esi ra. Huee que Jesús riqui arete cote ra.

⁴¹ Mbía que nyoi nyoi tuchite erea huee ra. Ñee ñee ngue nyue ra. —Juan ngue nandemae sayã mo saã eãte rei nande je. Nandembiirandu turã tuchichĩ Jesús rii. Ichõño eã ño equia ñee nande je reaẽ, i que mbia ñee nyue ra.

⁴² Mbía tubiriã ngue Jesús icuua huee ra.

11

Lázaro mano

¹ Emo ndasi que chi ra. Lázaro, i que ee ra. María, i que enongue je ra. Marta, i que enongue je no nda. Echari ja que ùqui nda. Betania jenda ja que ùqui nda.

² María rei aba mbushimbusa ichusësa Jesús i rese. Ua je que esi esi ra. Enongue quia erasi re. Lázaro, i que ee ra.

³ Nyebe echari mbia mo mondo nguiã Jesús mbiirandu sacuã. —Ndequiato rasi que chi aque rĩ nda, i que echoi Jesús mbiirandu ra.

⁴ Jirandu mose que Jesús ñee cote ra. —Mano sacuã eã ño erasi chi nguiã aque. Dios quirãcuã ndese mbia mae sacuã ño erasi chi nguiã aque. Se abe sequirãcuã ndese mae sacuã ño erasi chi nguiã aque, i que Jesús ra.

⁵ Jesús que nyesecua tuchi Marta rese ra. María rese. Lázaro rese abe no.

⁶ Lázaro rasi rese jirandu mose que esi jei eã erea ra. Siquichõ ngue ra. Itõ nyeremo ngue huee ra.

⁷ —Nyaobe Judea cote, i que uchimbaaquiati je cote ra.

⁸ Echimbaaquiati que ñee ee ra. —Namote que judíos ndeiguia serite sita je. ¿Mbaerã nda ereso si huee re? i que Jesús je ra.

⁹⁻¹⁰ Jesús que ñee ee ra. —Dios quiati que sembu ra. Mbae raã naa sacuã ee. Echeẽ ngue asaã ja eãte ra. Nyebe emo

seiquia aroneate namo. Se echeẽ naa ja mose quia ra mbia seiquia arõte cote, i que ñee uchimbaaquiati je ra.

¹¹ Aquere que ñee si uchimbaaquiati je ra. —Nandequiati que uque cote ra. Lázaro. Taso emumba cote, i que ra.

¹² —Uque mose u, ae ae ra ñumumba rei, i que echimbaaquiati ee ra.

¹³ —Lázaro que mano nda, i eã ngue Jesús ucheẽ mbuchecua tuchi ee ra. Lázaro mano tuchi raque. Lázaro uquechõ nei nguiã echimbaaquiati je.

¹⁴ Jesús que ucheẽ mbuchecua ramo ee cote ra. —Lázaro que mano nda.

¹⁵ Coche aico eã nguiã huee. Jẽ nda seicua tuchi cote. Nyao erea cote, i que Jesús uchimbaaquiati je ra.

¹⁶ Tomás que ñee echimbaaquiati ataque je ra. —Nyao erese nande abe no. Sã mbia nandequia nande abe rõ, i que Tomás ra. “Eata”, i que mbia quia Tomás je ra. Eata rei ae.

Jesús mbia raaque mbuquerasa

¹⁷ Ngasẽ ngue Betania cote ra. Mbía hue jenda que ñee Jesús je cote ra. —Co Lázaro ati ji chi itõ mocoite co resẽ. Cuatro días tuchite nyeresẽ, i que mbia ñee Jesús je ra.

¹⁸ Aichite que Betania Jerusalén si ra. Tres kilómetros que ra.

¹⁹ Nyebe judíos rane ngaẽ jate nguiã ngasẽ Jerusalén si. María mbia jiri sacuã. Marta abe no. Enongue raaque ati ji mose.

²⁰ Marta jirandu mose Jesús rese que esi erobeishĩ nda. Oo que erese ra. María quiati que siquichõ tuchúaa ra.

²¹ Marta que ñee Jesús je ra. —Sererecua, ndeico mose a, eĩ nda senongue manoãte rei.

²² Dios ra ndecheẽ ñandu. “Mbae mo embu seje”, i mose, i que Marta Jesús je ra.

²³ —Ndenongue ra quera si, i que Jesús ee ra.

²⁴ Marta que ñee ee cote ra. —Ae bei. Mbía raaque quera ja mose, aque mose ra senongue abe quera si. Mbae ua ja mose ra quera si. Aicuate raque se quia co, i que Marta ra.

²⁵ Jesús que ñee ee ra. —Mbía raaque mbuquerasa rei se. Mbía mingosa rei se. Ae seicua quia nae, ùqui nda mano ndaque, quera si rae.

²⁶ Ae seicua quia nae, ùqui nda uayã mbei. ¿Ùqui ericua quia co re? i que Jesús ee ra.

²⁷ Marta que ñee ee ra. —Ae. Cristo chõ nde re. Dios rucucha chõ nde re. “Dios rucucha ra tu íbii”, i que mbia quia nyii nae, ae chõ nde re, i que Marta Jesús je ra.

Jesús nyeseo

²⁸ Aquere que Marta si María mbiirandu ra. —Nandembaaquiatusa que tu ra. Hue

que eriqui nderequia ra, i que Marta ñee ngõngue ísaa ra.

²⁹ Echeẽ nduibe tuchi que María si juã asi Jesús rea ra.

³⁰ Jesús ngasẽ mose rocoĩ mbia chuchua ite re. Marta erobeishisa bei que Jesús riqui ra.

³¹ Mariaso rese que judíos chi mae ja ra. —Ngõngue atisa chõ María si nguiã nyeseo qui, i rei ngue judíos choi nguiã erui.

³² María que ngasẽ Jesús je ra. Ngoi que nguiã ndese ejii ra. Ñee ngue ee ra. —Ndeico mose a senongue ndasi mose, eĩ nda manoãte rei, i que María Jesús je ra.

³³ María que nyeseo ra. Judíos que chi erese, ùqui abe que nyeseo no nda. Nyebe que Jesús abe ia eãte ra. Echiã ngue ngoi eã tuchi ra.

³⁴ —¿Mangue jenyati mangue re? i que Jesús mbia je ra. —Nyao erea ae, i que mbia ee ra.

³⁵ Jesús que nyeseo ra.

³⁶ Judíos que ñee nyue ra. —¡Sã jê! Nyeseo tuchi Lázaro rese. Eya eãte riqui erese co, i que mbia ra.

³⁷ Emo emo ngue ñee nda. —Jesús que eresayã ndesa mbucherõ. Eĩ nda Lázaro rasi mbucherõ nde chaẽ. Eĩ nda manoãte, i que mbia ra.

Jesús Lázaro mbuquera si

³⁸ Jesús ia eãte que ngasẽ Lázaro atigua ra. Sita imi ye. Sita chõ ngue eatiqua no nda.

³⁹ —¡Sita eatiquia jêja jê! i que Jesús mbia je ra. Marta que ñee Jesús cheẽ mose ra. —¡Enete ra nande je jê! Curite que mano ndesẽ. Cuatro días tuchi que ra, i que Jesús je ra.

⁴⁰ Jesús que ñee ee ra. —“Seicua tuchi mose ra eremae Dios quirãcuã ndese”, ae rei que ndeje nyii, i que Jesús ra.

⁴¹ Sita eatiqua que mbia jea cote ra. Jesús que mae ibate quitu ra. Ñee Dios je. —Paba, secheẽ ngue erechandu. “Íanye”, ae bei quia ndeje co.

⁴² Nde quiarei seandu bei. Mbia resa rae aico ñee ndeje a. “Dios chimondo chõ eriqui re”, i nda ã serĩ ña, i que Jesús ñee Dios je ra.

⁴³ Jesús que ñeemombo Lázaro raaque je cote ra. —Lázaro, jechu usẽ! i que ra.

⁴⁴ Eraaque que usẽ u juã cote ra. Eo cuasa resebe que usẽ nda. Eĩ abe ecua ji tiru je. Eruba abe ecua ji tiru je. —Jenyura mondo, i que Jesús mbia je ra.

Jesús nandei quia, i judíos

⁴⁵ Judíos que nyoi María rese, ùqui ngue mae ja Jesús rese ra. Lázaro mbuquera mose. Ùqui tubiriã ngue Jesús icua cote ra.

⁴⁶ —Jesús que Lázaro raaque mbuchuruã nda, i que emo nyoi fariseos mbiirandu ra.

⁴⁷ Fariseos que ñumunua ja cote ra. Sacerdotes rerecua ja rese. Mbia rerecua ja. Ñee

tuchi Jesús riĩ. —¿Mañi nande ra equia ee re? Mbia mae sayã naa nua tuchichĩ equia aque.

⁴⁸ Nande ereachõ mose ra mbia siqui ja techĩ erui re. ¡Roma jenda ra nandembae isichĩ ibi jê! ¡Dios chuchua ra embucoichĩ ngaẽ jê! i que rerecua ñee nyue ra.

⁴⁹ Caifás que sacerdote rerecua tuchi aque mose ra. Ae que ñee uataque je ra. —Mbae jêicuayã tuchichĩ nguiã ã.

⁵⁰ Jendua eã ñochĩ equia ã. Aque mii ño nda mano nguiã nande ja je chã. Eĩ nda judíos ua tuchi eã, i que Caifás uataque je ra.

⁵¹ Caifás ae que ñee eã nda. Dios ae quiatu ngue embucheẽ nguiã ùqui. Sacerdote rerecua tuchite quiatu ngue ae re. Nyebe Dios embucheẽ nguiã. —Jesús ra mano judíos mingo ja sacua.

⁵² A jenda achõ je eã nda Jesús mano. Dios ririĩ mangue chooñoa jenda je abe chõ nda Jesús mano nguiã. Dios ririĩ munua ja sacua, i que Caifás ñee nda.

⁵³ Aque mose bei que judíos rerecua ñee ñee nyue ra. —¡Jesús nandei quia rei jê! i que equia ñee ñee nyue ra.

⁵⁴ Jesús que nyecua eã judíos je cote ra. Judea si que esi cote ra. Turuquia rurubi que esi ra. Efraín, i que sucha tubiriã je ra. Huee que eriqui arete uchimbuaquiату rese cote ra.

⁵⁵ Fiesta de la pascua que ecurubite ra. Nyebe judíos nyoi choi ja nguiã Jerusalén. Suchamo jenda emo emo ngue nyoi jate ra. Pascua nonde que echoi huicua mbitirõ sacua nda.

⁵⁶ Mbia que Jesús sequia quia ra. —¿Tu ra fiesta re? ¿Tu eã nda re? ¿Tu aroneate jêje re? i que mbia ñee ñee nyue Jesús riĩ nda. ¡ que mbia u ñee Dios chuchúaa ra.

⁵⁷ Mbia rerecua que ñee mbia je nyii ra. —Emo jirandu mose Jesús rese, sã urembiirandu jei. Eĩ nda ureisi. Eĩ nda uretarõ mii, i que sacerdote rerecua ñee nyii ra. Fariseos abe no.

12

María aba mbushimbusa ichusẽ Jesús i rese

¹ —Seis días mose ra pascua cote, i que mbia ra. Aque mose que Jesús si Betania nda. Huee que Lázaro riqui ra. Ae Jesús mbuquera erua si.

² Mbia que ñio mii Jesús chiurã nda. Marta que echiurã mondo mondo ee ra. Mbia je abe. Lázaro abe que chi quiaru erese ra.

³ María que aba mbushimbusa queru Jesús je cote ra. Medio litro. Nardo, i que ùqui je ra. Mbae isiquia mumba tuchi que ùqui nda. María que eichusẽ Jesús i rese ra. Ua je que esi esi ra. Tuchua mbushimbu ja que ra.

⁴ Judas Iscariote abe que siqui ra. Simón ndiriĩ ngue aque ra. Jesús chimbaaquiату

mo ndei que aque ra. Ae quiatu que Jesús mee mbia icuã je emo mose cote ra. Ae que ñee nda.

⁵ —¿Mbaerã eichusẽ ñoõño nde? ¿Mbae isiquia ribishorõ ño nda aba emondo re? Tres rientos ribishorõ. Mbaecha reã je emee sacuaã, ùqui mbae isiquia, i que Judas ra.

⁶ Judas ndua eã ndaque mbaecha reã ndese. Mbae mbuquiachãsa tuchi que ae ra. Mbae isiquia riru que equereco quia Jesús je ra. Eyenda que esirõ sirõ nguia mbuchemi chemi nda.

⁷ Jesús que ñee Judas je ra. —¡Erecheẽchĩ nda Maria je jẽ! ¡sã ae ae riqui jẽ! Seati nonde chõ aba mbushĩmbusa icherẽ nguia serese.

⁸ Mbaecha reã nguia nda chi are jiri nguia a. Se quia nda aico bei eã nguia jẽje a, i que Jesús ra.

Lázaro nandei quia, i rei judíos rerecua

⁹ Judíos que jirandu jate Jesús rese ra. Eriqui mose Betania. Nyoĩ jate que erea ra. Lázaro abe rea. Ae Jesús mbuquera erua si.

¹⁰ Nyebe judíos rerecua ñimbiirandu nguia. —¡Lázaro abe nandei quia rei jẽ! i que ererecua ñee nyue ra.

¹¹ Judíos que siqui tuchite Jesús rese cote ra. Nguerecua que esecha jate cote ra. Lázaro que embuquera erua si nyii. Ûqui mbei bei que nyii ra. Jesús oso Jerusalén

¹² Mbia tubiriã ngue nyoĩ Jerusalén nda. Pascua raã naã sacuaã huee. Jesús abe que oso ra. Mbia que jirandu erese ra. Ecuasẽ nonde.

¹³ Mbia yate que Jesús cuasẽ mose ra. Sindo que ecuruchoi erobeishĩ nda. Mbia que tasẽ tasẽ tuchi ra. —Etura tuchi ruchĩ nguia co. Dios rucucha ruchĩ nguia co. Israel rerecua ruchĩ nguia co cote, i que mbia tasẽ tasẽ tuchi ee ra.

¹⁴ Jesús que ngasẽ burro riirĩ mo je ra. Nyui que eato ra. Embesa ji rui si.

¹⁵ ¡ que embesa ji quia nyii ra:

jẽireĩ ireichĩ nda, Sion jenda!

Co jenderecua ru quia co.

Co eru quia burro átoo co,

i que embesa ji quia nyii ra.

¹⁶ Jesús chimbaaquiatu que ã icuayãte nyii ra. Embesa ji. Jesús quera si mose que ã icua cote ra. —Embesa ji rui si chõ eriqui rei reaẽ, i que echimbaaquiatu eicua ramo cote ra.

¹⁷ Jesús que Lázaro mbuquera, ùqui ndese maesa que mbia mbiirandu randu tuchi quia ra.

¹⁸ Nyebe mbia nyoĩ ja tuchi nguia Jesús robeishĩ. Jirandure Lázaro raaque mbuquera rese.

¹⁹ Fariseos que ñee ñee si nyue no nda. — Jesús rui ja tuchichĩ mbia. ¿Mañi nda aba mbia je re? i que ñee nyue ra.

Griegos mo Jesús requia

²⁰ Griegos mo abe que nyoĩ Jerusalén nda. Pascua raã naa Dios je.

²¹ Ûqui ngue nyoĩ ñee Felipe je ra. Felipe que Betsaida jenda ra. Galilea jenda. — Ûremaese rete Jesús rese, i que griegos Felipe je ra.

²² Felipe que oso Andrés mbiirandu ra. Ûqui ja que nyoĩ Jesús mbiirandu cote ra.

²³ Jesús que ñee ee ra. —Mbiarã ngue achu ibate si ra. Semano nonde arubite cote. Sequera si nonde arubite cote.

²⁴ Tacheẽ nyecua jẽje. Ibasi eĩ tiquia eã mose ra ia eã mbei. Chi chooño mbei rae. Etiquia mose ra suri cote. f a tuchi ra cote. Eĩ ae ra se. Ibasi eĩ na si. Amano nda se. Mbia ra setiquia.

²⁵ Ae nduate quia nyiese nae, ùqui nda nyoĩ eãte ibate. Ae ndua eãte quia nyiese nae, ùqui nguia ra nyoĩ ibate. Siqui bei sacuaã huee.

²⁶ Ae secheẽ mumba sereãte quia nae, sã ùqui ndiqui bei serui. Ae ra aico nae, huee ra ùqui abe riqui. Ae secheẽ mumba sereãte quia nae, ùqui ñi nda Paba ñee turã.

Amano nda se, i Jesús mbia je

²⁷ Seya eãte aico co. ¿Mañi ae ra ñee Paba je re? “Semingobe rei se ae. Sembasiã ndei se ae”, ae aroneate Paba je. Á sacuaã ño ngue achu resẽ. Sembasi sacuaã ño ngue achu resẽ.

²⁸ Paba, ndequirãcuã eteacuquia mbia je, i que Jesús ra. Ûqui mose que echeẽ mo ndu ee ibate si ra. —Sequirãcuã ngue ateauquia mbia je ra. Ateacuquia si ra mbia je, i que ibatenda ñee ee ra.

²⁹ Mbia que ibatenda cheẽ ñandu ja rei ra. Ae chi Jesús rese, ùqui. —Ama ndieu ereae, i que mbia ra. —Tei. Angel mo ño ngue ñee nguia Jesús je, i que emo no nda.

³⁰ Jesús que ñee mbia je cote ra. —Seje eã ño ngue ibatenda ñee ndesẽ. Jẽ eandu sacuaã ño ngue ñee ndesẽ.

³¹ Paba ra seicuaa reã mbasi ja cote. Mbia icuã nderecua ra Paba mombo ibi jenda cote.

³² Sembucha mose mii ibate, mbia ra siqui tuchi serese cote. Sucha mo jenda ja abete ra siqui serese cote, i que Jesús ra.

³³ —Mbia ra sei quia mii sembucha ira rese, i ñene.

³⁴ Mbia que ñee Jesús je cote ra. —“Cristo ra siqui bei”, i que Dios cheẽ embesa ji urembiirandu. ¿Mbaerã erecheẽ nde? “Mbia ra sembucha ira rese”, i re. ¿Aba quia Cristo re? ¿Aba quia tu mbiarã nde? i que mbia ñee Jesús je ra.

³⁵ Jesús que ñee ee ra. —Taico mbirimbe jendese jembaaquiatu quiatu. Jendesaebe mbirĩ. Tata rendi rãte aico co. Tata rendi siqui mose jendese, ijengata turã ño nguia jẽ!

Seicuasa reã ño siqui nguã itondaru. Ûqui quiachã ño nguã ùqui.

³⁶ Tata rendi raãte aico co. Seico beebe mose jendese, seicua tuchi rã. Eĩ nda jëingo turã jendesae ji, i que Jesús mbia je ra. Aqere que esi ñemi mbia si cote ra.

Judíos Jesús icua eã mbei

³⁷ Jesús que mbia mae sayã saã saã tuchite rei mbia je ra. Mbia que Jesús icuayã mbei chõ nda.

³⁸ Ae Isaías mbesa mii nyii nae, ùqui na si chõ ngue mbia Jesús icuayã cote ra. Eĩ ngue Isaías embesa mii nda:

Sererecua, ae uresenei senei nguia mbia je nae, ùqui mbia icua sereãte quia ã.

Ndequirãcuã mbia tea sereãte quia ã, i que Isaías embesa ra.

³⁹ Mbia que Jesús icua aroneate ra. Isaías chimbasa rã si chõ ngue ra. Eĩ ngue Isaías embesa mii no nda:

⁴⁰ Dios que mbia chiã matã nda.

Nyebe eriqui mbae icuayãte ã.

Nyebe eriqui nguã uba eãte serese.

Se embitorõ sacuã,

i que Isaías chimbasa huĩ nda.

⁴¹ Isaías que Cristo quirãcuã tea nyii ra. Nyebe ã mbesa mii nguã Jesús rii a.

⁴² Judíos tubiriãte que Jesús icua ra. Judíos rerecua emo emo abe que Jesús icua rei ra. Siqui checuayã ño ngue Jesús rui ra. Esiquichete quiatu ngue fariseos si re. —¡Fariseos ra nandemombochĩ mbia chumunuasa si jël i que ra.

⁴³ —Dios cheẽ nandemumbayã jë, iã ñochĩ ngue re. —¡Mbia cheẽ nguia tu nandemumbayã jël i chõchĩ ngue re.

Secheẽ nguia ra seucuayãsa mbasi, i Jesús

⁴⁴ Jesús que ñee irãtã mbia je ra. —Ae seicua quia nae, se mii icua eã. Paba abe icua. Ae sembu ibate si.

⁴⁵ Ae mae nguia serese co nae, Paba abe rese mae.

⁴⁶ Mbia resae sacuã ño achu nguã co. Eĩ nda seicuasa siquiã itondáruu.

⁴⁷ Jëingo secheẽ andu ã. Jemo secheẽ mumba mose, se ra ambasiã. Secheẽ ae ra embasi. Mbia mingõ bei sacuã ño achu nguã co. Mbia mbasi sacuã eã ño achu nguã.

⁴⁸ Secheẽ nguia ra seucuayãsa mbasi, mbae ua mose. Ibi ua mose. Secheẽ ae ra secheẽ mumbasa mondo tata cuasu. Secheẽ andu chooño nguia tu ngue re.

⁴⁹ Se ae eã ño acheẽ nguã mbia je. Paba quia ñee nguã seje. “Eĩ ere mbia mbaaquiату quiatu”, i que Paba sembu ra.

⁵⁰ Paba cheẽ ndei mbia mingõ beisa. Echeẽ mumbayã mose. Nyebe aico nguã Paba cheẽ nenei nenei co. Secheẽ ae eã ño ñene.

13

Jesús mbia i irei irei

¹ —Namo jiri ra Paba sererao ibate ibi si cote, i que Jesús uchiangui re ra. Nyesecua tuchi que equia uchimbaaquiату rese ra. Mano nyee.

² Jesús que quiaru u uchimbaaquiату rese isa ra. Pascua nonde. —Jesús emondo mbia icuã je, i que diablo Judas Iscariote je nyii ra. Simón ndiirĩ ndei aque.

³ Jesús que mbae icua jate ra. —Dios si chõ achu nguã co. Asobe ra erea. Paba que uquirãcuã mee tuchi seje ra, i que Jesús uchiangui re ra.

⁴ Quiaru jare que Jesús juã huĩrao mbui ra. Ngũmbi que echucua toalla je ra.

⁵ I que eichusẽ mbae mo ye ra. Uchimbaaquiату i que eirei irei ra. Mbĩru iru que toalla je ra.

⁶ Pedro i nda eirei nguã cote chã. —Sererecua chõ nde resẽ. ¿Mañi ere ra sei irei re? i que Simón Pedro ñee Jesús je ra.

⁷ Jesús que ñee ee ra. —Á ereicuayãte. Ae asaã saã nguã ã. Ereicua rei ra cote, i que Jesús ñee Pedro je ra.

⁸ —Sei ra ereirei eã mbei, i rei que Pedro Jesús je ra. —Ndeirei eã mose, serese eã nda nde cote, i que Jesús Pedro je ra.

⁹ —Sei achõ eã eirei rõ. Seo abe eirei no. Seãquĩ abe no, i chee que Pedro ee cote ra.

¹⁰ Jesús que ñee ee ra. —Ae echasu quite, equishite ùqui ndesẽ. Jëi mii ño tairei. Jëquishĩ ja eãte raque. Aque mĩte raque echiã nondei, i que Jesús uchimbaaquiату je ra.

¹¹ Jesús que jirandu Judas rese ra. Nyebe eriqui nguã ñee. —Aque mĩte raque echiã nondei, i.

¹² Ei irei jare que huĩrao mingue cote ra. Ngoi si que ra. Ae ñee nguã nguenda je. —Jëi que airei, ¿ùqui jëicuate rei quia re?

¹³ Nyebe jëingo nguã ñee seje. “Sererecua, Sembaaquiatusa”, i seje. Coche jeñee nguã seje. Ererecua rei se.

¹⁴ Jëi que airei irei. Ererecua raque se. Nyebe jë abe jemo i jëirei irei ae.

¹⁵ Nyebe que ateaquua jëje resẽ. Serui sichõ jëingo emo i irei irei ae.

¹⁶ Tacheẽ nyecua jëje. Se rei jenderecua. Se chõ aemondo mondo nguã mbia mbaaquiату sacuã. Jengasu ra jësaã saãchĩ sesi jë.

¹⁷ Jë secheẽ icua mose, secheẽ mumbayã mose, jëya tuchi ra jëingo.

¹⁸ Jë ja je eã aico nguã ñee a. Jaëirabo que se resẽ. Jaëicuate que se resẽ. “Ae quiaru serese nae, aque icuãte ra seje cote”, sã embesa ji i no. Embesa ji rui si ra jemo icuã seje cote. Quiarure serese.

¹⁹ ¡A aico ñee jei jêje a jê! Eicuã nonde seje. Eicuã mose seje, jê nda seicua cote. “Dios nducucha” jenye tuchi ra seje cote.

²⁰ Tacheê nyecua jêje. Ae secheê nenei neneisa isi quia nae, ùquí nda seisi se abe. Ae seisi quia nae, Paba abe isi rae, i que Jesús uchimbaaquiatu je ra.

Jemo nda semondo mbia icuã je, i Jesús

²¹ Jesús ia eã tuchi que cote ra. —Tacheê nyecua jêje. Jemo nda semondo mbia icuã je cote, i que ñee nyecua uchimbaaquiatu je ra.

²² Echimbaaquiatu que mae mae ja chõ nyiese ra. —¿Aba ra re? ¿Aba ra re? i jaaja nyue.

²³ Jesús chesecua tuchi que chĩ ngoi ejii ra.

²⁴ Aque je que Simón Pedro o mee mee nda. —“¿Aba ra re?” ere ee, i que Pedro ra.

²⁵ Jesús chesecua que ñimbucha i i ñee Jesús je ra. —¿Aba ra re? i ee.

²⁶ Jesús que ñee ee ra. —Mbichae monde ji ra amee jemo je. Ae je ra amee, aque ra semee mbia icuã je, i que Jesús ra. Mbichae que emonde mondo Judas Iscariote je cote ra.

²⁷ Judas mbichae u mose que Satanás ndu embicua tuchi cote ra. Jesús que ñee ee ra. —Ae ra eresaã nae, ¡quí esaã jeichõ jê! i que Jesús Judas je ra.

²⁸ —¿Mbae rii Jesús riqui ñee Judas je re? i que eataque ra. Mbia iranuã ja que ra.

²⁹ Judas que mbae isiquia quereco ja quia ra. —Mbae mo eisi rá nandechiurã, i rei Jesús quia Judas je uchimbaaquiatu je. —Mbae mo emondo rá mbaecha reã je, i rei Jesús quia Judas je uchimbaaquiatu mo je. Echeê ngue eicuayã ja ra.

³⁰ Mbichae ure que Judas si usê cote ra. Itondaruqui rí.

Jesús ucheê yasu renei mbia je

³¹ Judas usê mose que Jesús ñee nda. —Mbiarã ngue achu ra. Sequirãcuã ndese ra mbia mae cote. Dios quirãcuã abe areco co. Dios quirãcuã abe rese ra mbia mae cote.

³² Aico Dios quirãcuã ndeacuquia mbia je a cote. Dios abe ra sequirãcuã teacuquia mbia je cote. Sequirãcuã nda eteacuquia jei mbia je cote.

³³ Seresenda, aico mbirí ño nguiã jendese a cote. Serequia rei ra se cote. Acheê ngue judíos je, ùquí sí aico ñee jêje a. Ae ra aso nae, huee jengasê aroneâte.

³⁴ Aico secheê yasu nenei jêje a. Secheê mumbayã sacua. ¡Jenyesequa ja jenyiese jê! Sã ñi aico nyesequa tuchi jendese no. ¡Ei jenye nyesequa tuchi jenyiese jê!

³⁵ Jenyesequa tuchi mose jenyiese, mbia ra ñee ja tuchi jeniã. “Ei nguia Jesús chimbaaquiatu quia re”, i ra mbia jêje, i que Jesús uchimbaaquiatu je ra.

Pedro ra ñee ñooño serii, i Jesús

³⁶ —¿Manguiti ra ereso re? i que Simón Pedro ñee Jesús je ra. —Ae ra aso nae, huee ereso aroneate namo. Emo mose jiri ra ereso serui cote, i que Jesús Pedro je ra.

³⁷ Pedro que ñeembe ee ra. —¿Mbaerã nda asoã nderese namo nde? Seso sete nderese. Semano sete nderese, i que Pedro Jesús je ra.

³⁸ Jesús que ñee ee ra. —“Semano sete nderese”, erechĩ nguiã seje. Co isa ra erecheê ñooño serii tres veces. “Jesús aicuayãte resê”, ere chooño nda serii nguirã cheê nonde, i que Jesús Pedro je ra.

14

Jesús rei ñeenda Dios icha

¹ Jesús que ñee uchimbaaquiatu je ra. —Jêya eã eriquichĩ nguiã. Dios jêicua chõ ae. Se abe jêicua chõ ae.

² Ae Paba riqui, huee tuchia tubiriãte. Ûquí eande rae, ei nda acheê eãte rei jêje. Aso ra tucharã naã jêje.

³ Jenyucharã naa jare ra achube jendea cote, jenderao bei serese cote. Jê nda jêingo bei serese pee cote, ae ra aico.

⁴ Ae ra aso, huee jêicuate resê. Ñeenda abe jêicuate resê, i que Jesús ee ra.

⁵ Tomás que ñee ee ra. —Ureicuayãte nyeresê. ¿Mangue ra ereso mangue re? Ñeenda ra ureicua eãte chi nde, i que Tomás Jesús je ra.

⁶ Jesús que ñee ee ra. —Ñeenda rei se. Ñee ñooñoã je rei se. Mbia mingo beisa rei se. Ae ra seicuayãte, ùquí nda ngasêã mbei Paba je.

⁷ Jê seicua mose, Paba abe jêicuate quia ã. Jê Paba jêicuate quia cote resê. Jemaie ngue erese namo ndesê, i que Jesús ee ra.

⁸ Felipe que ñee ee cote ra. —Nderu eteacuquia rá ure je. Ûquí mii ño ureico nguiã ñee ndeje, i que Felipe ra.

⁹ Jesús que ñee Felipe je ra. —Aico tuchite que jendese, Felipe. ¿Mbaerã ereico seicuayãte re? Ae mae nguia serese, Paba abe rese maete. ¿Mbaerã ereico ñee seje re? “Nderu eteacuquia ure je”, i seje.

¹⁰ Co aico Paba rese co resê. Paba abe riqui serese co. ¿Ûquí ereicuayãte re? Ae aico ñee jêje nae, secheê ae eã ño ùquí nde. Paba riqui serese co. Ae abe riqui mbae raã naa serese co.

¹¹ Secheê jêicua rá. Co aico Paba rese co. Paba abe riqui serese co. “Nyia”, jenye eã mose secheê je, sechisaã je chõ “nyia” jenye.

¹² Tacheê nyecua jêje. Ae seicua quia nae, ùquí nda sechisaã saã saã se rá si cote. Ûquí nda mbae saã saã tuchi sesi. Co quia aso nguiã Paba rea se co.

¹³ “Mbae emondo ure je” i mose seje, amondo ra jêje. Jê seicua mose. Ei ae ra Paba quirãcuã ndeacuquia mbia je.

14 “Mbae emondo ure je”, i mose seje, amondo ra jêje. Jê seicua mose.

Espíritu Turã tamondo jêje, i Jesús

15 Jenyescua mose serese, secheê jemumbayã ae.

16 Tacheê Paba je. “Espíritu Turã emondo sechimbuaquiato je”, ae ra Paba je. Espíritu Turã nda siqui bei jendese cote. Jêquiato tuchi ra ae cote.

17 Espíritu Turã nda ñee ñooñoã jêje, jembaaquiato quiatu. Ae ra siqui eã tuchi Dios quiatoã ndese. Espíritu Turã icuayãte quia ñe ne. Jê nguia jêicuate nguia. Co Espíritu turã ndiqui jendese co. Siqui bei ra jendese.

18 Aso raque quia co. Esi cheecha rá nda jêingoã. Achube ra jembirõ.

19 Aichite aã oso a cote. Dios icuasa reã nda mae eã serese cote. Jê nguia nda jemaie nguia serese. Aquera si ra siqui bei nonde. Jê abe ra jêingo bei seriã cote.

20 Espíritu Turã tu mose ra jêicuate cote. “Jesús riqui ngu rese co. Á ureico Jesús rese ã. Jesús riqui urerese co”, jenyera seriã cote.

21 Ae secheê icua quia nae, ae secheê mumbayãte quia nae, ùqui nguia nyeseccuate nguia serese. Paba nyeseccuate ùqui ndese. Se abe acheseccuate ùqui ndese. Tachecua ñimbucha ùqui ndese, i que Jesús uchimbuaquiato je ra.

22 Judas, i que echimbuaquiato mo je ra. Judas Iscariote eã ño aque re. Judas mo ño aque re. Judas que ñee Jesús je ra. —¿Mbaerã nda erechecua ure je re? Mbia ja je nyecua rocoã, i que Judas ra.

23 Jesús que ñee ee ra. —Ae nyeseccuate quia serese, ùqui secheê mumbayãte quia ã. Paba abe ra nyeseccuate ùqui ndese. Paba ra siqui ùqui ndese. Se abe ra aico ùqui ndese.

24 Ae nyeseccua eãte quia serese, ùqui secheê mumba mumbate quia ã. Secheê ae eã asenei senei nguia jêje co. Paba cheê ño asenei senei nguia jêje. Ae chõ sembu nguia.

25 Seso nonde aico co renei nenei jêje a. Sereco mosebe jendese.

26 Paba ra Espíritu Turã mondo jêje secheê ndui si. Jêquiato tuchi ra Espíritu Turã cote. Ae ra jembaaquiato tuchi mbae ja riã cote. Ae ra jemundua tuchi secheê ndese cote.

27 Co aso quia co. Jêyayã eã taemingõ a. Seicuasa reã na si eã taemingõ. ùqui nguia eya eãte riqui nguia. Sã seyate se no. Eã tae jembia míngo a. ¡jêya bei chõ jê! ¡jêsiquicheã ño jê!

28 Aso ra Paba rea cote. Aquera ra achube jembirõ. ùqui ndese que jêirandu resê. Jenyescua mose serese, eã ndei ra jêyate secheê ndese. “Taso Paba rea”, i mose. Ae quiare i tuchi sesi.

29 Seso nonde aico ñee tuchi jêje a cote. “Ñee ñooñoã tuchi quia equia re”, jenyera

tuchi ra seso mose cote. Huee ra jê seicua tuchi cote.

30 A nda aicobe ñee ñee jêje chã. Diablo quia tu nguia co. Mbia icuã nderecua ru quia co. Ae quiare i equirãcuã neã jiri sesi.

31 Paba cheê ndui si taico. Mbia seiquia arondete raque. “Nyeseccua tuchi quia equia ngu rese re”, i ra mbia seje cote. Paba cheê mumbayã mose. Jêhuã. Nyao, i que Jesús uchimbuaquiato je ra.

15

Jesús rei ira i rá

1 Jesús que ñeembe uchimbuaquiato je ra. —Se rei ira i rá.

2 Paba rei ira raarõsa rá. Ira ráquiã ndibisho ia eã mose, nyisia rae. Erãquiã ia mose, saarõ turã ndae. Mbeerera rera rae. Embitirõ sacua. Ia tuchi sacua cote.

3 Jê ngue secheê jêisi turã ndesê. Nyebe Paba jembitirõ secheê je resê.

4 Jêingo bei ñimbucha serese. Sã aico ñimbucha jendese no. Ira ráquiã ae ra ia eã. Siquíã mose ñimbucha hui rese. Eã jenyera jê. Mbae turã nda jêsaã eã jê ae. Siquíã mose ñimbucha serese.

5 Se rei ira i rá. Erãquiã na ndei jê. Jêingo mose ñimbucha serese, seico mose ñimbucha jendese, jêturã tuchi ra jêingo cote. Jê ae ra mbae turã jêsaã eã, siquíã mose ñimbucha serese.

6 Ae siquíã ñimbucha serese nae, ùqui nda siqui ira ráquiã sia ji rá. Eiru mose ra mbia emunua nua. Eréi sacua.

7 Jêingo bei mose serese, jeñee nda amumbayã. “Mbae embu ure je”, i mose, amondo ra jêje. Jêtesareia mose secheê si.

8 Jêingo turã mbei mose, mbia ra ñee turã turã mbei Paba riã. Jêingo turã mbei mose, “Jesús chimbaaquiato tuchi quia eriqui re”, i ra mbia jeniã.

9 Sã Paba riqui nyeseccua serese nae, eã ae si equia nyeseccua jendese co. Jêingo bei ñimbucha serese. Eã nda acheseccua bei jendese.

10 Paba cheê amumbayãte quia co. Nyebe Paba riqui nguia nyeseccuate serese co. Jê secheê mumbayã mose, acheseccua bei tuchi ra jendese.

11 Aico ñee jembaaquiato co. Jembia sacua. Sã seyate se no, se rá si ra jêya.

12 Á ndei secheê ã: ¡jenyescua tuchi quia jenyiese jê! Sã aico nyeseccua tuchi jendese no.

13 “Se tamano sequiatio ribishorõ”, i mose emo, aque quiare i nyeseccua tuchite uquiato rese.

14 Sequiatio rei jê, secheê mumbayã mose.

15 “Serimba” aeã nda jêje cote. Ererecua quiato “sequiatio” i ãte nguia ngũimba je. Ñee ja eãte ngũimba je. Sã eriqui ñee ja uquiato

je no. Se quia ñi Paba cheẽ asenei senei jate nguĩã jêje. Nyebe “sequiato” tae jêje cote. “Serimba” i rocoĩ.

¹⁶ Jê ngue seirabo eã ndesẽ. Se quiatu ngue jaẽirabo nguĩã. ¡Mbae turã ño jêsaã saã mbei quia seje jê! ¡jenyisaã nda uachĩ jê! Jê ngue seicuate. Nyebe jê “mbae mo embu ure je”, i mose Paba je, mondo ra jêje.

¹⁷ ã ndei secheẽ jêje ã: ¡jenyesequa tuchi quia jenyiese jê!

Mbia ataque Jesús rimba ucuayã

¹⁸ Dios icuasa reã nda jêucuayãte cote. ¡jêicua quiatu jê! “Eĩ ngue equia Jesús ucuayã nyii resẽ”, jenyera cote.

¹⁹ Jaẽirabo que se ra. Nyebe jêingo nguĩã Dios icuasa reã na eã. Nyebe eriqui nguĩã jêucuayãte ã. Jê ùquĩ na mose, eĩ nda eriqui turãte rei jendese.

²⁰ Acheẽ ngue jêje nyii, ¡jũquĩ ndese jendua jê! ¡jengasu ra jêsaã saachĩ sesi jê! Mbia icuã mose seje, jêje abe ra eicuã. Mbia secheẽ mumbayã mose, jê abe cheẽ mumbayã ndae.

²¹ Serĩ nda Dios icuasa reã jê jê jêje. Dios icuayãte quiatu nguĩã ã. Nyebe ra eicuã icuãte jêje.

²² Achu que mbia mbaaquiato quiatu ra. Nyebe ra Dios eicuã tea chooñoã cote. Eĩ nda Dios eicuã tea chooño ndei. Se embaaquiato eã mose. “Ureicuã ureicuayãte quia ã”, i aronea ño emo cote re.

²³ Ae seucuayãte quia, Paba abe ucuayãte equia ã.

²⁴ Mbia mae sayã ngue ateacuquia tuchi rei ee ra. Sechisaã nda mbia mo saã eã. Eĩ nda Dios mbia icuã tea chooño ndei. Sechisaã ndese mae eã mose. Sechisaã ndese mae ndaque, seucuayã ño nguĩã ã. Paba abe ucuayã ño nguĩã ã.

²⁵ Mbia riqui seucuayãte ã. Sã embesa ji riqui ñee no: “Mbia seucuayãte. Se mbae icuã asaã eãte raque”, sã embesa ji riqui i no. Ùquĩ iquechĩ cote.

²⁶ Seso mose Paba rea, Espiritu Turã tamondo jêje. Jêquiatorã. Ae ra tu Paba si jêje. Ae ra ñee ñooñoã jêje. Ae ra jembaaquiato quiatu turã serĩ.

²⁷ Nyii mosenda bei chõ jêingo nguĩã serese. Nyebe ra jê abe mbia jembaaquiato quiatu turã serĩ, i que Jesús ra.

16

¹ Jesús que ñee i i uchimbaaquiato je ra. — A aico ñee jêje a. Eĩ nda jêhui eã sesi, mbia icuã icuã mose jêje.

² Mbia ra jendiquisã quisã, jêso jêso mose mbia chumunuasa. “Á ureico rei nguĩã mbae turã naa naa Dios je ã”, i ra mbia jêiquia iquia mose.

³ Seicuayãte quia ñe ne. Paba abe icuayãte quiatu nguĩã ã. Nyebe ra eriqui mbae raã icuã icuã jêje.

⁴ Eĩ ae chõ nguĩã ñee jêje co. Eĩ nda jendua secheẽ ndese, mbia icuã icuã mose jêje. “Jesús cheẽ iquechĩ cote”, jenyera cote.

Espiritu Turã nda jembaaquiato quiatu, i Jesús

Acheẽ jei eã ngue jêje ùquĩ cose resẽ. Aicote quiatu ngue jendese re.

⁵ Co quia asote nguĩã Paba rea co cote. Ae sembu. “¿Manguete ra ereso mangue re?” i eã ñochĩ jemo seje.

⁶ Se “taso” i mose jêje, jêya eãte chõ jêingo chĩ nguĩã ã.

⁷ Tacheẽ nyecua jêje. Coche aso nguĩã jendecha co. Espiritu Turã nda ambu jêje. Jêquiatorã. Ae ra siqui jendese. Eĩ nda Espiritu Turã tuãte rei. Seso eã mose jêsi.

⁸ Espiritu Turã tu mose ra ñee ñee mbia je. “Mbia icuã ja chõ ñe ne. Jêingo turã Dios resa rae. Dios ra Jesús icuasa reã mbasi ja”, i ra Espiritu Turã ñee mbia mbaaquiato quiatu.

⁹ “Jê nguia Jesús jêicuayãte nguĩã ã. Nyebe jêicuã ndiqui nguĩã”, i ra Espiritu Turã ñee mbia mbiirandu.

¹⁰ Aso ra Paba rea cote. Mbia ra mae eãte serese cote. Nyebe ra Espiritu Turã mbia mundua mbae turã ndese cote.

¹¹ “Dios ra diablo mondo tata cuasu. Nyebe ra mbia icuã abe mondo tata cuasu”, i ra Espiritu Turã ñee mbia mbiirandu.

¹² “Taembaaquiato jiri”, ae rei se. Jêicuayã jêite chõ ndae.

¹³ Espiritu Turã tu mose, ae ra jembaaquiato quiatu turã mbae ja rese. Ñee ñooñoa tuchi rae. Ucheẽ ae ra esenei seneiã. Paba cheẽ ño esenei senei nguĩã. Mbae tu nonde ra Espiritu Turã jembiiirandu erese.

¹⁴ Espiritu Turã nda jembaaquiato quiatu secheẽ ñii. Ùquĩ mose ra mbia ñee turã turã serĩ cote.

¹⁵ Ae Paba senei senei nguia, ùquĩ asenei senei nguia se abe co. Nyebe ra Espiritu Turã jembaaquiato quiatu secheẽ ñii.

Jêya eande nyii ra jêya tuchi cote, i Jesús

¹⁶ Namu jiri ra jemae eã serese cote. Aquere ra jemaembe serese cote. Aso ra Paba rea, i que Jesús uchimbaaquiato je ra.

¹⁷ Echimbaaquiato que ñee ñee nyue ra. — ¿Mbae i Jesús quia re? “Namu jiri ra jemae eã serese cote. Aquere ra jemaembe serese cote. Aso ra Paba rea”, i chõchĩ. ¿Mbae ùquĩ nde?

¹⁸ ¿Mbaerã eriqui “namo jiri” i re? ¿Mbaerã eriqui ñee nde? Nandeiranuã tuchichĩ, i que echimbaaquiato ñee nyue ra.

¹⁹ Jesús que jirandu erese ra. — “Ndecheẽ embiasa jiri ure je” ¿jenye sete seje re? “Namu jiri ra jemae eã serese cote. Aquere

ra jemaembe serese cote”, ae que jêje, ¿aque jêicuayâte re?

²⁰ Tacheê nyecua jêje. Namô jiri ra jenyeseo. Jêya eâte rae. Sequiatoã nda eya tuchi. Aquere ra jêya tuchi cote no. Jêya eande nyii.

²¹ “Serasichî nda cote re”, i ra esi ndua ndua âquê nyaacuquia serî mose. Eyayâ tuchi ae. Âquê nyaacuquia mose cote, eya tuchi ra cote. Ndua eâ tuchi ra ngasi rese cote. Eya tuchi chõ nda nguiirî ndese cote.

²² Âquê ndasi râ ño jê nde. Jêya eâte namo. Setube mose jendea, jêya tuchi ra cote. Emo nda jembia eâ eâ cote.

²³ “Ndecheê embiasa jiri ure je”, jenyee eâ nda seje cote. Tacheê nyecua jêje. Jê seicuate. Nyebe jê “mbae mo embu ure je”, i mose Paba je, mondo ra jêje.

²⁴ “Mbae mo embu ure je. Jesús icuasa je”, jenyee eâ mbeite equia Paba je. Jeñee ee. Jeñee mose ee, mondo ra jêje. Jêya tuchi ra cote.

Jesús quirâcua tuchi ibi jenda si re

²⁵ Acheê tuchi rei que jêje ra. Secheê ngue ambiasa tuchiâ jiri jêje ra. Emo mose jiri quia ra secheê ambiasa tuchi jêje cote. Paba riî.

²⁶ Aque mose ra jeñee Paba je. “Mbae embu râ ure je”, jenyee ra Paba je serî. Aque mose ra acheê eâ ee jeniî cote. Jê ae chõ nda jeñee ee cote.

²⁷ Paba sí nyesequa tuchite quia jendese co. Jenyesequate quiatu nguiã serese ã. “Dios que Jesús mondo nande je resê”, jenyee quiatu nguiã seje ã. Nyebe Paba riqui nguiã nyesequa tuchi jendese.

²⁸ Paba si que achu íbii resê. Asobe ra ibi rechta cote. Paba rea ra asobe íbátee cote, i que Jesús ñee uchîmbaaquiatu je ra.

²⁹ Echîmbaaquiatu que ñee ee ra. — Ereicochî ñee nyecuate ure je a cote. Ndecheê erembiasa tuchichî ngua ure je a cote.

³⁰ Mbae ereicua ja tuchi quiatu quia nde reaê. Mbia ndua ndua ereicuate quia equia co reaê. Ñee nonde ndeje. Nyebe ureico nguiã ndeicuate ã. “Paba sí chõ erechu nguiã co”, ure equia ndeje ã, i que echîmbaaquiatu ee ra.

³¹ Jesús que ñee ee cote ra. —Jê ngue seicuate rei nguiã.

³² Seandu râ se. Namô jiri ra jeñimbuchao chao oso sesi. Jêso ja ra serecha namo. Se ae eâ nda aico. Paba riqui nguiã serese co.

³³ Jê seicua mose, mbae ra jembia eâ eâ. Nyebe aico nguiã jembirandu randu beite co. Mbia icuã icuã mbeite ra eriqui jêje a íbii. Jêñimbiracuã jiri quia jê! Se quia sequiracuã tuchi ibi jenda si re, i que Jesús ñee uchîmbaaquiatu je ra.

17

Sechîmbaaquiatu eteaquiatu, i Jesús Dios je

¹ Jesús ñee jare uchîmbaaquiatu je que soboiba mae ibate ñee Dios je ra. — Paba, ndecheê ndiquichî io a cote. Seturâ eteaquicia mbia je cote. Eî nda se abe ndeturâ ateaquicia mbia je.

² Nde chõ ngue semî mbia rerecurâ, Paba. Mbia mingo bei sacuã. Mbia que ereme seje, ûqui mingo bei sacuã. Se rei nderucucha.

³ Paba, nde mîi ndei Dios tuchi ereico co. Se rei Jesucristo ndechîmbu ibate si. Ae ndeicuate quia nae, se abe icua equia nae, ûqui nda siqui bei.

⁴ Ndeturâ ngue ateaquicia mbia je ra. “Ã esaã íbii”, ere que seje, ûqui ngue asaã ja cote ra.

⁵ Paba, seturâ eteaquiciabe mbia je. Cose ndare râ. Mbae eâ mosenda râ. Asobe ra siqui nderese. MSâ ndeturâ ereteaquicia mbia je nae, seturâ abe eteaquicia mbia je.

⁶ Mbia que ereme seje, ûqui ngue ambiirandu tuchi nderese ra. Nembae rei que nyii ra. Eremee ngue seje cote ra. Ndecheê ngue emumbayâ nda.

⁷ Nde chõ ngue sembbaaquiatu quiatu nguiã, Paba. Ndecheê ae chõ ã nde. Secheê eâ ño ñe ne. Ûqui ngue sechîmbaaquiatu icuate ra.

⁸ Eresenei senei ngue seje, ûqui ngue asenei senei ja ee ra. Nandechê ngue eisi ja turâte ra. “Paba sí que Jesús ru ra. Paba que embu ra”, i equia nderî ã.

⁹ Sechîmbaaquiatu eteaquiatu, Paba. Seicua rea je eâ ño aico nguiã “eteaquiatu” i ndeje. Ae ereme seje nae, ûqui je chõ aico nguiã “eteaquiatu” i ndeje. Nderimbate quia ñe ne.

¹⁰ Ae nderimba nae, serimba chõ se abe re. Ae serimba nae, nderimba chõ ûqui no nde. Serimba riqui ñee turâ mbei serî ã.

¹¹ Asobe ra ndeje, Paba. A ra aicoã íbii cote. Serimba quia ra chichõ íbii. Eteaquiatu, Paba. Ae ereme seje, ûqui eteaquiatu ndequiracuã je. Mbae mîi ndese ja chõ emundua ndua mingo. Sâ nande nandendua ndua mbae mîi ndese no nae.

¹² Ae ereme seje, ûqui ngue ateaquiatu quiatu quia ndequiracuã je ra. Seico mose íbii. Emo ngue quiachâ eâte sesi ra. Aque mîi nda quiachâ. Embesa ji cheê ndui sí ra aque mîi quiachâ. Huicua je. Emo ngue quiachâyâ cote ra.

¹³ Aso ra nderea cote. Seico beebe mose íbii, aico ñee ñee ndeje serimba riî a. I nda eya quiatu chi a. Sâ seyate se no.

¹⁴ Ndecheê ngue asenei senei ee ra. Ibi jenda eâ ño se re. Serimba abe rei ibi jenda

eã. Nyebe ibi jenda riqui nguiã serimba ucuayã.

¹⁵ “Serimba erao ibi si”, ae eã ño nguiã ndeje co, Paba. “Eteaquiatu diablo si”, ae chõ nguiã ndeje co.

¹⁶ Se rã si rei serimba. Ibi jenda eã ndiqui ã.

¹⁷ Serimba emingo tuchi icúe nembraerã. Ndecheẽ je emingo icúe. Nde quia erecheẽ ñoõño eãte nguiã.

¹⁸ Sã nde sembu mbia je no, eĩ ae si chõ nguiã serimba mondo mondo mbia mbaaquiātu quiātu co.

¹⁹ Aico ñimondo tuchi ndeje co, Paba. Mano sacua serimba je. ƒ nda serimba abe ñimondo tuchi ndeje.

²⁰ ã nii achõ eã aico ñee ndeje. “Eteaquiatu” i ndeje. ã nda secheẽ senei senei emo je abe cote. Ūqui abe ra seicua cote. Serimbarã. Ae ra seicua icua nae, ūqui abe eteaquiātu.

²¹ Mbae mii ndese ja chõ ūqui emundua ndua mingo. Mbae mii naanguia tuchi emingo nanderese, Paba. Sã ereico serese no nae. Sã aico nderese no nae. Eĩ nyere si ūqui mingo mbae mii na. Eĩ nda mbia seicuaa reã ñee seriĩ. “Dios chimbu quia eriqui re”, i nda mbia ñee seriĩ ña. Seicuaa siqui mose mbae mii ndese.

²² Ndeturã ngue ereme seje, eĩ ae que seturã mondo seicuaa je ra. Eĩ nda eriqui mbae mii na. Sã nandeico mbae mii na nande no, Paba.

²³ Nyebe aico nguiã seicuaa rese co. Nde ereico serese co no. Nyebe seicuaa riqui mbae mii na co. Eĩ nda seicuaa reã ñee nderiĩ. “Dios quia Jesús mbu quia reaẽ. Dios quia nyesequa quia Jesús icuaa rese re. Jesús rese rã si nyesequa”, i nda mbia ñee nderiĩ ña.

²⁴ Paba, serimbarã ngue ereme seje. Ae ra aso, sã echoi serea siqui bei huee serese cote. Ndecheẽ turã andu sacua seriĩ huee. Erecheẽ turã mbeite seriĩ. Ibi eã mosenda bei chõ ereico nguiã nyesequa serese co.

²⁵ Ndeturã tuchi, Paba. Seicuaa reã ndeicuayãte quia ã. Se quia areicuate nguiã co. Serimba abe que ndeicuate quia ã no nda. “Dios chimbu”, i seje nderiĩ.

²⁶ Arerenei nenei tuchi que serimba je ra. Tarerenei nenei tuchibe ee. Eĩ nda nyesequa tuchi nyiese. Sã ereico nyesequa tuchi serese no nae. Taico bei serimba rese cote, i que Jesús Dios je ra.

18

Mbia icuã ngaẽ Jesús ruruchoi

¹ Jesús ñeende ngu je que echoi ama ñetẽ ndobei ra. Cedrõn, i que aque ama je ra. Aque robei que esi uchimbaaquiātu rese ra. Iraqui turã mo ngue echoi ra.

² Jesús que oso oso beite quia huee ra. Iraqui re. Uchimbaaquiātu rese. Nyebe Judas riqui nguiã hue icuate. —Jesús tateacuquia checuayã mbia je, i que Judas ra.

³ Nyebe Judas mbia ruruchoi nguiã huee Jesús isi sacua. Soldados que ecuruchoi ra. Policía jenda abe que ecuruchoi no nda. Sacerdotes rerecua chimondo rei policía. Fariseos chimondo abe no. Ūqui ja que nyoĩ ngasẽ Jesús je ra. Tiquise que ecuruchoi quia ra. Lámparas abe no. Mbae rendi abe no.

⁴ Jesús que mbae icuate ra. —Mbia ra jei jei seje, i que eicuate ra. —¿Aba rea jenyu quia co re? i que oso ñee ee ra.

⁵ —Jesús rea urechu quia co. Nazaret jenda, i que mbia ñee nda. —Se chõ Jesús resẽ, i que ee ra. Judas abe que siqui mbia rese huee ra. Ae que siqui Jesús mee mbia icuã je huee ra.

⁶ —Se chõ Jesús resẽ, i mose que mbia siri siri choi uquite quti ra. Ngoi ngoi chee que echoi ra.

⁷ —¿Aba rea jenyu quia co re? ibe que Jesús ñee ee ra. —Jesús rea urechu quia co, i que ra.

⁸ Jesús que ñeembe ee ra. —“Se chõ nyeresẽ”, ae que jẽje. Serequia mose, sererao se ae. Sã seresenda chichõ, i que Jesús ee ra.

⁹ —Ae Paba mee seje serimbarã, ūqui mo quiachãyãte sesi, i que Jesús nyii ra. Nyebe ñee nguiã mbia je cote. —Sã seresenda chichõ, i mbia je cote.

¹⁰ Simón Pedro que uchuuru siqui tiquise ra. Sacerdote rerecua rimba rese que tiquise rerequie requia ra. Eisa que echisia equiatocuti quitinda ra. Malco, i que aque je ra. Ae isa Pedro chisia.

¹¹ Jesús que ñee Pedro je ra. —Ndechuuru emingue chõ eriru ye. Paba cheẽ tamumbayã na. Tachecuachõ na mbia je. Sã mbia icuã sembsi tuchi cote, i que Jesús Pedro je ra.

¹² Soldados que Jesús isi cote ra. Soldados rerecua rese. Policía rese. Ūqui ja que Jesús isi ra. Nyucua que suruchoi ra.

¹³ Anás chuchua rane ngue eruchoi ra. Anás ndiirĩ ngue Caifás ninisi ra. Caifás que sacerdote rerecua aque mose ra.

¹⁴ Caifás sí quia que ñee nyii ra. —Aque mii ño nda mano nguiã nande ja je chã, i que judíos je nyii ra.

Jesús aicuayãte, ichõño Pedro

¹⁵ Mbia Jesús ruruchoi mose que Simón Pedro nyoĩ erui ra. Jesús chimbaaquiātu nongue rese. Co mii ndese. Enongue que sacerdote rerecua icua ra. Nyebe ique oso nguiã Jesús rui. Sacerdote rerecua itaicuee.

¹⁶ Mbia que Pedro siquisã mii etaronda robei ra. Sacerdote chũcua que tu nyebi ñee

echiquesa raarõsa je cote ra. —Sã Pedro ique rã resere, i que ra. Nyebe emingue nguiã cote.

¹⁷ Echiquesa raarõsa que ñee Pedro je ra. —¿Jesús resenda nde re? i que nyucuaaque Pedro je ra. Echiquesa raarõsa. —Tei, ichõïño ngue Pedro ee ra.

¹⁸ Nyiiseïte mose que ra. Nyebe policia jenda tata mbucha nguiã. Sacerdote rimba rese. Ûqui ja que chi nyee ra. Pedro que chí nyee erese ra.

Sacerdote rerecua ñee Jesús je

¹⁹ Sacerdote rerecua que ñee Jesús je ra. —¿Aba ndechimbaaquiatu re? ¿Mbae riñ ereico mbia mbaaquiatu quiatu re? i que ererecua ra.

²⁰ Jesús que ñee ee ra. —Se que acheë ja mbia resa rae ra. Mbua chumunua nuásaa ja que aico mbia mbaaquiatu quiatu ra. Dios chuchúaa abe no. Acheë nyecuayã cuayã eã ngue se quia mbia ísaa ra.

²¹ ¿Mbaerã ereico ñee seje re? Secheë andusa je quia echeë. Sã ùqui ñee. Mbae riñ acheë ee re. Ûqui ngue secheë ñandu ja quia ra, i que Jesús ererecua je ra.

²² Jesús cheë mose que policia jenda mo ucua eritii rese ra. —¿Mbaerã ereico ñee sacerdote rerecua je ùqui nde? i que policia mo ñee ucua Jesús rese ra.

²³ Jesús que ñee ee ra. —Secheë icuã mose quia echeë seje. Mbae icuã nñi aico ñee nde. Secheë turã mose chõ erecuachí nguiã serese, i que Jesús ee ra.

²⁴ Anás que Jesús mondo Caifás je cote ra. Ecuasa que ecuruchoi Caifás je ra. Caifás que sacerdote rerecua ra.

Jesús aicuayãte, i si Pedro

²⁵ Pedro que nyee beite u tata ra. Mbua mo ngue ñee ee ra. —¿Jesús resenda nde re? i ee. —Tei, ichõïño ngue Pedro ee ra.

²⁶ Ae isa Pedro chisia nae, aque resenda que siqui huee ra. Sacerdote rerecua rimba chõ ae re. Ae que ñee Pedro je ra. —Nde rese amae iraquí re Jesús rese reae, i que Pedro je ra.

²⁷ —Tei, ichõïño ngue Pedro ee no nda. Aque mose tuchi que nguira ñee cote ra.

Pilato ñee Jesús je

²⁸ Policia jenda que Jesús curuchoi Caifás chuchua si cote ra. Ererecua tuchi chuchúaa que eruchoi cote ra. Pretorio, i que hue tuchia je ra. I que nyaashí u quia cote ra. Judíos que iqueã ererecua chuchua ra. Mbaeiaete que abae chuchua ee ra. Pascua raã nonde. —Eí nda oveja roo nandeuãte rei pascua mose, ique mose abae chuchua, i que ra.

²⁹ Nyebe Pilato si nguiã usë ñee ee. —¿Mbaerã jëingo ñee Jesús je re? ¿Mbae icuã esaã nde? i que Pilato ra.

³⁰ Mbua que ñee ee ra. —Jesús que mbae icuã saã saãte ra. Eí nda uremondoãte rei ndeje. Mbae icuã naa naa eã mose, i que mbia Pilato je ra.

³¹ Pilato que ñee mbua je ra. —Jë ae Jesús jenda ae. Jë ae jëingo erese ae. Jë ae Jesús jembasi mbasi ae. Jenamei ñimbasa mumba mose, i que Pilato ee ra. Judíos que ñee Pilato je ra. —Ure rei judíos. Ure mbua mo ureiquia aroneate. Nde chõ echb é. “Jëiquia” ere chõ soldados je, i que mbia ñee Pilato je ra.

³² Jesús cheë iquechí cote. —Mbua ra seiquia sembucha ira rese, i rei nyii. Echeë iquechí cote.

³³ Pilato que ique si oso uchuchúaa ra. Ae “quiatuchu” i nguiã Jesús je. —¿Judíos rerecua tuchi nde re? i que Pilato Jesús je ra.

³⁴ Jesús que ñee ee ra. —¿Nde ae ercheë ngua seje a re? Emo ñee ndeje nyii reae, i que Jesús ee ra.

³⁵ Pilato que ñee ee ra. —Judío eã ño se resë. Judíos sí chõ ngue nemondo seje resë. Sacerdote rerecua abe no. ¿Mbae icuã ersaã nde? i que Pilato ra.

³⁶ Jesús que ñee ee ra. —Ererecua raque se. Ererecua eã ño se a íbii re. Eí nda serimba nyarõ tuchi rei serese, judíos ndiquisã quisã tuchi sesi. Ibi jenda rerecua eã ño se re, i que Jesús Pilato je ra.

³⁷ —¿Ererecua rei nde re? i si que Pilato ñee Jesús je ra. Jesús que ñeembe ee ra. —Ae. Achu que íbii ra. Sechusua rei íbii. Achu que mbia mbiirandu randu Dios cheë nñi nda. Ichõïñosa reã ñee nñi. Ichõïñosa reã ndesenda ra seandu ja, i que Jesús Pilato je ra.

³⁸ —¿Mbae ichõïñosa reã nde? i que Pilato ee ra.

Jesús jembucha iquia ira rese, i ererecua

Aquere que Pilato usë si oso ñee judíos je ra. —Mbae icuã Jesús saã eãt e reae.

³⁹ Pascua mose bei que aico etarõ ji mbusë mondo bei jëje ra. ¿Aba ra ambusë mondo jëje namo nde? ¿Judíos rerecua ra ambusë mondo jëje re? i que Pilato ñee mbua je Jesús riñ nda.

⁴⁰ Mbua que ñee mombo mombo ja Pilato je ra. —Tei. Aque eã. Barrabás quia embusë imbu ure je, i ja que mbua ñee nda. Mbae mbuquiachãsa tuchi rei Barrabás.

19

¹ —Jesús jëiruã nua, i que Pilato ra. Mbua que Jesús iruã nua cote ra.

² Nyu ritiméi uma ji que soldados mñi Jesús ãqui ndese ra. Tiru irei ngue emingue ee ra.

³ —Judíos rerecua tuchi chõ nde re, ichõïño ngue soldados ucua ucua Jesús rese ra.

⁴ Pilato que usë si oso ñee mbua je ra. —Secheë jeñandu rã. Acheë ndei que Jesús

je ra. Mbae icuã esaã eãte reae. Nyebe anosembe nguiã jêje co, i que Pilato ra.

⁵ Jesús que econosê mbia je ra. Nyu ritiméi uma ji que equerao quia uãquĩ ndese ra. Tiru ireĩ ngue equerao quia nguete rese ra. —A Jesús a resê, i que Pilato Jesús ndeacuquia mbia je ra.

⁶ Sacerdote rerecua que chi ja huee ra. Policía jenda mo abe que chi huee ra. Ũquĩ ja que ñee mombo mombo Pilato je ra. — ¡Embucha ira rese! ¡Embucha ira rese! i ja que ñee mombo mombo ee ra. Pilato que ñee ee ra. —Jê ño jembucha ira rese ae. Mbae icuã esaã eã arôte seje, i que Pilato mbia je ra.

⁷ Judíos que ñee Pilato je cote ra. —“Dios rucucha rei se”, ichĩ Jesús nguiã. Nyebe eiquia. Sã embesa ji riqui i no: “Ae Dios riirĩ saã saã nguia, aque jêiquia”, i que embesa ji ra, i que judíos ñee Pilato je ra.

⁸ —Dios rucucha, i mose que Pilato siquiche tuchi cote ra.

⁹ Pilato que ique si oso ñee Jesús je ra. —¿Ma jenda rei nde re? i que Pilato Jesús je ra. Jesús que ñee eã tuchi echeê mose ra.

¹⁰ Pilato que ñee si ee ra. —¿Mbaerã ereico ñee âte secheê mose re? Arembucha arôte ira rese. Arembui abe arôte se. Se chí mbia rerecua, i que Pilato ñee Jesús je ra.

¹¹ Jesús que ñee Pilato je ra. —Dios nemii eã mose mbia rerecuarã, ei nda ereoco âte rei serese. Ae semondo ndeje, ae quiarei eicuã tuchi ndesi, i que Jesús ee ra.

¹² Aque mose bei que Pilato ndua ndua Jesús rese ra. —Jesús tambui mondo, i raque ndua ndua. Judíos quiatu que ñee ee ra. —Nya. ¡Erembui chí nda jê! Nde embui mose, César quiato eã nda nde cote. “Ererecua rei se”, i quia ñi Jesús re. Nyebe eicuãte riqui nguiã César je, i que judíos tasê tasê Pilato je ra.

¹³⁻¹⁴ Judíos cheê andu mose que Pilato ngoi ngüenda tose ra. Huee que eriqui ñee mbeite mbia je ra. Gábata, i que erenda je ra. “Sita mbiitee ji”, i ñi Gábata re. —Jesús jendurã seje, i que Pilato policía jenda je cote ra. Pascua nonde. Mbía ico quiatu mose pascua nonde. Tenda nandeite re mose. —A jenderecua ñi a resê, i que Pilato mbia je ra.

¹⁵ Mbía que tasê tasê ee ra. —¡Eiquia rei! ¡Embucha ira rese! i que mbía Pilato je ra. —¿Se ra jenderecua aiquia re? i que Pilato mbia je ra. —Urererecua mo eãte nyeresê. César mii ño nyeresê, i que sacerdote rerecua Pilato je ra.

¹⁶ Aque mose que Pilato Jesús mondo mbia je cote ra. —Jêiquia. Jembucha ira rese, i que mbia je ra. Hue si que mbia Jesús ruruchoi cote ra.

¹⁷ Jesús que usê oso cruz resebe cote ra. Mbía que ecuruchoi ibi ibátee ra. “Eresa cuare” i que hue ibi ibate je ra. “Gólgota” i que judío cheê hue je ra.

¹⁸ Huee que soldados Jesús mbucha ira rese ra. mbia nyeremo abe que embucha ira rese ra. Co mii Jesús ribisho quti. Enongue eribisho quti no. Jesús que emii eite re ra.

¹⁹ Pilato que letrero mbesa ra. JESUS DE NAZARÉT REI JUDIOS RERECUA, i que embesa ra. Embesa ji que emii ibate Jesús aqũ nguiti ra.

²⁰ Judíos tubiriã ngue chi mae embesa ji rese ra. Sucha tubiriã jiite quiatu ngue Jesús mbucha nguiã ira rese. Embesa ji que chí mbia cheê mbuae jaaja ra. Judío cheê. Griego cheê. Latín ñee.

²¹ Sacerdotes rerecua que ñee ja Pilato je ra. —“Judíos rerecua” erechĩ nguiã embesa. “Judíos rerecua raã ñooño” ere chõ embesa mii ae, i rei que judíos rerecua Pilato je ra.

²² —Ae ambesa, sã ũquĩ ñi ño, i que Pilato judíos rerecua je ra.

²³ Cuatro soldados que chi huee ra. Ũquĩ ngue Jesús mbucha ira rese ra. Ũquĩ ngue Jesús irao isirõ sirõ ja ra. Jesús irao mii ngue chichõ cote ra. Tejido turã tuchi que aque tiru ra. Eiasa eã tuchi que ra. Eao ji chõ eresebe que ra.

²⁴ Soldados que ñee nyue ra. —Aque ra nandechisia eã. Sita ñetê nandesurubaba baba rá nandechue. Aba ra ja. Aba ra eirao querao ja, i que nyue ra. Sita ñetê ngue esurubaba baba uchue cote ra. Embesa ji cheê iquechĩ cote. Jesús irao soldados mbuchao chao mose. “Seirao que embuchao chao nyue ra. Sita ñetê ngue esurubaba baba uchue ra”, i que embesa ji huĩ nyii ra. Embesa ji iquechĩ cote.

²⁵ Jesús mbuchasa ira rese que cuña mo chí ra. Jesús si que ra. Esi nongue abe que ra. María Magdalena abe que ra. Cleofas ninisi abe que ra. María, i que aque je ra. Ũquĩ ngue chí ja Jesús ji ra.

²⁶ Juan abe que chí Jesús si ji ra. Jesús mae mose usi rese que ñee ee ra. —Taí, aque quia nderiirina cote, i usi je. Juan nii eriqui ñee. Jesuubi tuchi quia ñi Juan nde.

²⁷ —Aque ndesirã cote, i que Juan je cote ra. Juan ngue Jesús si querao bei uchuchua cote ra.

Jesús mano cote

²⁸ —Achimbirãcuã tuchi que mbae ja je Dios cheê nguire ra, i que Jesús uchiangui re cote ra. —Seisei, i cote.

²⁹ Vinagre mo ngue chí mbae mo ye huee ra. Mbía que esponja monde vinagre ye ra. Mondo que Jesús chúruu ra.

³⁰ Jesús que vinagre mocõ esponja resenda cote ra. —Dios cheê ngue asaã ja cote

ra, i que Jesús ra. Uãquĩ ngue embucheseco cote ra. Mano ngue cote ra.

Soldado Jesús cúa chiõ tiquise je

³¹ Judíos que ñee nyue ra. —Ae embucha ji chi ira rese nae, sã ùquĩ chiã ira rese pascua mose huee, i que mbia ra. Pascua nonde que embucha ira rese ra. Mbia icoquiato mose pascua nonde. Mbia chumunuasa tuchi quiarei pascua. Sábado mose rei pascua. Nyebe mbia ñee nguiã Pilato je. —Sã soldados ira resenda timasiquio ja jẽ. Eĩ nda mano jei. Eĩ nda soldados ecuruchi sábado nonde, i que judíos Pilato je ra.

³² Soldados que nyoi ira resenda tima ndiquio ra. Ae chi Jesús rereco chobei.

³³ Ngasẽ mose Jesús je, eraaquete que ee ra. Nyebe etima ndiquio eã nguiã.

³⁴ Soldado mo ngue Jesús cúa chiõ tiquise je ra. Eruqui que uchẽ nda. Eri abe que uchẽ nda.

³⁵ Nyebe aico nguiã ã mbesa mbesa a. Amae jee ngue erese re. Acheẽ ñooñoã se quia a. Eĩ nda jẽ abe “ae bei jẽ” jenyẽ Jesús riĩ.

³⁶ Embesa ji cheẽ ngue ique cote ra. Jesús tima ndiquio eã mose. —Etima nda mbia siquio eã, i que embesa ji nyii ra.

³⁷ —Ae embucha uquia ira rese nae, ùquĩ nda mae si erese, i abe que embesa ji huĩ nyii no nda.

Jesús ruruchoi eraaque atisa

³⁸ José de Arimatea, i que emo je ra. Jesús rimba checuayã ngue ae ra. —Sã judíos jiranuã serese, i que equia uchiangui re ra. Ae que “Jesús rete embu seje” i Pilato je ra. Pilato que “eno” i ee ra. José que Jesús rete curuchi ira si cote ra. Ae equerao nguiã.

³⁹ Nicodemo abe que tu erea ra. Ae tu ñee Jesús je isa nyii nae, aque. Aque que tu aba mbushimbusa tubiriã tuchi reru ra. Eraaque mbaerã ndei aba mbushimbusa. Ira shimbu turã mbucú ji. Mbae a mbucú ji abe no.

⁴⁰ Ùquĩ ja que Jesús rete querao cote ra. José. Nicodemo ndese. Aba mbushimbusa resebe que eraaque uma ana tiru je ra. Eĩ mbei que judíos quia mbia raaque je ra. Eati nonde.

⁴¹ Jesús iquiassa rurubi que sita imi mo ñi nda. Eao ramo ji. Mbia raaque mondose eã nyii.

⁴² Huee que Jesús raaque nduruchoi nyati ra. —Cochite quia sábado ru nguiã nande je co, i que eati aichi chõ nda.

20

Jesús quera si

¹ Domingo mose que María Magdalena nyoi mae Jesús tãsa rese ra. Nyaasi nonde. Jesús atiquia nduruba ji que chi sita ra.

² Nyebe echoi nguiã uchã ñee Simón Pedro mbiirandu. Jesús chimbaaquiato nongue abe mbiirandu. Ae Jesús quiato tuchi nae, aque. —Aba chõ nandererecua raaque sirõ suruchoi. Manguẽ eno manguẽ reae, i que María Magdalena nda.

³ Nyebe Pedro si nguiã ea tiquia rea. Uquiato rese.

⁴ Nyoi ja que uchã nda. Enongue rane ngue Pedro chucua oso ngasẽ nda.

⁵ Nyibi que mae Jesús atiquia rese ra. I que Jesús umanda achõ u tiru ra. Ique tuchiã ngue oso sita imi ni nda.

⁶ Aquare que Simón Pedro ngasẽ cote ra. Ae quiato que ique oso sita imi ni nda. Ae abe que mae Jesús umanda achõ ndese cote ra.

⁷ Eãquĩ umanda rese abe que mae nda. Tiru ataque rese ja eã ngue eãquĩ umanda chi ra. Eacua ji que chi icue ra.

⁸ Ae rane ngasẽ nguiã nyii nae, aque abe que ique tuchi oso sita imi ni cote ra. Mae tuchi que Jesús oreã ndese cote ra. —Jesús quera chõ nguiã re, i que eicua cote ra.

⁹ Ùquĩ ngue embesa ji icuayãte ra. “Jesús ra quera si”, i que eicuayãte ra.

¹⁰ Nyebi si que echoi uchuchúaa ra.

Jesús nyecua María Magdalena je

¹¹ María que chiño nyeseo eatiquia jii ra. Echeseo que nyibi mae Jesús rua rese ra.

¹² Angeles mo ngue chi huee nyeremo ee ra. Eiraoshĩ ja que chi ee ra. Enongue que chĩ ngoi Jesús ãquĩ ndúa quti ra. Enongue ecuii rúa quti no.

¹³ Angeles que ñee María je ra. —¿Mbaerã ereico nyeseo re? i que María je ra. —Aba chõ sererecua raaque querao. Nyebe aico nguiã nyeseo. Manguẽ chõ eriqui ererequia manguẽ, i que María ra.

¹⁴ Ucheẽ nduibe que mae ndei uquite quti ra. I que Jesús uã ee ra. Icuã eãte que ra.

¹⁵ —¿Mbaerã ereico nyeseo re? ¿Aba eresequia quia re? i que Jesús María je ra. Ira a raarõsa Jesús riqui rei nguiã María je. Nyebe María ñee nguiã ee. —¿Nde Jesús raaque ererao re? ¿Manguẽ erechono manguẽ re? Taso erea ae. Tarao ae, i que María ra.

¹⁶ Jesús que “María” i María cheẽ mose ra. María que uba tuchi Jesús icua cote ra. Judíos cheẽ ño ngue María ñee Jesús je ra. —Raboni, i que ra. —Sembaaquiatusa, i ñee ñee Jesús icua re.

¹⁷ Jesús que ñee María je ra. ¡Seisi jeichĩ nda re! ¡Aso ãte Paba rea resé! Eso rá ñee senongue je. “Jesús que ñee jẽje ra. ‘Aso ra ibate Paba rea. Dios rea. Ae abe chõ jendu re. Huee ra aso’, i que Jesús ñee jẽje ra”, ere rá senongue je, i que Jesús ñee María je ra.

Jesús nyecua uchimbaaquiato je

18 María Magdalena que oso Jesús chimbbaaquiату mbiirandu ra. —Amaechĩ Jesús rese, i que ee ra. Jesús cheẽ ngue esenei ja ee ra.

19 Aque mose que domingo ra. Aque isa que Jesús chimbbaaquiату chi ñumunua nda. Etaronda matã ji que chĩ nda. Siquichete quia judíos si re. Jesús que oso ique uchimbbaaquiату mbuate ra. Eite re que esi ñee ee ra. —jÿeya eãte jirichĩ nda jê! i que Jesús ñee ee ra.

20 Aque que Jesús o iõsa reacuquia ee ra. Ucúa iõsa abe no. Echimbbaaquiату ía tuchi que mae Jesús rese ra.

21 Jesús que ñee si ee ra. —jÿeya eãte jirichĩ nda jê! Sã ñi Paba sembu no, eĩ tae si jemondo secheẽ nenei nenei sacua mbia je, i que Jesús uchimbbaaquiату je ra.

22 Jesús que uchimbbaaquiату ichu ñee nda. —Espíritu Turã ndu jêje a cote, i que eichu ra.

23 —“Dios chõ jëicua mbutiã nguiã jësi co”, jenyemose emo je, Dios ra ùqui icua mbutiã esi cote. “Dios chõ jëicua mbutiã eã nguiã jësi co”, jenyemose emo je, Dios ra ùqui icua mbutiã eã esi, i que Jesús ra.

Tomás mae Jesús quera si rese

24 Tomás oreãte que Jesús nyecua mose uchimbbaaquiату je ra. Jesús chimbbaaquiату raque Tomás. Eata, i que Tomás je ra.

25 —Jesús rese que uremae nda, i que eataque embiirandu ra. Tomás que ñee nda. —Jesús eã ndei e. Se mae eã mose eo iõsa rese, se ocoã mose eo iõsa rese, se ocoã mose ecúa iõsa rese, “nyia” aeã nda se, i que Tomás ñee nda.

26 Jesús chimbbaaquiату que ñumunua si domingo nongue mose ra. Tomás abe que siqui uataque rese huee cote ra. Etaronda matã ji que chĩ nda. Jesús que ique oso ra. Eite re que esi ñee ee ra. —jÿeya eãte jirichĩ nda jê! i que ee ra.

27 Ñee ngue Tomás je cote ra. —jSã seo jê! Seo iõsa rese eoco. Secúa iõsa rese abe eoco ae. “Jesús quera si eãte” jere sichi nda jê! “Jesús que quera si ra”, ere chõ cote, i que Jesús ñee Tomás je ra.

28 —Sererecua. Nde rei sembae Dios, i que Tomás Jesús icua cote ra.

29 Jesús que ñee Tomás je ra. —Nde mae mose serese, aque mose chõ seicuachĩ. Mae eã mose serese chõ ngue emo ndiqui seicua ra. Ùqui nguiarei eya tuchi ndesi, i que Jesús ee ra.

Je Jesús icua sacua ño co ambesa nguiã jêje

30 Jesús que mbia mae sayã saã saã tuchi uchimbbaaquiату je ra. Ùqui ambesa ja eã nguia a.

31 Ñ nguia ambesa ja quia a. Jê Jesús icua sacua. —Jesús rei Cristo. Jesús rei Dios rucucha, jenyemose nda chã. Ùqui icua mose ra jëingo bei.

21

Jesús nyecua siete uchimbbaaquiату je

1 Aque que Jesús nyecua si uchimbbaaquiату je ra. Ama nimia ndese que eñi nda. Tiberias, i que aque ama ndisa je ra. Eĩ ngue Jesús uã nyecua ee ra.

2 Echimbbaaquiату que chi nyiese ra. Simón Pedro. Tomás ndese. Ae je eriqui “Eata” i. Natanael ndese. Canã de Galilea jenda rei Natanael. Zebedeo riiri abe que chi ra. Echimbbaaquiату nongue abe que chi nyeremo no nda.

3 —Taso rã sira rea, i que Simón Pedro ra. —Ure abe ra ureso nderese, i que eataque ee ra. Nyoi ja rei que sira rea ra. Nyui ja que echoi canoa ye ra. Sira que embua mbua eãte aque isa ra.

4 Jesús que chĩ erimia ndese echimbbaaquiату je ra. Jesús eã eriqui reĩ nguiã ee.

5 —¿Sira mo jembua re, Ñquẽ? i que Jesús ñee mombo ee ra. —Tei, i que echimbbaaquiату ee ra. Jesús icua rocoĩ.

6 —Sira mbua mbuasa jenduba canoa quiato cuti. Sira ra jembua cote, i que Jesús ee ra. Jesús cheẽ ngue emumbayã nda. Sira que ua jate embua mbuasa ye cote ra. —Nandenosẽ ama si. Nandechuchã canoa ye, i rei que ra. Eusite que ee ra.

7 Ae Jesús quiatote, aque que ñee nda. —Jesús chõ eriqui re, i que uataque je ra. Pedro eandu mose que huĩrao mingue asi oso ii ra. Jesús rea. Sira mbua mbua nonde quia huĩrao mbui nguiã nyii.

8 Isho tuchiã ngue ama nimia nda. Cien metros chõ ngue ra. Pedro ataque que canoa querao ama nimia ndichã nda. Sira mbua mbuasa que ecuruchoi quia mbutiriri sira resebe ra.

9 Nguichi que canoa si ibi rĩ cote ra. I que tata u ee ra. Sira miĩ ngue chi tata rĩ ee ra. Mbichae abe que chi ra.

10 —Sira mo jendu rã. Ae jembua ramo, i que Jesús uchimbbaaquiату je ra.

11 Simón Pedro que nyui oso canoa ye ra. Sira mbua mbuasa que embutiriri serao sonosẽ ama nimia ndese cote ra. Embisẽ sira resebe. Sira mbua mbuasa que soroãte enonosẽ mose ra. Sira cuasu achõte raque. Sira 153 raque.

12 —Jenyu quiaru cote, i que Jesús ee ra. —¿Aba nde re? i ãte que emo ñee ireĩ nguiã ee ra. Mbua que Jesús icua jate ra.

13 Jesús que oso tátaa cote ra. Mbichae que esirõ nda. Mbuchao chao que

uchimbaaquiату je ra. Sira abe que embuchao chao ee ra.

¹⁴ Jesús que mano nyii ra. Quera si que ra. Nyecua nyecua que uchimbaaquiату je cote ra. Co rei tercera vez co.

Jesús ñee Pedro je

¹⁵ Quiaru jare que Jesús ñee Simón Pedro je ra. Jonas ndiirĩ ndei Simón Pedro. — Simón, ¿erechesequa tuchi quia serese ã si re? i que Jesús Pedro je ra. —Ae. Achesequa tuchite sequia nderese co resẽ. Seicuate se resẽ, i que Pedro ñee ee ra. —Oveja raarõsa rã eico no. Seicuasa embaaquiату quiату quia secheẽ je no, i que Jesús Pedro je ra.

¹⁶ —Simón, ¿erechesequate quia serese re? i si que Jesús ñee Pedro je ra. Pedro que ñee ee ra. —Ae. Achesequa tuchite sequia nderese co resẽ. Seicuate se resẽ, i si que Pedro ñee ee ra. —Oveja raarõsa rã eico no. Seicuasa esaarõ turã nguia no, i que Jesús Pedro je ra.

¹⁷ —Simón, ¿erechesequate quia serese re? i si que Jesús ñee Pedro je ra. Co que tercera vez cote ra. Jesús ñee tres veces mose que Pedro ía eã tuchi ra. Pedro que ñee ee cote ra. —Mbae ereicua jate quia co, Sererecua. Achesequa tuchite sequia nderese co resẽ, i que Pedro ñee Jesús je ra. —Oveja raarõsa rã eico no. Seicuasa esaarõ turã nguia no.

¹⁸ Tacheẽ nyecua ndeje, Pedro. Ndeyasu mose que ereico ndeirao mingue oso ngata chooño ndesose quiti ra. Nde ameí mose ra ndechiba ereira cote. Mbia ra ndecua cote. Ndeso sere ãsa quiti ra mbia nderuruchoi cote, i que Jesús Pedro je cote ra.

¹⁹ —Eĩ nda mbia Pedro iquia, i chõ Jesús re. —Eĩ nda Pedro Dios quirãcuã ndeacuquia mbia je, i chõ Jesús re. —Eico seruí, i que Jesús Pedro je cote ra.

Ae uchimbaaquiату rese Jesús nyesequa tuchi

²⁰ Pedro que uba mae serese cote ra. Se rei Juan. Jesús nyesequa tuchi rei se. Se chõ ngue acoi huĩ quiaru Jesús jii aque isa resẽ. Se chõ ngue “¿Aba ra nemeẽ mbia icuã je re?” ae Jesús je resẽ.

²¹ Pedro que mae serese cote ra. Ñee ngue Jesús je cote ra. —¿Mañi ite ra mbia quia Juan je re? i que Pedro Jesús je ra.

²² Jesús que ñee ee ra. —¿Mbaete ere? Seruí chõ eicochõ nde. “Sechube mose chee ra Juan manoã”, se i mose, manoã ndae. Eico chõ seruí nde, i que Jesús Pedro je ra.

²³ —Juan nda manoã mbeichĩ nde, i que Jesús icuasa Juan nii cote ra. Jesús cheẽ abi chõchĩ. —Juan nda manoã, ire rocoĩ Jesús nyii. —Se cheẽ mose ra manoã, i chõ ndei ngue Jesús re. —Juan nda manoã, i ãte que Jesús ra.

Juan ñimbasa hui bei

²⁴ Jesús chimbaaquiату chõ se re. Se chõ ã ambesa ja nguia. Amae jate que se quia Jesús chisaã ndese ra. Acheẽ ñooño eãte se quia ã mbesa mbesa co.

²⁵ Jesús chisaã saã tubiriãte quia ñene. Ambesa ja aroneãte quia a. Jesús chisaã saã mbesa ja mose, eĩ ndei ra papel mbesa ji mbia recua mbiitayã jate. Amén.

LOS HECHOS DE LOS APOSTOLES

Espíritu Turã nda tu, i Jesús

¹⁻² Ambesa que ndeje nyii, Teófilo. Arembiirandu ja que Jesús chiao rese. Eresco mose ibii. Jesús que mbia mbaaquiatsu quiatu ereco mose ibii ra. Dios que equerao bei jiri ibate cote ra. Ûquí ngue asenei senei ndeje nyii ra. Oso nonde ibate que ucheê nenei nenei sacua irabo ra. Uchiirabo que embaaquiatsu quiatu ra. Siqui que Espíritu Turã ndese mbia mbaaquiatsu quiatu ra. Eaquiatsu que esecha oso ibate cote ra.

³ Manonde que eru si nyecua ùquí je ra. Oso nonde ibate. Ngueco que eteacuquia cuquia si ee ra. Cuarenta días que eriqui nyecua nyecua bei uchi mbaaquiatsu je ra. Dios rese que eriqui embiirandu randu ra. Dios rei ererecua tuchi. Ae rii eriqui embiirandu randu.

⁴ Jesús oso nonde ibate que eriqui ñee ñee uchimbaaquiatsu je ra. —jËsôchî nda sucha tubiriã si jË! jËsôchî nda Jerusalén si jË! ¡Paba cheê nguire jengu Espíritu Turã ndaarô aa jË! “Espíritu Turã tamondo jËje”, i que Paba jËje ra. Aque rii ngue acheê jËje nyii resê, i que Jesús ee ra.

⁵ —I je que Juan bautizar i mbia je ra. Namô jiri ra Espíritu Turã ndu. Ae ra ique jeñiangui re. Eî nda Espíritu Turã bautizar i jËje. I je eã cote. Espíritu Turã nda ique chô jeñiangui re cote, i que Jesús uchimbaaquiatsu je ra.

Jesús oso ibate

⁶ Emo mose que Jesús chimbaaquiatsu ñee ee ra. Jesús oso nonde ibate. —¿Manose ra urererecua ishonda erembutiã ure si re? Israel jenda rei ure. ¿Namô nda ure mo eremii urererecuarã nde? i que mbia Jesús je ra.

⁷ Jesús que ñee ee ra. —Manose chô ndae. Paba mii eicua. Mbia eicuayã. JË nguia jËicuayãte nguã no. Manosete chô ndae.

⁸ ¡Co rese chô jendua jË! Espíritu Turã nda tu jËje cote. Ae ra jembuquirãcuã. Ae ra jembucheê ñee serií. JË nda jËingo serenei nenei tuchi cote. Serenei nenei Jerusalén jenda je. Judea jenda je abe no. Samaria jenda je abe no. Mbia mangu chooñoa jenda ja je abe no. Ûquí ja je jËingo serenei nenei, i que Jesús ra.

⁹ Ñeende que Jesús si ibate cote ra. Uchimbaaquiatsu resa rae que esi erecha ra. Ibeishi ngue embuchecuayã cote ra.

¹⁰ Echimbaaquiatsu que soboiba bei u mae ibei rese ra. Ibei rese mae mose que mbia nyeremo ngaê erea ra. Ibate si. Huee que echi ra. Eiraoshî tuchi que ngaê ejii ra.

¹¹ Ibatenda que ñee ee ra. —Galilea jenda, ¿mbaerã jengu beite mae ibei rese a re? Jesús oso quia ibate nae, ae si ra tube no. Jemae ngue u eso rese nae, eî si ra u ibii no, i que ibatenda ee ra.

Dios que Matías irabo ra

¹² Jesús chimbaaquiatsu que nyoî nyebi hue recha ra. Monte de los Olivos recha. Nyoî que sucha tubiriã Jerusalén cote ra. Aichi jiri. Monte de los Olivos rei Jerusalén ndurubi.

¹³ Ngasê ngue Jerusalén nda. Nyoî que uchuchúaa cote ra. Æ ja que ra. Pedro. Juan. Jacobo. Andrés. Felipe. Tomás. Bartolomé. Mateo. Alfeo ririí. Jacobo, i ee. Simón el Cananista. Judas. Jacobo ririí ndei Judas.

¹⁴ Ûquí ja que ñumunua mbei bei quia ñee ñee Dios je ra. Ari abe no. Acuanî abe no. María abe no. Jesús si rei María. Jesús nongue abe no. Ûquí ja que ñumunua mbei bei quia ñee ñee Dios je ra.

¹⁵ Emo jiri mose que Jesús icuasa ñumunua ja ra. Ciento veinte que ra. Pedro que uã ñee ee ra.

¹⁶ —Seandu rã se, Seresenda. ¡Sã embesa ji ñee ñooño eã ño jË! Cose que Espíritu Turã ñee Judas rii nda. David que embesa Espíritu Turã ñee nguire ra. Judas rii. Judas rei Jesús reacuquiassa mbia icuã je. Jesús rerao nonde iquia.

¹⁷ Jesús que Judas irabo rei nyii ra. Nanderesendacuã. Nyebe rei Judas nanderesenda nyii.

¹⁸ Judas que mbae isiquia isi icuã nda. Mbae isiquia je que ibi mo isi ra. Hue ereco mose que mano nda. Ibate si eru ngoî mano. Uãquî nguiti que eru ngoî ra. Erie que oo ra. Echique mburiri.

¹⁹ Jerusalén jenda que jirandu ja erese ra. Acéldama, i que hue ibi je cote ra. Mbia ruqui rua, i chô nguia hue je. Ecoisa ibi je.

²⁰ ¶ ñi embesa ji Salmos nde:

Sã echuchua oreã mbei.

Sã mbia mo ndiquiã mbei equi re.

Sã eriquicharomba riqui Dios cheê nenei nenei cote,

i que embesa ji Judas rii nda.

²¹ Emo nandeirabo Judas riquicharô. Mbia chi bei quia nanderese nae. Jesús nandembaaquiatsu quiatu bei mose.

²² Juan mbia mbiirandu randu mosenda bei. Dios Jesús querao chee quia ibate. Ae siqui beite quia nanderese nae, ùquí mo nandeirabo nanderesendacuã. Jesús quera rese mbia mbiirandu randu sacua, Judas riquicharô, i que Pedro ñee ee ra.

²³ Mbia nyeremo ngue etea cote ra. José Justo, i emo je. Barsabás, i abe ee no. Matías, i enongue je.

²⁴ Jesús chimbaaquiatsu que ñee Dios je cote ra. —Urererecua, aba chiã ereicuate quia co.

Å nyeremo ndiqui å. ¿Aba ndechiirabo re?
¿Aba ereirabo urembirõ sacua nde?

²⁵ ¿Aba eretea ndechimbaaquiaturã nde?
¿Aba eretea Judas riquicharõ nde? Ae hui
quia ndecheë si. Ae oso quiachã ndesi cote.
¿Aba eretea eriquicharõ nde? i que Dios je
ra.

²⁶ Sita que embaba mbaba o ye cote ra. —
¿Aba Dios chiirabo re? i ñene. Eï ngue
Matías irabo ra. Dios que Matías mingo
Jesús chimbaaquiaturã rese cote ra. Mbia
once mbirõ. Docerã. Doce que Jesús
chimbaaquiaturã cote ra.

2

Espíritu Turã tu Jesús icuasa je

¹ Fiesta de Pentecostés mose que Jesús
icuasa chi ja ñumunua nda. Hue miï ngue
echi ja ñumunua nda.

² Ibei rieu que embuate ra. Ama ndieu
raanguia. Tuchua mbieu tuchi Jesús icuasa
je.

³ Tata rendi raanguia que tu nguichi eãqui
ndes e ra. Jesús icuasa aãqui ja rese.

⁴ Espiritu Turã ngue ique tuchi hue jenda
chiangui re ra. Ique ja que Jesús icuasa
chiangui re ra. Mbia que echeë ata mo
saã saã cote ra. Echeë uchianuã ngue esaã
saã nda. Espiritu Turã nguia rei embucheë
echeemo. Mbia cheë mbuae jaaja que cote
ra.

⁵ Aque mose que judíos tubiriã nyi
Jerusalén nda. Ishonda tubiriã nyi huee.
Mangue chooñoa jenda ja chõ chi nguia
huee. Uqui ndei Dios cheë mumbasa reã
judíos ataque rã si.

⁶ Ibei rieu andu mose que uqui ngaë uchã
nda. Nyuruira tuchi eandu. Jesús resenda
mbia cheë mbuae saã saã ja chõchi nguia
u. Espiritu Turã ño ngue embucheë nguia.
Mbiamo ñee icuasa reã ndaque. Mbia que
ucheë ñandu ñandu ja u ra. Jesús icuasa ñee
mose. Nyebe que mbia chi nguia nyuruira
eandu.

⁷ Mbia nyuruira ja eandu. —¿Mañi equia
mbiamo ñee icua ja re? Galilea jenda achõ
ño ndaque å, i tuchi que mbia u nyuruira
eandu ra.

⁸⁻¹¹ —¿Mañi equia nande ja cheë naa naa
å nde? Nandechë Jesús icuasa saã jaaja
chõchi nguia å. Partia jenda cheë esaã saã
ñochi nguia å. Media jenda cheë abe no.
Elam jenda cheë abe no. Mesopotami a
jenda cheë abe no. Judea jenda cheë abe no.
Capadocia jenda cheë abe no. Ponto jenda
cheë abe no. Asia jenda cheë abe no. Frigia
jenda cheë abe no. Panfilia jenda cheë abe
no. Egipto jenda cheë abe no. Libia jenda
cheë abe no. (Cirene ndobei.) Roma jenda
cheë abe no. (Roma jenda mo ndei judíos.
Roma jenda ataque rei judíos eã.) Creta

jenda cheë abe no. Arabia jenda cheë abe
no. Jesús icuasa uqui ñee saã saã ja chõchi
nguia å. Nandechë esaã saã ja chõchi nguia
å. Jesús icuasa riquichi nandechë naa naa
tuchi Dios chiao turã nenei nenei å, i ja que
mbia ucheë andu jaaja jenda.

¹² I jate que mbia u nyuruira eandu ra.
Ndua ndua tuchi que u eandu ra. —Mañi
equia ñee å nde, i nyue. Jesús icuasa mbia
cheë mbuae naa naa mose.

¹³ Emo emo ngue ñee icuã icuã Jesús
icuasa je ra. —Quiacua chõ eriqui nguia å,
i raque Jesús icuasa riï.

Pedro ñee mbia je

¹⁴ Pedro que uã ñee mbia je cote ra. Ngue-
senda once rese que echi uã ñee mbia je ra.
Tasë jiri ñee ee. —¡Seandu ja u jë! Tacheë jëje,
Jerusalén jenda. Judea jenda abe no.

¹⁵ ¿Quiacua rei Jesús icuasa riqui jëje re?
Quiacua eã ño ñene. Tenda que nyu ramote
resë. Mbia quiacuasa eã ño huee tenda resë.

¹⁶ Å nii ngue Joel embesa mbesa cose ra.
Dios cheë mbuchecuaa que embesa å nii
nda. Eï ngue embesa ra:

¹⁷ “Mbae ua jiri mos e ra Espiritu Turã
amondo mbia ja je”, i que Dios ra.

“Jendiirã nda secheë mbuchecua mbia je.

Acuanindu ra serea rea tuchi cuu.

Amei abe ra serea rea cuu no.

¹⁸ Aque mose ra Espiritu Turã amondo ser-
imba ja je.

Serimba ra secheë mbuchecua checua mbia
je.

¹⁹ Mbia mae sayã nda asaã saã ibi ri no.

Eruqui rese ra mbia mae no.

Tata rese ra mbia mae no.

Tatashã ndese ra mbia mae no.

²⁰ Mbia rerecua tu nonde ra tenda ñimoo.

Eruqui rã nda nyasi mbia rerecua tu
nonde”, i que Dios ra.

²¹ “Ndeya eã ño serese, Sererecua”, i mose
emo ñee Dios je, aque ra Dios sirõ
icua si,

i que Joel embesa ra.

²² Israel jenda, ¡seandu rã! Nazaret jenda riï
aico ñee ñee jëje a. Jesús riï. Dios que Jesús
mbuquiracuã tuchi ra. Nyebe que Jesús
mbia mae sayã saã saã nda. Uqui ndese que
jemae nda.

²³ “Mbia icuã nda seriirã iquia”, i que Dios
Jesús mano nonde ra. Jë nguia Jesús jëiquia
tuchi nguia cote. Jë nguia jemee nguia mbia
icuã je. Eiquia nonde. Dios rane ngue
jirandu Jesús rese ra. “Mbia icuã nda Jesús
iquia”, i que Dios quia nyii ra.

²⁴ Dios que Jesús mbuquera si ra. Jesús
mano mbei aroneate.

²⁵ David que Jesús cheë senei cose ra. Å ngue
ñee nda:

Sererecua riqui sembu eã mbei co.

Eriqui bei serese co.

Mbae riqui sembusiquiche aroneâte co.

²⁶ Nyebe seya tuchite riqui co.

Nyebe aico ñee turâte Dios rîi co.

Semano mose abe ra Dios hui eã mbei sesi.

²⁷ Seangué ra eresechayã semano mose, Sererecua.

Serete abe ra erembuquera si mingo.

Ndechesequate aico co.

²⁸ Semingosa tuchi rei nde.

Sereco mose nderese ra seya tuchi,

i que David Jesús cheë nenei cose ra.

²⁹ Tacheë nyecua jêje, Seresenda. Nanderu David que mano cose resê. Mbia que echati resê. Eatisa nandecua ja quia co resê.

³⁰ David rei Dios cheë mbuchecuaasa. Dios que ñee ee ra. “Nderiiri mo nda Cristo. Ae ra mbia rerecurã tuchi. Nderiquicharõ nda mbia rerecubi tuchi”, i que Dios David je cose ra. “Dios ñee ñooñoa tuchi chõ nguiã”, i que David ra.

³¹ David que Dios cheë icuate quia ra. Nyebe que ñee Jesús rîi nda. “Seangué ra eresechayã semano mose. Serete ra erembuquera si mingo”, nyebe David i nguiã Jesús rîi.

³² Dios que Jesús mbuquera si ra. Ûquí ureicua ja quia ã. Nyebe ureico nguiã jembiirandu randu ùquí ndese ã.

³³ Dios que Jesús querao ibate nyiese ra. Dios jii eriqui pee cote. Dios que Espiritu Turã mee Jesús je cote ra. Ucheë nguire que emee ee ra. Jesús riqui Espiritu Turã mondo ure je co. Á Espiritu Turã nyisaã jeñandu ñandu quia ã. Espiritu Turã ndiqui ã mbucheë mbia mo ñee ã.

³⁴⁻³⁵ David osoã ibate aque mose. Jesús rîi ngue David embesa ra. Á ngue embesa ra: Dios que ñee sererecua je ra. “Ecoi sejii. Nde abe ra ererecua serese.

Ae ndeucuyâte quia nae, ùquí je ra ndequirãcuã atecuquia tuchi.

Ndequirãcuã tuchi ra ùquí si”, i que Dios sererecua je ra,

i que David embesa mbesa ra.

³⁶ Jesús jembucha quia ira rese nae, ae si Dios mingo mbia rerecurã co. Ae nandesaarõ arõ nguiã, ae si rei Jesús. Jesús rese tẽirandu ja, Israel jenda, i que Pedro ñee ocote ra.

³⁷ Mbia ia eã tuchite que Pedro cheë andu ra. Ñee ngue Pedro je ra. Pedro resenda je abe. —¿Mañi ure ra equia re? i que Pedro je ra. Jesús chimbaaquiutu ja je.

³⁸ Pedro que echeë sibishorõ nda. —jêicuã si jêhui rã jê! Sã bautizar ure jêje Jesucristo rîi. Dios jêicuã mbutiã sacua. Aquere ra Dios Espiritu Turã mondo jêje.

³⁹ “Espiritu Turã nda amondo jêje. Jendiiri je abe ra amondo. Ishonda je abe ra amondo. Sechiirabo ja je ra Espiritu Turã amondo”, i

que Dios ñee nande je ra, i que Pedro Dios cheë nenei nda.

⁴⁰ Eï ngue Pedro ñee ocote mbia je ra. Ñee turã ngue ee ra. —Mbia icuã achôte eriqui ibi jenda ã. Quiachã ja equia Dios si ã. Ûquí si jêhui chõ. Jê abe jêquiachãyã sacua Dios si, i que Pedro mbia mbaaquiutu ra.

⁴¹ —jAe beite jê! i que mbia tubiriã Pedro cheë andu ra. Ûquí je que bautizar i ra. Aque mose que mbia tres mil Jesús isi ra.

⁴² Ûquí abe que ñumunua nua nguia Jesús quiato ataque rese ra. Jesús chimbaaquiutu ñee ñee mose mbia je. Ñumunua nua ñee Dios je. Eturã mbei que eriqui nyue ra. Mbichae que eu eu quia ndua ndua Jesús rese ra.

Jesús icuasa siqui turã nyue

⁴³ Mbia que siquiche ja Dios si ra. Jesús chimbaaquiutu que Dios mbuquirãcuã nda. Nyebe mbia mae sayã naa naa tuchi nguiã.

⁴⁴ Jesús icuasa que ñumunua nua mbei quia ra. Abei tuchi que eriqui nyue ra.

⁴⁵ Umbae je que eriqui vender i tuchi ra. Mbae isiquia que emee mee nguia mbaecha reã je cote ra.

⁴⁶ Ñumunua nua mbei que equia Dios chuchúaa ra. Quiaru quiaru que equia nyiese uchuchúaa ra. Dios rîi ngue eriqui ñee turã turã nyue ra. Eya tuchi que eriqui Dios rese ra.

⁴⁷ Dios rîi ngue eriqui ñee turã turã nda. Mbia ataque que ñee turã turã nguia Jesús icuasa rîi nda. Jesús icuasa que Dios mbeta mbeta bei quia ra.

3

Ecuatayã mbucherõ

¹ Emo mose que Pedro nyoï quia Dios chuchúaa ra. Juan ndese. Tendã nyesecco mose. Hue tenda bei que mbia riqui ñee ñee Dios je ra.

² Huee que amei mo ngatayã ndiqui bei huee ra. Echaacuquia mosenda bei eiquieï icuã. Mbia que ecuruchoï choi bei quia huee ra. Dios chuchúaa. Eiquesa turã, i que hue eiquesa je ra. Huee que eriqui ecuatayã mii mii mbei eiquesa jii ra. Ache ache i sacua mbia ique mose Dios chuchúaa.

³ Dios chuchúaa nda Pedro ique nguiã Juan ndese chã. Ecuatayã ngue mae erese ache ache i ee ra.

⁴ Pedro que nguesa mbui reã mae erese ra. Juan abe. —jUre rese emae jê! i ecuatayã je.

⁵ Eandu mose que mae erese ra. —Mbae mo nda emee seje reae, i mae nguiatu erese.

⁶ Pedro que ñee ee ra. —Mbae isiquia eã ndaque sembae. Mbae mo nda asaã ndeje. Jesucristo quirãcuã nembucherõ na mbucuata. Ehuã na ngata. Nazaret jenda quirãcuã nembucherõ na, i que Pedro ee ra.

⁷ Pedro que eo isi ra. Mua ngue eo rese ra. Aque mosebe que ei nyerō nda. Eiquieĩ abe nyerō eo isi ruĩbe.

⁸ Ecuatayā ngue juā asi cote ra. Ngata cuata que ra. Ique Dios chuchúaa ũquĩ ndese. Eya tuchi que ra. Oo oo tuchi que ra. Iaañye, i tuchi que equia Dios je ra.

⁹ Mbia que mae ja u ecuatayā ngata rese ra. Ñee turā mose Dios je que mbia nyisaquia u echeē ndese ra.

¹⁰ Mbia que nyuruira u mae erese ra. Mbia que eicua ja ra. —Ecuatayā ño aque re. Ache ache i beite que equia Dios chuchúaa, ae chō co re, i que mbia nyuruira tuchi mae erese ra.

Pedro ñee oco judíos je

¹¹ Embucherō ji que Pedro chiba isi isi quia ra. Juan chiba abe no. Mbia que ngaē ucha mae erese ra. Nyuruira erea. Portal de Salomón, i eiquesa je. Huee que echi ra.

¹² Pedro que mae mbia chumunua ndese ra. Ñee ngue ee ra. —¿Mbaerā jēingo nyuruirate mae erese re, Israel jenda? ¿Mbaerā jēingo nyurui rate mae urerese re? Ure ae eā ño Ecuatayā urembucherō nguiā. Urequirācuā eā Ecuatayā mbucuata nguiā. Dios quiarei uquiracuā mee ee embucherō. Urecuata turā embucherō eā nguiā.

¹³ Dios rei nanderu rerecua bei. Abraham. Isaac. Jacob. Ūquĩ nderecua bei Dios. Dios ñee turā mbei nguiirī nū. Jesús rīī. Ae que jemeē icuā mbia je eiquia sacuā nda. “Jesús tambui”, i mose Pilato, ũquĩ mose que jēisi quiatu quiatu chōchī nguiā.

¹⁴ “Embui”, jenyē eā ñochī ngue Jesús turā nū nde. “Embui”, jenyē chōchī ngue mbia iquiasa rīī nde.

¹⁵ Eī jenyē chōchī ngue mbia mingosa iquia nguiā. Dios que embuquera si ra. Equera si rese que uremae nda. Ā ureico mbia mbiirandu randu equera rese ā.

¹⁶ Ā jengu mae Ecuatayā ndese ā. Jē Ecuatayā jēicuate resē. Jendesa rae que Dios embucherō nda. Ure Jesús ureicuate quia ā. Nyebe Ecuatayā mbuquirācuā nguiā.

¹⁷ Jēaquiatuā ño Jesús jēiquia nguiā, Sere-senda. Jenderecua aquiatuā ño Jesús iquia nguiā no.

¹⁸ Dios quia que ucheē mbuchecuaa mbucheē cose ra. Cristo rīī mbucheē. “Mbia icuā icuā nda Cristo je. Cristo mbasi mbasi rae”, i que embuchecuaa cose ra. Ūquĩ ñee nguire quia Cristo mbasi mbasi nguiā cote.

¹⁹ jēicuā si jēhui chō jē! Jemba rā Dios icha cuti. Dios jēicuā mbutiā sacuā. Eī jenyē mose ra Dios jembiate cote.

²⁰ Dios ra Jesucristo mbuquichi imbu cote. Ae que emīi jenderecua rā cos e ra.

²¹ Namō ño nda Jesús riquichō ibate. Dios mbae mbitirō ja mose ra eru cote. Eī ngue Dios cheē mbuchecuaa ñiinda ñee nda.

²² Nyebe Moisés ñee nguiā nanderu cose ndare je. “Dios ra nanderesenda mo isi. Dios cheē mbuchecuaa sacuā. ĩAe cheē nda jemumba jirichī jē!

²³ Echeē mumbasa ra Dios mbuquiachā nyesi”, i que Moisés ñee nda.

²⁴ Dios cheē mbuchecuaa ja que mbia mbiirandu randu mbae rīī nda. Ae riqui nyecua namo ā cote. Samuel nanē ngue mbia mbiirandu randu ā nū nda. Samuel nduinda ja abe que embiirandu randu ā nū no nda.

²⁵ Jēje chō Dios cheē mbuchecuaa ñee ñee nguiā. “Seturāte ra jendiirī ja je”, i que Dios ñee nanderu ñiinda je ra. Jēje abe Dios ñee. Ucheē nda embuchebi eā. Dios que ñee Abraham je cose ra. “Nderiirī mo nda mbia mbia ja tuchi quia. Ibi jenda ra embia ja tuchi”, i que Dios Abraham je ra.

²⁶ Dios que nguiirī mondo lbii cote ra. Jē nanē je que embu ra. Jembuturā sacuā. Jēhui sacuā jēicuā si, i que Pedro judíos je ra.

4

Ererecua paama i ja Pedro je, Juan abe je

¹ Sacerdotes que ngaē cote ra. Pedro ñee mbei mose mbia je. Juan abe ñee mose ee. Dios chuchua raarōsa abe que tu erese huee ra. Saduceos mo abe que ngaē erese huee ra.

² Ūquĩ paama i ja Pedro je. Juan abe je. Mbia mbaaquiatu quiatu mose chō ngue paama i ra. —Jesús que quera si manonde ra. Eī nda mbia abe quera si, i que Pedro ee nyii ra. Nyebe ũquĩ ndiqui nguiā paama i ee.

³ Nyebe eisi suruchoi nguiā policíaa. Eresaitō ño emingue nguiā tarō. —Isamami nguia nda nandechandu nguiā, i que ererecua nyue ra.

⁴ Mbia tubiriā Dios cheē ñandu erenei nenei mose. Eatate que Jesús icua ra. Jesús icuasa rei cinco mil hombres.

⁵ Isamami ngue mbia tubiriā ñumunua nda. Judíos rerecua que ngaē ñumunua huee ra. Amei abe que ngaē ñumunua erese no nda. Ūquĩ ja que ñumunua Jerusalén nda.

⁶ Anás abe que chí erese ra. Ae rei sacerdote rerecua. Caifás abe que chí erese ra. Juan abe no. Alejandro abe no. Sacerdotes nducucha ja que chí ñimbaacua ra.

⁷ Pedro que emīi mbia ite re ra. Juan ndese. Mbia ñee ee cote. —¿Aba jembirācuā nde? ¿Aba jembirācuā nguia ecuatayā mbucuata nonde re? i que ee ra.

⁸ Espiritu Turā ngue Pedro mbucheē cote ra. —Tacheē jēje, mbia rerecua. Tacheē jē abe je, Amei.

⁹ “Ecuatayā ndese urembiirandu rā”, jenye chō nguia ure je ā. “¿Aba jembirācuā ecuatayā mbucherō nonde re?” jenye chō nguia ure je ā.

¹⁰ Tacheē nyecua jēje. Sā mbia ureandu ja. Sā Israel jenda ureandu ja. A ecuatayā embucherō ji riqui jendesa rae a. Jesucristo quirācuā nguiarei embucherō. Aque sí quirācuā ño ñene. Ae jēiquia. Ae jembucha ira rese. Ae Dios mbuquera si. Aque quirācuā ño ñene. Nazaret jenda quirācuā.

¹¹ Ihuaē nandechirirō na ño Jesús re. Sañi nandeco mae mae ihuaē nandechirirō ndese no. “Aque chō ndei que eturā nda”, sañi nandeco erirō i no. Eñ nyee ra mbia Jesús ndichā i no. Mbia ra eisi tuchi nguerecuarā cote. Jesús momboi isi. Eisire rocōi nyii.

¹² Aba mo eā ndei nanderirōsa nandeicuā si. Jesús ae nanderirō nguia nandeicuā si. Dios aba mo abe mbu eā nguia mbia rirō sacua huicuā si. Jesús ae ñene, i que Pedro ra.

¹³ Mbia rerecua nyuruira Pedro cheē andu. —¿Mbaerā eriqui siquicheāte ñee nde? Papel ndesenda eā ndaque. Mbia ataque rā ño ndaque, i que ererecua nyue ra. Pedro rii. Juan nii. —Jesús resenda quia eriqui reaē. Nyebe eriqui siquicheāte ñee nde, i nyue cote.

¹⁴ Hue que embucherō ji riqui huee ra. Nyebe mbia rerecua ñee icuā aroneate eri.

¹⁵ Ererecua ñee ja cote. —Sā Pedro choi usē taicuee. Juan abe no. Nandechē nandechue nande ae, i que ererecua nyue ra.

¹⁶ —¿Mañi nande ra Pedro je re no? ¿Mañi nande ra Juan abe je re no? Pedro chimbucherō ndese mbia riqui jirandu randu jate ā. Jerusalén jenda riqui jirandu randu jate ā no. “Mbucherōā ngue ra”, nande aroneate.

¹⁷ Nandembusiquiche rā no. Ñee ñee siā nda equia Jesús rii ña. Mbia nda jiranua nguia mámbii chā. Jesús rese chā. “¡Jesús cheē nda jēsenei senei sichi jē!” nande rā ee, i que ererecua nyue ra.

¹⁸ —Jenyu, i Pedro je cote. Juan abe je. —¿Mbia ra jembaaquiatuchi Jesús rii jē! ¡Jesús ra jēsenei seneichi mbia mo je jē! i rei que ee ra.

¹⁹ Pedro que echeē sibishorō nda. Juan ndese. —¿Aba cheē nguia ra aba mumbayā nguia re? ¿Jeñee nguiatu ra aba mumbayā nguia re? Dios cheē aba mumba aroneate. ¿Jēje re?

²⁰ ¿Mañi nda aba umaesa reneiā nde? ¿Mañi nda aba uchiandu abe reneiā ne no? i que Pedro ee ra. Juan abe.

²¹ Ererecua ñee icuā Pedro je. Juan abe je. —Nandembusiquiche nandechesi, i raque. Hui chō ngue esi cote ra. Embasiā

mondo cote. Ererecua ireite mbia tubiriā si. Nyebe eiruā nuā eā nguia. Pedro ecuatayā mbucherō mose mbia ñee turā turā ño nguia Dios rii neaē. Nyebe ererecua ireite riqui nguia esi.

²² Ae Dios mbucherō nae, aque amei. Cuarenta años que ae ra.

Urembusiquicheā, i equiato Dios je

²³ Mbia rerecua hui ja Pedro si. Juan abe si. Nyoi nguesenda mbiirandu ja mbia rerecua cheē ndese. Amei ñee ndese. Sacerdotes cheē ndese. Nguesenda mbiirandu ja.

²⁴ Eresenda eandu mose que ñee ja Dios je ra. Ñee nyecha ee. —Dios, urererecua tuchi nde. Nde rei mbae aosa. Ibei aosa. Ibi aosa. Ama abe aosa no.

²⁵ Sā David erembucheē nderimba cose no. Sā eñ erembucheē no:

¿Mbaerā ño mbia pare pare i ja re?

¿Mbaerā mbia riqui ndua ndua chōñote mbae mo ndese re?

²⁶ Ibi jenda rerecua ja rei eicuā Dios je.

Mbia rerecua ja ñumunua icuā Dios je.

Ñumunua icuā ja eriri abe je no. Cristo je, sā David i cose no.

²⁷ Eñ si tuchi mbia rerecua quia ñumunua icuā Jesús je co. Nderiiri turā je co. Herodes. Poncio Pilato. Judíos. Judíos eā abe no. Ūqui ja que siqui icuā icuā nguia Jesús je ra. Ndechiirabo raque Jesús.

²⁸ Eñ ere que ñee cose, eñ si eicuā nguia ā namo.

²⁹ Echiisaquia echeē icuā ndese, Urererecua. Nandembusiquiche, i tuchi equia ure rii ā. Urembusiquicheā na, Urererecua. Urembusiquicheā ndecheē nenei nenei sacua.

³⁰ Ndequirācuā embu ure je. Mbia rasi mbucherō cherō sacua. Mbia mae sayā naa naa sacua. Jesús rii. Nderiiri turā nii, i que Pedro resenda ñee nyecha Dios je ra.

³¹ Ñeende Dios je que ibi nyere ee ra. Ñumunuaśaa que ibi nyere mbia je ra. Espíritu Turā ngue ique tuchi echiangui re ra. Esiquicheāte que mbia mbiirandu randu Dios cheē ndese cote ra.

Jesús quiato abeichiā eā

³² Hue rii ja Jesús icuasa ndua ndua checha. Eicuasa tubiriā. Ndua ndua ja. —Sembae ae chō co re, i eā emo umbae je. —Nandembaerā ja chō ā nde, i umbae ja je nyue.

³³ Jesús chi mbaaquiatu que mbia mbiirandu randu tuchi Jesús quera resera. Jesús que uquirācuā mee mee nguia uchimbaaquiatu je ra. Dios que siqui tuchi erese ra.

³⁴⁻³⁵ Mbae tiā eā ngue eriqui Jesús icuasa mo je ra. Tuchuacha que vender i jaaja uchuchua je ra. Ibicha abe que vender i

jaaja umbae ibi je no nda. Mbae isiquia que emee mee Jesús chimbaaquiato je cote ra. Jesús chimbaaquiato que emee mee mbaecha reã ja je cote ra. Nyebe mbae tiã eãte riqui nguã emo je. Jesús quiato mo je.

³⁶ Sã José no. Bernabé, i Jesús chimbaaquiato José je. Mbia mbiasa, i chõ nguã Bernabé i. Ae rei Chipre jenda. Levita mo ngue ae ra.

³⁷ Ae rei ibicha. Ibi umbae je que vender i ra. Mbae isiquia que emee Jesús chimbaaquiato je cote ra.

5

Ananías ñee ñoño

¹ Ananías, i que emo je ra. Safira, i que eninisi je ra. Ûquí ngue vender i ibi mo je ra.

² —Mbae isiquia ataque nandembuchimi nandembaerã, i nyue. Eataque que emee Jesús chimbaaquiato je cote ra. Eninisi abe que eicua ja ra.

³ Pedro que ñee Ananías je ra. —¿Mbaerã Satanás ndiqui ique ndechiangui re re? ¿Mbaerã erecheẽ ñoño Espírito Turã je re? ¿Mbaerã ño mbae isiquia ataque erembuchimi nde? ¿Mbaerã ño ibi ribishoronda erembuchimi nde?

⁴ ¿Mbaerã ño ere? Ibi rei nembae vender i nonde. Mbae isiquia abe rei nembae. Mbia je rocoĩ erecheẽ ñoñochoĩ nde. Dios je chõ erecheẽ ñoño nguã, i que Pedro ra.

⁵ Ananías eandu mose que esi ngoi mano nda. Eandusa que siquiche ja ra.

⁶ Acuanindu mo ngue ngaẽ eraaque uma nda. Nguuchoi que nyati ra.

⁷ Emo mose jiri que mano je ninisi ru ra. Tres horas. Jiranuãte que ngu rese ra.

⁸ Pedro que ñee ee ra. —¿Manya rei ibi ribishoronda re? ¿Nderu ibi ribishoronda queru ja rei re? i que Pedro ee ra. —Ae. Ûquí ja chõ nyeresẽ, ichõ ño nguue eninisi Pedro je ra.

⁹ Pedro ñee ee cote. —¿Mbaerã ere? ¿Mbaerã jendua nduachĩ ùquí ndese re? Jeñee ñoñochoĩ nguã Espírito Turã je. Ae nderu curuchoi nyati nae, ùquí nyi nderaarõ arõ a. Eiquesa ji a. A ecuaẽ ndererao sacuaã a, i que Pedro ee ra.

¹⁰ Pedro cheẽ mose tuchi que esi ngoi mano nda. Ngu rã si. Pedro resa rae mano. Acuanindu que ique ja eraaque rea ra. Nguuchoi que nyati ra. Eru atiquia jii que eruchoi nyati ra.

¹¹ Jesús icuasa que siquiche jate ra. Eandusa abe que siquiche jate no nda.

Mbia mae sayã

¹² Jesús chimbaaquiato que Dios quirãcuã teacuquia cuquia mbia je ra. Mbia mae sayã ngue esaã saã nguia mbia je ra. Milagros, i que ùquí je ra. Jesús icuasa que ñumunua nua

ja quia eiquésaa ra. Portal de Salomón, i que eiquesa je ra.

¹³ Jesús icuasa rĩ ngue mbia ñee turã ja quia ra. Mbia ataque que siquichete ra. Nyebe ñumunua eã nguã ereese.

¹⁴ Jesús icuasa tubiriãt e que cote ra. Hombrës tubiriã. Mujeres abe tubiriã no.

¹⁵ Erasi abe que mbia curuchoi choi quia ñeenda jie ra. Huee que eriqui eno eno ngua ye ra. —Sã Pedro aĩ ño ubi ubi erasi rese, i que mbia ñee Pedro ucua mose ra.

¹⁶ Jerusalén ndurubinda abe que ngaẽ ngaẽ nguia ra. Erasi rurucuaẽ cuaẽ Jerusalén. Aba checuayã nyireco abe que ecurucuaẽ cuaẽ nguia ra. Dios que embucherõ cherõ ja quia ra.

Jesús quiato tarõ policíaa

¹⁷ Sacerdote rerecua que paama i ra. Sacerdotes mo abe que chi erese ra. Ûquí abe que paama i no nda.

¹⁸ Nyebe que Jesús chimbaaquiato isi icuã nda. Tarõ ngue policíaa ra.

¹⁹ Isa que ibatenda mo nguichi ee ra. Angel. Etaronda que embuquiata ra. Jesús chimbaaquiato que equerao itaicuee ra. Ñee nonde ee.

²⁰ —Dios chuchúaa jëso. Mbia je mbiirandu randu tuchi Dios cheẽ ndese. Dios cheẽ ndei aba mingosa. Aque rese mbia jembiiirandu randu, i que ibatenda Pedro je ra. Juan abe je.

²¹ Jesús chimbaaquiato eandu mose que ehoi Dios chuchúaa ra. Mbia mbaaquiato quiato que ehoi ra. Isamamimbe cote. Isamamimbe ehoi mbia mbaaquiato. Sacerdote rerecua que “jenyu” i mbia rerecua ja je ra. Sacerdote resenda abe. Amei je abe ñee. Ñumunua ja u nyiese. Ñee ngue policíaa raarõsa je cote ra. —Jëso policíaa. Jesús chimbaaquiato jendu rã ure je, i rei que ee ra.

²² Ecuasẽ mose policíaa que Jesús chimbaaquiato oreã ño ee ra. Ae nyebi chõ ecuaẽ nguã sacerdote rerecua mbiirandu. Ñee ee.

²³ —Puerta ãtã ngue chĩ ndei nguã ure je. Soldados ngue chi rei nguã itaicuee. Eraarõ ndaque. Ureequia rei ngue re. Eoreã ngue ra. Jesús chimbaaquiato oreãte que ure je ra, i que ra.

²⁴ Sacerdote rerecua que nyuruira eandu ra. Dios chuchua raarõsa abe nyuruira eandu. —¿Mañi mañite equia re? i que u ñee ñee nyue ra.

²⁵ Emo ngue tu ñee ee cote ra. —Huee que jenyitarõ nyi Dios chuchúaa ra. Mbia mbaaquiato quiato, i que embiiirandu ra.

²⁶ Eandu mose que Dios chuchua raarõsa nyoi erea ra. Nguenda rese ehoi erea. Curucuaẽ ja nguerecua je. Curucuaẽ turã.

—Mbia tubiriã nda sita mombo mombochĩ nande je, i ñene. Nyebe eicuã eã ee.

²⁷ Jesús chimbaaquiato que erecuruaẽ mbia rerecua je ra. Sacerdote rerecua que ñee ee cote ra.

²⁸ —“¡Mbia ra jembiiirandu randuchĩ Jesús rese jê!” ure rei que jêje. Urecheẽ jemumba chõchĩ. Jerusalén jenda ja jembiiirandu randu chõchĩ nguiã. “Jesús iquiãsa chõ ùquí nde”, jjenyechĩ nda ure rĩ jê! i que sacerdote rerecua Jesús chimbaaquiato je ra.

²⁹ Pedro que echeẽ sibishorõ nda. Nguesenda rese echeẽ ndibishorõ. —Dios cheẽ nguiã aba mumba aroneate nguiã. Mbia cheẽ nguiã nda aba mumba jiri nguiã ña.

³⁰ Jê nguiã Jesús jembucha nguiã ira rese. Eiquia sacua. Dios que embuquera si ra. Nanderu rerecua que embuquera si ra.

³¹ Dios que nguiã mingo mbia rerecuarã tuchi cote ra. Ujii bei que emingo ra. Mbia rerecuarã. Mbia rirõ sacua eicuã si. Israel jenda mbui sacua huiicuã si. Dios eicuã mbutiã sacua esi.

³² Ùquí ndese que uremae ja ra. Nyebe ureico nguiã mbia mbiirandu randu ã. Espiritu Turã abe mae ja erese. Nyebe a e abe riqui nguiã mbia mbiirandu randu co. Dios quia Espiritu Turã mee mee nguiã ucheẽ mumbasa reã je, i que Pedro ra.

³³ Ererecua que paama i ja Pedro cheẽ mose ra. Nyebe eriqui nguiã eiquia ja serite.

³⁴ Fariseo mo abe que chĩ erese ra. Gamaliel, i que ee ra. Ae abe que ererecua ra. Mbia chiucua jat e que ae ra. Mbia mbaaquiato quiatusa que ae ra. Dios cheẽ nenei neneisa que ae ra. Ae que juã ñee nda. —Jesús chimbaaquiato jemondo mbiiri conosẽ itaicuee, i que ra.

³⁵ Ñee ngue ererecua uataque je cote ra. —Tacheẽ jêje, Israel jenda. ¿jendua tuchi jê! jêocochĩ nda Jesús chimbaaquiato rese jê!

³⁶ ¿Teudas si jêtesarei re? ¿jendua eãte quia erese re? Teudas quiato ucuasu saã saã nguiã resẽ. Erimbarã tubiriãte chee. Cuatro cientos chee erimba. Mbia Teudas iquia chee. Teudas mano nyee. Erimba que sasei sasei ja chee. Erimba que ua ja ra.

³⁷ Aquere que Judas abe riqui ra. Galilea jenda. Censo mose. Mbia que siqui jate erui no nda. Erimbarã. Ae abe que mano cote ra. Erimba abe que sasei sasei nda. Erimba que ua ja no nda.

³⁸ Nyebe ã jêteachõ. Jesús chimbaaquiato jêteachõ. Sã ae ae quia ua, Dios siquiã mose erese.

³⁹ Dios quirãcuã siqui mose erese ra nandesiquisã aronea. ¿Mañi nande ra eriquisã nde? ¿jesús rimba nandeteachõ ño jê! Dios quirãcuã nguiã siqui rei erese. Dios je ra nandeicuã abareãte, i que Gamaliel ra.

⁴⁰ Gamaliel cheẽ ndui si chõ ngue ererecua siqui ja nguiã cote. —Jenyu, i nguiã Jesús chimbaaquiato je cote. Iruã nua cote. — ¡Mbia je ra Jesús cheẽ jêseni senei sichĩ core jê! i rei que ee ra. Ererecua que hui esi cote ra.

⁴¹ Jesús chimbaaquiato que nyoĩ mbia rerecua recha cote ra. Eyate que nyoĩ ra. — Jesús rĩ ño ureiruã nua nguiã, i que ra. Eya tuchi chõ ngue ra.

⁴² Mbia que embaaquiato quiato bei ra. Jesucristo rĩ mbia mbiirandu randu bei. Mbia chuchua que embuchesea sea quia mbia mbiirandu randu Jesús rĩ nda. Dios chuchúaa abe mbia mbiirandu randu.

6

Mbia siete irabo mbia mbuquiaru sacua

¹ Jesús quiato tubiriãte que cote ra. Ae griego cheẽ saã nguiã, ùquí ngue paama i ra. Ae judío cheẽ saã nguiã, ùquí je que paama i ra. Jesús quiato ja raque. —Uresenda eru cheecha ja ngue jembuquiaru icuã icuã ñochĩ nguiã, i que griegos judíos je ra.

² Nyebe Jesús quiato rerecua mbia munua nguiã. Jesús quiato munua ja. Ñee sacua ee. —Á ureico Dios cheẽ nenei nenei mbei mbia je ã. Urehui aronea tuchi quiarei Dios cheẽ si. Mbia urembuquiaru quiaru aroneate. Dios cheẽ nenei nenei ndocõ.

³ Nyebe Jesús quiato siete chõ jêirabo. Mbia mbuquiaru sacua. Mbia chiucua siete chõ jêirabo. Hombres aracua chõ jêirabo. Espiritu Turã ndesenda tuchi chõ jêirabo. Sã ùquí ño mbia mbuquiaru quiaru quiaru.

⁴ Ure quiato ra urecheẽ mbei quia Dios je. Ure quiato ra Dios cheẽ uresenei senei mbei quia mbia je, i que Jesús quiato rerecua ra.

⁵ —Coche ñene, i jat e que Jesús quiato ra. Nyebe que siete irabo ra. Esteban irabo. Ae rei Jesús quiato tuchi. Ae rei Espiritu Turã ndesenda tuchi. Felipe. Prócoro. Nicanor. Timón. Parmenas. Nocolás. Ùquí ja que eirabo ra. Nicolás ndei Antioquía jenda. Judío eã ngue ae ra.

⁶ Curuchoi ja que Jesús quiato rerecua je ra. Jesús quiato rerecua que o chono ñono ja ùquí ãquí arõ nda. Ùquí siete ãquí arõ. Ñee ngue Dios je cote ra.

⁷ Mbia tubiriã ngue Dios cheẽ isi isi quia ra. Jesús quiato tubiriã tuchi que mbia Jerusalén jenda cote ra. Sacerdote tubiriãte abe que Jesús quiato cote ra.

Mbia icuã tuchi Esteban je

⁸ Dios que siqui tuchi Esteban ndese ra. Dios quirãcuã ngue siqui tuchi erese ra. Nyebe eriqui nguiã mbia mae sayã naa naa tuchi mbia je.

⁹ Mbia emo emo ngue paama i Esteban je cote ra. Esclavos Libertados, i que mbia chumunuasa mo je ra. Hue jenda que

paama i ee ra. Cirene jenda abe no. Alejandria jenda abe no. Cilicia jenda abe no. Asia jenda abe no. Ūquĩ jate que paama i Esteban je ra.

¹⁰ Ūquĩ ngue Esteban ñee sobeishĩ aroneate quia ra. Espĩritu Turā nguia Esteban mbaaracuate nguĩ. Espĩritu Turā nguia Esteban mbuch eẽ aquiatute nguĩ. Nyebe ūquĩ ndiqui Esteban ñee ndibishorõ aroneate.

¹¹ Paama isa que mbae isiquia mee mbia mo je ra. Ñee ñooño nonde Esteban nĩ. — Esteban ngue ñee icuãte Moisés rĩĩ nda. Esteban ngue ñee icuãte Dios rĩĩ no nda, ichõĩño nonde Esteban nĩ.

¹² Ñee ñooño je que mbia mbĩcuãte Esteban je ra. Amei abe mbĩcuãte Esteban je no. Embesasa abe mbĩcuãte Esteban je no. Nyebe mbia Esteban isi suruchoi nguĩ ererecua je.

¹³ Ñee ñooño je que ñee icuã si Esteban nĩ huee no nda. — ¡Esteban ngue ñee icuã icuãte quia Dios chuchua rĩĩ nda jẽ! ¡Dios cheẽ nĩ abe que Esteban ndiqui ñee icuã icuãte ra jẽ! ichõĩño Esteban nĩ.

¹⁴ — ¡Esteban ñee ngue urechandu ra jẽ! “Jesús ra Dios chuchua mbucoi. Moisés cheẽ nda Jesús mbutiã”, ¡i que Esteban nda jẽ! ique ñee ñooño ererecua je ra.

¹⁵ Mbia que mae ja u Esteban ndese cote ra. Ererecua abe que mae ja u erese ra. Ibatenda nduba rã tuchi quiarei Esteban. Eruba nininya tuchi quiarei ūquĩ mose.

7

Esteban ñee mbia je

¹ Sacerdote rerecua que ñee Esteban je cote ra. — ¿Mbia ñee ñooño nguia nderĩĩ nde? i Esteban je.

² Esteban ngue ñee oco ee cote ra. — Tacheẽ jẽje, Seresenda. Tacheẽ jẽje, Amei. Dios Turā ngue nyecua u nanderu Abraham je ra. Abraham siqui mose Mesopotamia. Oso nonde Harán.

³ Dios que ñee Abraham je ra. “Ibi mo nguia eso. Nderecua esecha. Nderesenda abe esecha ja. Ibi mo tateacuquia ndeje. Huee eso rã. Huee quia tereico”, i que Dios ee ra.

⁴ Abraham ngue oso nguecua recha ja ra. Ibi Caldea recha ja. Oso ibi mo. Harán, i que hue ibi je ra. Emo mose que eru mano ee ra. Aquere que Dios Abraham ndurucuaẽ aa ra. A nandeico a. Aa que erurucuaẽ nda.

⁵ Dios que ibi mo mee eã Abraham je ra. Ibi boque ñetẽ mo mee eã tuchi ee. “Ibi tamondo nderiirĩ mbaerã. Ndetiã mose ra amee nderiirĩ je”, i que Dios ee ra. Abraham nguiirĩ ndea eã mose qu e Dios ñee ee ra.

⁶ “Nderiirĩ nda siqui ja rei mbiamo ndese. Ndetiãmbaa. Mbiamo ndẽcuaa ra eriqui bei.

Mbia icuã tuchi ra eriqui nderiirĩ je. Mbia rimbarã nda nderiirĩ. Cuatro cientos años nda eriqui mbia rimbarã”, i que Dios Abraham je ra.

⁷ “Nderiirĩ mbuquiei quieisa ra ambasi mbasi. Ūquĩ mos e ra nderiirĩ cuaẽ usẽ aa. Aa ra ñee ñee turã seje aa cote”, i que Dios ra.

⁸ Dios que ñee Abraham je ra. Abraham ngue Dios cheẽ ñanduchõ eã nda. Nyebe Dios circuncisión ndeacuquia Abraham je cote. Erãcoĩ ire ai o ji je chõ eriqui nguĩ circuncisión, i ūquĩ je. Dios cheẽ si embutesareĩ sacua ndei circuncisión. Nyebe Abraham circuncisión saã nguiirĩ je. Eitãquiei mose. Ocho días mose. Isaac, i que eririĩ je ra. Isaac cuasu mose que ae abenguiirĩ tea ra. Jacob, i que eririĩ je ra. Isaac abe que circuncisión saã nguiirĩ je no nda. Embutesareĩ sacua Dios cheẽ si. Jacob abe que nguiirĩ tea ecuas mose ra. Ae abe que circuncisión saã nguiirĩ je no nda. Doce eririĩ. Ūquĩ ndei nandei cose.

⁹ José, i que Jacob ririĩ mo je ra. José nongue que paama i ja José je ra. Nyebe José mee nguĩ mbia rimbarã cote. Mbia que José isi suruchoi Egíptoo ra. Huee ab e que Dios riqui tuchi José rese ra.

¹⁰ Mbia icuã mose José je, huee que Dios riqui eraarõ tuchi ra. José ia eã eãte que eriqui ra. Dios embaaracua tuchi. Nyebe mbia rerecua turãte riqui nguĩ ee. Faraón, i Egipto jenda rerecua je. Ererecubi tuchi que José riqui ra. Nyebe emingo nguĩ ererecuarã. Egipto jenda rerecuarã. Nyebe emingo nguĩ uchuchua jenda rerecuarã.

¹¹ Emo mose jiri que mbae tiã mbia je ra. Mbia chiurã tiã ngue Egíptoo ra. Canaán abe mbia chiurã tiã. Nandei riãcua ja que eriqui cose ra.

¹² Quiata a mbuae que Egíptoo ra. Jacob jirandu mose que nguiirĩ mondochoi erea ra. “Nandechiurã mo jẽisi rã oso”, i que emondochoi Egíptoo ra. Aquere ramõ tuchi que eririĩ nyoĩ Egíptoo ra. Jacob ndiirĩ ndei nandei ja.

¹³ Aquere que echoi si uchiurã ndea ra. Aquere mose chõ ngue José nyecua nguĩ ngõngue je cote ra. Nyebe e Faraón José nongue icua nguĩ cote.

¹⁴ José que ngõngue mondochoi ngu rea cote ra. Jacob, i que eru je ra. “Nanderu jendu rã. Jeninisi abe jendu rã. Jendiirĩ abe jendu rã”, i que José ee ra. Curucuaẽ ja que ra. Setenta y cinco que mbia ra.

¹⁵ Eĩ ngue Jacob oso siri Egíptoo ra. Huee que eriqui bei ra. Mano nyee. Nandei ja abe que chi bei huee ra. Mano nyee.

¹⁶ Emo mose que mbia Jacob quiangue ruruchoi Siquem nda. Ibicua rie que eno huee ra. Ae Abraham isi ibi nyiĩ, huee

que equiangué no nda. Huee que nandei quiangué no nda. Ae ibi Abraham isi quia Hanor ndiirí si nae, huee que equiangué no nda.

¹⁷ “Cuatro cientos años nda nderiirí nyi bei Egíptoo. Aquere Ibi Canaán tamee ee”, i quia Dios Abraham je nyii reaē. Cuatro cientos años ua jiri mose que nandei tubiriâte cote ra.

¹⁸⁻¹⁹ Aque mose que emo Egípto jenda rerecua rã cote ra. Ae que jiranuã José rese ra. Nyebe ngue eriqui nguiã nandei mbiirí irí. Eicuã tuchi que eriqui nandei je ra. “Jendiirí itãquieí jêsecha chõ. Sã ae ae mano ja”, i que ererecua nandei je ra.

²⁰ Aque mose que Moisés nyaacuquia ra. Diosbi tuchi que Moisés ra. Nyaacuquia ramo mose. Tres nyasi que esi embutiãrõ nyecuayã nda. Mbia rerecua si. Eru abe siqui embutiãrõ nyecuayã. Eitãquieí mose.

²¹ Nguereco checuayã aroneate chee que ra. Nyebe ererecua riirí ngasē nguiã ee. Isi turã ngue ra. Mbutiãrõ ngue nguiirina nda. Nyucuaaque que ererecua riirí nda. Ae que Moisés itãquieí mbutiãrõ cote ra.

²² Nyebe Moisés mbaaquiatu tuchi nguiã Egípto jenda rã si. Earacua tuchi que ecuasu mose cote ra. I tuchi que ra.

²³ Moisés que ndua tuchi uataque rese cote ra. “Taso rã israelitas rea”, i que cuarenta años mose cote ra.

²⁴ Oso que cote ra. Egípto jenda mo icuã icuã mose israelita mo je que Moisés si ngasē nda. Moisés que esiquisã nda. Iquia que ra. Egípto jenda iquia que ra.

²⁵ Moisés que ñee uchiangui re ra. “Sere senda ra seisi turã. Seicuate rae. ‘Dios chimbu chõ tu nguiã co. Urerirõ sacua a sí’, i ra seresenda seri?”, i rei ngue Moisés uchiangui re re. Eresenda que eisiã ñochi nguiã.

²⁶ Isamami nongue que israelitas mo icuã icuã nyue ra. “Tacheē turã ee. I nda eturã si nyue”, i rei que Moisés ra. “¿Mbaerã jêicuã icuã ndiqui jenyue re? Nande ja chõ nyeresē”, i que Moisés ee cote ra.

²⁷ Ae rane eicuã icuã ndiqui nyue nae, aque que ñee icuã Moisés je ra. Moisés maña mondo. “¿Aba nemingo ererecuarã nde? Urereachõ ño ae”, i que ñee icuã Moisés je ra.

²⁸ “Ae ereiquia curi, ¿aque rã si ra seiquia re?” i que ñee icuã Moisés je ra.

²⁹ ã andu mose que Moisés si uchã nda. Ibimo. Madián, i que ibimo je ra. Huee que eriqui arete ra. Nguiriirí nyeremo ngue etea huee ra.

³⁰ Huee que eriqui arete ra. Cuarenta años. Emo mose que esi turuquia rã nda. Ibi ibate jii que eriqui ra. Sinaí, i que hue je ra. Huee que ira ruri riqui sendi ee ra. Tata rendi mbirõ ngue ibatenda mo nyecua ee

ra. Angel que nyecua Moisés je ra. Ira ruri rendi ite re que nyecua ee ra.

³¹ Moisés que nyuruira tuchi erea ra. Erurubi que mae tuchi erese cote ra. Dios que ñee ee cote ra.

³² “Dios chõ se re. Ndei rerecua chõ se re. Abraham nderecua. Isaac abe rerecua no. Jacob abe rerecua no. Uqui nderecua ja chõ se re”, i que Dios ra. Moisés que titi titi i ra. Siquichete que mae ndocoí erese ra.

³³ Dios que ñeembe ee ra. “Ndeiyao esirõ na. Seturã ño se re. Sésaa ndeiyao esirõ.

³⁴ Serimba rese aico mae mae mbeite Egíptoo co. Mbia icuã tuchite ee. Mbia embasi mbasi beite. Amae mae mbeite que erese ra. Echeseo seo rese que aico mae mbei ra. A achu erirõ sacua a. Tasirõ eicuã si cote. Eso Egíptoo. Taremondo Egípto cote”, i que Dios Moisés je cote ra.

³⁵ Dios que Moisés mingo mbia rerecuarã cote ra. Mbia rirõ sacua Egípto si. Mbae icuã si. Mbia que Moisés isi sereã nea nyii ra. “¿Aba nemingo urererecuarã nde?” i que mbia Moisé je nyii ra. Uqui si je que Dios Moisés mondo si ra. Ererecuarã. Dios que tata rendi ite renda mbucheē Moisés je ra.

³⁶ Moisés que mbia mae sayã saã saã nguiã nandei je ra. Mbia mae sayã tubiriâte que esaã saã nguiã ra. Moisés que mbia curuchoi Egípto si cote ra. Curuchoi que Ama Iréi ndasa ra. Moisés que mbia quereco bei turuquia rui ra. Cuarenta años. Mbia mae sayã tubi riâte que esaã saã nguiã ra.

³⁷ Amei mose que Moisés ñee mbia je ra. “Dios ra jemo irabo ucheē mbuchecua sacua jêje. Seraanguia si ra eirabo. ¡Aque cheē nda jemumbachí jêl!” i que Moisés israelitas je ra.

³⁸ Moisés bei chõ ngue ererecua ra. Moisés bei chõ ngue nandei quereco quia turuquia rã ndesē. Ae je chõ ngue ángel ñee ndesē. Mbia chununua mose Ibi Ibate Sinaí. Ibatenda mo ngue ñee ñee u Moisés je ra. Moisés que ñee ñee nandei je cote ra. Ibatenda cheē mbuchecua ee. Mbia mingosa cheē nenei nenei mbia je. Nandei je.

³⁹ Nandei que Moisés cheē ñandu sereâte quia ra. Echeē mumba mumba. “Nyaso rei nyebi Egípto ae”, i que equia ra.

⁴⁰ Nandei que ñee ñee Aarón je ra. Moisés cutiã ngue ñee ñee ee ra. “Mbae raanguia mo esaã jiri ure je ae. Imagen. Urererecuarã. Ae je nda ureico ñee ñee jiri chã. Ae nda urererao Egíptoo chã. Moisés tiãte ure je cote. Ae urereru Egípto si. Maranguti chõ esi urerecha”, i que mbia Aarón je ra.

⁴¹ Nyebe que Aarón ticuasú raanguia rã ee ra. Imagen. Nandei que mbae iquia iquia ticuasú raanguia je ra. Eroo que emii ticuasú raanguia jii ra. Mendi que ee cote

ra. Mbia ia tuchi que uchiao rese cote ra.

⁴² Ūquí icuã tuchi que Dios je ra. Nyebe Dios hui nguiã nandei si cote. Nandererecua, i chõchĩ mbia tenda je cote. Nyasi je abe no. Nyasi tata je abe no. Ūquí je chõ mbia riquichĩ ñee ñee. Ūquí mose que Dios ucheẽ mbu cote ra. Dios cheẽ mbuchecuaa que Dios cheẽ senei senei mbia je ra. Co rei embesa ji co:

Israelitas, ¿aba je jẽingo mbae roo mendi mendi cose re?

Jẽingo mose turuquia cuarenta años mose. ¿Seje chõ jẽingo mbae roo mendi mendi cose re?

⁴³ Tei. Seje eã ñene.

Jenyiao je chõ jẽingo mbae roo mendi resẽ. Tuchua ñetẽ jendaso raso bei chõchĩ.

Mbae aingue raanguia resebe. Moloc, i ee.

Aque je chõ jẽingochĩ nguiã ñee ñee.

Seje ñee ñee ndocõi.

Nyasi tata je abe jẽingochĩ nguiã ñee ñee.

Nyasi tata rei Refán mbae.

Mbae raanguia jenyiao je abete que jẽingo ñee ñee nda.

Nyebe ra jaemondo jembae ibi si.

Babilonia ndobei ra jaemondo.

Mbia rimbarã nda jaemondo,

i que Dios nandei je cose ra.

⁴⁴ Nandei que chi arete turúquiaa ra. Aque mos e que nandei riqui tuchia rurucuata bei cose ra. Mbae ire que tucharã cose ra. Aque tuchiaqui re que mbia riqui ndua ndua Dios rese ra. Dios que tuchia nyao uquia Moisés je ra. “¡Eĩ ere chõ eao jẽ!” i que Dios Moisés je ra. Dios cheẽ ndui si tuchi que Moisés eao ra.

⁴⁵ Moisés manonde que Josué nandei rerecua cote ra. Ae que nandei curuchoi turuquia si cote ra. Ngasẽ nonde ibi mo je. Dios chimee, hue ibi je que ngasẽ cote ra. Nandei que guerra saã saã hue jenda je ra. Dios que mbia mombo ja hue jenda ra. Aque mose que nandei riqui tuchia ruruchoi bei ra. Tuchua, i chõ nguiã mbae ire ao ji je. Aque tuchia que equereco bei quia ra. David abe mbia rerecua mose.

⁴⁶ Dios que siqui tuchi David rese ra. David que ñee ee ra. “Tuchia cuaso tasaã ndeje”, i rei ngue David Dios je re. Jacob nderecua rei Dios.

⁴⁷ David ndiirĩ nguiatu que tuchia saã Dios je ra. Salomón, i que eririĩ je ra.

⁴⁸ Mbia rá eã ndei Dios. Dios siquiã tuchi chõ nguiã tuchiaqui re. Mbia chiaoqui re. Dios cheẽ mbuchecuaa que Dios cheẽ saã nda:

⁴⁹ Se quia ererecua tuchi re.

Ibatenda rerecua abe rei se.

Ibi jenda rerecua abe rei se no.

¿Mañi nda mbia sechucharã ao re?

Equi re ra aicoã ndesẽ.

⁵⁰ Se quiatu que mbae achao ja resẽ,

i que Dios nandei je ra.

⁵¹ Jeñia icuã ñochĩ. Jẽisayã ñochĩ. Espiritu Turã jẽisiteã teã ñochĩ. Jendu rá si chõ Espiritu Turã jẽisiteã teã ñochĩ.

⁵² Jendu icuã bei que eriqui Dios cheẽ mbuchecuaa ja je ra. Jendu que Dios cheẽ mbuchecuaa iquia iquia bei quia ra. Ibatenda Turã nda tu, ae i quia cose nae, ũquí abe que jendu iquia iquia quia cose resẽ. Ibatenda Turã tu mose que jeme ñochĩ nguiã mbia icuã je ra. Eiquia nonde que jeme ñochĩ nguiã mbia icuã je.

⁵³ Dios que ángeles mbu rei jẽje ra. Ucheẽ nderu raque jẽje. Jẽ echeẽ mumbayã sacua. Echeẽ ngue jemumba mumba bei chõchĩ nguiã, i que Esteban ñee oco tuchi ee ra.

Mbia Esteban iquia sita je

⁵⁴ Eandusa que paama i tuchi Esteban je ra. Esteban i quia serĩ.

⁵⁵ Espiritu Turã ngue siqui tuchi Esteban ndese ra. Esteban ngue mae tuchi ibei rese mbia paama i mose ee ra. Dios Turã ndese que mae ibate ra. Jesús rese abe que mae nda. Jesús que chí juã Dios ji ee ra.

⁵⁶ Esteban ngue ñee nda. —Jemae jẽ. Ibei nyiequia rese ai mae a. Huee mbia rucucha ñi juã Dios ji huee. Huee Jesús ñi juã Dios ji huee, i que Esteban nda.

⁵⁷ Mbia que tasẽ tasẽ tuchi paama i ra. Huisacua que emitao ja Esteban ñee si ra. — Nandecua recua erese, i que o oe Esteban ndese ra.

⁵⁸ Mbia que Esteban curuchoi sucha tubiriã si ra. Huee que sita mombo mombo erese ra. Sita mombo mombo que huirao mbui mbui acuanindu mo je ra. —Esaarõ, i que ee ra. Saulo, i que eieirao raarõsa je ra.

⁵⁹ Mbia que sita mombo mombo Esteban ndese ra. Sita mombo mombo mose que Esteban ñee Ibatenda je ra. —Aque aso quia ndeje aque, Sererecua Jesús. Seisi cote, i que Esteban Ibatenda je ra.

⁶⁰ Ngoi que nguiã ndese cote ra. Tasẽ tasẽte que ñee mombo mombo ra. — Sererecua, ã icuã ndaque seje. ¡Erembasi mbasichĩ nda huicuañi ñi jẽ! i que Esteban Jesús je ra. Esteban ngue mano cote ra.

8

Saulo icuã Jesús quiato je

¹ —Coche rei mano, i que Saulo Esteban mano mose ra. Aque mose tuchi que mbia icuã icuã tuchi Jesús quiato je cote ra. Jerusalén jenda. Jesús quiato que nyoi ja ñimbuchao Judea rĩ nda. Samaria rĩ abe que echoi ñimbuchao ra. Jesús chimbaaquiato achõ ngue chichõ Jerusalén nda.

² Mbia turã mo ngue Esteban nyati ra. Nyeseo tuchi que eati mose ra.

³ Saulo icuã tuchi que eriqui Jesús quiato je ra. —Jesús quiato tambutiã, i tuchi que

Saulo quia ra. Nyebe eriqui nguiã mbia chuchua mbuchesea seate. Jesús quiato rea rea ererao sacua tarõ policiaa. Saulo icua tuchi que eriqui Jesús quiato je ra.

Samaria jenda Dios cheẽ ñandu

⁴ Ae uchã nyoï quia Jerusalén si nae, ùquĩ ngue nyoï mbia mbiirandu randu tuchi quia Jesús rii nda. Mbã recua ja que eriqui nyoï nyoï mbia mbiirandu randu Jesús rii nda.

⁵ Felipe que oso Samáriaa ra. Sucha tubiriã mo. Huee que eriqui mbia mbiirandu randu Jesús rii no nda.

⁶ Dios que Felipe mbuquirãcuã nda. Mbã mae sayã ngue esaã saã nda. Mbã tubiriã ngue nyiisaquia tuchi quia echeẽ ndese ra.

⁷ Aba checuayã icua ngue Felipe jea jea tuchi mbã si ra. Aba checuayã icua ngue tasẽ tasẽ nguia hui mose mbã si ra. Felipe que mbã cuatayã mbucua ja quia ra. Mbã umi sayã abe que embucherõ cherõ nguia ra.

⁸ Nyebe hue jenda ia tuchi sucha tubiriã jenda.

⁹ Huee sucha tubiriã ngue Simón ndiqui ra. Brujo que ae nyii ra. Ae que mbã mbiirã irĩ tuchi quia nyii ra. Mbã Samaria jenda chũca tuchi que ae ra.

¹⁰ Mbã que nyiisaquia tuchi quia Simón ñee ndese cose ra. Mbã riiĩ abe que nyiisaquia quia echeẽ ndese ra. —Dios embuquirãcuã tuchi quia co, i rei que mbã Simón nii nda.

¹¹ Simón ngue mbã mbiirã irĩ tuchi quia brujería je ra. Nyebe que mbã riqui nyiisaquia tuchi eres e nyii ra.

¹² Huee que Felipe Jesús renei nenei tuchi cote ra. —Dios ra mbã rerecurã tuchi, i que Felipe quia hue jenda je ra. Ùquĩ mose que mbã Jesús icua icua tuchi ra. Bautizar i que mbã atate je ra.

¹³ Simón Brujo abe que Jesús icua cote ra. Bautizar i que ee ra. Felipe rui bei que eriqui cote ra. Felipe que mbã mae sayã saã saã nguia ra. Simón ngue nyuruira tuchi quia mae erese ra.

¹⁴ —Samaria jenda riqui Dios cheẽ isi isi tuchi ã, i que mbã Jerusalén jenda mbiirandu randu ra. Nyebe que Jerusalén jenda Pedro mondochoi Samáriaa ra. Juan abe mondo.

¹⁵ Ngasẽ mose que ñee Dios je ra. —Espíritu Turã emondo rã Jesús quiato a jenda je, i que Dios je ra.

¹⁶ Espiritu Turã iqueã mose hue jenda chianguĩ re que Pedro choi erea ra. Jesús rimbarã ño ngue mbã bautizar i nguiã ee nyii. Espiritu Turã iqueã ño nguia echianguĩ re nyii reaẽ.

¹⁷ Pedro que o chono Jesús quiato ãquĩ arõ nda. Juan ab e o chono earõ. Espiritu Turã ngue tu Jesús quiato je cote ra.

¹⁸ Simón ngue mae erese ra. O chono mose earõ. Espiritu Turã tu mose ee. Nyebe que mbã isiquia reacuquia Pedro je ra. Juan abe je.

¹⁹ Ñee ngue ee ra. —Sembaaquiato se abe. Ndequirãcuã embu seje. Sã se abe se tachono ñono mbã arõ. Sã se abe Espiritu Turã quirãcuã tamee mee mbã je. Mbã isiquia tamee jẽje jẽquirãcuã ndibishorõ, i rei que Simón nda.

²⁰ Pedro que ñee asi ee ra. —Sã mbã isiquia nembãe quiachã ja. Nde abe equiachã tuchi. ¡Dios ra uquirãcuã mee eã mbã isiquia ribishorõ jẽ!

²¹ Ndeturã eã ñochi ndechiangui re. Nyebe ra Dios uquirãcuã mee eã ndeje.

²² ¡Ndeicuã si ehui rã jẽ! Echeẽ ñee Dios je. Sã Dios nendua icua mbutiã ndesi.

²³ ¡Sã ndeicuã tuchi riqui ndechiangui re jẽ! Ndeicuã aicuate quia co, i que Pedro ee ra.

²⁴ Simón ngue ñee Pedro je cote ra. —Echeẽ turã Dios je serĩ. Sã Dios seicuã mbutiã. † nda aquiachãysi, i que Simón nda.

²⁵ Pedro que Dios cheẽ senei senei nguia ra. Juan abe esenei senei no. Aquere que echoi nyebi Jerusalén nda. Ñeend a cua jenda que embuchesea sea sucha tubiriã nda. Samaria jenda mbuchesea sea Jesús renei nenei mbã je.

Carro yenda Dios cheẽ ñandu

²⁶ Angel mo ngue tu Felipe je ra. Ibate si que eru nguichi ñee ee ra. —Eso chõ turúquiaa. Eso chõ ñeenda icoi Jerusalén icha. Gaza icha abe, i que ibatenda Felipe je ra.

²⁷ Felipe que oso Dios cheẽ nguire ra. Echia o ji mo ngue esobeishĩ ñeenda cúa ra. Etiopía jenda rei echia o ji. Ae rei ererecua resenda. Candace, i que ererecua je ra. Reina. Mbã isiquia Candace mbãe que esaarõ arõ tuchi quia ee ra. Echia o ji oso quiatu quia Jerusalén nyii reaẽ. Oso quia equia Jerusalén ñee ñee sacua Dios je nyii reaẽ.

²⁸ Uba que u quia uchuchua quiti cote ra. Carro ye que eru quia cote ra. Isaías chimbesea rese que eru quia mae mae carro ye ra. Dios cheẽ.

²⁹ Espiritu Turã ngue ñee Felipe je ra. —Eso rã carro jii, i que ee ra.

³⁰ Felipe que oso ra. Oso que Etiopía jenda andu ra. Isaías chimbesea rese que esi quia maemae nda. Nyebe Felipe ñee ee. —¿Isaías chimbesea checuate eriqui ndeje re? i que Felipe ee ra.

³¹ —Tei. ¿Mañi ae ra eicua re? Aba mo eicuayãte seje resẽ. Echui rã. Ecol seji. Sembaaquiato rã se, i que carro yenda ee ra.

³² ã Isaías chimbesea rese que eriqui mae mae nda. ã ndei e ã:

Nanderiquicharōsa rei oveja rā.

Mbia que oveja querao eiquiāsa ra.

Mbia que ovejara nyisia sia ra.

Oveja ñee ñeeā ee.

Ei ñgue nanderiquicharōsa ñee ñeeā huiiquia mose ra.

³³ Nanderiquicharōsa turāte raque.

Mbia icuā tuchi ee. Mbia eiquiachō.

Emosenda icuā tuchite ee.

Emosenda eiquia chee.

Nanderiquicharōsa siquiā ibi rī cote,

i qu e Isaiās embesa ra. Embesa ji rese que

Etiopía jenda riqui mae mae nda.

³⁴ Etiopía jenda que ñee Felipe je ra. —

Embesa ji embuchecua seje. ¿Aba rī Isaiās riqui embesa mbesa re? ¿Mbiāmo nīi eriqui embesa re? ¿Ngūīi eriqui embesa re no? i que Felipe je ra.

³⁵ Felipe que embuchecua ee ra. Mbaaquiātu tuchi que Jesús rīi cote ra.

³⁶ Carro que ngasē ama moo cote ra. —¿Co ama ñi co! ¿Aa ra bautizar ere seje re? i que Etiopía jenda Felipe je ra.

³⁷ —¿Jesús ereicua quia cote re? Jesús icua tuchi mose ra bautizar ae ndeje cote, i que Felipe ee ra. Etiopía jenda ñee ee cote. — Jesús aicuate quia co cote. Jesucristo rei Dios ndiirī. Aicua sequia co cote, i que ra.

³⁸ Carro que embutiba cote ra. Nguichi que esi ra. Ama ndie que echoi ra. Felipe que bautizar i ee cote ra.

³⁹ Usē ñgue ama si cote ra. Espíritu Turā ñgue Felipe querao hue si cote ra. Etiopía jenda que mae eā mbei Felipe rese cote ra. Etiopía jenda ia tuchi que oso ra.

⁴⁰ Felipe que ngasē Azótoo ra. Sucha tubiriā ñgue embuchesea sea ra. Mbia mbiirandu randu tuchi Jesús cheē ndese. Ngasē nyee que Cesarea ra.

9

Saulo uba ramo Dios icha rui

¹ Saulo icuā mbei que eriqui Jesús quiato je ra. Taiquia ja, i rei que equia ra. Nyebe que esi ñee sacerdote rerecua je ra.

² —Papel embesa rā sechiraorā. Tarao Damáscoo. Judíos chumunua mose ereacuquia sacua ee. Jesús quiat o hue jenda taru taru Jerusalén. Ecuasa taru taru quia etarō sacua policíaa. Mujeres abe taru. Hombres abe taru taru no, i rei que Saulo ñee icuā Jesús quiato rīi nda.

³ Damasco rurubi mose que tata mo tu tuchi ee ra. Tata mo ñgue tu tuchi ee ibate si ra. Tata que Saulo tesae tuchi ra.

⁴ Saulo que ngoi oso ibi ra. Echeē mo ñgue echandu ra. —¿Mbaerā ndeicuāte riqui seje re? i que ibatenda ñee ee ra.

⁵ Saulo que ñee ee ra. —¿Aba nde re? i ee. Ibatenda que ñee ee ra. —Jesús rei se. Seje quia ndeicuāte riquichī nguiā. Ndeicuā

mose seje, nde sí chō ereico ñimbasi co. Sā ticuasū riqui nambacua mbuti no. Sā eriqui hui mbaba ira racua echi no. Ūqui na tuchi quiarei nde, i que Jesús ee ra.

⁶ Saulo que titi titi i eandu ra. —¿Mañi ae ra sequia se re, Sererecua? i que Saulo Jesús je ra. —Ehuā. Eso sucha tubiriā. Huee ra sequiato mo secheē nenei ndeje, i que Jesús Saulo je ra.

⁷ Saulo resend a que siquiche tuchi ra. Echeē andu mose. Mbia mo ndese que maeā nda. Nyebe siquichete echeē andu.

⁸ Saulo que juā ndei ñguesa ira ra. Emae sayā tuchi. Eresayā ñgue ra. Nyebe que mbia eo isi suruchoi sucha tubiriā nda. Sucha tubiriā Damáscoo.

⁹ Tres días que eresayā tuchi riqui ra. Aque mose que eresayā mbae mo uāte ra. Aque mose que yu eā no nda.

¹⁰ Huee sucha tubiriā ñgue Jesús quiato mo ndiqui ra. Ananías, i que ee ra. Aque nda Dios tea cuu ra. —Ananías, i nda Dios equere ra. —¿Mbae? i nda Ananías e e ra.

¹¹ —Eso rā Ñeenda Chaa Chaareā. Huee que Judas chuchua ñi nda. Huee eso Saulo rea. Saulo rei Tarso jenda. Hue eriqui ñee ñee seje hue.

¹² Saulo que nderea cuu ra. Ereso que ndeo no erese cuu ra. Eresa que erembucherō cuu ra. Ūqui sí esaā oso ee, i nda Dios Ananías je ra.

¹³ Ananías que teā ndei ra. —Mbia Saulo icuā icua tuchi quia co, Dios. Eicuā tuchi Jesús quiato Jerusalén jenda je. Mbia sembiirandu ja quia co, Dios.

¹⁴ A eru Jesús quiato isi ererao sacua a. Ūqui je chō sacerdote rerecua embu nguiā a. Uretarō ja sacua, i que Ananías Dios je ra. Esiquichete que Saulo si ra.

¹⁵ Dios que ñee ee ra. —Eso chō erea. Ae quia airabo mingo serimbarā co. Ae ra Israel jenda mbiirandu randu secheē ndese. Ae ra mbia mangu chooñoa jenda abe mbiirandu randu secheē ndese no. Ae ra mbiamo nderecua abe mbiirandu randu secheē ndese no.

¹⁶ Saulo secheē nenei nenei mose ra mbia embasi mbasi tuchi. Mbia icuā icuā tuchi ra ee serīi mambi. Ūqui ndese Saulo tambirandu, i que Dios ra.

¹⁷ Ananías que oso cote ra. Dios cheē ñguire. Ique que Judas chuchúaa ra. O que echono Saulo rese ra. —Seresenda ereico co cote, Saulo. Jesús que nyecua ndeje ñeenda cúa, ae sí sembu quia ndeje co. Jesús sembu ndeje co. Espíritu Turā ique sacua ndechiangui re. Nemaee sacua abe sembu co no, i que Ananías Saulo je ra.

¹⁸ Aque mose tuchi que sira quishī naanguia tu ngoi eresa si ra. Saulo que mae turā

cote ra. Jesús quiato que bautizar i Saulo je cote ra.

¹⁹ Saulo que quiaru ñimbuquirãcuã cote ra. Itō mocoĩ jiri que Jesús quiato rese huee ra. Damasco jenda rese itō mocoĩ.

Saulo Dios cheẽ nenei namo

²⁰ Saulo que oso oso quia Jesús renei nenei judíos chumunuásaa ra. —Jesús rei Dios riĩrĩ, i tuchi que equia mbia je ra.

²¹ Mbia que nyuruira tuchi quia echeẽ andu ra. —Co chõ Jesús quiato iquia iquia quia cose nye. Jerusalén jenda. Co chõ tu a Jesús quiato rerao sacua nye. Co chõ Jesús quiato queraose rete quia sacerdote rerecua je nye. Ae Jesús quiato riqui quia namo co cote, i que mbia nyuruira Saulo rea ra.

²² Saulo quirãcuã tuchi que eriqui cote ra. Ererecua rã ño eriqui nguiã mbia mbaaquiatsu quiatu Jesús riĩ. —Jesús rei Cristo. Ae jësaarõ arõ nguia, aque rei Jesús, i tuchi que Saulo quia judíos je ra. Judíos Damasco jenda que Saulo cheẽ sibishorõ aronea nda.

Saulo uchã judíos si

²³ Emo mose jiri que judío rerecua ñee nyue ra. —iSaulo nandeiquia jẽ! i rei que ñee nyue ra.

²⁴ Mbia mo ngue Saulo mbiirandu ra. —Nandeiquia, i nda mbia nderĩĩ nda. Hue echĩ nyiquitirõ nderese eiquésaa hue. Isa abe echĩ nyiquitirõ nderese hue, i que embiirandu ra.

²⁵ Itondaru mose que Jesús quiato mo Saulo mbuchemi nda. Nyuchã ngue iru ye ra. Iru resebe que embuquichi mondo etaronda robei ra. Muralla robei.

Saulo siquibe Jerusalén Jesús quiato ramo mose

²⁶ Saulo que oso Jerusalén cote ra. —Taico Jesús quiato rese, i rei que ngasẽ nda. Jesús quiato que siquiche ja esi ra. —Saulo Jesús quiato saã saã ño nguiã nande je co, i rei que mbia ra. Nyebe siquiche rei nguiã esi.

²⁷ Bernabé mii ngue Saulo isi turã nda. Ae que Saulo querao Jesús quiato rerecua je ra. Embiirandu tuchi Saulo rese. —Saulo que oso rei Damascoo ra. Nandererecua Jesús que nyecua ee ñeenda cúa ra. Jesús que ñee ee ra. Saulo que siqui Jesús rui cote ra. Saulo que siquicheã nguia Jesús renei nenei Damasco jenda je cote ra, i que Bernabé uataque je ra.

²⁸ Aquere que Jesús quiato Saulo isi turã cote ra. Saulo que siqui are jiri Jerusalén cote ra. Hue jenda Jesús quiato rese que eriqui tuchi ra.

²⁹ Saulo siquicheã ngue eriqui Jesús renei nenei mbia je ra. Ae griego cheẽ saã saã nguia nae, ùquí je abe que erenei nenei nda.

Ñee asi asi que Saulo je Jesús riĩ nda. Saulo abe que ñee tuchi ee Jesús riĩ nda. Nyebe mbia riqui nguiã “nandeiquia” i Saulo riĩ.

³⁰ Jesús quiato que jirandu erese ra. Nyebe Saulo ruruchoi nguiã Cesarea. Mondo que echuchúa sí cote ra. Tarso, i que Saulo chuchua je ra.

³¹ Aquere que mbia icuã icuã eã Jesús quiato je cote ra. Judea jenda je. Galilea jenda abe je. Samaria jenda abe je no. Jesús quiato hue jenda que ñimbuquirãcuã nacua ja ra. Siqui i i tuchi Jesús rese. Espiritu Turã ngue embeta mbeta ra. Etubiriã nyee. Jesús quiato que Dios cheẽ mumba mum-bayã nguia ra.

Jesús quirãcuã Eneas mbucherõ

³² Pedro que mbia mbuchesea sea tuchi quia ra. Oso que Jesús quiato Lida jenda rea no nda.

³³ Hue que umi sayã mo ndiqui ra. Ae ngatayã mbei quia ocho años. Nyaara bei chõ ngue equia ra. Eneas, i que umi sayã je ra.

³⁴ Pedro que ñee ee ra. —iJesús riqui nem-bucherõ a jẽ! Ehuã na. Nderua abe enua, ique Pedro umi sayã je ra. Ùquí mose que nyerõ nda.

³⁵ Mbia que mae ja u umi sayã ngata rese ra. Nyebe que mbia Jesús icua ja cote ra. Lida jenda Jesús icua ja. Sarón jenda abe que eicua ja n o nda. Ngãmeĩ ñee si que hui Jesús isi cote ra.

Dios quirãcuã Dorcas mbuquera si

³⁶ Dorcas, i que ari mo je ra. Jope jenda que ra. Dorcas, i que griego cheẽ quiicuã je ra. Jesús quiato que ae ra. Ae que eturã mbei riqui mbia je ra. Ae que mbae mee mee mbei quia mbaechea reã je ra.

³⁷ Dorcas rasi que eiquia cote ra. Mbia que eraaque mbuchasu ra. Mii ngue equesa nongue ibatenda ye ra. Segundo piso.

³⁸ Pedro que siqui aichi ra. Lida, i que sucha tubiriã je ra. Nyebe que Jesús quiato mbia nyeremo mondochoi Pedro reru sacua nda.

³⁹ Pedro que oso erese ra. Ngasẽ mose que mbia eruruchoi equesa ibatenda ra. Dorcas raaque rese mae. Hue eru chiecha tubiriã a nyi nyeseo eraaque res e hue. Dor cas chimee tubiriã ngue eteacuquia cuquia u nyue hue ra. Mbia irao tubiriã ngue Dorcas chiao ra.

⁴⁰ Pedro que mbia mbusẽ ja mondo taicuee ra. Ngũiã ndese que ñee Dios je cote ra. Aquere que ñee eraaque je cote ra. —Ehuã na, Dorcas, i que ee je ra. Eraaque que nguessa ira mae Pedro rese ra. Nyuruã ngue ngoi cote ra.

⁴¹ Pedro que emua eo rese ra. Jenyu, i que Jesús quiato je cote ra. Eru chiecha ja je abe no. Ngaẽ ngue mae equera rese cote ra.

⁴²Mbia Jope jenda que jirandu tuchi erese ra. Nyebe que mbia tubiriã Jesús icua cote ra.

⁴³Pedro que itõ mocoĩ hue ra. Sucha tubiriã. Simón curtidor chuchúaa que eriqui uque ra.

10

Pedro oso Cornelio rea

¹Soldados rerecua mo ngue siqui sucha tubiriã Cesaréaa ra. Italia jenda rei ũquí soldados. Cien ngue soldados ra. Cornelio, i que soldados rerecua je ra.

²Ae que ñee ñee mbei quia Dios je ra. Ae que eturã ndiqui Dios je ra. Mbae isiquia que emee mee tuchi quia mbaecha reã je ra. Echuchua jenda abe que eturã ndiqui Dios je ra.

³Tenda nyesecco ramo mose que Cornelio ibatenda mo ndea cuu ra. Angel. Echecua tuchi que ee cuu ra. Ique que echuchúaa ee cuu ra. —Cornelio, i que ñee ee cuu ra.

⁴Cornelio que mae quiatu tuchi erese ra. —¿Mbae ere, Sererecua? i que siquiche ñee ee ra. Ibatenda que ñee ee cote ra. —Co ereico ñee ñee mbeite Dios je co. Co ereico mbae mo mee mee mbeite mbaecha reã je co. Nyebe Dios ia tuchi riqui nguiã nderese co.

⁵Huee que Simón Pedro mo ndiqui Jópee ra. Nderimba mo emondochoi erea. Ereru sacua ñee ndeje.

⁶Huee eriqui Simón Curtidor chuchúaa huee. Am a ndisha rimia eriqui hue. Sã nderimba ecurucuaẽ hue si. Ñee ñee sacua ndeje, i que ibatenda Cornelio je cuu ra.

⁷Dios chimondo ibatenda que oso Cornelio recha cote ra. Cornelio que ñumumba cote ra. Jenyu, i que ngũimba nyeremo je ra. Aque mii soldado je abe no. Ae rei Cornelio raarõsa. Ae que ndua ndua bei quia Dios rese ra.

⁸Ūquí je que Cornelio uquereicua nenei nenei ja ra. —Jẽso Pedro reru Jope si, i que ee cote ra.

⁹⁻¹⁰Isamami ngue Cornelio rimba ngasẽ Jope rurubi cote ra. Aque mose que Pedro chi tuchua arõ nda. Huee rei equesa no. Huee que Pedro chi ñee ñee Dios je ra. Tenda ibate mose que Pedro riãcuã nda. Echurã ngue uchi ãte ra. Nyebe que uque u ra. Uchiurã naa mose. Eguereicua ngue cote ra.

¹¹Ibei que nyiequia ee cuu ra. Tiru icoi que tu ibei si ra. Tiru chimangũiana isi ji que tu nguichi ee cuu ra. Echimangũiana isi ji ja.

¹²Mbae tubiriã ngue tu nguichi tiru icoi y e ee cuu ra. Mbae chumumbara tuchi. Quiaa riinda ja. Mbei abe n o. Nguireĩ abe no. Mbae ibi riinda ja tuchi que chi tiru y cuu ra.

¹³Pedro que echeẽ mo ñandu cote ra. —Ehuã na, Pedro. Emo eiquia ndechiurã, i que ra.

¹⁴—Tei, Sererecua. Urechiu eã ñõ ã ndesẽ. ã mo ngue ureu eã mbei quia ra. Mbaeiaie tuchi ure je judíos ja je, i que Pedro ee ra.

¹⁵Dios que ñeembe ee ra. —¡Sechimee ndechiurã nda ereiseitãchĩ jẽ! i que ra.

¹⁶Eĩ si que tiru icoi ru tres veces ra. Mbae chumumba ra ja resebe. Tiru que oso bei ibate cote ra.

¹⁷Pedro que ñumumba cote ra. Ndua ndua tuchi que uquereicua ndese ra. Aque mosete que Cornelio rimba ngasẽ nda. —¿Ma Simón chuchua ma nde? i que ngasẽ nda.

¹⁸—¿Simón Pedro riqui a re? i que ra.

¹⁹Pedro qu e ndua ndua beite quia uquereicua ndese ra. Nyebe Espíritu Turã ñee nguiã ee. —Mbia tres ngaẽ nguia nderequia co.

²⁰Equichi. Eso rã erese. ¡Esiquicheã oso erese jẽ! Se chõ ngue ambu nderea resẽ, i que Dios Pedro je ra.

²¹Pedro que nguichi u ee cote ra. Cornelio rimba je. —Serequia chõ jenyu nguiã co. ¿Mbaerã jẽingo serequia re? i que Pedro ra.

²²—Cornelio quia urembu nguiã nderea co. Ae rei soldados rerecua turã. Judío chũcua tuchi que ae ra. Eturãte eriqui Dios je co. Angel que oso ñee Cornelio je ra. “Mbia emondo rã Pedro reru sacua. Pedro cheẽ echandu rã”, i que ángel Cornelio je ra, i que Cornelio rimba Pedro je ra.

²³—Jenyu rã ique. Jengue a, i que Pedro ee ra. Isamami ngue Pedro oso erese cote ra. Jesús quiato Jope jenda abe que nyoi erese ra.

²⁴Isamami ngue ngasẽ Cesarea cote ra. Cornelio que esaarõ arõ nguia huee ra. Nguesenda rese que eriqui eraarõ arõ nda. Nguiriĩ abe rese que eriqui eraarõ arõ nda. —Jenyu Pedro raarõ serese. Echeẽ andu sacua, i nda nguesenda je nyii ra.

²⁵Pedro que ngasẽ oso Cornelio chuchúaa ra. Cornelio que oo erese ra. Aquere que ngoi nguiã ndese ñee ñee ee ra. Ibatenda Pedro riqui rei nguiã Cornelio je.

²⁶Pedro que ñee ee ra. —Ehuã na. Dios eã ñõ se re. Nderã si chõ se re. Mbia chõ se re, i que Pedro ra.

²⁷Ñee ñee ngue equia nyue cote ra. Nyoi que ique mbia tubiriãsa cote ra.

²⁸Pedro que ñee ũquí je ra. —Se rei judío. Judío siqui aronea ndaque mbiamo ndese. Judío ique aronea mbiamo nyuchúaa. Ūquí jẽicua raque quia ã. Dios que ñee seje cuu ra. Dios que sembaaquiato cuu ra. “Mbiamo abe que eturãte riqui ra. Mbiamo ndese abe eico jiri”, i que Dios seje ra.

²⁹ Nyebe achu jei nguiã ndecheê mose co. ¿Mbaerã “echu” ere seje re? i que Pedro Cornelio je ra.

³⁰ Cornelio que ñee ee cote ra. —Hue tenda bei aico ñee ñee Dios je co. Tenda nyesece mose aico bei ñee ñee Dios je co. Se cheê mose que ibatanda mo ndu seje ra. Angel. Tu que seje hace cuatro días ra. Tirushĩ tuchi que ecunua nda.

³¹ Ibatanda que ñee seje ra. “Cornelio, Dios ndecheê ñandu bei quia co. Dios mae mbei quia nderese co. Mbae mee ndese mbaecha reã je eriqui mae co. Dios riqui ndeicuate co.

³² Mbia mo emondo rã Jópee. Hue Simón Pedro ndiqui hue. Hue eriqui Simón Curtidor chuchúaa hue. Ama ndisha rimiã ndese eriqui hue. Sã nderimba mo eruru-cuaê aa”, i que ángel seje ra.

³³ Nyebe serimba amondo jei nderea. Coche erechu nguiã seje aa. Ndecheê andu sacua ño urecu nguiã aa. Dios cheê esenei na ure je cote. Ae Dios mondo ndeje, erenei sacua ure je, i que Cornelio Pedro je ra.

³⁴ Pedro que ñee ee cote ra. —Judíos achõ je eã ño Dios turã ndiqui reaê. Mbiamo abe chõ ebi riqui reaê.

³⁵ Mbiamo abe ireĩ ireĩ chĩ nguiã Dios si re. Ibimo jenda re. Ũquĩ siqui turã ño nguiã Dios je reaê. Nyebe Dios abe eturã ndiqui ũquĩ je reaê. Judíos achõ eã ndaque.

³⁶ Dios que ucheê turã mondo judíos je ra. Dios cheê turã ngue tu Jesucristo rĩĩ nda. Ae rei aba mbiasa. Jesucristo rei mbia rerecua tuchi.

³⁷ Judío recua ja que Dios cheê turã ndiqui ã ndesê. Juan Bautista reco mose que Dios cheê ngasê judíos ja je ra. Juan Bautista que Dios cheê senei senei Galilea ra. Aque mose rane ngue Dios cheê ngasê judíos ja je cote ra. Ũquĩ jêicua tuchi quia ã ndesê.

³⁸ Jesús siqui turã jêicua quia resê. Jesús Nazaret jenda siqui turã mbei. Dios que Jesús mbuquirãcuã Espiritu Turã je ra. Dios que siqui tuchi erese ra. Nyebe eriqui nguiã mbae turã naa naa. Nyebe eriqui nguiã abachecua yã icuã jea jea mbia si. Ũquĩ jêicua quia ã ndesê.

³⁹ Jesús chimbuaquiату chõ ureico nguiã ã. Jesús chisaã ndese que ureico mae mae huee ra. Judea rui ja. Jerusalén abe que ureico mae mae echisaã ndese ra. Huee Jesús reco mose que mbia eiquia cote ra. Huee que mbia embucha ira rese ra. Eiquia sacua.

⁴⁰⁻⁴¹ Dios que Jesús mbuquera si cote ra. Tres días mose. Dios que Jesús mbuchecua ure je cote ra. Mbia ja je embuchecua yã. Ure je achõ ngue embuchecua ra. Uchiirabo achõ je. Jesús renei nenei sacua ngue Dios ureirabo ra. Urequiuru que Jesús rese ra.

Jesús quera ico. Mbae mo abe que urembei erese ra.

⁴² Jesús que uremondo mbia mbiirandu randu sacua nguiã nda. “Secheê turã jêsenei senei nguia mbia je. ‘Dios que Jesús mii nda. Mbia mano je icuã ndea sacua. Manoã je abe icuã ndea sacua. Jesús r a eicuã tea ja’, jenyé quia mbia mbiirandu randu”, i que Jesús ure je ra.

⁴³ Dios cheê mbuchecua ja que embesa mbesa Jesús rĩĩ cose ra: “Dios turã nda eriqui Jesús icuasa je. Dios ra Jesús icuasa icuã mbutiã tiã esi”, i que Dios cheê mbuchecua ra, i que Pedro Cornelio je ra.

Espiritu Turã ique judíos eã chiangui re

⁴⁴ Pedro cheê mose que Espiritu Turã ndu ique eandusa chiangui re ra. Eandusa chiangui re ja ique.

⁴⁵ Pedro resenda judíos que nyuruira tuchi ra. —Judíos eã je abe chõ Dios riqui Espiritu Turã mondo mondo re, i que judíos Jesús quiato u nyuruira ra.

⁴⁶ Judíos eã ngue mbiamo ñee saã saã nda. Espiritu Turã ique mose echiangui re. Ñee turã ja Dios rĩĩ. Nyebe judíos ñee. —Á ñiangui re abe Espiritu Turã iquechĩ. Judíos eã ndaque, i que eandu ra. Pedro que ñee ngesenda je cote ra.

⁴⁷ —Espiritu Turã ngue ique echiangui re cote ra. Nyebe bautizar tae ee i je cote. Emo nda seriquisã yã, i que Pedro ra.

⁴⁸ Nyebe que Pedro bautizar i ee ra. Jesucristo rimbarã ngue bautizar i ee ra. Aque-reqe ñee ja Pedro je ra. —Eitõ mocoĩ jiri quia ure rese aa, i que ee ra.

11

Pedro Jerusalén jenda mbiirandu ja

¹ Jesús chimbuaquiату que jirandu erese ra. Judíos eã ndese. Jesús quiato Judea jenda abe que jirandu erese ra. —Judíos eã abe riqui Dios cheê isi isi ã, i que mbia ee ra.

² Pedro que oso Jerusalén cote ra. Huee que judíos ñee asi asi ee cote ra.

³ —Mbiamo je ereso chõchĩ. Judíos eã je ereso chõchĩ. Judíos eã ndese ereiaru chõchĩ, i que ñee asi Pedro je ra.

⁴ Pedro que embiirandu tuchi cote ra.

⁵ —Emo mose que aico Jope ra. Huee que aico ñee ñee Dios je ra. Mbae mo ngue atea cuu ra. Tiru icoi mo ngue tu ibate si cuu ra. Echimangũiana isi ji que tu nguichi seje cuu ra. Echimangũiana isi ji ja.

⁶ Mbae chumumbara tuchi que tu aque tiru ye cuu ra. Quiaa rĩinda ja. Mbei abe no. Nguireĩ abe no. Mbae ibi rĩinda ja tuchi que chĩ tiru ye cuu ra.

⁷ Echeê mo ngue tu seje cote ra. “Ehuã na, Pedro. Emo eiquia ndechiurã”, i que seje cuu ra.

⁸ “Tei, Sererecua. Urechü eã ño ã ndesë. Ñ mo ngue ureu eã mbei quia ra. Mbaeiaie tuchi ure je judíos ja je”, ae rei que ee ra.

⁹ Dios que ñeembe seje ra. “¡Sechimee ndechiurã nda ereisi teächí jê!” i que seje ra.

¹⁰ Eĩ si que tiru icoi ru tres veces ra. Oso bei que ibate serecha cote ra.

¹¹ Aque mosete que Cornelio rimba ngasë seje ra. Seruruchoi sacua ngue euaë Cesarea si ra. Tres que ngaë seruruchoi sacua nda.

¹² “Eso rã erese. ¡Esiquicheã oso erese jê!” i que Espiritu Turã seje ra. Ñ nanderesenda seis que nyoĩ serese ra. Ureuasë ngue emondosa chuchua ra. Cornelio chuchua.

¹³ Cornelio que uqererecua senei ure je ra. “Angel mo ngue tu ñee seje ra. ‘Mbia emondo Jópée Simón Pedro rea.

¹⁴ Ae ra ñee ñee nguia jêje. Ndechuchua jenda je abe ra eriqui ñee ñee. Dios jendiro sacua jêicuã si’, i que ángel seje ra”, i que Cornelio seje ra.

¹⁵ Se ñee namo mose ee que Espiritu Turã nguichi ee ra. Ique que echiangui re ra. Ique que nandechiangui re nyii nae, eĩ si que ique Cornelio chianguí re cote ra. Cornelio chuchua jenda chianguí re abe.

¹⁶ Jesús cheë ndese que andua ndua cote ra. Ñ ndei echeë ã: “I je que Juan bautizar i rei mbia je ra. Espiritu Turã je bautizar tae jêje cote”, i que Jesús cose ra. Aque rese que andua ndua cote ra.

¹⁷ Nande judíos achõ je eã ño Dios riqui nguia Espiritu Turã mondo. Judi eã je abe chõ eriqui nguia Espiritu Turã mondo. Jesús icua mose. ¿Mañi ae ra Dios riquisã se re? i que Pedro ñee oco judíos je ra.

¹⁸ Mbia que Pedro cheë sobeishiãte ra. Ñee turã turã ngue Dios je cote ra. —Dios judío eã abe mbui mbui quiatu quia huicuã si reaë. Judío eã abe chee ra siqui bei Dios rese nye, i que judíos ra.

Antioquia jenda Jesús quiato

¹⁹ Mbia icua tuchi que eriqui Jesús quiato je cote ra. Esteban iquia mosebe bei que mbia icua ndiqui Jesús quiato je ra. Nyebe Jesús quiato choi nguia uchã Jerusalén si. Emo nyoĩ Feniciaa. Emo nyoĩ Chipre no. Emo nyoĩ Antioquia no. Huee ja que echi Jesús cheë turã nenei nenei nda. Judíos achõ je que echi erenei nenei nda. Judío eã je erenei nenei eã.

²⁰ Chipre jenda rei emo. Cirene jenda rei emo no. Uqui nguia que nyoĩ Antioquiaa ra. Uqui nguia que Jesús cheë senei senei judío eã je ra.

²¹ Dios quiracuã ngue siqui tuchi embi-irandusa rese ra. Nyebe que hue jenda tubiriã Jesús icua ra.

²² Jesús quiato Jerusalén jenda que jirandu erese ra. Antioquia jenda rese. Nyebe Bernabé mondo Antioquiaa.

²³ Bernabé que ngasë ñee Jesús quiato je ra. —Dios turã tuchi riqui nguia jêje co. Aque rese seyate riqui co. ¡jêingo tuchi nandererecua rese jê! ¡jêhuichi nda esi jê! i tuchi que Bernabé quia mbia je ra.

²⁴ Bernabé turã e que eriqui ra. Espiritu Turã ngue siqui tuchi erese ra. Ae que Dios icua tuchi quia ra. Nyebe mbia tubiriã ndiqui nguia Jesús isi isi.

²⁵ Aquare que Bernabé si Tarso ra. Oso que Saulo requia huee ra. Tea que ra. Nguerao que Antioquiaa ra.

²⁶ Huee que echi bei Jesús quiato mbaaquiato quiatu ra. Un año que echi huee ra. Mbia tubiriã mbaaquiato quiatu bei. Hue jenda je rane ngue “Cristianos” i Cristo quiato je ra.

²⁷ Aque mose que Dios cheë mbuchecuaa mo ngaë Antioquiaa ra. Ngaë ngue Jerusalén si ra.

²⁸ Emo ngue juã ñee mbia je ra. Agabo, i que ee ra. Espiritu Turã ngue Agabo mbucheë ñee nda. —Mbia chiurã eã nda namo jiri. Mbia riacuã ja ra cote, i que Agabo ra. Echeë nguire tuchi que mbae ua cote ra. Mbia riacuã tuchi que cote ra. Claudio mbia rerecua mose.

²⁹ Nyebe Jesús quiato Antioquia jenda ñee ñee nyue. —Mbae mo nandemondo rã Jesús quiato Judea jenda je. Nandembae mbae mo nandemondo ee, i que nyue ra.

³⁰ Eĩ ngue umbae mondo mundo Judea jenda je ra. Mee mee ja que Saulo je ra. Bernabé abe je. Uqui ngue ecuruchoi cote ra. Ae emee nguia Jesús quiato rerecua je. Judea jenda.

12

Mbia Jacobo iquia; mbia Pedro tarõ

¹ Aque mose que ererecua icua tuchi riqui Jesús quiato je ra. Herodes, i que ererecua je ra.

² Ae que Jacobo aqũ ndoso ti quise je ra. Jacobo rei Juan nongue.

³ Judíos ia tuchi que Jacobo aqũ ndoso mose ra. —Judíos tambiahe no, i que ererecua ra. Nyebe Pedro abe isi nguia. Fiesta de Pascua mose que Pedro isi nguia.

⁴ Tarõ ngue mii mbia icua tarõsaa ra. Diez y seis soldados que chi eraarõ mbei ra. — Pedro tamee je mbia je. Eiquia sacua. Fiesta ua mose r a amee ee, i rei que ererecua uchianguí re ra.

⁵ Nyebe que soldados Pedro tarõ ji raarõ tuchi u ra. Pedro resenda que ñee ñee tuchi Dios je ra. Jesús quiato mo. Ñee ñee tuchi que equia Pedro rii ee ra.

Dios Pedro sirõ nyecuyã etaronda si

⁶ Isamami nda ererecua Pedro mee nguiã mbia je chã nde. Eiquia sacuaã. —Isamami nda amee mbia je, i rei que Herodes ra. Aque isa que Pedro uque u soldados joõ ñi nda. Ecuaji que uque u ra. Cadena nyeremo je que ecua ino nda. Soldados nyeremo ngue uqueã u eraarõ nda.

⁷ Ibatenda mo ngue tu Pedro je isa ra. Angel. Nyaashĩ na tuchi que tuchua ra. Mbae resae ja. Ibatenda que oco Pedro rese ra. Emumba. —¡Ehuã asi jẽ! i que Pedro je ra. Ehuã mose que cadenas nyera eo si ra.

⁸ —Ndeirao emingue ja rã. Ndeiyao abe emingue, i que ibatenda ee ra. Ae que Pedro emingue echeẽ mose ra. —Ndeirao aronda abe emingue. Nyao serese cote, i que Pedro je ra.

⁹ Pedro que oso erese ra. Etaronda si que Pedro rerao cote ra. —Seque re chõ aico rei co, i rei que Pedro ra. Equereicuã eriqui reĩ nguiã ee.

¹⁰ Eraarõsa cuaãcuã ngue echoi quia ra. Eraarõsa jiranua tuchi erese. Ngasẽ nyee que etaronda icoi ra. Fierro que etaronda ra. Etaronda a e que nyeequia ee ra. Usẽ ngue ra. Pe jiri que echoi nyiese ra. Ibatenda que oso Pedro recha cote ra.

¹¹ —Cu u eã ño eriqui re. Echecua chõ eriqui re, i que Pedro eicua cote ra. —Dios chõ ibatenda mo mbu serirõ sacuaã nde. Serirõ ño equia Herodes si re. Judios ra seiQUIAYã cote, i que Pedro uchiangui re ra.

¹² Pedro que ndua ndua huĩ nda. Ae esi nguiã María chuchúaa. María rei Juan Marcos si. Mbia tubiriãte que chi ñumunua huee ra. Ñee ñee ngue u Dios je ra.

¹³ Pedro que ngasẽ eiquesa mbuu mbuu ra. Nyucuaaque mo ngue oso rei ee ra. Rode, i que ee ra.

¹⁴ Pedro cheẽ ngue eicua ra. Eya tuchi que nyebi asi oso mbia mbiirandu ra. Eiquesa equia rocoi Pedro je. —Hue Pedro ñi taicuee hue, i que embiirandu ra.

¹⁵ —Tei. Echeẽ ñooñoa na, i chõ ngue mbia Rode je ra. —Ae beite. Acheẽ ñooñoa ño jẽje re, i tuchi Rode. —Pedro eã ño ñene. Eãingue chõ ñee ndei ndeje, i ja rei que mbia nyucuaaque je ra.

¹⁶ Eiquesa que Pedro mbuu mbuu bei huĩ mbia je ra. Emo ngue oso cheete rei equia ee ra. Pedro que ique cote ra. Ñumunua je que nyuruira tuchi mae erese ra.

¹⁷ Pedro que mbia mbuquiriri o je ra. Mbae que esenei ja ee cote ra. —Eĩ ngue Dios serirõ setarõsa si ra, i que erenei nenei ja ee ra. —Jacob o jembiiirandu ja rã serese. Jesús quiato ja jembiiirandu, i que Pedro ra. Pedro que oso mbia recha cote ra.

¹⁸ Isamamimbe que soldados pare pare i tuchi ra. Pedro oreã ndese mae. —¿Mañi Pedro usẽ nde? i que u ñee ñee nyue ra.

¹⁹ Herodes que ñee nda. Ererecua. — Pedro jendu rã seje, i rei que soldados je ra. Pedro oreã ngue ee ra. —Sembiirandu ja rã se. ¿Mañi Pedro si usẽ nde? i que ererecua soldados je ra. Soldados que eicuayãte ee ra. Nyebe que ererecua soldados iquia nguiã. Pedro raarõsa iquia ja. Aquere que Herodes si siri Cesaréaa ra. Judea si siri.

Herodes mano

²⁰ Herodes que mbia chiurã mondo mondo Tiro jenda je nyii ra. Sidón jenda je abe no. Paama i que ee cote ra. Nyebe echiurã mondo monoa ee cote. Nyebe que ùqui nyo i ja Herodes chuchúaa ra. —¡Nandeturã mbei chõ ee jẽ! f nda nandechiurã mondobe nande je, i que nyue ra. Herodes resenda mo ngue ñee turã ee ra. Blasto, i que aque je ra. —Echeẽ turã turã Herodes je ure riĩ. f nda eturambe ure je, i que mbia Blasto je ra.

²¹ Emo mose jiri que Herodes huĩrao turã mingue ra. Ngoi que ngũenda icoi tose ra. Jenyu seje, i que Tiro jenda je cote ra. Sidón jenda je abe no. Herodes que ñee ocote ùqui je cote ra.

²² Mbia abe que ñeete ee cote ra. —Dios chõ nde resẽ. Dios cheẽ na si nde. Mbia cheẽ na eã, i que mbia Herodes mbucuaasu i i ra.

²³ —Dios eã ño se re, i eã mbei que Herodes mbia je ra. Ñee turã eã ngue equia Dios riĩ nda. Nyebe Dios embasi nguiã. Nyebe Dios ángel mo mbu nguiã Herodes mbasi tuchi. Erosei que erie u ra. Eiquia nonde. Mano ngue cote ra.

²⁴ Jesús quiato que Jesús cheẽ senei senei tuchi quia ra. Mbia tubiriã ngue echandu chandu quia ra. Mbia tubiriã ngue Jesús icua icua quia cote ra.

²⁵ Bernabé que nyo i Jerusalén nda. Saulo rese. Mbae isiquia ruruchoi sacuaã. Mbae isiquia que emee mee Jesús quiato hue jenda je cot e ra. Nyo i que Antioquíaa cote ra. Juan Marcos abe que ecuruchoi nyiese ra.

13

Espíritu Turã Bernabé mondo Dios cheẽ nenei nenei sacuaã, Pablo rese

¹ Jesús quiato que ñumunua nua nguia Antioquia jenda ra. Mbia mbaaquiato quia-tusa abe que chi erese ra. Dios cheẽ mbuchecuaa mo abe que chi erese ra. Bernabé, i que emo je ra. Simón nondei abe que ra. Lucio de Cirene abe que ra. Manaén abe que ra. Ae rei que Herodes resenda eñetẽ mose ra. Herodes ererecua nonde. Saulo abe que ra. Ùqui ja que mbia mbaaquiato quiatusa ra.

² Emo mose que ùqui nyi ñumunua nda. Ñee ñee ngue u Dios je ra. Uchiu si que huira ra. Ndua ndua sacuaã Dios rese. Aque mose que

Espíritu Turā ñee ee ra. —Bernabé jemea na seje. Saulo abe jemea na seje no. Ūquĩ ngue airabo ra. Airabo que secheē nenei nenei sacuā nda, i que Espíritu Turā ñee ñumunua je je ra.

³ Mbia que ñee turā mbei Dios je ra. Quiaruā mbei que u ra. O que echono ñono Bernabé āquĩ ndese cote ra. Saulo āquĩ ndese abe no. Mondo que Dios cheē nenei nenei sacuā cote ra.

Pablo Dios cheē senei senei Chípree, Bernabé rese

⁴ Aquere que Espíritu Turā Bernabé curchoi Selúciaa ra. Saulo rese. —Ama ndui nyao Chípree, i que ua canoa cuasu ye ra.

⁵ Ngasē ngue sucha tubiriā Salamina nda. Salamina ndei Chípree jenda mo. Judíos chumunuasaa que echoi Dios cheē nenei nenei nda. Juan Marcos abe que siqui erese Dios cheē nenei nenei nda.

⁶ Tuchua que embuchesea sea tuchi ra. Ngasē nyee Pafos. Huee que brujo mo ndiqui ee ra. Barjesús, i que brujo je ra. Judío mo ndei aque brujo. —Dios cheē mbuchecuasa rei se, ichoñño mbei que equia mbia je ra.

⁷ Brujo que siqui ererecua rese ra. Sergio Paulo, i que ererecua je ra. Ererecua aquiatu tuchi que ra. —Jenyu, Dios cheē tachandu rā, i que ererecua Bernabé je ra. Saulo je abe no.

⁸ Brujo que Bernabé cheē siquisā nda. Pablo cheē abe riquisā. —Ƒ nda sererecua Jesús icuayā, i tuchi brujo ūquĩ ñee ndiquisā. Elimas, i abe que brujo je ra.

⁹ Espíritu Turā ngue siqui tuchi quia Pablo rese ra. Pablo, i abe que equia Saulo je ra. Pablo que ma e quiatu brujo rese ra.

¹⁰ Ñee ngue ee ra. —Mbia mb̄ir̄ir̄i ir̄isa tuchi quiarei nde. Diabolo resenda tuchi quiarei nde. Mbae turā ndesenda reā tuchi quiarei nde. ¿Mbaerā ereico mbia riquisā quisā Dios icha si re? ¿Manose ra erehui ūquĩ si re? i que Pablo ñee icuā ee ra.

¹¹ —Dios ra nembasi tuchi cote. Nderesayra cote. Tenda rese ra ereico mae eā are jiri, i que Pablo brujo je ra. Echeē mosebe que eresa uque tuchi ra. Mae eā mbae rese cote. —Jenyiba taisi. ¡Sembucata turā na nguia jē! i tuchi eresayā nguia mbia je cote.

¹² Ererecua que echandu ja ra. Nyebe ngue Jesús icua nguia cote. Nyuruira tuchi que huĩ Jesús cheē andu ra.

Pablo que siqui Antioquiaa ra; Bernabé rese

¹³ Pablo que nyoĩ Pafos recha cote ra. Nguesenda rese que echoi ama ndui ra. Ngasē ngue Perge de Panfiliaa ra. Huee si que Juan Marcos si nyebi Jerusalén nda. Pablo recha. Bernabé abe recha.

¹⁴ Emo mose que echoi Perge si ra. Ngasē ngue sucha tubiriā Antioquiaa ra. Pisidia, i que hue ibi je ra. Sábado mose que ique judíos chumunuásaa ra. Huee que echĩ ngoi ra.

¹⁵ Judíos que leer i Dios cheē je ra. Moisés chimbesea je. Dios cheē mbuchecuasa chimbesea je abe no. Aquere que judíos ñee Pablo je ra. Bernabé je abe no. —¿Mbia ra jembaaquiату quiatu jē nde? i que ee ra.

¹⁶ Pablo que juā cote ra. O je que mbia mbuquiriri ra. Ñee ngue ee cote ra. —Seandu rā se, Israelitas. Seandu rā se, Dios quiatu.

¹⁷ Dios que Israelitas rerecua ra. Dios que nanderamei cose ndare irabo ra. Siqui tuchi que equia nanderamei ndese ra. Nanderamei chi mose Egipto. Dios que nanderamei mbeta mbeta ra. Dios quirācuā ngue nanderamei sirō nyee Egipto si ra.

¹⁸ Dios que nyecuachō tuchi quia nanderamei je ra. Cuarenta años que eriqui nyecuachō tuchi ra. Nanderamei chi mose turuquia.

¹⁹ Sucha tubiriā jenda que mano ja mbi-amo nda. Dios que equia ja ra. Siete rei sucha tubiriā. Canaán jenda. Dios que ūquĩ iquia ja nanderamei si ra. Ūquĩ mbae ibi que Dios mee nanderamei je cote ra.

²⁰ Dios que jueces m̄i m̄i nanderamei nderecuarā cote ra. Jueces que em̄i m̄i nguia cuatro cientos cincuenta años nda. Aquere que Dios Samuel m̄i nanderamei nderecuarā nda.

²¹ Aquere que nanderamei ñee Dios je ra. “Rey mo nguia em̄i urererecuarā”, i que Dios je ra. Nyebe que Dios Saúl m̄i ererecuarā nda. Rey. Ae rei Cis ririĩ. Cis rei Benjaminito. Saúl que siqui arete nanderamei nderecuarā nda. Cuarenta años que eriqui ererecuarā nda.

²² Cuarenta años ua mose que Dios Saúl mombo cote ra. Dios que David m̄i nanderamei ndere cuarā cote ra. Saúl rendaque re. David rei Isai ririĩ. Dios que ñee David je ra. “David sebi tuchi. Ae quia ra secheē mumba mumbayā”, i que Dios cose ra.

²³ David sí que Jesús ramei nda. Dios que Jesús mbu Israel jenda rirō sacuā huicuā si ra. Ucheē nguire que Jesús mbu ra. Dios que ucheē mbuchebiā nda.

²⁴ Jesús tu nonde que Juan Bautista riqui ñee ñee nanderamei je ra. Israel jenda je. “Jēicuā si jēhui. Jemba Dios icha rui. Ƒ nda bautizar ae jēje”, i tuchi que Juan nguia mbia je ra.

²⁵ Umano nonde que Juan ñee mbia je ra. “Ae jēsaarō nguia nae, ae eā ño se re. Ae ra tu serui. Ae rei ererecua tuchi sesi. Se oco aronea eiyao rese”, i que Juan ñee Jesús r̄iĩ nda.

²⁶ Seresenda, Abraham ndiirĩ ndei jê. Jemo ndiqui Dios icua ã. Nande je quia Dios ucheê mondo nguiã. Nanderirô sacua nandeicua si. Dios que Jesús mondo nande je ra.

²⁷ Jerusalén jenda que Jesús icuayâte ra. Ererecua ja que chi Jesús icuayâte ra. Dios cheê mbesa ji abe que eicuayâte ra. Eraã naa mbei raque sábado mose, eicuayã mbei. Dios cheê mbuchecua cheê nguire que Jesús icua ra.

²⁸ “Jesús eiquia rã”, i tuchi que mbia quia Pilato je ra. Jesús icua eã ndaque.

²⁹ Nyebe que Jesús mano ndei ra. Embesa ji cheê nguire que Jesús mano nda. Jesús raque que embuquichi ira si cote ra. Ñono ngue sita ribicoi ji ye ra.

³⁰ Jesús que quera si manonde cote ra. Dios que embuquera si ra.

³¹ Galilea jenda que siqui bei quia Jesús rese Jerusalén nae, ũquí ngue mae mae equera si rese cote ra. Mae mae mbei equia Jesús quera si rese cote. Ũquí ñee mbei quia Jesús rii ã cote.

³² A ureico Dios cheê turã nenei nenei jêje a. Dios ñee ñee nguia nanderamei je nyii nae, ũquí uresenei senei nguia jêje a.

³³ Nande je que Dios Jesús mbuquera si ra. Ucheê nguire que embuquera si ra. Dios ñee ñee nguia nanderamei je nyii nae, eĩ si que Jesús mbuquera ra. “Nde rei serucucha. Namo ngue arembuchecua mbia je ra”, i que Dios Jesús rii cose ra. Eĩ ngue Salmo dos nda.

³⁴ Dios que Jesús mbuquera si ra. Jesús roo ra soõ eã mbei cote. Nyebe que Dios ñee nyii ra. “Seturâte ra jêje. Seturã David je nyii nae, eĩ si ra seturâte jêje”, i que Dios ra. “Jesús tambuquera si jêje”, i ñene.

³⁵ Co abe rei embesa ji. A ndei e ã: “Se rei Ibatenda rucucha turã. Ibatenda ra seroo sechayã. Seroo ra emoo eã. Sembuquera si rae”, i que embesa ji ra.

³⁶ David que siqui turã mbei quia uchabenda ja je ra. Dios cheê nguire que eriqui turã ee ra. Aquere que mano nda. Mbia que echati ngãmei jii rĩ nda. Aquere que David roo soõ cote ra.

³⁷ Jesús roo quiatu que soõ eã nda. Dios que embuquera si resê. Nyebe ae roo soõ eã nguiã.

³⁸ Seresenda, Jesús mii ndiqui nandeicua mbutiã sacua co. A ureico ũquí nenei nenei jêje a. Jêirandu sacua ere. se.

³⁹ Dios que ucheê senei senei nguia Moisés je nyii nae, aq ue cheê nguia r a aba icua mbutiã eã. Jesús mii ndiqui nandeicua mbutiã sacua co. Nande Jesús icua mose.

⁴⁰ “Mbae icua nda tuchi jêje”, i que Dios cheê mbuchecua ra. Jêtesa bei u jê. Sã Dios

cheê mbuchecua io eã jêje. Eĩ ngue Dios cheê mbuchecua ra:

⁴¹ Co jê, mbae turã ucuayãsa.

Je nyuruira rae. Jemano ndae.

Mbia mae sayã nda asaã ndaque jêje.

Jêicua sereãte ra equia.

Mbia embuchecua raque jêje. Nyebe ra jemano,

i que Dios cose ra, i que Pablo ra.

⁴² Pablo que usê nyoĩ echumunuasa si cote ra. —Jenyube rã sábado nongue. Ũquí jêsenei seneimbe rã u ure je, i que mbia ee ra.

⁴³ Mbia que usê ja echumunuasa si cote ra. Judíos tubiriã ngue nyoĩ Pablo rui ra. Bernabé rui abe no. Judíos resenda tubiriã abe no. Pablo que ñee tuchi mbia je ra. Bernabé rese. —Dios rese jêingo tuchi jê, i tuchi que equia ee ra.

⁴⁴ Sábado nongue mose que sucha tubiriã jenda ñumunua ja ra. Ñumunua nua ja Dios cheê andu.

⁴⁵ Judíos mo ngue chi mae mae mbia chumunua ndese ra. —Pablo cheê ño echanduchi nguiã. Nandechê andu rocoĩ, i que judíos nguetêã mbia rese Pablo si ra. Nyebe judíos ñee icua icua nguiã Pablo je.

⁴⁶ Pablo que siquicheã tuchi ñee judíos je ra. Bernabé rese. —Jê nane je ureico rei Dios cheê nenei nenei ã. Dios cheê nguire ureico rei nguiã erenei nenei jê nane je ã. Ibate jêingo bei sereã ñochĩ. Nyebe jêingo nguiã Dios cheê isiteã teã ã. Nyebe ureso nguiã erenei nenei judíos eã je co.

⁴⁷ A ngue Dios ñee ure je cose ra: “Aremingo que secheê nenei nenei sacua mbia ja je ra. Judíos eã ja je. Mbia ibi jenda ja je. Secheê isiquia ra siqui bei”, i que Dios ure je ra, i que Pablo ra.

⁴⁸ Judíos eã ia tuchi que Pablo cheê ndese ra. Ñee turã turã ngue Dios cheê nii nda. Dios que mbia irabo ata ra. Emingo bei sacua ibate. Ũquí ngue Jesús icua ja cote ra.

⁴⁹ Hue jenda ja que embucha mbucha quia Dios cheê nenei nenei nda.

⁵⁰ Judíos que mbia mbuqueta queta tuchi Pablo je ra. Bernabé je abe. Ari mbia chiicua mbuqueta tuchi que ra. Amei mbia chiicua abe mbuqueta que ra. Nyebe mbia paama i ja Pablo je. Bernabé je abe. Nyebe Pablo mombo nguiã hue si. Bernabé abe mombo no.

⁵¹ Nyoĩ nonde que hui tubi mbutomo tomo mbia je ra. —Jêicua têicua, i ñe hue jenda je re. Aquere que echoi Iconio nda.

⁵² Jesús quiato ia tuchi que chi ra. Espiritu Turã ngue siqui tuchi quia ere se ra.

14

Pablo que siqui Icónioo nda, Bernabé rese

¹ Pablo que ngasē Iconio nda. Bernabé rese. Judíos chumunuasa que echoi ra. Dios cheē ngue esenei senei huee ra. Nyebe que judíos tubiriã Jesús icua ra. Judíos eã abe que eicua no nda.

² Judíos ataque que Jesús cheē isiteã teã no nda. Ūquí ngue judíos eã mbiçuã icuã Pablo je ra. Bernabé je abe no. Ñee icuã icuã tuchi erã.

³ Pablo que chi arete huee ra. Bernabé abe no. Siquicheã tuchi que equia Dios cheē nenei nenei nda. Ebia tuchi Dios rese. Dios que embuquirãcuã nda. Nyebe que eriqui mbia mae sayã naa naa nda. —Ichõño eã ño equia re, i chee mbia Pablo cheē je. Bernabé cheē je abe no.

⁴ Mbua cuabē ndua turã ja eã. Emo emo ngue siqui Jesús resenda rui ra. Emo emo ngue siqui judíos rui no nda.

⁵ Nyebe judíos icuã icuã Pablo je. Pablo resenda je abe no. Judíos eã abe eicuã icuã ee ra. —¡Pablo nandeiquia jê! ¡Bernabé abe nandeiquia jê! ¡Sita nande mombo mombo erese jê! i rei que mbia ra.

⁶ Pablo que jirandu erese ra. Bernabé abe. Nyebe echoi uchã sucha tubiriã mo. Licaonia jenda. Listra, i sucha tubiriã mo je. Derbe, i emo je. Hue rurubi que echoi ra.

⁷ Hue jenda je que Dios cheē nenei nenei nda.

Mbia sita mombo mombo Pablo rese

⁸ Ngasē ngue Listra ra. Huee que emo ngatayã ñi ee ra. Eitãquieí mosenda bei ei icuã. Nyebe ngatayã mbei.

⁹ Aque que Pablo cheē ñandu ra. —Sembucherõ arõ, i ndua uchiangui re. Pablo que eicua ra. Nyebe e mae nguiatu erese.

¹⁰ Ñee nyecua que ee ra. —Ehuã ndei rese, i que Pablo ee ra. Ecuatayã ngue juã asi ngata cote ra.

¹¹ Mbua tubiriã ngue chi mae Pablo chimbucherõ ndese ra. Nyebe ucheé naa naa u nyue. Pablo riñ ñee ñee. —Dios ngaē nguichi nande je mbia rã sí a, i rei que nyuruira ra. Tasē tasē. Licaonia, i hue jenda cheē je.

¹² Mercurio rei nda Pablo mbia je. Mercurio, i mbia umbae dios mo je. Pablo que ñee mbeite quia ra. Nyebe “Mercurio” i mbia ee. Jupiter rei nda Bernabé mbia je. Jupiter, i mbia umbae dios mo je no.

¹³ Hue jenda que ñumunua nua nguia ñee ñee Jupiter je ra. Ae ñee ñee nguia Jupiter je, aque que ticuas quimbae queru Pablo je ra. Ira uti resebe ereru ee. —Ticuas nandeiquia iquia rã Pablo je. Nandesei sei ee, i ja que mbia ra. —Pablo rei Dios rã si. Bernabé rese. Nyebe ticuas nandeiquia iquia rã ee. Dios raanguia je, i rei que mbia ra.

¹⁴ Pablo que echandu ra. Bernabé rese. Nyebe huiirao ndoro ndoro paama i ee. —Ureya eã jendese, i ñe ne. Ique que echoi mbia ite ite rĩ nda. Ñee asi asi mbia je.

¹⁵ —¿Mbaerã nda re, mbia? ¿Mbaerã nda ticuas jëiquia ure je re? Mbua chõ ure re. Jê na si chõ ure resê. Dios eã ño ure resê. Nyebe urechu nguã Dios cheē turã nenei nenei jê je ã. Á mbae icuã jësecha ja chõ. Dios quiarei ereco. ¡Ae rui jëingo! Ae que ibei chao ra. Ae que ibi chao no nda. Ae que ama nyao no nda. Ae que mbae chao ja ra. Mbae aosa rui jëingo.

¹⁶ Dios que mbia teachõ cose ra. Mbua tesarei mose esi.

¹⁷ Dios que eturã saã saã mbei quia mbia je ra. Mbi a eicua sacua. Dios chõ ama mbuchaaqui bei nguã nande je. Ae quia mbae a mee mbei nguã nandechiurã. Dios chõ nandembia mbia bei nguã co, i que Pablo mbia je ra.

¹⁸ Eñ ngue Pablo embiirandu Dios rese ra. Nyebe que mbia ticuas iquia eã nyee ee ra.

¹⁹ Emo jiri mose que judíos ngaē huee ra. Antioquia si. Iconio si abe no. Ūquí ngue mbia mbiçuã icuã Pablo je ra. Nyebe que mbia sita mombo mombo tuchi Pablo rese ra. Pablo manote rei nguã ee. Mbua que ecuruchoi mbutiriri pe jiri sucha tubiriã si.

²⁰ Hue que Jesús icuasa chi Pablo matãte hue ra. Pablo que juã quera cote ra. Osobe que nyebi sucha tubiriã nda. Isamami ngue esi Derbe ra. Bernabé rese.

²¹ Dios cheē turã ngue esenei senei nguia huee ra. Derbe jenda je. Mbua tubiriã ngue Jesús icua hue jenda cote ra. Aquere que nyebi Listraa ra. Iconio abe. Antioquia abe. Huee sucha tubiriã ngue echoi nyebi ra.

²² Pablo que Jesús icuasa mbaaquiatu quiatu hue jenda ra. Bernabé rese. —¡Jesús rese jëingo tuchi jê! Mbua ra nandembasi mbasi tuchi. Aquere ra Dios nandererecuarã tuchi cote, i que Pablo mbia je ra. Bernabé rese.

²³ Amei mo ngue eirabo rabo mii ino huee ra. Jesús icuasa rerecuarã no hue. Ñumunua je rerecuarã jaaja. Aquere que hui uchiu si ra. Quiaruã. Ñee ñee ngue equia Dios je ra. Ñee ñee ee ererecua namonda rií. —Á jëingo Dios icuate ã. Sã Dios jendaarõ arõ, i que Pablo ererecuarã je ra. Bernabé rese.

Pablo ngãembe Antioquia, Bernabé rese

²⁴ Nyoí que erecha cote ra. Pisidia, i equia ibi je, hue rĩ ngue echoi ra. Ngasē ngue Panfilia no nda.

²⁵ Jesús cheē turã ngue esenei senei sucha tubiriã Perge jend a je ra. Aquere que echoi Atalia no nda.

²⁶ Hue si que echoi ama ndui ra. Nguique riita quti que ecuaē tiba Antioquia cote

ra. Mbia hue jenda rane nguiatu que Pablo mondo Bernabé rese Dios cheé nenei nenei sacua nyii ra. —Chā Dios turā jendeaquiātu jēso mose, i que ee nyii ra. Huee que tiba obei cote ra.

²⁷ Ngasē mose Antioquiaa, Jesús icuasa que emunua nua cote ra. Mbae ja que esenei tuchi ee ra. —Dios que urereaquiātu tuchi quia ra. Dios que urembuchēē ñee nguia judíos eā je ra. Dios que Jesús icua tuchi ee ra. Nyebe etubiriā ndiqui nguiā Jesús icua cote, ure echeē nenei nenei mose, i que Pablo ra. Bernabé rese.

²⁸ Chī arete que Antioquiaa ra. Jesús icuasa ja rese echi huee.

15

Jesús quiato rerecua ñumunua ja

¹ Judea jenda mo ngue ngaē Antioquiaa ra. Ngaē ngue Jesús icuasa mbaaquiātu quiātu icua nda. —Circuncisión jēsaā saā ja. Moisés cheē nguire jēsaā saā, i rei que Jesús icuasa je ra. Eracoī ire o ji je chō eriqui nguiā circuncisión, i ũqui je. —Eī jenyee eā mose ra jēsoā ibate, i rei que ra.

² —Tei, eī eā ñene, i tuchi que Pablo ee ra. Bernabé rese. —Ae beite. Pablo ñee ñoño nguiā, i tuchi Judea jenda. Nyebe ñee tuchi nguiā nyue circuncisión ñii. Nyebe Jesús icuasa mondochoi Jerusalén. Jirandu sacua circuncisión ndese. Pablo mondochoi. Bernabé abe no. Mbia mo abe no. ũqui mondochoi ja. —Jēso Jerusalén. Jeñee Jesús quiato rerecua je. “¿Circuncisión nda uresaā saā nde?” jenyee oso ee. Sā Jesús quiato rerecua ñee jēje. Jenyu ñee ure je cote, i que ñee uchimondo je ra.

³ Jesús icuasa que embucuata turā cote ra. Mondochoi Jerusalén. Fenicia rui que echoi ra. Samaria rui abe no. Judíos eā je rese que hue jenda mbiirandu randu ra. —Judíos eā abe que Jesús isi isi quia cote ra. Judíos eā ngue hui hui quia huicuā si cote ra, i que hue jenda mbiirandu randu ra. Jesús icuasa ia tuchi que eandu ra.

⁴ Pablo que ngasē Jerusalén cote ra. Bernabé rese. Nguenda rese no. Hue jenda Jesús icuasa que eisi turā nda. Jesús quiato rerecua abe que eisi turā no nda. Pablo que Dios turā senei senei ee ra. —Dios quirācuā ngue siqui quia ure rese ra. Ure echeē naa naa mose, i que embiirandu ra.

⁵ Fariseos Jesús icuasa mo ngue juā ñee cote ra. —Judíos eā Jesús icua mose, circuncisión jēsaā saā ee. Jeñee na ee. “Moisés cheē ndui jēngo bei”, jenyee chō ee, i rei que Fariseos ee ra.

⁶ Nyebe Jesús quiato rerecua ñumunua ja aquere rii.

⁷ Ñee ñee tuchi nyue circuncisión ñii. Aquere que Pedro juā ñee nda. —Tacheē se,

Seresenda. Dios que seirabo cose ra. Ucheē turā nenei nenei sacua judíos eā je. ũqui Jesús icua sacua ngue seirabo cose ra. ũqui jēicuate quia ā.

⁸ Dios quia aba chiā icua jate nguiā co. Judíos eā je abe Dios Espíritu Turā mondo mondo cote. Nande achō je eā mondo. ũqui abe je emondo mondo Jesús icua mose no. “Judíos eā abe sequiātu”, i ñee Dios re.

⁹ Judíos eā Jesús icua mose, Dios ũqui ñia mbiasu cote. Nande rā si. Nyebe Dios riqui nguiā judíos eā je abe siqui turā. Nande rā si.

¹⁰ ¿Mbaerā jēingo Dios cheē abi abi chō nde? Dios cheē jembeta mbeta chōchī nguia re. Judíos eā je chō jēngochī embeta re. Embeta ji chī nda eātā tuchi aba je cot e re. ũqui nanderu cose ndare saā aroneate.

¹¹ Dios turā nguia nandemingo bei nguiā ā. Dios turā nguia nandemingo bei nguiā ibate. Nande Jesucristo icua mose. Dios turā nguia judíos eā abe mingo bei nguiā ā no. Nande rā si no, i que Pedro ra.

¹² Pablo que mbae senei ja mbia je cote ra. Bernabé rese. Mbia tubiriā ngue quiriri cote ra. Nyiisaquia que Pablo cheē ndese ra. Bernabé cheē ndese abe. —Dios que urererao judíos eā je ra. Urembirācuā tuchi que equia ee ra. Nyebe mbia mae sayā uresaā saā tuchi ee, i que Pablo ra. Bernabé rese.

¹³ Pablo cheē huire que Jacobo ñee cote ra. —Seandu rā se, Seresenda.

¹⁴ Pedro que ñee jēje namo nda. Dios turāte que judíos eā je ra. Dios que ũqui mo irabo rabo nguensendarā nda. Pedro que jembiiirandu erese namo nda.

¹⁵ Eī ngue Dios cheē mbuchecuasa embesa cosete ra. Nyebe eriqui nguiā eī eī ā cote.

¹⁶ Ā ndei embesa ji ā:

Se rei Dios. David reco mose que serimba siqui tuchi serese ra.

Aquere hui ja sesi cote.

Achube ra echīā mbitirō si cote.

Siqui si ra serese cote.

¹⁷ Judíos eā abe ra siqui serese cote.

Mbia sembaerā nda siqui ja serese cote,

i que Dios ra.

¹⁸ Eī ngue Dios ñee mbia mbiirandu cose ra, i que Jacobo ra.

¹⁹ —Judíos eā mo ngue Dios icua icua quia cote ra. ¡Nandechē nandembetayā jiri ee jē!

²⁰ ¡Nandechē mii ño nandembesa mondo ee jē! Nandechē mumbayā sacua. “Mbia soo mondo mondo mose dios raanguia je, ¡aque soo ra jēuchī jē!” nande rā ee. “¡Jeninisi rese siqui rocoī nda jēngochī emo ndese jē! ¡jendu rese siqui rocoī nda jēngochī emo ndes e jē!” nande chō ee. “¡Eruqui resebe ra soo jēuchī jē! ¡mbae ruqui ra jēuchī jē!” nande

chõ ee. Ûquí mii nandembesa rá mondo ee. Nandechéẽ mumbayã sacuaã.

²¹ Ûquí mii nande rá ee. Ûquí ño mbia ñandu ñandu mbei quia cose ndare bei. Mbía Moisés chimbesa saã saã sucha tubiriã ja je. Sábado mose bei. Judíos chumunua nua mose, i que Jacobo ra.

²² —Coche ñene, i ja Jesús quiato rerecua Jacobo cheẽ je. Jesús icuasa ja abe. Nyebe mbía nyeremo mondo Pablo rese. Bernabé rese abe. Silas, i que ee ra. Judas, i que enongue je ra. Barsabás, i abe que equia Judas je ra. Ûquí ndei Jesús quiato rerecua mo. Ûquí ngue emondo Antioquiaa ra. —Urecheẽ jẽsenei senei Jesús icuasa hue jenda je, i que Jerusalén jenda ra.

²³ Jesús icuasa que ucheẽ mbesa mondo ee ra. A rei embesai a: —Ure rei Jesús quiato rerecua. Ure rei Jesús icuasa. A ureico embesa mbesa jêje a, Jesús icuasa. Judíos eã je. Antioquia jenda je. Siria jenda je. Cilicia jenda je. Saludos.

²⁴ Uresenda mo ngue nyoichĩ jembaaquiato icuaã icuaã nda. Ûquí ñee jemingo asi asite rei. “Circuncisión jesaã saã”, i chõchĩ equia jêje reaẽ. “Moises cheẽ ndui jẽingo bei”, i chõchĩ equia jêje re. Ûquí uremondo eã ñee jêje. Ae ae chõ nyoĩ nguiã ñee ñooño jêje.

²⁵ Nyebe ureico nguiã ñumunua a. Emo ngue ureirabo emondo sacuaã jendea ra. Nyeremo uremondo quia aque. Pablo rese, Bernabé abe rese. Urequiatio tuchi que Ûquí nda.

²⁶ Ûquí ireĩ ireĩ eã tuchi nyoĩ Jesucristo cheẽ nenei nenei. Mbía eiquia arondete raque. Siquicheã tuchi.

²⁷ Aque Judas uremondo quia jendea aque. Silas rese. Ûquí nda jembiiirandu ja. Ûquí nda urecheẽ senei senei jêje.

²⁸ Espíritu Turã ngue urembaaquiato ra. Nyebe ra urecheẽ tuchiã jêje. Echeẽ mumbayã sacuaã. Á mii ño uremondo quia jêje aque.

²⁹ “Mbía soo mondo mondo mose dios raanguia je, iaque soo ra jẽuchĩ jê! ¡Eruqui resebe ra soo jẽuchĩ jê! ¡Mbae ruqui ra jẽuchĩ jê! ¡Jeninisi rese siqui rocoĩ nda jẽingochĩ emo ndese jê! ¡Jendu rese siqui rocoĩ nda jẽingochĩ emo ndese jê!” Coche Ûquí jemumbayã nguiã. Aque mii ño urecheẽ urembesa mondo aque, i que embesa ra. Eĩ ngue Jerusalén jenda embesa ee ra.

³⁰ Uchimondo que emonchoi turã nda. Ngasẽ ngue Antioquiaa cote ra. Jesús icuasa hue jenda que emunua ja ra. Embesa ji que emee ee ra.

³¹ Echumunua mos e que leer i ee cote ra. Eya tuchi que erese ra. Eya tuchi Jerusalén jenda chimbesa isi mose.

³² Dios cheẽ mbuchecuasa rei Judas. Silas rese. Nyebe que Ûquí Dios cheẽ nenei nenei tuchi Jesús icuasa je ra. Jesús icuasa mbaaquiatio quiatio tuchi.

³³ Chi are jiri que huee ra. Jesús icuasa que embuchebi turã mondochoi cote ra. Nyoĩ que nyebi Jerusalén nda.

³⁴ Silas que siquichõ nda.

³⁵ Pablo abe que siquichõ Antioquiaa ra. Bernabé rese. Mbía que embaaquiatio quiatio quia ra. Dios cheẽ turã ngue esenei senei nguiã ra. Jesús icuasa tubiriã ngue esenei senei erese ra.

Pablo nyao Bernabé si

³⁶ Aque que Pablo ñee Bernabé je ra. —Nyao nanderique rui Jesús icuasa mbuchesea sea mae ja erese. Dios cheẽ ngue nandesenei senei, hue jenda mbuchesea sea nyao. Mañi Jesús icuasa u mambi reae. Nyao erea, i que Pablo ra.

³⁷ —Eno. Juan Marcos abe nanderao, i rei que Bernabé ra.

³⁸ —Tei. Ae que nanderecha Panfiliaa nyii resẽ. Hui jei que nande si resẽ, nande Dios cheẽ nenei nenei mose. ¿Mañi nande ra ererao si re? i que Pablo ra.

³⁹ Ñee asi asi chee que nyue ra. Marcos rii. Nyebe que nyao nyesi ra. Bernabé que Marcos querao ra. Ama ndui que echoi Chipree ra.

⁴⁰ Pablo que ñee Silas je ra. —Nyao serese, i que ee ra. Jesús icuasa que ñee ee ra. —Chã Dios turã jendeaquiatio bei jẽso mose, i ja que ee ra. Pablo que nyoĩ cote ra. Silas rese.

⁴¹ Siria rĩ ngue echoi ra. Cilicia rĩ abe no. Hue jenda Jesús icuasa mbaaquiatio quiatio que echoi ra.

16

Pablo resenda bei que Timoteo cote ra

¹ Pablo que nyoĩ Dérbee ra. Lístraa abe echoi. Huee que Jesús icuasa mo ndiqui ee ra. Timoteo, i que ee ra. Esi rei judía. Esi rei Dios icuasa. Judío eã ngue eru ra.

² Jesús icuasa hue jenda que Timoteo icua ja ra. Timoteo turãte, i ja que Jesús quiatio quia ee ra.

³ —Timoteo tarao serese, i que Pablo ra. Judíos tubiriã ngue chi aque ibi rui ra. —Judío eã ndei Timoteo ru, i ja judíos. Nyebe Pablo circuncisión naa Timoteo je. Nguerao nguesendarã cote.

⁴ Nyoĩ que sucha tubiriã mbuchesea sea cote ra. Jesús quiatio rerecua cheẽ ngue esenei senei ja quia mbia je ra. Jerusalén jenda cheẽ. —Ûquí ñee nda jemumba mumbachĩ jê! i que Pablo nyoĩ quia ra.

⁵ Pablo que Jesús oseĩ uquia Jesús quiatio je ra. Jesús icuasa tubiriã nia ngue esi quia cote ra.

Echu urembaaquiату quiату, i que Macedonia jenda Pablo je cuu ra

⁶—Nyao Dios cheẽ nenei nenei Asia, i rei ngue re. Espiritu Turã ngue nya i ee ra. Nyebe echoi nguiã Frígiaa. Galáciaa abe.

⁷Ngasẽ ngue Mísiaa ra. Nyao Bitinia, i rei ngue re. Espiritu Turã ngue nya i ee ra.

⁸Misia que echucuaño nyoí ra. Ngasẽ nyee Troas.

⁹Huee que Pablo Macedonia jenda mo ndea isa ra. Tea que cuu ra. Chĩ nda juã ñee ñee Pablo je cuu ra. —¡Echu aa Macedóniaa jël Echu urembaaquiату quiату, i nda Pablo je cuu ra.

¹⁰Nyebe ureso nguiã ereare. Se abe que aso erese ra. Se rei Lucas. —Dios urererao quia Macedonia co. Ucheẽ nenei nenei sacua, ure que urechue cote ra. Nyebe urecuata nguiã cote.

Pablo tarõ ji que chi Filipos ra

¹¹Ama ndui que ureso Troas si ra. Erĩmbe que ureso iasa ra. Urecuasẽ nyee que oso Samotracia ra. Isamamĩ ngue ureso Neápolis cote ra.

¹²Hue si que ureso ibi rĩ nda. Urecuasẽ nyee oso sucha tubiriã tuchi je. Filipos, i hue sucha tubiriã je. Romanos mbae rei sucha tubiriã. Macedonia, i que ibi ja je ra. Huee que urecu arete ra.

¹³Sábado mose que ureso ama nimíaa nda. Sucha tubiriã ndecha. Huee que judíos riqui ñumunua nua mbei ñee ñee Dios je ra. Ari que ngaẽ ngaẽ nguia huee ra. Acuanĩ mo ndese. Urecoi que Dios cheẽ nenei nenei ee ra.

¹⁴Lidia, i que urecheẽ andusa mo je ra. Ae rei tiru rubi vender isa. Ae rei Tiatira jenda. Ae rei Dios icuasa. Dios que Pablo cheẽ mbuchecua ee ra. Pablo cheẽ ngue eisi ra.

¹⁵Nyebe que bautizar i ee ra. Echuchua jenda je abe que bautizar i ra. —Se Jesús resenda tuchi mose jėje, jenyu uque sechuchúaa, i que Lidia ure je ra. Ñee tuchi ure je. Nyebe urererao nguiã uchuchua.

¹⁶Emo mose que ureso quia mbia ndua nduásaa Dios rese ra. Nyucuaaque mo ngue uresobeishĩ nda. Aba checuayã icuã ngue siqui tuchi quia erese ra. Aba checuayã icuã ngue mbae icua icua quia ee ra. Nyebe mbia mbae isiquia mee mee tuchi quia nyucuaaque rerecua je. Nyucuaaque cha je.

¹⁷Nyucuaaque que tu Pablo rui ra. Tu ure ja rui. Ñee ngue urerĩ nda. —Á ndei Dios rimba ã. Ibatenda rimba. A echi aba icuã mbutiásaa nenei nenei jėje a. A echi Jesús renei nenei jėje a, i bei que nyucuaaque quia urerĩ nda.

¹⁸¡ bei que nyucuaaque quia urerĩ nda. Pablo que echeẽ nyosei chiã nyee ra. Uba que ñee aba checuayã icuã je cote ra. —Jesús rĩ aico ñee ndeje a. Esẽ nyucuaaque si, i

que Pablo aba checuayã icuã je ra. Echeẽ mosebe que usẽ esi ra.

¹⁹Nyucuaaque rerecua que paama i Pablo je ra. —Mbia ra mbae isiquia mondo monoa techĩ nande je cote re, i nyue. Nyebe que Pablo isi ra. Silas rese. Curuchoi que plaza ra.

²⁰Mondo que mbia rerecua je ra. —Á ndei judíos ã. Mbia mbĩcuã icuãte equia ñee ñee ã.

²¹“Ure rã jëingo”, ichĩ nguiã nande je. Romanos ndaque nande. Úqui nandesã aronea tuchi quiarei, i que mbia nguerecua je ra.

²²Nyebe que mbia paama i Pablo je ra. Silas abe je. Ererecua que eirao mbui asi ra. —Ira je jëirua nua, i que ererecua ra.

²³Mbia que eirua nua tuchi ra. Tarõ ngue cote ra. —Jësaarõ tuchi, i que ererecua eraarõsa je ra.

²⁴Echeende que etarõ tuchi cote ra. Ei abe que emumbi ino ira je ra.

²⁵Pablo que ñee ñee nguia Dios je itondiite mose ra. Silas rese. Irasei rasei abe no. Etarõi que ehandu ja quia ra.

²⁶Aque mose que ibi titi titi i ra. Etarõsa abe que quiata quiata ja ra. Eiquesa abe que quiata ja ra. Eicuasa que nyera ja cadenas nda. Etarõ ji si que nyera ja ra.

²⁷Eraarõsa que ñumumba ra. Eiquesa ee quia ji rese que mae nda. Etarõ ji uchã nei nguiã ee. Nyebe ñee nguiã. —Tachĩquia, i que tiquise rirõ nda.

²⁸Pablo que tasẽ ee ra. —¿Mbaerã nda erechĩquia re? ¡A urecu chõte a resẽ! i que Pablo ee ra.

²⁹—Tata eru, i que eraarõsa mbia mo je ra. ¡que que Pablo rea cote ra. Titi titi i tuchi que ra. Ngoi que nguiã ndese Pablo je ra. Silas abe je.

³⁰Eraarõsa que ecuruchoi taicuee cote ra. Ñee ee. —Sã Dios serirõ seicuã si. ¿Mañĩ ae ra se re? Siqui bei sacua Dios rese re, i que eraarõsa ra.

³¹Pablo que ñee ee cote ra. Silas rese. — Jesucristo eicua. Úqui mose ra Dios nderirõ ndeicuã si. Úqui mose ra Dios ndechuchua jenda abe rirõ huicuã si, i que Pablo ee ra.

³²Jesús cheẽ ngue esenei senei ee ra. Echuchua jenda je abe que erenei nenei nda.

³³Pablo iruã nua ji que eraarõsa irei irei ra. Silas iruã nua ji abe. Itondii mose raque. Bautizar i que eraarõsa je cote ra. Echuchua jenda ja je abe que bautizar i ra.

³⁴Eraarõsa que Pablo querao mbuquiuru uchuchúaa ra. Silas abe no. Ey a tuchi que ra. Echuchua jenda abe ia tuchi. —Nandeico Dios icua co cote, i ñene. Nyebe eya tuchi Dios rese.

³⁵ Isamamimbe que ererecua ñee policia je ra. —Jëso Pablo mbusë cote. Silas abe jembusë, i que ee ra.

³⁶ Eraarõsa que ñee Pablo je ra. —A policia cuaë a. Jembusë sacua. Hui que jësi ra. Jëso turã cote, i rei que eraarõsa Pablo je ra.

³⁷ —Nya, i que Pablo ee ra. —¿Mbaerã ererecua ureirua ñooño nde? Mbiasa. Mbae icua naa mose rocoi. Romanos ndaque ur e abe. Uretarõ ñooño ngue ra. “Nandembusë checuayã”, i raque ure je co cote. Tei. Sã ũqui ngaë urembusë nyecua, i que Pablo ee ra.

³⁸ Pablo cheë ngue policia senei nguerecua je ra. “Romanos”, i mose que ererecua chiã cuaãcuã i ja ra.

³⁹ Ererecua que nyo: Pablo rea cote ra. Silas abe rea. —Ureicuã ñochi jëje. Ureicuã eã nda cote. Jëso a si cote, i que ererecua embusë turã mondo cote ra.

⁴⁰ Pablo que usë etarõsa si cote ra. Silas rese. Nyo: que Lidia chuchua ra. Hue que echi mbiri Jesús icuasa mundua ndua ra. Nyo: que hue si cote ra. Sucha tubiriã si.

17

Pablo que siqui Tesalónicaa ra

¹ Pablo que nyo: Antípolis ri nda. Apolonia ni abe echoi. Silas rese. Hue si que echoi ngasë Tesalónicaa ra. Huee que judíos chumu nuasa mo huee ra. Sina goga, i equia tchuma je.

² Pablo que oso hue sábado mose ra. Querabe que eriqui oso oso bei judíos chumunúasa ra. Tres sábado que Pablo mbia mbaaquiati quiatu huee ra.

³ Dios cheë ngue esenei senei ee ra. —“Mbia ra Cristo mbasi tuchi. Manonde ra quera si”, i que Dios cheë nda. Ei ngue mbia Jesús je cote ra. Jesús ae riã aico ñee ñee jëje, ae rei Cristo. Ae jësaarõ arõ mbeite quia, aqre rei Jesús, i que Pablo embaaquiati quiatu ra.

⁴ Emo emo ngue Jesús isi cote ra. Siqui que Pablo rui ra. Silas rui abe. Griegos tubiriã ngue siqui erui no nda. Dios icuasa rei ũqui. Griego ninisi tubiriã abe que siqui Pablo rui ra. Mbia chiicua tuchi rei ũqui.

⁵ Judíos que ngueteãte quia mbia rese Pablo je ra. Mbia siqui mose Pablo rui. Ae Dios cheë andu sereãte quia, ũqui ngue ngueteãte quia mbia rese ra. Nyebe ngata chooño je munua nguiã. ũqui ngue sucha tubiriã jenda mbupaama i tuchi ra. Mbia tubiriã ngue mbaba chee Jasón chuchua je cote ra. —¿Ma Pablo ma nde? ¿Ma Silas ma nde? Uremee nda mbia icua je, i rei que judíos ra.

⁶ Pablo oreã ngue ee ra. Silas abe oreã ngue ee ra. Nyebe que Jasón nduruchoi mbutiriri nguerecua je ra. Jasón ndesenda rese. Ñee nguerecua je. —Pablo ngaë ñochi

mbia mbiicua icua ja aa. Pe jenda mbiicua icua jare.

⁷ Jasón eisi turã ñochi nguia uchuchúaa a. ũqui icua ja que eriqui nandererecua je. César cheë emumba mumba bei chõchi nguiã ã. “Jesús quia ererecua tuchi César si re”, i chõchi Pablo, i que mbia paama i Pablo je ra.

⁸ Mbia ataque eandu mose que paama i ra. Ererecua abe que paama i ra.

⁹ Ererecua que mbae isiquia isi Jasón si ra. Jasón ndesenda si abe. —Uremeembe ra jëje Pablo choi mose, i que ererecua ee ra. Ererecua que hui ja esi cote ra.

Pablo que siqui Beréaa ra

¹⁰ Jesús icuasa que Pablo mondochoi jei Berea ra. Silas rese. Aque isa mose bei. Ngasë ngue Berea ra. Nyo: que judíos chumunúasa cote ra.

¹¹ Judíos Berea jenda que earacua ra. Tesalónica jenda si. Berea jenda quiatu que Dios cheë ñanduse rete ra. Berea jenda que embesa ji tea jei je ra. —Ma Pablo ñee Dios cheë ndui si, i que nyue ra.

¹² Nyebe que mbia tubiriã Jesús icua ra. Griegos tubiriã abe que Jesús icua ra. Griegos ninisi abe. Mbia chiicua rei griego s ninisi.

¹³ Pablo que Dios cheë senei senei Berea jenda je ra. Judíos Tesalónica jenda que jirandu ra. Jirandure que echoi Beréaa mbia mbiicua icua Pablo je ra.

¹⁴ Jesús icuasa que Pablo mondo ama ndisha quiti ra. Silas que siquichõ Beréaa ra. Timoteo rese.

¹⁵ Ae Pablo curuchoi, ũqui ngue tiba esi ra. Atenas, i que sucha tubiriã je ra. —A ureico nyebi a, i que Pablo je ra. Echebi mose que Pablo ñee ee ra. —Silas jembu jei seje. Timoteo rese, i que Pablo ee ra.

Pablo que siqui Atenas nda

¹⁶ Pablo que siqui Silas raarõ arõ Atenas nda. Timoteo abe raarõ arõ. Dios abareã tubiriã ngue huee ra. ũqui ndese quiatu que mbia riqui oo tuchi ra. Pablo que mae icua ũqui ndese ra. Pablo que paama ite mbia rese mae nda. Mbia Dios abareã nderequia requia mose.

¹⁷ Nyebe Pablo oso oso bei nguiã judíos chumunúasa. Ñee ñee tuchi hue jenda je. Judíos eã je abe ñee ñee tuchi hue jenda mbia je. Dios icuasa je. Plázaa abe que Pablo riqui ñee ñee tuchi mbia je ra.

¹⁸ Epicúreos resenda mo ngue ngaë ñee tuchi Pablo je ra. Estoicos resenda mo abe que ngaë ñee Pablo je ra. —¿Mbae ichõte Pablo quia nande je re? Echeëse rete eriqui reae, i que emo emo nda. —Dios mo ni eriqui ñee ñee nande je reae, i que emo emo nda. Pablo ñee ñee mose Jesús riã. Pablo Jesús quera renei nenei mose.

¹⁹ Mbia que Pablo curuchoi ibi ato mo cote ra. Huee que ererecu riqui ñumunua nua mbei ra. Nee ngue Pablo je cote ra. —¿Mbae riñ ereico ñee ure je re? Embuchecua ure je.

²⁰ A ngue urechanuate quia ra. Ndecheē embuchecua ure je. ¿Mbae ere quia re? i que mbia Pablo j e ra.

²¹ Atenas jenda mingo uquia reā mbae mo ndese. Ae siqui Atenas jenda rese, ũqui abe mingo uquia reā mbae mo ndese. Echeemo andu abei. Echeemo ndese bei.

²² Nyebe que Pablo juā mbia ite re ra. Ibi ato. Ñe e ngue mbia je cote ra. —Tacheē jēje, Atenas jenda. Dios ata rete rese jēingo reae.

²³ Secuatasa que amae mae dios tubiriā jembae rese ra. Emo ndese que amae nda. “Co Dios mbia mae sayā”, jenye que embesa mi nda. Ae je jēingo ñee ñee ũqui. Jemaes sayā ndaque. Ae riñ aico ñe e jēje co.

²⁴ Co Dios que ibi chao ra. Mbae ao ja. Ae rei mbae rerecu. Ibi riñda rerecu. Ibei jenda abe rerecu. Dios siquiā ño nguiā tuchuaqui re mbia chiao.

²⁵ —¿Aba ra mbae chao seje re? i eā ngue Dios quia ra. Ae quiare i mbae meesa. Nandembuquiarusa rei ae. Nande mingosa rei ae.

²⁶ Mbia mñ ngue Dios chao ra. Aque rei mbia i ja aque. Emo eā ño nandeico nguiā ã. Nande ja chō nandeico nguiā ã. Dios rei nandeaosa. Nyebe Dios mbae rerecu ja. —Co ra nyeacuquia co mose. Co ra mano co mose, i bei que Dios quia ra. Mbia recuarā ngue Dios mee mee mbia je ra.

²⁷ Dios que mbia mingo ibi riñ nda. † nda mbia Dios requia. † nda mbia Dios icua. Isho eāte Dios riqui a. Nande ja jii eriqui a.

²⁸ Dios riñ ae nandeico nguiā. Eriñ ae nandeico nguiā ngata. Jemo abe que ñee nda. “Dios riñ ño nandeico ja nguiā ã”, i que jemo nda.

²⁹ Ae bei chō nandeico nguiā ã. Dios riñri. “Dios” nandechi nguiā mbia chiao je. Oro ao ji je. Plata ao ji je. Sita ao ji je.

³⁰ Dios que mbia icuā teachō cose ra. Mbia aquiatuā mose. Namō ño Dios riqui nguiā ñee mbia je co. “Jēhui chō jēicuā si”, i Dios quia mbia jaje co.

³¹ Dios que Jesucristo irabo ra. Jesucristo turā mbei. Jesucristo ra ñee emo je. “Jēso tata cuasu”, i ra ee. “Jēso ibate”, i ra emo je no. Manose chō nda ñee. Dios mñ ño eicua nguiā. Dios que Jesucristo mbuquera si manonde ra. Nyebe ra Jesucristo emo mondo ibate. Emo mondo tata cuasu no.

³² —Jesucristo que quera si manonde ra, i que Pablo ee ra. Mbia que iquia iquia chōchi nguiā Pablo cheē mose. Emo emo ngue ñee ee ra. —Emo mose quiatu ra ndecheē urechandu, i que eataque ra.

³³ Pablo que oso mbia recha cote ra.

³⁴ Emo emo ngue siqui erui ra. Ae Jesús cheē isi turā, ũqui ngue siqui bei erui ra. Dionisio, i que ũqui mo je ra. Ae rei mbia rerecu mo. Dámaris, i que cuña mo je ra. Emo emo abe que siqui Pablo rui ra.

18

Pablo que siqui Coríntoo ra

¹ Pablo que oso Atenas ndecha cote ra. Ngasē ngue sucha tubiriā mo cote ra. Corinto, i que hue je ra.

² Hue que judío mo ndiqui ee ra. Aquila, i que ee ra. Ponto jenda que ae ra. Priscila, i que eninisi je ra. Ũqui ngue ngaē namo Italia si ra. Italia recha ramo. Claudio judíos mombo ja mose Roma si. Pablo que oso Aquila chuchua ra.

³ Pablo que tuchua saā saā nguia mbae ire je ra. Eñ ngue Aquila no nda. Tuchua rañ naa mbei mbae ire je. Nyebe Pablo siquichō nguiā erese. Quiei quiei erese.

⁴ Sábado mose que Pablo riqui oso oso judíos chumunuasa ra. Hue que eriqui bei Dios cheē nenei nenei judíos je ra. Judíos eā je abe no.

⁵ Silas que ngasē Macedonia si cote ra. Timoteo rese. Pablo que Dios cheē senei senei tuchi quia judíos je cote ra. Jesús mbuchecua checua tuchi ee. —Jesús rei Cristo. Ae jēsaarō arō mbeit e quia, aque rei Jesús, i tuchi que Pablo ee ra.

⁶ Judíos que paama i Pablo je cote ra. Ñee icuā icuā tuchi que ee ra. Nyebe Pablo huñrao mbaaba aba ee. Taso jendecha, i ñene. —“Aemingo bei ra se”, i rei Dios nande je. Jē nguiarei Dios cheē isi sereā tuchi. “¿Mbaerā Dios cheē eresenei eā ure je re?” jenyechi nda seje. ¡Dios cheē ngue asenei tuchi rei jēje ra jē! Nyebe taendecha. Judíos eā je Dios cheē tasenei senei cote, i que Pablo huñrao mbaaba aba ee ra.

⁷ Pablo que oso judíos recha cote ra. Judíos chumunuasa jii esi. Justo chuchúaa. Judío eā ndei Justo. Dios quiato que Justo ra.

⁸ Crispo que judíos chumunuasa rerecu ra. Aque que Jesús icua cote ra. Echuchua jenda ja abe que Jesús icua cote ra. Corinto jenda tubiriā ngue Dios cheē ñandu ra. Mbia tubiriā ngue Jesús icua cote ra. Bautizar i que cote ra.

⁹ Itondaru mo ngue Pablo Jesús rea ra. Ñee ngue Pablo je cuu ra. —Eresiquichechi nda mbia si jē. Secheē esenei senei mbei. Erehuichi nda esi jē.

¹⁰ Co aico nderea quiatu co. Mbae icuā nda i eā ndeje. Secheē esenei senei mbei. A jenda ra seicua ja jiri cote, i que Jesús Pablo je cuu ra.

¹¹ Pablo que siqui arete Corinto ra. Un año ndobeichō jiri que eriqui huee ra. Mbia mbaaquiatu quiatu bei Dios riñ.

¹² Galión ngue Acayo jenda rerecua ra. Aque mose que judíos ñimbiicua tuchi Pablo je ra. Oo que erese ra. Curuchoi que nguerecua je ra.

¹³ Judíos que ñee ererecua je ra.

—Pablo que mbia mbaaquiatu icua icua nguia ra. Dios rii. Nandererecua chee ndui ea, i que judíos ra.

¹⁴ Pablo nda ñee nguiã ña. Ererecua Galión nane nguia ñee nguiã esi. Ñee judíos je. —Mbae icua ndese que Pablo riqui ate. Ei nguia nda jeñee achandu nguiã ña.

¹⁵ Mbae icua ngue esaã eate. Pablo chee je chõ jëingo nguiã paama i. Judíos chee ñi ño jëingo nguiã paama i Pablo je. Nyebe ra jeñee achanua. Jë ae jeñee turã jenyue ae, i que Galión judíos je ra.

¹⁶ Mombo ja que uchuchua si cote ra.

¹⁷ Sóstenes, i que judíos chumunua nusa rerecua je ra. Judíos eã ngue paama i Sóstenes je ra. Isi icua ngue ra. Iruã nua tuchi que ra. Ererecua Galión ndesaa que eiruã nua nda. Ererecua que teachõ nda.

Pablo tube Antioquíaa

¹⁸ Pablo que siqui atate Coríntoo ra. —Co acua quia jendecha co, i que uataque je cote ra. Jesús quiato je. Aquila abe que oso erese ra. Priscila abe no. Ngasë ngue ama nimíaa nda. Sucha a tubiriã. Cencrea, i que hue sucha tubiriã je ra. Pablo que ua chisia cote ra. —Achee ngue Dios je, aque que amumbayã nda, i que ua sia cote ra. Siria icha rui que echoi cote ra. Ama ndisha icoi tuchi rui.

¹⁹ Sucha tubiriã je que ngasë cote ra. Efeso, i que sucha tubiriã je ra. Aquila que siquichõ eresebe huee ra. Priscila, i que eninisi je ra. Pablo que oso judío s chumunuásaa ra. Ñee ñee tuchi que judíos je ra.

²⁰ —Eico are jiri aa, i rei que judíos ee ra. Pablo que echee mumba bei oso ra.

²¹ —Taso Jerusalén. Mbia chumunua mose taico rã Jerusalén. Achube ra mae jendese. Dios sembu mose ra achube mae jendese, i que Pablo ra. Oso que Efeso si cote ra. Ama ndisha rui bei que echoi ra.

²² Ngasë ngue Cesaréaa ra. Hue si que Pablo si Jerusalén cote ra. Hue jenda rese que mae nda. Jesús quiato. Hue si que esi Antioquíaa ra.

²³ Siqui arete que Antioquíaa ra. Oso que Galacia cote ra. Frigia abe no. Sucha tubiriã ngue embuchesea sea tuchi quia hue jenda ra. Jesús quiato mundua ndua hue jenda.

Apolos Dios chee senei senei

²⁴ Aque mose que judío mo ngasë huee ra. Efésoo. Apolos, i que ee ra. Alejandría jenda que ae ra. Dios chee nenei neneisa tuchi mbia je. Dios chee icuasa tuchi.

²⁵ Apolos que Dios icha icuate ra. Mbia que embaaquiatu quiatu turã tuchi quia ra. Mbia mbaaquiatu turã Jesús rii. Juan Bautista chee achõ ngue eicua quia ra. Juan bautizar i mose mbia je.

²⁶ Apolos siquicheã tuchi que eriqui mbia mbaaquiatu quiatu ra. Judíos chumunuásaa. Aquil a que echandu ra. Priscila rese. Nyebe que uqui Apolos rerao mbaaquiatu quiatu tuchi ra. Dios icha que embuchecua tuchi ee ra.

²⁷ Apolos que osoe Acáyaa ra. Nyebe Jesús quiato emondo turã. Papel que embesa Acaya jenda je ra. Jesús quiato je Acaya jenda je. —Apolos jëisi turã, i ee. Apolos que ngasë cote ra. Ae Jesús icua quia, uqui mbaaquiatu quiatu tuchi.

²⁸ Apolos que judíos chee siquisã tuchi ra. Judíos mbia mbaaquiatu chooño mose. Jesús rii eã. Nyebe Apolos echee ndiquisã. Dios chee ngue esenei senei nguia ee ra. —Jesús rei Cristo. Ae jësaarõ arõ nguia, aque rei Jesús i tuchi que Dios chee nenei ee ra.

19

Pablo que siqui Efésoo ra

¹ Sita ibate bate ite rii ngue Pablo si ra. Ngasë ngue Efeso cote ra. Apolos siqui mose Corinto. Jesús quiato mo je que Pablo ngasë Efésoo ra.

² Pablo que ñee ee ra. —Jë Jesús isi mose, ¿Espíritu Turã abe ique jeñiangui re re? i que Pablo ee ra. —Espíritu Turã ndese ureiranuate, i que mbia Pablo je ra.

³ Pablo que ñee ee ra. —¿Mbae rii bautizar i jëje re? i que ra. —Juan ñee ñi ngue bautizar i ure je ra, i que Pablo je cote ra.

⁴ Pablo que ñee ee ra. —Juan ngue bautizar i mbia je ra. Mbia hui mose huicua si. “Ae ra tu serui, aque jëicua jë. Jesucristo chõ aque re”, i que Juan nda, i que Pablo ra.

⁵ Pablo chee andu mose que bautizar i Jesús rii cote ra.

⁶ Pablo que o chono earõ nda. Espíritu Turã ngue ique echiangui re coté ra. Ucheemo ngue esaã saã nguia cote ra. Dios chee ngue embuchecua checua quia mbia je cote ra.

⁷ Doce que uqui nda. Jesús quiato.

⁸ Pablo que oso oso quia judíos chumunua ra. Tres meses. Siquicheã tuchi que equia Dios chee nenei nenei nda. —Ererecua tuchi quiarei Dios. Jesús jëicua rã, i que Pablo quia mbia je ra.

⁹ Emo emo ngue Pablo chee ñandu sereã nda. Echee mumba mumba. Jesús rii ñee icua icua mbei mbia ja je. Nyebe Pablo nyao nguiã esi. Pablo que Jesús quiato curuchoi esi ra. Curuchoi que Tiranno chuchúaa ra. Huee que eriqui embaaquiatu quiatu cote ra.

¹⁰ Dos años ngue Pablo riqui huee ra. Nyebe mbia Asia jenda jirandu ja nguia Jesús rese. Judíos jirandu ja erese. Judíos eã abe no.

¹¹ Pablo que mbae saã saã tuchi quia Dios quirãcuã je ra. Mbia mae sayã ngue esaã saã nguia ra.

¹² Mbia rasi mbucherõ sacua ngue mbia riqui tiru mbucha mbucha Pablo rese ra. Ūqui tiru que ecuruchoi choi quia mbia rasi je cote ra. Ūqui tiru ruruchoi mose, mbia rasi que nyerõ nyerõ nguia cote ra. Aba checuayã icuã abe que usẽ usẽ nguia mbia chiã si cote ra.

¹³ Judíos mo ngue ngata beite quia ra. Sucha tubiriã mbuchesea sea bei que equia ra. —Aba checuayã icuã mbusẽ aquiatute que ure ra, i que equia ra. —Jesús rii aba checuayã icuã nandembusẽ, i rei que nyue ra. Nyebe que ñee aba checuayã icuã mo je ra. —Jesús quirãcuã nii aico jembusẽ mbia si co. Ae Pablo senei senei nguia, i rei que judíos aba checuayã icuã je ra.

¹⁴ Sacerdote rerecua ririĩ abe que eĩ si ra. Siete eriiri. Eseva, i que sacerdote rerecua je ra. Judío que ae ra. Ae ririĩ ngue eĩ si rei no nda.

¹⁵ Ūqui ngue ñee ndei aba checuayã icuã je ra. Aba checuayã icuã ngue echeẽ mumba ra. —Jesús aicua. Pablo abe aicua. ¿Aba chõ jẽ nde? Jaẽicuayãte se, i que aba checuayã icuã nda.

¹⁶ Aba checuayã nyireco que oo erese cote ra. Ucuu ucuu tuchi que ūqui ja rese cote ra. Ūqui siete rese. Aba checuayã icuã nyireco quirãcuã tuchi que esi ra. Aba checuayã nyireco que ūqui mbasi ja ra. Nyebe ūqui ndasi rasi uchã aba checuayã icuã si. Eirao eã ngu e nyoi uchã itaicuee rĩ nda.

¹⁷ Efeso, i que hue sucha tubiriã je ra. Hue jenda que jirandu ja erese ra. Judíos que jirandu ja erese ra. Judíos eã abe no. Nyebe hue jenda siquiche ja. Nyebe mbia ñee turã turã jate Jesús rii.

¹⁸ Jesús quiato mo ngue ngaẽ ngaẽ nguia ra. Eya eãte que huicua ndese ra. Nyebe huicua nenei nenei.

¹⁹ Mbia tubiriã ngue mbae icuã papel mbesa ji curucuaẽ nda. Libros de brujería. Munua ja que huee ra. Ūqui ngue eseĩ sei mbia ja resaa cote ra. Mba e isiquia ata tuchi raque que ūqui libros isiquia ra. Cincuenta mil plata.

²⁰ Mbia tubiriã ngue Dios cheẽ isi isi quia ra. Dios cheẽ irãtate que mbia tea quia cote ra.

²¹ Aquere que Pablo ñee nda. —Taso Macedonia. Acaya abe. Aquere ra aso Jerusalén cote. Jerusalén osore ra aso Roma cote, i que ra.

²² Nguesenda nyeremo ngue emondo Macedonia nda. Timoteo. Erasto rese. Pablo que siquichõ are jiri huee ra. Asia.

Efeso jenda paama i ja Pablo je

²³ Aque mose que mbia paama i tuchi Jesús rii nda.

²⁴ Demetrio quia rei mbia mbicuã icuã nyii. Dios mbuae chuchua que esaã saã nguia ra. Mbae rendi átã je que eriqui sucha ñetẽ naa naa nda. Sucha ñetẽ tubiriã ngue esaã saã nguia ra. Dios mbuae chuchuarã. Diana, i que Dios mbuae je ra. Demetrio que mbae isi tuchi quia sucha ñetẽ ndibishorõ nda. Eresenda tubiriãte que sucha ñetẽ naa naasa ra.

²⁵ Nguesenda ja que emunua nda. Dios mbuae chuchua raãsa que emunua ja ra. Ñee ngue ee ra. —Mbae nandeisi turãte rei nguia nandechiao ribishorõ ã.

²⁶ Pablo riqui ñee ñee mbia je co. “Dios mbuae mbia chiaõ rei eicuãte”, i Pablo quia co. Mbia riqui echeẽ mumbayãte ã. A jendachõ eã ñene. Efeso mii eã ñene. Asia jenda abe eriqui echeẽ andu ã.

²⁷ Ūqui icuãte nande je. Nandechiao ra mbia isi isia ñochi cote re. Mbia ra hui ja chõchi Diana chuchua si cote re. Diana abe si ra mbia hui chõchi nde. Nandererecua tuchi que Diana. Mbia chiicua tuchi que ae. Asia jenda chiicua tuchi que ae. ¡Mbia ra hui chõchi esi jẽ! i que Demetrio ra.

²⁸ Demetrio resenda echeẽ andu mose que paama ite ra. —¡Diana quirãcuãte jẽ! ¡Efeso jenda rerecua quirãcuãte jẽ! i tuchi que mbia tasẽ nda.

²⁹ Hue jenda que paama i ja ra. Pare pare i tuchi. Pablo resenda nyeremo ngue eisi ra. Gayo. Aristarco rese. Macedonia jenda. Ūqui nyeremo ngue ecuruchoi mbia chumunuãsa ra.

³⁰ —Taique se abe. Tacheẽ ñee mbia je, i rei que Pablo ra. Jesús quiato que Pablo siquisã nda.

³¹ Asia jenda rerecua mo abe que ucheẽ mondo Pablo je ra. —¡Eriquechĩ nda nde jẽ! i Pablo je. Pablo quiato que ūqui nda.

³² Mbia que pare pare i tuchi ra. Tasẽ tasẽ ja que ra. Hue rĩ ja mbia ndua eãte. Mbae mii ndese ndua eã. Paama i chooño ja. Eaquiataũ ño ñumunua ñooño nguia.

³³ Mbia mo ngue mbae senei senei ja Alejandro je ra. Judíos que Alejandro mua mbia ite re cote ra. —Echeẽ mbia ja je, i que ee ra. Alejandro que o mee mbia je ra. —¡Jẽquiriri chõ jẽ! i rei ngue ee re. —Mbia je tacheẽ. I nda paama ia judíos je, i rei ngue re.

³⁴ —Judío chõ Alejandro riqui re, i ja que mbia ra. Nyebe mbia riqui tasẽ tasẽ mbeite re. Dos horas. —¡Diana quirãcuãte jẽ! ¡Efeso

jenda rerecua quirācuāte jē! i tuchi que mbia tasē tasē nda.

³⁵ Secretario rei ererecua mo. Aque que mbia cheē siquisā cote ra. Ñee ngue ee cote ra. —Tacheē jēje, Efeso jenda. Efeso jenda chō nande re. Diana ndei nandererecua. Nande rei Diana ndaarōsa. Diana naanguia ngue tu ibei si, aque raarōsa chō nande re. Diana chuchua raarōsa abe chō nande re. Mbia jirandu jate ũquĩ ndese.

³⁶ Emo eicuayā eāte. Nyebe jēquiriri chō jē. jĕaquiātuā jēsāā saā eā ño jē!

³⁷ Ae jēisi seru nae, ũquĩ mbae mbuquiachā eāte dios mbuae chuchúaa. Ũquĩ ñee icuā icuā eāte dios mbuae rīi. Dios mbuae jenderecua rīi.

³⁸ Demetrio ñee icuāse mose emo nīi, sã esi nandererecua chuchúaa. Demetrio resenda ñee icuāse mose emo nīi, sã echoi nandererecua chuchúaa. Huee chō ererecua rīqui nguiā mbia cheē andu. Sã echoi ja ererecua je. Sã ñee ñee ja nyue ererecua résa. Mbae icuā nīi.

³⁹ Mbae mo nīi abe mose, jeñee mbia chumunua mose.

⁴⁰ Jesús quiato que nandeisi chooñochĩ nda. Nandechimbūcuā ñooño ño nguiā. Nandererecua ñee arōte nande je. Echeē nda nandesibishorō eā, i que secretario ra.

⁴¹ Aquere que hui mbia si ra. Mbia mbui que cote ra.

20

Pablo nyo: Macedónia, Gréciaa abe

¹ Mbia quiriri mose que Pablo Jesús quiato munua nda. Embaaquiātu quiātu jiri. —Co acua quia co, i que ee cote ra. Macedóniaa ngue echoi cote ra.

² Hue jenda sucha mbuchesea seate que echoi ra. Jesús quiato mundua ndua. Ngasē ngue Gréciaa cote ra.

³ Huee que eriqui are jiri ra. Tres nyasi. —Taso Siria ama ndisha rui, i rei que cote ra. Jirandu que judíos icuā ndese cote ra. —Nandeisi, i nda judíos quia Pablo rīi nda. Nyebe Pablo ru nguiā nyebi si Macedonia.

⁴ Ā ngue nyo: erese ra. Eata rete. Sópater. Berea jenda. Aristarco. Segundo abe. Tesalónica jenda rei ũquĩ. Gayo. Derbe jenda. Timoteo. Tíquico. Tróximo. Asia jenda rei ũquĩ.

⁵ Ũquĩ ja rane nguia nyo: nguiā ure si. Troas que echi nguiā ureraarō.

⁶ Fiesta de Pascua mose que urecu Filipos ra. Aquere que ureso ama ndisha rui cote ra. Cinco días que tu ure je ama ndisha ite re ra. Urecuasē namo ngue Troas cote ra. Ae ureraarō arō nguia, ũquĩ ngue uresiiti cote ra. Urecu are jiri que hue cote ra. Siete días.

Pablo nyo: Troas

⁷ Jesús quiato que ñumunua ja domingo mose cote ra. Mbichae sia sia nyue. Pablo que embaaquiātu quiātu quia ra. —Taso isamami, i que ra. Nyebe embaaquiātu quiātu itondūte mose chee.

⁸ Sucha ibátee que echi ñumunua nda. Eironguia ibate tuchi que ra. Ibate tuchi que echi ñumunua nda. Tata rendi tubiriā ngue etesae tuchi ra.

⁹ Mbia mo ngue chĩ ibate ra. Ventana tose. Etiarō namo ngue ra. Eutico, i que ee ra. Uque que hui ngoi ibate ra. Pablo que ñee oco tuchi embeesi esi ra. Eque que tu ngoi ibate si ra. Mano ndei que ra. Tambuchuruā, i rei que emo nda. Eraaque chō eriqui reaē.

¹⁰ Pablo que nguichi u erea ra. Oo tuchi que erese ra. Quiaama ngue ra. —jĕsiquichechĩ nda jē! Manoāte, i que Pablo mbia je ra.

¹¹ Pablo que osoi nyui ra. Mbichae que echisia sia ra. U que ra. Mbia que embaaquiātu quiatube ra. Eresaitō ndabe chee. Oso que erecha cote ra.

¹² Ae ngoi nae, erasiā ño ngue mbia curuchoichĩ nguiā. Mbia ia tuchi que ngoi je rese cote ra.

Pablo nyo: Miléto

¹³ Pablo que ñee nda. —Ibi rĩ taso se Asón. Hue si ra aso jendese cote. Ama ndisha rui, i que ra. Nyebe ure rane ureso nguiā ama ndisha rui.

¹⁴ Ae urecuasē nguiā Pablo je Asón cote. Pablo que oso urerese am a ndisha rui cote ra. Canoa naanguia ye. Urecuasē ngue Mitilene cote ra.

¹⁵ Hue si que ureso ra. Isamami ngue ejoō acua mo urechucua cote ra. Quío, i que hue ejoō acua je ra. Isamami nongue que urecuasē Samos cote ra. Hue si que ureso Trogilioo ra. Huee que urequeneā urecua ra. Isamami ngue urecuasē Miléto cote ra.

¹⁶ Pablo que quicoi asi Asia si ra. Nyebe uresoā Efésoo. —Tacuasē quicoi oso Jerusalén. Fiesta de Pentecostés taicusu oso ngasē, i que Pablo ra.

Pablo ñee Jesús quiato rerecua je, Efeso jenda je

¹⁷ Mileto si que Pablo emo mundo Efésoo ra. —Jenyu, i que amei je ra. Jesús quiato rerecua je.

¹⁸ Ũquĩ ngue ngaē ee ra. Pablo que ñee ee ra. —Cosete que achu Asia ra. Seicuate raque se. Sechisaā jēicuate raque.

¹⁹ Dios cheē ngue asenei senei turā tuchi quia jēje. Secuasu que asaā saā eāte quia jēje. Acheseo tuchi que sequia mbia rese. Judíos que sembasi mbasi tuchi quia ra. “Taiquia”, i rei que judíos quia seje ra.

²⁰ Dios cheē ngue asenei senei mbeite quia jēje. Asiquicheā mbei que sequia

erenei nenei jêje. Jembitirô sacua. Jeñumunua nua mose. Jenyuchúaa ja abe que aico Dios cheê nenei nenei jêje.

²¹ Acheê tuchi que jêje. Judíos je. Judíos eã je ab e no. “jêicuã si jêhui rã! Jesucristo jêicua rã”, ae tuchi que sequia jêje.

²² Co aso quia Jerusalén co. Co Espiritu Turã sererao quia Jerusalén co. Mañi ño nda seje pee.

²³ Co miñ ño aicua nguiã. Espiritu Turã ngue ñee seje ra. Sucha mbuchesea sea mose que eriqui ñee ñee seje. Mbia icuãte ra seje. Sembasi rae. Semata ndae. Setarô ndae. Espiritu Turã ngue sembiirandu ra.

²⁴ Sesiquicheâte ùqui si. Sã seiquia quiatu. “Dios turã esenei senei mbei quia mbia je”, i que Jesús seje ra. Aque miñ ndese chõ aico nguiã ndu a co. Echeê miñ ndese. fnda echeê amumba eã.

²⁵ Dios nandererecua que asenei senei tuchi jêje. Jemae eã mbei ra serese cote. Aicuate se quia co.

²⁶ Jemo siqui sereã mose Jesús rese, se eã ño cote re. Jê ño cote re. Jê ja je chõ ngue asenei senei ndesê.

²⁷ Dios cheê ngue asenei senei jate jêje. Asiquicheã mbei que sequia erenei nenei jêje. Dios cheê mo ngue atibo tibo eãte jêje.

²⁸ jêingo turã ño nyiese jê! jJesús quiato abe jêteaquiato quia jê! Espiritu Turã ngue ñee jêje resê. “Jesús quiato rerecuarã jê”, i que Espiritu Turã jêje resê. Jesús quiato jêteaquiato quia jê. Ùqui ndibishorô ngue Jesús nguqui mondo ra. Umano mose.

²⁹ Seso mose ra emo ngaê ñee ñoño jêje. Tambirí irí, i ra jêje. Eicuã ño ùqui nde. Nyacua rã sí.

³⁰ Jendese ra emo ndiqui. Jesús quiato mbaaquiato icuã icuã. Jesús quiato mbirí irí. “fnda Jesús quiato siqui nanderese”, i ra ùqui.

³¹ Jêteaquiato jê. Jaembaaquiato quiato tuchi que se. Tres años. Jê ja que jaembaaquiato quiato. Acheseo tuchi que sequia jendese.

³² Aico jendecha Dios je a. Aico jendecha Dios turã je a. jDios cheê turã jemumbayã mbei quia jê! Dios cheê nda jembuquirãcuã. Dios cheê nda jemingo tuchi Jesús quiato rese.

³³ Mbae isiquia que achosei chosei ãte quia mbia mbae aê. Mbia irao abe que achosei chiãte quia aê.

³⁴ Seicuate rei que equia aê. Se sí chõ aquei quie nguiã icua. Seresenda mbaerã abe que aquei quie quia aê.

³⁵ Jaembaaquiato quiato beite que se. “Jêquiei quiei”, ae beite que sequia jêje. “Mbae cha reã je mbae jemee mee”, ae que sequia jêje. Jesús cheê ndese jendua. “Ae mbae meeño nguia emo je, eya tuchi chõ

aque re. Ae eo jenda isi, aque quia eya tuchiã jiri”, i que Jesús nande je ra, i que Pablo Efeso jenda je ra.

³⁶ Aquere que Pablo ngoi nguiã ndese ra. Ñee ngue Dios je ra. Ùqui ndes e ja.

³⁷ Mbia que nyese o ja Pablo rese ra. Quiaama ama ngue ra. Eritii que esiite it e ra.

³⁸ —Jemae iã nda serese cote, i que Pablo ee ra. Nyebe que eya eã tuchi ra. Pablo rese que echoi erasaa ra. Ama ndisha rimia ndese. Pablo so rese mae.

21

Pablo nyoi Jerusalén

¹ Urecuata que ùqui ndecha cote ra. Canoa naanguia ye que ureso cote ra. Cos que ureso ra. Isamami ngue ureso Rodas cote ra. Hue si que ureso Pátaraa cote ra.

² Huee que canoa mo chi ure je ra. Fesia rí ngue esi quia ra. Aque ye que urea cote ra. Eye que ureso cote ra.

³ Chipre rese que uremaa nda. Ejoõ acua. Ejii rí ngue ureso ra. Siriaa que ureso ra. Tiro que ure cu mbirí cote ra. Huee que canoa yenda jea jea ra.

⁴ Jesús quiato que urembirô hue jenda ra. Siete días que ureico erese ra. Espiritu Turã ngue hue jenda mbucheê Pablo je ra. — jEresochí nda Jerusalén jê! i rei ngue Pablo je re.

⁵ Aquere que ureso cote ra. Jesús quiato que nyoi ja urerese ra. Ama nimia ndese. Eresebe echoi urerese. Nguiri abe ruruchi. Ama ndisha rimia ndes e que urecoi ja arenia ndese ra. Ñee ñee Dios je.

⁶ Urechiquiaama ama ja que cote ra. — Co urecua quia co, ure que ee ra. Canoa ye que ureso cote ra. Hue jenda que nyoi nyebi uchuchúaa cote ra.

⁷ Tiro si que ureso cote ra. Ureso que Tolemaida ra. Huee que urecheê ñee Jesús quiato je ra. Ureitô miñ ngue erese ra.

⁸ Isamami ngue ureso cote ra. Cesaréaa que urecuasê nda. Felipe chuchúaa que ureso ra. Ae que Jesús cheê nenei neneisa ra. Ae que mbae cha reã mbuquiari sa ra. Diáconos, i que mbae cha reã mbu quiarua je ra. Aque chuchúaa que urecu ra.

⁹ Cuatro que Felipe rucucha ra. Eruã ja. Dios cheê nenei neneisa ja que ùqui nda.

¹⁰ Huee urecu are jiri mose que emo ndu ra. Judea sí. Agabo, i que ee ra. Dios cheê nenei neneisa que ae abe ra.

¹¹ Ae que tu ure je ra. Pablo numbicuasa que eisi ra. O que echucua eye ra. Hui abe que echucua ra. Pablo numbicuasa je. Ñee ngue cote ra. —Espiritu Turã ndiqui ñee ndeje a. “fnda judíos ndecua pee Jerusalén. Neme nda judíos eã je cote”, i que Espiritu Turã nda, i que Agabo Pablo je ra.

¹² Ure eandu mose queurecheê Pablo je ra. Cesarea jenda abe que ñee ee ra. — ¡Eresochí nda Jerusalén jê! ure ja rei ngue ee re.

¹³ Pablo que ñee ure je ra. —¿Mbaerã jêingo nyeseo seo serese re? ¿Mbaerã jêingo sembia eâte re? ¿Mbaete ere? Sã secua Jerusalén ae. Sã seiquia Jesús rií ae, i que Pablo ra.

¹⁴ Pablo que uresiquisã aroneate ra. Nyebe urecheê eã nguiã e e cote. —Sã Dios ae riqui ñee ñee ee no, ure chee que ra.

¹⁵ Ureico quiatu que cote ra. Ureso que Jerusalén cote ra.

¹⁶ Jesús quiato mo abe que nyoí urerese ra. Cesarea jenda. Chipre jenda mo ngue siqui Jerusalén nda. Masón, i que ee ra. Jesús quiato tuchi que ra. Cose tuchi que eriqui Jesús rese ra. Cesarea jenda que urererao Masón nyuchúaa ra. Huee que urecu erese ra.

Pablo oso Jacobo rea

¹⁷ Jesús quiato ia tuchi que urecuasê mose Jerusalén nda. Ureisi turã ngue ra.

¹⁸ Isamami ngue Pablo si Jacobo rea ra. Ure abe que ureso erese ra. Huee que amei ja chi ra. Jesús quiato rerecua.

¹⁹ Pablo que ñee ee ra. Mba e renei nenei ja ee. —Dios que siqui tuchi serese ra. Se echeê nenei nenei mose judíos eã je, i que Pablo Jesús quiato rerecua je ra.

²⁰ Pablo cheê andu mose que ñee turã turã Dios je ra. Ñee ngue Pablo je cote ra. —Jesús quiato tubiriâte que judíos cote ra. “¡Moisés cheê nduí si chõ nandeico jê!” i tuchi que ùqui ngua ra.

²¹ Ùqui ndiqui ñee icuã icuã nderií ùqui. “Pablo que judíos ataque mbui Moisés cheê si ra”, e equia nderií ùqui. “‘Coche rei Moisés cheê jemumba. ¡Circuncisión jêsaãchí jendiiri je jê! ¡Judíos ataque chisaã saã nda jêsaãchí jê!’, i que Pablo quia judíos je ra”, i rei equia nderií ùqui.

²² ¿Mañi nande ra re? Jesús quiato ra ñumunua ja judíos. Jirandu mose ndereco mose a.

²³ ¡í ere jê! Mbia cuatro que siqui urerese ra. Ùqui ngue ñee Dios je ra. “Á nda uresaã ndeje”, i que ùqui Dios je ra. Ùqui nda esaã ee cote.

²⁴ Ùqui erao Dios chuchúaa. Ùqui na si esaã nde abe. Nembuturã sacua. Mbae isiquia emondo ee Dios chuchúaa. Queñi ua sia cote. ¡ ere quiatu. Mbia ra jirandu jate nderese. “Pablo abe riqui Moisés cheê mumbayã tuchichí nande rá si”, i ra nderií cote.

²⁵ Judíos eã je que nandechê Jesús quiato je. Nandechê mñi ño ngue nandemondo ee. ¡ nande chõ ngue ee. “Mbia soo mondo mondo mose dios mo je, ¡aque soo ra jêuchí jê! ¡Eruqui resebe ra soo jêuchí jê! ¡Mbae ruqui

ra jêuchí jê! ¡Jeninisi rese rocoí nda jêingochí emo ndese jê! ¡jendu rese rocoí nda jêingochí emo ndes e jê!” nande que judíos eã je, i que Jesús quiato rerecua Pablo je ra.

Soldados rerecua Pablo isi

²⁶ Pablo que ùqui cuatro querao cote ra. Dios chuchúaa que ererao ra. Isamami ngue Pablo ñimbitirõ nda. Ùqui cuatro rese. Oso que ñee Dios chuchua rerecua je cote ra. —Aque mose ra mbae mo ureiquia Dios je cote, i que Pablo ee ra.

²⁷ Siete días que echi huee ra. Judíos mo ngue mae Pablo rese cote ra. Asia jenda mo. Dios chuchúaa Pablo chí mose que judíos mae erese ra. Ùqui ngue mbia mbñicuã Pablo je ra. Oo que Pablo rese ra. Isi que ra.

²⁸ Tasê tasê ngue ñee mbia je ra. —¡Israel jenda! Jenyu rá urerese. Pablo nandeisi rá. Ae quia oso oso beite nguiã ñee icuã icuã judíos rií. Moisés cheê ni i abe quia eriqui nguiã ñee icuã icuã mbeite. Dios chuchua rií abe quia eriqui nguiã ñee icuã icuã mbeite. Judíos eã mō abete quia equeruchí nguiã Dios chuchúaa. Dios chuchua mbñicuãte nyeresê, i que mbia paama i Pablo je ra.

²⁹ Pablo quia ñi siquichí nguiã Trófimo ndese. Pablo quia Trófimo querao abareâte nguiã Dios chuchúaa judíos je. Nyebe ngue mbia riqui nguiã ñee icuã icuã ee. Judíos eã nguiã ñi ngue Trófimo nde. Efeso jenda quia ñi ngue Trófimo nde. Nyebe ngue mbia riqui nguiã ñee icuã icuã Pablo je.

³⁰ Hue jenda que ñimñicuã tuchi Pablo je ra. Oo ja que erese ra. Isi que ra. Mbutiriri que Dios chuchua si ra. Dios chuchua que ematã cote ra.

³¹ Pablo nda mbia iquia nguiã ña. Emo ngue oso ñee soldados rerecua je ra. —Mbia Pablo iquia seríte quia pee, i que oso ee ra.

³² Soldados rerecua que soldados munua nda. Oficiales abe no. Nyoí asi que mbia icuã ndea cote ra. Mbia que Pablo iruã nua eã cote ra. Soldados rese mae mose.

³³ Ererecua que oso Pablo rea ra. Pablo isi que ra. —Echucua cadenas je, i que soldados je Pablo rií nda. Ererecua que ñee mbia je cote ra. —¿Aba co re? ¿Mbae icuã esaã jêje re? i que mbia je ra.

³⁴ Hue rí ja mbia ñee eã ee. Mbia que ñee ata ata ee ra. Tasê tasête que ñee ee ra. Ñee ñoño ererecua je. —¿Mbae ra aba icua jêñee nde? i chee que ererecua mbia je ra. — Pablo jenya mbiri na cuartel, i que ererecua soldados je ra.

³⁵ Pablo ruruchoi que ra. Ngasê ngue eiquesa rurubi cote ra. Hue que mbia icuã icuã sí Pablo je no nda. Nyebe soldados ecuruchoi nguiã sui cote.

³⁶ Mbia que tasê tasê ngaê nguia erui ra. —¡Jêiquia rei ae! i que mbia cuaê nguia erui ra.

Pablo ñee mbia cuabê je

³⁷ Pablo nda emingue nguiã soldados chuchúaa chã. Ae Pablo ñee ño nguiã ererecua je. —Tacheê na, i que ererecua je ra.

³⁸ Ererecua que ñee Pablo je cote ra. —¿Griego cheê ereicuate nde re? Egipto jenda ereico rei seje. Ae eicuã icuã ndiqui gobierno je, ¿ũquã nderecua eã nde re? ¿Nde mbia iquia iquiasa rerecua eã nde re? Cuatro mil mbia iquiasa. ¿Nde ererao eã turúquiaa re? i que ererecua Pablo je ra.

³⁹ Pablo que ñee ee ra. —Tei. Judío chõ se re. Tarso jenda chõ se re. Sucha tubiriã tuchi que Tarso de Cilícia ra. Tacheê na mbia je, aechi nguiã ndeje, i que Pablo ererecua je ra.

⁴⁰ —Eno. Echeê ee, i que ererecua ra. Eironguia ibate rese que Pablo ñi juã nda. O que emee mbia mbuquiriri ra. Mbua quiriri mose que ñee ee ra. Judíos cheê ngue esaã mbia je ra.

22

¹ —Seataque, seandu rã. “Eicuã”, jenyechi nguiã seje. Nyebe tacheê jêje, i que Pablo ra.

² Pablo judíos cheê naa mose, mbia que quiriri ja tuchi cote ra. Pablo que ñee mbei mbia je ra.

³ —Judío chõ se re. Társoo que achaacuquia ra. Tarso de Cilicia. Aa que atiarõ nda. Jerusalén ngue atiarõ nda. Gamaliel que sembaaquiatusa ra. Nanderamei ndui si que sembaaquiatu quiatu ra. Eraã si. Dios cheê ngue amumba sereã tuchi ra. Sã jëingo namo ã no.

⁴ Seicuã tuchi que eriqui Jesús quiato je nyii ra. Emo emo ngue aiquia chee ra. Emo emo ngue aru aru quia tarõ nda. Mbua ninisi abe que atarõ tarõ nguia ra.

⁵ Sacerdote rerecua que cartas mondo seje ra. Judíos rerecua abe que cartas mondo seje ra. Damáscoo nda aso nguiã ererao chã. Judíos je nda cartas arao nguiã ña. Hue jenda je. Damáscoo nda aso nguiã ña. Jesús quiato requia ra. Aa nda aru nguiã tarõ ña. Aa nda aru nguiã eiruã nua ña. Jenderecua ũquã icuate raque. Jeñee ee ae.

Aico uba Dios rese co cote, i Pablo

⁶ Acuasê nda Damáscoo chã nde. Tenda ibate que tata mo tu seresae ra. Ibate si que eru ra. Tata rendi que seresae tuchi ra. Sembua tuchi que ra.

⁷ Tata rendi rese mae mose que acoi oso íbii ra. Echeê mo ngue achandu ra. “Saulo, Saulo. ¿Mbaerã ndeicuãte riqui seje re?” i que seje ra.

⁸ “¿Aba nde re?” ae que ee ra. “Jesús rei se. Nazaret jenda. Ae je ndeicuãte riqui”, i que seje ra.

⁹ Seresenda que siquiche tuchi ra. Mae ndei ngue tata rese re. Echeê nguia echanuate nguiã.

¹⁰ “¿Mañi ae ra se re, Sererecua?” ae que se ra. “Dios que ndeirabo ra. Ehuã cote. Ecuasê oso cote. Damáscoo. Mbae rii nda acheê ja ndeje huee cote”, i que Jesús seje ra.

¹¹ Tata rendi que seresa mungue ra. Seresayã. Nyebe seresenda sererao nguiã seo rese. Damáscoo.

¹² Huee que emo ndiqui i ra. Ananías, i que ee ra. Moisés s cheê ngue emumbayã tuchi quia ra. Judíos hue jenda que ñee turã ja quia ee ra.

¹³ Ananías que tu seje ra. Ñee ngue seje ra. “Saulo, Jesús quiato ereico co cote. Emae cote”, i que seje ra. Seresa turã ngue cote ra. Amae ngue erese cote ra.

¹⁴ Ananías que ñee seje ra. “Nanderu rerecua que Dios ra. Dios que ndeisi cose ra. Ae Dios chosei quia, ũquã icua sacua ngue Dios ndeisi cose ra. Jesús turã ndese mae sacua ngue ndeisi cose ra. Jesús cheê andu sacua ngue ndeisi cose ra.

¹⁵ Dios cheê nda eresenei senei mbia ja je cote. Ae erechandu, ũquã nda eresenei senei mbia ja je cote. Ae rese eremae, ũquã nda eresenei senei mbia ja je cote.

¹⁶ ¿Mbaerã ereico chôte a re? Ehuã na. Sã Jesús quiato bautizar i ndeje. Echeê na Jesucristo je. Sã Dios ndeicuã mbutiã”, i que Ananías seje ra.

Dios que atea cuu ra, i Pablo

¹⁷ Achube que Jerusalén nda. Aso que ñee Dios je ra. Dios chuchúaa. Huee que Jesús atea cuu ra.

¹⁸ Jesús que atea ra. Ñee ngue seje ra. “Eso asi Jerusalén si. A jenda ra ndecheê mumba mumbate, nde serenei nenei mose. Eso erecha” i que Jesús seje ra.

¹⁹ Acheê ngue Jesús je ra. “Sererecua, a jenda que seicuate nyii ra. Seicuãte que eriqui nyii ra. Jesús quiato que asirõ sirõ nguia judíos chumunuasa si nyii ra. Atarõ tarõ ngue sequia ra. Airuã nua ngue sequia nyii ra.

²⁰ Mbua Esteban iquia mose, seyate que ũquã mose ra. Huee que aico ra. Eiquiasa irao que asaarõ nda”, ae que Jesús je cuu ra.

²¹ Jesús que ñee seje ra. “Eso. Taremondo isho. Secheê nda eresenei seneite judíos eã je”, i que Jesús seje ra, i que Pablo mbia je ra.

²² Judíos eã nü ñee mose que mbia nyi-ibute cote ra. Pablo cheê andu sereã cote. —¡Pablo nandeiquia rei jê! f nda eriquiã cote, i que judíos tasê tasê nda.

²³ Mbua paama i ja Pablo je. Tasê tasê. Huiãrao mbaaba aba. Ibi tuba ara ara mombo mombo ibate.

²⁴ Soldados rerecua que ñee cote ra. — Pablo jendao matã. ¡Nandeiruã nua jê! f nda

ñee, i que ererecua ra. —¿Mbaerã mbia ñee icuã icuã ndeje re? i Pablo je.

²⁵ Soldados que Pablo chucua ra. Iruã nua nda eña nde. Pablo que ñee capitán je cote ra. —¿Mbaerã nda seirua nua nde? Romano ño se resẽ. Mbae icuã asaã eate resẽ, i que ra.

²⁶ Capitán ngue oso ererecua mbiirandu cote ra. Pablo cheẽ nguire. —¿Ereirua nuachĩ nda jẽ! Romano ño ae re, i que capitán nda.

²⁷ Ererecua que oso ñee Pablo je cote ra. ¿Romano nde re? i que ee ra. Ae, i que ee ra.

²⁸ Ererecua que ñee mbe ee ra. —Mbae isiquia que amondo tuchi mbia je ra. “Romano” i nonde seje, i que ererecua Pablo je ra. Pablo que ñee ee ra. —Romano mbei chõ se re. Sechiacuquia mosenda bei, i que ra.

²⁹ Pablo iruã nua eã ngue cote ra. Mbia que hui esi cote ra. Mbia siquiche ja tuchi que cote ra. —Pablo nandechucua. Romano ño eriqui re, i que mbia cote ra. Ererecua abe que siquiche tuchi cote ra. Pablo o cuare.

Ererecua ñu munua Pablo cheẽ andu

³⁰ —¿Mbaerã judíos paama i Pablo je re? i que soldados rerecua ra. Isamami ngue ererecua ataque munua cote ra. Sacerdote rerecua ja. Amei ererecua ja. Pablo que ecuruchoi ererecua achõ je cote ra. Úqui ererecua ñee sacuaã ee.

23

¹ Pablo que mae hui ererecua ja rese ra. Ñee ngue ee ra. —Seresenda, mbae turã ndese aico bei co. Namo abe. Nyebe sesiquicheã mbei riqui Dios si co, i que Pablo ra.

² Ananías, i sacerdote rerecua je. Aque que ñee Pablo ji jenda je ra. —Pablo churu rese jengua, i que ra.

³ Pablo que ñee ee cote ra. —Dios ra ucua nderese jẽ. Ndeturã resaã ñooñoichĩ nguiã. “¡Moisés cheẽ nda jemumbachĩ jẽ!” ere rei que ure je. ¿Mbaerã erico echeẽ mumba mumba nde re? “Jengua Pablo churu rese”, ere chõchĩ nguiã seriĩ. Moisés cheẽ mumba, i que Pablo ee ra.

⁴ Pablo cheẽ andusa que ñee asite ee ra. —¿Mbaerã erecheẽ icuã sacerdote rerecua je re? Dios emingo rei a resẽ, i que Pablo je ra.

⁵ Pablo que ñee ee ra. —Sacerdote rerecua eã eriqui rei nguiã seje. I nde acheẽ eate eriĩ. Aicuayãte quia ñi se re. “Jenderecua riĩ jẽngochĩ nguiã ñee icuã”, i rei que Dios ñee nande je resẽ, i que Pablo ra.

⁶ Hue riĩ ja ererecua ndua eã. Fariseos, i que ererecua ataque je ra. Saduceos, i que eataque je no nda. Nyebe Pablo ñee nguiã ee. —Seresenda, se rei fariseo. Seru ja rei fariseos no. “Mbia mano je ra quera si”, ae quiatu nguiã co. Úqui je chõ mbia riqui

nguiã paama i seje. Úqui je chõ ngue sereru nguiã jẽje, i que Pablo ererecua je ra.

⁷ Pablo cheẽ nguire que ererecua ñee icuã icuã nyue ra. Saduceos que ñee icuã icuã fariseos je ra. Fariseos abe que ñee icuã icuã saduceos je no nda.

⁸ Saduceos que ñee nguia ra. —Mbia raaque ra quera si eã. Angeles eã ibatenda. Mbia aĩ abe eã, i que saduceos quia ra. Fariseos que echeẽ sobeishĩ nda. —Eraaque ra quera si. Angeles siqui ã ndesẽ. Mbia aĩ abe siqui ã ndesẽ, i que fariseos ra. Nyebe ererecua ñee icuã icuã nguiã nyue.

⁹ Tasẽ tasẽ tuchi que nyue ra. Fariseos mo ngue juã ñee nda. Úqui ndei embesasa. Ñee ngue Pablo riĩ nda. —Pablo que mbae icuã saã eate quia. Emo aĩ ñee ee reae. Angel mo ñee ee re no ae. Nyebe nandeico turã ee no. Úqui mose ra nandeico turã Dios je abe, i que fariseos ra.

¹⁰ Mbia que ñe e icuã icuã mbei chõchĩ nguiã nyue. Soldados rerecua ireĩte que eriqui ra. Mbia que Pablo iquia serĩte quia ee ra. Nyebe ñee soldados je. —Jẽso Pablo rea. Jendao rã jenyuchúaa, i que ererecua soldados je ra.

¹¹ Isa que Jesús ru ñee Pablo je ra. —Eresiquiche techĩ nda, Pablo. Serenei nenei ngue se a, eĩ ere si ra oso serenei nenei Roma, i que Jesús Pablo je ra.

Pablo nandequia, i rei mbia

¹² Isamami ngue judíos ñee ja nyue ra. —¿Pablo nandequia jẽ! i ja nyue. Mbae mo nda nandeu eã mbei, Pablo iquiayã mbei mose. Nandeyu eã mbei ra Pablo iquiayã mbei mose. Chã Dios nandembasi, Pablo iquiayã mose, i tuch i que judíos ñee nyue ra.

¹³ Ae Pablo iquia serĩte quia, úqui cuabẽte que ra. Cuarenta que ra.

¹⁴ Úqui ngue nyoĩ ja ñee mbia rerecua je ra. Sacerdote rerecua je abe no. —Mbae mo nda ureu eã mbei, Pablo iquiayã mbei mose. Chã Dios urembasi, Pablo iquiayã mose.

¹⁵ “¡Pablo embu ure je!” jenyẽ soldados rerecua je. “Pablo rese uremae na”, jenyẽ soldados rerecua mbiĩri irĩ. Ñeenda cúa ra urechiquitirõ erese. Pablo ra ureiquia chã, i rei que judíos ra.

¹⁶ Pablo nongue riĩri ngue jirandu erese ra. Aque que oso Pablo mbiirandu ra. Soldados chuchúaa. —¿Mbia ra nyiquitirõ tirõ nderese jẽ! i ndeiquiachĩ nda jẽ! i que Pablo je ra.

¹⁷ Nyebe Pablo ñee soldado mo je ra. —Senongue riĩri erao ndererecua je. Ñee nda ndererecua je chã, i que Pablo ra.

¹⁸ Nyebe ererao nguiã nguerecua je. —Pablo que acuanindu mbu ra. Mbae i chõ nda ndeje, i nguerecua je.

¹⁹ Ererecua que acuanindu querao eo rese ra. Pe jiri que eñi ñee ee ra. —¿Mbae ere u ñee seje re? i que ererecua ra.

²⁰ Acuanindu que ñee ererecua je cote ra. —Judíos ra ñee ndeje. “Pablo embu ererecua chumunua mose. Ererecua ra Pablo cheë ñandu”, i ra nembiri iri.

²¹ Ñee ñooño nda ndeje. ¡Echeë nda eremumbayächí jê! Judíos cuabê nda nyiquitirō tirō erese. Cuarenta. “Mbae mo nda nandeu eã mbei Pablo iquiayã mbei mose. Nandeyu eã mbei ra Pablo iquiayã mbei mose”, i tuchi judíos, i que acuanindu ererecua mbiirandu ra.

²² Soldados rerecua que ñee acuanindu je ra. —¡Equiriri chō oso! ¡Erecheëchí nda emo je jê! i que ee ra.

Pablo mondo ererecua Félix je

²³ Ererecua que ñee ererecua ataque mo je cote ra. —Sã soldados icoquiatsu. Sã echoi Cesarea itondáruu. Sã doscientos choi ibi rí. Sã setenta choi ticuasú ato. Sã doscientos choi ira racuatirō ji rerecua. Cesarea ra jêso itondaru, i que soldados rerecua ñee nda.

²⁴ —¡Ticuasú jêisi mua Pablo rendacuã jê! ¡Pablo jendao turã nguia jê! Jendao turã ererecua Félix je, i que soldados rerecua ra.

²⁵ Embesa ji que emondo Félix je ra. fngue carta mbesa ra:

²⁶ —Se rei Claudio Lisias. Co ambesa quia ndeje co, Félix. Mbia rerecua tuchi quiarende.

²⁷ Co amondo quia ndeje co. Pablo, i equia ee. Judíos eisichí neaë. “Nandeiquia”, i rei ereaë. Se chō ngue asiquisã nguia. Romano ndei ae. Nyebe mbia asiquisã nguia esi.

²⁸ Judíos rerecua chumunua mose que Pablo arao ee ra. “¿Mbaerã mbia icuãt e riqui Pablo je re?” ae rei ngue ñee ererecua je re.

²⁹ “Pablo nandetarō”, i rei que judíos quia ra. “Pablo nandeiquia”, i rei que judíos quia ra. Pablo siquiã ndaque mbae icuã ndese. Judíos cose ndare cheë nguire chō ngue judíos paama i Pablo je ra.

³⁰ Airandu que erese ra. “Judíos ra Pablo iquia”, i que mbia mo ñee seje ra. Nyebe aico nguia Pablo mondo ndeje aque. Ae eicuã icuãte riqui Pablo je, ũquí je que acheë nda. “Jêso quia ñee Félix je”, ae chō ngue ee ra. Hasta luego. fngue carta mbesa ra.

³¹ Soldados que Pablo curuchoi isa ra. Nguerecua cheë nguire. Ngasë ngue Antipatris ra.

³² Soldados que nyoí ibi rí, ũquí ngue ngaë nyebi isamami nda. Ae nyoí ticuasú ato, ũquí ngue nyoí bei ngasë Pablo ruruchoi ra.

³³ Ngasë ngue Cesaréaa ra. Soldados rerecua chimbasa que emondo mbia rerecua je ra. Pablo abe que emondo mbia rerecua je ra.

³⁴ Mbia rerecua que mae huí carta echimbasa rese ra. —¿Ma jenda nde re? i que Pablo je cote ra. —Cilicia jenda rei se, i que Pablo ee ra.

³⁵ —Ae ñee icuã icuã nguia ndeje, ũquí ngasë mose ra ndecheë achandu ja, i que ererecua Pablo je ra. —Pablo jêtaequiatu tuchi Herodes chuchúaa, i que soldados je cote ra.

24

Judíos ererecua mbicuãse Pablo ríi

¹ Cinco días mose que sacerdote rerecua ngasë Cesaréaa cote ra. Ananías, i equia sacerdote rerecua je. Ererecua ataque mo ngue ngasë erese ra. Tértulo abe que ngasë erese ra. Abogado rei Tértulo. Ngasë ngue ecuaë ñee ñooño Félix je ra. Pablo ríi.

² Soldados que Pablo curucuaë ererecua chumunua mose ra. Tértulo que ñee icuã tuchi Pablo ríi cote ra. Ererecua nda embicuã nguia Pablo ríi charã ña. Ñee ngue ererecua je ra. —Ndeturãte eriqui ure je co, Urererecua. Ndeaquiatute eriqui ur e je co. Urembiata equia co.

³ Nyebe “iaanye” ure bei nguia ndeje co, Félix.

⁴ Ureandu mbirí na. Urecheë oco eã nda ndeje nye.

⁵ Pablo quiareí siqui chooñoa judíos je. Judíos mbuchesea sea ja. Embicuã icuã uchue. Nazarenos, i que judíos ataque mo je ra. Ũquí nderecua rei Pablo.

⁶ Pablo que Dios chuchua mbicuã seríte rei ra. Nyebe ureisi nguia. Urrao rei que judíos rerecua chumunua mose ra.

⁷ Lisias tu chōchí soldados rurucuaë cote. Ureriquisã. Pablo rirō icuã ureo si.

⁸ “Jêñee icuãse mose Pablo ríi, jêñee ño oso Félix je”, i que Lisias ure je ra. Echeë Pablo je no. Ereirandu ra Pablo rese cote. Eicuã ndese, i rei que Tértulo Félix je ra.

⁹ —Ae beite, i ja judíos Tértulo cheë mose. Ñee icuã icuã ja Pablo ríi.

Pablo ñee ererecua Félix je

¹⁰ Ererecua que ñoomee Pablo je cote ra. —Nde echeë seje cote, i chō ñoomee nguia ee. Pablo que ñee ee cote ra. —Urererecua ima nde. Ndeaquiatute. Nyebe sebite riqui nguia secheë mose ndeje. Á ngue ñee ñooño nguia serií nda. Echeë tasibishorō ndeje.

¹¹ Namó jiri que aso Jerusalén nda. Doce días. Acheë ñee ngue oso Dios je ra. Echeë ñee mbia je ae. Sã mbia nembirandu ae. “Ae beite” i ra mbia ndeje.

¹² Emo je que aico ñee icuã icuã eãte Dios chuchúaa ra. Mbia que ambucheë icuã eã nguia nyue ra. Judíos chumunúasaa que aico eã mbia mbicuã icuã nda. Mbia chuchua ite re abe que aico eã mbia mbicuã icuã no nda.

13 ã ñee ñooño ño nguiã seriĩ. ã mae ãte seicuã mo ndese resẽ.

14 Aque mii ndese chõ aico resẽ. Dios cheẽ yasu rui bei chõ aico nguiã co. Dios cheẽ yasu quiarei eicuã eã. Dios rei ureru rerecua bei. Co aico Dios icua co. Co aico Moisés cheẽ icua co no. Co aico Dios cheẽ mbuchecuaa chimbasa icua co no.

15 Co aico Dios icua ùqui na si co. Mbia raaque ra quera si no. Ùqui aicuate. Mbia icuã nda quera si. Mbia turã na si. Quera ja chõ ndae.

16 Nyebe aico Dios cheẽ ndui bei co. Nyebe sechiã cuaãcuã i eã Dios si. Mbia si abe.

17 Cosete que aso a si ra. Muchos años. A achube a cote. Mbae mee mee sacua mbaecha reã je. Seresenda je. Dios je abe mbae mee.

18 Achimbuturã ngue Dios chuchúaa ra. Mbia eãsa. Mbia ambicuã eã. Judíos Asia jenda que mae serese ra. Dios chuchúaa.

19 Sã ùqui ngaẽ sereñe ndeje. Seicuã mose, sã ùqui ngaẽ ñee ndeje.

20 Sã ã abe ñee ndeje. Seruruchoi rei que judíos rerecua chumunua mose ra. Mbae i ãte que seje ra. “Mbae icuã ngue eresaa nda”, i eã ngue ererecua seje ra.

21 “Mbia mano je ra quera si, ae chõ ndei nguiã co. Ùqui je chõ ngue sereru nguiã jêje”, ae que ererecua je ra. Ùqui i equia seje reae, i que Pablo Félix je ra. Félix rei ererecua.

22 —Emo mose ra acheẽ ndeje, i que Félix Pablo je ra. Félix jirandu tuchi rei Jesús chimbaaquiату rese reae. —Sã soldados rerecua ru rã. Huee quia nda acheẽ nguiã cote. Mañi ño nda aba ndeje cote, i que ererecua Pablo je ra.

23 Félix que ñee capitán je cote ra. —Pablo jêteaquiату bei jê. Jêhui jêhui jiri esi. Sã equiatio ngaẽ ngaẽ erea. Mbae mondo mondo ee, i que Félix ra.

24 Emo mos e jiri que Félix ngasembe Cesaréaa ra. Eresebe que eru ra. Drusila, i que eninisi je ra. Judía rei eninisi. —Pablo jendu rã. Pablo cheẽ tachandu rã. Jesucristo rí tachandu, i que Félix ra.

25 Pablo que tu ñee ee ra. —Sã mbia siqui turã Jesús rã si. Sã mbia ñimbiracuã mbae icuã si. Dios ra mbia icuã mbuchao, embasi sacua, i tuchi que Pablo Félix je ra. Félix chiã ngue cuaãcuã i Pablo cheẽ mose ra. Nyebe ñee Pablo je. —Eso cote. Serecochi mose ra acheembe ndeje, i que Félix Pablo je ra.

26 —Pablo ra mbae isiquia mondo chee seje. Se embui sacua, i rei que Félix ra. Nyebe Félix “echu” i i bei nguiã Pablo je.

27 Eĩ mbei que Félix quia ra. Dos años. Aquere que Félix ererecua eã cote ra. Porcio Festo que esiquicharõ nda. Félix que Pablo tarõ mbei mii nda. —I nda judíos paama iã seje, i que ra.

25

Pablo ñee ererecua Festo je

1 Festo que ngasẽ Cesaréaa cote ra. Félix rendaque re, mbia rerecuarã. Tres días mose que esi Jerusalén cote ra.

2 Huee que sacerdote rerecua ñee icuã ja Pablo rii nda. Judíos rerecua abe ñee icuã ja Pablo rii. Festo je ñee ñee Pablo rii.

3 —Urembia jiri rã. Pablo eru Jerusalén, i ja rei que sacerdote rerecua Festo je ra. Iquia nda eña nde. Ñeenda cúaa.

4 —Pablo tarõ ji ñi Cesarea pee. Aruã nda se. Namu jiri ra aso pee, i que Festo ra.

5 —Sã jenderecua abe nyoĩ serese Cesaréaa. ¿Mbae jenye quia Pablo je re? ¿Mbae icuã esaã nde? Nyao pee teñee seje, i que Festo ra.

6 Festo que siqui mbirĩ Jerusalén nda. Ocho o diez días. Hue si que eru nyebi Cesaréaa ra. Isamami ngue esi mbia chumunúasaa ra. Ae que mbia rerecua cote ra. Ngoi que huee ra. —Pablo jendu rã. Echeẽ tachandu cote, i que mbia je cote ra.

7 Pablo que ique cote ra. Judíos Jerusalén jenda que ñee icuã icuã Pablo rii nda. Maende rocoi mbae icuã naa mose. Ñee ñooño eriĩ.

8 Pablo que ñee echeẽ mose ra. Judíos cheẽ ngue esibishorõ nda. —Mbae icuã mo asaã eãte resẽ. Judíos chimbasa amumbayãte resẽ. Romanos nderecua cheẽ amumbayãte no ndesẽ. Dios chuchua abe ambicuã eãte no ndesẽ, i que Pablo ra.

9 —¿Ndeso sereãte Jerusalén nde? Mañi ae ra se quia ndeje hue reae, i rei que Festo Pablo je ra. —I nda judíos paama iã seje. Judíos tambia jiri, i que equia ndua ra.

10 Pablo que ñee ee ra. —Romanos nderecua raque jê. Aico raque jêsaa a. Jê nguiatu jeñee seje. ã jêingo raque seicuate ã. Mbae icuã mo asaã eãte judíos je resẽ.

11 Se mbae icuã naa tuchi mose, ¿seiquia se jê! Judíos ñee ñooño mose seriĩ, ¿mbaerã nda semondobe judíos je re? Semondo aroneate ee. Ererecua tuchi je semondo rã. Sã ae quia ñee seje, i que Pablo Festo je ra.

12 Festo que ñee nyecuayã cuayã nguesenda je ra. Aquere que ñee Pablo je cote ra. —“Semondo ererecua tuchi je”, ere que seje. Taremondo ee cote, i que Festo Pablo je ra.

Pablo cheẽ tachandu, i Agripa

13 Aquere que Agripa si Cesaréaa ra. Ererecua rei ae. Berenice rese que esi ra. Festo rea.

14 Huee que itõ mocoite ra. Festo que Agripa mbiirandu ja Pablo rii nda. —A emo tarõ ji ñi a. Félix que etarõ mii nda.

15 Seso mose Jerusalén, sacerdote rerecua ñee tuchi seje. “Pablo eiquia”, i rei ngue seje

re. Judíos rerecua abe ñee icuã icuã tuchi Pablo rii.

¹⁶ Acheẽ ndei ngue ee re. “Tei. Mañi ae ra mbia mo iquiachõ nde. Mbia eicuã nenei eã mose seje. Ae ñee icuã nguia erii, sã Ûqui ngaẽ ñee ee. Sã ñee nguia nyue sésaa”, ae que ee ra.

¹⁷ Judíos que ngaẽ a cote ra. “Isamami jeñee tachandu Pablo je”, ae que ee ra. “Pablo jendu rã”, ae que isamami serimba je cote ra.

¹⁸ Pablo ucuayãsa que juã ja rei cote ra. Ñee icuã tuchite rei nda Pablo rii seje. Pablo chisaa icuã mo ngue embuchecuayã ñochi nguia seje. “Mbia ra Pablo mbicuã tuchichĩ nde”, aechi ngue se re.

¹⁹ “Judíos rã eã ño Pablo. Judío ndua rã eã ño Pablo riqui nguia ndua”, i chõ ngue judíos ñee ñee seje ra. Jesús, i que emo je ra. Judíos que ñee icuã icuã tuchi Jesús rii nda. “Jesús que quera si manonde ra”, i que Pablo judíos je ra”, i que Festo Agripa je ra.

²⁰ —“¿Mañi ae ra se re?” aete que se ra. Nyebe que acheẽ ee ra. “¿Ndeso sereãte Jerusalén nde? Huee quia nandechẽ”, ae rei que ee ra.

²¹ “Sã ererecua tuchi quia ñee seje. Semondo ee Roma”, i que Pablo seje ra. “Eno. Aremondo je nda ee re”, ae que ee ra. Nyebe ngue atarõ mbeite mii nguia, i que Festo Agripa je ra.

²² Agripa que ñee ee ra. —Se abe nda aque cheẽ achandu rã ña, i que Festo je ra. —Eno. Isamami nda echeẽ erchandu cote, i que Festo ra.

²³ Isamami ngue Agripa huirao turã mingue ra. Berenice rese. Ererecua irao. Ererecua ataque chumunua mose que echoi ique ra. Soldados rerecua que chi ja huee ra. Mbia rerecua mo abe que chi ra. —Pablo jendu cote, i que Festo mbia je cote ra.

²⁴ Festo que ñee cote ra. —Tacheẽ ndeje, Agripa. Jẽ abe je tacheẽ, mbia rerecua. A eriqui a cote. Pablo, i equia ee. Ae rii judíos riqui ñee mbeite seje. “Eiquia”, i bei seje. Jerusalén jenda abe ñee mbei erii. Cesarea jenda rã. “Sã mano”, i bei seje.

²⁵ ¿Mbae rii nda aba eiquia re? Mbae icuã mo esaã eãte resẽ. Ae quiarei ñee. “Semondo rã ererecua tuchi je”, i que Pablo seje ra. Nyebe tamondo ee.

²⁶ ¿Mbae i ra aba embesa mondo ee re? Mbae icuã ngue esaã eãte. Nyebe Pablo aru nguia jẽje a. Ndeje chõ ngue aru nguia, Agripa. Echeẽ ee. f nda eicuã erembuchecua. f nda eicuã ambesa mondo ererecua tuchi je.

²⁷ ¿Ma nda aba etarõi mondochõ nde? Eicuã mbesa iriã mose, i que Festo Agripa je ra.

26

Pablo ñee ererecua Agripa je

¹ Agripa que ñee Pablo je ra. —¿Mbae i mbia quia ndeje re? Nde quia echeẽ cote, i Agripa. Pablo que o sui ñee ee ra.

² —Secheẽse rete ndeje, Sererecua. Judíos que ñee icuã tuchi quia serii nda, Sererecua.

³ Nde quiarei ureicuasa tuchi. Judíos icuasa tuchi nde. Urecheẽ icuã icuã ererecuate nde. Nyebe nderosei nguia tu rã secheẽ andu.

⁴ Judíos maesate raque se, señetẽ mosenda bei. Sererecua quitĩ. Jerusalén abe.

⁵ Se rei fariseo. Setiarõ namo mosendachõ ndei fariseo se. Judíos seicuate raque. Fariseos achõ ño ureramei ñee mumbayã mbei.

⁶ “Mbia raaque ra ambuquera si”, i que Dios ureramei je cose ra. Dios ra ucheẽ nyabiã. Nyebe “ae bei” ae nguia ee. Ûqui nii ño judíos riqui nguia seucuayã ã. Ûqui nii ño mbia riqui nguia ñimbicua seje ã.

⁷ “Mbia raaque ra ambuquera si”, i que Dios ra. “Ae bei”, i ja Israel jenda quia ee ã. Nyebe Israel jenda riqui bei nguia echeẽ ndui si ã. “Mbia raaque ra Dios mbuquera si”, ae sequia se abe co. Ûqui je chõ judíos icuã icuã ndiqui nguia seje, Agripa.

⁸ ¿Jẽ abe je Dios mbia raaque mbuquera aroneate re?

Seicuã tuchi Jesús quiato je nyii, i Pablo

⁹ Se abe que seicuã icuãse rete riqui Jesús quiato je cose ra. Nazaret jenda chõ Jesús re.

¹⁰ Seicuã icuãte que ee Jerusalén nda. Sacerdote rerecua que ñee seje ra. Nyebe ngue aico nguia Jesús quiato tarõ tarõ mbeite cose. Sacerdote rerecua cheẽ nguire. Jesús quiato iquia iquia mose, “coche rei” ae que sequia ra.

¹¹ Jesús quiato que airuã nua tuchi quia ra. “f nda hui Jesús si”, ae rei que sequia ra. Sucha tubiriã ngue ambuchesea sea quia ra. Jesús quiato je seicuã sacua. Judíos chumunuasa mbuchesea sea. Paama ae tuchi que sequia Jesús quiato je nyii ra. Isho tuchi que aico oso oso Jesús quiato requia ra. Seicuã tuchi sacua ee.

Aico uba Dios rese co cote, i Pablo

¹² Emo mose ngue aso rei nguia Damáscoo. Sacerdote rerecua semondo mose.

¹³ Tacheẽ tuchi ndeje, Sererecua. Tenda nandeite re mose que tata mo tu seresae ra. Ibate si que seresae ra. Seresenda abe resae. Tata rendi que ureresae tuchichĩ nguia tenda si.

¹⁴ Tata rendi rese ma e mose que urecoi ibii ra. Echeẽ mo ngue achandu ra. Hebreo cheẽ. “Saulo, Saulo, ¿mbaerã ndeicuãte riqui seje re? Nde sí chõ erchimbasi mbasi nguia aque. Ticuasú rã tuchi quiarei nde aba cheẽ

mumba mose. Sã ticuasu riqui nambacua mbuti no. Sã eriqui hui mbaba ira racua echi no. Ûqui na tuchi quiarei nde”, i que seje ra.

¹⁵ “¿Aba nde re?” ae que ee ra. “Jesús rei se. Ae je ndeicuãte riqui”, i que seje ra.

¹⁶ “Ehuã na. Aico nyecua ndeje a. Serenei nenei sacua mbia je. ‘Jesús rese que amae nda’, ere bei quia mbia je. Mbae mo abe ra ambuchecua ndeje. Ûqui abe teresenei senei mbia je.

¹⁷ Judíos eã je taremondo. Secheẽ nenei nenei sacua. Ûqui o taisi eicuã icua mose ndeje. Judíos o abe taisi eicuã icua mose ndeje no.

¹⁸ Taremondo judíos eã je. Terembaaquiatu quiatu. † nda eriquiã mbae icua ndese. † nda eriqui mbae turã ndese. † nda eriquiã aba mbãri irisa rui. † nda eriqui Dios rui. † nda Dios icua. † nda eicuãambutia esi. † nda Dios ùqui ngue recoe umbaerã”, i que Jesús seje ra.

Pablo Dios cheẽ senei tuchi Agripa je

¹⁹ Ibatenda cheẽ ngue amumbayã nda, Agripa.

²⁰ Dios cheẽ ngue asenei senei tuchi mbia je ra. Mbia Damasco jenda je. Jerusalén jenda je abe no. Judea rurubinda je abe no. Judíos eã je abe no. “ÿeicuã si jẽhui chõ jël Dios icha rui jẽingo. Jẽingo turã. ‘Dios icha rui eriqui’, i nda mbia jẽje chã”, ae que ee ra. Embaaquiatu quiatu.

²¹ Nyebe judíos seisi nguiã Dios chuchúaa. Nyebe eriqui nguiã “nandeiquia” i seje.

²² Dios que serea quiatu bei quia ra. Namó abe. Nyebe aico echeẽ nenei nenei mbei mbia ja je. Mbaecha ja je. Mbaecha reã je abe. Moisés cheẽ ndui si aico ñee ñee mbia je co. Dios cheẽ mbuchecua rui si aico ñee ñee mbia je co.

²³ † ngue Dios cheẽ mbuchecua embesa cose ra: “Mbia ra Cristo mbasi mbasi. Aquere ra mbia eiquia. Ae rane nda quera si mbia raaque si. Ae ra mbia mbiirandu ngueco mose uquera rã. Judíos mbiirandu. Judíos eã ab e mbii randu”, i que Dios cheẽ mbuchecua mbia je cose ra, i que Pablo Agripa je ra.

²⁴ Festo que ñee Pablo je cote ra. — Erequiachã ño nguiã co, Pablo. Embesai rese mae tuchire erequiachãte equia co, Pablo, i que Festo tasẽ Pablo je ra.

²⁵ —Aquichã eãte se resẽ. Festo. Acheẽ nyecuate raque jẽje. Dios cheẽ tuchi chõ asenei nguiã jẽje co.

²⁶ A Agripa riqui raque a. Nandererecua tuchi. Echeẽ ee. Ae rã aico ñee jẽje, ùqui ngue Agripa icua tuchi ra. Nyebe sesiquiche eãte riqui nguiã ñee ee. Secheẽ icua jate equia co. Jesús que ñee nyecuayã eã mbia je ra. Jesús mbae saã nyecuayã eã, i que Pablo ra.

²⁷ —¿Dios cheẽ mbuchecua cheẽ ndebite re, Agripa? Ndebite que ra, i que Pablo ee ra.

²⁸ —“Jesús quiato ra nde cote”, ¿erechẽ equia seje re? i que Agripa Pablo je ra.

²⁹ Pablo que ñee ee ra. —Nde mii eã. Seandusa ja. A jengu ja a. Jesús quiatorã na jẽ, se rã si, aechi nguiã jẽje. Jengasa ra chi eã nguiã, se rã si, i que Pablo ra.

³⁰ Pablo ñeende que ererecua juã cote ra. Agripa. Festo abe. Berenice abe. Ae chi ngoi erese, ùqui abe que juã nda.

³¹ Nyoï que pe jiri cote ra. Ñee ñee nyue. — Pablo mbae icua saã eã tuchi chõ ngua re. Eiquia aroneate quia eriqui re. Etarõ abe aroneate quia eriqui re, i que ererecua nyue ra.

³² Agripa que ñee Festo je ra. —“Semondo rã ererecua tuchi je”, i chõchõ Pablo. † nda aa chõ nandehui esi, ñee eã mose. “Semondo rã pe ererecua tuchi je”, iã mose, i que Agripa ra.

27

Pablo mondo Roma quitu

¹ —Pablo tamondo Italia, i que ererecua ra. —Jëisi suruchoi, i que soldados rerecua mo je ra. Julio, i que soldados rerecua je ra. Augusto rimba, i que ùqui soldados je ra. Emo abe que ecuruchoi isi ra. Se abe que aso erese ra. Lucas rei se.

² Aristarco abe que oso urerese ra. Macedonia jenda rei ae. Tesalónica, i sucha tubiriã je. Ureique ja que canoa cuasu ye ra. Adramitio jenda rei canoa. Asia quitu que urecua ra. Sucha mbuchesea sea sacua hue jenda.

³ Isamami ngue urecuasẽ Sidón cote ra. Julio turãte que Pablo je ra. Ecuatasa que eriqui ra. Nyebe Pablo si uquiato rea. Equiatio que eteaquiatu ra.

⁴ Urecuata si que ama ndui ra. Quiririã ngue ureriquisã nda. Canoa mbucuatayã. Nyebe ejoõ acua mo uresichã nguiã. Eibichi que ureso quia cot e ra. —† nda quiririã nandembutiba eã, ure que ra. Chipre, i que ejoõ je ra.

⁵ Cilicia que urechucua cote ra. Panfilia abe que urechucua nda. Urecuasẽ ngue Mira cote ra. Licia, i que ibi je ra.

⁶ Huee que soldados rerecua canoa cuasu nongue tea ra. Alejandria jenda rei canoa. —Oso ra Itãlia, i que ure je ra. —Aque ye jẽingue, i que ure je ra. Ae ureso nguiã eye cote.

⁷ Ureitõte que oso quia ra. Ureque atate que ama ndisha rasa ra. Urecuasẽ nyue que Gnído ra. Quiririã mbeite que ureruba quitu ra. Nyebe ejoõ acua mo uresichã nguiã. Creta, i que ejoõ je ra. Salmón ngue urechucua nda.

⁸ Ejoõ acua que uremama jiri ra. Quiririã icuã icuã ngue ure je ra. Buenos Puertos que urecuasê cote ra. Lasea, i que hue rurubinda je ra. Sucha tubiriãte que ra.

⁹ Ureitõ mocoite que huee ra. Quiririã tuchite chee que ra. Aba ireite que quiririã cote ra. Ama mose. Nyebe que Pablo ñee mbia je ra.

¹⁰ —Nandecuata i i mose ra canoa ñimi nande je. Mbae ra ñimi ja canoa yenda. ¡Nande abe ra nandemanochĩ jê! i que Pablo ee ra.

¹¹ Soldados rerecua que Pablo cheẽ mumba ra. Canoanya cheẽ mumbayã. — Nyao rei, i que soldados rerecua ra.

¹² —Canoa ndua icuãte a. Quiririã aronea. Nyao rei a si. Ma nandecuasê ãte Fenice. Huee nda nandecu are jiri nguiã. Huee que quiririã eã jiri. Nyao huee, i que ureataque ra. Fenice rei sucha tubiriã. Ejoõ acua jenda.

Quiririã mbia iquia serĩ

¹³ Quiririã ngue uba cote ra. Ichu chooño jiri que cote ra. —Nandecuatasa jirichĩ cote, i que ureataque ra. Canoa que embucua cote ra. Ejoõ acua ibi que ureso quia ra.

¹⁴ Urecuata ramo mose que quiririã icuã tu ure je ra. Ejoõ acua quti que eru ra. Noreste, i que aque quiririã je ra.

¹⁵ Quiririã ngue canoa mbucuatayã ure-ruba quti ra. —Sã quiririã ae nanderu-ruchebi serao, ure chee que ra.

¹⁶ Ejoõ quitera quti que ureso ra. Ejoõ ngue quiririã nyoote ure si ra. Claudia, i que ejoõ je ra. Canoa ñetê ngue urembuti serao quia ra. Canoa cuasu riita rese. Ejoõ quitera quti que canoa ñetê urechuchã canoa cuasu ye cote ra. Eusite raque.

¹⁷ Canoa ñetê ngue urechuchã canoa cuasu ye ra. Canoa cuasu que echucua chucua ra. —Quiririã nda embuquiatachĩ nande je re, i que ra. Mbia siquiche tuchi que ra. — ¡Eriiri iri quti ra nyaochĩ jê! Nandeaã ndae, i que nyue ra. Nyebe que tiru canoa aronda mbuquichi cote ra. —Sã canoa ae si quia nandererao surucuata, i que nyue ra.

¹⁸ Isamami abe que quiririã icuã icuã mbeite ra. Nyebe mbia mbae mombo mombo nguiã ii. Canoa yenda. Emumbebi sacua.

¹⁹ Aquere que ureitõ si no nda. Isamami ngue mbae uremombo mombo ja cote ra. Canoa mumbebi tuchi cote.

²⁰ Ureitõ mocoĩ mocoĩ tuchi ama ndisha riite re. Itõ nguicoĩ bei que ure je ra. Quiririã mbei. Pã i bei. Tenda checuayã mbei que ra. Nyasi tata abe checuayã bei que ra. — Nandecuaseã mbeichĩ nda ibi je re. Ama ndisha riite re ra nandemanochĩ nde, ure chee que ra.

²¹ Mbae que ureu eã mocoĩ mocoĩ nda. Nyebe que Pablo juã ñee mbia je ra. Canoa yenda je. —Seresenda, secheẽ ngue jemumbachĩ nda. Secheẽ aba mumbayã mbichĩ. Créeta nandecumchõ mbichĩ. † nda canoa yenda nandemomboãte ii. Mbae mbuquiachã nondechĩ.

²² ¡Jeñimbiracuã ño jê! Nande mo nda mano eã. Canoa nda quia chã. Nande quiatu ra nandequiachã yã.

²³ Dios rimba rei se. Dios que ángel mo mbu ñee seje isa ra.

²⁴ “¡Eresiquichechĩ nda jê, Pablo! Eremano eã ndae. Erecuasê nyee r a ererecua Roma jenda je. Nderĩ nda nderesenda mo manoã. Dios ra etequiatu ja,” i que ibatenda seje ra.

²⁵ Seresenda, ¡jeñimbiracuã ño jê! Dios aicua tuchite quia co. Dios ra ucheẽ nyabiã nande je. Angel cheẽ nguire ra nandemanoã.

²⁶ Quiririã nda nandemondo ejoõ acua mo ndese, i que Pablo ra.

²⁷ Ureitõ mocoĩ mocoite que ama ndisha riite re ra. Catorce días. Quiririã ngue ure-rurucuata chõte quia ra. Adria, i que ama ndisha je ra. —Ama nimia nanderubite rei reae, i que canoa yenda ra. Itondiite mose.

²⁸ Ama ndiite que embuchechea ra. ¿Ecuatuchi ere? i que nyue ra. Treinta y seis metros. Pe jiri que embuchechea si no nda. Veintisiete metros cote.

²⁹ — ¡Canoa nda cua ichĩ sita je jê! ¡Quiatachĩ nda jê! i que mbia nyue ra. Nyebe mbae usi mondo mondo nguiã ii canoa ndiquisã sacua. Mbae usi cuatro. Anclas, i que ñuĩ je ra. Ae ecuaa chi nguiã canoa ndese embutiba. —Quiatuchu, nyaashĩ, i tuchi que equia ra.

³⁰ —Nandechã nyecuayã, i que canoanya rimba ra. Nyebe canoa ñetê mbuquichi mondo ii. —Mbae usi urechucua mondo ii. Urechucua canoa ai rese, i que uremburĩ irĩ nda. —Nandechã nyecuayã, i chõ mbei que equia nyue ra.

³¹ Pablo que ñee soldados je ra. Ererecua abe je. —Á chichõ eã mose canoa ye, jeñimi ja rae. Ama nda jêiquia, i que Pablo ra.

³² Ae soldados canoa ñetê sã nyisia nguiã. Emondo ii. Hui esi cote.

³³ Nyaashĩ namo mose que Pablo ñee ja mbia je ra. —Mbae mo jêu jiri cote. Jeniãcuã mocoĩ mocoite que. Mbae mo ngue jêuate catorce días. Jengueãte que catorce días no.

³⁴ Mbae mo jêu rã cote ae. † na jêquiracuã jiri. Mbae mo nda jêi eã jêje. Jemo nda mano eã, i que Pablo ee ra.

³⁵ Aquere que Pablo mbichae sirõ nda. ¡aanye, i que Dios je ra. Mbia resa rae. Nyisia que ra. U que cote ra.

³⁶ Pablo cheẽ ngue mbae oseĩ uquia mbia je ra. Mbia ja que mbae u cote ra.

³⁷ Urecuabēte que canoa yenda ra. Do-
scientos sebenta y seis que ure ra.

³⁸ Mbia ja que mbae u tuchi ra. Quiata
a raanguia que emombo mombo ii cote ra.
Canoa mumbebi sacuā.

Canoa jaā

³⁹ Urechaashī ngue cote ra. Ibi rese que
uremae cote ra. —A ureicuayāte, i que
mbia ibi je ra. Eicoinda rese que uremae
nda. Ama nimia turā. —Nyao nguichi huee.
Eicoinda, i rei que ererecua ra.

⁴⁰ Anclas sã ngue echisia sia ra. Anclas
recha bei ii. Canoa mbuchaa chaasa que
embuquiata ra. Tiru icoi que embuchese-
obe quiririā je ra. Canoa ngue ngata ama
nimia turā nguiti cote ra.

⁴¹ Iaācuā eicoinda que canoa jaā nda.
Eriquiraa eāsaa. Canoa ai que jaā tuchi
ra. I rebera tubiriā ngue ra. Canoa ndiita
mbaaba aba. Eriita que nyiquiiso ra. Quiata
que ra.

⁴² Soldados que ñee cote ra. —Ā ecuaa
riqui ā nae, jā nandeiquia ja jē! f nda echoi
eā ita. Oso chee eā, i rei ngue soldados re.

⁴³ Soldados rerecua que Pablo iquia sereā
nda. Nyebe ñee nguā soldados je. —iEcuasa
mo nda jēiquiachī jē! i que soldados je ra.
Ererecua que ñe e mbia je cote ra. —Eita
aquiātu jēso ii. Jēso usē ama nimia ndese.

⁴⁴ Eita aquiātuā, jēso mbebi ira rese, i que
soldados rerecua ure je cote ra. Eī ure ja que
usē ama nimia ndese cote ra.

28

Ngasē ejoō ácuua Máltaa

¹ Uresē ja que ama nimia ndese ra. —
Malta, i que a je ra. Ejoō acuā je, i que hue
jenda ure je ra.

² Hue jenda turāte que ure je ra. Tata que
emendi ure je ra. Urechee sacuā. Tiquindi-
iseite que eriqui ure je ra.

³ Pablo que nyea queru mbuchuu ra.
Nyea mbucha mose que mbei usē asi Pablo
echi ra. Mbei que Pablo o shiu ra.

⁴ Eo resebe tuchi que eñi nda. Nyebe hue
jenda ñee ñee nyue. —Mbia iquia iquiasa
Pablo ree. Oso chee que ama ndisha si no.
A mbei riqui eshiu a no. Mano nda cote reae.
Huīcuā mose, i rei que hue jenda nyue ra.

⁵ Pablo que mbei mbaba tátaa ra. Erasiā
mbei que Pablo je ra.

⁶ Mbia que mae nguiatu Pablo rese ra. —
Ma eruru. Embusiate rei rae. Mano ndae,
i rei que ra. Mbia que mae nguiatute rei
u nguā erese. Erasiā mbeite que ee ra.
Nyebe mbia ucheē mbuchebi nguā. —Dios
mo ndei Pablo, i que mbia cote ra.

⁷ Hue robeichō ngue ererecua mbae ibi ra.
Ejoō acuā rerecua. Publio, i que ererecua

je ra. Urererao que uchuchúaa ra. Urem-
buquiaru turāte que ra. —Jēitō mocoī jiri, i
que ure je ra. Tres días que ureitō erese ra.

⁸ Publio ru rasite que ra. Eracute que ra.
Eruushi ruquite que ra. Pablo que oso erea
ra. O que echono earō nda. Ñee ngue Dios je
ra. Nyerō ngue cote ra.

⁹ Aquere que mbia rasi ngaē ngaē ja Pablo
je cote ra. Ejoō jenda ja. Dios que em-
bucherō ja ra.

¹⁰ Mbia que mbae mee mee tuchi ure je ra.
Urecuata mose que mbae chuchā nyuchā
tuchi canoa ye ra. Urechuurā.

Pablo ngasē Rómaa

¹¹ Ejoō acuā que urecu bei ra. Tres meses.
Canoa cuasu mo abe que chi beite aque rī
nda. Alejandría jenda rei aque canoa. Dios
Nyeremo, i que aque canoa je ra. Aque
canao ye que ureso cote ra.

¹² Siracusa, i que sucha tubiriā mo je ra.
Huee que urecuasē nda. Huee que ureitō
mocoī nda. Tres días.

¹³ Hue si que ureso siquiibi cot e ra.
Urecuasē ngue Regio ra. Huee que ureitō
nda. Isamami ngue quiririā ureichu ure-
quite quti ra. Canoa maña turā. Co mīi ngue
ureque ama ndiite re ra. Urecuasē ngue
Puteoli ra. Huee que urequichi bei canoa si
cote ra.

¹⁴ Jesús quiato mo ngue uretea huee ra.
—Jenguchō na urerese, i que ure je ra. Ae
ureuchō nguā una semana erese. Aquere
que ureso Roma nguiti cote ra. Ibi rī.

¹⁵ Jesús quiato que jirandu urerese cote
ra. Roma jenda. Nyebe ecuaē nguā urer-
obeishī. Foro de Apio, huee que urerobeishī
nda. Tres Tabernas, hue abe que urer-
obeishī ishi nda. —Iaanye, i que Pablo mae
mose Jesús quiato rese ra. Pablo ia tuchi
erobeishī mose.

¹⁶ Urecuasē ngue Roma cote ra. Sucha
tubiriā tuchi que Roma nda. Soldados
rerecua que ecuaa mondo ja mbia icuā
ndaarōsa je cote ra. Pablo mbuchao que
ra. —Ndechuchua chō eico nde, i que ee ra.
Soldado mīi ngue Pablo reaquiātu bei quia
ra.

Pablo Dios cheē senei senei Rómaa

¹⁷ Urecuasē namo jiri mose que Pablo
judíos rerecua munua j a ra. Roma jenda.
Pablo que ñee ee ra. —Seresenda, mbae icuā
ngue asaā eāte judíos je ra. Nanderamei
ñee abe que amumba eāte ra. Judíos que
semeño Romanos je ra. Jerusalén seico
mose.

¹⁸ Romanos ngue ñee tuchi seje ra. “Nan-
dehui esi”, i rei ngue seriī cote re. “¿Mbaerā
nda nandeiquia re? Mbae icuā mo ngue
esaā eāte”, i que seriī nda.

¹⁹ “jēhuichī nda esi jē!” i bei que judíos
quia ra. Romanos je. Judíos quia ñi hui

sereãte nguiã sesi. “Semondo ererecua tuchi je”, ae chee que se ra. Ererecua saa ra acheẽ icuã eã ndei judíos rii.

²⁰ Nyebe “Jenyu. Tamae jendese. Tacheẽ jêje”, ae que jêje ra. Mbia mano je ra quera si, nande chõ ndaque equia co. Uqui je chõ secuasa riqui nguiã co, i que Pablo judíos je ra.

²¹ Judíos rerecua que ñee Pablo je ra. — Jerusalén jenda que ucheẽ mbesa eãte imbu ure je ra. Ae ngaẽ ngaẽ nguia hue si, uqui abe que ñee icuã eãte quia nderii nda.

²² Ndecheẽ urechandu rã. Mangue chooño eã mbia ñee icuã icuã jeni. Jesús quiato rii. Nyebe echeẽ ure je, i que Roma jenda Pablo je ra.

²³ —Aque mose ra urechu ndecheẽ andu, i que judíos Pablo je ra. Aque mose que ecuaẽ jate cote ra. Pablo chuchúaa. Isamamimbe. Pablo que embaaquiato quiato tuchi ra. Tenda mondo chee. Jesús rii ngue eriqui ñee ñee mbia je ra. Moisés chimbese que esenei senei ee ra. Dios cheẽ mbuchecuaasa chimbese abe que esenei senei ee ra. † nda mbia Jesús icua. —Dios quiarei ererecua tuchi, i tuchi que Pablo judíos je ra.

²⁴ Emo emo ngue Jesús isi ra. Pablo cheẽ mose judíos je. Eataque que Pablo cheẽ isiteã teã nda. Ichõño nei equia ee reaẽ.

²⁵ Pablo cheẽ ndui ja eã ngue ra. —Nyao rei erecha, i que eataque ra. Nyebe Pablo ñee ee. —Espíritu Turã ngue Isaías mbucheẽ turã nanderamei je cose ra. Eẽ ngue ñee nda:

²⁶ Eso rã ñee judíos je: “Secheẽ nda jeñandu rei nguiã.

Jeñandu eã naanguia rae.

Jemae ndei nda erese re.

Jemae eã naanguia ra erese.

²⁷ Jeñia átate.

Aba cheẽ mumba mumba.

Jendesa jemungue munguete.

Secheẽ jêcua sereãte.

Jemba sereãte seicha rui.

Nyebe aico nguiã jembucheroãte”, i que Dios ra, ere ee,

i que Isaías chimbese ra, i que Pablo ra.

²⁸ Pablo que ñee mbei ra. —Tacheẽ jêje, judíos. Judíos eã je ra Dios cheẽ uresenei senei cote. Uqui nguia ra eya tuchi erese. † nda Dios erirõ icuã si, i que Pablo ra.

²⁹ Pablo cheẽ nii ngue judíos choi guiã ñee icuã icuã nyue ra.

³⁰ Dos años ngue Pablo riqui huee ra. Roma. Mbae isiquia que emondo mondo tuchuacha je ra. Huee eico mose. Pablo iate que eriqui ra. Mbia nyo: nyo: mose erea.

³¹ Mbia mo ngue Pablo cheẽ siquisã eãte ra. Jesucristo rii ngue eriqui ñee ñee mbia je ra. —Dios ra mbia rerecua tuchi, i que equia mbia je ra. —¿Mbaerã ereico ñee Jesús rii nde? i eã ngue emo Pablo je ra.

LA CARTA DEL APOSTOL SAN PABLO A LOS ROMANOS

Pablo ucheẽ mbesa mondo Roma jenda je

¹ Co aico co mbesa jêje co. Se rei Pablo. Jesucristo rimba rei se. Dios que seirabo ra. Ucheẽ nenei nenei sacua. Dios que semingo icúe ra. Ucheẽ turã nenei nenei sacua.

² —Secheẽ turã tamondo mbia je, i que Dios cose ra. Ucheẽ nenei neneisa je ñee. Echeẽ ngue ique cote ra.

³ Dios cheẽ turã nandembiiranduchi Jesucristo riĩ cote. Dios riirĩ ndei Jesucristo. David riirina ngue tu íbii cote ra.

⁴ Jesucristo manonde, Espiritu Turã ngue embuquera ra. Dios quirãcuã je que embuquera ra. Dios riirĩ ndei Jesucristo. Nyebe Espiritu Turã embuquera nguiã. Mbiambiirandu randu sacua Dios riirĩ ndese.

⁵ Dios turãte que ure je ra. Jesucristo riĩ. Nyebe ureirabo mingó nguiã ucheẽ nenei nenei sacua. † nda mbia mangue chooñoa jenda abe Jesucristo icua. † nda mbia mangue chooñoa jenda abe Jesucristo cheẽ mumbayã no.

⁶ Sã jê Jesucristo cheẽ jemumbayãte no. Sã Dios jêirabo no. Jesucristo rimbarã.

⁷ Co ambesa mondo quia Rómaa jêje co. Dios chesecua tuchi chõ jê nde. Dios que jemingo icúe uquiatorã nda. Nanderu chõ Dios re. Nandererecua chõ Jesucristo re. Sã ùqui turã mbei riqui jêje. Sã ùqui ndiqui jembia tuchi.

Pablo oso sete raque Rómaa

⁸ —Jesús quiato tuchi chõ ùqui ndiqui re, i jate mbia quia jeniã ã. Mangue chooñoa jenda abe. Nyebe aico nguiã gracias i tuchi Dios je co.

⁹ Dios cheẽ asenei senei mbeite quia mbia je co. Eriirĩ nü. Dios resa rae aico embesa mbesa jêje a. Aico ñee mbeite Dios je jeniã co.

¹⁰ Aico ñee ñee mbeite Dios je co. † nda Dios semondo jendea. Semondose mose ra aso jendea.

¹¹ Seso sete raque jendea. Jembaaquiato quiatu sacua Jesús riĩ. Jembirãcuã sacua Jesús riĩ.

¹² Seso sete jendea. Ñimbiam sacua nyiese. Nandeico tuchi sacua Jesús rui. Nande Jesús nandeicuate resẽ.

¹³ Taso jendea, ae beite rei que se quia ra. Taembaaquiato quiatu Jesús riĩ, ae rei se. Eĩ nda Jesús jêicua secheẽ nguire. Sã mbiamo Jesús icua tuchite secheẽ nguire no. Mbae seriquisã quisã mbeite. Nyebe asoã mbeite nguiã jendea.

¹⁴ Jesús cheẽ nenei nenei si ahui aroneãte. Tasenei senei tuchi mbia ja je. Griego ja je.

Mbiamo abe je. Eaquiato je. Eaquiataũ abe je.

¹⁵ Nyebe aico nguiã icoquiature co, Jesús cheẽ nenei nenei sacua jêje. Roma jenda je.

Jesús cheẽ quirãcuã tuchi

¹⁶ Aireĩ ireĩ eãte Jesús cheẽ nenei nenei mbia je. Jesús cheẽ quirãcuã tuchi quia ique nguiã aba chiangui ri. Aba riirõ sacua mbae icua si. Judios je rane ngue Jesús cheẽ quirãcuã nda. Judío eã je abe no.

¹⁷ Jesús cheẽ nandembiirandu quia ã. Nande Jesús icua mose, Dios ra nandeisi turã uquiatorã. Mbae turã mo nandesã eãte raque.

Ae Jesús icua quia nae, Dios ra ùqui isi turã tuchi.

Ùqui nda siqui bei cote, i ñi embesa ji re.

Mbia icua tuchi Dios je

¹⁸ Ae siqui Dios rã eãte nae, ùqui nda Dios mbasi ja. Ae siqui icuate quia nae, ùqui nda Ibatenda mbasi ja no. Ùqui nandeicuate quia nande co. Ichõiñoa reã ñee andu sereãte quia ñene.

¹⁹ Jirandu tuchi rei que Dios rese ra. —Eĩ ae chõ nguiã co, i rei que Dios ee ra. Dios icua sereãte quia ñene.

²⁰ Dios rese mbia mae aroneãte raque. Dios quirãcuã ndese mbia mae aroneãte raque. Mbiam ra Dios icua uchiangui re, echiao rese mae mae mose. Dios que mbae chao ja nyii ra. Aque mose bei mbia riqui mae mae Dios chiao rese co. Nyebe eriqui nguiã “Dios rese ureiranuãte”, i aroneãte.

²¹ Jirandu tuchi rei que Dios rese resẽ. Ñee turãyã tuchi chõchĩ Dios riĩ. Gracias iã ñochĩ Dios je. Nyebe eriqui nguiã ndua icua icua mbei. Nyebe eriqui nguiã itongui ri mbei.

²² “Ureaquiature” ichõiño ñochĩ equia ùqui. Eaquiataũ ño siqui nguiã ùqui.

²³ Hui tuchi que Dios si ra. Ae manaõ mbeite quia, aque si. Sererecua i chõchĩ mbae ao ao ji je cote. Ae ra mano, ùqui je chõ eriquichĩ nguiã “sererecua”, i. Mbiam raangua je. Quiaa rinda je chõ eriquichĩ nguiã “sererecua” i. Ae mbebe quia. Ae uchã nguia. Ae nguata quia nguie rese. Ùqui je chõ eriquichĩ nguiã “sererecua” i.

²⁴ Nyebe Dios hui nguiã esi cote. Mbae icua naa naa mbei sacua cote.

²⁵ Ñee ñoño tuchi Dios riĩ cote. “Nandererecua” i chõchĩ Dios chiao je cote. “Nandererecua” i rocoĩ Dios miĩ je. “Nandererecua” i bei chõ mbichĩ aba quia Dios miĩ je. Amén.

²⁶ Nyebe Dios erecha ja nguiã cote. Oco chooño sacua mbae icua ndese. Ubi icua ndese. Cuña mo oco oco nyiese si. Cuña ngu raã naa cuña nongue je. Siqui rocoĩ ngu rese.

²⁷ Hombro mo abe hombra nongue mo oseĩ oseĩ. —Seninisirã nde, i ñee ñee uchue si. Oco oco nyiese. Siqui rocoĩ ngũinisi rese. Icha tuchi Dios si. Nyebe Dios riqui nguiã embasi tuchi co cote.

²⁸ Dios rese jirandu sereã. Nyebe Dios hui nguiã esi. Siqui bei bei sacua ubi icua ndese. Nyebe ei ei nguiã nyue mbae icua ndese.

²⁹ Eicua tuchi eriqui ũqui. Ico chooño tuchi equia cuña ndese ũqui. Ndua ndua icua mbei tuchi equia ũqui. —Aque rã nda se chã, i beite equia emo mbae je ũqui. Mbia mbasi chooñote equia ũqui. Mbaecha ucuayã ñooño tuchi equia ũqui. Mbia iquia iquia chooño tuchi equia ũqui. Paama i chooñote equia uchue ũqui. Mbia mbĩrĩ irĩ ñote equia ũqui. Mbia ucuayã ñooño mbeite equia ũqui.

³⁰ Ñee ñooño mbeite equia mbia mo nii ũqui. Dios ucuayã tuchi equia ũqui. Ñee icua icua mbeite equia aba cheẽ ndibishorõ ũqui. Ucuasu raã naa ñooñote equia ũqui. “Se quiarei i tuchi”, i beite equia ũqui. Emo mbiũcuã icua mbeite equia ũqui. Ngu cheẽ mumba mumba chooñote equia ũqui. Usi cheẽ abe mumba mumba chooñote equia ũqui.

³¹ Eaquiataũ tuchite ũqui. Ucheẽ mumba mumbate ũqui. Emo je eturã eãte riqui ũqui. Emo icua si eriqui tesareiãte ũqui. Eya eã eãte riqui emo ndese ũqui.

³² —Ae ũqui saã saã nguia mbae icua nae, ũqui nda amondo tata cuasu, i que Dios ra. Dios cheẽ icuare quiatu eriqui nguiã mbae icua naa i ite. —Sã emo abe mbae icua naa naa nandechabe, i chee chee.

2

Dios mbia cuata tea ja

¹ —Dios ra ũqui mbasi rã ña, erechĩ nda ũqui mbia icua je. Nde i mose, nde abe ra ndeicua nyecua mbia je. —Seturãte aico co, jerechĩ nda jẽ! —Ũqui ndiqui mbae icua naa naa ũqui, nde i mose, ũqui icua sí chõ eresaã saã nguiã nde abe aue.

² —Ae ũqui icua saã saã nguia, ũqui tambasi, i mose Dios, Dios ra embasi chooño eã. Maende erese quia ra embasi.

³ —Dios ra ũqui mbasi rã ña, erechĩ nguiã huee. Eraã sí tuchi chõ ereicochĩ nguiã ũqui sí raã naa aque. Nde abe ra Dios nembasi ũqui ndese resẽ.

⁴ Dios ia eãte raque aba icua ndese. Dios aba mbasi jei eã ndaque aba icua mosebe. Ñimbirãcuãte aba icua je. Coche ñene, ereã ñochĩ Dios chimbirãcuã mose ndeje. —Eyayã jẽ nda huiãcuã ndese chã, i Dios quia nderiĩ co. Nyebe eriqui nguiã ñimbirãcuã ndeicua je.

⁵ Ndechiã átã tuchi chõchĩ. Ndeico sereã tuchi chõchĩ Dios rui. Ndeicua eremunua tuchi chõ nguia aque re. Dios nembasi nonde. Dios mbia icua mbasi ja mose ra nde abe mbasi.

⁶ Aque mose ra Dios mbia mbuchao chao. Emo emo nda emondo tata cuãsuu. Emo emo nda emingo bei no.

⁷ Ae eturã mbeite riqui, ũqui nda Dios mingo bei. Nyoĩ sete quia Dios rea re. Siqui bei serete quia mbia mingo beisa rese re. Nyebe ra Dios emingo bei cote.

⁸ Dios ra paama i tuchi mbia icua je. Mbasi tuchi rae. Mbia mbiũcuãsa tuchi quia ũqui nde. Dios cheẽ mumbate quiatu nguiã. Nyebe ra Dios embasi tuchi.

⁹ Ae siqui mbae icua ndese, ũqui ja ra Dios mbasi. Judios icua nane nda embasi. Judios eã abe ra embasi no.

¹⁰ Ae siqui mbae turã ndese, ũqui je ra Dios turã mbei. Judios turã nane. Judios eã abe cote. Mbia ra ũqui turã icua tuchi. Dios ra ũqui mbia tuchi.

¹¹ Co quiatu, i eã nda Dios mbia mo mii je. Mbia mii ndese ra ebia eã. Mae turã ja chõ nda erese.

¹² Ae jirandu eãte Moisés chimbese rese nae, ũqui siqui icua mose ra Dios embasi. Jirandu eãte raque Moisés chimbese rese. Ae Moisés chimbese icua nae, ũqui siqui icua mose ra Dios embasi. Moisés chimbese cheẽ nguire ra Dios embasi.

¹³ Ae Dios cheẽ ñandu chooño nguia nae, “taẽisi turã” iã nda Dios ũqui je. Ae Dios cheẽ mumbayã nguia nae, ũqui nguiatu ra Dios isi turã.

¹⁴ Ae judios eã nae, ũqui Moisés chimbese ñandu eã mbeite raque. ũqui mo ae siqui turã turã mbei mbae turã ndese. —Mbae turã nandesaã, ite eicua. Dios cheẽ andu eãte raque emo mose.

¹⁵ Ae ae chõ mbae turã icua nguiã. Mbae icua abe icua. Mbae icua naa mose, “eicua asaã ñochĩ”, i tuchi eicua uchiangui re. Mbae turã abe raã mose eicua tuchi uchiangui re no.

¹⁶ Aque mose ra Dios ñee Jesucristo je. Ae icua mbia saã nyecuayã cuayã nguia nae, ũqui nda Jesucristo mbuchecua ja cote. Jesucristo ra mbia icua mbasi mbae icua nii cote.

Judios Moisés cheẽ mumba mumba

¹⁷ —Judios chõ ure re, jenye equia ũqui. — Moisés chimbese ra nandemingo bei, jenye chõchĩ equia ũqui. —Dios quiarei ebia tuchi ure mii ndese, jenye chõchĩ equia ũqui.

¹⁸ Ae Dios bite nae, ũqui jẽicuate quia jẽ ũqui. —Moisés cheẽ ureicuate quia ã. Nyebe mbae turã ureicua jate quia ã, jenye chõchĩ nguia ũqui.

¹⁹ —Ure mü ño ñeenda Dios icha ureicuachĩ, jenyee bei chõchĩ equia ũquí. — Itondaru jenda uretesaete, jenyee chõchĩ equia ũquí.

²⁰ —Mbia aquiatuã urembaaquiātu quiatu, jenyee chõchĩ nguia ũquí. —Mbia aracuayã urembaaquiātu quiatu, jenyee chõchĩ nguia ũquí. Jê Moisés chimbesea jêicua aba reãte quia ũquí. —Moisés chimbesea ñee ñooño eãte, jenyee raque quia eicua ũquí.

²¹ Jêaracuayã mbia jembaaquiātu quiatuchĩ nguia. ¿Mbaerã jeñimbaaquiātu iã jê nyii re? —Mbae ra jembuquiachãchĩ, jenyee chõchĩ equia ũquí. Jê sí chõ mbae jembuquiachã nguia ũquí.

²² —Emo ninisi rese ra jêingochĩ, jenyee chõchĩ equia ũquí. Jê sí chõ jêingo nguia emo ninisi rese ũquí. —Ae je mbia riqui “Dios” i chooño nae, ũquí ndese ra jêingochĩ, jenyee chõchĩ equia ũquí. Dios abareã mbae jembuquiachã quiachã ñochĩ nguia ũquí.

²³ —Dios cheẽ ureicua tuchi quia ure ã, jenyee chõchĩ equia ũquí. Jê sí echeẽ jemumbate quia ũquí. Nyebe mbia riqui nguia ñee turã eãte Dios rĩ ã.

²⁴ Nyebe embesa ji cheẽ ndiqui nguia ique ã cote. Jê Dios cheẽ mumba mose, judíos eã ndiqui ñee icuã tuchi Dios rĩ ã.

²⁵ Coche circuncisión jêsaã saã nguia Dios je, jêingo bei mose Dios cheẽ ndese. Jêingo eã mose Dios cheẽ ndese, circuncisión naa eã naanguia chõ jêingo nguia ũquí.

²⁶ Ae circuncisión saã eã nguia nae, ũquí siqui mose Dios cheẽ ndese, circuncisión naande raanguia chõ eriqui nguia ũquí.

²⁷ Ae circuncisión saã eã nguia nae, ũquí siqui mose Dios cheẽ ndese, Dios ia tuchi chõ ũquí ndese re. Eyare rocoĩ jendese. Jê nguia Dios cheẽ jemumba mumbate nguia. Dios cheẽ jêicuate raque. Circuncisión jêsaã saãte raque.

²⁸ Ae judíos Dios cheẽ mumba mumba quia nae, judíos tuchi eã ño ũquí nde. Circuncisión naa naa ndaque. Ae circuncisión saã nguia nae, ũquí siquã mose Espiritu Turã ndese, circuncisión turã eã ño ũquí nde.

²⁹ Ae Dios isi tuchi quia uchiangui re, ũquí nguiarei judíos tuchi. Ae siqui Espiritu Turã ndese, circuncisión tuchi chõ ũquí cote re. Ũquí je ra mbia achõ ñee turã eã. Dios abe quia ra ñee turã ee.

3

¹ ¿Mbaerã judiorã sete riqui mbia re? ¿Mbaerã circuncisión sete riqui mbia re?

² Eturete quia mbia je re. Judíos je quiatu ngue Dios ucheẽ mondo nguia. Mbia mo je eã.

³⁻⁴ Judíos mo hui hui raque Dios cheẽ si. Dios quia ra ñee ñooñoã mbei. Echeẽ nguia

ra io bei. Mbia hui hui raque esi. Mbia ñee ñooño ndaque. I ñi embesa ji re:

Ndecheẽ nda io tuchi mbia resa rae.

Mbia icuã mose ndeje, nde quia ra ere tuchi mbia si,

i que embesa ji ra.

⁵ Jemo ngue ñee ño nda: —Dios turãte riqui nandecua je co. Mbae icuã nandesaã saã mbei chõ nguia. Mbia mae sacua Dios turã ndese. Dios nandecua mbae mose, Dios icuãte, i chõchĩ jemo. ¿Mañi nande ra ũquí ñee mose re?

⁶ Ichõño tuchi chõ ũquí nde. Dios icuã aroneãte. Dios icuã mose, eĩ nda Dios mbia icuã mbae aroneãte rei.

⁷ Jemo ngue ñee ño nda. —iNandechẽ ñooño ño nguia jê! Nandechẽ ñooño mose, mbia ra ñee turã Dios rĩ. “Ñee ñooñosa reã tuchi quia Dios riqui re,” i ra mbia Dios rĩ cote. Nyebe Dios riqui nguia nandembasi ãte nandechẽ ñooño mose, i chõchĩ jemo.

⁸ —Mbae icuã nandesaã saã ño. I nda Dios turã nyecua mbia je, i chõchĩ jemo. Urecheẽ ãte ure ũquí ndesẽ. Ae ñee nguia ũquí, ũquí nda Dios mbae.

Mbia mo eturã eãte

⁹ Judíos chõ nande re. ¿Nandeturã nda eriqui rei mbia mo si re? Tei. Nandeturã eã ño esi re. Nandecua ja chõ ñene. Judíos eã icuã ja chõ ñene. Judíos icuã ja chõ eno nde.

¹⁰ I ñi embesa ji re:

Emo eturã eãte. Aque mü mo eã.

¹¹ “Dios icha taicua”, iãte emo.

“Dios rese taico”, iãte emo.

¹² Mbia que icha icha jate Dios si ra.

Eicuã jate que eriqui ra.

Emo mbae turã mo saã eãte.

Aque mü mo eã.

¹³ Ũquí quiarei mbia raaque tã tãsa rã.

Aba mbia eã.

Sã eriqui ñee icuã mbei.

Mbia mbiñi rĩ tuchi ñee ñooño uchuru je.

Mbei rasi rã ño echeẽ nde.

Aba mbae.

¹⁴ Echeẽ icuã achõ tuchi chõ ñene.

Mbia mbiñuãsa tuchi chõ echeẽ nde.

¹⁵ Mbia iquia chooño ño ñene.

¹⁶ Mangu chooñoa ño eriqui nguia mbae icuã naa naa.

Mbia mbiayã ñooño.

¹⁷ Ico chooñoa mbei mbia je.

¹⁸ Dios rese ndua eã tuchi,

i ñi embesa ji re.

¹⁹ Dios que Moisés chimbesea mee ja judíos je ra. Embesa ji mumbayã sacua. Mbia huiñuã icua ja sacua. —Dios cheẽ nandemumba tuchi chõ nguia re, i nda mbia ja chã.

²⁰ Emo ñee aroneãte. —Embesa ji amumbayã mbeite quia co. Nyebe ra Dios seisi turã, i aroneãte emo. Dios que Moisés

chimbesea mee mbia je ra. Mbiam huiicua icua ja sacua.

Dios icuasa quia ra siqui bei

²¹⁻²² Dios que Jesus turā teacuquia nande je cote ra. Ae que mano nandeicua ndiquicharō sacua nda. Nande Jesus icua mose, Dios ra nandeisi turā cote. Eĩ ja chō Dios mbia je re. Dios bia eã ño mbia mo mii ndese. —Jē Moisés chimbesea mumbayā mose, taēisi turā, iāte Dios. —Jē Jesus icua mose, ũquĩ mose quiatu ra jaēisi turā, ite Dios. Embese ji ñiinda abe que ñee ñee Jesus rii nyii no nda.

²³ Nandeicua ja chō ñene. —Aque eturāte, iã nda Dios nandemo je.

²⁴ Nandeicuaete raque. Dios quia eturāte nande je re. —Mbae mo jemondo jēicua ndibishorō, i āte Dios. Jesucristo que mano nandeicua ndibishorō ndesē. Nyebe Dios riqi nguĩ mae turā nanderese co.

²⁵ Dios que Jesucristo mondo mbia je ra. Mano sacua mbia icua ndiquicharō. —Jesus que mano seicua ndibishorō nda, nande i mose, ũquĩ mose ra Dios nandemingo bei. Dios que mae ñooño mbia icua ndese nyii ra. —Seriiĩ nguia ra mano nguia eicua ndiquicharō, i que ra. Echeē ngue ique cote ra. Dios uturā ndeacuquia mose que echeē ique cote ra.

²⁶ Dios riiĩ ngue mano mbia icua ndiquicharō nda. Mbiam mae sacua Dios turā ndese. Dios turā mbeite. Mbiam icua isi turā nonde. Mbiam Jesus icua mose ra Dios mbiam isi turā.

²⁷ Nande ae ra nandeicua nandembutiã eã. Dios ae quia nandeicua mbutiã nguia, Jesus icua mose. Nyebe nandeico nguia nandecuas raã naa aroneate. Moisés chimbesea que nandemumba mumbate quia resē.

²⁸ Mbiam Jesus icua mose, aque mose quia ra Dios mbiam isi turā. —Taēisi turā, jē Moisés chimbesea mumbayā mose, iāte Dios nande je. —Jē Jesus icua mose, ũquĩ mose quiatu ra jaēisi turā, ite Dios nande je.

²⁹ Judios achō nderecua eã ño Dios re. Judios eã abe rerecua chō ñene.

³⁰ Emo abe eate Dios. Dios mii ño ñene. Ae Jesus icua quia nae, ũquĩ nda Dios isi turā ja. Judios abe isi, Jesus icua mose. Judios eã abe isi, Jesus icua mose no.

³¹ Nande Jesus icua mose, Dios cheē mbesea ji riqi ua eã mbeite nande je co. Nande Jesus icua mose, Dios cheē nda nandemumbayā tuchi cote.

4

Abraham abe Dios icua

¹ Nandendua mbiĩĩ na Abraham ndese. Nande ñiinda tuchi quia Abraham nde.

² Cose que Dios Abraham isi turā nda. Abraham mbae turā naa naa eã mose que

Dios eisi turā nda. Dios icua mose quiatu que Dios eisi turā nda. Nyebe Abraham uturā naa naa aroneate nguia.

³ I ñi embesea ji re:

Abraham ngue Dios icua ra.

Nyebe Dios eisi turā nguia,
i ñi embesea ji re.

⁴ Sã emo ndiqui quiei quiei emo je no. Mbae mo ndibishorō. Ae echa mondo quia ee, mondochō eã ño nguia ee. Embese raã naa ndibishoronda chō ũquĩ nde. Eĩ eã ño Dios re.

⁵ Dios chō mbiam icua isi turā nguia. Emo Jesus icua mose, ũquĩ nda Dios isi turā. Emo mbae turā naa naa eã ndaque. Jesus icua mose, aque mose chō Dios “ndeturāte seje,” i ee. Mbae turā naa naa eã ndaque.

⁶ David abe que ñee nda: “Ae je Dios ñee, ‘ndeturāte seje,’ i mose ee, aque ia tuchi chō ñene. Mbae turā naa eã ndaque. Dios icuate quia ñene,” i que David ñee nda.

⁷ Co rei David chimbesea co:

Ae icua Dios mbutiã nae, ũquĩ ia tuchi chō ñene.

⁸ Ae icua ndese Dios riqi mae āte nae, eicuate raque, Dios ra eisi turā.

Ũquĩ ia tuchi chō ñene,

i ñi David chimbesea re.

⁹ ¿Aba icua ño nda Dios mbutiã ña? Embiam sacua ña. ¿Judios icua achō nda embutiã nde? ¿Ae circuncisión saã nae, ũquĩ achō icua nda embutiã nde? Tei. Ũquĩ achō eã ñene. Abraham Dios icua mose, aque mose tuchi chō Dios eicua mbutiã nguia esi.

¹⁰ Abraham circuncisión naa eã mose chō Dios eicua mbutiã nguia. Circuncisión naa nonde.

¹¹ Abraham Dios icua mose chō ngue Dios eicua mbutiã nguia. Aquere quiatu ngue Abraham circuncisión naa nguia cote. Circuncisión ndei marca Dios mbae. Dios Abraham isire chō circuncisión naa nguia Abraham je. —Abraham ngue aisi turā nda, i ñe Dios re. Ae circuncisión saã eã nae, ũquĩ abe chō “seru” i nguia Abraham je, Jesus icua mose.

¹² Ae circuncisión saã nae, ũquĩ abe chō “seru” i nguia Abraham je, Jesus icua mose. Ũquĩ nyiicua chō Dios re. Sã Abraham nyiicua Dios no. Circuncisión naa eã mose no.

Abraham Dios icua mose, Dios ucheē mbuchebiã mbei ee

¹³ Dios que ñee Abraham je cose ra. —Ibi tamondo ja ndeje nembraerã. Nderiĩĩ mbaerã abe no, i que ee ra. Secheē mumbasa reã je chō ibi tamondo, iã ño Dios re. —Ae seicua quia, aque je chō tamondo, i que Dios Abraham nii nda.

¹⁴ —Nandeico bei mose Moisés chimbesea rui, aque mose ra Dios nandemingo bei,

i chōchĩ judíos mo. Ũquí mose quiatu ra nandeico rei Jesús icua chooño. Ũquí mose quiatu ra Dios cheẽ ique áte rei nande je.

¹⁵ —Á jësaã saã, i mose Dios, emo echeẽ mumba mose, ũquí nda embasi. —Á jësaã saã, iã mose, emo nda embasiã cote.

¹⁶ Dios turâte quia ñene. Nyebe eriqui nguiã mbae mondo chooño nande je eicua mose. Judíos achõ je eã ño eriqui nguiã mbae mondo mondo. Judíos eã je abe chõ eriqui nguiã mbae mondo mondo, Dios icua mose. Sã Abraham Dios icua no. Sã Dios mbae mondo mondo ee no. Nyebe nandeico nguiã “nanderu” i Abraham je co. Ae rane nguiatu ngue Dios icua nguiã.

¹⁷ Nyebe embesa ji riqui nguiã i:

Dios que ñee Abraham je ra.

“Nde ra mbia i tuchi.

Ibi jenda ja i tuchi ra nde”, i que Dios Abraham je ra,

i que embesa ji ra. Dios ra mbia mangué chooñoa jenda ja isi turã, Jesús icua mose. Dios cheẽ sí tuchi chõ ã nde. Dios ae mbia raaque mbuquera nguiã. Ae emoãte namo nae, Dios ae ra ũquí nyao no.

¹⁸ —Nderiirina tamee ndeje. Eretiirĩ nda cote. Mbía ja i ra nde cote, i que Dios Abraham je ra. Abraham ngue “nyia, eno”, i Dios cheẽ mose ra. Amei tuchi raque. Tiirĩ aroneãte raque aba je.

¹⁹ Amei tuchite raque. Cien añote raque. Eninisi abe arite raque. Eninisi rie chuumate raque. —Dios ra seriirina mee seje ucheẽ nguire, i que Abraham nda. —Ureimate nyeresẽ. ¿Mañi nda Dios ureriirĩ mee ure je re? i áte que Abraham nda.

²⁰ Abraham ngue “nducuã” iã mbeite quia Dios cheẽ mose ra. “Nyia, eno”, i beite que equia Dios cheẽ mose ra. Ñee turã mbei que equia Dios rĩ nda.

²¹ —Dios quirãcuã tuchi quia ñene. Ae ra ucheẽ nyabiã mbei ñeende seje, i que Abraham nda.

²² Nyebe Dios Abraham isi turã nguiã. —Abraham ndiqui seicua tuchite co, i que Dios ra.

²³⁻²⁴ Abraham mii je eã ño Dios riqui nguiã ñee. —Abraham seicuate. Nyebe aico nguiã eisi turã co, i que Dios ra. Abraham mii je eã ño embesa ji riqui nguiã ñee. Nande abe je chõ eriqui nguiã ñee. Nande Dios icua mose, Dios ra nande abe isi turã. Dios sí que Jesús raaque mbuquera ra.

²⁵ Dios que Jesús mbu ñibi nande je ra. Mano ngue nandeicuã ndiquicharõ nda. Aquere que Dios embuquera si cote ra. Nandembitirõ sacua ngue Dios embuquera ra.

5

Nande Jesús icua mose, Dios riqui nandeisi turã

¹ ã nandeico Jesucristo icuate ã. Nyebe Dios riqui nguiã nandeisi turãte cote. Nyebe Dios riqui nguiã nandembiate cote.

² ã nandeico Jesucristo icuate ã. Nyebe Dios riqui turãte nguiã nande je co. Dios turã tuchi. Dios ra nandemingo Jesucristo rã si tuchi cote. Ũquí ño nandesaarõ arõ nguiã ã.

³ Ũquí mii eã ño nandembia nguiã. Mbía icuã icuã ndaque ra nande je, ũquí mose abe chõ nda Dios nandembia no. Mbía icuã icuã mose nande je, Dios ra nandechiã mbucoi turã. Nandeico tochi sacua.

⁴ Nandeico tochi mose, Dios ia tuchi ra nanderese. Dios ia mose nanderese, Dios cheẽ nandesaarõ arõ na. Sã echeẽ ique rã nande je.

⁵ Nande Dios cheẽ ndaarõ arõ mose, ae ra ucheẽ nyabiã. Ae quiatu ngue Espíritu Turã mondo nguiã nande je. —Dios riqui nyesequate jendese co, i Espíritu Turã nguiã nande je co.

⁶ Mbae turã ngue nandesaã aroneãte nandechue, aque mose que Cristo mano nande je ra. Nandeicuã mbitirõ sacua.

⁷ Mbía mo mano aroneate emo ndibishorõ. Nande turã mose, aque mose abe ra emo mano aroneãte nanderibishorõ. Eturã tuchi mo ndibishorõ nguiã emo mano sete raque reae.

⁸ Cristo quiatu que mano nanderibishorõ nandeicuã tuchi mose ra. Nyebe nandeico nguiã ñee: —Dios riqui nyesequa tuchite nanderese co, i.

⁹ Cristo mano mose que nandeicuã mbitirõ cote ra. Ae ra nandemingo icuã Dios mbía icuã mbasi mose.

¹⁰ Dios riirĩ ngue mano nande je ra. Nande Dios ucuyã mose. Ae quia ngue eturã mbeite riqui nguiã nande je. Dios que “sequiatorã jẽ”, i nande je cote ra. Nyebe ra nandeico tuchi erese cote. Jesús quiatu ngue quera sichĩ nguiã nande je cote.

¹¹ Nyebe nandeya tuchi riqui nguiã Dios rese co. Jesucristo rĩ. Jesucristo quiatu ngue mano nguiã nande je.

Adán na eã tuchi chõ Jesucristo re

¹² Mbía mii nane ngue siqui nyii ra. Aque rane ngue mbae icuã saã nande je ra. Nyebe mbía icuã jate riqui nguiã cote. Nyebe Dios riqui nguiã ñee. —Mbía ra mano ja, i cote.

¹³ Mbía que mbae icuã saã saã ndei quia nyii ra. Moisés Dios cheẽ mbesa nonde. —Dios cheẽ ngue jemumbachĩ nda, i aroneãte que aque mose ra. Dios cheẽ mbuchecua iriãte quiatu ngue aque mose re.

¹⁴ Adán nane ngue Dios cheẽ mumba cose ra. Aque mose bei chõ ngue mbía mbae icuã naa naa nguiã cote. Nyebe mbía riqui nguiã mano mano ja huicua mose cote. Moisés

que Dios cheê mbesa chee ra. Moisés embesa nonde que mbia mano mano ja huiicua mose ra. Jesucristo rã eã tuchi chõ Adán nde.

¹⁵ Adán nane tuchi que mbae icuã saã nda. Jesucristo quiatu que mbia rirõ nguia mbae icuã si ra. Adán mbae icuã naa mose, aque mose bei que mbia mano mano cote ra. Jesucristo mbae turã naa mose, ae que mbia icuã mbitirõ tirõ cote ra. Dios turã nã. Jesús chisaã nguia rei Adán chisaã na eã tuchi.

¹⁶ Adán ae rane ngue mbae icuã saã cose ra. —Mbia ra mano mano ja cote, i que Dios cote ra. Adán icuã ndese maende. Ae Adán saã icuã nande je nae, aque je que Jesucristo mano nda. Jesucristo turãte que mbia je cote ra. Nyebe Dios riqui nguã nandeisi turã, nandeicuã ndese mae ndocoĩ.

¹⁷ Adán ae que mbae icuã saã nyii ra. —Mbia ra mano mano ja cote, Adán mbae icuã naande, i que Dios cote ra. Jesucristo ae que mbae turã saã mbia je cote ra. Mbia icuã mbutiã sacua esi. Ae Jesús turã icua quia nae, ùqui nda Dios mingo turã mbei, ùqui icuã ndese mae ndocoĩ.

¹⁸ Adán ae que mbae icuã saã nyii ra. —Mbia ra mano mano ja cote, i que Dios cote ra. Adán icuã ndese maende. Aquere que Jesucristo mbae turã naa mbia je cote ra. Mano nguiau ngue mbia riquicharõ nde. Nyebe Dios riqui nguã nandemingo bei co cote. Jesús rã ae ñene.

¹⁹ Adán Dios cheê mumba mose, mbia mbiicua ja que ùqui cote ra. Jesucristo Dios cheê mumbayã mose chõ mbia tubiriã mbuturã nguã no.

²⁰ Dios que ñee Moisés je ra. —Secheê embesa mbia je, i que ee ra. † nda mbia jirandu tuchi huiicua ndese. Mbia icuã i i tuchi mose, eĩ ño Dios turã i i tuchi mbia je no nde.

²¹ Adán mbae icuã naa mose, mbia mbiicua ja chõ ùqui nde. —Mbia ra mano mano cote, i que Dios cote ra. Jesucristo que mano nandeicuã ndiquicharõ cote ra. Aque mose que Dios uturã ndeacuquia tuchi nande je cote ra. Nandebuturã sacua cote. Nandemingo bei sacua cote.

6

Nandeyasu chõ nandeico nguã ã cote

¹ ¿Mañi nande ra cote re? ¿Mbae icuã nda nandesaa i i re? ¿Dios turã i i sacua nande je re?

² Tei. Dios biãte ùqui. Jesús rese que nandemano ndesê. Nandemano ngue mbae icuã naa eã sacua ndesê. ¿Mañi nande ra mbae icuã naa naa si re?

³ ¿Jëiranuãte bautizar i rese re? —Jesús resenda tuchi chõ ùqui ndiqui re, i nda mbia

bautizar ire nande je chã. Nande bautizar ire, nandemanonde raanguia chõ ùqui nde. Mbae icuã naa eã sacua cote.

⁴ ¿Mbaerã ño bautizar nande chã? —Amano ngue Jesús rese ra, i chõ bautizar i re. —Seati que Jesús rese ra, i chõ bautizar i re. —Dios que sembuquera si Jesús rese ra, i chõ bautizar i re. Sã Dios quirãcua Jesús mbuquera eraaque mose no. Eĩ nande chõ siqui nandeyasu ae.

⁵ Nandeico Cristo rese ã. Nandemano mose Cristo rese, nandereco yasu chõ nandeico nguã erese ã.

⁶ Cristo mbucha mose ira rese, nandeicuã abe que Dios mbucha ira rese ra. Nande mbae icuã osei chiã sacua ño ùqui nde. Mbae icuã nimba nda nandeico eã cote chã.

⁷ Mbia raaque quia mbae icuã saã aroneãte nguã. Eĩ nande chõ nguã mano mose Cristo rese ã. Mbae icuã naa aroneã.

⁸ Nandemano mose Cristo rese ira rese, nandemingo bei ra uchiese cote. Ae rã si.

⁹ Cristo que mano nda. Quera si que cote ra. Aquere ra mano siã cote.

¹⁰ Aque mii ngue Cristo mano mbia icuã je ra. Quera si que cote ra. Mano si eã ndae. Siqui bei equia Dios rese co.

¹¹ Jendaaque chõ jësaã saã mbae icuã je. Jendecuarã eã mbae icuã cote. Jesucristo rese nandeico tuchite ã cote. Mbae yasu rã ño nandeico nguã Jesucristo rese ã cote.

¹² ¿Mbae icuã ndese ra jëingochi jendecuarã jë! Jë mba e icuã osei mose, jëteachõ ño jë!

¹³ ¿Jendete ra jemee meechi mbae icuã je jë! Dios je quia jendete jemee. Mbae turã naa sacua. Cristo rese que jemano ndesê. Jëyasu chõ ngue jëquera si Cristo rese resê.

¹⁴ Nandereruarã eã nda mbae icuã cote. Moisés chimbasa rui eã ño nandeico nguã ã cote. Dios turã ndui ae chõ nandeico nguã ã cote.

Mbae turã nimba chõ nandeico cote

¹⁵ Dios turã ae nandemingo nguã. ¿Ùqui mose ra mbae icuã nandesaa saã nde? Tei. Dios biãte ùqui.

¹⁶ Nande nandechimondo mose mbae icuã je, mbae icuã nda nandereruarã cote. Mbae icuã nda nandequia chee cote. Nande nandechimondo mose Dios je, ae ra nandereruarã cote. Ae ra nandemingo bei mbae turã ndese cote.

¹⁷ Jëingo bei que mbae icuã ndese jendecuarã nyii ra. Mbia Jesús cheê nenei nenei mose jëje, jëisi turã ño ngue cote ra. ã jëingo echeê mumbayã ã cote. Nyebe aico nguã gracias ite Dios je co.

¹⁸ Dios que jendirõ mbae icuã si cote ra. Mbae icuã ndese ra jëingõ cote. Mbae turã ndese bei ra jëingo cote.

¹⁹ Secheẽ ambuchecua tuchi quia jẽje co. Jẽ eicua tuchi sacua. Jendete que jemondo tuchi mbae icua je nyii ra. Jẽ ngue jẽingo i i tuchi mbae icua ndese nyii ra. Jendete jemondo Dios je cote. Mbae turã naa i i sacua cote.

²⁰ Mbae icua mbaerã ño jẽingo nguiã cose. Mbae turã ngue jẽsaã aroneate quia aque mose ra.

²¹ Jẽireite mbae icua naa naande cote. Jenyisaã saã mbae icua ñiinda, uqui ngue mbae turã mo mondo ate jẽje resẽ. Ae mbae icua saã i ite quia, uqui nda mano.

²² Dios que jendirõ mbae icua si cote ra. Dios rimba chõ jẽ cote re. Nyebe Dios jemingo nguiã icue mbae icua si. Nyebe ra Dios jemingo bei ibate manonde cote.

²³ Ae mbae icua saã saã nguia nae, uqui nda Dios mbasi bei manonde. Ae Jesucristo icua quia nae, uqui nguiatu ra Dios turã mingo bei. Mbae turã naa eã ndaque. Dios turãte quia ee re.

7

Eraaque rã ño nandeico nguiã Moisés chimbese je cote

¹ Sã jenderecua ibi jenda mo no. Echeẽ jemumba aroneate no. Jemano mose, jenderecuayã nda cote.

² Sã cuña mo ndiqui ngu rese no. Cuña mo ngu rerequia mose, sã eriqui bei erese. Eru mano mose, aque mose ramo nda siquiã erese cote. Aque mose ramo nda ae ae riqui cote.

³ Ngu reco mose, siqui aroneate emo ndese. Siqui mose emo ndese, Dios cheẽ mumba chõ uqui nde. Eru mano mose, aque mose quiatu ra ngu mo ndea cote. Dios cheẽ mumba eã ño uqui nde.

⁴ Eraaque rã ño jẽingo nguiã Moisés chimbese je uqui cote. Cristo quiatu que mano jeni nda. Quera si que jeni no nda. Cristo rese chõ jẽingo nguiã uqui cote. Dios je mbae turã naa naa sacua ño jẽingo nguiã erese uqui cote.

⁵ Nandeico mose mbae icua ndese nyii, mbae icua achõ ño ngue nandechosei chosei quia aque mose ra. Nandebi tuchi que Dio s cheẽ mumba mumba aque mose ra. Nyebe que nandeico mbae icua naa i i tuchi aque mose ra. Eĩ nda nandeicua nandequia rei aque mose. Espiritu Turã nandembiasu eã mose.

⁶ Eraaque rã ño nandeico nguiã Moisés chimbese je ã cote. Moisés chimbese rui eã ño nandeico nguiã ã cote. Dios cheẽ mui ndui chõ nandeico nguiã ã cote. Espiritu Turã nguiatu ngue nandembiasu nguiã. Espiritu Turã ño nandembaaquiatu nguiã ã cote. Moisés chimbese achõ eã ño cote re.

⁷ —Moisés chimbese icuate, ae ate raque quia co. Moisés chimbese quiatu que sembiirandu seicua ndese resẽ. —Eicuate quia emo mbae osei osei riqui re, i que Moisés chimbese ra. Eĩ nda seiranuate rei uqui ndese. Moisés chimbese eande ndae. Moisés chimbese ae ngue sembiirandu nguiã uqui ndese. —Eicuate uqui, i seje.

⁸ Moisés chimbese sembiirandure mbae icua ndese, mbae icua achosei i i tuchichĩ cote. —Mbae icua nda jẽsaã saachĩ, i mose chõ mbae icua achosei i i tuchichĩ cote. Emo Moisés chimbese icuayã mose, mbae icua abe ra eicuayã no.

⁹ Moisés chimbese que aicuayate quia nyii ra. Seturã aico reĩ aque mose. Moisés chimbese que aicua cote ra. Eicua mose que echeẽ amumba i i tuchi cote ra. Uqui mose que seicua aicua cote ra.

¹⁰ Mbia mingo bei sacua ndaque Moisés chimbese. Ae que semingo bei eã nda. Moisés chimbese amumba mumba bei chõchĩ. Nyebe aico nguiã isho tuchi Dios si aque mose.

¹¹ Seicua ño ngue sembiirã irĩ mbei quia nyii ra. Se Moisés chimbese icua mose, seya eã tuchi que aque mose cote ra. Seicua nda seiquia chee, ae que se ra.

¹² Moisés chimbese turãte raque. Dios cheẽ ndaque.

¹³ Moisés chimbese turãte. Uqui je eã ngue Dios paama i seje ra. Seicua ae quiatu que Dios mbupaama i seje ra. Moisés chimbese que sembiirandu tuchi seicua ndese ra. Se Moisés chimbese turã icua mose, uqui mose que seicua Dios mbupaama i seje ra. Nyebe Dios Moisés chimbese mee nguiã nande je. Nandeicua mbuchecua tuchi sacua nande je.

Nandechianqui renda icua ño nandeisi isi nguiã

¹⁴ Moisés chimbese turãte raque. Se ae seicua nde. Mbia chõ se re. Moisés chimbese amumba mumba chõchĩ nguia co.

¹⁵ Mbae turã asaã mbite raque. Mbae icua asaã eã mbite raque. Mbae icua nguia seisi isite nguiã. Mbae turã uquia reã. ¿Mbaerã aico mbae turã naa eate re?

¹⁶ Ae asaã sereate quia nae, uqui asaã mbeichĩ. Moisés chimbese turãt e raque. Aico echeẽ mumba mumba beichĩ.

¹⁷ Se ae chõ eã ño aico nguiã mbae icua naa naa co. Sechiangui renda icua nguia “mbae icua esaã saã”, ite nguiã seje co. Nyebe aico nguiã mbae turã mo naa eã mbeite co.

¹⁸ Seicua tuchi chõchĩ se. Seturã mo eã tuchichĩ se. —Mbae turã tasaã, aete raque quia co. Aico mbae icua naa naa mbei chõchĩ co.

¹⁹ Sebite raque mba e turã. ¿Mbaerã aico mbae turã naa eâte re? Sebiãte raque mbae icuã. ¿Mbaerã aico mbae icuã naa naa mbeite re?

²⁰ Se ae eã mbae icuã asaã saã nguã. Sechiangui renda icuã nguia “mbae icuã esaã saã” ite nguã seje. Sechiangui renda icuã ño seisi isi nguã mbae turã si co.

²¹ “Mbae turã tasaã”, i mose se, mbae icuã ño seriquisã quisãchĩ nguã co.

²² Sebite raque Dios cheẽ sechiangui re.

²³ —Dios cheẽ ndese taico, ae rei nguã sechiangui re co. Sechiangui renda icuã nguia seriquisã quisãte nguã. Nyebe aico nguã mbae icuã naa i ite.

²⁴⁻²⁵ Dios cheẽ ndese aico sete raque. Sechiangui renda icuã nguia semingo beite nguã mbae icuã ndese. Seraaquete aico co. Nyebe seya eâte aico co. ¿Aba quia ra seicuã mbitirõ nde? Jesucristo quia ra seicuã mbitirõ cote. Nyebe aico gracias i tuchi Dios je co.

8

Espíritu Turã ndiqui nandembui mbae icuã si

¹ Ae Jesucristo icua quia nae, ùquĩ nda Dios mbasiã mbei.

² Nande Jesucristo icua mose, Espíritu Turã nda nandechiã mbiasu. Espíritu Turã nda siqui nanderese, mbae icuã naa eã sacua. Eĩ nda nandemano mbeite rei, mbae icuã naa naa mbei mose.

³ Moisés chimbese que nanderirõ aroneãte mbae icuã si ra. Echeẽ nguiatu ngue nandemumbayã aroneãte nguã. Mbiate quiatu ngue nande re. Nandequirãcuã nea. Dios que ndua nanderese ra. Nyebe nguiriõ mondo nguã nande je. Mbia rá ngue Jesús ru íbii ra. Mbia icuã jate raque. Ae mii ngue eicuã eã nda. Ae que mano nandecua ndiquicharõ nda. Nyebe nandererecua eã ño mbae icuã cote re.

⁴ Jesús que mano nande je ra. Nyebe mbae icuã ñimbirãcuã eãte nande je cote. Nyebe Dios cheẽ nandemumbayã arondete namo cote. Espíritu Turã ndui chõ nandeco nguã cote. Mbia icuã ndui eã ño nandeco nguã ã cote.

⁵ Ae siqui quia Espíritu Turã ndese nae, ùquĩ ño siqui nguã Dios cheẽ ndui si. Ae siquiã nguia Espíritu Turã ndese nae, ùquĩ ño siqui nguã uchiangui renda icuã ndui si.

⁶ Ae siqui quia Espíritu Turã ndese, ùquĩ ia bei ra eriqui. Siqui bei rae. Ae siquiã nguia Espíritu Turã ndese, ùquĩ nda siquiã. Mano ndae.

⁷ Nandechiangui renda icuã nguia siqui icuã icuã mbeite nguã Dios je. Nandechiangui renda icuã nguia rei Dios cheẽ mumbayã aroneã.

⁸ Ae siqui bei quia uchiangui renda icuã ndui, ùquĩ siqui aroneãte Dios cheẽ ndui.

⁹ Eĩ jenye eãte raque jẽ. Espíritu Turã ndui chõ jẽingo nguã jẽ. Espíritu Turã nguia siqui nguã jẽiangui re. Espíritu Turã siquiã mose emõ ñiangui re, Cristo rimba eã ño ùquĩ nde.

¹⁰ Jesucristo riqui jẽiangui re ùquĩ. Jendete ra mano ndaque mbae icuã je. Espíritu Turã nda jẽingue mingo bei ibate. Dios quiatu ngue jẽisi turã nguã.

¹¹ Dios que Jesucristo raaque mbuquera ra. Eĩ si ra Dios nanderete raaque mbuquera Espíritu Turã quirãcuã je no. Eĩ si ra nanderete mbiasu, Espíritu Turã siqui mose nandechiangui re.

¹² Nandechiangui renda icuã ndui nandeco aroneãte cote.

¹³ Nandechiangui renda icuã ndui nandeco mose, nandemano mbei ra equia. Espíritu Turã nandebi icuã mbutiã mose, nandemingo bei rae.

¹⁴ Ae je Espíritu Turã ndiqui ñee nae, “eĩ jenye” i nae, Dios rimba chõ ùquĩ nde.

¹⁵ Nande Espíritu Turã isi mose, aque mose bei chõ Dios ririõ nande cote re. Dios rimbachõ eã ño nande cote re. Dios ririõ tuchi chõ nande cote re. Nandesiquiche tuchi que equia Dios si nyii ra. Nandesiquicheãte esi namo cote. —Paba, nande chõ nguã e e co cote.

¹⁶ —Dios ririõ tuchite jẽ, i chõ Espíritu Turã nguã nandembiirandu tuchi. —Dios ririõ tuchi rei nande re, nande chõ nguã nande abe nandechiangui re co.

¹⁷ Dios ririõ tuchite quia nande re. Nyebe ra Dios mbae mondo tuchi nande je Jesucristo rese. Sã ñimbiasu Jesucristo mbasi cose no, eĩ si ra mbia nandembasi nande abe. Aquere ra nandeco turã mbei erese ibate cote.

Mbae turã mbei jee ra nande je nandeco mose ibate

¹⁸ Mbia ra nandembasi raque a nyii. Dios ra nandererao bei ibate cote. Aque mose ra mbae turã mbei nande je cote. Nyebe ra nandetesare i nanderasi jua si cote. Nandeco bei mose ibate.

¹⁹ Dios ra huicua mbuchecua ja aque mose. —Co rei seicua co. Co abe no. Co abe no, i ra Dios aque mose. Ùquĩ ño nandesaarõ arõ nguã ã. Ae Dios chao mbae ja, ùquĩ abe riqui ùquĩ ndaarõ arõ ã.

²⁰ Adán mbae icuã naa namo mose, mbae icuã ja que aquere cote ra. Dios chiao icuã ja cote. Dios que mbae mbicua ja Adán mbae icuã naa namo mose ra.

²¹ Eĩ mbei eã nda mbae. Mbae ra ñimbitirõ ja cote. Ñimbiasu ra cote, Jesús tu mose íbii cote. Mbae ra manaõ cote. Mbae

ra shi eã cote. Jesús quiato rese ra mbae nyiicuabo ja aque mose cote.

²² Dios chiao ra nyiicuabo ja aque mose. Dios chiao ia eãte quia namo nde. Áquẽ ndasi rá ño eriqui nguiã namo. Nyebe ra Dios uchiao mbiasu ja cote.

²³ Dios que Espiritu Turã mondo nande je ra. Nyebe nandeico nguiã ñee, “Dios ra nandembiasu nguiirina tuchi cote”, i. Aque mose ra Dios nandembuchicuabo tuchi uchiao ja rese cote. Namó ño nanderasi rasi re. Nandeya eãte abe no. Nandembuchicuabo mose, nanderete abe ra embiasu.

²⁴ —Jendete tambiasu, i que Dios nanderirõ mose mbae icuã si ra. Ûquí ño nandesaarõ arõ nguiã ã. Nanderete yasu eãte namo. Nyebe nandeico nguiã eraarõ arõ ã.

²⁵ —Jendete tambiasu, i que Dios nande je ra. Nyebe nandeico nguiã eraarõ arõ mingue ã.

²⁶ Nandequirãcuã neate nande. Nyebe Espiritu Turã ndiqui tuchi nguiã nanderese. Sã nandeico ñee: “¿Mañi nande ra ñee Dios je re?” i nandechiangui re. Nandechẽẽ ndequia requia mose chõ nandeico nguiã iabu abu. Nandeiabu mose chõ Espiritu Turã ndiqui nguiã ñee turã Dios je nanderiã. Nandeuru ñee Dios je nandechiangui re.

²⁷ Dios mbia chiã icua jate quia co. Espiritu Turã ñee mose Dios je nandeuru, Dios echeẽ icua chõ nguiã aque. Dios cheẽ ndui si chõ Espiritu Turã ndiqui nguiã ñee Dios je Dios icuasa riã.

²⁸ Ae nyesecua quia Dios rese, ùquí je chõ Dios riqui nguiã mbae turã naa ja. Dios quiatu ngue eirabo nguiã. Ndua quiatu ngue erese nyii re.

²⁹ Ae res e Dios riqui nduate nyii nae, ùquí ngue Dios mingo icúe nyii ra. Jesucristo rá si embiasu sacua. Nyebe nandeico nguiã Dios riirã tuchi Jesucristo rese cote. Jesucristo rei nanderiqui cote. Nande tubiriãte ra Dios quiato cote.

³⁰ Dios que ndua nanderese nyii ra. Aquere que nandemingo icúe umbaerã cote ra. Nandei si turã ngue cote ra. —Mbia tamumae turã ja jendese jẽingo mose ibate, i que Dios nande je cote ra.

Mbae mo nda nandembui eã mbei Dios si

³¹ Dios riqui tuchi nanderese co resẽ. Nyebe ra emo ñimbirãcuã eã nande je cote.

³² Dios que nguiirã mui mondo nande je ra. Mano sacua nandeicuã je. Eĩ nda mbae mondo ja nande je no. Sã nguiirã mondo nande ja je no.

³³ Dios chesecua tuchi chõ nande re. Emo ñee icuã aroneãte nande je. Dios quiatu ngue nandei si turã nguiã.

³⁴ Cristo que mano nandeicuã je ra. Quera si que ra. Dios quiatocuti eñi ngoi hue

cote. Ñee turã turã nanderiã Dios je hue cote. Nyebe emo ndiqui nguiã ñee icuã aroneãte nande je cote.

³⁵ Mbae mo Dios mbesarei aroneãte nanderese co. Nanderasi arondete raque. Mbae nandembia eã arondete raque. Mbi a icuã arondete raque nande je. Nanderiãcuã arondete raque. Nanderiã eã arondete raque. Mbia nandeiquia arondete raque. Ûquí ja ra Dios mbesarei eã tuchi nanderesi.

³⁶ Mbia icuãte riqui nande je ã. Sã embesa ji riqui i no:

Nderiã ño mbia riqui nguiã ureiquia serã mbeite ã.

Oveja quia quia rá ño eriqui nguiã ure je ã, i ñi embesa ji re.

³⁷ Mbia icuã icuãte raque nande je. Ñimbirãcuã eã mbei ra nande je. Jesucristo quia siqui nguiã nanderese co. Nyesecua beite quiatu nguiã nanderese co.

³⁸⁻³⁹ Dios nyesecua tuchite quiatu nguiã nanderese co. Dios hui aroneãte nanderesi. Mbia nandeiquia quia mose, aque mose abe Dios hui aroneãte nanderesi. Mbae mo nda embui eã nanderesi. Angeles. Aba checuayã icuã. Mbia rerecua. Ae icuã icuã ndiqui nande je namo. Ae icuã icuã nda nande je emo mose. Ibatenda mo. Ae siqui ibiqui ri no. Dios chiao mo. Ûquí ja ra Dios mbui eã nanderesi. Dios quia nyesecua tuchite nguiã nanderese Jesucristo rá co.

9

Dios que judíos mui icúe umbaerã tuchi ra

¹ Jesús icuasa chõ se resẽ. Aico ñee ñooño eãte co resẽ. Espiritu Turã abe riqui sembiirandu sechiangui re co resẽ.

² Seya eãte aico co. Seya eãte aico judíos rese co.

³ Se si raque judío. Judíos ja chõ ure re. Judíos siqui sereãte chõchã Jesús rese. Seso sete raque tata cuasu, judíos mingo bei sacua Jesús rese. Eĩ ndei ra sesose rete tata cuasu judíos rendaque re. Seresenda tuchite quia ñene.

⁴ Israel ndei judíos i tuchi. Seriirã, i rei que Dios judíos je ra. Dios que uquirãcuã teacuquia rei judíos je ra. Dios que contrato saã ndei judíos je ra. Moisés chimbesa que judíos quereco rei ra. —Eĩ jenyje chõ ñee seje, i rei que Dios judíos mbaaquiato quiatu ra. —Mbae turã nda asaã saã mbei quia jẽje, i bei que Dios quia judíos je ra.

⁵ Nanderamei ñiinda tuchi quiarei judíos i. Cristo tu mose ibi, judío que ae abe cote ra. Cristo rei Dios tuchi. Mbia rerecua bei tuchi rei Cristo. Amén.

⁶ Dios turã tuchi raque judíos je. Judíos que siquiãte Dios rese cote ra. Dios quiatu que ucheẽ mbuchebiã ndei ee ra. Ûquí mo

nguiatu que judíos tuchi eã nda. Siquí tuchi que Dios rese ra.

⁷ Abraham ndiirí nyeremo ndei que ra. Ismael. Isaac. Ūquí nyeremo ngue eririí ja rei ra. Dios que Isaac mii isi ra. —Abraham ndiirí, i eã ngue Dios Ismael riirí je ra. —Abraham riirí, i chõ ngue Dios Isaac ndiirí je ra. Isaac ndiirí jaje que Dios “judíos” i cote ra.

⁸ Abraham ndiirí nducucha que Dios isi turã ja eã ndese. Ae Dios cheẽ isi turã nguia, ũquí je chõ Dios riqui nguiã “seriirí” i.

⁹ Dios que ñee Abraham je ra. —Tenda nongue ra achu. Aque mose ra ãquẽ nacuí mo nyaacuquia neninisi Sara je, i que Dios Abraham je ra.

¹⁰ ãquẽ ngue tiarõ cote ra. Isaac, i que ee ra. Isaac que ngüinisi tea chee ra. Rebeca, i que eninisi je ra. Eata riru rerequia mose que Dios ñee ee ra.

¹¹⁻¹² —Ae rane nda nyaacuquia ãquẽ, ngõngue rimba tuchi chõ nda aque, i que Dios Rebeca je ñee nda. Echaacuquia nonde. Eriirí mbae icuã naa nonde. Mbae turã abe naa nonde. —Co chõ taisi, i que Dios ra. —Co chõ taisi, i beite Dios quia co no. Mbia mbae turã naa nonde chõ Dios eirabo nguiã. Dios turãte quia ñene. Nyebe mbia mo irabochõ nguiã. Ebite quia ñene.

¹³ Dios que ñee Rebeca riirí nã nda. Ūquí nyeremo nã:

Jacob ndese chõ aio nguiã nyesequa. Esaú rese achesequa eãte, i que Dios ra, i que embesa ji ra.

¹⁴ ¿Mbaerã Dios riqui aque mii irabo re? ¿Mbaerã eriqui onongue abe isiã nde? ¿Dios icuãte ere? Tei. Eicuã eãte raque.

¹⁵ Sã Dios ñee Moisés je nyii no: Seya eãse mose emo ndese, seya eãte erese. Setutãse mose emo je, seturãte ee, i que Dios Moisés je ra.

¹⁶ —Dios turã naa nda seje chã, i mose emo, ũquí je eã ño Dios turã ndiqui nguiã. Ae mbae turã saã saã ndei quia, ũquí je eã ño Dios turã ndiqui nguiã. Ae rese Dios ia eã ndiqui, ũquí je quiatu Dios turã ndiqui nguiã.

¹⁷ Sã faraón no. Egipto jenda rerequa. Dios que ñee ee ra. —Aremii ngue mbia rerecuarã nda. Sequirãcuã ndeacuquia sacuã mbia je. Mbia jirandu ja sacuã serese, i que Dios faraón je ra.

¹⁸ Dios ia eãse mose emo ndese, eya eã nda erese. Dios emo ñia matãse mose, matã ndae.

Dios ra judíos isi turã sí

¹⁹ Jemo nda ñee seje reae. —Dios ae emo ñã matã mose, ¿mbaerã nda jeñee asi echãã átã je re? i ra jemo ñee seje reae.

²⁰ Dios cheẽ nandesobeishí aroneãte. Sã nandembaecua ñio ñee aroneãte uaosa je

no. —¿Mbaerã seraã eĩ nde? i aroneãte ñio ñee uaosa je no.

²¹ Ñio aosa ra ñio saã ñooño ño ubi mose no. Ñio turã tuchi raã arondete no. Ñio icuã abe raã arondete tuchu sique je no. Embae quia tuchu re. Tuchu rã ño nande re. Ñio aosa rã ño Dios re.

²² Ae eicuã icuã mbeite riqui Dios je nae, ũquí je Dios siqui mingue i ite co. Ūquí nda nyoí je tata cuasu. Ūquí Dios mbasi seríte cote.

²³ Dios mbae turã saã sete ubi je. Nyebe uquirãcuã ndeacuquia nguiã ubi je. Diobi chõ nande re. Dios que nandeao uchese-cuarã nda. Nandeico sacuã erese.

²⁴ Diobi chõ nande re. Dios que nandeirabo ra. Nandemo ndei judíos. Judíos eã abe abe. Dios chiirabo ja chõ nande re.

²⁵ Sã Oseas Dios cheẽ mbesa no: Ae serimba eã nyii nae, ũquí nda serimbarã cote.

Ae rese mbia nyesecuayã nyii, ũquí ndese ra achesequa tuchi se cote.

²⁶ “Seresenda eã ño jẽ nde”, i que Dios ñee ee nyii ra.

Hue jenda sí je ra Dios ñee cote. “Seresenda chõ jẽ cote re”, i ra Dios si ñee ee cote,

i que Oseas Dios cheẽ mbesa ra.

²⁷ Eĩ ngue Isaías Dios cheẽ mbesa cose ra: Judíos tubiriã tuchite raque rae. Siqui ja eã nda Dios rese. Co mii mii ño nda siqui erese.

²⁸ Dios quia ra uquiatoã mbasi ja ibi jenda cote.

Mbasi jei ra cote, i que Isaías embesa ra.

²⁹ Isaías que ã mbesa cose no nda: Mbia rese Dios ndua eande rae, eĩ nda judíos ua ja rei.

Dios judíos mo ndecha eande rae, eĩ nda judíos ua ja rei.

Sã Sodoma jenda ua ja no.

Gomorra jenda abe no, i que Isaías embesa ra.

Judíos siqui sereã Jesús rese

³⁰ Tacheẽ nyecua jẽje. Ae judíos eã nae, ũquí ngue “taico Dios rese”, iã ndei ra. Aque mose que Jesús icua cote ra. Jesús icua mose que Dios echãã mbitorõ cote ra.

³¹ Judíos quiatu que ñee ndei ra. —Dios cheẽ ndui si tuchi nandeico. Nandeico mose erui, Dios ra nandemingo bei, i rei que judíos ra. Dios que emingo bei eã nda. Siqui bei eã nguiatu ngue Dios cheẽ ndese re.

³² —Jesucristo nandeicua, i eã ñochí judíos. —Nande ae nandeico Dios cheẽ ndui, i chõchí. —Nandeico mose erui, Dios ra nandemingo bei, i chõchí. Judíos biãte que Jesús riqui ra. Nyebe judíos riqui turã eãte nguiã.

³³ Eĩ ngue embesa ji Dios cheẽ nda: Serucucha que amii judíos rae ra.

Judíos ra eiseiteã.

Judíos ra cuá i nyoí ee.

Ngoi ra echoi cuá i mose ee.

Sita rá ño serucucha ee re.

Ae serucucha icua quia nae, ũquí nguia ra ngoi eã nyoí.

“Dios rucucha aisi jirichĩ nguia no”, i eã nda Cristo icuasa mo ñee, i que Dios cheẽ mbesa ji ra.

10

1—Sã Dios judíos rirõ mbae icuã si, ae rei quia co. —Paba, judíos emingo Jesucristo rese, ae tuchi rei quia co.

2 Judíos siqui sete raque Dios cheẽ ndui. Ñeenda quia eicuayãte nguia Dios icha.

3—Dios ra nandechiã mbitirõ Jesucristo riĩ, i eã ñochĩ. Ae ae uchiã mbitirõse chõchĩ. Jesucristo icua sereã nea mbei chõchĩ. Nyebe Dios riqui nguia echiã mbitirõ eã mbei.

4 Jesucristo tu nonde que judíos siquise tuchi Moisés chimbese rese ra. Jesús que tu ibii cote ra. —Moisés chimbese rui jẽingo mose, taembitirõ turã, i áte que Jesús ra. —Seicua mose quiatu ra jaembitirõ, i que ra.

Sã mbia siqui ja serese, i Dios

5—Emo mbae icuã mo saã eã mbei emo mose, ũquí nda Dios mingõ bei, i rei que Moisés ra.

6-7 ã nandeico Jesús icuate ã. Nyebe ae riqui nguia nandemingo bei i ite ã. Nyebe nandeico nguia ñee áte. —Aba quia ra oso Jesús reru ibate si nande je, i áte. —Aba quia ra oso mbia raaque rea, Jesús mbuquera sacua, i áte nande mo.

8 ã ureico Jesucristo renei nenei mbia je ã. —Jẽ Jesucristo icua mose, jẽingo bei rae, ure equia mbia je ã. Jesucristo icuasa ra ñee: —A Jesucristo cheẽ ndiqui aba jiite a. Echeẽ aba chiãua bite aba chianguí re, i ra Jesucristo icuasa ñee.

9—Jesucristo rei sererecua, ere chõ ñee. —Dios que Jesucristo raaque mbuquera ra, ere chõ nguia ndechiangui re. Nde i mose, Dios ra nemingo bei.

10 Emo Jesucristo icua mose uchianguí re, Dios ra echiã mbitirõ. —Jesucristo aicua quia co, i mose, Dios ra esirõ mbae icuã si.

11—Jesucristo aisi jirichĩ nguia no, i eã nda Jesús icuasa mo ñee, i que embesa ji Dios cheẽ nda.

12 Dios quia mbia ja rerecua tuchi re. Judíos achõ ndeecua eã. Judíos eã achõ nderecua eã no. Eĩ ja chõ mbia Dios je re. —Mbae mo embu seje, i mose emo Dios je, mondo turã tuchi ra ee.

13 Sã embesa ji riqui i no: “Paba, seicua embitorõ”, i mose emo, Dios ra ũquí mingõ bei tuchi, i que embesa ji ra.

14 Mbía mo Jesús icuayã mose, ñee aroneãte ee. Mbía jiranuã mose Jesús rese, Jesús icua aroneãte. Emo Jesús cheẽ nenei nenei eã mose mbía je, mbía jirandu aroneãte Jesús rese.

15 Dios mbía mo mundo eã mose echeẽ nenei nenei sacua, echeẽ nenei nenei aroneãte. Sã embesa ji riqui ñee no. Eĩ si chõ ñene:

Aba bite emo tu mose Dios cheẽ nenei nenei ure je.

Ureya tuchite erese,

i que embesa ji cose ra.

16 Mbía mui ño siquichĩ Dios cheẽ turã ndese ũquí. Sã Isaiás ñee no:

Dios, mbía que urecheẽ ñandu sereãte ra,

i que Isaiás embesa ra.

17 Mbía ra Jesucristo icuayã mbeite, jiranuã mose erese. Mbía ra jiranuãte Jesucristo rese, emo echeẽ nenei neneiã mose ee.

18 ¿Judíos Dios cheẽ turã ñanuãte re? Ñandu ja rei que ra. Dios cheẽ ngue judíos chandu ja rei resẽ. Mangue choõño eã ngue echoi Dios cheẽ nenei nenei ndesẽ.

19 ¿Judíos jiranuãte Jesús cheẽ turã ndese re? Jirandu tuchite rei que ra. Sã Moisés Dios cheẽ mbesa no:

Dios rei se. Judíos eã ndese taico turã.

Mbía aquiatuã taisi serimbarã. Judíos nda queteã tuchi serese chã,

i que Moisés Dios cheẽ mbesa ra.

20 Isaiás abe que Dios cheẽ mbesa ra. ã ngue embesa ra:

Ae serequia eãte quia, ũquí ño ngue serea ra. Ae ndua eãte quia serese, ũquí je chõ achecua nguia, i que Dios ra,

i que Isaiás siquicheãte Dios cheẽ mbesa ra.

21 Isaiás que ñee judíos je no nda:

Dios riqui ñee jẽje co. “Jẽingo serese”, ae beite raque se quia judíos je co.

Secheẽ mumba bei chõchĩ.

“Jẽingo serese”, ae beite raque quia secheẽ mumbasa je co,

i que Dios ra, i que Isaiás Dios cheẽ mbesa ra.

11

Dios ia eãte judíos rese

1 Dios que hui eã judíos si ra. Judío chõ se no nde. Abraham ndei sei. Benjamín abe rei sei no. ¿Mañi nda Dios hui judíos si re?

2—Serimbarã mbei ra judíos, i que Dios cose ra. Nyebe eriqui nguia emombo eã mbei. ¿Jẽtesarei chõ Elías cheẽ si Dios je re? Elías que ñee icuãte judíos ataque riĩ aque mose ra.

3—Dios, judíos que ndecheẽ nenei neneisa iquia ja ra. Altar abe que embucoi coi nembae ra. Se ae tuchi aico nderimba co cote. Se abe ra judíos seiquia chee, i rei que Elías Dios je ra.

⁴ Dios que ñee Elías je cote ra. —Nde mii eã ño serimba re. Serimba tubiriãte nyeresê. Siete mi l serimba que ngoi eãte ngũĩã ndese ñee ñee Baal naanguia je ra, i que Dios ñee Elías je cose ra.

⁵ Eĩ ño namo abe re. Judíos emo emo ño siqui nguiã Dios rese ã. Ūquĩ mii ño Dios chiirabo ũquĩ nde. Uturã je chõ Dios ũquĩ irabo nguiã.

⁶ Mbae turã naa mose eã ño Dios eirabo nguiã. Uturã je ae chõ Dios eirabo nguiã. Mbae turã naa naa ndibishorõ eã ño Dios riqui nguiã aba irabo umbaerã. Mbae turã naa naa ndibishorõ mose, eĩ nda Dios aba irabo eãte rei uturã je.

⁷ Dios quiatorã nande, i rei que judíos ra. Dios quiatoã tuchi que eriqui ra. Jesucristo icua sereãte que equia ra. Co mii mii ño ngue Dios irabo uquiatorã nda. Eataque que Jesucristo icua sereãte quia ra.

⁸ Sã embesa ji riqui ñee no: Dios que embaaracua eã nda. Nyebe mbae icua eãte nguiã, mae mose Dios chiao rese.

Nyebe Dios cheẽ icua eãte nguiã eandu mose no, i que embesa ji cose ra. Eĩ mbei chõ namo abe re.

⁹ David abe que ucheẽ mbesa ra. Eĩ ngue embesa ra:

Sã eya chooño umbae tubiriã ndese. “Nandeico turãte ã”, sã i, siqui icuã mose.

Sã Dios embua tuchi embasi mose.

¹⁰ Sã eresa nyiati ati bei.

Mae eã sacuaã.

Sã mbae usi riqui eituquia bei, i que David ñee nda.

¹¹ Judíos que Dios cheẽ secha rei ra. Uba je quia ra ecuaẽ Dios rese. Dios si judíos hui mose quiatu que judíos eã siqui arõte Dios rese cote ra. Dios judíos eã mingo bei tuchi sacuaã cote. Judíos ra queteã tuchi chee Dios rese cote. Uba si sacuaã erese cote.

¹² Judíos que Dios cheẽ isiteã nda. Nyebe mbia judíos eã ja Dios cheẽ andu ja nguiã cote. Judíos Dios cheẽ mumba mose, Dios que uturã teacuquia ja mbia mangue chooñoa jenda ja je cote ra. Judíos uba si mose Dios rese, mbia mangue chooñoa jenda ra siqui tuchi Dios rese cote.

Judíos eã ño Dios cheẽ si

¹³ Jêje judíos eã je aico Dios cheẽ nenei nenei a. —Judíos eã je eico secheẽ nenei nenei, i que Dios semondo ra. Nyebe aico nguiã Dios cheẽ nenei nenei sete.

¹⁴ Judío chõ se no nde. Sã jê jêingo Dios rese no jê. Sã judíos abe riqui Dios rese jê na si. Dios erirõ sacuaã mbae icuã si.

¹⁵ Judíos Dios isiteã mose que Dios hui chõ judíos si ra. Judíos eã nguiatu que Dios isi uquiatorã cote ra. —Mbia mo ja sequiatorã

cote, i que Dios judíos eisiteã mose ra. Judíos ra uba si chee Dios rese emo mose cote. Mbia raaque quera si rã tuchi ra aque mose cote.

¹⁶ Sã mbia mo mbichae raã no. Mbichae ñiinda uchi turã mose, eruinda abe ra uchi turã no. Mbichae ñiinda rã ño Abraham nde. Judío i tuchi chõ Abraham nde. Sã Abraham siqui turã tuchi Dios je no. Nyebe ra eririã abe uba chee Dios rese no. Ei turã mose, erãquiã abe ra eturã no.

¹⁷ Olivo rãquiã na ño judíos re. Judíos siquiã mose Dios rese, olivo rãquiã na ño ngue Dios echisia mombo ra. Ūquĩ naquiã nendaque re chõ ngue Dios jemi nda. Jê judíos eã. Injertar i raanguia chõ Dios jembucha nguiã ei rese. Jemingo tuchi sacuaã Dios rese. Olivo rãquiã na eã ndaque jê.

¹⁸ Jenguasu ra jêsaã saãchi judíos je jê! ¡Dios jêisi turã mose jê! Erãquiã injertar i ji rã achõ ño jê nde. Erãquiã nda hui mingo eã. Ei quia nda erãquiã mingo nguiã. Erãquiã na ño jêingo nguiã jê.

¹⁹ —Olivo rãquiã ngue Dios chisia urembucha sacuaã ei rese, jjenyechi nda jenguasu raã naa jê!

²⁰ Dios que echisia sia Jesucristo icua sereã mose ra. Jê Jesucristo icua mose chõ ngue Dios jembucha olivo i rese ra. Jemingo bei sacuaã. Nyebe jêingo jenguasu raã naa eã. Jêirei irei jiri quia Dios si.

²¹ Dios que olivo rãquiã nyisia mombo Jesús icuayã mos e ra. Eĩ nda Dios jemombo jê abe Jesús icuayã mose.

²² ¡Sã Dios turãte mbia siqui mose erui no jê! ¡Sã mbia mbasi echeẽ mumba mose no jê! ¡Sã eturãte jêje no jê! ¡Jêingo bei chõ Dios turã ndese jê! Jêingo eã mose Dios rui, Dios ra jemombo. Ira rãquiã sia ji mombo rã si.

²³ Judíos uba si mose Dios rese, Dios ra embucha si esiasa rese. Injertar i si ra ee. Dios mii ño eaquiatu ũquĩ naa nde.

²⁴ Judíos eã ño jê nde. Olivos turã naquiã eã ño jê nde. Olivo mbuae rãquiã na ño jê nde. Dios ae que jembucha nguiã olivo i rese. Injertar i jêje. Ae Dios nyisia nyii nae, ũquĩ nda Dios mbucha si uchisia rese.

Judíos abe ra siqui chee Jesús rese

²⁵ Tacheẽ nyecuayã na jêisaa. Mbia chiicuayã tasenei na jêje. Jenguasu raã naa sacuaã eã judíos je. Judíos yete tuchi que hui rei Dios si ra. Judíos eã nguiã siqui tuchi Dios icua ã cote. Judíos eã Dios chiirabo Jesús icua ja mose, judíos abe ra uba ja erese cote.

²⁶ Aque mose ra Dios judíos rirõ ja huicuã si cote. Sã embesa ji riqui i no:

Mbia mbuturãsa ra tu Sion si.

Ae ra Jacob ririã sirõ ja huicuã si. Judíos rirõ ja huicuã si.

²⁷ Aque mose ra judíos icuã ambutiã ja esi.

Secheẽ nda ique aque mose cote, i que Dios ra,
i que embesa ji ra.

²⁸ Judíos yete tuchi chõ Jesús cheẽ turã ucuayã nguiã ùqui. Nyebe Dios uturã ndeacuquia nguiã jêje. Judíos eã je. Dios quia nyesequa beite nguiã judíos rese. Irabo que nyii ra. Eramei ja rĩ ño Dios judíos irabo nguiã.

²⁹ —Mbae mo tamee jêje, i mose Dios, mondo rae. Dios ra uchimondo sirombe eã. Dios ra hui eã mbei uchiirabo si.

³⁰ Jesucristo que jêicuayãte quia nyii ra. Judíos hui mose Dios si, Dios que uturã teacuquia jêje cote resẽ.

³¹ Judíos quia Jesucristo icuayãte nguiã cote. Sã Dios ia eãte riqui jendese no, eĩ si ra eya eãte judíos rese cote. Uturã nda eteacuquiabe chee judíos je.

³² Eĩ ja chõ mbia Dios je re. Emo ngue echeẽ mumbayã eãte quia ra. Nyebe eya eãte riqui nguiã nande ja rese.

³³ Dios turã tuchite. Dios aracua tuchite. —¿Mbaerã Dios ùqui naa nde? nande aroneate. Dios chisaã nandeicua aroneate quia ã.

³⁴ ¿Emo ndua ndua quia Dios rã nde? ¿Emo mose mbia riqui Dios mbaaquiato re?

³⁵ ¿Emo nane mbae mo mondo quia Dios je re? ¿Dios mbae mondo nonde re?

³⁶ Dios ae que mbae chao ja ra. Umbaerã ño echao ja nguiã mbae. Ae quia ecuasu jiri mbae ja si re. Nandechẽ turã mbei ra equia erĩ. Amén.

12

Je sí chõ jeñimondo Dios je

¹ Dios ia eã mbeite riqui nanderese co. Nyebe jẽ sí chõ jeñimee Dios je. Jendeco chõ jemee Dios je. Jeñia turã jemee Dios je. Ebite ùqui. Dios que mbae mondo tuchi nande je ra. Eĩ nande chõ ñimondo ee ae.

² Jesús quiatoã na nda jẽngochĩ jê! —Nde rã si semundua ndua ramo, Paba, Jenye chõ nguia Dios je. Eĩ jenye mose ra Dios ñeenda huicha teacuquia jêje. —Eĩ jenye, eĩ jenye chõ, i bei ra Dios quia jêje cote.

³ Dios turã ngue seirabo ucheẽ nenei nenei sacua jêje ra. Nyebe aico nguiã jembiirandu randu co. —Se jiri quia mbia si re, jjenye tuchite chí na jê! ¡Endua ndua turã ño ndechue jê! Dios nembaaquiato tuchi mose, ebite quia nde re.

⁴⁻⁵ Mbae tubiriãte nanderete rese. Nanderesa. Nandeo. Nandesa. Ùqui jate nanderete rese. Mbae mii nda siquiã nanderete rese. Nandeo oco mbae rese. Nandesa mbae andu. Nanderesa mae mbae rese. Nandechuru ñee. Nanderete quiarei “ã nandesaã”, i tuchi nyue. Eĩ si chõ Jesús icuasa

nande re. Jesús rete ja chõ nande re. “Ã nandesaã”, nandete equia nandechue ã. Mbae rese jaajate que Dios uquiato mingo ra.

⁶ Dios turã tuchi que nande je ra. —Co rese eico nde. ã ndese eico nde, i Dios quia nandembuchao chao co. Ùqui naa sacua Dios riqui uquirãcuã mee mee nande je co. —Secheẽ esenei senei, i mose Dios emo je, sã aque echeẽ nenei nenei turã echeẽ ndui si.

⁷ —Mbae turã esaã saã mbia je, i mose Dios emo je, sã aque mbae turã naa naa mbei mbia je. —Mbia embaaquiato quiato, i mose Dios emo je, sã embaaquiato turã tuchi.

⁸ —Seosei uquia mbia je, i mose Dios emo je, sã aque Dios osei uquia turã tuchi mbia je. —Mbae emee mee mbia je, i mose Dios emo je, sã aque abei tuchi. Sã nguetã eã tuchi mbae rese ee. Dios emo mii mose ererecurã, sã ererecurã turã tuchi aque. —Mbae cha reã je mbae esaã saã, Dios i mose emo je, sã aque ia tuchi mbae turã naa naa mbae cha reã je.

⁹ Jjenyesequa chooñochĩ nda jenyiese jê! ¡Mbae icuã sí jenyicuasẽ cuasẽ tuchi quiato jê! ¡Mbae turã ndese chõ jẽingo tuchi jê!

¹⁰ ¡Jembi turã ño jenyiese jê! ¡Jenongue rã nguiato jẽingo turã tuchi jenyue jê! ¡Jeñee turã turã ño nguia emo nii jê! ¡Nderĩ nda ercheẽ turã turãchĩ jê!

¹¹ ¡Jeñimbutomo tomochĩ nda jê! ¡Jeñimbirãtã tuchi quiato Dios je jê!

¹² Jesucristo cheẽ nda io chee nande je emo mose cote. Ùqui ño nandesaarõ arõ nguiã ã. Nyebe jêya tuchi quiato siqui eraarõ arõ. Mbia jembasi mbasi mose, jenyecuachõ ño nguia ee. Jeñee ñee mbei quiato quia Dios je.

¹³ Mbae eã mose Jesús quiato je, mbae mo jemondo ee. Mbia mo oso mose jenyuchúaa, ¡jêisi turã ño jê!

¹⁴ Mbia mo icuã icuã mose jêje, ¡jêturã ño ee jê! —Paba, mbae turã emondo rã ee. Ae icuãte riqui seje, ùqui je, jenye chõ Dios je.

¹⁵ Ae eyate riqui, ùqui ndese chõ jêya jê abe. Ae nyeseo quia, ùqui je ndese abe jenyeseo no.

¹⁶ Hue rĩ ja chõ jẽingo ndua turã. ¡Jenguasu ra jêsaã saãchĩ emo je jê! ¡Jêseteã ño jẽingo jê! ¡Jêaquiato ra jêsaã saãchĩ jê!

¹⁷ Mbia mo icuã icuã mose jêje, jenyecuachõ ño nguia ee. Mbae turã ño jêsaã nguia mbia resa rae.

¹⁸ ¡Jẽingo turã ño mbia je jê! ¡Nda jẽingo ubi turã jenyiese.

¹⁹ Mbia icuã mose jêje, ¡jeñee icuãchĩ nda erobeishĩ jê! Dios quia ra embasi nguiã icuã mose. Sã embesa ji riqui i no:

Se quia mbia tambasi icuã mose, i que Dios ra,
i que embesa ji ra.

²⁰ Ae eicuãt e riqui jêje, ũquĩ jembuquiuru chõ eriãcuã mose. Ũquĩ jembiu chõ eisei mose. Eĩ jenyé mose ee, eireĩ te ra huũcuã mose cote.

²¹ Mbia icuã mose jêje, jeñeechĩ nda echeẽ ndibishorõ. Jẽingo turã ño ee. Mbae turã nguia equirãcuã jiri mbae icuã si re. Mbae icuã mombo jiri.

13

Sã mbia riqui turã ererecua ja je

¹ Mbia ja ererecua cheẽ mumbayã nguiatu. Dios ae chõ ererecua mĩ nguia. Dios chimĩ ja chõ mbia rerecua re.

² Ae mbia rerecua cheẽ mumba quia, Dios cheẽ abe mumba chõ nguia aque. Dios quia emĩ tare nguia. Ae ererecua cheẽ mumba mumba quia, ũquĩ nda mbae rasi saã cote.

³ Mbia turã mbusiquiche sacua eã ño ererecua re. Mbia icuã mbusiquiche sacua nguia ñene. Nde ndeico turã mose, ererecua ra nembusiquiche eã. Ndeico turã mose, ererecua ra ñee turã mbei ndeje.

⁴ Dios ae chõ ererecua mĩ nguia. Nandereaquiatu turã sacua. Nde mbae icuã naa mose, ndesiquiche jiri nda esi chã. Ndeicuã mose ra ndeiruã nua arõte. Dios quiatu emĩ nguia ererecuarã mbia icuã mbasi mbasi sacua.

⁵ Ererecua cheẽ nandemumbayã ño nguia. Nandembaasi asiã sacua achõ eã ño ñene. Nandendua turã sacua abe chõ ñene.

⁶ —Impuestos jëisi isi mbia si, i que Dios ererecua mĩ nda. Nyebe nandeico nguia impuestos mondo mondo turã ererecua je. Dio s cheẽ nguire chõ ererecua riqui nguia eisi isi.

⁷ Jê deber i mose emo je, mbae jembuchebi jei chõ ee. Jê deber i mose impuestos, jemondo chõ ee. Ererecua je jẽingo turã ño. Jeñee turã ño erĩ.

Jenyesequa ja quia jenyiese

⁸ Emo mbae mondo mose jêje, jẽingo are arete chi nguia mbae mondo rocoĩ ee. Deber jenyechĩ nda emo je. Jenyesequa ja quiatu quia jenyiese jê! Jenyesequa mose mbia rese, Moisés chimbesa ja jemumbayã ño nguia ũquĩ.

⁹ ã ndei Moisés chimbesa ã:

Emo ninisi rese ra ereicochĩ.

Mbia mo nda ereiquiachĩ.

Mbae mo nda erembuquiachãchĩ.

Emo je ra erecheẽ ñooñochĩ.

Emo mbae ra erechõsei chõseichĩ,

i que Moisés chimbesa ra. Nandehesecua mose mbia rese, nandeco embesa ji cheẽ mumbayã ã. ã ndei Jesucristo cheẽ ã: Sã ereico nyesequa nderete rese no, ei ere si chõ nyesequa emo ndese. Nde ã naa mose, Moisés chimbesa ja eremumbayã nguia ã.

¹⁰ Ae nyesequa quia mbia rese, ũquĩ nda mbae icuã saã eã mbei emo je. Emo nyesequa mose mbia rese, Dios cheẽ ndui si chõ eriqui nguia mbae turã naa naa ũquĩ.

¹¹ Dios rese jẽingo tuchi ũquĩ. Nandemae jei ra Jesucristo rese cote. Nandechẽ ngue equia nyii. —Nandemae je ra Jesucristo rese, nande que equia nyii. Namõ nda nandemae erese cote. Aichite eñi tu a cote.

¹² Itondaru rã ño mbae icuã ja namõ nde. Jesucristo ra tu mbae mbuturã cote. Nyaashĩ na nda cote. Nyebe nandeico bei rã mbae turã ndese cote. Dios rese nandeico tuchi rã cote. Mbae icuã ndiquisã sacua nandesĩ.

¹³ Nandeico turã ño Dios resa rae. jMbia quiacua ra nandesichãchĩ jê! jNandequiacuachĩ nda jê! jEmo ninisi rese ra nandeico icochĩ jê! jMbae icuã nda nandehõsei chõseichĩ je! jNandeicuã icuãchĩ nda emo mbũcuã icuã jê! jEmo mbae ra nandehõsei chõseichĩ jê!

¹⁴ Jeñime tuchi quia Jesucristo je. Ae nda uquirãcuã mee tuchi jêje chã. Mbae icuã ndiquisã sacua jësi. Ae icuã mbia chõsei chõsei quia nae, ũquĩ nda jësaã saãchĩ jê! Jesús resenda chõ jê ndesẽ.

14

Jeñee asiã mbei jenongue je

¹ Jesús quiato mo Jesús icua tuchiã mose, jëisi turã ño. Jeñee asi asichĩ nda ee.

² Emo emo mbae u ja. Emo emo soo u eã tuchi no. Ae soo u eãte quia nae, embaaquiatu tuchi iriã ño ũquĩ nde.

³ Ae soo u guia nae, sã ũquĩ ñee asiã mbei soocua reã je. Ae soo u eãte guia nae, sã ũquĩ ñee asiã mbei soocua je no. Dios quiato ja chõ ñene.

⁴ Erecheẽ icuã aroneãte ererecua rimba mo je. Ae ae mbae saã nguia nguerecua je. Dios ae nda ñee nguia nguimba je. Mbae raã turã mose. Mbae raã icuã mose abe no. Dios quirãcuã ae nda nguimba mingo nguia mbae turã ndese.

⁵ —Nyaashĩ mo ngue Dios irabo mbũcũe cose ra. ũquĩ nyaashĩ mose nandechimbaacua rã, i Jesús quiato mo nguia co. Jesús quiato mo nguia ñee nguia: —Eĩ ja chõ nyaashĩ ndesẽ, i emo no. Sã Dios quiato ja ae riqui ndua ndua uchiangui re ae.

⁶ Dios quiato mo ñimbaacua mose aque nyaashĩ mose, Dios je chõ eriqui nguia ñimbaacua. Dios quiato mo mbae raã naa mose aque nyaashĩ mose, Jesús je chõ eriqui nguia mbae raã naa aque nyaashĩ mose. Ae soo u quia, Dios je chõ eriqui nguia soo u. Gracias, i que Dios je nyii ra. Ae soo u eã nguia, Dios je chõ eriqui nguia soo u eã no. Ae abe gracias i chõ nguia Dios je aque.

7—Sebi rese chō taico bei, nande aroneâte. —Semanose mose quia tamano, nande aroneâte.

8 Dios ae chō nandereco mingo nguiã. “Emano”, i mose Dios nande je, nandeico nguiã mano. Nandereco siqui mose, Dios rimbarã ño ñene. Nandemano mose, Dios rimbarã ño nda nandeico nguiã no.

9 Cristo que mano nda. Quera si que ra. Mbia rerecuarã ngue quera si ra. Mbia reco rerecuarã. Mbia mano je rerecuarã abe no.

10 Nandechēē icuã icuã aroneâte nanderesenda mo je. Emo mose quia ra Dios mae tuchi nanderese cote. Nandechiangui renda ra etea tuchi cote. Ae quia nda nandeicuã tea nguiã. Nandeturã abe rea.

11 Å ndei embesa ji ã:

Dios ndei se. Se rei sereco bei.
Sésaa ra mbia chi ja ngoi nguiã ndese.
Ñee jaaja ra seje cote.

“Dios tuchi chō nde re”, i jaaja ra seje cote, i que Dios ra,

i que embesa ji ra.
12 Nande ae ae ra mbae nandesenei senei Dios je aque mose. —Å ngue asaã saã nguia seico mose íbii ra, nande ja ja ra ee cote.

Jenongue jembicuã eã

13 Nyebe nandechēē icuã eã nguia nanderesenda mo nii. ¡Nandembia eãte chí nda jê! ¡Mbae icuã nda nandesaa uquiachi ee jê!

14 Jesucristo que sembaaquiato ra. — Mbae turã ja chō mbia chiurã nde, i que ra. — ¡Co ra jêuchi jê! iãte Dios mbae mo nii. — Eicuãte co, i mose emo, sã ae mii eu eã. Ae eu mose, eicuãte ee.

15 — ¡Co nandeu eã jê! Eicuãte, i mose nandesenda mo ndeje, eu eã. Nde eu mose, erchesequa eã ño nguiã nandesenda rese aque. Nandesenda je abe chō ngue Jesucristo mano ndesê. ¿Mbaerã nda nandesenda erembicuã ndechuubi je re?

16 Ndechuubi turã ndaque ndeje. “Eicuãte” i mose nandesenda mo, eu eã ae. Nde eu mose, mbia ra erembucheē icuã ndechue.

17 Dios chō nandererequa cote re. Nyebe nandendua tuchi eã nguia nandechiurã ndese. Ae nandembe quia, ũqui abe rese. Dios rese quia nandendua. Ae chō nandemingo nguiã mbae turã ndese co. Ae chō nandechiã mbucoi nguiã co. Espiritu turã ae nandembia mingo nguiã co.

18 Eĩ nande mose Cristo je, Dios ia tuchi ra nanderese. Mbia abe ia ra nanderese.

19 Nandeico turã nda nandechue chã. Eĩ nande nda Jesús osei osei uquia nandechue chã.

20 — ¡Aque soo ra nandechi jê! i mose Jesús quiato mo, jereuchi nda jê! Jesús quiato ra erembicuã arôte nde eu mose. Mbae turã

ja raque mbia chi. “Eicuãte”, i mose Jesús quiato mo, eu eã ae.

21 Soo Jesús quiato mbicuã mose, soo ra nandeu eã. Vino Jesús quiato mbicuã mose, vino nda nandembe eã. Mbae mo Jesús quiato mo mbicuã mose, nandeco eã erese nande abe. Mbae mo Jesús quiato mo mbicha serĩ mose Dios icha si, ũqui ndese nandeicoã nande. Eĩ nda ichayã esi.

22 — So o icuã eã ño ñene, i mose Dios ndeje, echecuachō ño nguia eu. Endua tuchi mbae mo naa nonde. Eicuã arō mose ndeje, esaã eã. Eturã mose ndeje, echecuachō ño eraã. Nde ũqui naa naa mose, eicuãte ũqui. Ndechiisu isu u mose soo, eicuãte ũqui. —Eicuãte ereae, nde i mose, ereicochĩ nguiã eu.

15

Nandebi rese ra nandecoichĩ jê; nandemongue bi rese quia nandeico

1 Nande mo Jesús icuat e quia co. Ae Jesús icua tuchiãte quia nae, ũqui je nandeico turã jiri ae. Nandembaaquiato quiato ae. Nandebi achō ndese ra nandendua eã.

2 Ae nandebite nande ae, ũqui ndese nandeicoã. Ae Jesús quiato nongue bite nae, ũqui ndese quia nandeico. ũqui mose nandeico nandesenda mbaaquiato tuchi Jesús riĩ co.

3 Cristo chee que siquiã ubi rese ra. Sã embesa ji riqui ñee Cristo riĩ no: Paba, ae ndeucayãte quia nae, ũqui ngue ñee icuã mbeite quia seje ra, i que Cristo ñee ngu je ra, i que embesa ji ra.

4 Dios chee mbesa ji cose ndare chō nandembaaquiatusa re. Nandemingo mingue sacua. Nandembiracuã sacua Jesucristo riĩ. Nyebe nandeico nguiã Jesucristo raarō arō mingue ã.

5 Dios chō nandemingo mingue nguiã. Dios chō nandembiracuã nguiã. Dios nda jemingo turã mbei nyiese Jesucristo chee ndui si chã.

6 ũqui mose ra jëingo ñee turã mbei Dios je. Hue ri ja ra jëingo ndua turã Dios rese. Dios quia Jesucristo ru re.

Dios iate judíos eã ndese

7 Sã Cristo nandesti turã no, eĩ jenyee si chō nguia nyiisi turã. Eĩ nda mbia ñee turã Dios riĩ.

8 —Eĩ tae tae, i que Dios judíos i ñiinda ja je cose ra. Nyebe Cristo ru nguiã mbae turã naa naa judíos je cote. —Dios chee iochĩ cote, i nda judíos chã.

9 Judíos eã abe mundua sacua Dios rese que Cristo ru ra. Dios turã ndese emundua

sacua ño ngue eru nguiã. Co rei David chimbese co:

Paba, ndeturã tasenei senei judíos eã je.

Tairasei rasei abe ndeje,

i que David embesa ra.

¹⁰ Co rei embesa ji cheẽ mo co:

Judíos eã, jëya chõ Dios rese.

Sã Dios rimba iate erese no, eĩ jenyee chõ jë abe jëya erese,

i que embesa ji ñee nda.

¹¹ Co rei embesa ji cheẽ mo co no:

Sã mbia ibi jenda ja ñee turã ja Dios riĩ,

i que embesa ji ra.

¹² Isaías que co mbesa ra:

Isaĩ riirĩ nguiã ra mbia judíos eã nderecuarã tuchi cote.

Mbia judíos eã nda “ichõĩnosa reã”, i tuchi ee, i que Isaías embesa Jesús riĩ nda.

¹³ Ūquĩ jëingo Dios icuate ūquĩ. Dios nda jem-bia tuchi mingo chã. Dios nda jeñia mbucoi chã. Dios ae chõ “Cristo jësaarõ arõ”, i chõ nguiã nandemingo mingue ã. Espiritu Turã ndiqu i nandembirãcuã tuchi ã. Nandembia mingo Cristo raarõ arõ ã.

¹⁴ Seyate aico jendese co, Seresenda. Jëingo turãte quia jenyiese ūquĩ. Mbae jëicua tuchite cote. Jë ae jëingo nĩmbaquiato quiatu turã jenyue ūquĩ.

¹⁵ Aireĩ ireĩ ãte ã mbesa jëje, Seresenda. Jëtesareĩ sacua ã si. Dios turã ae ngue seirabo nguiã. Mbia mbesarei eã sacua Jesús cheẽ si.

¹⁶ Dios que seirabo Jesucristo rimbarã nda. Ucheẽ nenei nenei sacua mbia judíos eã je. Mbia judíos eã secheẽ isi turã mose, Espiritu Turã nda emingo icúe Dios mbaerã cote. Ūquĩ mose ra Dios judíos eã isi turã cote.

¹⁷ Se Dios cheẽ nenei nenei mose mbia je, mbia que siqui tuchi erese secheẽ nguire ra. Nyebe ūquĩ ndiqui nguiã sembia tuchi.

¹⁸ Jesucristo que sembirãcuã nda. Ucheẽ nenei nenei sacua judíos eã je. Nyebe judíos eã ndiqui nguiã siqui tuchi Dios rese cote. Secheẽ nguire cote. Sechisaã ndese abe maende cote. Mbae mo nĩ abe ra acheẽ iã cote. Jesucristo que sembirãcuã, ūquĩ mĩ ño aico nguiã ñee jëje a.

¹⁹ Espiritu Turã ngue uquirãcuã mee seje ra. Nyebe aico nguiã mbia mae sayã naa naa tuchi mbia je. Ūquĩ mos e que mbia riqui tuchi Dios rese cote ra. Jesucristo cheẽ ngue asenei senei Jerusalén nda. Mbia mangue choõnoa jenda je abe. Ilirico jenda je abe.

²⁰ —Ae mbia riqui Jesucristo cheẽ nenei nenei eãte nae, huee Jesucristo cheẽ tasenei senei se, ae que se ra. Emo Jesucristo cheẽ nenei nenei, huee taico bei eã, ae que se ra.

²¹ Sã embesa ji riqui ñee no:

Ae jiranuãte quia Cristo rese, ūquĩ nda jirandu erese cote.

Ūquĩ nda eicua cote,

i que embesa ji ra.

Aso ra Rómaa, i Pablo

²² Ae mbia riqui Dios cheẽ nenei nenei eãte, huee quiatu ngue aico nguiã Dios cheẽ nenei nenei. Nyebe aico nguiã osoãte jendea.

²³ Cose ndarechõ mbei chõ aico rei nguiã “taso jendea”, i. A jenda mbia que Dios cheẽ ñandu tuchi cote ra. Nyebe taso jendea cote.

²⁴ Seso mose España nda aso jendea. Sem-bia jiri sacua jendese. Taico mbirĩ na jendese huee. Jë nda sembucua turã mondo hue si cote chã.

²⁵ Jerusalén nane nda aso. Ofrenda mo arao quia Jesús quiato je co.

²⁶ Jesús quiato Macedonia jenda que ofrenda munua nua nda. Jesús quiato Acaya jenda rese. —Jesús quiato mbaecha reã je mbae nandemondo rã Jerusalén jenda je, i que ñee nyue nyii ra. Ūquĩ ño arao nguiã co.

²⁷ Coche ūquĩ ndiqui nguiã mbae mondo judíos Jesús quiato je. Judíos rane nguiã Dios cheẽ senei senei tare nguiã judíos eã je. Nyebe ra judíos eã mbae mo mondo judíos Jerusalén jenda je cote.

²⁸ Nyebe ra ofrenda munua ji arao ee. Jesús quiato mbaecha reã je. Aquere ra aso España quti cote. Aicha ra ñeenda cúa si mae jendese.

²⁹ Jesucristo ra semondo turã jendea. Ae ra nandembia ja uturã je.

³⁰ Seresenda, Jesucristo quiato quia jë nde. Espiritu Turã ño jembuchesequa nguiã jenyiese ūquĩ. Nyebe jeñee tuchi quia Dios je serĩ. Nandechẽ ja tuchi quiatu ee serĩ.

³¹ —Paba, mbia icuã Judea jenda esiquisã Pablo si. Paba, ndequiato Jerusalén jenda nda ofrenda isi turã Pablo si chã, jenyee chõ Dios je.

³² Ūquĩ mose ra seya tuchi mae jendese cote, Dios “eno” i mose seje. Jendese seico mose ra sequenea aucua tuchi cote.

³³ Sã Dios riqui bei jendese. Sã eriqui jem-bia.

16

Pablo saludar i ja mbia je

¹ Febe jëisi turã ño. Jesús quiato chõ aque cuña nde. Mbae turã esaã saã mbeite quia Jesús quiato Crenrea jenda je aque.

² Jëisi turã ño nguiã Jesús riĩ. Sã Jesús quiato riqui nyiisi turã no, eĩ jenyee chõ Febe isi turã no. Ae que mbae turã saã saã mbeite Jesús quiato je ra. Seje abe no. Nyebe jëturã ño jë abe ee.

³ Aquila je saludar jenyẽ rã seje. Eninisi Priscila je abe no. Serese que ũquĩ ndiqui Jesucristo cheẽ nenei nenei tuchi ra.

⁴ Mbia que eiquia serĩ serĩte rei quia serĩĩ nda. Siquicheã mbeite que equia ra. Nyebe aico nguiã gracias i tuchi ee. Se ae eã. Jesús quiato judíos eã abe riqui gracias i jate ee ã.

⁵ Ae Jesús quiato ñmunua nua nguia Aquila chuchua, ũquĩ je abe saludar jenyẽ. Epeneto je abe saludar jenyẽ. Sequiatio tuchite que aque ra. Ae rane ngue Cristo isi Acaya jenda ra.

⁶ María je abe saludar jenyẽ. Ae que mbae saã saã tuchi Dios je jẽsaa ra.

⁷ Andrónico je abe saludar jenyẽ. Junias je abe. Se sí chõ ũquĩ nde. Serese que etarõ ji riqui cárcel nda. Dios cheẽ nenei neneisa tuchi chõ ũquĩ nde. Ũquĩ nane ngue Cristo icua sesi cose ra.

⁸ Amplias je abe saludar jenyẽ. Sequiatio tuchi chõ Dios resenda aque re.

⁹ Urbano je abe saludar jenyẽ. Ae que Dios cheẽ senei senei nguia urerese ra. Sequiatio Estaquis je abe saludar jenyẽ.

¹⁰ Apeles je abe saludar jenyẽ. —Seicuaasa tuchi Apeles riqui co, i que Dios Apeles rĩĩ nda. Aristóbulo chuchua jenda je saludar jenyẽ seje.

¹¹ Herodión je abe saludar jenyẽ. Se sí chõ ae re. Narciso chuchua jenda, ae Jesús quiato nae, ũquĩ je saludar jenyẽ.

¹² Trifena je abe saludar jenyẽ seje. Trifosa je abe. Ũquĩ ndiqui mbae raã naa tuchi Dios je ũquĩ. Nandequiatio Pércida je abe saludar jenyẽ. Ae que mbae saã saã tuchi quia Dios je ra.

¹³ Rufo je abe saludar jenyẽ. Dios chiirabo tuchi chõ ae re. Esi je abe saludar jenyẽ. Taĩ na tuchi que eriqui seje ra. Mbae que esaã ja tuchi quia seje ra.

¹⁴ Asíncrito je saludar jenyẽ seje. Flegonte je abe. Hermas je abe. Patrobas je abe. Hermes je abe. Ae Jesús quiato riqui ũquĩ ndese, ũquĩ je abe saludar jenyẽ.

¹⁵ Filólogo je abe saludar jenyẽ. Julia je abe. Nereo je abe. Enongue je abe. Olimpas je abe. Ae Jesús quiato riqui ũquĩ ndese, ũquĩ je abe saludar jenyẽ.

¹⁶ Jenyiquiaama ama saludar i nyue. Tuchuamo jenda ja Cristo quiato riqui saludar i jẽje ã.

¹⁷ Huee emo ndiqui Jesús quiato mbĩcuã sete hue. Hue emo ndiqui “Jesús quiato tambĩcha Jesús sí”, ite hue. Jenyĩcuasẽ ño nguia ũquĩ si. Jesús cheẽ ndui si eã ño eriqui nguiã mbia mbaaquiato quiato ũquĩ.

¹⁸ —Ae Jesucristo bite, ũquĩ nandesaã saã, iã ño nguia ũquĩ. Ubi achõ ño esaã saã nguia ũquĩ. Echeẽ turã aba reã ño eriqui nguia mbia je ũquĩ. Ae Jesucristo icua tuchi eãte quia nae, ũquĩ mbĩrĩ irĩ ño nguia ũquĩ.

Jenyĩcuasẽ tuchi chõ nguia ũquĩ si. Aba mbĩrĩ irĩsa tuchi chõ ũquĩ nde.

¹⁹ Jẽ ngue Dios cheẽ jemumbayãte ra. Mbia que jirandu jate jendese ra. Nyebe seyate riqui nguiã jendese co. Jẽingo bei nda equia mbae turã ndese chã. Mbia nda jembĩrĩ irĩ eã jiri quia mbae icuã je chã.

²⁰ Dios quiarei aba mbiasa. Namó jiri ra ae Satanás ndiquisã mbei jẽsi cote. Sã Jesucristo riqui turã mbei jẽje.

²¹ Timoteo ucheẽ mondo quia saludar i jẽje aque. Siqui beite equia serese Dios cheẽ nenei nenei co. Lucio abe ucheẽ mondo quia saludar i jẽje aque. Jasón abe no. Sosipáter abe no. Se sí chõ ũquĩ nde.

²² Se abe secheẽ amondo quia saludar i jẽje aque. Tercio rei se. Se chõ aico nguia Pablo cheẽ mbesa mbesa jẽje co. Jesús icuasa ja chõ nande re.

²³ Gayo abe ucheẽ mondo quia saludar i jẽje aque. A aico rã echuchua uque a. Jesús quiato chumunua nuasa bei chõ a re. Gayo chuchua. Erast o abe ucheẽ mondo quia jẽje aque. Ae chõ tesorero sucha tubirĩã jenda je. Cuarto nandequiatio abe ucheẽ mondo quia jẽje aque.

²⁴ Sã Jesucristo riqui jendeaquiato turã mbei. Amén.

Pablo ñee hui bei sacua cote

²⁵ Nandechẽ turã mbei chõ nguia Dios rĩĩ. Ae ra jembĩrãcuã tuchi mingo ucheẽ turã je. Echeẽ turã ngue asenei senei nguia Jesucristo rĩĩ nda. Aque cheẽ turã ngue mbia icuayãte quia cose nyii ra. Dios que embuchecua eã mbei mbae ao ramo mosenda bei ra.

²⁶ Namó ño Dios ucheẽ turã mbuchecua nguia mbia je cote. Jesucristo rĩĩ. Dios cheẽ nenei neneisa que echeẽ mbuchecua nande je cote ra. Mbesa que nande je ra. Dios que ñee seje ra. —Secheẽ turã esenei senei mbei quia mbia jaje cote. Siqui sacua secheẽ ndese. Secheẽ mumbayã sacua, i que Dios seje cote ra.

²⁷ Dios mii nguiarei siqui bei. Dios mii ño mae ja nguia mbae ja rese. Sã Jesucristo riqui mbia mbuchẽ turã mbeite Dios rĩĩ. Amén.

PRIMERA CARTA DEL APOSTOL SAN PABLO A LOS CORINTIOS

Pablo embesa Jesús quiato Corinto jenda je

¹ Pablo, i que seje ra. Dios que seirabo Jesucristo renei nenei sacuã nda. Aico ã mbesa jêje a. Nanderesenda Sóstenes ndese aico embesa jêje a.

² Aico ã mbesa jêje a. Jesús icuasa je. Corinto jenda je. Jê ndei Dios quiato jêingo Jesucristo rîi ũqui. Dios riqui jemingo icúe umbaerã ũqui. Sã Dios riqui mangue jenda chooñoa mingó icúe umbaerã no, eî si. Ñee mose Jesucristo je. Jesucristo rei ũqui abe rerecua no. Sã nandererecua nande no.

³ Sã Dios nanderu uturã mingó tuchi jendese. Sã Dios jembia bei mingó. Sã Jesucristo abe siqui jembia bei mingó.

Dios turãte riqui jêje co, i Pablo

⁴ Dios turã tuchi que eriqui jêje Jesucristo rîi nda. Nyebe aico nguiã gracias i tuchi Dios je jeni co.

⁵ Jesucristo quiato chõ jê cote re. Nyebe Dios riqui turã tuchi nguia jêje co cote. Jembaaquiato tuchi ucheẽ nenei nenei sacuã mbia je. Jembaaracua tuchi que ucheẽ nîi nda.

⁶ Ure Jesucristo renei nenei mose jêje que jêisi turãte ra. Jê Jesucristo jêicuate quia ũqui cote.

⁷ Nyebe Dios turã ndiqui nguiã hui ãte jêsi co. Jembirãcuã mbeite equia querabe co. Ũqui jêingo Jesucristo raarõ arõ ũqui.

⁸ Dios ra jembirãcuã mbei mingó mbae ua ja chee. Mbia mo nda ñee icuã eã jêje Jesucristo tu mose.

⁹ Dios ra jendeaquiato bei. Ucheẽ nda embuchebiã mbei ñeende jêje. Ae quiatu ngue ñee nguiã jêje. —Taemingó bei seriirî ndese Jesucristo rese, i.

Jesús quiato nyao nyao chõchî nyesi

¹⁰ Seresenda, nandererecua ja chõ Jesucristo resẽ. Jenyao chao mose nyesi, eicuãte ũqui. Hue rî ja chõ jêingo ndua ndua. Mbae mîi ndese chõ jêingo.

¹¹ Mbia quiatu ngue ñee nguiã seje. —Eicuã icuãte que nyue ra, i que Cloé chuchua jenda ñee sembirandu jeni nda.

¹² —Pablo mbae chõ se re, i chõchî jemo nguiã seriî ũqui. —Apolos mbae chõ se re, i chõchî jemo nguiã ũqui no. —Pedro mbae chõ se re, i chõchî jemo nguiã no. —Cristo mbae chõ se re, i jemo no.

¹³ ¿Cristo mbuchao chao ji ere no? ¿Pablo mano jendiquicharõ nde no? ¿Pablo rîi bautizar i jêje re no?

¹⁴ Se que bautizar ae eã jêje resẽ. Crispo mîi je que bautizar ae ra. Gayo je abe.

¹⁵ —Pablo rîi ño ngue bautizar i nguiã seje, i aroneate jemo ñee seriî.

¹⁶ Estéfanos chuchua jenda abe que bautizar ae ra. Aquere que bautizar ae ãte jemo je ra.

¹⁷ Bautizar i sacuã eã ngue Cristo semondo ra. Ucheẽ turã nenei nenei sacuã ño ngue semondo nguiã. Seaquiato asaã saã eã ño nguiã Dios cheẽ nenei nenei co. Cristo cheẽ ambiasa mingue turã ño nguiã co. Se seaquiato raã naa mose, i nda mbia ndua ndua eãte rei Cristo mano ndese.

Dios cheẽ quirãcuã tuchi Jesús rîi

¹⁸ Ae ra nyoî tata cuásuu, ũqui ndei “ichõiñoosa” isa Dios cheẽ nenei neneisa rîi. —Cristo que mano mbia riquicharõ nda, i mose ee, “ichõiño ñene” i chõ nguiã. Nande quiatu que Dios nanderirõ nandeicuã si ra. Nyebe Dios cheẽ turã ndiqui nguiã uquirãcuã ndeacuquia nande je co.

¹⁹ ã ndei Dios cheẽ mbesa ji ã:

Ae “seaquiato tuchi” i quia, ũqui aquiato ra ambuquiachã esi.

Ae “searacua tuchi” i quia, ũqui aracua abe ra ambuquiachã esi no,

i que Dios cheẽ mbesa ji ra.
²⁰ Ae uaqiatio saã saã nguia, ibi jenda ja chõ ũqui nde. Ae ucheẽ aquiato saã saã nguia, ibi jenda ja chõ ũqui no nde. Eaquiatuãte ũqui, i chõ Dios nguiã ũqui je.

²¹ Mbia ae ra Dios icuayã mbei uaqiatio ae je. Dios cheẽ ae je quia nda mbia Dios icua nguiã emo Dios cheẽ nenei nenei mose ee. Ae Dios cheẽ isi nae, ũqui nda Dios sirõ eicuã si. Ichõiño nguiã, i raque mbia ataque Dios cheẽ nîi.

²² —Mbia mae sayã ndese nda uremae na ña, i bei que judíos quia ra. —Urechimbaaquiato tuchi rã, i bei que judíos eã nguia ñee nyue no nda.

²³ Nande quiatu Cristo nandesenei senei nguia ã. Ae mbia mbucha quia ira rese, aque chõ nandesenei senei nguia nande ã. Ũqui si judíos ireite riqui ã. Cristo renei nenei mose, judíos eã ndua eã tuchi chõ nguiã erese ã.

²⁴ Nande quiatu nandebite riqui nguiã Cristo renei nenei mose ã. Dios judíos mo irabo chõ nguiã. Judíos eã mo abe irabo chõ nguiã no. Ũqui je chõ ngue Cristo Dios quirãcuã mee nguiã. Ũqui je chõ Cristo Dios aquiato mee nguiã.

²⁵ Dios aquiatuãte, i raque mbia mo ñee Jesús mano je rîi. Dios quia equiatio tuchi jiri riqui nguiã mbia si co. Dios quirãcuã neate, i raque emo ñee no. Dios quia equirãcuã tuchi jiri riqui nguiã mbia si co.

²⁶ Dios que jêirabo ja ra. Jêaquiato tuchi eã ndaque ee. Ererecua eã ndaque jê.

Mbaecha eã ndaque jê. Dios ae chõ ngue jêirabo nguia. Ûquĩ ndese jendua jiri.

²⁷ Ae je mbia riqui “eaquiataate” i nae, ùquĩ ño ngue Dios irabo nguia. Ae ucuasu saã saã nguia nae, ùquĩ irei irei sacua esi.

²⁸ Ae mbia ataque ucuayate quia nae, ùquĩ ño ngue Dios irabo nguia. Ae ucuasu saã saã nguia nae, ùquĩ mbutiã sacua.

²⁹ Nyebe nandeico nguia nandeaquiato raã naa aroneate Dios je ã. Nande mi mo jiri jiriã.

³⁰ Dios quiato que nandembucha Jesucristo rese ra. Ae quiato que nandembiirandu Dios rese ra. Ae chõ ngue nandechiã mbuturã no nda. Ae chõ ngue nandemingo icue Dios mbaerã no nda. Ae que mano nanderiquicharõ no nda.

³¹ Sã embesa ji riqui ñee ã no: Ae Dios saã nande je nae, ùquĩ mi nandechê turã.

A e nandesã nande ae nae, ùquĩ mi nandechê turã eã, i que embesa ji ra.

2

Jesucristo mi Pablo senei senei mbia je

¹ Seresenda, seso mose jendea que Dios cheẽ asenei senei turã jêje huee resẽ. Seaquiato asaã saã eã ño nguia jêje Dios cheẽ nenei nenei.

² —Jesucristo mi ño tasenei senei jêje. Jesucristo mano nguia mbia icua ndiquicharõ nae, ùquĩ mi ño tasenei senei jêje, ae chõ ngue oso nguia ñee jêje.

³ Seireite que seso mose ñee jêje nyii ra. Semburirite que aque mose ra.

⁴ Seaquiato que asaã saã eãte quia ra. Dios cheẽ ngue ambuchecua tuchi quia ñee ñee jêje ra. Espiritu Turã nguia que secheẽ mbirãcuã tuchi quia ñee ñee jêje ra. Nyebe mbia ñee nguia. —Dios cheẽ ño eriqui re, i nguia secheẽ mose.

⁵ Dios quirãcuã ae jemingo nguia Jesucristo rese ùquĩ. Mbia mo aquiato eã ño jemingo nguia Jesucristo rese ùquĩ.

Espiritu Turã ndiqui mbae icua jate nande je co

⁶ Ae seaquiature, ùquĩ ja chõ asenei senei mbei nguia Jesús quiato je co. Ae seaquiature nae, ibi jenda rã eã ño seaquiato riqui nguia co. Ae seaquiato nae, ibi jenda rerecua rã eã ño seaquiato riqui nguia co. Ûquĩ aquiato quia ra tiã jei.

⁷ Ae ureico ñee ñee nae, ùquĩ nguia mbia mbaaquiato jiri nguia. Dios cheẽte quia ñene. —Secheẽ nda ambuchecua je nguia mbia je. Mbia mingo bei sacua, i que Dios nyii mbae ao nonde ra. Dios que esenei eã nyii ra. Namõ ño embuchecua nguia nande je cote.

⁸ Mbia rerecua que Dios aquiato icua eãte ra. I nda eriirã mbucha eãte rei ira rese.

⁹ Sã embesa ji riqui ñee ã no: Dios ra mbae turã saã tuchi nande je. Uch-esecua je.

Ae ra Dios saã nande je, ùquĩ ndese emo iranuete namo.

Emo mae ãte erese namo, i que embesa ji ra.

¹⁰ Nande que espiritu nguia irandu erese ã. Espiritu Turã quiato nandembiirandu nguia. Espiritu Turã nguia mbae icua jate nguia co. Dios chiaõ abe icua jate equia co.

¹¹ Ae rese emo ndiqui ndua, mbia mo ùquĩ ndua ndua icuayate. Ae rese nandeico ndua, nande ae nandecua nguia. Ae rese Dios riqui ndua, Espiritu Turã mi ño eicua nguia. Dios sí chõ Espiritu Turã nde.

¹² Dios que espiritu mbuae mo monoã nande je ra. Espiritu Turã ño ngue emondo nguia nande je. Ae Dios saã turã nguia nande je nae, ùquĩ ndese nandembiirandu sacua ño ngue Espiritu Turã mondo nguia nande je.

¹³ Ae Dios saã turã nguia ure je nae, ùquĩ uresenei senei nguia ã. Æ ndese chõ ngue Espiritu Turã urembaaquiato nguia. Mbia cheẽno eã ño ñene. Nyebe aico nguia Dios chisaã nenei nenei Dios quiato je co.

¹⁴ Ae Jesucristo icua eãte, ùquĩ sí Espiritu Turã ñee icuayate quia ã. Echeẽ mbaranguiatuãte riqui ee ã. Nyebe eriqui nguia echeẽ isiãte.

¹⁵ Ae Jesucristo icuate nae, ùquĩ nguia mbae icua jate nguia ã. Ae eturãte nae, ae eicuãte nae, ùquĩ icua ja equia ã. ¿Mañi Jesús quiato quia re? i chõ mbia nguia Jesús quiato cheẽ icuayã ã.

¹⁶ Tarembaaquiato, i aroneate mbia mo Dios je. Dios quiato eã mo ndua eãte quia Dios rã si ã. Nande quia nandendua ndua nguia Cristo ndua rã si ã. Dios resendate quia nandeico nguia ã.

3

Mbae mi na ño ureico nguia Dios cheẽ nenei nenei

¹ Jesús resenda jêingo raque ùquĩ. Jêingo tuchiãte quiato nguia erese ùquĩ. Ae jembite riqui nae, ùquĩ mi ndese chõ jêingochi nguia ùquĩ. Ae Cristo bite nae, ùquĩ ndese jêingoã ñochi nguia ùquĩ. Nyebe jaembaaquiato tuchi aroneate equia co.

² Mbia riirã na ño jêingochi nguia secheẽ andu mbirã mbirã cose. Querabe chõ jêingo nguia secheẽ andu sereã ùquĩ. Nyebe jaembaaquiato quiato tuchiã nguia Jesús cheẽ ndese. Ae jembite riqui nae, ùquĩ ndese jêingo mose ra Dios cheẽ jêicuayã mbei.

³ Jêicuã icuãte quia jêingo nguia jenyue ùquĩ. Jendua turã ja eãte equia ùquĩ. Jeñee turã turã eãte quiato nguia jenyue ùquĩ.

Nyebe acheẽ nguiã jêje. —Ae Cristo bite nae, ùqui ndese jêingoã ñochi nguiã ùqui, ae chõ ndei nguiã jêje co.

⁴ —Se rei Pablo mbae, i chõchĩ jemo nguiã ñee ùqui. —Se rei Apolos mbae, i chõchĩ jemo no. Nyebe jêingo eã nguiã Cristo bi rese ùqui.

⁵ ¿Aba chõ se chã? ¿Aba chõ Apolos no ña? Mbia rerecua eã ño ureico nguiã ã. Dios cheẽ nenei neneisa chõ ureico nguiã ã. Ure Dios cheẽ nenei nenei mose jêje que Jesús jêicua resẽ.

⁶ Mbae tiquia ji rã ño jê nde. Sã emo mbae eĩ tiquia no. Sã emo i icherẽ cherẽ erese no. Dios ae chõ embusuri nguiã. Apolos chõ ngue Dios cheẽ mingue nguiã jendese. Apolos chõ ngue jembaaquiato quiato nguiã cote. Dios quiarei ucheẽ mbusuri raanguia jeñiangui re.

⁷ Ae echitiquia nae, aque embusuri aroneate. Ae i icherẽ cherẽ erese nae, aque abe embusuri aroneate no. Dios ae embusuri nguiã.

⁸ Ae echitiquia quia, ae i icherẽ cherẽ nguiã erese, eĩ si chõ ùqui nde. Dios ra mbae turã mee ee, ae esaã ùqui ndibishorõ.

⁹ Ure rei Dios cheẽ naa naasa. Sã chacochoa no, eĩ si chõ Dios mbae jê nde. Sã tuchua no, eĩ si chõ Dios mbae jê nde.

¹⁰ Dios turã tuchi que seje ra. Seje quiato ngue ucheẽ mee nguiã. Mbia mbaaquiato quiato sacua. Tuchua ao aquiato rã ño se re. Tuchua i raanguia chõ asaã nguiã base cote. Aque arõ ño emo ndiqui nguiã tuchua ao hue no. Ae tuchua chao sechisaã arõ nae, sã eraã mingue turã.

¹¹ Tuchua i raanguia chõ Jesucristo riqui nguiã. Ae mii tuchi chõ tuchua i raanguia re.

¹²⁻¹³ Ae arõ tuchua mo nandesã arondete. Sita je eraã mose, siqui turã mbei rae. Oro je eraã mose, siqui turã mbei ra eno. Plata je eraã mose, siqui turã mbei ra eno. Ùqui je eraã mose, oquei eã nda Dios tata mbu mose. Ira je eraã mose, oquei chõ ndae. Quiata je eraã mose, oquei chõ nda eno. Nandechisaã nda Dios tea ja.

¹⁴ Nandechisaã siqui i i mose, Dios ra mbae turã mee nande je.

¹⁵ Nandechisaã oquei mose, nandembae ra quiachã nandesĩ. Nande quia ra nandequiachãya ndaque. Nandecuasẽ ndaque ra ibate Dios je. Nandechi quiato ra nandeico cote.

¹⁶ ¿Jêtesarei chõ ere? Dios chuchua chõ nanderete riqui co resẽ. Dios riqui beite nandeye co. Espiritu Turã ndiqui beite nandeye co.

¹⁷ Emo Dios chuchua mbucua mose, aque ra Dios mbutiã. Nande quia Dios chuchua re. Dios que uchuchua mii icúe umbaerã nda. Nanderete je sichõ nandeico nguiã

ñee co. Dios chõ nandemingo nguiã icúe umbaerã co.

¹⁸ —Nandeaquiature, jenyechĩ nguiã jeñiangui re ùqui. Ae eaquiature ibi jenda achõ ndese, sã ùqui uaqiaturã raã naa eã. Siqui mingue mose ra Dios embaaquiaturã cote.

¹⁹ Ae eaquiature ibi jenda achõ ndese, “eaquiaturã”, i chõ Dios nguiã ùqui je co. Sã embesa ji riqui ñee no:

Dios ra ùqui aquiaturã mbutiã ño cote.

“Seaquiaturã tuchite aico co”, i quiaturã ngue nyii re,

i que embesa ji ra.

²⁰ Sã embesa ji riqui ñee no:

Ae rese eaquiaturã riqui ndua nae, ùqui Dios icua tuchite quia co.

Ndua ndua iru chõ nguiã,

i que embesa ji ra.

²¹ ¡Mbia aquiaturã mo ndese ra jeñimbuchachooñochi jê! Dios quiaturã que mbae mondo ja jêje ra.

²² Jembae chõ se re. Apolos abe rei jembae no. Pedro abe rei jembae no. Mbae ibi jenda ja rei jembae. Dios mbia mingue mose, jêje chõ emingo. Dios mbia mingue eã mose, jêje chõ emingo eã. Ae siqui quia namo, jembae ja chõ ùqui nde. Ae ra siqui aquere, jembae ja chõ ùqui no nde. Jembae ja chõ ñene.

²³ Cristo mbae chõ jê nde. Dios mbae chõ Cristo no nde.

4

Ureaquiaturã tuchi Jesús chimbuaquiaturã si, jenyechĩ nda jê

¹ —Cristo rimba ja chõ ùqui nde, jenyechõ serĩ. Apolos rii abe no. —Ae ambuchecua eã mbia je nyii, ùqui jembuchecua checua mbia je serĩ cote, i que Dios ure je ra.

² Dios rimba mose nande, Dios cheẽ nandemumbayã mbei chõ nguiã.

³ —Serimba turã ño nde re, i ra Dios seje reae. Nducua. Aicuayãte se. —¿I se jêje re? ae ãte se quia jêje co. Ae ãte se quia emo je co no. Dios mii ño seicua nguiã.

⁴ Dios rimba turãte aico reae. Dios ae chõ seicua nguiã.

⁵ —Dios rimba turã ño aque re, jjenye jeichĩ nda emo mii jê! Jesucristo tu mose, ae quia ra mbae mbuchecua ja. Ae ra nandendua ndua mbuchecua ja. Aque mose quia ra Dios ñee. —Co rei serimba turã tuchi co, i ra Dios mbia mbiirandu aque mose cote.

⁶ Jembaaquiaturã sacua ño aico nguiã ñee jêje co. Sechue si chõ aico nguiã ñee. Apolos rii abe chõ aico nguiã ñee. Dios rimba achõ ño ure re. Ure mii mo ndui jêingo bei aroneate. Dios rimba ja rui chõ jêingo. Eĩ jenyechõ mose ra embesa ji jemumbayã.

⁷ ¿Mbaerã nda jêcuasu jêsaã saã nde? Ae jendeco jembaerã nae, Dios chimondu ja

chô ûqui nde. Jêaquiatu mose, Dios ae jembaaquiatu nguia. —Se ae que sembae asaã saã nda, ijyechĩ nda jêucasu raã naa jê!

8—Ureaquiatu tuchite cote, jenyechĩ ngue ñee nda. —Ureico Dios cheê icua jate co, jenyechĩ ngue ñee no nda. Ererecua tuchi jêsaã saãchĩ ureririrõ cote. Ererecua jêsaã ñooño na jê no. Se abe ra ererecua asaã saã ndei jê na ndeae.

9Dios ucheê nenei neneisa quirirõ jiri ure reae. Mbia tarõ ji rã ño ureico uremano ndaarõ arõ ndeae. —¿Mañi ã nguia re? i tuchi mbia quia mae nguiatu urerese co. Angeles abe ñee nyee mae nguiatu urerese.

10 Ureico tuchi mose Cristo rese, “eaquiatuã”, jenyechĩ equia ure je ûqui. “Ureaquiatute ure”, jenyechĩ equia jê jêingo mose Cristo rese ûqui. Urequirãcuã neãte ure, jê jêquirãcuã mose. Mbia ureoise chiãte ure; jê nguia mbia jêoise nguia.

11 Mbae eã mbeite urembae namo abe. Urieriãcuã ãcuãte que eriqui emo mose ra. Ureiseite abe que eriqui ra. Ureirao eãte abe no. Mbia icuã icuã mbeite ure je. Urechuchua eãte abe no.

12 Mbae uresaã saã tuchite quia ureo je co. Mbia icuã icuã mbeite riqui ure je co. Urecheê turã turã mbeite equia ure ee ã, ûqui ñee icuã icuã mose ure je. Urechecua chõte equia ñimbirãcuã ee ã.

13 Urecheê mingue beite equia ûqui ñee icuã mose ure je ã. Mbae quia rã tuchi chõ ureico nguia mbia je ure ã. Mbia ureririrõ mbeite quia namo nyee ure ã.

14 Jêireĩ ireĩ sacua eã ño aico nguia ã mbesa jêe ã. Jemundua ndua sacua ño ñene. Seririĩte quia jê nde.

15 Jembaaquiatu quiatua tubiriãte raque Cristo rĩ. Se mii tuchi chõ jendu re. Se rane nguiatu ngue echeê turã asenei senei nguia jêe nyii. Se quiatu ngue Cristo aicua quia nguia jêe. Nyebe aico nguia “seririĩ” i beite jêe co.

16 Nyebe jêingo se rã si.

17 Timoteo amondo quia jêe aque. Ae rei sechimbaaquiatu tuchi. Nyebe “seririĩ” ae tuchi nguia ee. Ae quiarei siqui turã tuchi Dios rese. Ae ra jemundua bei secheê ndese. Sechisaã ndese abe no. —Eĩ ngue Pablo quia Jesús quiato mbaaquiatu quiatu sucha mbuchesea sea mose ra, i ra Timoteo jêe serĩ.

18 Jemo ndiqui uaquiatu raã naa tuchichĩ ûqui. —Pablo ra tu eã mbei urerea, i chõchĩ jemo nguia serĩ ûqui.

19 Aso jei ra jendea, Dios eno i mose seje. Ae uaquiatu saã saã tuchi quia jemo nae, ûqui tatea cote. Mañi nda equia mbae raã ndeae. Echeê achõ achandu sereã.

20 Dios rimba cheê achõ aroneate. Siqui eã mose Dios quirãcuã ndese.

21 Manyae ra jêe seso mose jendea reae. Acheê asi asi ra jêe reae. Aico mingue chõ nda jêe renoae. Jêhui mose jêicuã si, acheê asi asi eã nda seso mose jendea.

5

Ae siqui ngu ninisi rese, aque jemombo

1 Mbae icuã tuchi rese que ureirandu jendese ra. Jemo nda siqui siqui ngu ninisi rese ra. ¿Mbaerã jêataque jêtea chooño mbae icuã naa mose re? Ae Jesús quiato ãte nae, ûqui ño siqui ãte ngu ninisi rese. ¿Mbaerã Jesús quiato quiatu siqui ngu ninisi rese re?

2 Jêturã jêsaã saã mbei chõchĩ nguia jê ûqui. Jêya eã eã ño jêingochĩ ûqui ndese ûqui. Jêireĩ nguia tuchi chõchĩ. Ae siqui ngu ninisi rese, ae jemombo eã ñochĩ jêñumunua nuasa si.

3 Ishote aico raque jêsi co. Andua beite sequia jendese co. —Ae siqui ngu ninisi rese, aque jemondo Satanás jê, ae chõ nguia sechiangui re co. Se siqui raanguia jendese.

4 Jêñumunua na Jesús quiato hue jenda. Se abe ra andua ndua jendese. Jesucristo quirãcuã abe ra siqui tuchi jendese jêñumunua mose.

5 Ae siqui ngu ninisi rese nae, aque jemombo chõ jêsi. Jesús quiato si. Jemee ño Satanás re. † nda Satanás erete mbasi. † nda eã siqui bei Jesucristo tu mose cote.

6 ¿Mbaerã jêingo jêturã naa naa mbae icuã ndea chooño nde? Levadura rã ño mbae icuã nde. “Levadura ñetê nda oso raque mbichae raã namo mose. Mbuchimatã ja ra”. ¿Ûqui jêñanuãte quia re?

7 Ae eicuãte nae, aque jemombo jêsi. † nda jê abe mbae icuã jêsaã eã. Dios que Jesucristo iquia nandêicuã ndibishorõ nda. Sã mbia riqui oveja iquia iquia huicua ndibishorõ no.

8 Nyebe nandêico turã na Dios rese, mbae icuã naa naa ndosecha. Cochee nandêico. Nandêicuã nandesecha ja.

9—Ae siqui emo ninisi rese, ûqui je ra jêñee ñeechĩ, ae que secheê mbesa mondo jêe nyii.

10 Ae Jesús quiato ãte, ûqui nii eã ño ngue acheê nguia jêe. Nandêcheê eã aroneate Jesús quiatoã je nandêico mose íbi. Ae siqui quia emo ninisi rese nae, ae abei chiãte riqui nae, ae mbae mbuquiachã nguia nae, ae siqui Dios abareã ndese nae, ûqui je nandêcheê eã aroneate.

11 Jesús quiato mo ûqui icuã naa mose, jemombo chõ jêsi. Jêñee ñeechĩ nda ee. Emo ninisi rese siqui mose. Abei chiã mose. Dios abareã ndese siqui mose. Uchuru rerequia chooñoã mose. Quiacua mose. Mbae mbuquiachã mose. Jesús quiato ûqui naa naa mose, jêhui chõ esi. Jêquiaru jiri jiriã tuchi ûqui ndese.

¹² Jesús quiatoã nandeteaquiato aroneate. Ae Jesús quiato, ũquí nguiatu nandeteaquiato.

¹³ Dios quia ra Jesús icuasa reã mbasi. Ae siqui ngu ninisi rese nae, “Jesús quiato se”, i rei quia nae, aq̄ue jemombo chõ jësi.

6

Jemo icuã icuã mose nyue, jê ae chõ jëingo

¹ Jemo icuã icuã mose nyue, jësochi nguiã ñee Jesús quiatoã nderecua je. Jê ae chõ jemae erese ae. Jëcua ae. Sã Dios quiato achõ ño ñee ũquí je. —Eĩ jenyê jê! i ũquí je.

² Dios quiato quia ra “jêi jenyê jê!” i ja Dios quiatoã je emo mose. Jê nguia ra “jêi jenyê jê!” jenyê mbia ataque je emo mose. ĴMbaerã jëingo “jêi je nye jê!” ise reã mbae ñetê naa mose re?

³ Angeles je abe chee ra “jêi jenyê jê!” nande. Ĵũquí ndese jëiranuãte re? Āibi jenda je “jêi jenyê jê!” nande turã ja rã ae.

⁴ Jesús quiato chõ jê nde. Ibi jenda mo nii jemo icuã icuã mose nyue, jê ae chõ jemae ũquí ndese. Jësochi nguiã ñee Jesús quiatoã nderecua je. Dios quiato eãte quia ũquí nde.

⁵ Jesús quiato mo ñee icuã icuã mose nyue, Ĵjemo jëaquiãte ñee ee re. —Eĩ jenyê jê!” i ee re. Jê jëirei irei sacua ño aico nguiã ñee jêje ũquí.

⁶—ĴMañi ure ra re? i aroneate Jesús quiato ñee Jesús quiatoã nderecua je.

⁷ Jemo Jesús quiato mo icuã icuã mose nyue, echia turã tuchi ãte quia ñene. Jëñimbirãcuã ño mbae icuã naa mose jêje. Jëñimbirãcuã ño jembae mbuquiachã mose no.

⁸ Jê abe mbae icuã jësaã saã ñochi, ñimbirãcuã ndocoi. Jê abe jendesenda mbae jembuquiachã ñochi Jesús quiato mbae, ñimbirãcuã ndocoi.

⁹⁻¹⁰ Mbia rerecuarã tuchi ra Dios cote. Aq̄ue mose ra mbia icuã siquiã tuchi Dios rese. Ae siqui emo ninisi rese nae. Ae siqui ngüinisiã ndese nae. Ae ndua chooño nguia Dios abareã ndese nae. Ae siqui quia nyiese ngüinisi raã naa nguesenda je nae. Ae mbae mbuquiachã quiachã nguia nae. Ae abei chiãte riq̄ui nae. Ae quiacua quiacua quia nae. Ae ucheẽ mondo chooño mbeite quia mbia je nae. ũquí nda siquiã tuchi Dios rese. —Eicuã abe ra siqui bei Dios rese, jjenyechi nda ñimbiri iri jê!

¹¹ Eĩ ngue jemo icuã cose ra. Dios ae jembitirõ nguiã cote. Dios chõ jemii nguiã icuã umbaerã cote. Espiritu Turã ngue jëisi turã Jesucristo rii cote ra.

Espiritu Turã nyuchua chõ jendete re

¹² —Co rese ra ereicochi, i ãte raque Dios quia seje mbae mo nü. Dios biãte nande mbae raã ja chooño mose. Mbae mo sembucuã serĩ mose, asaã eã mbei ra se.

¹³ Nandechiurã ndei nanderie ye sacua. Nanderie rei nandechiurã. ũquí ja ra Dios mbutiã emo mose cote. Dios mbaerã ño nanderete re. Siqui chooño sacua eã ño emo ninisi rese chõ nanderete re. Nanderete rerecua chõ Dios re.

¹⁴ Dios quirãcuã ño ngue Jesucristo raaque mbuquera nguiã. Eĩ ño nda Dios quirãcuã nanderaaque mbuquera nguiã nande abe no.

¹⁵ Ĵjëiranuãte quia jendete rese re? Cristo nanderete mbucha quia uchiese co. Cristo rete chõ nandeco nguiã co cote. Cristo rete nandembucha aroneate cuña icuã ndete mo ndese.

¹⁶ Emo siqui mose cuña icuã mo ndese, erete ucha chõ nguiã nyiese aq̄ue. Erete nyeremo eã ño cote re. ũquí ndete ja ra co mii cote, i que Dios cose ra.

¹⁷ Emo siqui mose Cristo rese, nguete mbucha chõ nguiã erese ũquí cote. Erete mii na ño ũquí cote re.

¹⁸ jjeninisiã ndese ra jëingochi jê! Mbae icuã mo naa mose, ũquí nda nanderete mbucuãyã jiri. Siqui mose ngüinisiã ndese, ũquí nguia ra nanderete mbucuã tuchi cote.

¹⁹ Espiritu Turã siqui chee jëñiangui re ũquí. Espiritu Turã nyuchua chõ jendete re. Dios mbae chõ jê nde. Jembae ae eã ño jendete re.

²⁰ Eicuã nimba rei ngue jê nyii re. Dios quiatu ngue jëisi nguiã cote. Nguiiri ngue emondo jendibishorõ nda. Nyebe jëingo jendete mee Dios je. Jëã abe jemee ee noae.

7

Pablo mbia mbaaquiato emo ngüinisi rerequia rii

¹ Jënee ngue jembesa mondo seje nyii nae, ũquí tasibishorõ jêje cote. Coche emo siquiã nguiã cuña mo ndese.

² Coche mbia ngüinisi ae rerequia nguiã. Coche cuña ngu mii nderequia nguiã no. Emo ndese siqui chooño eã sacua ño ũquí nde.

³ Sã eru riq̄ui turã ngüinisi rese. Sã eninisi abe riq̄ui turã ngu rese. Nyao aroneate nyesi.

⁴ Eninisi rete chõ eru mbae cote re. Eru rete chõ eninisi mbae cote no nde.

⁵ Nya i aroneate eru ngüinisi je nguete rese ngueteã. Nya i aroneate eninisi nguete rese ngueteã ngu je no. —Nandechë mbei Dios je namo, siqui rocoi nyiese, i mose nyue, eturãte ũquí. Sã eriquibe nyiese aquere cote. Ñee ñeende Dios je cote. Siquibe eã mose nyiese, ñimbirãcuã eã arõ ndete. Satanás embucuã arõte cote.

⁶ —Jeninisirã jendeco, ae ãte quia jêje co. —Jeninisibi mose, jendeco ae, ae chõ nguiã jêje co.

7 —Sã Jesús quiato ja ninisiã ndiqui se rã si, ae rei que se ra. Dios cheẽ eã ño ùqui nde. Nandechisaã ae aerã ño Dios mondo nguiã nande je. Emo ninisiã siqui turã arondete. Emo ae ngüinisi quereco sete nguiã no.

8 Ae eninisiãte nae, ùqui je tacheẽ. Eru cheecha je abe tacheẽ no. Coche jëingo nguiã jendu eã. Coche jeninisiã ndiqui nguiã no. Se rã si.

9 Jeñimbirãcuayã mose jendete je, jeninisiã rã mo jëtea ae. Jendurã mo jendeco noae. Mbia mo oseï oseï rocoï.

10 Ae ngu quereco nae, sã ùqui ngu rechayã mbei. Jesús cheẽ tuchi chõ ùqui nde. Secheẽ ae eã ño ùqui nde.

11 Cuña mo ngu recha mose, sã eriquiã mbei emo ndese. Sã ae ae chõ ndiqui bei, ñimbucha si eã mose ngu rese. Sã eru abe ngüinisi rechayã mbei.

12 Se ae tacheẽ cote. Jesús cheẽ eã ño ã cote re. Jesús quiato mose emo, sã eriqui bei ngüinisi rese. Jesús quiatoã ndaque eninisi. Eninisi siquise mose ngu rese, sã eru siquichõ erese.

13 Jesús quiato mose cuña mo, sã eriqui bei ngu rese no. Jesús quiatoã ndaque eru. Eru siquise mose ngüinisi rese, sã eninisi siquichõ erese no.

14 Jesús quiato mose eru, eru ngüinisi mbucha arõte quia Jesús rese co. Jesús quiato mose eninisi, eninisi ngu mbucha arõte quia Jesús rese co no. Eĩ nda eririã abe Jesús icuayãte rei, ùqui ande.

15 Jesús quiato mo ninisi siquiã mose Jesús rese, “seru tasecha” i bei mose, sã eru eriquisã quisã eã. Cuña mo Jesús quiato mo ndu siquiã mose Jesús rese, “seninisi tasecha” i bei mose, sã eninisi ngu riquisã quisã eã no. Ùqui naa mose, Jesús quiato mbae icuã saã eãte. —Sã seriirã ndiqui turã nyue, i quiatu que Dios nande je ra.

16 Ae Jesús quiato nae, ùqui ngüinisi mingo arõte Jesús rese. Ae Jesús quiato cuña nae, ùqui ngu mingo arõte Jesús rese no.

17 —Eĩ jentye chõ nguia jë ae ae, i que Dios nandechiaorã mee mee nande je ra. Ùqui ndese nandeico bei quiatu nande ae ae. Dios que ñee nande je nyii, aque mosenda rã si bei chõ nandeico. Ùqui ño asenei senei nguiã Jesús quiato ishonda jaje abe.

18 —Echu serui, i mose Dios judío mo je, sã judío bei chõ ae riqui. —Echu serui, i mose Dios judío eã mo je, sã ae riqui judío raã naa eã.

19 Sebete judíos achõ, iã nda Dios. Sebete judíos eã achõ, iã nda Dios no. Ae Dios cheẽ mumbayãte quia nae, ùqui nguia Dios bite re.

20 Eĩ nande que equia Dios ñee namo mose nande je nyii, aque mosenda rã mbei chõ nandeico.

21 Mbia rimba mose nde, Dios “eico serui” i mose ndeje, eico chõ erui. Mbia mo nimba raque nde. Erechãchĩ nda ndererecua si. Ndererecua huise mose ndesi, nde ae eico cote ae.

22 —Eico serui, i mose Dios mbia rimba mo je, Dios embui chõ nguiã eicuã si cote. —Eico serui, i mose Dios emo ae siqui mose, Cristo rimba chõ aque cote re.

23 Jesucristo que mano jëje ra. Nyebe Jesucristo rimba ae chõ jëingo nguiã ùqui cote. Mbia rimba ae eã ño jëingo nguiã ùqui cote.

24 Dios que ñee nande je nyii, aque mosenda raanguia bei chõ nandeico Dios rese.

25 Nyucuaaque rã tacheẽ ndaque jëje cote. Dios que ñee ãte seje ùqui ñi nda. Se ae chõ tacheẽ jëje. Airandu que Dios ia eã mose serese ra. Nyebe aico nguiã ñee ñooño eã tuchi jëje co.

26 Sã mbia ngüinisiã mo ndea eã namo. Sã nyucuaaque ae riquichõ ngurã mo ndea rocoï. Mbia icuãte quiatu eriqui nguiã Jesús quiato je ã cote.

27 Neninisi mose, eico bei chõ erese rechayã mbei. Neninisiã mose, nde ae eico bei.

28 Neninisiã ndea mose, eicuã eã ño ùqui no nde. Nyucuaaque ngurã mo ndea mose, eicuã eã ño ùqui no nde. Mbae icuã nda eĩ eĩ ee ngurã ndea mose cote reae. Nyebe aico nguiã ñee jëje. —Jë ae jëingo jeninisiã, i jëje.

29 Tacheẽ tuchi rã jëje, Seresenda. Mbae ra ua jei ja nande je cote. Ae ngüinisi quereco quia, sã ùqui ndiqui ngüinisi rerequia eã naanguia.

30 Ae eya eãte riqui, sã ùqui ia tuchi raanguia riqui no. Ae eyate riqui, sã ùqui ia eãte raanguia riqui no. Ae mbae isi quia, sã ùqui ndiqui mbae isiã naanguia no.

31 ã nandeico rei nguiã ibi ã. ¡Ibi jenda rese ra nandendua tuchichĩ jë! ¡ã ibi jenda ja ra ua ja chõ jë!

32 —Jeninisiã ño jëingo, ae que se ra. Jendua ndua eã jiri nda ibi jenda rese chã. Ae eninisiã, ùqui ndua ndua bei arõte Dios mü ndese. Ae Dios bite, ùqui esaã saã mbei arõte.

33 Ae eninisi nae, ùqui ndua ndua bei arondete ibi jenda achõ ndese. Ae eninisi bite nae, ùqui esaã saã mbei arondete.

34 Eĩ si chõ cuña no nde. Eru eã mose, ndua ndua arondete Dios achõ ndese. Ae Dios bite, ùqui nda esaã saã mbei ee. Siqui tuchi ra Dios rese. Ae ngu quereco nae, ùqui ndua ndua bei arondete ibi jenda achõ ndese. Ae eru bite nae, ùqui esaã saã mbei arõte. Siqui rocoï Dios rese.

35 Jaendiquisã quisã eãte raque se jeninisiã mo ndea mose. Jemundua sacua Dios

rese chō aico nguiã ñee jêje co. Jendua eã sacua mbae mo ndese chō ñene. Jeninisi mose jendua bei aroneate Dios rese.

³⁶—Seriri ndu bite chĩ cote. Etiarôte chĩ cote, i mose amei mo, sã eriri ngurã mo nderequia. Eicua eã ño nguiirĩ ndurã mee ee re.

³⁷—Sã seriri ndu eã ae riqui. Erurã nda amee eã ee, i tuchi mose amei mo, eturãte ũqui abe.

³⁸Ae nguiirĩ ndurã mo mee ee, eturã ño ũqui nde. Ae nguiirĩ ndurã mo mee eã ee, eturã tuchi chō ũqui cote re.

³⁹Eru mbae bei chō eninisi re. Nyao aroneate nyesi. Eru mano mose, ngurã mo nderequia arôte Dios quiato mo cote.

⁴⁰Eru mano mose, siqui turã arondete ngurã mo ndea eã mose cote. Eya tuchi ra siqui ngu eã mose reae. Se chō acheẽ nguia ũqui ndeae. Espiritu Turã abe sembucheẽ nguia reae.

8

Ae soo mbia mondo rei dios abareã je nae

¹—Mbia soo mondo mondo quia dios abareã je nae, çũqui soo ra nandeu re? jenje que seje. Ũqui tasenei jêje cote. —Seaquiatute se, nande ja jate raque quia ã. Emo eaquiatu tuchi mose, ucuasu raã naa arondete. Emo nyesequa mose mbia rese, Dios abe rese ra nyesequa bei.

²Seaquiatute se, i mose emo, eaquiatuã ño ũqui nde.

³Emo nyesequa mose Dios rese, Dios ũqui icua chō nguiã ũqui.

⁴Mbia soo mondo mondo quia dios abareã je, çũqui nda nandeu re? çNandeu eã tuchi chō nda re? Dios eã tuchi chō dios abareã nde. Co mi tuchi chō Dios re.

⁵Dios abareã nguia etubiriãte re. Ibi jenda. Ibei riinda abe no. Dios raanguia tubiriãte raque no.

⁶Dios quia co mi tuchi nande je re. Ae quiarei nanderu tuchi. Ae mi ngue mbae chao ja tuchi ra. Ae mi ngue nandea umbaerã nda. Nandererequa mi tuchi chō siqui nguiã co no. Jesucristo, i equia ee. Ae que mbae chao ja tuchi Dios rese ra. Ae mi ño nandemingo nguiã ã.

⁷Dios quiato mo iranuate quia ũqui ndese ã. Siquiche beite quiatu nguiã dios abareã si ũqui. Ae soo mbia mondo dios abareã je, ũqui mbaeiae riqui rei nguiã ee. —jŨqui soo jêu eã jê! i rei Dios nguiã ee.

⁸Ae nandeu quia nae, ũqui nda nandembuturã eã Dios je. Nandechiu no nda nandembuturã eã mingo. Nandechiurã nandei teã teã mose, ũqui nda nandembucua eã no.

⁹—jŨqui soo ra jêuchĩ jê! iãte raque Dios nande je. Mbaeiae eãte raque ũqui soo.

Mbaeiae nda eriqui rei Jesús quiato namonda je raẽ. Jê eu mose, ũqui abe ra eu chee. —Mbaeiae au chõchĩ, i ra ñimbiçua tuchi cote.

¹⁰Jêquiuru mose dios abareã chuchua, Jesús quiato namonda ra mae jendese. Ũqui abe ra soo u chee, ae mbia mondo Dios abareã je. Maende jendese. Eicua ndaque eriqui rei nguiã ee.

¹¹Jê ndaque jêirandu ũqui soo rese. Eicua eã ndaque eu mose. Jêu eã ndei. Jê eu mose, Jesús quiato namonda abe ra eu chee. Siquichete raque esi. Eĩ jenje chõchĩ ũqui mbiçua arôte Dios si. Ũqui ñi abe chõ ngue Jesucristo mano nguiã.

¹²Soo mbaeiae riqui rei mose ee, jêu eã uquia ee ae. Jê euquia mose Cristo quiato namonda je, eicuaẽ ũqui Cristo je.

¹³Jesús quiato mo ambicua sereã tuchi chõ nguiã se. Se soo u mose, ũqui Jesús quiato mo mbicua mose, soo ra auã mbei cote.

9

Mbae mo jembu seje Dios cheẽ nenei nenei ndibishorõ, i ãte Pablo

¹Jesús cheẽ nenei neneisa tuchi chõ se re. Sererequa mo eãte ibi jenda mo. Amae tuchi que Jesucristo rese se ra. Secheẽ nguire chõ jêingo nguiã Jesucristo icua ũqui cote.

²Jesucristo cheẽ nenei neneisa eã ño co re, i arôte raque emo seje. Jê quiatu jênee aroneate nguiã ũqui seje. Ũqui jêingo seicua tuchite ũqui. Secheẽ nguire quiatu que Jesús jêicua cote resẽ.

³Eĩ ae chõ nguiã ñee mbia ñee icua mose seje.

⁴Se abe Jesús quiato sembuquiuru quiuru arondete raque.

⁵Seninisirã Jesús quiato mo arao rao arondete raque mananguiti. Secuata cuata mose mbia mbiirandu randu Jesús riã. Sã Pedro riqui nguinisi rerao rao no. Jesús nongue abe no. Sã Jesús cheẽ nenei neneisa ja nguinisi rerao rao no.

⁶çSe mi ño nda Jesús quiato sembuquiuru aroneate rei jêje re? Bernabé abe rese. Ure Jesús cheẽ nenei nenei mose.

⁷Sã soldado siqui chooño eã comandante mbae mee eã mose ee. Sã emo ndiqui mbae ticua chooño no. —Sechitiquia nda au chã, i chõ nguiã. Sã emo ndiqui ticuasuararõ ñooñoa no. —Equiandi nda ambei chã, i chõ nguiã.

⁸Secheẽ ae eã ño ũqui nde. Embesa ji chõ asenei nguiã jêje.

⁹Co rei Moisés chimbese co: Jê ticuasumbuquiei quiei mose, echuru jemumbi eã.

Sã ae ae si quia mbae cua,

i que embesa ji ra. Ticuasú achõ je eã ngue Dios ñee nguiã.

¹⁰ Nande abe je chõ ngue ñee nguiã. — Sã Jesús quiato abe riqui mbae mee mee echeẽ nenei neneisa je, i chõ ñene. Ae mbae chitiquia quia nae, “sechitiquia tau”, i chõ nguiã etiquia. Ae mbae a chiqui chiqui quia nae, “sechiqui tau”, i chõ nguiã eiqui iqui.

¹¹ Dios cheẽ ngue uremingue mingue tuchi quia jendese resẽ. ¿Ë urembuquiaru quiaru aroneate quia cote re? ¿Ureiraorã jemee aroneate quia ure je cote re?

¹² Mbae mo jemee mee nguia Jesús cheẽ nenei neneisa mo je ùqui. ¿Mbaerã jëingo emee eã ure abe je quiatu re? —iMbae mo nandeisi teã eo si jê! ure que equia oso mose jendea ra. Dios si jembũcha eã sacua ño ngue mbae mo ureisi teã nguiã jësi.

¹³ Sã Dios ñee sacerdotes je cose no. —Ae siqui quia sechuchua sacrificio raã naa nae, sã ùqui ndiqui ofrenda u u bei ae, i que Dios ñee cose ra.

¹⁴ Eĩ si chõ ngue Jesús ñee nguiã ucheẽ nenei neneisa je. —Ae secheẽ turã senei senei nguia nae, sã sequiatio ataque riqui mbae mee mee mbei ùqui je, i que Jesús ra.

¹⁵ Dios cheẽ nenei neneisa tuchi raque se. Mbae mo ngue aisi chõ ãte jësi ra. Se ae chõ mbae achao chao nguiã sembaerã co. —Mbae mo jemee seje, ae ãte chõ nguiã co mbesa mbesa jëje co. Tamano ae, “mbae embu seje”, i rocoĩ jëje.

¹⁶ Dios cheẽ nenei neneisa tuchi chõ se re. Ùqui nĩ seturã asaã saã aroneate. —Secheẽ esenei senei mbia je, i quiatu Dios nguiã seje. Se erenei nenei eã mose mbia je, Dios ra paama i seje.

¹⁷ Se ae que andua eã nda. —Dios cheẽ tasenei senei, aeã ngue se ae ra. Dios chõ ngue ñee nguiã seje. —Secheẽ esenei senei mbia je, i nguiã seje. Se ae andua mose, eĩ nda Dios mbae mo mee ndei seje ucheẽ nenei nenei ndibishorõ. Dios rimbate quia se re.

¹⁸ ¿Mbae chõ sebite riqui chã? Mbae mo isiã Dios cheẽ nenei nenei ndibishorõ, ùqui ño sebi re. —Mbae mo embu seje Dios cheẽ nenei nenei ndibishorõ, ae ãte quia co. Ùqui nguia sebi re.

¹⁹ Mbia mo nimba eã ndaque se. Mbia rimba asaã saã ño nguiã Dios cheẽ nenei nenei mbia je co. Mbia Jesucristo icua sacua.

²⁰ Seico mose judíos ite re, judío asaã saã ño nguiã. Judíos Jesucristo icua sacua. Ae siqui tuchi quia Moisés chimbese rui nae, ùqui ite re seico mose, Moisés chimbese asaã saã ño nguiã se abe. Ùqui Jesucristo icua sacua. —Moisés chimbese rui eico, i ãte raque Dios seje.

²¹ Ae siquiã nguia Moisés chimbese cheẽ ndui nae, ùqui ite re seico mose, se abe Moisés chimbese asaã saã eã ño nguiã cote. Ùqui Jesucristo icua sacua. Cristo mĩ ñee ño amumba mumbayã nguiã co.

²² Jesús quiato quirãcuã nea ite re seico mose, ùqui asaã saã ño nguiã se abe, se-quirãcuã nea naa naa. Ùqui Jesucristo icua sacua. Ae ite re aico oso oso beite nae, ùqui na ño aico nguiã se abe. Ùqui Jesucristo icua sacua.

²³ Ùqui ja chõ asaã saã nguiã Dios cheẽ turã nĩ co. Nandeico turã ja sacua Jesús rese.

²⁴ Sã mbia carrera raã naa no. Mbia ja chõ uchã ndaque. Co mĩ ño nda premio isi. Aque rã tuchi chõ jëingo Jesús rese. Premio isi sacua naanguia.

²⁵ Ae ra carrera saã saã nae, ùqui mbae icua secha ja chõ nguiã ùqui. Premio isi sacua ño eriqui nguiã mbae icua naa eã. Premio nda ua jei raque. Ae Jesús mee arõte quia nande je premio nae, ùqui nguia ra ua eã mbei nandesi.

²⁶ Se aico chooñoa nguia Jesús rese co. Jesús rese aico turã tuchi chõ nguiã se co.

²⁷ Mbae asaã saã ño nguiã serete mbirãcuã co. Serete secheẽ mumbayã sacua. Se premio ganar i sacua ño aico nguiã eraã naa co. Premio isiã sebiãte, se Dios cheẽ nenei nenei tuchire. Nyebe aico nguiã siqui tuchi Jesús rese co.

10

Dios raanguia rese ra jëingochĩ jê

¹ jËtesareichĩ nda nandei ñiinda si jê! ¡Moisés mosenda si jê! ¡Ùqui ngue siqui ja rei ibeishĩ ndui ra jê! ¡Ùqui ngue nyoĩ ja rei Ama Irei ndasa Dios ñee mose ee ra jê!

² —Moisés rese nandeico bei, i ja rei que mbia siqui ja mose ibeishĩ ndui ra. —Moisés rese nandeico bei, i ja rei que mbia Ama Irei ndasa mose ra.

³ Ae Dios mee ndei ee echurã nae, ùqui ngue mbia ja u u rei ra.

⁴ Ae Dios mee ndei ee embei sacua nae, ùqui ngue mbia ja mbei mbei rei ra. I que tuutu quia sita si nae, ùqui ngue mbia ja mbei mbei rei ra. Aque sita rei Cristo rã. Cristo que siqui tuchi quia ùqui mbia rese ra.

⁵ Ùqui ataque rese que Dios ia eã tuchi riqui ra. Siqui turã eã tuchi que equia Dios rui ra. Nyebe Dios eataque iquia iquia nguiã turúquiaa.

⁶ Nandemundua sacua ño ùqui nde. Mbae icua oseĩ oseĩ eã sacua nande chõ ùqui nde. Sã ùqui mbae icua oseĩ oseĩ no.

⁷ Jëingochĩ nda dios abareã ndese. Sã ùqui ndiqui dios abareã ndese no. Sã embesa ji riqui ñee no: “Mbia que quiaru quiaru ra. Mbae abe que embei mbei ra. Aquare

que nyuruqui ruqui ticuasú raanguia je ra", i que embesa ji ra. Jê nguia jêingo eã dios abareã ndese.

⁸ Ūquí nandei que siqui siqui ngūinisiã ndese no nda. Nyebe Dios eiquia iquia tuchi nguia. Veintitrés mil que mano aque nyaashi mose ra. ¡Mbae icuã nda nandesãã saãchĩ ūquí na jê!

⁹ —Ma Cristo roseite, nandechĩ nda mbae icuã naa jê. Sã nandei riqui "ma Dios roseite" i nyii no. Sã ñi ngue eriqui mbae icuã naa mbei cose no. Sã mbei tásie riqui eiquia iquia no. ¡Ūquí nandesãã saã eã tuchi chõ nguia nande jê!

¹⁰ ¡Jêñee icuã icuãchĩ nda Dios rĩ jê! Sã ūquí nandei ñee icuã icuã nguia Dios rĩ no. Nyebe ángel nandei ñiinda iquia iquia tuchi nguia.

¹¹ Eĩ si tuchi que nandei ñiinda quia nyii ra. Dios que embesa mi nandetesarei eã sacuã nda. Mbae ua ja serĩ mose chõ Dios riqui nguia nandembesarei eã co.

¹² —Sequirãcuã tuchi chõ se re, i mose emo, jsã aque riqui nyucua tuchi quiatu jê! Mbae icuã jê nonde ee.

¹³ —¡Mbae icuã esaã jê! i mose diablo jêje, eĩ si chõ nguia ñee mbia ataque je. Jê mi je eã. Dios quia ra ucheẽ mbuchebiã mbei. Jendeaquiato bei ra diablo ñee mose jêje. Jembirãcuã ndae. Jê "nya" i sacuã mbae icuã je.

¹⁴ Seresenda, ¡dios raanguia rese ra jêingochĩ jê!

¹⁵ Jêaracuate rei jê ndesẽ. Secheẽ ndese jemaie quiatu. ¿Acheẽ ñooño se re? Acheẽ ñooño eã se reae. Jêtea quiatu.

¹⁶ Nande Santa Cena naa naa mose, Cristo ruqui mbei raanguia chõ nandeico nguia uva rique mbei mbei. —Cristo ruqui nandembitirõ ja bei quia ã, i chõ nguia uva rique mbei mbei. Mbichae nandesiquio quio quia eu nonde nae, Cristo roo rã ño ūquí nde. —Cristo roo nandembitirõ ja bei quia ã, i chõ nguia mbichae u u.

¹⁷ Nandetubiriãte raque Jesús quiato. Nande ja chõ aque mbichae mi nandeu ja nguia. Mbae mi na nguia nandeico nguia nande ja ã.

¹⁸ Judíos rese chõ jendua. Ūquí sacrificio raã naa mose, sacrificio eu chõ nguia ã. —Dios resete quia nandeico nguia ã, i eiquia ã.

¹⁹ —Dios abareã mbae mo saã arondete, ae áte raque quia co. Ae soo mbia mondo mondo quia dios abareã je, soo chõ ndaque ūquí.

²⁰ Mbia soo mondo mondo mose dios abareã je, Dios tuchi je eã ño eriqui nguia emee mee. Aba checuayã icuã je chõ eriqui nguia emee mee. ¡Aba checuayã icuã ndese ra jêingo jiri jirichĩ jê!

²¹ Jê mbae mbei mose aba checuayã ndese, Jesús ruqui mbei raanguia jêsaã

aronea ño nguia cote. Jêquiaru quiaru mose aba checuayã nyuchua, Santa Cena jesaã aronea ño nguia cote.

²² ¿Mbaerã jêingo Jesucristo mbupaama ite re? ¿Jêquirãcuã tuchi chõ eriqui esi jê nde?

Jesús quiato ataque rese quia jêingo ndua

²³ —Ae soo mbia mee mee nguia dios abareã je nae, ūquí ndese ra jêocochĩ, i áte raque Dios nande je. Dios biãte nande mbae raã ja chooño mose. Ūquí ni Dios ñee áte raque nande je. Nande ae chõ nandeicua. Mbae mo Jesús quiato mo mundua icuã mose, ūquí si nandehui chõ.

²⁴ —Nande ae nandeico Dios rese, jenyechĩ nda jê. —Mbia ja quiatu nandemingo erese, jenye quiatu.

²⁵ Soo jêisichõ ño nguia mbae vender ísaa. —¿Dios abareã je co soo jemondo nyii re? ¡jenye chĩ nda ñee ee jê! Jêiranua mose, mbaeiaie eã ño soo jêje cote re. Jêisichõ ño nguia jêiranua.

²⁶ Jesucristo mbae chõ ibi re. Mbae ibi jenda ja abe rei embae no. Ae Jesucristo chao ja nae, ūquí ndei nandechiurã je.

²⁷ —Nyao rã quiaru serese, i mose emo jêje, jêso chõ quiaru erese jêsose mose. Ae ra echara mondo jêje, jêuchõ ño. —¿Co mbia mondo dios abareã je nyii re? jenyechĩ nda ee. Jêiranua mose, mbaeiaie eã ño jêje cote re. Jêiranua ño jêquiaru.

²⁸ —Co soo que mbia mondo dios abareã je ra, i mose emo jêje, jêu eã ño cote. Ae ñee jêje nae, aque mbiicua eã sacuã ño jêu eã. Aque soo jêu eã cote, jêirandu mose erese. Jê eu mose, Jesús quiato ra ndua icuã icuã cote.

²⁹ Jendua icuã eã ndaque jê. Emo nguia ndua icuã arõte nguia cote, jirandu mose jê eu rese. —¿Mbaerã nda aque soo au eã sebi mose re? i arõte jemo seje. —¿Mbaerã nda emo ñee amumbayã nde? i arõte jemo seje.

³⁰ —Se "gracias" i mose Dios je aque soo u nonde, eicuã eã ño cote reae. ¿Mbaerã nda emo ñee icuã seje re? i arõte jemo seje. —¿Mbaerã nda au eã eicuã eã mose re? i arõte jemo seje.

³¹ ã ndese chõ jendua. Ae nandesãã saã nguia nae, Dios je chõ nandesãã. Ae nandeu ndeu quia mbae nae, Dios je chõ nandeu. Ae nandembei mbei quia mbae nae, Dios je chõ nandembei no. Mbia ra ñee turã Dios je, nandeico turã mose.

³² ¡Mbia ra jemundua ata atate chĩ jê! —ã icuã ereae, i mose emo jêje, ¡quí nda jêsaãchĩ jê! Jê eraã mose, ūquí nda ndua icuã Jesús rese cote. Judíos. Judíos eã abe. Jesús quiato abe. Ūquí ndua icuã arõ Dios rese, jê eraã mose.

³³ —Se ae taico Dios rese, ae áte quia co. —Mbia ja quiatu tamingo erese, ae quia co. Dios mbia rirõ sacuã eicuã si. Mbia siqui bei sacuã Dios rese.

11

1 Se rã si chõ jëingo. Sã aico Cristo rã si se no.

Ei jenyẽ chõ nguia u ñumunua nua mose, i Pablo cuña je

2 Acheẽ turãte quia jenii co. Jendua beite quiatu quia serese. Acheẽ ngue jêje nyii, ùquĩ jemumbayã mbeite quia secheẽ ùquĩ.

3 Ae ra ambesa jêje namo, iquĩ jêicua tuchi quiatu jê! Cristo rei hombre ja rerecua. Hombre rei ngüinisi rerecua no. Sã Dios Cristo rerecua no.

4 Mbia ñumunua mose, sã hombre mo ñee eã Dios je huiite sucha resebe. Sã eãquĩ nyecua chõ siqui Dios cheẽ nenei nenei. Uãquĩ ati mose, aba ireĩte ùquĩ. Uãquĩ huĩ na ño eriqui nguia uãquĩ ati eã no.

5 Mbia ñumunua mose, sã cuña mo ñee eã Dios je huiite suchayã. Sã cuña aũquĩ ati ji chõ siqui Dios cheẽ nenei nenei. Cuña uãquĩ ati eã mose, aba ireĩte ùquĩ. Uãquĩ huĩ na ño eriqui nguia uãquĩ ati eã no.

6 Cuña mo uãquĩ ati sereã mose, sã uãquĩ huĩ tuchi quiatu no. Eireĩ mose uãquĩ huĩ, sã uãquĩ ati quiatu ua sia rocõ no.

7 Hombre mo nguia uãquĩ chati aroneate nguia Dios cheẽ nenei nenei. Dios quiatu ngue hombre chao nguia umbaerã. Aquere que cuña mo ao hombre mbaerã cote ra.

8 Cuña ndoquieĩ je eã ño ngue Dios hombre ao nguia. Hombre roquieĩ je quiatu ngue Dios cuña mo ao nguia.

9 Cuña chirecorã eã ño ngue Dios hombre ao nguia. Hombre chirecorã nguia ngue Dios cuña ao nguia.

10 Nyebe ra cuña uãquĩ ati quiatu. —Seru chõ sererecua re, i chõ nguia uãquĩ ati. Angeles quia maete nguia erese.

11 Jesucristo quiato ja chõ nande re. Hombre achõ nda siqui turã eã cuña eã mose. Cuña achõ nda siqui turã eã hombre eã mose no.

12 Hombre roquieĩ je chõ ngue Dios cuña ao rei nguia nyii. Cuña abe riqui tiirĩ irĩ hombre co cote. Dios chiao ja chõ ñene. Cuña. Hombre abe.

13 Jê ae chõ jendua mae erese. Eicuãte cuña aũquĩ ati iriã ñee Dios je.

14 Hombre a boco mo siqui mose, aba ireĩte ùquĩ. —Eicuãte ùquĩ, i ja tuchi mbiamo ñooñoa nguia ùquĩ je ã.

15 Cuña mo nguia tu ea boco siqui mose, ùquĩ nguia earõte re. Ea boco que Dios mee ee ra. Eãquĩ ati sacua.

16 —Cuña a boco sebã, i mose jemo, sã ndua chõ Jesús quiato ataque rese. —Sã cuña a boco riquichõ, i ja chõ Jesús quiato nguia serese ùquĩ.

Jenyao chaochĩ nda Santa Cena u mose jê

17 —Santa Cena naa icuã icuã ño ngue equia ñumunua nua nda, i que mbia mo sembiirandu jenii nda. Nyebe seya eãte riqui nguia jendese.

18 —Hue rĩ ja eã eriqui ndua ndua ñumunua nua mose ùquĩ, i que emo sembiirandu jenii nda. —Ichõño eã ereae, ae sequia ndua ndua co.

19 Jeñimbuchao chao chõchĩ equia ùquĩ. Mbia Jesús quiato tuchi icua sacua ño jeñimbuchao chao nguia.

20 Santa Cena naa naa mose, abei chiã tuchi chõ jëingo nguia jenyue ùquĩ. Eĩ eã tuchi que Jesucristo nandembaaquiatu ra.

21 —Se rane sembae tau ja, jenyẽ jaaja chõchĩ nguia Santa Cena naa naa ùquĩ. Mbae mee ndocoĩ emo je. Nyebe mbaecha riqui nguia quiaru tuchi. Mbae mbei tuchi no. Mbaecha reã niacuã mose.

22 Jëquiaru tuchi mose Santa Cena, jëingo icuã ño nguia Jesús quiato ataque je ùquĩ. Mbaecha reã ireĩ ireĩ ño nguia jêsi ùquĩ. ¿Mañi ae ra ñee jêje re? Eicuãte ùquĩ ndesẽ. Jenyuchua ae ae rei jëquiaru sacua ndesẽ.

Jesús quiaru mose uchimbbaaquiatu rese

23 Jesucristo ae sí que sembaaquiatu ra. Ño ngue asenei ndei jêje nyii resẽ: Judas Jesucristo reaquia nonde mbia icuã je, aque isa sí que Jesucristo mbichae sirõ nda.

24 Gracias, i que ñee Dios je cote ra. Mbichae que esiquio uchimbbaaquiatu je cote ra. —¡Co jê! Jêu. Serete rã ño mbichae riquio ji co re. Jenii ño nda serete riquio ji cote. Co jêu mose, jendua ndua bei quia serese, i que Jesús mbichae mondo ee ra.

25 Quiaru jare que Jesús eyuquia rirõ cote ra. Ñee ngue uchimbbaaquiatu je cote ra. —Seruqui rã ño uva rique co re. Mbia icuã mbutiã sacua tuchi chõ seruqui re. Dios cheẽ yasu rui si chõ seruqui riqui nguia mbia icuã mbutiã co. Co mbei mbei mose, jendua ndua bei quia serese, i que Jesús ee ra.

26 Jê co mbichae u mose, jê uva rique mbei mose, Santa Cena, i chõ nguia ùquĩ je. Jê Santa Cena naa naa mose, Jesucristo mano nenei nenei ño nguia mbia je ùquĩ. Santa Cena jesaã saã mbei quia Jesucristo tu mose chee.

Jendua tuchi Jesús rete rese Santa Cena u mose

27 Emo Santa Cena naa icuã icuã mose, ùquĩ siqui icuã icuã ño nguia Jesucristo rete je ùquĩ. ùquĩ siqui icuã icuã ño nguia Jesucristo ruqui je ùquĩ no.

28 Nyebe nandendua ndua tuchi quiatu quia Santa Cena naa nonde.

29 Emo Santa Cena naa icuã icuã mose, emo ndua eã mose Jesucristo rete rese, ùquĩ nda Dios mbasi.

³⁰ Ūquĩ je chõ jendasi rasi bei riqui nguiã. Ūquĩ je chõ jëingo nguiã mano mano tuchi.

³¹ Nande ae nandereco nandeicia jiri ae. Eĩ nda Dios nandembasiã cote.

³² Jesucristo nandembasi mose, nandemundua sacua ño ūquĩ nde. Nandembitirõ sacua ño cote re. Dios nandemombo eã sacua tata cuasu chõ ūquĩ nde. Jesús quiatoã mombo mose tata cuasu.

³³ Nyebe aico nguiã ñee nyecua jëje co. Jë Santa Cena naa naa mose, jeñumunua nua turã ño. Jëingo turã ño jenyue. Jenyisaarõ turã ja chõ Santa Cena u nonde.

³⁴ Jemo niacuã siqui mose, sã quiaru uchuchua, Santa Cena naa nonde. Eĩ jenyue mose, Dios ra siqui turã jëje cote, jeñumunua nua mose. Seso mose jendea ra secheẽ ataque asenei jëje cote.

12

Espíritu Turã ño nandechisaã saã sacuaã mondo nguiã nande ae ae je

¹ Espiritu Turã ngue mbae mee jaaja nande ae ae je ra. —Co esaã nde, co rese eico nde, i jaaja que nande je ra. Ūquĩ ndese taembiirandu cote.

² Dios abareã ndese que jëingo tuchi nyii ra. Mbia que jemingo tuchi dios abareã tubiriã ndese nyii ra. Dios abareã aba cheẽ andu aroneate. Ūquĩ jëingo Jesucristo rese ūquĩ cote.

³ ã ndese jendua tuchi: —Jesús icuãte riqui Dios je co, i mose emo, echeẽ ae chõ ūquĩ nde. Espiritu Turã embucheẽ eã ño nguiã ūquĩ. —Jesús rei Dios tuchi, i mose emo, echeẽ ae eã ño ūquĩ nde. Espiritu Turã ño embucheẽ nguiã ūquĩ.

⁴⁻⁶ —Co esaã nde, co rese eico nde, i jaaja que Dios nande ae ae je ra. Espiritu Turã mii ño siqui bei nguiã nande ja rese co. Jesucristo mii ño siqui nguiã nanderese co. Jesucristo mo eãte emo. Dios mii ño siqui nguiã nandembuquirãcuã co no. Dios mo eãte emo.

⁷ Espiritu Turã uquirãcuã teacuquia chõ nguiã nande ae ae je co. Nandeico turã ja tuchi sacuaã Dios rese.

⁸ Espiritu Turã mii ño siqui nguiã co. Hue rĩ ja eã ño eriqui nguiã uquirãcuã mee nande je. —Nde ra erecheẽ aracua bei quia, i chõ nguiã nandemo je. —Nde ra mbia rembaaquiaturã mbei quia, i chõ nguiã nandemo je no.

⁹ —Jesucristo ra ereicua tuchi quia nde, i chõ nguiã nandemo je co no. —Mbia rasi ra erembucherõ cherõ mbei quia nde, i chõ nguiã nandemo je co no.

¹⁰ —Mbia mae sayã nda eresaã saã mbei quia nde, i chõ nguiã nandemo je co no. —Dios cheẽ nda eresenei senei tuchi quia

mbia je nde, i chõ nguiã nandemo je co no. —Espiritu eicua icua bei quia nde. Eturã icua. Eicua abe icua no, i chõ nguiã nandemo je co no. —Mbiamo ñee esaã saã tuchi quia nde. Mbia cheẽ chumumbara, i chõ nguiã nandemo je co no. —Mbia cheẽ mo eicua icua quia mbia je, i chõ nguiã nandemo je co no.

¹¹ Eĩ ño Espiritu Turã mii nguiã ucheẽ mbuchao chao nande je co. Nandechisaã saã sacuaã mee mee nande ae ae je co. Eĩ ño Espiritu Turã mii nguiã uquirãcuã mbuchao chao nande je co no. —Co esaã nde, co esaã nde no, i chõ nguiã nande ae ae je co.

Mbae mii na ño nandeico nguiã nande ja

¹² Jesús rete rã ño nandeico nguiã nande ã. Nande tubiriãte raque Jesús quiato. Sã aba rete resenda tubiriãte no. Eresa. Erie. Eo. Erete mii ndaque. Eĩ ño nande no nde. Jesús rete mii na.

¹³ Jesús rete rã ja chõ nande re. Erete mii na ño nande ja re. Judíos mo ño nandeico nguiã nande ã. Judíos eã abe mo ño nandeico nguiã ã no. Mbia rimba mo abe abe nandeico ã no. Mbia rimba eã mo abe abe nandeico ã no. Mbae mii na ño nandeico nguiã Jesús quiato ja ã. Erete mii na. Eĩ ño Espiritu Turã mii nguiã nandemingo ã.

¹⁴ Nanderete mii ae siqui ãte. Nanderete resenda tubiriãte riqui ã.

¹⁵ Nandei achõ ñee aroneate. —Eo eã ñochĩ se. Nyebe erete resenda eã se re, i aroneate nandei ñee. Nanderete resenda bei chõ nandei re.

¹⁶ Nandeisa achõ ñee aroneate. —Eresa eã ñochĩ se. Nyebe erete resenda eã se re, i aroneate nandeisa ñee. Nanderete resenda bei chõ nandeisa re.

¹⁷ Nanderesa achõ mose nanderete resenda, i nda nandeico rei mbae anuate co. Nandeisa achõ mose nanderete resenda, i nda nandeico rei mbae retõ ãte co.

¹⁸ Dios ae que nanderete resenda mii ja ja cose ra. —Co tamii a, co abe tamii a no, i jaaja que nanderete resenda mii mii nda.

¹⁹ Nanderete resenda mii mose, eĩ ndei ra nanderete eãte.

²⁰ Nanderete resenda ja que Dios mee nande je ra. Nanderete resenda tubiriãte raque. Nanderete mii tuchi chõ ñene.

²¹ —Arerecoã nda se, i aroneate nanderesa ñee nandeo je. —Arerecoã nda se, i aroneate nandeaquĩ nandei je no.

²² Ae nanderete resenda ñetẽ tuchi nae, ae nanderete resenda quirãcuã nea tuchi nae, ūquĩ nguiareĩ nandechireco tuchi.

²³ Ae nanderete resenda aba ireite nae, ūquĩ nandetea quiatu chõ nguiã. Nandechati turã ño nguiã.

²⁴ Ae nanderete resenda checuate riqui nae, ūquĩ nguiatu nandechatiã nguiã. Dios

que nanderete resenda saã turã ja ra. Ae nanderete resenda aba ireíte nae, ùqui quiatu aba queteamba re.

²⁵ Nyebe nanderete resenda riqui nguiã ñee aroneate nanderete resenda nongue je. —Arerecoã nda se, i aroneate ee. Nyebe nanderete resenda riqui nguiã siqui turã ja nyiese.

²⁶ Nanderete resenda mo ndasi mose, nanderete mbasi ja chõ nguiã. Nande ñee turã mose nanderete resenda mo je, nanderete ia ja tuchi ra erese.

²⁷ ã ño secheẽ tuchi ã nde: Cristo rete rã ño nandeico ja nguiã nande ã. Cristo rete resenda rã ja chõ nandeico nguiã nande ae ae ã.

²⁸ —Co esaã nde, co rese eico nde, i jaaja chõ Dios nguiã iglesia jenda uquiato je ã. —Cristo chimbacquiato tuchi chõ nde re, i chõ nguiã emo je. —Secheẽ nenei neneisa chõ nde re, i chõ nguiã emo je no. —Mbia mbacquiatusa chõ nde re, i chõ nguiã emo je no. —Mbia mae sayã esaã saã nguiã nde, i chõ nguiã emo je no. —Mbia rasi embucherõ cherõ nguiã nde, i chõ nguiã emo je no. —Ayudante eico nde, i chõ nguiã emo je no. —Iglesia rerecurã nde, i chõ nguiã emo je no. —Mbia cheemo esaã saã nguiã nde, i chõ nguiã emo je no.

²⁹ Cristo chimbacquiato ja eã ño nande re. Dios cheẽ nenei neneisa ja eã ño nande no nde. Mbia mbacquiatusa ja eã ño nande no nde. Mbia mae sayã naa naasa ja eã ño nande no nde.

³⁰ Mbia rasi mbucherõ cherõsa ja eã ño nande no nde. Mbia cheemo naa naasa ja eã ño nande no nde. Mbia cheemo mbiasa asasa ja eã ño nande no nde.

³¹ Nandechẽ ño Dios je. —Ndequirãcuã emee na seje. Ae je erecheẽ ñee ure je, eĩ nda ùqui mo asaã saã se abe, nande quia ñee Dios je. Mbae turã tuchi mo tasenei na jẽje.

13

Nandechesecua eã mose, Dios chirirõ ño nande re

¹ Se nyesequa eã mose mbia rese, secheẽ iru iru beite ra eriqui. Mbia cheẽ nda aicua ja raque. Angeles cheẽ abe ra aicua raque no.

² Se nyesequa eã mose mbia rese, mbae turã mo naasa eã ño se re. Dios cheẽ nda ambuchecua checua tuchi raque. Se ra mbae aicua ja raque. Se ra Dios aicua tuchi raque. Ibi ibate mo nda arusuri raque Dios quirãcuã je.

³ Se nyesequa eã mose mbia rese, aico chooño mbei chõ nda se. Sembae ra amee ja raque mbia mbaecha reã je. Mbia ra serei raque, se Dios cheẽ nenei nenei mose.

⁴ Ae nyesequa quia mbia rese nae, ùqui nguiã siqui minguate nguiã mbia je ã. ùqui nguiã eturãte riqui nguiã mbia je co. ùqui nguiã mae icuã icuã eãte nguiã emo mbae rese ã. ùqui nguiã “seaquiato tuchite se”, iãte nguiã co.

⁵ Ae nyesequa quia mbia rese nae, ùqui nguiã “se quiatu”, iãte nguiã mbae mo je. Ae aba ireíte nae, ùqui mo esaã saã eãte quia co. Ae nyesequa quia mbia rese nae, ùqui nguiã paama i jei jei eãte nguiã ã. ùqui nguiã ndua icuã icuã eãte nguiã emo icuã mose ee ã.

⁶ Ae nyesequa quia mbia rese nae, ùqui nguiã eya eãte riqui nguiã, emo mbae icuã naa mose ã. Emo mbae turã naa mose quia eyate riqui nguiã ã.

⁷ Ae nyesequa quia mbia rese nae, ùqui ñimbirãcuã ño nguiã mbae ja je ã. —Ichõiño nguiã, iã ño nguiã mbia cheẽ je. Siqui tochi chõ nguiã.

⁸ Dios quiato ra nyesequa bei mbia rese, mbae ua ja chee. Dios cheẽ nda nandesenei senei eã emo mose cote. Mbia cheẽ ata mo nda nandesaã eã emo mose cote. Mbia mbacquiatusa mo eã nda emo mose cote. ùqui nda ua ja chee. Dios quiato quiatu ra nyesequa bei quia.

⁹⁻¹⁰ Mbae mii mii ño nandeicua icua nguiã namo ã. Jesús tu mose quia ra mbae mii nandeicua eã cote. Dios cheẽ miite nandesenei senei nguiã namo ã. Jesús tu mose quia ra mbae nandeicua ja cote.

¹¹ Señetẽ mose que aico ñee ñee mbia riiri na nda. Mbia riiri na ño ngue aico ndua ndua señetẽ mose ra. Mbae que aicua icua chõ nguiã mbia riiri na no nda. Secuas mose que señetẽ mosenda asecha ja cote ra.

¹² Mbae cuu rese mae naanguia chõ nandeico nguiã mae namo. Jesús tu mose quiatu ra mbae checua ja nande je cote. Mbae mii mii ño aicua icua nguiã namo co. Jesús tu mose quia ra mbae aicua ja cote.

¹³ ã nandeico Dios icuate ã. ã nandeico Jesucristo ru raarõ arõ ã. ã nandeico nyesequa jate mbia rese ã. Nandechesecua mose quiarei, ùqui eturã tuchi mbae ja si.

14

Mbiamo cheẽ naa naa mose

¹ Jyenyesequase tuchi quiatu quia mbia rese jẽ! Jeñee ño nguiã Dios je. —Paba, ndequirãcuã emee na seje. Mbae raã naa sacua ndeje, jenyẽ bei chõ nguiã Dios je. —Ndecheẽ asenei senei sete ndequirãcuã je, jenyẽ chõ nguiã ee.

² Jesús quiato mo mbiamo cheẽ naa naa mose, mbia ra eicuayã jate. Dios mii ño nda eicua nguiã. Dios mii je chõ eriqui nguiã ñee. Uchue si chõ eriqui nguiã ñee. Mbia quia echeẽ icuayãte nguiã.

³ Ae Dios cheë senei senei nguia, ũquí nguia ñee nyecuate nguia mbia je. ũquí nguia mbia mbaaracua turâte nguia Jesucristo ríí. ũquí nguia mbia mingo uquia tuchi nguia Jesucristo rese no. ũquí nguia mbia mbia tuchi nguia Jesucristo rese no.

⁴ Ae mbiamo cheë saã saã nguia nae, mbia mingo uquia reã ño nguia Jesucristo rese. Ae ae umingo uquia nguia ere. Ae Dios cheë senei senei nguia nae, ũquí nguia Jesús quiato mingo uquiate nguia Jesús rese.

⁵ Mbiamo cheë nda jesaã aquiatu ja raquete seje chã. Dios cheë nenei nenei aquiatu mose, ũquí nguia eturã tuchi re. ũquí nguia eturã tuchi mbiamo cheë naa naa si re. Ae mbiamo cheë saã saã nguia nae, aque ucheë mbiasa mose Jesús quiato je, eturã ño ũquí no nde. Jesús quiato mingo uquia chõ nguia Jesús rese ũquí.

⁶ Se mbiamo cheë naa naa mose jêje, ũquí nda jemingo uquia reãte Dios rese. Se ñee nyecua mose jêje, ũquí nguia eturãte re. Ae rese Dios sembiirandu nae, ũquí nenei nenei mose jêje, ũquí nguia eturãte re. Se Dios cheë mbuchecua tuchi mose jêje, ũquí nguia eturãte no nde. Se Dios cheë icua icua tuchi mose jêje, ũquí nguia eturãte no nde. Mbiamo cheë naa naa si.

⁷ Sã música no. Emo flauta mbucheë icuã icuã mose, mbia ra tonada icuayãte. Emo guitarra mbucheë icuã icuã mose, mbia ra tonada icuayã no.

⁸ Sã soldados no. Emo corneta mbucheë icuã icuã mose, soldados ra icuquiata.

⁹ Eí si chõ jê no nde. Jê mbiamo cheë naa naa mose, mbia ra jeñee icuayãte. Jê mbiamo cheë naa naa mose, mbia eãsa ñee ñee na ño ũquí nde.

¹⁰ Mbiam cheë ñumumarate eriqui rei. Ucheë ae raã naa mose, echecuate ee.

¹¹ Emo ucheë naa naa mose seje, se eicuayã mose, mbiamo ño aico nguia ee. Mbiamo ño ae riqui nguia seje no.

¹² Espíritu Turã quirãcuã jenyosei tuchi quia reae. Coche tuchi chõ ũquí nde. Jesús quiato mingo tuchi sacuã Jesús rese chõ equirãcuã jenyosei jê.

¹³ Nde mbiamo cheë naa naa mose Jesús quiato je, echeë na Dios je. —Paba, ndequirãcuã emee na seje. Secheë mbiasa sacuã mbia je, ere chõ Dios je.

¹⁴ Se mbiamo cheë naa mose Dios je, acheë ñee ndaque Dios je. Mañi ae quiatu ñi se quia ñee ee.

¹⁵ Mbiamo cheë abe ra asaã saã ndaque Dios je. Secheë abe ra asaã saã ee no. Mbiam secheë icua ja sacuã. Mbiamo cheë abe ra asaã saã se irasei rasei mose. Secheë abe ra asaã saã se irasei rasei mose no.

¹⁶ Nde mbiamo cheë naa naa mose Dios je, mbia ra ndecheë icuayãte. Ae eaquiataete,

ũquí nda ndecheë icuayãte. Nyebe eriqui nguia ñee aroneate Dios je ndere. Nyebe nandecheë sí chõ nandesã Dios je.

¹⁷ Coche jëingo nguia ñee Dios je. Jeñee sí quia nda aba saã Dios je re. Jê mbiamo cheë naa naa mose ee, jendesenda quia nda jeñee icuayãte nguia. ũquí mose ra jendesenda jemingo uquia reãte Jesús rese.

¹⁸ Mbiamo cheë aicua tuchite raque quia jêsi co. Gracias, aete raque quia Dios je ũquí ñi co.

¹⁹ Dios quiato ñumunua mose, acheë nyecua rete ee. Secheë jua chõ ndaque. Cinco palabras. Mbiamo cheë nda asaã eã ee. Mbiamo cheë icuayãte quia ñene. Emo nda ñee oco raque ee, icuayãte ra.

²⁰ Mbiam riri naate ra jëingochi, Sere-senda. Jendua quiatu secheë ndese mbiam cuasu rã. Coche jëingo nguia mbiam riri na mbae icuã naa ndocoi.

²¹ A ndei Dios cheë mbesa ji ã: Mbiamo tamondo rei secheë nenei nenei sacuã ã serimba je.

Secheë nda esenei senei ndei serimba je mbiamo cheë je.

Aquere ra serimba secheë mumba i i tuchi querabe, i que Dios ra, i que embesa ji ra.

²² Jemo mbiamo cheë naa naa mose, Jesús quiatoã mundua sacuã Dios rese chõ ũquí nde. Jê Dios cheë nenei nenei mose, Jesús quiato mundua sacuã ño Dios rese chõ ũquí no nde.

²³ Jesús quiato ñumunua nua mose u, sã mbiamo cheë naa naa ja eã u. Jê mbiamo cheë naa naa ja mose ra Jesús quiatoã ñee jêje. “Earacuayã” i ra ique mose mae jendese.

²⁴ Coche jëingo nguia Dios cheë nenei nenei ja jeñumunua mose. Jesús quiatoã mo ique mose jendea, ndua ndua tuchi ra huicua ndese. —Seicuã tuchi chõ aico se re, i ra jeñee andu mose.

²⁵ Ae rese ndua ndua uchiangui renda icuã nae, Espíritu Turã ae ra ũquí mbuchecua checua nguia ee. Nyebe ra ngoi nguã ndese ñee turã Dios je. —Dios riqui tuchi jendese a, i ra ñee jêje.

Mbae jesaã turã turã ja chõ nguia jeñumunua nua mose

²⁶ —Eí jenyé quiatu quia ñumunua Jesús ríí, ae ra jêje cote. Emo irasei rasei. Emo mbiam mbaaquiato quiatu Jesús ríí. Emo Dios cheë icua icua mbiam je no. Emo mbiamo cheë naa naa no. Emo mbiamo cheë mbiasa asa ee no. Jenyuuru uru chõ nguia. Mbiam mingo ja sacuã Dios rese chõ ũquí nde.

²⁷ Mbiamo cheë jesaã saã mose ñumunua mose, jê nyeremoño ño jeñee ñee. Jenyuuru uru chõ nguia. Sã emo ndiqui echeë mbiasa asa.

²⁸ Jemo echeemo mbiasa aquiatuã mose, mbiamo cheê nda jêsaã saãchĩ, jeñumunua mose. Jeñumunua eã mose quiatu mbiamo cheê jêsaã saã jê ae Dios je.

²⁹ Ae ra Dios cheê senei senei mbia chumunua mose nae, sã nyeremoño ño ñee. Sã eataque ndua ndua ùqui ñee ndese. Eĩ ngue ra, i sacuaã. Eĩ eã ngue ra, i sacuaã abe echeê icuaã mose no.

³⁰ Emo chí mose Jesús quiato ataque mbaa quiatu quiatu, emo nda ñeechĩ echeê cúa. — Nde abe ã embuchecua mbia je, i mose Dios emo je, sã ñiinda ñee ja rã nyii.

³¹ —Nde abe ã embuchecua mbia je, i mose Dios jemo je, jenyuuru uru chõ nguia ñee. Mbiam Dios cheê icua ja sacuaã. Mbiam siqui tuchi sacuaã Dios rese.

³² —Nde abe ã embuchecua mbia je, i mose Dios emo je, sã emo ndaarõ mbiri na huĩ, emo chí mose Dios cheê nenei nenei.

³³ Jemo ñee mose jenongue cheê cúa, Dios biãte ùqui. Jeñee turã mose nyuuru uru, ùqui nguia Dios bite re. Eĩ ja chõ Dios quiato nguia iglesia jenda ja.

³⁴ Jeñumunua nua mose Dios riĩ, cuña mo nda ñeechĩ. Eĩ si que Moisés chimbasa no nda. Sã cuña ndiqui mbia cheê mumbayã mbei.

³⁵ —Ùqui embuchecua seje, i aroneate cuña ñee mbia chumunua mose. Uchuchua quia cuña ñee ngu je, ñimbaaquiatus mose. Cuña mo ñee aroneate Jesús quiato chumunua nua ite re.

³⁶ —Ichõĩño nguia ¿jenye quia secheê mose re? Jê nane je eã ngue Dios ñee ndesê. Jê miĩ je eã ngue Dios ñee ndesê.

³⁷ Secheê ae eã ambesa nguia jêje co. Dios cheê ño ambesa nguia jêje. —Dios que uquiracuaã mee seje ra. Ucheê nenei nenei sacuaã, i mose jemo ñee, sã ùqui nane ñee serĩ. —Dios cheê tuchi chõ Pablo senei senei nguia, sã i serĩ.

³⁸ Ùqui secheê isi sereã mose, jêhui chõ esi. Sã eaquiutuã ae riqui.

³⁹ ¿Dios cheê jêseni seneise tuchi quiatu jê! Jemo mbiamo cheê naa naa mose jechê nda jêquisã quisãchĩ jê!

⁴⁰ ¿Mbae jêsaã turã turã ja chõ nguia jeñumunua nua mose jê! Jenyuuru uru turã ño nguia.

15

Cristo quera si mose

¹ Dios cheê turã ngue asenei senei nguia jêje Jesucristo riĩ nae, ùqui sí rese chõ aico nguia jemundua ndua co. Ùqui ngue jêisi turãte. Jêingo beite ùqui ndese ùqui.

² Ùqui ndiqui jemingo beite ùqui, jêtesareia mose secheê si. Ùqui jêingo Jesucristo icua iruã ùqui.

³ Ae Dios senei senei seje nae, ùqui nane ngue asenei senei jêje ra: Jesucristo que mano nandeicuaã ndiquicharõ. Embesa ji cheê nguire.

⁴ Mbiam que echati rei. Tres días mose que quera si. Embesa ji cheê nguire.

⁵ Quera si mose que nyecua Pedro je. Aquere que nyecua uchimbaaquiato doce je cote.

⁶ Quinientos uquiato je que nyecua cote. Hue equiuto chí ja mose ñumunua. Ùqui tubiriãte riqui ã. Emo emo ngue mano nda.

⁷ Nyecua que Jacobo abe je cote no. Aquere que nyecua uchimbaaquiato jaje cote.

⁸ Nyecua nyecua jare mbia je que nyecua chee se abe je cote ra. Sã cuña ndiqui erã mo mbua no, ùqui na si chõ aico rei nguia se co.

⁹ Se quia señetê jiri riqui nguia Jesús chimbaaquiato ataque si co. —Jesús chimbaaquiato chõ se re, ae eã jiri quia co. Seicua tuchi quiato ngue Dios quiato je nyii re.

¹⁰ Dios turã ae semingo turã nguia co cote. Dios turã ñooño eã ño eriqui nguia seje co. Se abe que serecoteã jiri riqui nguia Jesús rese echimbaaquiato ataque si ra. Mbae raã naa Jesús je. Se ae eã ño ngue aico nguia mbae rese. Dios turã ae ngue semingo nguia mbae rese.

¹¹ —Aba Dios cheê senei senei tuchite quia reae, ure ãte equia co. Ùquiã ñene. Ure-senei senei ja chõ equia ã ndesê. Jê ngue urechisenei senei jêisi turãte quia resê.

Mbia raaque quera si mose

¹² —Cristo que quera si manonde ra, ure que equia erenei nenei jêje. Urecheê ngue jêisi turã ndei nyii. ¿Mbaerã jemo ndiqui ñee cote re? —Mbiam raaque ra querayã mbei, i cote re.

¹³ ¿Cristo raaque bei namo nde? —Mbiam raaque ra querayã mbei, jenyje mose, ¿mañi Cristo raaque quera re no?

¹⁴ Cristo raaque quera si eã mose, eĩ nda ureico rei echeê nenei nenei iru chõ. Eĩ nda Jesucristo jêicua iru chõ ndei.

¹⁵ Cristo raaque quera si eã mose, eĩ nda ureico rei ñee ñooño Dios riĩ mbiam je. —Dios que Cristo mbuquera si ra, ure bei equia ã ndesê. Mbiam raaque quera si eã mose, i nda Dios Jesucristo raaque mbuquera si eã ndei no.

¹⁶ Mbiam raaque querayã mose, eĩ nda Cristo raaque quera eãte rei no.

¹⁷ Cristo raaque quera eã mose, eĩ nda jêingo rei Cristo icua iru no. Eĩ nda jêingo rei jêicuaã nderequia beite no.

¹⁸ Eĩ nda Cristo quiato quiachã mbei rei manonde no.

¹⁹ A miĩ eã ño Cristo riqui nguia nandere. Nandemanonde abe ra eriqui bei

nanderese no. A mii mose, ei nda nandeya eã tuchite riqui rei mbia mo si no.

²⁰ Cristo que quera si ra. Ae bei tuchi. Ae rane ngue quera nyii ra. Nyebe ra mbia abe quera si eraã si cote no.

²¹ Adán mii nane ngue mano huicua je cose ra. Nyebe nandeico nguiã mano mano mbei cote. Ei si chõ Cristo mii quera si nguiã cote. Nyebe ra uquiato mbuquera si ja cote.

²² Sã nandeico mano mano ja Adán ndui ã no, ei si ra Cristo nandembuquera quera no.

²³ Dios que Cristo rane mbuquera nandesi ra. Cristo tube mose, uquiato raaque ra embuquera ja cote.

²⁴ Cristo tube mose ra mbae ibi jenda ua ja cote. Mbia mo nda siquiã ererecua cote. Cristo ra mbae mee ja Dios je cote. Cristo ra mbia rerecua mbutiã ja cote.

²⁵ Ererecuarã tuchi ra Cristo cote. Uquiatoã nda embuquiachã ja tuchi chee cote, ae siqui mose ererecuarã.

²⁶ Mbia mano mano mose, Cristo biãte ũqui. Ũqui abe ra Cristo mbuquiachã tuchi mbia si cote. Mbae icuã ataque ra embuquiachã ja rã nyii.

²⁷ Dios que mbae mee ja Cristo je ra. Cristo mbae rerecua ja tuchi sacua. —Cristo ra mbae rerecua ja tuchi, i ñi embesa ji re. Dios rerecua eã ndaque. Mbae ja rerecua chõ nda Cristo.

²⁸ Dios mbae mee ja mose Cristo je, Cristo ra ñimee Dios je cote no. Eriirite quia ñene. Ei nda Dios mbia rerecua ja tuchi cote.

²⁹ Emo emo ño bautizar i nguiã eraaque riñ ũqui. Eraaque quera si eã mose çmbaerã ũqui ndiqui bautizar i eraaque riñ nde?

³⁰ Mbia raaque quera eã mose, ei nda ureico rei Dios cheẽ nenei nenei ãte mbia je co. Ei nda mbia riqui rei ureiquia serĩ serĩ ãte.

³¹ Mbia “taiquia” i bei beite quia seje ã. Acheẽ ñooño eãte jẽje. Sã seyate riqui jendese co no.

³² Nyacua rã tuchi que Efeso jenda riqui seje ra. Ũqui ngue asiquisã tuchi rei quia ñee nda. Ei nda asiquisã quisã iru rei no, mbia raaque quera eã mose. Mbia raaque quera eã mose, ei nda nandeico rei ñee. —Mbae nandembei chooño. Mbae nandeu chooño. Mano mbei cote, i.

³³ —Ei jenyey quiatu jichĩ nda mbia jembürĩ irĩ jẽ! Jeingo mose mbia icuã ndese, jembücuã icuã nda jẽ abe cote.

³⁴ Jendua quiatu. Mbae turã nguiatu jesaã saã nguia. Mbae icuã jesaã eã nguiatu quia. Jemo emo ndiqui Dios icuayãte ũqui. Aba ireĩ tuchi quiareĩ ũqui.

Jesús quiato rete yasu ja ra cote

³⁵ Jemo nda ñee ndei. —çMañi nda eraaque quera si re? çMañi nda erete cote re? i ra jemo ñee ndeae.

³⁶ Ndua eã ño nguiã ũqui. Sã nandeico mbae ei tiquia no. Mbae ei nda soõ suri sacua cote. Ei si chõ nda nanderete soõ nandemano mose. Nanderete yasu sacua cote.

³⁷ Sã nandeico mbae ei tiquia no. Ei ra nandechitiquiayã. Ieĩ achõ ño nandechitiquia nguiã. Quiata a ei. Mbaemo ei abe no. Ei quia nda suri nguiã cote.

³⁸ —ç ño nda ndei, i chõ Dios nguiã mbae ei jaje.

³⁹ Nanderete rã ño mbae ei nde. Ei ja eã ño mbae rete re. Emo ño mbia rete no nde. Emo ño quiaa riinda rete no nde. Ae mbebe quia, erete ae chõ ũqui no nde. Sira ae erete mo no nde.

⁴⁰ Ibatenda ae rei erete mo no. Ibi jenda ae erete mo no. Ibatenda ae rei erete turã mo no. Ibi jenda ae rei erete turã mo no. Ei ja eã ño mbae rete re.

⁴¹ Nyasi rendi rã eã ño tenda rendi re. Nyasi tata rendi rã eã abe no. Nyasi tata rendi chiabi abi chõ eno nde. Erendi turã ja raque.

⁴² Ei si chõ mbia raaque quera je re. Ae mbia raaque nandechitiquia quia nae, ũqui ndei soõ je ũqui. Ae ra quera si nae, ũqui nda soõ eã mbei cote. Manoa mbei ra eno.

⁴³ Ae nandechitiquia quia nae, eraaque tuchi chõ ũqui nde. Ae ra quera si nae, enininya tuchi chõ ũqui cote re. Etiquia mose, equirãcuã nae tuchi chõ aque mose re. Equera si mose, equirãcuã tuchi chõ aque mose cote re.

⁴⁴ ã nanderete nandereco ã nae, erete achõ ño ũqui nde. Quera si mose ra nyiicabo tuchi cote. Mbae ibi jenda ra mano ja. Ae ibi jenda eã nae, ũqui nda manoa no.

⁴⁵ ã ndei embesa ji cheẽ ã: “Ae Dios chao Adán nyii nae, aque reco que siqui rei nyii ra”, i que embesa ji ra. Ae tu Adán ndui Jesucristo, mbia mingo beisa rei aque.

⁴⁶ ã nanderete nandereco ã nae, mano mano mbei arõte. Ũqui nane nandereco nanderete ã. Aquere quiatu ra nanderetemo nandereco cote. Manoa mbei sacua cote.

⁴⁷ Ae Dios chao Adán nyii nae, ibi je chõ eao nguiã nyii. Nyebe ibi jenda bei ae re. Ae tu Adán ndui nae, Jesucristo i equia ee nae, ibatenda chõ aque re.

⁴⁸ ã nanderete nandereco ã nae, Adán ndete rã si chõ nanderete nandereco nguiã ã. Ibi jenda chõ ã nanderete re. Ae nanderete ra quera si nae, ibatenda rete rã ño nda ũqui cote.

⁴⁹ Ae Dios chao ibi je nyii nae, Adán i equia ee nae, aque rã si chõ nandeico nguiã nande abe namo ã. Aquere ra nandeico ibatenda rete rã cote.

⁵⁰ Nanderoo achõ ño nanderete re. Nanderuqui abe no. Ūquĩ oso aroneate ibate Dios récuua. Ae mano nguia soõ nae, ūquĩ nyoi aroneate Dios récuua. Ae mbia riqui manoa mbeite nae, huee nanderoo oso aroneate.

⁵¹ Ae rese mbia riqui jiranuate nae, ūquĩ tasenei na jêje. Nandemano ja eã ndae. Nandechiicabo ja chõ ndae.

⁵² Corneta pu i mose ra Dios nanderete mbuchiicabo asi cote. Nanderesa pirirã i rã nda Dios nanderete mbuchiicabo asi. Corneta pu i mose ra eraaque abe quera si manoa mbei nonde cote. Aque mose ra nandechiicabo bei nande abe cote.

⁵³ Ae nanderete nandereco namo ã nae, ã nda nyiicabo tuchi cote. Manoa mbei sacuaã cote. Soõ eã mbei nonde cote.

⁵⁴ Nanderete nyiicabo mose, ūquĩ mose ra embesa ji cheẽ io cote: “Nandemano ngue ua tuchi cote ra”, i ñi embesa ji re.

⁵⁵ Nanderasi ra nandechiicabo cote. Ibicua ra nanderaaroã cote.

⁵⁶ Nandechiicabo ño nandemano mbu quia nguia nande je co. Moisés chimbesa chõ nandechiicabo mbuchecua nguia nande je co.

⁵⁷ Dios ra nandemano siquisã mbei nandesĩ cote Jesucristo rĩ. Nyebe nandechiicabo nguia gracias i tuchi Dios je ã cote.

⁵⁸ Seresenda jẽmbirãcuã tuchi quiatu quia jê! ¡Jesucristo rese jẽingo bei quiatu quia jê! ¡Echeẽ jẽsenei senei mbei tuchi quiatu quia jê! Ae jẽsaã saã nguia Jesucristo rese nae, jẽsaã iru iruã ño nguia ūquĩ.

16

Ofrenda jembae jendecoquiato, i Pablo

¹ Ae ofrenda ra jemondo Jesús icuasa je nae, ūquĩ tasenei jêje. Acheẽ ngue Jesús quiato je ra. Galacia jenda je ra. Eraã si chõ jẽingo ae.

² Domingo mose bei jẽingo mbae rerecúe cúe ae. Ofrendar ã. Ae mbae isi atate quia, sã aque mbae rerecúe ata jiri ae. Ae mbae isi mĩte quia, sã aque co mĩ jiri rerecúe ofrendarã ae. Ūquĩ jemunua ino seso nonde jendea ae. Eĩ mose ra ofrendarã jẽsaã eã seico mose jendese cote.

³ Secuasẽ mose huee, jẽñimondo sacuaã mo jẽirabo ino, ofrenda rerao sacuaã. Cartas nandemondo ūquĩ oo. Ofrenda rese. Ūquĩ nda amondo Jerusalén ña. Ofrenda rerao sacuaã hue jenda Jesús quiato je.

⁴ Ofrenda tubiriã mose ra aso se abe erese.

Aso ra jendea, i Pablo

⁵ Macedonia ñi nane nda acua. Aquere ra aso ngasẽ jêje cote.

⁶ Aico arete jiri ra jendese huee reae. Ama mose bei ra aico jendese huee reae. Eĩ jenyẽ nda sembucua turã mondo cote, seso mose mbaranguiti.

⁷ Amaeño sereãte jendese secua mose. Aico arese rete jendese huee, Dios eno i mose seje.

⁸ Efeso taico are rã nyii. Fiesta de Pentecostẽ mose.

⁹ Dios cheẽ asenei senei arõ tuchite mbia je a. Mbia seanduse rete. Emo emo icuaã icuãte riqui Dios cheẽ nenei nenei mose seje ã no.

¹⁰ Timoteo ngasẽ mose jêje ¡jẽisi turã ño jê! ¡sã eireĩ nguia tuchi jẽsi jê! Se rã si chõ eriqui bei nguia Dios cheẽ nenei nenei mbia je aque.

¹¹ ¡Nyebe jemo Timoteo isiteã eã jê! ¡Jembucua turã ño imbu seje jê! Aico eraarõ arõ tuchi se a. Nanderesenda ataque rese.

¹² Acheẽ ndei que nanderesenda Apolos je ra. —Nde abe eso erea, ae rei que ee jeni nda. Oso sereã ngue namo nda. Osobi mose quia nda esi nguia jendea cote.

Pablo ñee hui bei

¹³ ¡Jenda tuchi quiatu quia jê! ¡Jesucristo jẽicua tuchi quiatu quia jê! ¡jẽsi quicheã tuchi quiatu quia jê! ¡jẽquirãcuã tuchi quiatu quia jê!

¹⁴ ¡Mbia rese jenyesequa tuchi quiatu quia mbae raã naa mose jê!

¹⁵ Seresenda, jẽingo Estéfanos chuchua jenda icua jate ūquĩ. Ūquĩ nane tuchi ngue Jesús icua Acaya jenda nyii nae. Ūquĩ ndiqui mbae mondo mondo bei Jesús quiato je ūquĩ. Ūquĩ ndiqui mbae raã naa mbei Jesús quiato je ūquĩ.

¹⁶ Ūquĩ na si chõ jẽingo. Ūquĩ ñee nda jemumbachĩ. Ae Dios cheẽ senei senei nguia nae ¡quĩ ñee nda jemumbachĩ jê!

¹⁷ Seya tuchi Estéfanos ngaẽ mose serea. Fortunato abe. Acaico abe. Ūquĩ ngue sembia tuchi ngaẽ jẽingoã mose a ra. Ae jẽsaã aroneate quia seje nae, ūquĩ ño ngue esaã ngaẽ seje a ra.

¹⁸ Ūquĩ ngue sechiã mbucoite Dios rese ra. Jẽña abe mbucoite ereae. Gracias jenyẽ bei ūquĩ je.

¹⁹ Jesús quiato Asia jenda ja chõ saludos mondo quia jêje aque. Aquila abe saludos mondo quia jêje aque. Priscila abe. Ae Jesús quiato ñumunua nua nguia ūquĩ nyuchua nae, ūquĩ ja abe saludos mondo quia jêje Jesucristo rĩ aque.

²⁰ Jesús quiato a jenda ja saludos mondo quia jêje aque. Jenyiquiaama ama ja quiatu quia Jesús rĩ.

²¹ Seo je tuchi co saludo ambesa mondo quia jêje aque. Pablo tuchi chõ se re.

²² Emo nyesequaã mose Jesucristo rese, sã Dios embasi. Echu, Jesucristo.

²³ Jesucristo turã nda siqui jendese chã.

²⁴ Achesequa ja chõ nguia jendese Jesucristo rĩ co. Amén.

SEGUNDA CARTA DEL APOSTOL SAN PABLO A LOS CORINTIOS

Pablo ucheẽ mbesa mondo Corinto jenda je

¹ Pablo chõ se re. Dios chiirabo chõ se re. Jesucristo chimondo chõ se re. Timoteo rese co ambesa mondo quia jêje aque. Jesús quiato Corinto jenda ja je. Acaya jenda ja je abe no.

² Sã Dios uturã mingo tuchi jendese. Sã Dios jembia bei mingo. Sã Jesucristo abe jembia bei mingo.

Pablo mbae rasi saã tuchi

³ Gracias nande bei tuchi quiatu quia Dios je. Jesucristo rute quia ae re. Ae quia eya eãte riqui nguiã nanderese co. Ae chõ nandeya eã mbuquiachã quiachã nguiã co.

⁴ Mbae icuã tu mose ure je chõ Dios riqui nguiã ureya eã mbuquiachã quiachã ure si co. Ure mbia mo mbia sacuaã abe chõ ñene. Mbae icuã tu mose ee.

⁵ Cristo rane ngue mbae rasi saã tuchi nyii ra. Mbia urembasi mbasi tuchi quia ure abe Cristo riã ã. Cristo riqui urembia tuchi ure abe ùqui mose co.

⁶ Ure mbae rasi raã mose, jêje chõ ñene. Ure mbae rasi raã mose nyii, jêingo sacuaã Dios rese chõ ñene. I nda jêya bei riqui mbae rasi raã mose. Dios ureya eã mbuquiachã mose, jêya eã mbuquiachã sacuaã abe chõ ñene. Eĩ nda jeñimbirãcuã tuchi mbae rasi raã mose. Sã ureico mbae rasi raã ure no.

⁷ —Mbae icuã tu mose ee, ñimbirãcuã turã nda Dios riã, ure beite equia jeniã ã. Mbae icuã tu mose jêje, Dios ra jêya eã mbuquiachã jesi. Sã seya eã mbuquiachã sesi no.

⁸ Mbae rasi que uresaã tuchite ureico mose Asia ra. Ùqui ndese taembiirandu. Mbia que ureucuayãte quia ra. Aete ureico ñimbirãcuã eã. —Mbae icuã nda hui eã mbeichi nandes re, ure rei que equia ra.

⁹ —Mbae icuã nda nandemingoã nyee, ure rei que equia ra. Mbae icuã tuutu bei mose ure je. Ure Dios icua sacuaã ño ngue ùqui nde. —Nande ae eã ñene, ure i sacuaã ño ñene. Sã Dios ae riqui mbia raque mbuquera uquirãcuã je no.

¹⁰ Mbae icuã ureiquia serĩ nguia nae, ùqui si que Dios ae urerirõ nda. Ùqui si eriqui urerirõ ndirõ mbei ã. Ùqui si ra eriqui urerirõ mbei no. Ùqui ureicuate quia ã.

¹¹ Jê abe jeñee Dios je urerĩ no. Mbia tubiriã ñee mose Dios je urerĩ, Dios ra ùqui ñee ñandu. Dios ra uturã mondo tuchi ure je. Ùqui nda gracias i tuchi Dios je urerĩ cote.

Pablo oso jei eã Corinto

¹² Ure que mbia mo urembirĩ irĩ ãte quia ra. Jê abe mbirĩ iriã no. Dios resendate que ureico jêje ra. Ureyate mbae turã naa naa mose jêje. Nyebe urechiã iate riqui nguiã. Dios ae chõ ngue uremingo mbae turã nde huee ra. Ureaquiutu ae eã ngue ra.

¹³ Ae urembesa mondo quia jêje nyii, ùqui jêicuate raque quia ùqui. Urechimbesa checuate raque. Urechimbesa nda jêicua ja tuchi rã seje chã.

¹⁴ Jê seicua jiri raque quia ùqui. Jêya tuchi rã nda urerese Jesucristo tu mose chã. Sã ureyate riqui jendese ã no.

¹⁵ Sã jêyate riqui serese co no. Ùqui aicuate quia se abe co. Nyebe acheẽ ndei nguiã sechiangui re nyii. —Tasobe rã erea. I nda eyabe jiri sesobe mose erea, ae rei que se nyii ra.

¹⁶ —Seso mose Macedonia, taicha bei oso jendea, ae rei que se ra. —Obei abe nda aichabe erea chã. I nda mbae mo mee seje sembu bei sacuaã Judea, ae rei que se no nda.

¹⁷ Se ndua mose ùqui ndese, ¿icuaẽte ùqui nde? ¿Acheẽ ñooño ño se quia ùqui nde? Se eno i mose, eno ae bei chõ nda se. Secheẽ nda ambuchebiã mbei. Jesús quiatoã ae ùqui saã nguiã.

¹⁸ Sã Dios ñee ñooñoa no. Eĩ ure quia ure abe urecheẽ mbuchebiã jêje ã.

¹⁹ Sã Dios rucucha ucheẽ mbuchebiã mbei no. Jesucristo i equia ee. Ae abe eno i bei quia co. Jesucristo si cheẽ ño ngue asenei senei nguia jêje resẽ. Timoteo rese. Silvano abe rese no.

²⁰ —Mbae turã nda asaã jêje, i tuchi rei que Dios quia nande je nyii ra. Jesús riã ño eriqui nguiã ùqui naa naa nande je ã cote. Jesús riã ño nandeico nguiã Amén i Dios je ã cote.

²¹ Dios ae chõ nandembirãcuã mingo nguiã Cristo rese co. Nandemingo icuẽ umbaerã.

²² Dios que nandeisirõ umbaerã nda. Umbaerã marca que emiã naanguia nanderese ra. Espíritu Turã ngue emondo nandechiangui re ra. Nanderereco quiatu sacuaã umbaerã.

²³ Aso eã equia jendea nae, jêireĩ nguiã sacuaã ño asoã nguiã jendea aque mose. Seso sereã ae eã ngue eno nde. Acheẽ ñooño eã ño nguiã jêje co. Dios riqui sechiã icuate co.

²⁴ —Jenderecuarã nda se, ae ãte quia co. —Co rese chõ jêingo ndua, ae aroneate quia jêje co. Taembia chõ Jesús rese. Ùqui miã ño asaã nguiã jêje. Jê ae chõ jeñimbirãcuã nguia Jesús icua ùqui.

2

¹ —Aso si eã nda ñee asi asi jêje jembia eã, ae que se ra.

² Seso mose jembia eã, aba quia ra sembia se cote. Jê ño sembia quia resê.

³ Nyebe ambesa mondo jêje nyii resê. Jê mbae mbitorô sacua seso nonde jendea. Seso sereãte que oso mae jêicua ndese ra. Sembia eã sacua. Jê nguia nda sembia nguia ña. —Seya mose ra jêya jê abe, ae que se ra.

⁴ Ae ambesa mondo jêje nyii nae, ûqui mose que seya eã tuchi riqui jendese ra. Acheseo chee que jendese ra. Jembia eã sacua eã ño ngue aque ambesa mondo nguia jêje. —Pablo ndua tuchichî nanderese, i sacua ño ngue ambesa mondo nguia jêje.

Ae mbae icua saã nguia nyii nae, aque jêisi turã ño cote, i Pablo

⁵ Ae siqui ngu ninisi rese nyii nae, sembia eã tuchi chõ aque re. Se mii eã ngue sembia eã nda. Jemo abe abe mbia eã ngue ra.

⁶ Mbae rasi que esaã tuchi huicua ñi cote ra. Jê emombo mose nyii. Jêisi turã ño cote.

⁷ Aque icua si jêtesarei chõ cote. Jêturã ño ee cote. Jembia jiri. † nda eya eã embiucha eã Dios si.

⁸ Jenyesequa tuchi chõ nguia erese jê. Jêturã sí chõ ee jê.

⁹ —Ma secheê mumba eã, ae que embesa mondo jêje nyii ra.

¹⁰ Jêtesarei mose aque icua si, se abe atesarei chõ nguia esi co. Jenii ño aico nguia tesarei esi co. Cristo resa rae chõ aico nguia tesarei esi.

¹¹ Nandetesarei mose emo icua si, Satanás siquiã sacua nanderese chõ ñene. Sã Satanás ndiqui aba mbiiri iri mbeite no.

Sechiã ngue ngoi eã mbei Troas ra, i ñi Pablo re

¹² Secuasê mose Troas Cristo cheê nenei nenei sacua, Cristo que mbia mbuchiisaquia tuchi rei secheê andu ra.

¹³ Tito oreãte que seje huee ra. Nyebe sechiã ngoi eã mbeite nguia. Nyebe “co acua quia co” ae nguia hue jenda je. Macedóniaa ngue aso cote ra.

Dios uremingo turã mbeite quia Cristo rã co

¹⁴ Aico gracias i beite Dios je co. Ae chõ uremingo turã mbeite nguia Cristo rã co. Ae chõ urembirãcua nguia mbae icua si co. Ae chõ ucheê senei senei quia nguia ure je mangue jenda chooña je co. Aba mbushimbura rã tuchi chõ echeê nde. Sã aba mbushimbura riqui mbae mbushimbu turã jate no.

¹⁵ Cristo riqui urechiangui re co. Nyebe ureico nguia aba mbushimbura rãte Dios je ã. Ure Dios cheê nenei nenei mose, emo emo ño echeê isi nguia. Siqui bei sacua. Emo emo ño echeê isiã nguia no. Nyoï sacua tata cuasu.

¹⁶ Ae ra nyoï tata cuasu nae, mbae shimbu icua naanguia chõ Dios cheê ndiqui nguia ee. Ae ra siqui bei quia nae, aba mbushimbura turã naanguia chõ Dios cheê ndiqui nguia ee. †Aba chõ eaquiato Dios cheê nenei nenei ña?

¹⁷ Ae Dios cheê senei senei ñooño nguia nae, ûqui na eã ño ureico nguia Dios cheê nenei nenei ure ã. —Mbae mo jembu rã ure je, ureã tuchi chõ nguia Dios cheê nenei nenei mose jêje ã. Sã eataque riqui Dios cheê abi abi erenei nenei mose no. Eï eã ño ure re. Dios cheê uresenei turã ja chõ nguia ure. Ureico mingue chõ nguia erenei nenei ure ã. Dios chõ ngue ureirabo nguia ure. Cristo quiato chõ ure re. Dios résaa chõ ureico nguia echeê nenei nenei ã.

3

Jesús cheê yasu nandereco quia ã cote

¹ †Ure cuasu uresaã saã si rei nguia jêje ã nde? Tei. Jenyicua ja chõ ure resê. †Emo nda ureturã senei mbesa mondo jêje re? †Emo nda jêturã senei mbesa imbu ure je re no? Tei. Nandechicua ja chõ equia ã ndesê.

² Aico jenderequia beite sechiangui re co. Embesa ji rese mae na ño mbia riqui nguia mae jendese ã.

³ Urechimbuaquiato chõ jê ndesê. Cristo chimbura rã ño jêingo nguia. Tinta je eã ngue jembesa ra. Espiritu Turã je chõ ngue jembesa nguia. Sita eã ngue Cristo mbesa nguia. Jênia ño ngue embesa nguia.

⁴ Cristo chõ ã icua nguia seje. Dios résaa chõ aico nguia ñee jêje ã.

⁵ Sequirãcua ae je ra mbae aicuayã. Dios chõ uquirãcua mee nguia seje mbae icua sacua.

⁶ Dios chõ uquirãcua mee nguia seje, ucheê yasu renei nenei sacua. —Embesa ji cheê jemumbayã mose ra jaemingo bei, i ãte Dios quia nande je ã. Espiritu Turã ae chõ aba mingo bei nguia. —Embesa ji cheê tamumbayã mbei chõ nguia seico bei sacua, i mose emo, aque ra siqui bei eã. Espiritu Turã ae nandemingo beisa re.

⁷ Sita mbesa ji Moisés quereco quia nae, mbae nininya tuchi que eriqui aque mose ra. Mbia mae sayã tuchi que Moisés ruba riqui ra. Moisés ruba nininyate quiato ngue eriqui nguia ee. Enininya que uque uquete oso quia cote ra. Moisés chimbura mbia mingo bei areate. —Mbia siqui icua mose, mbia ra mano, i que Moisés chimbura mbia mbiirandu ra.

⁸ Mbae nininyate raque aque mose. Ae Jesús cheê yasu nandereco namo ã nae, ûqui nguia rei enininya tuchi Moisés chimbura si.

⁹ Moisés chimbura quiato que mbia mbiirandu tuchi huicua ndese ra. Jesús cheê yasu quiarei nandembiirandu nandeicua

mbitirō ndese. Jesús cheē yasu quiarei enininya tuchi Moisés chimbese si.

¹⁰ Moisés chimbese quiarei enininya eā jiri Jesús cheē yasu si. Jesús cheē yasu quiarei i tuchi Moisés chimbese si.

¹¹ Moisés chimbese que siqui bei sacua eā nda. Jesús cheē yasu quia siqui bei sacua nde. Nyebe Jesús cheē yasu enininya tuchi Moisés chimbese si re.

¹² Jesús cheē yasu ra siqui bei. Ūquĩ nanderucate quia ā. Nyebe ureico nguiā ñee tuchi jēje ā. Mbae mbuchecua tuchi jēje.

¹³ Moisés rā eā ño ureico nguiā ure ā. Moisés que nguba chatite quia aque mose ra. —ƒ nda judíos mae eā seruba nininya que rese, i.

¹⁴ Judíos que Moisés chimbese icuayāte quia ra. Namō abe eicuayāte. Emo leer i mose Moisés chimbese je judíos je, icuayā mbeite. Ae siqui Cristo rese nae, ūquĩ mii ño Moisés chimbese icua nguiā.

¹⁵ Namō abe judíos Moisés chimbese icuayāte quia ā. Emo leer i mose ee, echecuyā mbeite riqui ee ā.

¹⁶ Emo uba mose Jesús rese, Moisés chimbese abe ra echecuate ee cote.

¹⁷ Jesús si rei Espíritu Turā. Nandeico mose Espíritu Turā ndese, ae chō nandembui mingo nguiā Moisés chimbese si ā.

¹⁸ Nande Jesús icua mose, espejo rā ño nanderuba riqui nguiā. Jesús ruba nininya rā i i chō nande re. Espíritu Turā abe siqui i i chō nguiā nanderese. Nyebe nandeico i i nguiā Cristo rā ā.

4

¹ Dios turāte eriqui ure je co. —Jesús cheē yasu jēsenei senei mbei mbia je, i Dios quia ure je co. Nyebe ureico nguiā ñimondocho āte echeē nenei nenei mbia je ā.

² Mbae icuā asaā saā nyecuayā eāte quia co. Ae aba ireite riqui nae, ūquĩ asaā saā eāte quia co no. Mbia ambiiĩ irĩ eāte quia Dios cheē nenei nenei co no. Secheē ambeta mbeta eāte quia Dios cheē je co. Dios cheē ndui si tuchi chō aico nguiā erenei nenei co. Dios rēsaā chō aico nguiā erenei nenei co. Secheē ñoñoa mbia icuate raque quia uchiangui re ūquĩ.

³ Ae asenei senei mbeite quia Jesús rii nae, echecuyā eā ño ūquĩ nde. Ae ra nyoĩ tata cuasu nae, ūquĩ mii je chō echecuyā nde.

⁴ Jesús icua eāte quiatu nguiā. Nyebe aba checuayā nderecua riqui nguiā embaaracuayā Cristo cheē turā nii co. Nyebe eriqui nguiā Cristo nininya icuayāte co. Dios rā tuchi rei Cristo.

⁵ Se mbia mbaaquiātu quiātu mose, serii eā ño aico nguiā ñee ee. Jesucristo rii ño ñene. Ae rei mbia rerecuarā tuchi. Jenimba rā ño aico nguiā Jesús rii se co.

⁶ Dios que nyaashĩ saā nyii ra. Itondaru beire nyii. Ae sí que nandembaaquiātu quiātu Jesucristo rii nda. Ae sí que Jesucristo nininya mingue nandechiangui re ra. Dios nininya rei Cristo nininya rā si.

Dios ae rese aico co, i ñi Pablo re

⁷ Ure ae urenininya eāte raque. Tuchi achō na ño ureico nguiā Jesucristo nininya siquiā mose urerese. Dios ae chō uquirācuā mee nguiā ure je co.

⁸ Mbae icuā tā i bei beite raque ure je. Urechimondocho eā mbei rae. Mbae aba mbecoteā chĩchĩte raque. Urehui eā mbei ra Jesús si.

⁹ Mbia siqui icuā icuāte raque ure je. Dios quia hui āte nguiā uresi co. Mbia ureririrōte raque. Urembui eā mbei quia nda Dios si re.

¹⁰ Sā mbia icuā icuā ndiqui Jesús je cose no. Sā eiquia no. Eĩ si chō mbia nguiā ureiquia serĩ serite ā no. Mbia mae sacua Jesús quirācuā ndese chō ūquĩ nde. Ae quera si nae, aque quirācuā ndese mae sacua ño ūquĩ nde.

¹¹ Ureico raque ure ā. Mbia ureiquia serĩ serĩ mbeite quia Jesús rii ā. Jesús quirācuā siqui sacua urerete quirācuā nea ndese chō ūquĩ nde. Mbia mae sacua Jesús quirācuā ndese chō ūquĩ nde.

¹² Uremano serĩ serite equia ā. Jēingo turā sacua Jesús rese chō ūquĩ nde.

¹³ Sā embesa ji ñee no: “Dios icuare chō aico nguiā ñee”, sã i no. Eĩ si chō ure no nde. Dios icuare chō ureico nguiā ñee.

¹⁴ Sā Dios quirācuā Jesús raaque mbuquera no. Eĩ si ra Dios nandembuquera Jesús rii nande abe. Ae ra nandemingo turā ja ujii cote.

¹⁵ Seje mbae icuā icuā mose, jemingo turā sacua ño ūquĩ nde. ƒ nda Dios uturā mee mbia tubiriā je. ƒ nda mbia tubiriā gracias i tuchi Dios je. Dios iate mbia ūquĩ naa mose.

¹⁶ Nyebe ureico nguiā ñimondocho eā mbei. Ureerete si raque quia ngote quia cote. Urechimbiasu i i chō nguiā urechiangui re ā.

¹⁷ Ae rasi uresaā nguia ā nae, ūquĩ ndasi ra ua jei chō. Ūquĩ ndasi raande nyii ra Dios mbae turā mee mbei ure je cote. Dios chimee turā nda ua eā mbei uresi cote.

¹⁸ Ae rese nandeico mae mbae nae, ūquĩ nda ua jei. Ae rese nandeico mae eāte nae, ūquĩ nguia ra ua eā mbei. Nyebe ureico nguiā ndua mbae nandemae sayā ndese.

5

¹ Sā tuchia riqui shii jeite no jē. Eĩ si chō nanderete no nde. Mano jei. Mbia serete iquia mose, tuchia ao ji mo ñi ibate seraarō arō pe. Dios chisaā ño hue re. Hue tuchia ra shii eā mbei. Mbia chisaā eā ño ñene.

² Tuchua mo na ndei nanderete. Shii jei. Co serete rerequia mose, aico jibute co. Co aico oso sete sechuchua ibatenda rea co.

³ I nda serete yasu areco bei pee ibate.

⁴ Tuchua mo na ndei nanderete. Co serete rerequia mose, aico jibute co. Seya eâte aico co. Semano sereâte raque. Serete yasu quia areco sete nguiã. Mbae yasu ja ra aque mose seje cote. Amanoa mbei ra aque mose cote.

⁵ Uquĩ je chõ ngue Dios sererecoquiato nguiã. Semingo turã mbei ra cote. Nyebe Espiritu Turã mondo nguiã seje. Sembiranduro sacuaũ uquĩ ndese. Dios Espiritu Turã mondo mose seje, umbae marca mii naanguia serese chõ uquĩ nde.

⁶ Nyebe aico nguiã ñimondocho eâte co. Ñ nanderete rerequia bei mose, eĩ nda nandese aroneate rei ibate siqui Jesús rese.

⁷ Aico beite Dios icua co. Amae ãte raque erese. Ae rese nandeico mae nae, uquĩ ndese aico ãte co.

⁸ Nyebe aico nguiã ñimondocho eâte co. Co serete ajea bite raque oso sacuaũ ibate siqui bei nonde Jesús rese.

⁹ Ae Dios bite nae, uquĩ asaã sete quia ee co. Dios seisi turã nonde chõ uquĩ nde. Aa seico mose. Pee ibate seico mose abe no.

¹⁰ Cristo resaa ra nandecu ja emo mose. Ae nanderea sacuaũ. Nandeicua sacuaũ. Ae mbae turã saã saã nguia siqui mose íbii nae, Cristo ra mbae turã mondo uquĩ je pee cote. Ae mbae icua saã saã nguia siqui mose íbii nae, uquĩ je ra Cristo mbae icua mondo

Dios ae nandemingo turã nguiã uchiese Jesucristo rii co

¹¹ Aba siquichesa tuchi cho Dios re, mbia siqui eã mose erese. Nyebe ureico nguiã mbia mbuti mbuti tuchi co. Dios riqui ureicuate co. Jẽ abe jẽingo ureicuate uquĩ ndenoae.

¹² Ñ ureico urecuasu raã naa si ãte raque ã. Jembia sacuaũ ño ureico nguiã ñee urerĩ sí ã. I nda jeñee aquiato mbia icua ñee ndibishorõ. Ae uturã saã ñooño nguia nae, uquĩ ñee ndibishorõ sacuaũ ño ñene.

¹³ Urearacuayã mose, Dios cheẽ ndese siqui sacuaũ ño ñene. Urearacua mose, jembaaquiato sacuaũ ño uquĩ no nde.

¹⁴ Sã Cristo nyesequa tuchite nanderese no. Ae chõ sembuti mbuti nguiã co no. Cristo que mano nande ja je ra. Nyebe nande abe nandemano ja nguiã erese.

¹⁵ Cristo que mano nande ja je ra. Ae nandebite riqui nae, uquĩ ndese nandeico eã sacuaũ ño Cristo mano nguiã. Ae Cristo bite riqui nae, uquĩ ndese nandeico sacuaũ nguiatu ngue Cristo mano nguiã. Nande je que Cristo mano nda. Nande je que Cristo quera si no nda.

¹⁶ Jesús quiatoã na eã ño ureico nguiã mae mbia rese ã. Urechesequa chõ nguiã mbia rese ã cote. Urechesequa eâte raque Cristo rese nyii.

¹⁷ Emo ñimbuca mose Cristo rese, mbia yasu rã ño uquĩ cote re. Ae esaã saã nguia mbae icua nyii nae, uquĩ si que hui ja cote ra. Mbae yasu ja chõ ee cote re.

¹⁸ Dios ae uquĩ saã ja nguiã nande je co. Dios ae nandemingo turã nguiã uchiese Jesucristo rii co. —Mbia emingo mingo bei serese sequia torã jẽ, i que Dios seje ra.

¹⁹ —Sã mbia sequiatorã ja, i que Dios Cristo rii nda. Uquĩ je chõ ngue Cristo mano nguiã. Mbia icua mbutiã sacuaũ esi chõ ngue Cristo mano nguiã. —Mbia emingo mingo bei serese sequiatorã jẽ, i que Dios seje ra.

²⁰ Cristo chõ sembuheẽ nguiã co. Secheẽ ae eã ñene. Dios ñee na jẽje chõ aico nguiã ñee jẽje co: Dios quiatorã ño jẽingo jẽ.

²¹ Mbae icua mo ngue Cristo saã eâte rei ra. Dios que mbae icua naasa saã tuchi ee ra. Dios nandemingo turã mbei sacuaũ ño uquĩ nde. Sã Dios nandemingo turã mbei nandeico mose Cristo rese no.

6

¹ Dios resenda chõ ureico nguiã Dios cheẽ nenei nenei ã. Dios turã jëisi chooñoa ño nguia jẽ. Jëisi tuchi quiato jẽ.

² Eĩ ngue embesa ji huĩ Dios cheẽ nda: “Jeñee mose seje, jeñee ngue achandu ra. Aendirõ ngue mbae icua si ra”, i que Dios mbi a je cose ra,

i ñi embesa ji re. Namõ ño Dios riqui nguiã aba cheẽ anduse co. Namõ ño Dios riqui nguiã mbia rirõse eicua si co no.

³ Ñ ureico mbia mo mbirĩ irĩ eãt e ã. I nda mbia urecheẽ andu turã Jesús rii.

⁴ Mbae uresaã turã sete quia ure ã. —Dios rimba turã ño uquĩ nde, i nonde mbia ure rii. Nyebe ureico nguiã ñimbirãcuã tuchi mbia icua mose ure je ã. Mbae tiã mose abe ure je.

⁵ Ureirua nua ngue equia ra. Uretarõ tarõ mbei que equia ra. Urerocoteã mbei que eriqui ra. Ureque reã tuchi que equia ra. Ureriaacuã tuchi que eriqui no nda.

⁶ Uquĩ icua eĩ eĩ mose ure je, ureico turãte que equia ra. Ure que Dios ureicuate quia ra. Urechimbirãcuãte que equia ra. Ureico turãte que equia mbia je no nda. Espiritu Turã ngue siqui tuchi urerese no nda. Urechesequa chooñoa ngue equia mbia rese no nda.

⁷ Dios cheẽ ichoiñosa reã ngue uresenei senei tuchi quia mbia je ra. Dios quirãcuã ngue siqui tuchi quia urerese ra. Ae uturã Jesucristo mee nguia ure je nae, uquĩ mii ño ureraquiato bei nguiã co.

⁸ Emo emo mose mbia riqui ñee turã urerĩ ã. Emo emo mose mbia ñee icua urerĩ no.

—Aba mbĩĩĩ irĩa, i tuchi que mbia quia ure je emo emo mose no nda. —Ae bei jẽĩ i tuchi que equia urecheẽ je emo emo mose no nda.

⁹ Mbia rĩqui urerirĩrõ ndirõ emo mose ă. Emo emo mose eriqui ureisi tură turăte ă no. Mbia ureiqua arõ arõte raque quia ă. Urereco ureico beite ă. Mbia urembaasi asite raque quia ă. Ureiqua eăte no.

¹⁰ Ureya eăte raque. Dios rese quia ureyate re. Mbaecha reă ndaque ure no. Mbaecha que uresaă uquia tuchi mbia je ra. Mbae eă tuchi raque urembae. Dios rese quia urembae tubiriă tuchi re.

¹¹ Urecheẽ nyecuate que jẽje ra. Urecheẽ ngue jembĩĩĩ irĩa tuchi quia ra, Corinto jenda. Ureico nyesequa tuchi jendese a.

¹² Ure que urechao eă jẽsi ra. Jẽ nguiatu ngue jenyao nguiă ure si.

¹³ Să mbia mo ndiqui ñee nguiĩĩ je no. Eĩ ae chõ nguiă ñee jẽje. Jendu ră ño aico nguiă jẽje. Jenyesequa tuchi chõ nguia serese. Să aico nyesequa jendese no.

Dios chuchua tuchi chõ jendete re

¹⁴ Dios quiatoă ndese ra jẽĩmbuchachi jẽ. Dios quiatoă na eă ño jẽ nde. Să mbae tură ndiqui mbae icuă mbĩrõ no. Să nyaashi ndiqui itondaru mbĩrõ no.

¹⁵ Să Cristo rĩquiă Satanás ndese no. Eĩ si chõ Cristo quiato siqui aroneate nguiă Cristo quiatoă ndese no.

¹⁶ Să Dios abareă siqui aroneate Dios chuchua no. Jendete rei Dios chuchua tuchi. Dios rĩqui tuchi jendete ye ũqui. Să Dios ñee ă no:

Erete ye ra aico. Ererecură nda se.

Mbia ra siqui serui,

să i Dios no.

¹⁷ Dios cheẽ ño ă no nde:

Jẽhui chõ mbae icuă si. Icuẽ jẽingo.

Mbae icuă ndese ra jẽocochĩ.

Jaĩisi tură nda se chă.

¹⁸ Jendură nda se chă.

Seriirina nda jẽ ña.

Seqĩrăcuăte se,

i que Dios cheẽ mbesa ji ra.

7

¹ Dios cheẽ ño ă nde. —Aico bei ra jendese, i que ra. Nyebe nandehui mbae icuă si ñĩmbitirõ mbei. Cochee chõ nandeico Dios je. Nandereco nandemee tuchi ee.

Seyata aico jendese co cote, i ñĩ Pablo re

² Ureisi tură ño jẽ. Mbae icuă mo ngue uresaă ăte jemo je ra jẽ. Ureico que equia jembĩĩĩ irĩ ăte ra jẽ.

³ Jẽicuă i sacuă eă ño aico nguiă ñee jẽje. Acheseca tuchite quia jendese co. Semano mose chee. Să ñĩ acheẽ jẽje nyii no.

⁴ Seyate aico jendese co. Secheẽ nda emumbayă, aete se quia jeni co. Mbia icuă icuă mose seje, seyata aico jendese co.

⁵ Urechu que aa Macedóniaa, aque mose bei que urerecoteăte ra. Mbae icuă ngue uremingo asi asite rei quia ra. Mbia icuă icuăte que eriqui rei ure je ra. Sechiă ngue ngoi ăte rei quia ra.

⁶ Dios que sechiă mbocoi Tito ngasẽ mose cote ra. Să Dios rĩqui uquiato mbia beite eya eă mose no.

⁷ Tito miĩ ndese eă ño seya re. Seya tuchi que sembiirandu mose jendese no nda. Jẽ nane ngue jẽnee Tito mbĩrăcuă nda. Aquere que Tito ru sembirăcuă cote ra. —Hue echi ndua tuchite nderese huee, i que u ñee seje ra. Nyebe seya tuchite rĩqui nguiă jendese. Jẽtesarei eăte quia equia sesi reaẽ.

⁸ Ae ambesa mondo jẽje nyii nae, ũqui ngue jembia eăte rei ra. Erea ramo mose. —Amondo jirichĩ nguia, ae rei que se quia nyii ra. —Amondo jirichĩ nguia, ae ăte se quia co cote.

⁹ Seyate aico jendese co cote. Jẽya eă niĩ eă ño ñene. Jẽĩmbitirõ nguiatu ngue re. Maende sechimbasa rese. Sechimbasa jembia eă mose jẽicuă ndese, Dios rese que jendua cote ra. Sechimbasa chõ jemingo tură nguiă cote.

¹⁰ Emo ia eă ñooño mose huĩcuă ndese, ũqui nda nyoi tata cuasu. Emo ia eă tuchi mose huĩcuă ndese, hui ra huĩcuă si cote. Dios ra emingo bei cote. —Ahui jirichĩ nguia seicuă si, iă tuchi rae.

¹¹ Sechimbasa oso mose jẽje, jẽya eă tuchi que jẽicuă ndese ra. Nyebe Dios ia tuchi rĩqui nguiă jendese. Jendua tuchi que ra. —Mbae icuă ngue uresaă eăte resẽ, jemae eăte que ra. Mbae icuă ndese que jemae sereă tuchi cote ra. Jẽireĩ ireĩte que equia mbae icuă si ra. Jemae sete que equia serese ra. Ae siqui ngu ninisi rese nae, aque que jemombo cote ra. Mbae que jẽsaă tură jate ra. Eicuăte i aroneate que emo nguia jẽje ra.

¹² Ae siqui ngu ninisi rese nae, aque je eă ngue ambesa mondo nguiă. Eru je eă ño ngue eno nde. Jẽ ja je chõ ngue ambesa mondo nguiă. —Pablo rĩqui nyesequa tuchi chĩ nanderese, i ja nonde chõ ngue ambesa mondo nguiă.

¹³ Nyebe ureya tuchi rĩqui nguiă jendese co cote. Jẽ ngue Tito abe jembia cote ra. Jẽ hui mose mbae icuă si. Seirandu mose ũqui ndese que seya tuchi se abe cote ra.

¹⁴ Să ñĩ aico jẽtură nenei nenei Tito je nyii no. Eĩ jenje si tuchi equia siqui turăte ũqui. Nyebe seireĩ ngũiate rĩqui nguiă ñee jeni ũqui. Acheẽ ñooñoa ngue jẽtură niĩ Tito je ra. Să aico ñee ñooñoa emo mose jẽje no.

¹⁵ Tito rĩqui nyesequa i ite jendese co. Ndua beite equia jendese co. Echeẽ nguiatu que jemumbayă tuchi quia ra. Cocheete quiatu que jẽingo ee ra. Jẽisi turăte quiatu que equia ra.

16—Ũquí nda siqui tuchi Dios rese, ae tuchi se quia jeni co. Co seyate aico jendese co.

8

Jembae jemee jiri quia Dios je

1 Jesús quiato Macedonia jenda tasenei jêje cote, Seresenda. Hue jenda ja iglesias. Dios turã tuchi que eriqui ũquí ja je ra.

2 Mbia icuâte que eriqui rei ee ra. Eya beite chõ ngue eriqui ra. Mbaecha reã ndaque. Mbae que emondo tuchi guia Jesús quiato je ra. Mbaecha rã tuchi mbae mondo mbia je.

3 Umbae que emee tuchi ra. Embae tubiriã eã ndaque. Abei tuchi quiatu ngue re. Amae ngue erese ra.

4 —Ure abe ra urembae uremee tuchi Jesús quiato je, i tuchi que seje ra.

5 Mbaechõ eã ngue emee Dios je ra. Nguete rane ngue emee ee ra. Ure je abe que nguee mee nda. Mbae turã naa naa mbei sacua ure je Dios riã. Aquere que umbae mee tuchi Jesús quiato je cote ra.

6 Macedonia jenda umbae mee tuchi mose Dios je, urendua que jendese cote ra. Nyebe Tito amondobe quia aque. Tito jembae ofrenda munua nua ja sacua. Sã Tito ñee nyii no. —Tamunua nua ja, sã i no.

7 Sã jêingo Dios icua tuchi no. Sã jêingo Dios cheẽ icua jate no. Sã jêaquiatute mbia mbaaquiato no. Sã jêingo sete riqui Dios cheẽ ndese no. Sã jêingo nyesequate serese no. Nyebe jembae jemee tuchi quiatu ofrendarã cote.

8—Secheẽ nguire quiatu jembae jemondo Dios je, ae âte se quia co. Jê ae chõ jendua mbae mee nonde. Jesús rese jenyescua tuchi mose, jembae ra jemee mee Jesús quiato je. Sã Macedonia jenda umbae mee mee Jesús quiato je no.

9 Nandererercua tuchi chõ Jesucristo re. Jesucristo turã jêicuate quia ũquí. Mbaecha tuchi rei que ae ereco mose ibate ra. Mbaecha reã ngue esaã tuchi i ibii nande je ra. Eriã ño Dios riqui nguia mbae mondo tuchi nande je. Ae mbaecha reã naa mose u ibii.

10 Tacheẽ tuchi rã jêje. Tenda nongue mose que jenduate Jesús quiato mbaecha reã ndese ra. Mbae que jemondo sete quia ee ra. Jê nane ngue “ofrenda nandemondo” jenyje Macedonia jenda si ra. Cosete que jênee ñee. Jemondo turã cote.

11 Ae ra jemondo nae, ũquí ja jemondo jei eae. Mbae jemondose jiri quia ee. Sã mbae jemondose ee nyii no. Jembae tubiriã mose, jemondo tuchi ee. Jembae mi mose, co mi jemondo ee.

12 Nande mbae mo meese mose, Diobi tuchi chõ ũquí nde. —Mbae tubiriã embu seje, iã nda Dios mbaecha reã je.

13 —Jembae jemondo ja tuchi mbaecha reã je, ae âte quia jêje co.

14 Sã jembae nyiabiã jiri mbaecha reã mbae rese. Sã jembae tubiriã namo no. Eme sacua ũquí je. Emo mose ra ũquí mbae tubiriãte no. Emondo sacua jêje jembae eã mose no. ũquí mose ra jembae nyiabiã jiri ja cote.

15 Sã embesa ji riqui ñee no: Ae mbae tubiriãte nae, embae rire eãte que ra.

Ae embae miite nae, embae que ua eãte ra, i que embesa ji ra.

Tito ra nyoijendea, i Pablo

16 Sã aico ndua tuchi jendese co no. Eĩ si tuchi Dios quia Tito mundua jendese co. Nyebe aico nguia gracias ite Dios je co.

17 Tito si quia jendea aque. Secheẽ nguire achõ eã esi nguia jendea aque. Ae abe que ndua jendese ra.

18 Tito rese Jesús quiato mo amondo quia jendea aque. Jesús quiato ñee turã jate quia aque riã aque. Jesús cheẽ nguiatu esenei senei mbeite nguia aque.

19 Jesús quiato que aque irabo ra. Oso sacua serese. Ofrenda munua nua sacua serese. Sã ureico ofrenda munua nua Dios mbia sacua no. Mbia “abei” i sacua jêje.

20 Ae que siqui beite urerese ofrenda isi isi mose ra. Mbia ñee icua eã sacua ure riã. “Ofrenda que embuquiachã nda”, i eã sacua mbia ureriã.

21 Mbae uresaã turãse rete quia ã. Dios ia tuchi sacua ure rese. Mbia abe ñee icua eã sacua ure riã.

22 Ureresenda mo abe uremondo quia ũquí ndese aque. Ae quiarei mbae raã naase bei Dios je. Oso sete equia jendea co.

23 Tito rei seresenda tuchi. Siqui bei que equia serese Dios cheẽ nenei nenei mose ra. Ae nyo i quia jendea Tito rese nae, iglesias chõ emondo nguia jendea ũquí. Cristo quiato tuchi chõ ũquí nde.

24 ũquí jêisi turã ja chõ jê. Sã urecheẽ ee jeni nyii no. —Jêisi turã ndae. Nyesecua tuchi ra jendese, ure que ee nyii ra. Nyebe jêisi turã ño. Eĩ nda iglesias jenda ja abe “eturã” i jeni.

9

Jembae ofrenda jemunua ja rã emondo sacua mbaecha reã je

1 Aete aico embesa eã jêje ofrenda riã. — Ae ae chõ nda mbae mo mondo nguia Jesús quiato je, se ñee mose rocoĩ ee, ae que se ra.

2 Jê ae chõ mbae jemondose nguia Jesús quiato mbaecha reã je ũquí. Jeni ño aico nguia ñee Macedonia jenda je co. —Tenda nongue mosenda bei chõ Acaya jenda riqui nguia mbae mondose Jesús quiato je ũquí, ae se quia Macedonia jenda je jeni co. Nyebe

ũquĩ abe riqui nguiã mbae mee sete ee cote. Jirandure jendese.

³ Aque mbia amondo quia jendea aque. Jê icoquiato sacuã. Mbae jemondo sacuã Jesús quiato mbaecha reã je. Ureireite ra jê ofrenda mondo eã mose se ñeende jenĩ nyii.

⁴ Seso mose jendea, Macedonia jenda mo abe ra nyoi serese reae. Jê ofrenda munua eã mbei mose, ureireite ra urecuasê mose hue.

⁵ Nyebe ã nane amondo nguiã jendea aque. Jembae ofrenda munua ja sacuã. Ae rĩ jênee ndei tenda nongue mose. — Ofrenda jemunua na, ae bei sereate se. Jê ae chõ ofrenda jemunua nua, jenyesequa mose mbia rese.

⁶ Jendua rã ã ndese: Ae mbae mĩ jiri chitiquia quia, aque ra mbae a ucua mĩ jiri. Ae mbae chitiquia tuchi quia, aque quia ra mbae a ucua tuchi.

⁷ Mbae ata nandemondose mose nandechiangui re, mbae ata nandemondo chõ. Mbae mĩ nandemondose mose nandechiangui re, mbae mĩ nandemondo chõ. —Mbae amondo jirichí, nande mose nandechiangui re, eicuãte ũquĩ. Ae eyate riqui umbae mee mose emo je nae, Dios bite ũquĩ.

⁸ Dios quirãcuã tuchite riqui co. Mbae emondo ja arõte quia nande je co. Mbae ua eã mbei sacuã nandesi. Mbae nandemondo mondo bei sacuã Dios quiato mbaecha reã je.

⁹ Sã embesa ji riqui ñee no: Mbae que Dios quiato mondo mondo bei quia mbaecha reã je ra.

Echisaã turã si ra mbia tesarei eã mbei, i que embesa ji ra.

¹⁰ Dios chõ mbae eĩ mondo nguiã nande je eti quia sacuã. Dios chõ mbae mondo nguiã nandechiurã no. Dios chõ “jabei chõ jê jê!” i nguiã nande je. Dios chõ mbae mee nguiã nande je emondo sacuã mbia mo je.

¹¹ Dios ra mbae mondo tuchi jêje. Eĩ nda jê mbae jemondo tuchi ofrendarã. Se jêñimee ofrenda mondo mose mbaecha reã je, gracias i tuchi ra Dios je cote.

¹² Nande mbae mo mondo mose Jesús quiato mbaecha reã je, quiaru turã jiri ra equia cote. Ũquiño eã nda esaã nguiã. Gracias i abe ra Dios je.

¹³ Jê mbae mo mee mose Jesús quiato mbaecha reã je, mbaecha reã nda ñee turã Dios je jenĩ cote. —Cristo cheẽ emumbayã tuchi quia ã, i ra jenĩ cote. —Eriqui mbae mee tuchichí mbia ja je, i ra ñee turã jenĩ cote.

¹⁴ Mbaecha reã nda ñee tuchi jenĩ Dios je cote. Dios jendeaquiato sacuã. Mbaecha reã nda ndua tuchite jendese cote. Jê mbae mondore ee nyii.

¹⁵ Dios quiatu que mbae turã tuchi mondo nande je ra. Nyebe nandeico nguiã gracias i ee.

10

Mbia mbaaquiato sacuã ño Dios semii nguiã

¹ Se rei Pablo. Tacheẽ nyecua jêje. Nandeico mingue chõ nguiã Cristo rã si jê. Cochee chõ nandeico Cristo rã si jê. — Cochee chõ Pablo riqui nguiã siqui mose nanderese. Siqui eã mose nanderese, ucuasu esaã saã ño nguiã aque, jenye chõchí equia serii ũquĩ.

² Mbae jësaã turã turã ja chõ nguiã. f nda acheẽ asi asiã jêje seso mose jendea. Emo emo ñee icuã ño nguiã serii. —Dios je eã ño Pablo riqui nguiã mbae raã naa, i serii. Ũquĩ je quiatu acheẽ asi asi arõte nguiã.

³ Mbia chõ ndaque se. Mbia quirãcuã je eã ño aico nguiã mbae raã naa co. Dios quirãcuã je chõ aico nguiã mbae raã co.

⁴ Sequirãcuã je eã ño aico nguiã mbae raã. Dios quirãcuã je chõ ñene. Nyebe aico nguiã mbia icuã ndiquisã quisã co. Mbia icuã quirã cuãteraque.

⁵ Ae mbia mundua icuã icuã nguiã Dios rĩ nae, ũquĩ asiquisã quisã ño nguiã co. Mbia amundua turã ja quia Cristo rĩ co. Cristo cheẽ mumbayã sacuã cote.

⁶ Jê nane Dios cheẽ jemumbayã na jê. Aquere ra Dios cheẽ mumbasa amombo ja cote.

⁷ Mbia chiangui renda rese jemae ãte. Earonda rese chõ jëingo nguiã mae. —Cristo mbae chõ se re, i mose emo, ae mĩ eã ño Cristo mbae re. Se abe chõ ñene.

⁸ Se ecuasu raã naa mose, seireĩ nguiãte. Dios quiatu ngue semii nguiã ererecuarã. Jembaaquiato turã sacuã ño ngue Dios semii nguiã ererecuarã. Jembiiacuã sacuã eã ño ñene.

⁹ Jaembusiquiche sereate sechimbese je.

¹⁰ Mbia ñee icuãte raque seje. —Pablo reco mose isho, ñee asi asite equia ucheẽ mbesa mbesa mondo nande je co, i jemo nguiã serii ũquĩ. —Siqui mose nanderese, ererecuarã raã naa aquiatuãte cote, i jemo nguiã serii ũquĩ.

¹¹ Ae ñee nguiã ũquĩ nae, ũquĩ je tacheẽ. Co secheẽ asi asi ambesa mondo quia jêje aque nae, anyae sí ra ñee asi asite seso mose jendea huee. Secheẽ mbesa ji ra achabiã seso mose jendea huee.

¹² Ae ñee mbeite quia uturã nĩ, ũquĩ na eã ño se re. —Aque rã si chõ aico nguiã se co, i beite equia ũquĩ. —Seturãte aico aque si co, i beite equia ũquĩ no. Ũquĩ ñee mose ũquĩ, earacuayãte riqui ũquĩ.

¹³ Seturã nda asaã saã eã. Dios ae chõ “hue eso, pe eso”, i nguiã seje co. Ae chõ ngue semondo nguiã jendea.

¹⁴ Se rane ngue Dios semondo jêje Cristo cheê nenei nenei sacua nda. Nyebe hue jenda ja sembaerã, se embaaquiato sacua Dios cheê ndese. Ae Dios riqui “hue eso” i âte seje nae, huee ra asoa.

¹⁵ —Sechimbaaquiato chõ ûqui nde, ae aronea tuchite quia emo ñimbaaquiato je co. Jê Cristo icua i i tuchi mose, jendobeinda quia ra ambaaquiato i i tuchi oso cote reae.

¹⁶ Seso sete jendobei Cristo cheê nenei nenei hue jenda je. Sechimbaaquiato ae aroneate emo ñimbaaquiato je.

¹⁷ Emo ñee turãse mose mbae mo ñi, sã Dios riñ nguiatu ñee turã.

¹⁸ Ae uturã saã saã nguia nae, Dios biãte ûqui. Ae riñ nguiatu Dios riqui ñee turãte nae, ûqui nguiatu Diobi tuchi re.

11

Mbia mbaaquiato icua icuãsa rese ra jëingochi

¹ Jeñimbirãcuã jiri se ñee mose jêje jê. Securã tasaã saã jiri ñee jêje.

² Aqueteate jendese jê. Dios mbaerã jê, ae que se ra jê. Sã acuan mo ndiqui siqui eã mbei ngu mo ndese no. Sã mbia emee acuanindu mo je cote no. Eĩ tae si chõ jemee Cristo je. Cristo mi mbaerã nda jê cote chã.

³ Sã mbei Eva mbiñi iri cose no. Eĩ jenyese si arõte jê ndeae. Eĩ si arõ mbia jembücha Cristo icha si. Jemundua icuãte chõ nda reae. Cristo mi ndese chõ jëingo jê. Sã acuan ndiqui ngu mi ndese no.

⁴ ¿Mbaerã jenyiisaquia turã mbia jembaaquiato icua icuã mose re? Mbia Jesús abareã nenei nenei mose jêje re. Mbia Espiritu Turã abareã abe nenei nenei mose jêje re. Mbia Jesús cheê turã abareã nenei nenei mose jêje re no. Se que ûqui asenei senei âte quia jêje resê.

⁵ Ûqui ñee ndese que jenyiisaquia, ¿mbaerã nda jenyiisaquia eã secheê abe rese re? Se quia Jesús cheê aicua tuchi quia ûqui si co resê.

⁶ Secheê turã eãt e raque. Seaquiature quia aico nguia Dios cheê ndese co. Jëingo seicuate ûqui ndesê.

⁷ —Mbae jemondo seje, ae âte que se quia Dios cheê nenei nenei mose jêje ra. ¿Eicuãte ûqui nde? Aico minguate que se quia jêje ra. Jëingo turã sacua Cristo rese. ¿Eicuãte ûqui nde no?

⁸ Seico mose jendese jembaaquiato quiato mose, mbae mo ngue jemee âte quia seje ra. Jesús quiato ishonda quiato que mbae mo mee mee nguia seje ra, se siqui mose jendese.

⁹ Seico mose jendese que mbae jemondo eãte seje resê. Sembae eã mose que “mbae embu seje” ae âte jêje resê. Jesús quiato que ngaê Macedonia si nae, ûqui nguiatu

que mbae mee tuchi sembae eã mose resê. “Mbae embu seje” ae eã mbei ra jêje.

¹⁰ Cristo riqui sechianguie re co. Ûqui aicuate. Sebite “mbae embu seje” iã mose se jêje. “Acaya jenda que mbae mee tuchi ndeje ra”, i aroneate emo seje jenü.

¹¹ ¿Mbaerã ño mbae aisiã jësi chã? Achese-cua eãte quia jendese reae. Tei. Ûqui eã ñene. Achese-cuate rei jendese resê.

¹² Mbia ñee eã sacua nda mbae aisiã mbei jësi resê. Ae Jesús abareã senei senei nguia nae, ûqui ñee eã sacua. “Pablo rã sí chõ ure re” ûqui i eã sacua.

¹³ Cristo cheê nenei neneisa turã eã ño ûqui nde. Mbia mbiñi irisa chõ ûqui nde. Cristo cheê nenei neneisa raã ñooño ño nguia ûqui.

¹⁴ Satanás na sí chõ ûqui ndiqui nguia ûqui. Satanás uturã saã saã ño nguia. Angel turã naa naa ño nguia no.

¹⁵ Ae siqui Satanás ndui nae, ûqui nda uturã saã ñooño Satanás na sí. Nyebe ra Dios ûqui mbutiã tuchi emo mose.

Pablo mbae rasi saã tuchi

¹⁶ “Earacuayã” jenyechi nda seje jê. “Earacuayã” jenyese raque seje, seandu rã se. Secuas tasaã saã mbiñi na jêje.

¹⁷ Ae aico ñee jêje namo nae, Dios cheê eã ño ûqui nde. Earacuayã na ño aico nguia ñee jêje. Secuas asaã saã ño nguia ñee jêje co.

¹⁸ Sã mbia riqui ucuas raã naa jate no. Eĩ tae rã se abe secuas raã naa jêje.

¹⁹ Jëaquiature rei jê ndeae. Jëingo ñimbirãcuãte eaquiataã je ûqui. Seaquiataã je abe jeñimbirãcuã ño.

²⁰ Ae icuã icuã mbeite riqui jêje nae, ûqui je jëingo ñimbirãcuã mbeite ûqui. Jembuquieie quieie chooño mose. Jembae mbutiã chooño mose abe no. Ucuasu raã naa mose abe no. Ucuasu mose jësiaba rese abe no. Ûqui je jëingo ñimbirãcuãte ûqui.

²¹ Se quiatu que ûqui asaã saã eãte quia jêje ra. Aico mingue chochi jêje. Acheê asi asi eã ñochi jêje. Emo ucuas raã naa mose, se quia secuas asaã saã mbite nguia esi. Earacuayã na ño aico nguia ñee se co.

²² ¿Hebreos ûqui nde? Se abe chõ ñene. ¿Israelitas ûqui nde? Se abe chõ ñene. ¿Abraham nducucha riñi ûqui nde? Se abe chõ eno nde.

²³ ¿Cristo rimba chõ ûqui nde? Se quia Cristo rimba tuchi esi re. Earacuayã na ño aico nguia ñee co. Se quia serecoteã tuchite Dios cheê nenei nenei mose esi re. Se quia mbia seiruã nua tuchi nguia esi. Se quiatu ngue mbia sematã matã tuchi nguia esi. Se quiatu ngue mbia seiquia seri seri tuchi nguia.

²⁴ Judíos que seiruã nua mbei quia ra. Treinta y nueve azotes bei que eriqui seiruã

nua nda. Emo mose treinta y nueve no. Emo mose eĩ sí no. Cinco veces chee.

²⁵ Ira que euru uru serese tres veces ra. Emo mose que sei sei sita je ra. Tres veces que barco ñimi ama ndiite re seje ra. Emo mose que aitō ama ndiite re barco eã nda. Abebi chō ngue sequia ra. Nyaashĩ mii abe que amumba quia mbebi ra. Barco ñimi mose seje.

²⁶ Acuata tuchi que sequia ra. Mbae icuã ngue sequia arō arō tuchi quia ra. Secuata mose ama ndui. Seico mose abe sucha cuasu no. Seico mose turuquia rĩ no. Mbia mbae mbuquiachãsa que sequia arō arō tuchi quia no nda. Seresenda abe que sequia arō tuchi no nda. Judíos eã abe que sequia arōte no nda. Jesús quiato chooño abe que sequia arōte no nda.

²⁷ Serisirō ngue nyichuarō arō tuchi quia ra. Aqueã mocoĩ mocoĩ tuchi que se quia no nda. Seriacuã mocoĩ mocoĩ tuchi que eriqui ra. Seisei abe tuchi que eriqui ra. Nyiisei ngue airara mocoĩ mocoĩ tuchi quia ra. Seirao eã tuchi que eriqui no nda.

²⁸ Ūquĩ mii eã ngue ra. Jesús quiato rese abe que aico ndua ndua ra. Sã iglesia jenda ja ja siqui tuchi Jesús rese, ae beite sequia ndua co.

²⁹ Jesús quiato mo mbae rasi raã mose, se abe seya eã ndasite riqui erese co. Emo icuã icuã mose Jesús quiato mo je, se abe paama i rasite aico co.

³⁰ Sequiracuã ndese eã nda seya riqui nguiã. Sequiracuã nea ndese chō nda seya riqui nguiã.

³¹ Acheẽ ñooño eãte quia co. Dios quia secheẽ icuate nguiã. Jesucristo ru chō Dios re. Sã mbia riqui ñee turã mbei erĩ.

³² Aretas resenda que serequia rei Damáscoo ra. Seiquia sacuã. Ae que alcalde ra. Ae que mbia mondo rei eiquesa raarō nda. Setarō nda eña nde.

³³ Hue rĩ ngue asoã mbei ra. Mbia que sembuquichi imbu irairu ye ra. Ventana ni. Eĩ ae que oso chee mbia icuã si ra.

12

Pablo ibatenda tea cuu

¹ Secuasu asaã saã ñochĩ nguia co. Ae rese Dios semumae mae mbeite cuu nae, ūquĩ nguiatu tasenei jėje.

²⁻³ Cosete que Dios sererao ibate cuu ra. Hace catorce años. Serete resebe Dios sererao reae. Seaĩ achō ere no ae. Aicuayãte se. Dios ae eicua nguiã.

⁴ Dios que sererao ibate ra. Huee que ibatenda cheẽ turã achandu ra. —Ae erechandu nae, ūquĩ nda ereseneichĩ mbia je, i que Dios seje ra.

⁵ Ibatenda cheẽ andure secuasu asaã saã arondete raque se. Sequiracuã je ra secuasu

asaã saã eã. Sequiracuã nea ndese chō seya riqui nguiã. Sequiracuã nea mose quia Dios uquiracuã mee tuchi nguiã seje cote.

⁶ Secuasu ra asaã saã ndaque, asaã ñooño eã ño se re. Dios quia que uquiracuã mee seje ra. Mbae ja raã sacuã. Secuasu ra asaã saã eãte jėje. Jē ae chō nda jemae nguiã serese seicua nonde. Jē ae chō nda secheẽ jeñandu nguiã seicua no.

⁷ Ae rese Dios semumae cuu nae, ūquĩ eturã tuchite seje. Ūquĩ ndese maende que aico secuasu raã naa arōte raque ra. Nyebe Dios nyu raanguia mondo nguiã sequi rĩ. Satanás sembecoteã sacuã. Dios semingo tochi sacuã.

⁸ —Nyu raanguia esiqui sesi, ae tuchi rei que Cristo je tres veces ra.

⁹ Cristo que ñee seje ra. —Coche rei ñene. Sã ñiño ndei. Seturã nguiatu amondo mbeite nguiã ndeje co. Ndequiracuã nea mose quiatu sequiracuã amee tuchi nguiã ndeje, i que Cristo seje ra. Nyebe seyate riqui nguiã sequiracuã nea ndese co cote. Ūquĩ mose quia Cristo riqui nguiã uquiracuã mee tuchi seje co.

¹⁰ Nyebe seyate riqui nguiã sequiracuã nea mose. Mbia ñee icuã mose abe. Mbia icuã icuã mose seje abe. Mbae eã mose seje abe no. Se mbae icuã irara mose Cristo rii abe no. Ūquĩ ja mose seyate riqui co. Cristo quiatu uquiracuã mee tuchite nguiã seje, sequiracuã nea mose.

Jeña jembitorō se oso nonde jendea, i Pablo

¹¹ Sebiãte raque se sí ñee turã mose serĩ. Jē nguiatu jeñee turã mbeite raque serĩ, mbia ñee icuã mose seje. Ae rui jēingo nae, ūquĩ eaquiato ãte riqui sesi ūquĩ. Seaquiato eã ndaque se abe. Ae rui jēingo nae, Jesús cheẽ mbuchecuaa chooño ño ūquĩ nde.

¹² Dios cheẽ mbuchecuaa tuchi chō se re. Seico mose jendese. Aico mingüete que sequia seico mose jendese ra. Mbia mae sayã ngue asaã saã tuchi quia ra. Dios quiracuã ngue siqui tuchi quia serese ra.

¹³ Aico turãte que sequia jėje ra. Sã aico turãte iglesias ataque jenda je no. Eĩ si. Jē mii je chō ngue “mbae jembu seje” ae eã nguiã. ¿Ūquĩ eicuãte jėje re? “Mbae jembu seje”, iã mose jėje.

¹⁴ Aico icoquiato oso nonde jendea a. Co rei tres veces co cote. Co aico oso jendea co. “Mbae jembu seje” aeã tuchi ra jėje. Mbae achosei chiãte jembae. Jesús rese jēingo mose, ūquĩ mii ño achosei nguiã. Jendu rã ño aico nguiã jėje. Sã mbia ririñ ndiqui mbae mo mondo mondo eã ngu je no. Sã eru chō ndiqui mbae mondo mondo nguiiñ je no.

¹⁵ Sembae amondo ja bite raque jēingo sacuã Cristo rui. Sereco abe amondo bite raque jēingo sacuã Cristo rui. Sechesequa

tuchi mose jendese, ¿mbaerã jëingo nyese-cua eãte serese jë nde?

¹⁶ “Mbae jembu seje”, ae ãte que sequia jëje. Ūquí jëicuate raque. ¿Mbaerã nguia jëingo ñee ñooño nde? “Pablo que nandembãirĩ irĩ nda”, ¿mbaerã jenyere re?

¹⁷ ¿Mbaerã jeñee ūquí nde? Ae amondo jëje jembaaquiату sacua nae, ūquí abe que jembãirĩ irĩ eãte resẽ. Ūquí ngue jembae isiãte sembaerã ndesẽ.

¹⁸ Tito que amondo jendea nanderesenda rese resẽ. Ae abe que jembae isiãte resẽ. Se rã si chõ ngue eriqui jëje resẽ.

¹⁹ Achiquisã eãte sequia jësi co resẽ. Dios resãa chõ aico nguia ñee jëje. Cristo rii ño aico nguia ñee jëje. Se mbae mo naa mose jëje, jëingo tuchi sacua Cristo rese chõ ñene.

²⁰ Seso mose jendea, sembia eã arõte. Ae sebite se, ūquí jësaã eã arõte seje. Ae jembite nae, ūquí asaã eã arõte se abe jëje. Jeñee icua icua nda jenyue serésaa reae. Jëingo icua icua ja ra jenyue reae. Jenongue mbae ra jenyosei chosei jë sí chõ ndeae. Jenguasu ra jësaã ñooño sésaa reae.

²¹ Seso mose jendea ra Dios sembia eã tuchi se mae mose jëicua ndese reae. Seireite ra jëicua ndese mae mose. Jëicua cose ndare si jëhui eã mbei chõchĩ namo nyee. Ae jeninisiã nae, ūquí ndese jëingo bei chõchĩ ūquí. Ae jendu eã nae, ūquí ndese abe jëingo bei chõchĩ ūquí no. Mbae aba irenguia rese jëingo bei chõchĩ ūquí.

13

Hui bei Pablo saluda i mbia je

¹ Aso quia jendea aque cote. Co rei tres veces co cote. Emo mii sembiirandu mose mbae icua ndese, achanduchõ nda se. Emo nyeremo ñee mose, aque mose quiatu ra echeẽ achandu cote.

² Ae eicua saã saã nguia nyii nae, sã aico ñee asi asite ee nyii no. Ūquí sí je chõ aico nguia ã mbesa ã. Huiicua ndecha eã mose ra achimbirãcuã eã ee cote. Jë ja je chõ aico nguia ñee ūquí. Seico mose raanguia jendese.

³ —¿Ma Cristo quirãcuã ndiqui Pablo rese ma nde? jenyere equia nyii nae. Cristo quirãcuã ndese ra jemaese secheẽ asi mose quiatu jëje cote. Cristo que mbae saã ja tuchi jëje uquirãcuã je ra.

⁴ Cristo mbia mbucha quia ira rese iquia nyii nae, aque mose que equirãcuã neate rei ra. Dios quirãcuã nguia emingo bei nguia co cote. Sã Cristo quirãcuã nea ndei nyii no. Eĩ ño urequirãcuã nea ure namo nde. Ureico rei nguia erese co. Ae chõ uremingo nguia Dios quirãcuã je co. Ae quirãcuã je ra ureico jembaaquiату quiatu.

⁵ Jë ae chõ jendua. —¿Cristo aicua quia sechiangui re re? jenyere ja ja chõ jeñiangui

re. Jemaese nguia jenyere sí. Jë Cristo icua chooñoa mose, Cristo riqui jeñiangui re ūquí. ¿Ūquí ndese jëingo iranuate re?

⁶ Ure quia Cristo ureicua chooñoa nguia ã. Ūquí ndese nda jëirandu rã seje chã.

⁷ Urecheẽ tuchi quia Dios je jeniã ã. Jë mbae icua naa eã sacua. Mbia ndua turã sacua eã ure rii ño ureico nguia ñee Dios je jeniã ã. Jë mbae icua naa eã sacua ño ñene. Mbia ra ñee icua ndaque ure je.

⁸ Mbae icua mo nadesaã areonate Dios cheẽ ndobeishĩ. Mbae turã nguiatu nadesaã Dios cheẽ mose. Dios cheẽ nguia ichõño eã nde.

⁹ Coche mbia riqui nguia ñee icua icua ure je. Jë nguia jëingo bei Cristo quirãcuã ndese. Jë nda Cristo jëicua tuchi rã seje chã.

¹⁰ Secheẽ asi asi ambesa quia seso nonde jendea a. Se ñee asi eã sacua seico mose jendese. Dios quiatu ngue uquirãcuã mee nguia seje. Jembãicua sacua eã ño ngue Dios uquirãcuã mee nguia seje. Jemingo tuchi sacua Cristo rese chõ ñene.

¹¹ Aico hui secheẽ mbesa mbesa si a cote, Seresenda. Jesucristo jëicua tuchi quia. Jëya bei tuchi jëingo erese. Jëingo turã mbei chõ nguia jenyere. Ūquí mose ra Dios siqui tuchi jendese. Ae ra jemingo turã mbei jenyere.

¹² Saludar jenyere turã mbei quiatu quia jenyere.

¹³ Jesús quiato a jenda saludos mondo quia jëje aque.

¹⁴ Sã Jesucristo turã ndiqui bei jendese. Sã Dios riqui nyesequa tuchi jendese. Sã Espiritu Turã ndiqui bei jendese no. Amén.

LA CARTA DEL APOSTOL SAN PABLO A LOS GÁLATAS

llo ucheë mbesa mondo Galacia jenda je

¹ Pablo chõ se re. Jesucristo chiirabo chõ se re. Mbia mo ngue seirabo eã nguiã. Dios ae chõ ngue seirabo ra. Ucheë nenei nenei sacua. Ae sí que Jesucristo raaque mbuquera ra.

² Seresenda ja rese chõ aico nguiã ã mbesa jêje a. Jesús quiato Galacia jenda ja je.

³ Sã Dios turã ndiqui bei jendese. Sã ae riqui jembia bei. Nanderu chõ ae re. Sã Jesucristo turã abe riqui jendese.

⁴ Ae quiatu ngue mano nguiã nandeicuã ndibishorõ. Nandembui sacua mbae icua si. Ae icua ndese nandeico mae mae nae, ùqui si. Nanderu cheë nguire chõ ngue Jesucristo mano nguiã nande je.

⁵ Sã mbia riqui ñee turã mbei Dios je. Amén.

Cristo mii mbia rirõsa huicua si

⁶ ¿Mbaerã jëingo hui hui jei Dios si ùqui nde? Ae sí chõ ngue “jëingo Cristo turã ndese” i jêje resë. ¿Mbaerã jëingo Cristo cheë abi abi re? Siqui emo ñee ndese re.

⁷ Nyeremo eã ño Cristo icha ñeenda re. Uturã mii je chõ Cristo riqui nguiã nandemingo bei. Nandechisaã turã je eã ño Cristo riqui nguiã nandemingo bei co. — Nandechisaã turã je ra Cristo nandemingo bei, i chõchí mbia nguiã jêje ùqui.

⁸ Acheë se quia jêje nyii nae. —Uturã je achõ ño Dios riqui nguiã nandemingo bei co, ae se quia jêje nyii nae. Eí mbei chõ ñene. —Hue rí eã ño Dios icha re, i mose emo jêje, sã Dios ùqui mbasi tuchi. —Hue rí eã ño Dios icha re, se abe i mose, sã Dios sembasi tuchi se abe. Angel ibatenda abe mbasi rae, ùqui ñee mose.

⁹ Acheë namo ngue jêje, ùqui taseneimbe jêje: —Nandechisaã turã je chõ Dios riqui nguiã nandemingo bei co, i mose emo, sã Dios ùqui mbasi tuchi. Ae acheë jêje nyii nae, ùqui abi tuchi chõ eriqui nguiã ñee ùqui.

¹⁰ “Sã mbia riqui turã seje”, ae ãte quia co. “Dios ae chõ nda seisi turã nguiã”, ae chõ nguiã co. “Sã mbia riqui turã seje”, se i bei mose, eí nda Cristo rimba eãte rei se.

Cristo chimbaaquiato chee que Pablo ra

¹¹ Tacheë nyecua jêje, Seresenda. Dios icha asenei nguia jêje nae, secheë ae eã ño ùqui nde. Mbia cheë ae eã ño eno nde. Dios cheë ae chõ ñene.

¹² Mbia mo ngue esenei eãte seje ra. Jesucristo mii ño ngue esenei nguiã seje.

¹³ Jëirandu que equia serese cose resë. Jesús icuayã mose se nyii. Seico mose judíos ramei ñee ndui. Siqui rocoí Jesús cheë ndui. Seicuã tuchite que eriqui Dios quiato je nyii ra. “Jesús quiato tambutiã ja tuchi”, ae que se quia aque mose ra.

¹⁴ Moisés cheë ndui que aico tuchi rei sem-buchehaa ja si ra. Seramei ñee ndui que aico tuchi rei quia mbia ja si ra.

¹⁵ Aquere que Dios seisi Jesús quiatorã cote ra. Dios que seirabo cose seã mose nyii ra. Uturã je que seirabo ra.

¹⁶ Dios que nguiirí teacuquia seje cote ra. Se Dios rirí nenei nenei sacua judíos eã je. “¿Mañi ae ra se re?” ae eã ngue oso ñee mbia mo je ra. Dios nguiirí ndeacuquia mose seje.

¹⁷ Jerusalén abe que asoã no nda. “¿Mañi ae ra se re?” ae eã ngue oso hue jenda Jesús chimbaaquiato ñiinda je no nda. Arabia que aso jei se ae ra. Aquere que aso nyebi Damasco ra.

¹⁸ Tres años mose ramo ngue aso Jerusalén cote ra. Pedro rea que aso aque mose ra. Huee que aico erese quince días ra.

¹⁹ Jacobo abe rese que amae huee ra. Jesús nongue que ae ra. Ùqui mii ndese que amae Jesús chimbaaquiato ra.

²⁰ Acheë ñooñoa tuchi chõ nguiã ã mbesa jêje a. Dios secheë ñandute quia co.

²¹ Jerusalén ngue asecha oso Siria cote ra. Cilicia abe no.

²² Jesús quiato Judea jenda que seicuayã mbeite quia aque mose ra.

²³ Jirandu randuchõ ño ngue equia serese ra. “Ae icua icua ndiqui Jesús quiato je nyii nae, aque riqui Jesús renei nenei cõ cote. Mbia Jesús icua sacua”, i que equia jirandu randu serese ra.

²⁴ Nyebe eyate riqui nguiã serese cote. Ñee turã turã Dios je.

2

Cristo chimbaaquiato ataque Pablo isi turã

¹ Catorce años mose ramo ngue asobe Jerusalén cote ra. Bernabé rese. Tito abe que arao serese ra.

² Dios ae que “eso Jerusalén” i seje ra. Huee que acheë nyecuayã Jesús quiato rerecua ja je ra. Ae asenei senei mbeite quia Dios cheë judíos eã je co nae, ùqui nii ngue acheë ja Jesús quiato rerecua je ra. Ùqui secheë icua sacua. Ùqui sembaaquiato sacua se Dios cheë abi mose.

³ “Circuncisión nandesaã na Tito je”, i ãte que Jesús quiato rerecua quia ra. Judío eã ndaque Tito.

⁴ Jesús quiato chooño abe que chi hue Jesús quiato tuchi mumbara mbara ra. Ndua ndua rei que equia ra. Ure mbae icua naa naa sacua ndaque. “Sã circuncisión naa

naa Moisés cheê ndui”, i rei que equia urerĩ nda. Ebiã tuchi que eriqui ureico mose Cristo mii ndese ra. “Sã eriqui judíos ramei ñee ndui bei”, i chõ ngue equia ra.

⁵ Ūquí ñee ngue uresiquisã tuchi quia ra. Jëingo bei sacuã Dios cheê turã mii ndese. “Jesucristo turã ae nandemingo bei nguiã co”, jenyê sacuã. Jëingo rocoĩ judíos rerecua cheê ndui.

⁶ Dios quiato rerecua que sembaaquiatu quiatu eãte mbae mo nii nda. “Å abe esenei senei nguia judíos eã je”, i åte que ererecua seje ra. Dios quiato rerecua tuchi ũquí ndeae. Aicuyãte se. “Ererecua achõ ño taisi turã”, i åte Dios. Nandechiã ndese quia eriqui nguiã mae ja.

⁷ Jesús quiato rerecua iate que serese ra. Se Dios cheê nenei nenei mose judíos eã je. Ererecua que ñee nyue ra. —Sã Dios Pedro mondo judíos je no jë. Dios cheê nenei nenei sacuã no. Eĩ si chõ Dios Pablo mondo quia judíos eã je re. Dios cheê nenei nenei sacuã ee re, i que ererecua ñee nyue ra.

⁸ Sã Dios Pedro mondo judíos je no. Dios sí chõ ngue semondo nguiã judíos eã je no. Se echeê nenei nenei sacuã ee. Dios ũquí mingo bei nonde.

⁹ —Dios chõ Pablo mondo quia judíos eã je re, i ja que Jesús quiato rerecua ja cote ra. Jacobo. Pedro rese. Juan ndese. Nyebe eriqui nguiã seo isi isi. Bernabé o abe isi no. —Coche jëingo nguiã Dios cheê nenei nenei judíos eã je. Ure Dios cheê nenei nenei mose judíos je, i que ñee turã ja ure je ra.

¹⁰ —Mbaecha reã je chõ jëingo mbae mondo mondo, i mii ño ngue ure je ra. Ūquí ño asaã saã mbei rei nguiã co.

Pablo ñee asi Pedro je Antioquíaa

¹¹ Pedro tu mose Antioquíaa, acheê asite que ee ra. Mbae icuã nguiatu que esaã huee ra.

¹² Quiaru turãte que equia judíos eã ndese nyii ra. Aquere que judíos mo ngaê ngasê cote ra. Jacobo resenda. Pedro que quiaru sereã judíos eã ndese cote ra. Eireite que judíos si ra. Nyebe nyiicuasê nguiã judíos eã si cote. Ucuasu raã naa esi cote. Judíos abe raque Jesús quiato.

¹³ Nyebe Jesús quiato judíos abe nyiicuasê nguiã judíos eã si cote. Pedro rui sí. Ucuasu raã naa judíos eã si cote. Bernabé abe chee que nyiicuasê judíos eã si cote ra. Pedro rui si no.

¹⁴ Dios cheê ndui si eã ño ngue Pedro riqui nguiã. Judíos nguesenda rese. Nyiicuasê mose judíos eã si. Nyebe acheê asi nguiã Pedro je mbiásaa. —Nde Jesucristo icua mose, erehui que judíos ramei ñee si cote ra. Judío raque nde. ¿Mbaerã ereico ñee judíos eã je re? “Judíos ramei ñee ndui jëingo”, i ee re.

Judíos abe ra siqui bei Jesucristo icua mose

¹⁵ Judíos chõ ndaque nande. Judíos eã na eã ndaque nande. Mbia icuã na eã ndaque nande.

¹⁶ Emo mii siqui turãyã mbeite quia Moisés cheê ndui si co. Dios emingo bei sacuã. Moisés cheê mumbasa ja tuchi chõ nande re. Jesucristo icua mose quiatu ra Dios nandemingo bei. Nyebe nandeico nguiã Jesucristo icua ã. Dios nandemingo bei sacuã. Moisés cheê ndui si nandeico eã ndaque, ae que ee ra.

¹⁷ “Cristo que mano nandeicuã nii nda”, nande bei equia ã. ¿Ūquí ño nandembiicuaã nguia re? Tei. Cristo riqui nandembiicuaã eã mbei co. Cristo quiatu nandembiirandu quia nandeicuã ndese co resê.

¹⁸ Se Jesucristo icua mose, judíos ramei ñee si que ahui cote ra. Se siqui si mose erui, eicuãte ũquí cote.

¹⁹ Moisés cheê ngue aicuate rei ra. Ūquí ngue seicuã mbutiã eã mbei ra. Moisés cheê sí chõ ngue sembiirandu Jesucristo rese cote ra. Jesucristo que seicuã mbutiã cote ra. Seico bei nonde cote.

²⁰ Cristo mano mose, se abe que amano erese ra. Se ae aicoã nguiã co cote. Cristo riqui sechiangui re co cote. Equirãcuã je chõ aico nguiã mbae raã naa co. Dios riiri aicuate quia co. Ae chõ ngue nyesecua tuchi nguiã serese. Ae chõ ngue mano nguiã seicuã nii.

²¹ Dios turã aisiteã teã eãte quia co. Moisés cheê mumbayã mose eã ño Dios riqui nguiã aba icuã mbutiã. Ūquinde rae, Jesús manoño.

3

Moisés chimbasa aba mingo bei aronea

¹ ¿Mbaerã jëaquiatuã tuchi riqui re, Galicia jenda? ¿Aba jembaaquiatu icuã tuchi quia Cristo riĩ nde? Cristo mano ngue asenei tuchi rei jëje resê. Jëisi turãte rei que equia nyii. ¿Mbaerã jëingo hui serĩ serĩte esi cote re?

² Moisés cheê mumbayã mose eã ño Espiritu Turã ique nguiã jeñiangui re. Jë Jesucristo renei mose jëje chõ ngue re.

³ ¿Mbaerã jëaquiatuãte riqui re? Moisés chimbasa que jëicuã mbutiã eã ndesê. ¿Mbaerã jëingo siqui beite erese re? Siqui rocoĩ Jesucristo mii ndese.

⁴ Mbae rasi que jësaã tuchi quia Jesucristo riĩ nyii resê. Jëhui eã ño esi jë. I nda ae rasi jësaã nguia nyii nae, ũquí iru eã.

⁵ ¿Mbaerã Dios Espiritu Turã mondo jëje chã? ¿Mbaerã ño Dios mbia mae sayã naa naa jëje chã? ¿Moisés cheê jemumbayãte

quiātu quia ee re? Tei. Ũquí eã ñene. Jê nguia Jesucristo jêcuate nguia ũquí.

⁶ Sã Abraham no. Abraham ngue Dios icuate quia ra. Nyebe Dios Abraham isi turã nguia.

⁷ Nyebe Dios riqui nguia “Abraham nducucha” i huiucuasa je co.

⁸ “Judíos eã abe ra Dios riirĩ icua. Ũquí abe ra Dios mingo bei”, i que embesa ji cose ra. “Nderiĩ nda aico turã mbia ja je”, i que Dios Abraham je ra”, i que embesa ji ra.

⁹ Sã Abraham Dios icua tuchi no. Sã Dios turãte riqui ee no. Ae Dios icua quia namo nae, ũquí je abe chõ Dios turã ndiqui nguia Abraham ndese.

¹⁰ Sã emo ndiqui ñee no. “Moisés cheẽ ndui taico bei Dios semingo bei nonde”, sã emo ndiqui i no. Ũquí nda nyoĩ chõ tata cuasu. Sã embesa ji riqui ñee no. “Emo embesa ji cheẽ mumba mbirĩ mose, echeẽ mumba tuchi raanguia chõ ũquí nde”, i que embesa ji ra.

¹¹ Dios ra ñee jiri jiriĩ emo nũ. “Co que embesa ji cheẽ mumbayã mbei quia ra. Nyebe taisi turã”, i eã nda Dios emo je. Ae je Dios riqui “co taisi turã”, i nae, Dios icuate quiatu nguia ee ũquí. Nyebe ra ũquí ndeco siqui bei.

¹² “Dios cheẽ mumba eã mbei mose quia ra Dios nandemingo bei”, i mose emo, Dios icuayã ño nguia ũquí.

¹³ Cristo que nandembui Moisés cheẽ si cote ra. Nande Moisés cheẽ mumba mose, ũquí nda nandemombo eã tata cuasu cote. Cristo quiatu ngue mbae rasi aba ireingua saã tuchi nguia nande je. Sã embesa ji riqui ñee no. “Aba ireingua tuchi mae mose embucheseço ji ira resenda rese”, i que embesa ji cose ra. Jesús mbucha nonde ira rese.

¹⁴ Dios turã sacua judíos eã je chõ ngue Jesús mbae rasi aba ireingua saã tuchi nguia. Dios judíos eã mingo bei sacua ño ngue re. Sã Dios turãte riqui Abraham je nyii no nae. Eĩ si sacua Dios turã judíos eã je chõ ngue eno nde.

Dios contrato saã Abraham je

¹⁵ Sã mbia mo ndiqui contrato raã emo je no. Sã firmar i embesa mii no. “Eĩ nguia tu”, i aroneate emo ee cote. Embesa jite quia cote re.

¹⁶ Eĩ si que Dios contrato raã Abraham je no nda. Abraham ndiirĩ je abe no. “Abraham ndiirĩ ja je”, i eã ngue embesa ji ra. “Abraham ndiirĩ je”, i chõ ngue ñee nguia aque mii je. Cristo riĩ ño ngue ñee nguia.

¹⁷ Tacheẽ nyecua tuchi rã jêje. Dios que contrato saã Abraham je cose ra. —Mbae tasaã ndeje. Nderiirĩ je abe no, i que Dios Abraham je cose ra. Mbesa que aque mose ra. Aquere que Moisés ucheẽ mbesa cote ra. Aquere tuchi 430 años ua mose cote.

Moisés cheẽ ngue contrato mbutiã aroneate ra. Dios cheẽte quiatu ngue contrato re.

¹⁸ Dios que ñee Abraham je cose ra. —Mbae tasaãno ndeje. Nde mbae mo naa ndocoĩ seje, i que Dios ñee Abraham je cose ra. —Nde Moisés cheẽ mumbayã mose quiatu mbae tasaã ndeje, iã ngue Dios ee ra. —Nde mbae mo naa ndocoĩ, i chõ ngue ee ra.

¹⁹ ¿Mbaerã ño nda Moisés chimbese cheẽ nandechandu chã? Mbia huiucuã icua sacua ño Moisés chimbese re. Cristo tu mose chõ ngue Moisés chimbese cheẽ ua nguia. Sã Dios contrato naa Abraham ndiirĩ je nyii no. Cristo je chõ eriqui nguia “Abraham ndiirĩ” i. Dios rane ngue ucheẽ mondo ángeles je ra. Angeles que emondo Moisés je cote ra. Aquere que Moisés embesa mbia je cote ra. Mbia echeẽ mumbayã nonde.

²⁰ Sã Dios contrato naa Abraham je no. Ae sí chõ ngue ñee nguia Abraham je. “Secheẽ eseneĩ Abraham je”, iã ngue Dios emo mondo ñee Abraham je ra.

Nandeico Cristo icua ã cote; Moisés cheẽ ndui siqui rocoĩ

²¹ Ae contrato Dios saã Abraham je nae, Moisés chimbese ũquí mbutiã aroneate quia co. Moisés chimbese aba mingo bei arõ mose, eĩ nda Jesucristo manoate rei. Moisés chimbese aba mingo bei aroneate. Nandechiã abe mbitirõ aroneate no.

²² “Mbia icuã ja chõ ñene”, i que embesa ji ra. Nyebe nandemo mbae mo turã naa aroneate siqui bei sacua. Jesucristo icuasa quia ra Dios mingo bei ucheẽ nguire. Jesucristo icuate quia ñene. Mbae mo naa ndocoĩ Dios je nyii.

²³ Cristo tu nonde que nandeico rei ñee nda. “Moisés cheẽ nandemumbayã” i rei ra. Moisés cheẽ ngue nandemumbayã aroneate quia ra. “Cristo ra tu” i que equia nande je, ũquí ño ngue nandesaarõ arõ nguia ra.

²⁴ Mbia mbaaquiatusa rã ño Moisés chimbese re. Mbia mbiirandu que Cristo rese ra. Mbia siqui nonde Cristo mii ndese tu mose cote. Cristo icua nonde. Dios Cristo icuasa isi turã mbei nonde cote.

²⁵ Nandeico Cristo icua ã cote. Nyebe ra nandeicoã Moisés cheẽ ndui cote.

²⁶ Nandeico Jesucristo icua jate ã. Nyebe Dios riirĩ ja chõ nande re.

²⁷ Nandembucha ji nandeico mose Cristo riĩ, Cristo rã sí chõ nandeico nguia ã cote.

²⁸ Nande Jesucristo icua ja mose, nyiabiã ja chõ nandeico nguia ã cote. Judíos ra siqui turã judíos eã je cote. Ererecua ra siqui turã ngũimba je cote no. Mbia ra siqui turã ja nyiese no. Aque mii na tuchi chõ nda nandeico ja nguia Cristo rese cote.

²⁹ Cristo icuasa chõ jêingo nguia ũquí. Nyebe Abraham ndiirĩ abe chõ jêingo nguia

ũquí no. Ae turã nda Dios saã Abraham ndiirĩ je nae, jêje chõ nda eraã nguiã.

4

¹ Sã mbaecha ririĩ mo no. Sã mbae raã aroneate ae ae uñetê mose no. Erimba rã si chõ nda eriqui mbia cheẽ mumba eã. Mbaecha ririĩ ndaque.

² Ae rese eriqui ndua nae, ũquí ndese eriqui aroneate. Uraarõsa nduasa achõ ndese chõ nda eriqui. Ucuasu mose ramo ño nda eriqui ndua ae ae cote. “Co tasaã”, i cote.

³ Eĩ si chõ nande nyii re. Mbia ririĩ na si. Jesús tu nonde. Mbia cheẽ achõ ndui chõ ngue nandeico nyii ra. Jesús tu nonde.

⁴ Dios que “coche ñene” i cote ra. Ũquí mose que nguiirĩ mondo mbia je íbii cote ra. Dios ririĩ ngue tu mbiarã nda. Moisés cheẽ ngue emumbayã mbei quia eico mose íbii ra.

⁵ Ae que tu nandembui bei Moisés cheẽ si cote ra. Dios nandererequia sacua nguiirĩ na cote.

⁶ Dios ririĩ ño nande cote re. Nyebe Dios Espiritu Turã mondo nguiã nandechiangui re cote. Nyebe nandeico nguiã Paba i tuchi Dios je namo cote.

⁷ Dios ririĩ tuchi chõ nande cote re. Erimbachõ eã. Nyebe ra Dios mbae mondo tuchi nande je cote ucheẽ nguire.

Pablo ndua tuchi Jesús quiato rese

⁸ Jê ngue Dios jêicuayãte quia nyii ra. Dios abareã ndese chõ ngue jêingo aque mose ra.

⁹ Ũquí jêingo Dios icuate ũquí cote. Dios abe riqui jêicuate co cote. ¿Mbaerã nguia jêingo hui serite esi cote re? ¿Mbaerã nda jêingo sí dios abareã nimbarã nde? Dios abareã quirãcuã eãte nyeresê. Mbae mo naa aroneãte nande je resê.

¹⁰ “Co tenda mbae mo nandesã Dios je Dios nandeisi turã sacua”, jenyê chõchĩ nguiã ũquí. “Co nyasi mbae mo nandesã Dios je Dios nandeisi turã sacua”, jenyê chõchĩ nguiã ũquí no. Eicuã tuchi chõ ũquí nde.

¹¹ Jaembaaquiato quiatu iru chõ se reae.

¹² Se rã ño jêingo ae. Sã aico eãte Moisés chimbesa cheẽ ndui sí co no. Sã jê abe jêingo eãte erui nyii no. Sã jêicuã eãte emo mose seje no.

¹³ Se Jesucristo renei namo mose jêje, serasite quiatu ngue se aque mose re. Ũquí jêicuate quia ũquí.

¹⁴ Mbae rasi que asaã tuchite rei aque mose ra. Serasi que jêucuayã eãte quia aque mose ra. Serasi que jêisiteã eãte quia aque mose no nda. Angeles que jêsaã ño seisi turã aque mose ra. Jesucristo que jêsaã ño seisi turã aque mose ra.

¹⁵ Seisi turã tuchi que se aque mose ra. Jendesa que jemondo bite quia seje aque

mose ra. ¿Mbaerã jêingo secheẽ isi sereãte cote re?

¹⁶ Dios cheẽ ngue asenei turã tuchi quia jêje. ¿Ũquí je chõ jêingo seucuayãte cote re?

¹⁷ Ae riqui jembaaquiato icuã icuãte ũquí nae, ũquí siqui sete raque jendese ũquí. Mbae turã ñi eã ño ñene. Jembãcha sacua ure si chõ ñene. Jêingo sacua ũquí achõ ndese chõ ñene.

¹⁸ Coche rei ũquí siqui jendese Dios cheẽ nenei nenei turã mose jêje. Sã eriqui jembaaquiato turã turã mbei. Seicoã mose abe jendese.

¹⁹ ¿Mbaerã jêingo sembia eã tuchi ũquí nde? Jêhui serĩ serĩ mose Dios turã si. Sã ãquẽ ndasi riqui cuãa je no. Eĩ ño seya eã ndasi nguiã jendese co. Jêingo sacua Cristo rã si.

²⁰ ¿Mañi ae ra se quia jêje re? Aico rã nda jendese chã. Se ñee tuchi nonde jêje. Secheẽ mbesa rocoĩ mondo jêje.

Sã Abraham ndiirĩ nyeremo no

²¹ ¿Mbaerã jêingo ñee nde? “Moisés cheẽ nandemumbayã, Dios nandemingo bei sacua”, ¿mbaerã jêingo i re? Moisés cheẽ jêicuayãte quia reae.

²² Moisés chimbesa chõ nandembirandu nguiã Abraham rese co. Abraham ndiirĩ nyeremo ndei que ra. Co mii ngue eninisite ririĩ nda. Sara, i que eninisite je ra. Agar, i que erimba je ra. Aque abe que Abraham nbiirĩ ndei ra. Nyebe Abraham ndiirĩ nyeremo ndei nguiã.

²³ Mbia rã si chõ ngue erimba tiirĩ ee ra. Dios ñeende ee nyii quiatu que eninisite tiirĩ ee ra. —Neninisi rã tiirĩ ndeje, sã Dios i ee nyii no. Ũquí io sacua ño eninisite tiirĩ cote ra.

²⁴ Nandemundua sacua ño ũquí nde. Contrato rã si chõ Sara re. Contrato mó na ño Agar no nde. Ae contrato Dios saã Moisés je Sinaí no nae, Agar rã si chõ ũquí nde. Ae siqui bei quia ũquí contrato rui nae, mbia rimbachõ na ño ũquí nde.

²⁵ Sinaí rã si chõ Agar re. Arabia jenda chõ Sinaí re. Jerusalén na si chõ Sinaí re. Ae siqui quia Jerusalén nae, erimba rã si chõ ũquí nde. Erimba rã si chõ judíos ja no nde. Jesucristo icua rocoĩ.

²⁶ Jerusalén mo ño chí nguiã ibate pe no. Ae mbia hue jenda nae, mbia rimba mo eã ño ũquí nde. Hue jenda chõ nande abe no nde.

²⁷ Sã embesa ji riqui ñee no:

Ndeya chõ eico, tiiriã je.

Ndeya chõ eico, ãquẽ ndasi raãsa eã.

Nderiirĩ nda eretea tuchi cote.

Eru chirirõ nguia ra tiirĩ tuchi eru rerecua si cote,

i que embesa ji ra.

28 Dios riirĩ tuchi chõ nande re. “Serriirĩ tuchi ra ũquí”, ã i Dios nanderĩ nyii no. Sã ñee Isaac nũ nyii no.

29 Sã Dios ñee Abraham je nyii no. “Nderirina tamondo ndeje Isaac”, sã i ee no. Sã Isaac nyaacuquia Espiritu Turã nũ no. Sã Agar riirĩ icuã icuã Isaac je cote no. Eĩ si chõ namo no nde. Ae siqui tuchi judíos cheẽ ndui nae, ũquí icuã icuã ndiqui namo nande je ã no.

30 ¿Mañi ño embesa ji cheẽ ña? “Erimba emombo chõ. Eriirĩ ndese. Eninisite riirĩ na eã ño erimba riirĩ nde. Erimba riirĩ siqui aroneate eninisite riirĩ ndese”, i que embesa ji ra. Eĩ si chõ ae siqui tuchi quia judíos cheẽ ndui nae. Siqui aroneate Jesús quiatorã.

31 Erimba riirĩ na eã tuchi chõ nande re. Eninisite riirĩ na tuchi chõ nande re. Nande Jesús icua mose.

5

Cristo nandembui Moisés chimbese si cote

1 Cristo que nandembui Moisés chimbese si cote ra. “Moisés chimbese cheẽ nda semingo bei”, jenyechĩ nda jẽ. Ae ra i ũquí, mbia rimba rá ño ũquí nde.

2 Tacheẽ nyecua tuchi rá jẽje. Circuncisión nda jësaachĩ. Moisés chimbese cheẽ ndui ra jëngochĩ cote jẽ. Cristo mĩ ndese chõ jëngo cote. Jẽ circuncisión naa mose, jëngo turã eã ño nguiã Cristo rui ũquí cote.

3 “Moisés chimbese cheẽ tamumbayã mbei”, i raanguia chõ circuncisión nde.

4 “Dios ra seisi turã seico bei mose Moisés cheẽ ndui” i mose jemo, Dios cheẽ abi tuchi chõ ũquí nde. Dios turã si nyi#cuasẽ tuchi chõ ũquí nde.

5 Espiritu Turã ndiqui nanderese co. Nande Jesucristo nandecuante quia ã. Nyebe ra Dios nandehi turã Jesucristo mĩ nũ.

6 Nandeico mose Jesucristo rese, eĩ ja chõ nande ee re. Ae circuncisión saã nae, ae circuncisión saã eã no nae, eĩ ja chõ nande ee re. Jesucristo icua mose, ũquí nguiã eturã tuchi re. Nandehesecua mose mbia rese, ũquí nguiã eturã tuchi no nde.

7 Jëngo turãte rei que equia nyii. ¿Aba jembui Cristo cheẽ si cote re?

8 Dios eã ño ngue jembui nguiã esi. Dios chõ ngue “jenyu” i nguiã jẽje.

9 Sã levadura riqui no. Eñetẽ mondo mose mbichae ye, mbuquiche ja rae.

10 Dios ra jendeaquiatu bei. Mbua mo jembũcha eã sacua esi. Ae jembũcha serite quia esi nae, ũquí nda Dios mbasi. Ererecua raque ra emo.

11 “Circuncisión jësaã na”, ae ãte quia mbia mo je co. “Circuncisión jësaã na”, se i

mose, eĩ nda judíos icuã icuã eãte rei seje. Eĩ nda judíos paama i ãte rei seje Cristo mano nenei nenei mose mbia je.

12 Ae “circuncisión jësaã na”, i quia jẽje nae, ũquí nda nguete chisia tuchi rá jendecha chã.

13 Jesucristo que jembui Moisés cheẽ si ra, Seresenda. Ae icuã jenyosei chosei quia nae, ũquí ndese ra jëngochĩ cote jẽ. Jëngo turã nguiatu quia jenyue. Jenyesequa tuchi quiatu quia jenyiese.

14 Dios cheẽ ja tuchi chõ ã nde: “Sã ereico nyesequa ndechiese no. Eĩ ere si chõ nyesequa emo ndese”, i que Dios cheẽ nda. Nandehesecua mose mbia rese, Dios cheẽ nandemumbayã tuchi chõ nguiã ũquí.

15 Paama jenyechĩ nda jenyue jẽ. Jenyishiu shiuchĩ nda eno jẽ. ũquí naa naa mose ra jëhui ja ja chee Cristo si.

Ae icuã nandehesei chosei quia nae, ũquí si nandehui

16 Tacheẽ nyecua tuchi jẽje. Espiritu Turã ñee ndui bei jëngo. Ae icuã jenyosei chosei quia nae, ũquí ndese nda jëngoã cote chã.

17 Ae mbae icuã nandehesei chosei quia nae, Espiritu Turã quiatoã tuchi chõ ũquí nde. ũquí quiatoã tuchi chõ Espiritu Turã no nde. Ae nandehesei chosei quia, nyebe ra ũquí nandesã eã.

18 Jëngo mose Espiritu Turã ndui, “Moisés cheẽ nda nandemingo bei” jenyue eã nda cote.

19 Ae siqui quia ubi icuã ndese nae, mbae icuã esaã ata atate quia ã. Siqui siqui chõ nguiã ngũinisiã ndese. Cuña abe siqui siqui chõ nguiã ngu eã ndese no. Siqui chooño mbia rese.

20 Dios abareã ndese siqui chooño. Bruleria abe rese siqui chooño. Mbua ucuãya cuãya. Siqui icuã icuã nyue. Mae icuã icuã emo ndese. Paama i jei jei emo je. Abei chiã. Mbua mbuqueta queta.

21 “I ãchĩ sembae”, i mbia mbae osei osei. Mbua iquia. Quiacua. Siqui chooño mbae ja rese. Ae ã icuã ñumumbara saã saã mbeite quia nae, ũquí nderecuarã eã mbei ra Dios.

Espiritu Turã ño aba mingo nguiã mbae turã ndese

22 Ae siqui quia Espiritu Turã ndese nae, Espiritu Turã ño emingo nguiã mbae turã ndese ã. Nyesequa chõ nguiã mbia rese. Eya chõ eriqui nguiã. Quicoi coi eã ño nguiã. Siqui tochi chõ nguiã. Siqui turã ño nguiã. Ucheẽ mbuchebi chebiã ño nguiã.

23 Eseteã ño eriqui nguiã. Ae ae chõ nyiteaquiatu nguiã mbae icuã si. Nande ũquí naa naa mose, emo ñee aroneãte nande je cote.

24 Sã Cristo mano nyii no. Eĩ si chõ Cristo quiato undua icuã mbutiã nguiã no. Cristo mano nyabe.

²⁵ Sã Espíritu Turã ndiqui nandereco mingo turã co no. Eĩ nande sí siqui turã erui jê. Ae nandererequia turã bei nonde mbae turã ndese.

²⁶ Nandecuasu ra nandesaã saãchĩ jê. Nandeicuã techĩ nda nandechue jê. “Aque rã eãchĩ se”, nandechĩ nda mae icuã icuã nandenongue rese jê.

6

Jendua chõ nguia nyiese mbae mo naa jengongue je

¹ Emo mbae icuã naase i i mose, “Dios rui eico” jenye chõ ee. Ae jemo siqui tuchi quia Dios rese, ùqui mo ñee ee. Embucuata turã sí nonde Dios rese. Jeñee mingue mingue chõ nguia ee. “Mbae icuã tã i arõte se abe je”, jenye chõ nguia ndua jê abe.

² Jendesenda ia eã ndasi mose, jendua chõ nguia erese mbae mo naa naa ee. Cristo chee mumbayã ja chõ ùqui nde.

³ “Seaquiature rei ñene”, i mose eaquiātuã mo, ae sí chõ ñimbĩrĩ irĩ nguia aque.

⁴ Ae ra eresaã mbae mo nae, esaã turã mbei chõ nguia. Ùqui mose ra ndeya quiātu tuchi ndechisaã ndese. Mae ndocoĩ emo nyisaã ndese.

⁵ Nande ae ae nandechimbirãcuã nguiatu nandeya eã ndasi ae ae je.

⁶ Emo siqui mose jembaaquiātu quiatu Cristo rĩ, mbae ja quia jemondo mondo quia ee.

⁷ Erechimbĩrĩ irĩchĩ nda ndechue si jê. Dios abe erembĩrĩ irĩ aroneate. Ae ra erechitiquia mbae mo nae, ùqui sí chõ nda ereucua.

⁸ Ae siqui quia ubi achõ ndese nae, ùqui nda ua chee. Ae siqui Espíritu Turã ndui nae, ùqui nda Espíritu Turã mingo bei.

⁹ Nandechimondocho eã ño nguia mbae turã naa naa mbei jê. Nandehui eã mbei chõ nguia esi jê. Ùqui mose ra Dios mbae mee tuchi jee nande je cote.

¹⁰ Mbae turã nandesaã saã mbei chõ nguia mbia je. Jesús quiato je quia mbae turã nandesaã saã tuchi jiri.

Pablo hui bei saludar i mbia je

¹¹ Seo ae je chõ co ambesa mondo nguia jêje aque. Sã letras cuasute.

¹² Ae “circuncisión jêsaã”, i quia jêje nae, siqui turã sacua mbia rese chõ ùqui nde. Siqui turã ndocoĩ Cristo rese. “Cristo ae ra aba mingo bei” i sereã. Siquichete quiatu mbia si re.

¹³ Ae circuncisión saã nguia nae, ùqui abe riqui eã Moisés chee ndui ùqui. “I nda mbia riqui ureru”, i chõ nguia “circuncisión jêsaã” i jêje ùqui. Ucuasu ra esaã saã jê circuncisión naa mose. Eyate ra jendese cote, jêingo mose erese.

¹⁴ Jesucristo mii ndese chõ nda seya se. Ae mano ira rese. Ae mii nii nda acheẽ ñee mbia je. Mbaemo ndese abe eã nda seya se. Jesucristo mano mose ira rese, se abe que amano mbae icuã si ra. Mbae icuã abe que mano sesi no nda.

¹⁵ Nandeico mose Cristo rese, eĩ ja chõ nande ee re. Ae circuncisión saã nae, ae circuncisión saã eã no nae, eĩ ja chõ nande ee re. Dios nandechiã mbiasu mose, ùqui nguia tu eturã tuchi re.

¹⁶ Ae siqui quia Jesucristo mii ndese nae, sã Dios turã ndiqui bei ùqui ndese. Sã Dios riqui embia bei. Sã Dios turã ndiqui bei ngũimba ja je.

¹⁷ Secheẽ nda jêsibishorõchĩ namo jê. Emo mose abe jê. “Pablo eaquiātuã”, sã emo i eã cote. Sã mbae rasi airara rara beite quia Cristo rĩ co no. Sã seiruã nuasa cherõ areco serete rese co no jê. Jesucristo rĩ ño ùqui nde.

¹⁸ Sã Jesucristo turã ndiqui bei jendese, Seresenda. Amén.

LA CARTA DEL APOSTOL SAN PABLO A LOS EFESIOS

Pablo embesa Jesús quiato Efeso jenda je

¹ Se rei Pablo. Dios que seirabo ra. Jesucristo chimbaaquiatu sacua. Co ambesa mondo quia jêje aque. Jesús icuasa je. Efeso jenda je.

² Sã Dios riqui uturã ndeacuquia bei jêje. Jesucristo abe no. Sã ũquĩ ndiqui jembia bei.

Cristo mbae turã saã ja nande je

³ Nandechê turã mbei chõ nguia Dios riĩ. Jesucristo ru riĩ. Jesucristo rese chõ nandeco nguia ã cote. Ibatenda chõ nandeco nguia ã cote. Nyebe Dios riqui nguia mbae turã naa jate nande je co.

⁴ Dios que nandeirabo nyii ra. Cristo riĩ. Mbae ao ja nonde. Nyesecua tuchi que nanderese ra. Nyebe nandecuã mbutiã ja nguia nandesi. Nandeco turã sacua enonde.

⁵ Dios que nandeirabo tuchi coose ra. Mbae ao nonde. —Jesucristo riĩ nda seriirina jê, i que nande je nandecuã mose ra.

⁶ Nandechê mbei sacua Dios turã niĩ. Uturã je chõ nandesi nguia Jesucristo riĩ.

⁷ Jesucristo mĩ ngue mano nanderirõ sacua mbae icua si ra. Ae riĩ ño Dios nandecuã mbutiã nguia nande si cote. Dios turãte quia nande je re.

⁸ Dios que uturã teacuquia ja nande je ra. Nyebe eriqui nguia mbae icua jate nande je.

⁹ —Seriirĩ nda amondo mbia je ibii. Ae ra mbia mangue chooñoa jenda minga ja serese cote, i que Dios cose ra. ũquĩ ngue eteacuquia nande je cote ra. Nande eicua sacua.

¹⁰ Dios icoquiatu mose ra mbae mbuchiucabo ja cote. Nandemunua ja ra ino Cristo nonde. Cristo ra mbae rerecua ja tuchi aque mose cote. Ibi jenda rerecua ja. Ibatenda abe rerecua ja.

¹¹ Ae Cristo saã nande je nae, ũquĩ niĩ ño ngue Dios nandeirabo nguia cose. Mbae tiã mose que Dios nandeirabo nyii ra. Ae sí mbae turã naa naa sacua nande je. Dios cheẽ nguire mbae riqui nyecua bei ã.

¹² Urechê turã mbei sacua Dios riĩ ño ngue ureirabo nguia. Ure rane ngue Cristo ureicua nyii ra.

¹³ Jê abe que Cristo jêicua chee cote ra. Jê echeẽ turã andu mose. —Cristo ra jendirõ jêicua si, i mose jêje. Jê Cristo icua mose que Espiritu Turã Cristo mbae marca mĩ jendese ra. —Espiritu Turã tamondo Cristo icuasa je, i Dios quia nyii nae, aque sí que Cristo mbae marca mĩ jendese cote ra.

¹⁴ Espiritu Turã ndiqui nandechiangui re co. Nyebe nandeco nguia ñee. —Dios ra mbae mee ja nande je ucheẽ nguire, i. Dios que nandesi Jesús ruqui ribishorõ nda. Nandemingo bei ra erese cote. ũquĩ niĩ ño Espiritu Turã Cristo mbae marca mĩ nguia nanderese. Nandechê turã mbei sacua Dios riĩ ño ngue ũquĩ nde.

Sã Dios jembirandu uquirãcuã ndese, i Pablo

¹⁵ Airandu que jendese ra. Jesús jêicua tuchi te quia ũquĩ. Jenysecua tuchi te equia Dios quiato ja rese ũquĩ.

¹⁶ Nyebe aico nguia ñee hui ãte Dios je. Gracias, i bei ee jeni.

¹⁷ —Paba, ndequiato embaaquiatu tuchi Cristo riĩ. Cristo eicua uquia tuchi ee, ae beite se quia Dios turã je jeni co.

¹⁸ Acheẽ mbeite quia Dios je jeni co. —Paba, ae turã nda eresaã je ndequiato je nae, ũquĩ ndese embiirandu jiri namo. Ae turã nda eremeje ee nae, ũquĩ ndese abe embiirandu.

¹⁹ Ndequirãcuã ndese abe embiirandu, ae beite quia Dios je jeni co. Dios quirãcuã nda ua eã mbei. Equirãcuã ndiqui Jesús quiato chiangui re ja ã.

²⁰ Dios quirãcuã ae que Jesús raaque mbuquera si ra. Dios quirãcuã ae que Jesús mbocoi mĩ ujii ra.

²¹ Dios que Jesús mĩ mbae rerecuarã ja ra. Ae quia rei i tuchi ererecua mo si. Gobierno mo ab e si. Ae quia rei eucasu tuchi ibi jenda ja si. Ibatenda abe mo si.

²² —Mbae ja rerecua tuchi rei Jesús, i que Dios ra. —Sequiato rerecua ja chõ ae re, i que Dios ra.

²³ Dios quiato rei Jesús rete rã. Jesús riqui uquiato chiangui re co. Manguiti eriqui eã aroneate. Mbae aosa ja chõ ae re.

2

Uturã niĩ Dios aba rirõ aba icua si

¹ Dios que ngueco mondo jêje cote ra. Jêicua niĩ ño ngue jêingo nguia eraaque rã nyii.

² Mbia ataque rã tuchi que jêingo aque mose ra. Mbae icua naa naa ndesechi. Satanás ñee ndui beite que jêingo nyii ra. Equirãcuãte que eriqui jêje ra. Ae siqui ãte quia Dios rese nae, ũquĩ ño Satanás ñee mumbayã nguia ã.

³ Eĩ nande que equia cose nyii ra. Ae nandebite riqui mbae icua nyii nae, ũquĩ ndesechõ ño ngue nandeco ra. Ae rese nandeco ndua beite mbae icua nyii nae, ũquĩ ndesechõ ño ngue nandeco nyii ra. Mbia ataque rã sí chõ ngue nandeco mbae icua naa naa nda. Dios nda nandembasi nguia nandecuã niĩ ña.

⁴ Eyayāte quiatu ngue eriqui rei nguiā nanderese. Nyesequa tuchite quiatu que equia nanderese ra.

⁵ Eraaque raāte raque nande nandeicuā nī nyii. Nyebe ngueco turā mondo nguiā nande je Cristo raaque mbuquera si mose. Dios turā ae chō jendirō nguiā jēicuā si.

⁶ Dios Cristo raaque mbuquera mose que nande abe mbuquera echabe ra. Dios que nandemingo erese ibate cote ra.

⁷ Dios turā tuchi riqui nande je Jesucristo riī co. I nda mbia jirandu randu Dios chisaā turā ndese emo mose. Ibātee nandeico mose abe no.

⁸ Jē ngue Jesús jēicua ra. Nyebe que Dios jendirō jēicuā si ra. Uturā nīi ño ngue jendirō nguiā jēicuā si. Jē ae jeñimbucha aroneate Jesús rese. Dios ae ngue jembucha nguiā erese.

⁹ Nandechisaā turā nīi eā ño Dios nandembucha nguiā Jesús rese. Nyebe nandemo ndiqui uturā naa naa aroneate.

¹⁰ Dios ae que nandea ra. —Se emingo mose Jesucristo rese, aque mose quia ra mbae turā naa naa cote, i que Dios nanderiī cose ra.

Cristo mīi ño mbia mingo turā turā nguiā nyiese

¹¹ Dios rese que jēingo āte nyii ra. Ūquī si jētesareīā ño. Judíos eā ño ngue jē ndesē. Nyebe judíos jendirirō nguiā. Circuncisiōn ngue jēsaā eāte judíos rā ndesē.

¹² Jēingo eāte que Cristo rese nyii resē. Jēingo turā eāte que equia Dios rimba je resē. Dios cheē si que jēingo ishote resē. —Dios ra mbae turā saā nande je, jenyē āte que equia ndua aque mose resē.

¹³ Jesucristo mbae chō jē cote re. Ishote jēingo raque Dios si cose. Dios que jembucha tuchi uchiese Jesucristo mano nīi nda.

¹⁴ Cristo mīi ño nandemingo turā nguiā nyiese ā. Ae mīi ño judíos mingo turā nguiā judíos eā ndese co. Ae mīi ño judíos eā mingo turā nguiā judíos rese co no. Ūquī ngue siqui icuāte quia nyue Cristo icuayā mose nyii ra. Mbia mīi na ño eriqui nguiā siqui turā nyue ā cote.

¹⁵ Umano mose que Jesús judíos mbui mondo Moisés cheē si cote ra. Ae Moisés ñee, judíos echeē mumba eā sacuā nae, ūquī si que Jesús embui cote ra. Nyebe judíos siqui turā arōte judíos eā ndese ā cote. Judíos eā abe siqui turā arōte judíos rese cote. Ūquī siqui mose Jesús rese, co mīi na ño eriqui nguiā ā cote. Mbia mīi mbiyasu ji rā ño eriqui nguiā ā cote.

¹⁶ Ūquī icuā icuā mose nyue que Cristo mano ūquī icuā ndiquicharō nda. Ūquī mingo turā ja nonde Dios rese. Siqui turā mose Dios rese, siqui turā nda nyue cote.

¹⁷ Cristo que mano mbia mingo turā sacuā Dios rese ra. Tu que mbia mbiirandu ja nonde nyiese ra. Judíos. Judíos eā abe mbiirandu nonde nyiese.

¹⁸ Cristo que mano nande ja je ra. Judíos je. Judíos eā je abe no. Nyebe Espiritu Turā mīi nandemingo ja nguiā nyiese ā. Dios nandesichā ja arōte qui a ā cote.

¹⁹ Mbiamo eā ño jē Dios je cote re. Ā jēingo isho eāte Dios si ā cote. Dios riirī tuchi chō jē cote re. Cristo resendataque rā si chō jēingo nguiā ā cote.

²⁰ Tuchua raā ji mo na ndei jē. Jesús chimbacquiātu rei tuchia i rā. Dios cheē mbuchecuasa cose ndare abe rei tucha a i rā no. Jesucristo rei ūquī i tuchi.

²¹ Nande Jesús icua mose, Dios chuchua turā naanguia chō nandeico nguiā Jesús je ā. Nande Jesús quiato tubiriā i ite riqui ā.

²² Espiritu Turā ño jemingo nguiā Dios rese jē abe ūquī. Nyebe jē abe jēingo Dios chuchuarā ūquī. Dios riqui jeñiangui re ūquī.

3

Judíos eā abe ra siqui Dios rese, i Pablo

¹ Se rei Pablo. Jesucristo rimba. A setarō ji ñi jeniī a. Jē judíos eā nīi. —Judíos eā abe riqui Dios rimba ā, ae beite que se quia jeniī nda. Nyebe setarō ji ñi nguiā a.

² —Judíos eā je chō seturā esenei senei nde, i que Dios seje ra. Ūquī ndese beite aico co. Jēirandu equia serese reae.

³ —Judíos eā abe ra siqui serese. Secheē turā esenei senei ee, i tuchi que Dios sembaaquiātu ra. Ūquī ngue asenei jua chō jēje ra, se embesa mose jēje nyii.

⁴ Sechimbasa rese jemaē mose ra jeñee cote. —Pablo Dios cheē icua tuchi chō nguia judíos eā nīi nde, jenyē ra cote.

⁵ —Judíos eā abe ra siqui serese judíos rā si tuchi, i eā ngue Dios mbia mo je cose ra. Namō ño mbia jirandu nguiā ūquī ndese. Namō ño Espiritu Turā Jesús chimbacquiātu mbiirandu nguiā ūquī ndese. Dios cheē mbuchecuasa abe mbiirandu ūquī ndese.

⁶ Ā ndei Dios cheē mbuchecua ramo ji ā: Judíos eā abe ra siqui Dios rese judíos rā si tuchi cote. Mbia rete mīi na nda eriqui ja cote. —Mbae turā tasaā jēje Jesucristo riī, i mose Dios, judíos achō je eā ño eriqui nguiā ñee. Judíos eā abe je chō ñene.

⁷ —Ūquī secheē esenei senei mbei quia mbia je, i que Dios seje ra. Mbae turā mo asaā eā ndaque Dios je nyii. Uquiracuā abe que emee seje ūquī naa sacuā nda.

⁸ Dios turā tuchite que seje ra. Se mbae raande rocoī ee nyii. Nyebe ñee nguiā seje. —Secheē esenei senei mbei quia judíos eā je. Ae rese mbia riqui jiranuate Cristo turā nae, ūquī esenei senei judíos eā je, i que seje ra.

⁹—Ae turã nda asaã judíos eã je nae, ùquĩ ndese mbia embiirandu ja cote, i que Dios seje ra. Dios quiarei ndua ndua ùquĩ nyii. Mbae ao ja nondè nyii.

¹⁰ Mbaerã ño Dios mbia mbiirandu ùquĩ ndese cote chã. Mbia jirandu sacuaã Dios aquiatu rese chõ ñene. Dios judíos eã mingo turã mose judíos rese, mbia ra nyuruira tuchi mae Dios quirãcuã ndese. Ibatenda abe ra nyuruira tuchi mae erese no.

¹¹ Dios ndua ndua ùquĩ nyii. —Mbia chumumbarate riqui raque ã. Emo emo nda ambucha nyiese Cristo mano mose, i que Dios cose ra. Ùquĩ ngue esaã Jesucristo rĩ cote ra.

¹² Nandeico Jesucristo icuate ã cote. Nyebe nandeico nguiã siquicheãte ñee Dios je ã cote.

¹³ Ae mbae rasi asaã nguia cárcel co nae, jeniĩ ño ñene. Seyate se mbae rasi raã mose jeniĩ. Jẽ abe jeñimbia chõ nguia serese.

Cristo nyesecua tuchi uquiato rese

¹⁴ Judíos eã abe chõ Dios mingo nguiã uchiese. Nyebe aico nguiã gracias i bei Dios je co.

¹⁵ ã nandechumumbarate riqui ìbii ã nae, ùquĩ ndu ja chõ Dios re. Ibatenda abe ru chõ ae no nde.

¹⁶ Dios mbae saã ja arõte nande je. Ebite mbae raã mose nande je. Nyebe aico nguiã ñee ee jeniĩ a. —Paba, Espiritu Turã emondo tuchi echiangui re. Embuquirãcuã sacuaã, ae chõ nguiã ee a.

¹⁷ —Paba, sã Cristo riqui tuchi echiangui re. Sã Cristo icua tuchi. Sã eriqui nyesecua tuchi Cristo rese, ae beite se quia Dios je jeniĩ co.

¹⁸⁻¹⁹ Mbaerã ño Dios riqui nyesecua tuchite nanderese co. Co eriqui nyesecua tuchite nande rese co. Jendua tuchi quiatu quia ùquĩ ndese. Sã Cristo quiato riqui ndua ja ùquĩ ndese. Sã Dios riqui tuchi jeñiangui re.

²⁰ Dios quirãcuã ndiqui beite nandechiangui re co. Nandembirãcuã mbeite equia co. Nyebe eriqui mbae raã ja arõte nande je co. Ae rese nandeico ndua eãte nae, ùquĩ abe chee esaã arõte quia nande je co.

²¹ Sã Jesucristo quiato riqui ñee turã mbei Dios je Jesucristo rĩ. Mbae ua ja mose chee. Eĩ si ra equiatio quia ñee turã mbei erĩ. Amén.

4

Hue rĩ ja chõ Espiritu Turã ndiqui nguiã Jesús quiato mundua

¹ Setarõ ji aĩ Jesús rĩ a. Secheẽ amondo quia jẽje aque. Jẽingo turã ño nguia Cristo rã si. Dios chiirabote quia jẽ nde.

² Jẽseteã ño jẽingo. Jẽingo tochi chõ nguia. Jendoseĩ nguiatu chõ nguia jenyue. Jenyesecea chõ nguia jenyiese.

³ —Hue rĩ ja chõ nandeico ndua jẽ, jenyue chõ nguia jenyue. Sã Espiritu Turã ndiqui jemundua hue rĩ ja.

⁴ Jesús rete mii na ño nande re. Espiritu Turã mii ño siqui nguiã nandechiangui re co no. Jesús mii na nda nande ja nandeico.

⁵ Ae mii ño nanderereca ja re. Ae mii ndese chõ nandeico ja nguiã ã. Aque mii nii ño ngue bautizar i nguiã nande je no.

⁶ Dios mii ño nanderu ja re. Ae mii ño nandemingo nguiã mbae rese. Ae mii ño siqui nguiã nandeite re co no.

⁷ Dios que nandechisaã ae aerã mee nande je ra. Cristo que uturã mee mee nande je ra. Ae ra nandesã saã, ùquĩ naa naa turã sacuaã.

⁸ Sã embesa ji riqui ñee no:

Cristo que nyui oso ibate ra.

Mbia tarõ ji que equerao ra.

Mbia chisaã ae aerã ngue emee mee mbia je ra,

i que embesa ji ra.

⁹ Jesús que siqui ibátee nyii ra. Aquere que eru nguichi ìbii cote ra.

¹⁰ Ae sí que oso nyui ibei robei cote ra. Mbae rerecuarã ja sacuaã ngue ae cote ra.

¹¹ Ae que mbia chisaã ae aerã mee ee ra. —Apóstoles ra jẽ, i que emo emo je ra. —Secheẽ embuchecua checua quia mbia je, i que emo emo je ra. —Mbia sequiatoã je secheẽ turã esenei senei mbei serĩ, i que emo emo je ra. —Mbia serimba eteaquiato bei, i que emo emo je ra. —Mbia embaaquiato quiatu bei quia, i que emo emo je no nda.

¹² Eĩ ngue Dios uquiato mbaaracua racua ja uchisaã ae aerã ndese ra. Ùquĩ mose ra Jesús quiato Jesús oseĩ i i tuchi cote.

¹³ Ùquĩ mose ra nandendua ja Jesucristo rese hue rĩ ja. Ùquĩ mose ra Jesucristo nandeica i i tuchi. Jesucristo rã nda nandeico chee ùquĩ mose.

¹⁴ Ùquĩ mose ra nandeico ñimbirãcuã tuchi Cristo rese. “Tambhĩrĩ irĩ Cristo rĩ” i mose emo nande je, nandeicoã nda ùquĩ ndese. Nandendua ata ata eã nda Cristo rĩ. Ae mii ndese chõ nda nandeico bei. Mbia rĩrĩ na nda nandeico ndua ata ata eã.

¹⁵ Ùquĩ mose ra nandechẽẽ ñooño eã. Mbia ra nandembhĩrĩ iriã. Nandechesecua ja ra equia mbia rese. Cristo rã si chõ nda nandeico turã. Dios quiato rereca tuchite quia ae re. Sã nandẽãquĩ nanderete rereca no.

¹⁶ Sã nanderete riqui ñimbirãcuã ja no. Eĩ si chõ Cristo rimba nguiã ñimbirãcuã ja siqui turã nyiese. Sã nanderete no. Nanderete resenda siqui turã ja mose, nanderete rasiã ja rae.

Ae icuã jêsaã saã nguia nyii nae, ùquĩ jêsaã saã eãte quia namo ã

17 Jesús cheê tuchi chõ ã nde: Dios icuasa reã na nda jêngochĩ cote jê. Ndua choõño ño nguia mbae rese ùquĩ.

18 Eãquĩ ãtã ño ùquĩ nde. Dios cheê andu sereã nea je chõ ùquĩ nde. Nyebe Dios riqui nguia nguico mee eã tuchi ùquĩ je.

19 Mbae icuã achõ ndese chõ eriqui nguia ndua ndua. Eireĩ nguia mbae icuã naa naa mose cote. Oo oo tuchi mbae icuã ja rese.

20 Ùquĩ ngue Cristo jembaaquiato quiato eã jê nda.

21 Jêirandu que Jesús rese resê. Ae sí chõ ngue jembaaquiato resê. Jembaaquiato que ucheê turã nii nda.

22 Jeñiangui renda icuã si jêhui chõ. Aba mbũicuãsa tuchi chõ ùquĩ nde. Aba mbũĩrĩ ñĩ ño ùquĩ nde.

23 Jendua ndua jembiasu chõ ae. Ae rese jêingo ndua icuã icuã nyii nae, ùquĩ si jêtesarei chõ cote ae.

24 Jeñimbiasu chõ nguia ae. Ùquĩ mose ra jêingo Dios rã si. Jêingo turã tuchi ra equia ee.

25 Jeñee ñooño eã ná nguia jendesenda mo je cote ae. Nyiesenda ja chõ nande cote re.

26 Jê paama i mose, paama jenyeturã ño nguia. Paama jenyeturã ño nguia. Tenda oso nonde ti jenyeturã.

27 Jê paama i oco mose, diablo ra jembũicuãte cote.

28 Ae mbae mbuquiachã quiachã nguia nae, sã mbae mbuquiachã eã cote. Sã ae ae mbae ao ao o je icua cote. Sã eriqui mbae mondo mondo mbaecha reã je cote.

29 Jenyuru jendecochõ ño nguia ñee ndocoĩ mbae icuã nii jê. Mbae turã nii ño jêingo ñee mbia je jê. Emundua ndua sacua Dios rese.

30 Espĩritu Turã nda jembia eã eãchĩ jê jê. Ae chõ ngue Cristo mbae marca mii nguia jendese. Nyebe jêingo nguia ñee. —Cristo ra nandembiasu erã si, i.

31 Paama jenyechĩ nda emo nii. —I ãchĩ se, jenyechĩ nda emo nii jê. Jêtasê tasêchĩ nda emo je. Jeñee icuã icuãchĩ nda emo nii.

32 Jêturã ño jêingo jenyeturã. Jêseteã ño jêingo jenyeturã. Jendesenda icuã icuãte mose jêje, jêtesarei chõ eicuã si. Sã Dios jêicuã mbutiã jê Cristo rã nyii no.

5

Dios quiato siqui bei mbae turã ndese

1 Dios rĩrĩ tuchi chõ jêingo nguia ã. Nyese-cua tuchi equia jendese co. Erã si chõ jêingo.

2 Jenyese-cua tuchi quia mbia rese. Sã Cristo riqui nyese-cua tuchite nanderese no. Sã mano nandeuã ndiquicharõ oveja rã no. Emano mose que Dios ia tuchi erese ra.

3 Cristo mbae chõ jê cote re. Nyebe jêingo eã emo ninisi rese. Eruã mo ndese abe no. Emo mbae ra jenyosei choseichĩ. Eicuãte ùquĩ.

4 Jenyuru jendecochõ ño nguia ñee ndocoĩ mbae icuã nii. Mbae icuã aba ireingua rĩ jeñee eã. Eicuãte ñee mose ùquĩ. Gracias jenyeturã quia Dios je.

5 Emo siqui mose ngũinisã ndese, aque ra siqui eã Cristo rese, Cristo siqui mose erere-cua. Ae mbae icuã saã saã mbeite quia nae, Ae emo mbae chosei chosei quia nae, ùquĩ abe ra siqui eã Cristo rese. Emo mbae osei osei mose, Dios abareã ndese siqui raanguia chõ ùquĩ no nde.

6 Ae ùquĩ saã saã nguia mbae icuã nae, ùquĩ je ra Dios mbae rasi raanguia tuchi. “Ichõño ñee” ichĩ nda emo jembũrĩ ñĩ jê.

7 Ae ùquĩ saã saã nguia mbae icuã nae, ùquĩ ndese ra jêngochĩ jê.

8 Itondaruqui re rã ngue jêingo cose ra. Nyaashĩ ño jêingo nguia Jesús rese ã cote. Nyebe jêingo turã.

9 Ae siqui nyaashĩ nae, ùquĩ siqui turã ño nguia ã. Ñee ñooño eã ño nguia emo je ã. Siqui ãte equia mbae icuã mo ndese ã.

10 Ae Dios bite riqui nae, ùquĩ ndese chõ jêingo ñimbbaaquiato quiato.

11 Ae itondaruqui rĩnda saã saã nguia mbae icuã nae, ùquĩ nda jêsaã saãchĩ erese jê. Echiao icuã nii ño jeñee ee emundua jê.

12 Ae ùquĩ saã nyecuayã cuayã nguia mbae icuã nae, aba ireite ñee ùquĩ nii.

13 Jê ùquĩ nyiao icuã mbuchecua mose ee, ndua ndua ra erese cote. Emo emo siqui arõte Cristo rese cote. Itondaruqui rĩnda recha mbae icuã.

14 Sã embesa ji riqui ñee no:

Ae uque saã saã nguia nae, sã ùquĩ ñumumba. Ae siqui quia eraaque rã nae, sã ùquĩ quera si.

Ùquĩ mose ra Cristo uturã ndeacuquia ee, i que embesa ji ra.

15 Cochee tuchi chõ jêingo Dios rese. Mbia aquiaturã na nda jêngochĩ. Mbia aquiaturã nguiaturã jêingo.

16 Ae Dios bite riqui nae, ùquĩ ndese chõ jêingo ñimbecoteã. Mbae icuã icuãte eriqui ã cote.

17 Jêaquiaturã eã ño jêingo Dios rese. Ae Dios bite riqui nae, ùquĩ ndese chõ jêingo ñimbbaaquiato quiato.

18 Jêquiagua quiacuachĩ nda equia jê. Jêquiagua mose mbae icuã jêsaã saã ja arondete. Espĩritu Turã nguiaturã jemingo tuchi jeñiangui re.

19 Cristo rĩ jeñee turã tuchi quiaturã quia jenyeturã. Jêirasei rasei tuchi quiaturã quia Dios je. Himnos. Salmos. Jêya chõ jêingo irasei rasei Dios je.

²⁰ Dios rei nanderu. Ae chō mbae ja mee mee nguia nande je co. Nyebe “gracias” jenybe bei quiatu quia ee Jesucristo rii.

Jēingo turā ja chō nguia jenyuchua jenda ja je

²¹ Jenongue cheē jemumbayā ño nguia. Cristobi tuchi chō ūqui nde.

²² Sā cuña ngu cheē mumbayā. Sā eriqui Dios cheē mumbayāte no.

²³ Eru quia rei ngūinisi rerecua. Sā Cristo uquiato rerecua no. Cristo quiato rei Cristo rete rā. Cristo quiatu ngue esirō nguia eicuā si.

²⁴ Sā Cristo quiato riqui echeē mumbayāte no. Eī si chō cuña nguia ngu cheē mumbayā mbei.

²⁵ Sā eru riqui nyesequa tuchi ngūinisi rese. Sā Cristo nyesequa tuchi uquiato rese no. Sā mano nyee eriquicharō no.

²⁶ Uquiato no sacua icuā chō ūqui nde. Irei que i je ra. Ucheē je abe que eirei no nda.

²⁷ Cristo uquiato mbuturā turā ja quia co. Mbae icuā ndese emingo uquia reāte. Nyebe eyate riqui nguia erese co.

²⁸ Sā Cristo riqui nyesequa tuchi uquiato rese no. Eī si chō mbia quia nyesequa ngūinisi rese. Sā emo ndiqui ngueteāte nguete rese no. Emo ngueteā mose ngūinisi rese, nguete rese ngueteā naanguia chō ūqui nde.

²⁹ Emo nda nguete ucuayā eā. Nguete ra equereco turā. Teaquiato turā nda equia. Eī si Cristo quia uquiato rerequia turā co no.

³⁰ Cristo rete rā si chō equiato re. Nande abe chō Cristo rete rā no nde.

³¹ Dios que ñee nyii ra. Emo ngūinisirā ndea mose, sā nyao usi si. Ngu si abe no. Sā ngūinisi mii ndese chō eriqui. Co mii siqui rā ño eriqui nguia nyiese cote.

³² Mbaranguiatuāte raque ūqui icua. Nyere mo siqui mose co mii na. Cristo rii ño eriqui nguia ñee. Equiato rii abe no.

³³ Jēje abe chō eriqui nguia ñee. Jē nyesequa tuchi sacua jeninisi rese. Sā jēingo nyesequate jendete rese no. Sā cuña abe riqui ngu cheē mumbayā mbei.

6

¹ Mbia riiri, jendu cheē jemumbayā ño nguia. Jēsi cheē abe.

²⁻³ Ā ngue Dios ñee cose ra: “Jēingo turā ño nguia jēsi je jē. Jendu je abe. Jēingo turā mbei ra equia ūqui mose. Jendeco ra jēingo arete ibii,” i que Dios mbia je cose ra.

⁴ Eru je tacheē cote. Esi abe je. Jeñee icuā icuā tuchite chí nda jendiiri je jē. Paama i chee ra jēje. Jembaaquiato turā turā quiatu quia. Jemingo turā quiatu quia Dios rese.

⁵ Mbia rimba je tacheē cote. Jenderecua cheē jemumbayā ño nguia. Cochee chō

jēingo ee. Jēingo turā ño nguia jenderecua je. Cristo bite ūqui.

⁶ Jenderecua mae eā mose jendese, ūqui mose abe chō jēingo embae raā naa turā ee. Mbae jēsaā turā ja quiatu quia Dios cheē ndui si. Cristo rimbate quia jē nde.

⁷ Jēya chō jēingo mbae raā naa mose jenderecua je. Dios je chō jēingo nguia eraā ūqui. Jenderecua ibi jenda mii je eā ño ñene.

⁸ Dios ra mbae turā mee jēje emo mose jenyiao turā ndibishorō. Jēingo mose mbia rimba. Mbia rimba eā jēingo mose ra re no ae.

⁹ Mbia rerecua je tacheē cote. Jēingo turā ño nguia jē abe jenimba je. —Tareiruā nua, jenyechi nda embiiri iri jē. Jē abe chō jenderecua no nde. Jesucristo rei jenderecua. Jenimba abe rerecua. Eī ja chō mbia Dios je re. Mbia mii ndese ra eriqui turā eā.

Soldados rā si chō jēingo nyiquisā mbae icuā si

¹⁰ Hui bei nonde ā tacheē jēje. Dios quia rei equiracuā tuchi. Dios quiracuā je chō jēingo nguia ñimbiracuā.

¹¹ Sā soldado riqui armadura mingue no. Ūqui nde i nyiquisā sacua ūqui. Eī jenyebē si chō nguia siqui tuchi Dios rese nyiquisā Satanás si.

¹² Ae icuā icuā ndiqui nande je Jesús rii nae, mbia eā ño ūqui nde. Satanás ño ūqui nde. Satanás nimba abe no. Aba checuayā icuā abe no. Mbae icuā nderecua ja chō ūqui nde. Equiracuā tuchi riqui ūqui.

¹³ Jēingo tuchi Dios rese ūqui icuā si nyiquisā sacua. Jēquiracuā jēingo tuchi sacua. Jēquiracuā mbei quia jēingo, Satanás jembacuā eā sacua.

¹⁴⁻¹⁷ Jēquiracuā tuchi chō jēingo. Sā soldado riqui icoquiato armadura mingue no. Eī jenyebē si chō nguia icoquiato diablo jembacuā eā sacua. Sā soldado riqui ngūmbi cuasa mingue no. Huiisia rinda abe mingue nyiquisā sacua no. Sā soldado riqui huiyao mingue icoquiato no. Sā escudo abe rerequia oo no. Nyiquisā sacua emo uu mombo mose ee. Sā huiite sucha ātā abe mingue uāqui ndiquisā sacua no. Sā tiquire abe rerequia no. Soldado rā si chō jēingo icoquiato nyiquisā sacua diablo si. Jeñee ñoño eā ño nguia. Jēingo turā mbei chō nguia. Jēingoquiato bei quia Dios cheē turā nenei nenei mbia je. Dios jēicua tuchi quiatu quia. Dios icua tuchi mose ra diablo tā i eā jēje. Dios quiracuā ndese quia jēingo tuchi mbae icuā naa eā sacua. Dios cheē jēicua tuchi quiatu quia. Ūqui mose ra Espiritu Turā siqui tuchi jendese.

¹⁸ Jeñee mbei quiatu quia Dios je. Sā Espiritu Turā jembucheē turā mbei quia ee. —Mbae embu seje. Ā embu seje, jenyebē bei quiatu quia Dios je. Dios quiato ja rii ño

jěingo ñee Dios je. Dios siqui turā sacuā erese.

¹⁹ Serĩ abe quia jěingo ñee mbei Dios je. Sembucheē turā sacuā, se echeē nenei nenei mose mbia je. Ae rese mbia riqi jiranuate Cristo rĩ nae, ũquĩ asenei senei nguia mbia je co.

²⁰ Dios que semondo ucheē turā nenei nenei sacuā nda. Ũquĩ nĩ ño setarō ji aĩ nguĩ a. Jeñee mbei quiatu quia Dios je serĩ. Se ireĩ ireĩ eā sacuā. Se echeē turā nenei nenei mbei sacuā mbia je.

Pablo ñee hui bei

²¹ Tiquico si quia jendea aque. Ae ra mbae senei ja jěje jembirandu serĩ. Ae que mbae saā turā mbeite quia serese ra. Dios rimba turā tuchi chō ae re.

²² Nyebe amondo nguĩ jendea aque. Jembirandu ja sacuā urerese. Jembia tuchi sacuā Cristo rese abe.

²³ Jesús quiato chō jě abe, se rā si re. Sā Paba ibatenda riqi jembia bei tuchi. Sā eriqui jembuchesecua tuchi mbia rese. Sā Jesucristo icua uquia tuchi jěje.

²⁴ Ae nyesequa tuchi quia Jesucristo rese nae, sã Dios turā siqui tuchi ũquĩ ndese. Amén.

LA CARTA DEL APOSTOL SAN PABLO A LOS FILIPENSES

Pablo tarō ji ucheē mbesa mondo Jesús quiato je

¹ Pablo chō se re. Timoteo rese. Jesucristo rimba chō ure re. A ureico ā mbesa jēje a. Felipos jenda Jesucristo quiato ja je a. Jesús quiato rerecua je abe ureico ā mbesa a. Diáconos je abe no.

² Sā Paba Ibatenda turā ndiqui jendese. Sā jembia mingo. Sā Jesucristo abe jembia mingo no.

Pablo ñee Dios je Jesús quiato rīī

³ Sendua ndua mose jendese, seya beite aico jendese co. Gracias ae beite sequia Dios je jeniī co.

⁴ Se ñee ñee mose Dios je jeniī, seyate riqui co.

⁵ Se Jesucristo cheē nenei namo mosenda bei chō jēingo nguiā ndua bei serese co. Nyebe jēingo nguiā mbae mondo mondo bei seje co. Nyebe seya tuchi riqui nguiā jendese co.

⁶ Dios que ucheē mingue jeñiangui re, ae si ra siqui bei jendese jembitirō tirō. Jesucristo tu chee. Ae bei. Siqui bei ra jendese. Aicuate se quia co.

⁷ Coche aico nguiā ndua ndua eī jendese co. Achesecua tuchite quiatu nguiā jendese. Jē ngue jēingo beite quia serese ra. Jendua ndua beite que equia serese ra. Mbae mondo mondo bei seje. Mbia icuā icuā mose seje. Se mbia cheē ndiquisā quisā mose Jesús cheē si. Mbia setarō tarō mose. Ūqui mose abe que jēingo beite serese ra. Dios turā ndese que nandeico mae mae mbeite ra.

⁸ Dios resa aico ñee co. Jesucristo rā si aico nyesequa tuchite jendese co.

⁹ Aico ñee mbeite Paba je jeniī co. —Paba, ūqui embuchecua i i tuchi mbia ja rese. Ndeaquiatu emondo i i tuchi ee, ae beite quia Paba je jeniī co.

¹⁰ Eī nda mbae turā jēicua. Eī nda jēingo bei mbae turā ndese. Eī nda Jesucristo ñee asiā jēje tu mose.

¹¹ Eī nda Jesucristo jemingo bei mbae turā ndese. Eī nda mbae turā jēsaā saā ja Dios je.

Cristo mīī nīī ño aico nguiā se co, i Pabla

¹² Ā tasenei jēje. Mbae icuā ngue jēje mbeite quia seje, ūqui ngue Jesús cheē mbutiba eā mbei ra. Ūqui jēje mose seje, mbia que jirandu tuchite quia Jesucristo rese cote ra.

¹³ A setarō ji ñi cárcel a. —Cristo rīī ño etarō ji ñi nguiā hue, i jate mbia quia serīī ūqui.

Mbia rerecua chuchua jenda ja. Tuchuamo jenda ja abe.

¹⁴ Jesús quiato jirandu mose setarō ji rese, esiquicheāte riqui Dios cheē nenei nenei ūqui cote. Jesús quiato ja riqui Dios cheē nenei nenei tuchi ūqui cote. —Dios riqui tuchi urerese co, i equia ūqui cote. Maende setarō ji rese.

¹⁵ Emo emo ndiqui Cristo renei ñooño ūqui. Ndua icuā icuā ño nguiā ūqui. Mae icuā icuā ño nguiā serese ūqui. Emo emo ndiqui Cristo renei turā tuchi ūqui no.

¹⁶ Ae Cristo senei ñooño nguia nae, ūqui icuāte riqui seje ā. —Sā Pabla tarō ji ñiño, i equia serīī ā. Cristo renei ñooño ā. Emo ndese ndua eā. Nyiese chō eriqui nguiā ndua.

¹⁷ Ae Cristo senei turā nguia nae, ūqui ndua chō nguiā emo ndese. —Jesucristo cheē nīī ño Pabla tarō ji ñi nguiā hue, i equia ndua serese ūqui.

¹⁸ Seyate emo Cristo renei turā mose. Seyate emo Cristo renei ñooño mose no. Cristo rīī nguiatu eriqui nguia ñee. Tachimbua tuchi chō nguia ūqui Cristo renei nenei mose.

¹⁹ Jéndese abe seyate aico co. Ūqui jēingo ñee Dios je serīī ūqui. Espíritu Turā ndiqui serese a no. Ae Jesucristo mbu seje. Nyebe Dios riqui nguiā setarō ji reaquiātu tuchi a. Nyebe seya tuchi riqui nguiā a.

²⁰ Sesiquicheā tuchi ra se reae. Seireī nguiā mbei nda eriqui Cristo cheē nenei nenei ña. Cristo bei achō ndese taico bei setarō ji. Mbia nda seiquia rei nguiā, se taico bei Cristo rese. Mbia nda sembusē ndei nguiā no, ūqui mose abe taico bei erese no. Eī ja chō seje re. Eturā ja chō seje no nde.

²¹ Cristo mīī nīī ño aico nguiā se co. Semano mose, eturā tuchi quiarei ūqui seje cote.

²² Dios semingobe mose, ae si je chō aico nguiā mbae turā naa naa co. Ma ño eturā jiri riqui seje. Mano mose ereae. Siquibe jiri mose ere no ae. Aicua eāte se.

²³ Ma ño sebi jiri. Semano sete raque oso sacua Cristo rese. Ūqui nda eturā jiri seje.

²⁴ Se seicobe mose ibiī, ūqui nda eturā jiri jēje reae.

²⁵ Ūqui aicuate se. Seicobe mose, ūqui nda eturā jiri jēje reae. Nyebe ra Dios semingobe jiri jendese. Se Cristo icua quia sacua jēje. Se jembiahe jiri sacua Cristo rese.

²⁶ Anyae ra oso jendea. Aque mose nda jēya tuchi Jesucristo rese chā.

²⁷ Ae uresenei senei nguia Cristo rīī nae, ūqui andure chō jēingo turā. Airandu turā nda se quia jendese chā. Eī nda mbia ñee seje chā. —Hue rī ja chō eriqui ndua turā nye. Huee echi mbia cheē ndiquisā quisā Jesucristo cheē si hue, i nda mbia seje chā.

I nda mbia seico mose isho chã. Seico mose abe jendese.

²⁸ ¡Tiri jenyechĩ nda Jesús ucuãyãsa si jê! Jêsiquicheã mose, Dios ra ùqui mundua tata cuasu rese cote. “Huee ra asochĩ nde”, i chee rae. “Jesús icuasa ra Dios mingo bei”, i ra ùqui jeni cote, jêsiquicheã mose esi.

²⁹ Jê Cristo jêicuate quia ùqui cote. Ùqui miiño eã. —Jeñimbirãcuã abe quiatu quia seriĩ, mbia icuã icuã mose jêje, i Cristo quia jêje co.

³⁰ Sã mbia icuã icuãte riqui seje no. Eĩ si chõ mbia icuã icuã ndiqui nguiã jêje ùqui. Nande jaje bei chõ ñene. Jemaẽ ndei que equia serese cose resẽ. Se mbia icuã ndiquisã quisã mose. Ùqui sí rese chõ jêingo nguiã jirandu randu serese namo no.

2

Cristo seteã tuchi que tu ra

¹ Jesucristo jembia turãte quia co. Cristo nyesecua mose jendese, jêyate riqui ùqui. Espiritu Turã abe riqui jendese ùqui. Jendua turãte equia emo ndese ùqui.

² Nyebe aico nguiã ñee jêje. Seyate aico raque jendese co. ¡Secheẽ jemumbayã tuchi quiatu quia jê! ¡Sembia tuchi quiatu se jê! ¡Jendua ata atachĩ nda jê! ¡Hue rĩ ja chõ jêingo ndua jê! ¡Hue rĩ ja chõ jêingo nyesecua nyese no jê!

³ ¡Abei chiãte ra jêingochĩ jê! ¡Jenguasu ra jêsaã saãchĩ! ¡Jêseteã ño jêingo! —Nde chõchĩ ndeturã sesi, ¡jenye chõ jenyue!

⁴ “Se chõ jê” ¡jenyechĩ nda jê! Emo mbaerã abe rese quia nandeico ndua.

⁵ Sã Jesucristo riqui ndua eãte uchiese no. Erã si chõ nandeico ndua nande abe jê.

⁶ Dios rã si rei que Jesucristo ra. Ñimbuseteã tuchi que u íbii ra. Ererecua rã eã ngue eru íbii ra. —Dios rã si chõ taico bei se, iã ngue u íbii ra.

⁷ Mbia rerecua tuchi rei que Jesucristo ra. Huiico mose ibate. Mbia mo na ngue eru íbii cote ra. Mbia mbaecha reã na ño ngue eriqui íbii cote ra. Mbia rimba rã.

⁸ Mbia mo na ño ngue ae ra. Ibii eico mose cote. Mbia rerecua que esaã saã eãte quia ra. Siqui mingue chõ ngue equia ra. Dios cheẽ ngue emumbayã mbei mano nyee ra. Embucha ji que mano ira rese ra. Aba ireite mano ira rese.

⁹ Nyebe Dios riqui nguiã Jesucristo mbuchecua beite co cote. Mbia rerecuarã tuchi Dios Jesucristo mingo co cote.

¹⁰ Mbia ra ngoi ja chee nguiã ndese Jesucristo je ñee. Ae siqui ja íbii. Ae siqui ja íbátee no. Ae siqui ja íbiqui rĩ. Ùqui ja ra ñee turã Jesucristo je.

¹¹ —Jesucristo rei mbia rerecua ja, i chee ra ùqui ja ñee. Ùqui mose ra Dios ia tuchi cote.

Secheẽ jêisi chooño eẽ ño nguiã, i Pablo

¹² Secheẽ ngue jemumbayãte quia seico mose jendese. Ishote aico jêsi co. Secheẽ jemumbayã tuchi quiatu quia isho seico mose abe. Cochee jiri quiatu jêingo Dios je. Jêingo bei tuchi quia erese. Jenderao chee ra ibate mbae icuã si.

¹³ Dios quirãcuã ndiqui jeñiangui re ùqui. Dios quia mbae turã nyosei uquia nguiã jêje. Dios mii ño jemingo nguiã ubi rese.

¹⁴ Mbae turã jêsaã turã ja chõ. Ñee icuã icuã ndocoí. Teã teã ndocoí.

¹⁵ Eĩ nda mbia mo ñee icuã icuã eã jêje. Eĩ nda jêicuã eã emo je. Dios riiri ño jê nde. Sã nyasitata riqui mbae resae jate itondáruu no. Eĩ ño jê nde. Nyasitata rã si chõ jê nde. Mbia icuã ndesae ja.

¹⁶ Jêingo mbia mingo beisa renei nenei tuchi mbia je ùqui. Nyebe ra seya tuchi jendese Cristo tu mose. Secheẽ jêisi chooño eã ño nguiã. Jaembaaquiato chooño eã ngue Cristo rĩ nda.

¹⁷ Secheẽ nguire jêingo Dios icuate ùqui cote. Secheẽ nguire jendete jeme tuchi mose Dios je, seya tuchite ra jendese cote. Mbia nda seiquia rei nguiã Jesucristo rĩ, seya bei ra aico jendese, jendete jeme tuchi mose Dios je.

¹⁸ Jeñimbua chõ nguia serese. Sã seyate aico co no.

Timoteo tamondo jêje Epafrodito rese, i Pablo

¹⁹ Jesús eno i mose, Timoteo tamondo rã jendea. Eĩ nda seya jirandu mose jendese.

²⁰ Timoteo rã si ãte emo ndua tuchi jendese.

²¹ Umbaerã achõ ndese chõ eataque riqui nguiã ndua ndua. —Ã tasaã saã mbei Jesucristo je, i ãte equia ùqui.

²² Sã eriiri ndiqui mbae raã naa ngu rese no. Eĩ si que Timoteo quia serese ra. Jesucristo cheẽ nenei nenei mose serese. Siqui turã mbeite que equia serese ra. Ùqui jêicuate quia ùqui.

²³ Nyebe ra Timoteo amondo jendea. Ñ tatea rã nyii. Mbia ra setarõ ji mii mbei a reae. Sembuse nda re no ae. Ùqui tatea rã nyii. Ùqui ndeare ra Timoteo amondo jendea.

²⁴ Aĩ mbeite ndua Dios rese a. Ae ra sembusẽ jei reae. Semondo ra jendea cote reae.

²⁵ Epafrodito abe tamondobe jêje. Ae jemondo seje nyii seraarõ sacua nae. Sere-senda turãte riqui seje co. Dios cheẽ nenei nenei serese. Senongue rã tuchi eriqui seje co.

²⁶ Mae sete equia jendese co cote. —Mbia jiranduchĩ serasi rese re, i equia jeni cote.

Nyebe eya eã ndiqui nguiã nduate jendese cote.

²⁷ Ae bei. Erasi tuchi que eriqui rei ra. Mano serĩ tuchi rei que equia ra. Dios ia eã tuchi que eriqui erese ra. Nyebe embucherõ nguiã. Serĩ abe que Dios embucherõ nda. Sembia jiri sacuaã. Sã mbae riqui eĩ eĩ ja tuchi sembia eã se no.

²⁸ Nyebe Epafrodito amondo nguiã jėje aque. Jembia sacuaã erasiã ndese cote. Seya eã nda sasẽ jiri jemaẽ mose erese cote.

²⁹ Nanderesenda tuchi chõ ae Jesucristo rese re. Ngasẽ mose pee, jęya chõ erese. Jęsi turã ño. Eraanguia rese jęingo turã mbei Jesús quiato.

³⁰ Jesucristo rĩi ngue mano serĩ serĩte ra. Jesucristo cheẽ nenei nenei mose. Siquiche ãte que equia ra. —Amanochĩ nae se re, i ãte que equia ra. Sereaquiato turã tuchi que equia ra. Ishote quiato ngue jęingo nguiã ję. Sereaquiato aronea.

3

Cristo mi ndese aico cote, i Pablo

¹ jęya bei chõ jęingo Jesucristo rese ję! Ae asenei senei nguia jęje nyii nae, ũqui sí tasenei senei jęje. Sebite secheẽ nenei nenei sí jęje. Jendua bei sacuaã erese.

² Ae siqui nyacua raãte nae, ũqui si jenyiicuasẽ ño nguia. Eicuãte riqui ũqui. Aba rete sia choõño ño ũqui nde. Mbia mbaaquiato turã ndocoĩ.

³ Circuncisión ño nande re. Nandechiangui re chõ nandeico nguiã Dios rerequia nande ã. Nande chõ nandeya riqui nguiã Jesucristo rese ã. —Mbia circuncisión naa mose, aque mose quia ra Dios emingo bei cote, i chõchĩ emo hue jenda nguiã ũqui. Nandequiato jiriã tuchi chõ ũqui nde.

⁴ —Dios ra semingo bei, mbae turã naa naa mose, ae rei que se quia nyii ra. —Seturã nii nda Dios semingo bei, i chõchĩ emo. Seturã tuchi raque eriqui ũqui si.

⁵ Sechacuquia mose, ocho días mose que circuncisión naa seje ra. Israelita chõ se re. Benjamín ndiirĩ nducucha chõ se re. Hebreo chõ se re. Paba abe que hebreo ra. Fariseo que se nyii ra. Moisés chimbesa que amumbayã nguia ra.

⁶ Aico asite que se quia Dios rese nyii ra. Jesús quiato que asiquisã tuchi quia nyii ra. —Pablo riqui Moisés chimbesa mumbate co, i aroneate que equia serĩ nda.

⁷ ũqui nii ngue aico secuasũ raã naa tuchi cose ra. Jesús icuayã mose se. Mbae eã tuchi chõ ũqui seje cote re. Cristo rese quiato aico nguiã co cote.

⁸ Mbae mo ndese aico queteã eãte co cote. Aico ndua eãte mbae mo ndese co cote. Jesucristo mi aicuate quia co cote. ũqui eturãte mbae ja si seje cote. Jesucristo rĩi aico hui

jate mbae si co cote. Iti rã ño mbae ja riqui nguiã seje cote. Seico bei sacuaã Cristo rese.

⁹ Cristo rese tuchi chõ aico nguiã co cote. Aico bei rei que Moisés chimbesa rui nyii ra. ũqui nii eã ño Dios seisi turã nguiã. Se Jesucristo icua mose, ũqui mose quiato ngue Dios seisi turã nguiã. Ae Jesucristo icua quia nae, ũqui Dios isi turã ño nguiã.

¹⁰ Cristo aicuase tuchichĩ nguia co. Ae quirãcuã Cristo mbuquera si nae, aque quirãcuã nda siqui rã serese chã. Sã Cristo ñimbirãcuã mbia icuã si no. Eĩ ae rã nda ñimbirãcuã mbia icuã si chã. Sã Cristo mano nandeicuã ndiquicharõ no. Eĩ ae rã nda mano mbae icuã si chã.

¹¹ Eĩ mose ra Dios seraaque mbuquera si mingo bei cote.

Cristo mi ndese aico ndua co cote, i Pablo

¹² Mbae quia asaã ja eãte rei nguiã. Jesús turã na nguia ra aico jee cote. Co Dios riqui sembitirõ tirõ mbeite co. Co aico erui beite co. Jesucristo que seisi rã seje sacuaã ae rã si ra. Jesucristo turã na tuchi aicoã ndaque namo co. Nyebe aico nguiã siqui tuchi erui co. Seico sacuaã tuchi chee ae rã si cote.

¹³ Ae ra Dios mee seje, ũqui asiiti ja eãte. Ae eĩ eĩ seje cose, ũqui si aico tesareite co. Ae ra Dios mee seje, ũqui nda asiiti. ũqui mi ndese chõ aico nguiã ndua co cote.

¹⁴ Ae siqui tuchi quia Jesucristo rese, ũqui je quia ra Dios premio mee. Nyebe aico tuchi nguiã erese co. Premio isi sacuaã.

¹⁵ ję nande ja tuchi quiato quia siqui Jesucristo rese ję! Nande icua tuchi mose. Jendua ja eã mose hue rĩ, Dios ra ñee jęje. —Ã ndese chõ jęingo, i ra jęje.

¹⁶ Ae nandesiiiti nae, ũqui ndese bei chõ nandeico. Ae rĩi Dios nandembaaquiato quiato nyii nae, ũqui ndese bei chõ nandeico.

¹⁷ Serui bei jęingo, Seresenda. Ureico bei Jesucristo rui ã. Sã mbia siqui bei urerui.

¹⁸ Mbia tubiriã ndiqui Cristo ucuãyãte ã. ũqui ae rei que se quia jęje nyii resẽ. Aba mbucheseo serĩ. “Cristo que mano mbia riquicharõ nda”, ũqui andu sereãte.

¹⁹ ũqui nda nyoĩ ja tata cuãsuu. Ubi rese achõ ño ũqui ndiqui nguiã. Eireĩ nguiãte. Eya chõ eriquichĩ nguiã huiicua ndese. Ibi jenda achõ ndese chõ eriquichĩ nguiã ndua.

²⁰ Jesucristo riqui nanderirõ mbae icuã si co. Ibei jenda chõ nande cote re. Jesucristo ra tu ibei si nanderea cote. ã nandeico eraarõ arõ ã namo.

²¹ Jesucristo tu mose nande je lbii, nanderete ra embuchicuabo. Nanderete icuã ño siqui nguiã namo ã. Jesucristo rete nininya chõ siqui nguiã co. Jesucristo ra nanderete mbuchicuabo nguete rã si. Uquirãcuã je ra nanderete mbuchicuabo. Sã mbae mbitirõ

ja arõte uquirãcuã je no. Eĩ nda nanderete je.

4

Jëya bei chõ jëingo Cristo rese

¹ Sehesecua, andua tuchite quia jendese a. Amaese tuchi se quia jendese a. Seya tuchite aico jendese a no. ¡Jëingo turã tuchi chõ Jesucristo rese jê!

² Evodia je tacheê. Síntique abe je tacheê. ¿Mbaerã jëingo siqui icuãte nyue re? Jëingo turã ño jenyue ae. Jesús quiato chõ jê ndesê.

³ Nde abe je tacheê, Seresenda. Ûquí cuña emingo turã nyiese. Eteaquiату bei quia. Ûquí ngue siqui bei serese Jesús cheê nenei nenei mose ra. Clemente rese abe no. Eataque rese abe no. Dios que ùquí mbae nombre mii mii libro umbae rese ra. —Ûquí nda siqui bei serese, i que ra.

⁴ Jeñimbia bei Jesucristo rese. ¡Jeñimbia tuchi jê!

⁵ Sã mbia mae ja jêturã ndese. Jê abei rese. Achite Jesucristo ñi tu a.

⁶ Pari pari jenyechĩ nda mbae mo je. Jeñee ja quiatu Dios je. —Mbae mo embu ure je, jenze chõ nguia ee. Gracias jenze chõ nguia ee.

⁷ Ûquí mose ra Dios jembia tuchi. —Mañi Dios quia ã mbia tuchi re, i nda mbia mae mose jendese chã. Jesucristo ra jeñia mbucoi tuchi. Jesucristo ra jembia bei mingno.

Mbae turã ndese chõ jëingo ndua

⁸ Hui bei nonde ã abe tambesa jêje. ¡Mbae icuã ndese ra jenduachi jê! Mbae turã ndese chõ jëingo ndua. Ae riĩ nandeico ñee turãte, ùquí ndese chõ jëingo ndua. Ichõifiosa reã ndese chõ jëingo ndua. Ae Dios bite nae, ùquí ndese chõ jëingo ndua. Mbae quishĩ ndese chõ jëingo ndua. Ae rese mbia turã ndiqui mae sete, ùquí ndese chõ jëingo ndua.

⁹ Ae asenei senei nguia jêje nyii, ùquí ndese chõ jëingo jê. Ae eraã ndese jëingo mae mae seje nae, ùquí ño jësaã saã mbei quia. Ûquí naa naa mose, Dios ra siquijendese. Jembia bei ra equia.

Jesús quiato ofrendas mondo Pablo je

¹⁰ Jendua ramombe equia serese ùquí. Dios sembia tuchite quia ùquí ndese co. Jêtesarei eãte rei que equia sesi nyii ra. Mbae que jemondo aroneate quia seje nyii ra.

¹¹ —Mbae ãte seje. Mbae mo embu seje, ae ãte se quia jêje co. Sembae eã mose, seyate ùquí mose. Sembae ñetê mose, seyate ùquí mose no. Ûquí je que achimbaaquiату se ra.

¹² Sembae eã mose, seyate ùquí mose se. Sembae tubiriã mose, seyate ùquí mose no. Seya beite aico co. Seriaçuã mose. Serio mose abe no. Sembae tubiriã mose. Sembae eã mose abe no.

¹³ Cristo que uquirãcuã mee seje ra. Equirãcuã je mbae asaã ja arondete.

¹⁴ Coche ngue mbae jemondo nguia seje. Sembae eã mose. Seyate raque sembae eã mose.

¹⁵ Jê ae chõ ngue mbae jemondo mondo bei nguia seje. Se Jesús cheê nenei namo mose bei chõ ngue mbae jemondo mondo nguia seje. Iglesia mo abe que mbae mee ãte seje ra. Jê ae chõ ngue re. Filipos jenda ja. Se Jesús cheê nenei nenei namo mose jêje, aque mose bei chõ ngue mbae jemondo mondo seje. Seso ramo mose Macedonia si.

¹⁶ Sã ñi mbae mo jemondo mondo seje Tesalónica seico mose no. Mbae eã mose seje.

¹⁷ —Mbae mo jemondochõ seje, ae ãte quia jêje a. Dios je chõ jëingo nguia emondo ùquí. Dios ra mbae mondo tuchi jêje eribishorõ. Ûquí ndese quiatu seya riqui nguia.

¹⁸ Ae jemondo seje namo Epafrodito rese nae, ùquí ngue aisi ja ra. Dios bite jeñimondo. Ofrenda turã tuchi que ùquí Dios je ra. Mbaete rei sembae cote re.

¹⁹ Jesucristo resenda chõ jê nde. Ae emoate jêje nae, ùquí nda Dios mee ja jêje. Dios quia mbae quereco ja nguia. Equirãcuãte quia ñene.

²⁰ Sã mbia ñee turã mbei Dios riĩ. Nanderu riĩ. Amén.

Hui bei chõ ã cote re

²¹ Jesucristo quiato je saludar jenze ja seje. Ae Jesús quiato riqui serese nae, ùquí ucheê mondo quia saludar i jêje aque.

²² Jesús quiato a jenda ja ucheê mondo quia saludar i jêje aque. César chuchua jenda abe ucheê mondo quia jêje aque. Ae siqui quia Jesús rese, ùquí.

²³ Sã Jesucristo turã tuchi riqui jê ja je. Amén.

LA CARTA DEL APOSTOL SAN PABLO A LOS COLOSENSES

Pablo embesa mbesa Colosas jenda je

¹ Pablo chō se re. Dios chiirabo chō se re. Jesucristo que seirabo mingo ucheē nenei nenei sacuā nda. Timoteo rese aico ā mbesa mbesa jēje a. Nanderesenda Timoteo.

² Dios rimba Colosas jenda je chō aico nguiā co mbesa mbesa a. Cristo icuasa hue jenda ja je. Ae Cristo icua tuchi quia nae, ūquī ja je. Sā Dios turā ndiqui bei jendese. Sā eriqui jembia bei. Sā Jesucristo abe riqui bei jendese.

Pablo ñee Dios je Jesús quiato rī

³ Nandererecua tuchi rei Jesucristo. Dios rei eru. Ureico beite ñee Dios je jeni ā. Gracias ure beite equia jeni ā.

⁴ Ureirandu turāte quiatu ngue jendese re. Jesucristo jēicuate quiatu nguiā ure je ūquī. Jenyesecua tuchi quiatu nguiā Dios quiato rese ūquī.

⁵—Cristo rese ra nandeico je ibate, jenyete quiare i equia eicua ūquī. Ūquī ndese que jēirandu tuchite nyii ra. Jesucristo cheē nenei nenei namo mose jēje nyii.

⁶ Jesucristo quiato echeē senei senei mbeite quia mangue chooñoa jenda ja je ā. Nyebe Jesús quiato riqui nguiā ñimbeta i i tuchi ā. Sā nandeico mbae a ucua ucua no, eī si chō ñene. Sā eriqui Jesucristo cheē nenei nenei jēje nyii no. Sā Jesucristo cheē jeniā mbitirō eandu ramo mose no.

⁷ Epafras abe que jembraaquiatu quiatu Cristo rī nda. Cristo resenda tuchi chō ae re. Ae chō Cristo cheē senei senei turā nguiā co. Nanderesenda tuchi chō ae re.

⁸ Ae que sembiirandu turāte jendese ra. Espiritu Turā ndiqui tuchi jendese ūquī. Nyebe jēingo nguiā nyesecua turāte mbia rese ūquī.

⁹ Ureirandu mose jendese ūquī ndese, aque mose bei chō ureico nguiā ñee Dios je jeni ā. Dios jemingo bei sacuā ubi rese. Ucheē abe rese. Dios uaquiatu mee sacuā jēje.

¹⁰ Jēingo turā sacuā Dios mbia. Jēingo turā sacuā mbae turā ja rese. Jē Dios icua i i tuchi sacuā.

¹¹ Dios jembirācuā tuchi sacuā uaquiatu je. Jeñimbirācuā tuchi sacuā mbae rasi je. f nda jēingo tochi tuchi mbae ja je. Ūquī mose ra jēyate no.

¹² Ureico gracias i tuchi Dios je ā. Ae quiatu ngue nandembuchiicabo nguiā. Ae ra Dios mee uquiato ja je mbae turā nae, nande abe je ra emee. Dios quia nandererequia turāte nguiā nyaashī na co cote.

¹³ Mbae icuā nguiatu que nanderereco quia itondáruu nyii ra. Dios que nandembui ūquī si cote ra. Nguiirī ndese que nandemingo cote ra.

¹⁴ Dios ririī ngue nandeisirō umbaerā mbei ra. Mano ngue nanderiquicharō nda. Nandeicuā ngue embutiā mbei nyesi ra.

Cristo que mano nandemingo turā sacuā Dios rese ra

¹⁵ Mbia mae aroneate raque Dios rese. Dios rā sí tuchi chō Cristo re. Ae rane ngue siqui Dios chiao mbae ja si ra. Ae que nyecua u mbia je cote ra.

¹⁶ Dios ae que mbae chao eā nda. Nguiirī ndese quiatu ngue mbae ja ao nguiā. Mbae ibatenda ao ja. Mbae ibi riinda abe ao ja no. Ae rese nandeico mae ā nae, ūquī ja que Dios chao nguiirī ndese ra. Ae rese nandeico mae aroneate nae, ūquī abe que echao nguiirī ndese no nda. Mbia rerecua ja abe no. Aba checuayā ja abe no. Ūquī ja que Cristo chao ngu rese ra. Cristo mbaerā ño ūquī ja re.

¹⁷ Mbae ao ja nonde Cristo riqui rei nyii. Eriī ño mbae riqui ja nguiā ā cote.

¹⁸ Dios quiato rerecua j a chō Cristo riqui nguiā co. Sā nandeāquī nanderete rerecua no. Cristo rei mbae i tuchi. Mbae i ja. Ae rane ngue quera si manonde ra. Ae rei mbae rerecua j a tuchi.

¹⁹—Se rā sí tuchi Cristo jē, i que Dios ra.

²⁰ Cristo mano mose, nandemingo turā sacuā Dios rese chō ñene. Nande miī mingo turā sacuā eā ño ñene. Mbae ja mingo turā sacuā Dios rese chō Cristo mano nguiā. Mbae ja ibi riinda. Mbae ibei riinda ja abe no.

²¹ Ishote que jēingo Dios si nyii ra. Mbae icuā naa naa mose. Ūquī mose que jēingo Dios ucuyāte ra. Jendua ndua icuāte que equia eriī nda. Namu nguia eriqui nguiā jemingo turāte uchiese ūquī.

²² Cristo quiatu ngue mano nguiā jeni. Mbia rete raanguia rerequia mose. Mbae rasi que esaā tuchi umano mose ra. Jenii ño ngue mbae rasi raā nguiā. Jēicuā mbutiā sacuā. Jemingo turā sacuā icúe Dios mbaerā.

²³ Nyebe jeñimbirātā jiri quia Jesús icha rui. Jeñimondocho eā mbei quiatu quia jē. Jēhui eā ño Jesús cheē turā si jē. Jesús cheē turā ngue jeñandu tuchi quia. Mangue chooñoa jenda ja que echandu ra. Se abe asenei senei tuchi quia Dios cheē nguire co. Pablo chō se re.

Dios que seirabo ra, i Pablo

²⁴ Se mbae rasi raā mose jēje, seyate aico se co. Cristo quiatu ngue mbae rasi saā tuchi nguiā nande je nyii. Se mbae rasi raā mose, Cristo abe chō mbae rasi saā nguiā serese. Cristo rete rā ño Cristo quiato riqui nguiā.

Nyebe seyate riqui nguiã serete mbae rasi raã mose Cristo quiato je.

²⁵ Dios que seirabo uquiato mbaaquiato quiatu ja sacua nda. Iglesia jenda ja. Dios cheẽ mbuchecua ja tuchi sacua jẽje.

²⁶⁻²⁷ Dios que seirabo judios eã mbaaquiato quiatu sacua nda. Ae Dios mbuchecua eã mbei judios je nyii nae, aico uqui mbuchecua Jesús quiato ja je ã cote. ã ndei ã: Cristo riqui jeñiangui re ã cote. Ae mii ño aba mingo arõ nguiã Dios rese co. Uqui ño Dios mbuchecua ramo nguiã uquiato je co.

²⁸ Cristo mii ñi ño aico nguiã ñee mbia je co. Mbia mbuti mbuti chõ nguiã Cristo icha rui co. Seaquiato je chõ aico nguiã mbia mbaaquiato quiatu Cristo rii co. 1 nda Jesús quiato ja riqui siqui i i tuchi erese.

²⁹ Nyebe serecoteã tuchite riqui nguiã uqui ndese co. Dios quia sembiracuã mbeite nguiã co. Mbia mbuti mbuti sacua Cristo icha rui.

2

¹ Co secheẽ jeñandu rã. Andua ndua tuchite se quia nimbecoteã jendese co. Acheẽ tuchite se quia Dios je jeni co. Laodicea jenda nii abe no. Ae mae ãte quia serese Jesús quiato nae, uqui ñi abe no. Mbia mbaaquiato icua icuãsa riqui jembui serite Cristo si uqui.

² Jẽ ja rii aico ñee Dios je co. Jẽingo i i sacua Dios rese jeñiangui re. Jenyesequa ja sacua jenyese. Jendua ja sacua hue ri si. Jẽaquiato tuchi sacua Cristo rii. 1 nda Cristo jẽicua tuchi cote.

³ Cristo mii tuchi chõ aba mbaaracua nguiã co. Ae mii tuchi chõ aba mbaaquiato nguiã Dios rese co.

⁴ Mbia jembii ri iri eã sacua ño aico nguiã ñee jẽje co. Mbia cheẽ turã abareate raque. Jesús cheẽ ndui eãte quia ñene.

⁵ Aico ndua ndua tuchi jendese co. Siqui rocoi jendese. Ae rese airandu jendese nae, sembia tuchi chõ uqui nde. Jẽingo turã mose jenyese. Jẽ Cristo icua i i tuchi mose. Nyebe seya bei tuchi riqui nguiã jendese co.

⁶ Sã Jesucristo jẽisi nyii no, ei jenyese si chõ nguia siqui bei erese.

⁷ Sã ira riqui ngao mondo tuchi ibiqui ri no. Nimbiracuã tuchi sacua. Ei jenyese si chõ nguia jẽ abe jẽ. Jeñimbiracuã ño nguia Cristo rii. Cristo jẽicua tuchi quiato quia. Secheẽ ñiinda rui sí. Gracias jenyese bei chõ nguia Dios je.

Dios que jembiasu Cristo rã cote ra

⁸ Mbia ra jembii ri iri chõ jembucha nonde Cristo si jẽ. Uqui ñee turã arõte raque. Ñee iru iru chõ nguiã uqui. Nimbucha eãte equia Cristo rese uqui. Mbia cheẽ achõ ño echeẽ nde.

⁹ Dios rã si tuchi rei Cristo. Mbia rete raãte raque Cristo rete.

¹⁰ Uqui jẽingo nimbucha Cristo rese uqui. Cristo rã si tuchi rei nande cote. Cristo quiarei ererecua tuchi mbia rerecua ja si.

¹¹ Cristo que jembui jenyiosei osei icua si cote ra. Jemingo que icue Dios mbaerã cote ra.

¹² Uqui jẽingo Dios quiracuã icuate uqui. Sã mbia Jesús raaque ati rei no. Ei si chõ jẽ Jesús icua mose re. Jendaaque ati rã si chõ jẽ Jesús icua mose re. Sã Dios Jesús mbuquera si uquiracuã je no. Ei si chõ jẽ Jesús icua mose re. Jembuquera si rã ño jẽ Jesús icua mose re. Dios chõ Jesús icua uquia nguiã jẽje.

¹³ Isho que jẽingo rei Dios si cose ra. Jenyiosei osei icua ndese siqui bei mose. Jẽ jẽicua nderequia bei mose. Dios que ngueco mee jẽje cote ra. Jẽ Cristo icua mose. Dios que jẽicua mbutiã cote ra.

¹⁴ Ae icua nandesã saã nguia Dios je nae, Dios que uqui mbutiã nandesã ra. Ae cheẽ nandemumba mumba quia mbia nae, uqui ñee ngue Dios mbutiã nandesã cote ra. Dios nandecua mbucha raanguia Cristo rese chõ ñene. Cristo chõ mose cruz rese.

¹⁵ Cristo mano mose que aba checuayã nderecua quiracuã mbutiã nda. Cristo que aba checuayã mbuquiracuã nea ja ra. Mbia resa rae que embuquiracuã nea ja ra.

Mbia chisaã saã ndese ra jẽingochi jẽ

¹⁶ Sã emo jendiquisã quisã eã mbei mbaeiae mo si. Jẽ mbaeiae u sereã mose, jẽu eã ño. Jẽ euse mose, jẽu chõ. Jẽ jẽingose mose mbae mo ndese sábado mose, jẽingo chõ erese. Jẽ jẽingose mose mbae mo ndese nyasi yasu mose, jẽingo chõ erese. Jẽingo sereã mose erese, jẽingoã erese.

¹⁷ Cristo siqui nonde ibii chõ ngue uqui ja nyii re. Mbia Cristo ru raarõ sacua ño ngue uqui nyii re. Cristo tu mose que uqui quiachã ja cote ra.

¹⁸ Mbia jembii ri iri chõ jembucha nonde Cristo si jẽ. Ae useteã saã ñooño nguia nae. Ae “Dios chõ ñene” i quia ángeles je nae. “Se quiatu” i chooño ño nguiã eaquiato rocoi. Ndua turã eã ño nguiã Dios rese uqui. Un-duasa rese achõ ño eriqui nguiã ucuasu raã naa uqui. Uqui nda jembuchachõ Cristo si jẽ.

¹⁹ Nimbucha eã ño nguiã Cristo rese uqui. Ererecua raque Cristo. Sã nandeaqui ndiqui nanderete mingo turã ja no. Ei si chõ Cristo uquiato mingo turã ja nguiã nyiese ã. Nyebe Cristo quiato riqui nguiã Cristo icua i ite ã. Dios chõ Cristo icua uquia i i nguiã ee.

²⁰ Cristo mano mose que jẽ abe jermano erese resẽ. Mbia chisaã saã ima si que jẽhui turã ndesẽ. ¿Mbaerã nda uqui ñee ndui si jẽingo si cote re?

²¹ Sã uqui ndiqui ñee no: “Jẽocochi nda ã ndese. ã nda jẽuchi no. Uqui nda jẽisichõ jẽo

je no", sã eriqui i no. ¿Mbaerã jëingo ùquĩ ñee mumbayãte re?

²² Mbia cheẽ achõ ño ùquĩ ndesẽ. Dios cheẽ eã ño ùquĩ ndesẽ. Nandechiurã ño mbae ja resẽ.

²³ Ûquĩ ñee turã arõte raque. Eturã arõte raque mbia mbaeiae uã mose. Mbia mbaeiae uã mose, eaquiату arõte raque. Siqui mingue arõte raque. Ûquĩ nda aba chiosei osei icuã mbutiã eã. Ûquĩ nda aba mingo eã Dios mi ndese.

3

Jendua chã mbae ibatenda rese

¹ Dios que jendaaque mbuquera si Cristo rese resẽ. Nyebe jëingo mbae ibatenda osei. Mbae ibi jenda osei rocoi. Cristo quia chĩ nguiã ngoi ibate ngu jii hue.

² Jendua quiату quia mbae ibatenda rese. Mbae ibi jenda rese ndua rocoi.

³ Jemano ngue Cristo rese resẽ. Dios que jembucha Cristo rese resẽ. Nyebe Dios riqui nguiã jendeco rerecoquiату jëje co.

⁴ Dios chõ nandereco mingo nguiã Cristo rese co. Cristo tube mose ra jendete mbiasu tuchi cote. Jenininya tuchi ra erese cote.

Cose ndare rã eã ño jëingo nguiã ã cote

⁵ Ae icuã jendeco quia jeñiangui re nae, ùquĩ icuã jëquiti chõ jenyiesi. Jenyiosei osei icuã jëquiti chõ jenyiesi. Jëingochĩ nda jeninisiã mo ndese. Jendu eã ndese ra jëingochĩ no. "Aque rese nda aico rã ña", jenyechĩ nda emo ni jë. Mbae icuã mo ndese ra jendua ndua jirichĩ jë. Emo mbae ra jenyosei choseichĩ jë. Dios abareã ndese siqui raanguia chõ ùquĩ nde.

⁶ Æ icuã ja riĩ nda Dios mbia mbasi. Ae echeẽ mumba mumbate quia.

⁷ Jë abe que ã icuã jësaã saã tuchi quia nyii ra. Cristo icuayã mose.

⁸ Æ icuã jëjea ja chõ jenyiesi cote. Jë paama i. Jëicuã icuã nyue. Jeñee nyecua nyecua emo ni. Jenyuru icuã. Æ jëjea ja chõ jenyiesi.

⁹ Jeñee ñooñochĩ nda jendesenda je jë. Jë mbae osei osei icuã ñiinda que jembuquiachã jenyiesi resẽ. Jenyisaã saã ima jësaã eãte quia ùquĩ cote resẽ.

¹⁰ Jeñimbiasu ji chõ jëingo nguiã ùquĩ. Nyebe Cristo riqui nguiã jembaaquiату tuchi Dios riĩ ùquĩ. Jëingo turã sacuã Dios rã si.

¹¹ Cristo quia rei mbia mbuchiabi abiã tuchi. Judíos raque. Judíos eã ndaque. Ishonda mo ndaque. Ae eaquiатуate raque. Mbia rimba raque. Mbia rimba eã ndaque. Ûquĩ ja Cristo mbuchiabi abiã tuchi. Ûquĩ ja chiangui re Cristo riquise rete. Cristo siqui mose nandechiangui re, ùquĩ nguiã rei eturã tuchi mbae ja si.

¹² Co Dios riqui nyesequa tuchi jendese co. Dios que jëirabo mingo icúe umbaerã nda. Nyebe jëingo nguiã siqui turãte. Jëya eã ño jëingo mbia rese. Jëseteã ño jëingo mbia rese. Jëingo tochi chõ nguiã. Jendoseĩ nguiату chõ jëingo.

¹³ Jeñimbirãcuã ño nguiã jendesenda rese. Jëtesarei chõ nguiã jendesenda icuã icuã mose jëje. Sã Cristo tesarei jëicuã si no.

¹⁴ Jenyesequa tuchi quiату quia mbia rese jë. Dios cheẽ tuchi chõ ã nde. Jenyesequa tuchi mose mbia rese, mbae turã ja rese chõ nda jëingo tuchi cote.

¹⁵ Jeñimbia bei chõ nguiã Dios rese. 1 nda jemingo turã mbei jenyue. Ûquĩ niĩ ño Dios jemingo nguiã icúe umbaerã. Jesús rete miĩ na ño Dios jemingo nguiã ùquĩ. "Coche ñene" jenyie bei chõ nguiã Dios je.

¹⁶ Sã Cristo cheẽ ndiqui tuchi jeñiangui re. Jëaquiату tuchi nda jëingo chã. Jenongue jembaaquiату quiату chõ nguiã. Jenongue jembuti mbuti quiату quia Cristo cuti. Jëirasei rasei tuchi quiату quia Dios je. Himnos. Salmos. Jëya chõ jëingo irasei rasei Dios je.

¹⁷ Jë mbae raã mose, Jesús riĩ ño jësaã. Ae jëingo ñee nae, Jesús riĩ ño jeñee. Gracias jenyie bei chõ nguiã Dios je Jesús riĩ.

Ae jësaã nguiã nae, jësaã ño Cristo je

¹⁸ Tacheẽ mbia ninisi je. Jendu cheẽ jemumbayã ño nguiã. Diosbi tuchi chõ ùquĩ nde.

¹⁹ Eru, jenyesequa tuchi quiату quia jeninisi rese. Jëingo tochi chõ nguiã ee.

²⁰ Mbia riiri, jendu cheẽ jemumbayã mbei chõ nguiã. Jësi cheẽ abe no. Diosbi tuchi chõ ùquĩ nde.

²¹ Jendiiri nda jembupaama ichĩ jenyue jë. 1 nda ñimondocho eã.

²² Tacheẽ erimba je cote. Jenderecua cheẽ jemumbayã mbei quiату quia. Emae eã mose abe quiату echeẽ jemumba eã. Jëseteã jësaã ñooñoa nguiату quia ee. Dios je quiату jëingo mbae raã turã ja. Ae quia mae mbeite nguiã jendese co.

²³ Jë mbae raã mose, jësaã turã ño nguiã. Mbia je eã ño jëingo nguiã mbae raã. Dios je chõ jëingo nguiã eraã.

²⁴ Dios ra mbae turã mee jëje jenyisaã turã ndibishorõ. Cristo je chõ jëingo nguiã mbae ao ao ùquĩ. Jenderecua tuchi chõ ae re.

²⁵ Ae mbae icuã saã nguiã nae, Dios abe ra mbae icuã mee ee echisaã icuã ndibishorõ. Dios ra emo mbasi chooño eã. Emo nda eisi turã ñooñoa no.

4

¹ Mbia rerecua je tacheẽ cote. Jenimba jembuquie quie chooño eã ño nguiã. Mbae jësaã turã jiri quiату quia jenimba je. Jë abe jenderecua riqui Dios co no.

²Jeñee ñee mbei quiatu quia Dios je. Jêtesa tesa bei quiatu quia Dios rese. Gracias jenyee bei quiatu quia ee.

³Jeñee ñee mbei quiatu quia Dios je ure riñ. † nda Dios riqui sembuचे ñee mbei tuchi mbia je Cristo riñ. Ae rese mbia riqui jiranuate Cristo rese nae, ũquí asenei senei sete mbia je. Nyebe setarō ji ai nguiã a.

⁴—Paba, sã Pablo Jesucristo mbuchecua checua tuchi quia mbia je, jenyee bei quiatu quia Dios je.

⁵Jeñimbaaracua chō nguia siqui turã Jesús quiatoã je. Ae Dios bite nae, ũquí ndese chō jêingo ñimbecoteã.

⁶Sã embiquesa riqui mbae mbaise no. Eĩ jenyee si chō nguia ñee turã mbia je. † nda jêaquiatute ñee Jesús quiatoã ñee ndibishorō.

Pablo ñee hui bei

⁷Tíquico si quia jendea aque. Ae ra mbae senei ja jêje jembiiirandu serñ. Ae que mbae saã turã mbeite quia serese ra. Dios rimba turã tuchi chō ae re.

⁸Nyebe amondo nguiã jendea aque. Jembiiirandu ja sacua serese. Jembia tuchi sacua Cristo rese abe.

⁹Onésimo abe si quia erese aque. Hue jenda sí chō ae re. Jesús quiato tuchi chō ae abe re. ũquí nyeremo nda jembiiirandu tuchi a jenda ja rese.

¹⁰Aristarco tarō ji ñi serese a. Ae abe saludos mondo quia jêje aque. Marcos abe saludos mondo quia jêje aque. Bernabé nongue riiñ ño ae re. Ae oso mose jendea, jêisi turã ño secheẽ nguire. Acheẽ ngue jêje erñ nyii.

¹¹Jesús Justo abe saludos mondo quia jêje aque no. ũquí mñi judíos que siqui tuchi quia serese Dios cheẽ nenei nenei nda. ũquí ngue sembiate quia mbae raã turã mose serese ra.

¹²Epafras abe saludos mondo quia jêje aque no. Cristo rimba rei ae no. Jendesenda sí chō ae no nde. Ae ñee mbeite quia Dios je jeni co. Jêingo irãtã sacua Dios rui. Ae Dios bite riqui nae, ũquí ndese jêingo tuchi sacua.

¹³Epafras riqui nyesequa tuchite jendese co. Aicuate se quia co. Laodicea jenda rese abe eriqui nyesequa tuchite co. Hierápolis jenda rese abe no.

¹⁴Lucas abe saludos mondo quia jêje aque no. Aba rasi rea reasa rei ae. Médico rei ae. Jesús chesequa tuchi chō ae re. Demas abe saludos mondo quia jêje aque no.

¹⁵Jesús quiato Laodicea jenda je saludar jenyee rã ure je. Ninfas je abe saludar jenyee. Ae ñumunua nua nguia Ninfas chuchua Jesús quiato nae, ũquí abe je saludar jenyee rã ure je.

¹⁶Ae ambesa mbesa quia a nae, emondo nonde jêje a nae, ã je leer jenyee ja rã. Aquere jemondo rã Jesús quiato Laodicea jenda je.

ũquí abe leer i sacua ee. Ae carta ambesa Laodicea jenda je nae, jê abe leer jenyee ee no.

¹⁷Jeñee na Arquipo je. —Ae je Jesús ñee nae, “co esaã seje” i ndeje nae, ũquí esaã turã ja chō, jenyee Arquipo je.

¹⁸Hui bei sacua co ambesa mbesa quia seo ae je co. Pablo chō se re. Jendua serese setarō ji rese. Sã Dios riqui turã tuchi jêje. Amén.

PRIMERA CARTA DEL APOSTOL SAN PABLO A LOS TESALONICENSES

Pablo ã mbesa

¹ Pablo rei se. Silas riqui serese a. Timoteo abe no. A urembesa mondo quia jêje aque, Tesalónica jenda. Ae ñumunua nua mbeite quia Jesús rîí. Jesucristo icuasa chõ jê nde. Dios icuasa abe chõ jê no nde. Dios rei nanderu. Jesucristo rei nandererecua. Sã ùquí turã ndiqui bei jêje. Sã ùquí ndiqui jembia bei.

Jesús jêicuate quia ùquí

² Gracias, ure bei quia Dios je jeniã ã. Jê ja rîí. Ure ñee mose Dios je, jeniã ño ureico nguiã ñee ñee ee ã.

³ Jesús jêicuate quia ùquí. Nyebe jêingo beite nguiã mbae turã ndese ùquí. Jenyese-cuate quia Jesús rese ùquí. Nyebe jêingo nguiã Dios cheë nenei nenei mbei mbia je ùquí. Jesús nyebi sí mose, ùquí ño jêsaarõ arõ u nguiã hue. Jeñimbirãcuã tuchi equia eraarõ arõ ùquí.

⁴ Seresenda, Dios riqui nyesequa tuchi jendese co. Dios que jêirabo umbaerã nda.

⁵ Dios cheë turã ngue uresenei senei nguiã jêje ra. Urecheë achõ je eã. Espiritu turã abe que jembaaquiatu quiatu ra. —Ichõño eã tuchi chõ Dios cheë nde, ure que equia erenei nenei jêje ra. Ureico mose jendese que ureico turãte jêje ra. Ùquí ndese que jêingo mae nda.

⁶ Ure rã si que jêingo Dios rui ra. Nandererecua rã si que jêingo ra. Dios cheë ngue jêisi tuchi ra. Nyebe que mbia icuã tuchi riqui jêje ra. Mbã icuã icuã mose jêje que Espiritu Turã ndiqui tuchi jendese ra. Jembia tuchi sacuã.

⁷ Nyebe Jesús icuasa riqui nguiã siqui turã jendui. Jesús icuasa Macedonia jenda. Acaya jenda abe no.

⁸ Nandererecua cheë ngue jêsenei senei tuchi quia Macedonia jenda je ra. Acaya jenda je abe no. Ishonda ja je. Mbã que jirandu ja quia jendese ra. —Dios icuasa rei ùquí, i equia jeniã ùquí. ¿Mbaerã nda Dios cheë asenei ee re? Jembirandu turã ngue eno.

⁹ Ùquí nguiã ñee turãte nguiã jeniã ùquí. —Tesalónica jenda que Pablo isi turã nda. Pablo resenda abe isi turã. Hui tuchi que Dios raanguia si ra. Siqui bei nonde Dios reco rese cote, i equia jeniã ùquí.

¹⁰ —Tesalónica jenda chi Jesús raarõ arõ huee. “Tu ra nyebi lbate si”, i u huee, i equia jeniã ùquí. Jesús rei Dios reco ririí. Dios que Jesús raaque mbuquera si ra. Jesús ra

nanderiquisã mbae rasi si. Dios mbia icuã mbasi mose.

2

Dios cheë uresenei tuchi jêje

¹ Ureso chooño eã ngue equia jendea ra, Seresenda. Dios cheë ngue uresenei tuchi quia jêje ra. Jêisi turã turãte que equia ra. Ureso mose jendea.

² Ureso que Filipos nyii ra. Hue jenda que mbia icuãte riqui ure je ra. Ureiruã nua ngue ra. Ùquí jêicuate quia ùquí. Aquere que Dios cheë turã uresenei senei tuchi jêje cote ra. Ureso mose jendea. Dios que urem-busiquiche eã tuchi ra. Mbã icuã tuchi raque ure je.

³ Dios cheë ngue urechabi chabiã tuchi quia erenei nenei nda. Urendua icuã icuã eã ngue equia ñee mose jêje ra. Jembiri iri eã.

⁴ —Mañi nda equia reae, i que Dios quia ure je nyii ra. Maende ure rese que ureirabo cote ra. Echeë turã nenei nenei sacuã. Mbã mbia sacuã eã ño ureico nguiã Dios cheë nenei nenei jêje. Dios mbia sacuã ño ñene. Dios riqui mae mbeite urechiangui renda rese co.

⁵ Ureuasu que uresaã saã eãte quia jêje ra. Urecheë ñooño eãte que equia jêje ra. Jembiri iri eãt e que ureico quia ra. —Sã mbia mbae mo mee mee ure je, ure eãte que equia jembiri iri nda. Dios riqui maete urerese co.

⁶ —Jenderecuarã nda ure cote jê! ure eãte que equia jêje ra. Ure eãte que equia mbia mo abe je ra. Cristo chimondo raque ure, echeë nenei nenei sacuã jêje.

⁷ Ureico turã ngue equia jêje ra. Sã esi mo ndiqui nguiãnderequia turã, ei ure chõ ngue equia jêje ra.

⁸ Urechesequa tuchi que equia jendese ra. Nyebe Dios cheë achõ eã uremee nguiã jêje. Mbae ja ureamee rete raque jêje.

⁹ Urechisaã saã ndese que jêingo mae tuchi te ra, Seresenda. Ureico mose jendese. Mbae que uresaã saã mbeite quia ra. Ure ae chõ urechiurã ureisi isi nguiã. Nyaashí mose achõ eã ngue ureico mbae raa naa nda. Itondaru mose ab e que ra. † nda je mbae jemondoã ure je. Ure Dios cheë nenei nenei mose jêje.

¹⁰ Jesús icuasa chõ jê cote re. Ureucata turãte que equia jêje ra. Jemaie ngue equia urerese ra. Dios abe que mae nguiã urerese ra. Ureico mose jendese. Ureico turãte que equia ra. Nyebe emo ñee icuã aroneate urerí.

¹¹ Jendurã ra ngue ureico jêje resê. Sã emo ndiqui nguiã mundua turã no. Sã emo ndiqui nguiã mbucuaata turã no. Eí si chõ

ure re. Jemundua ndua. Jembucuata turã nonde.

¹² Urecheê tuchi que equia jêje. —Dios quiato chõ jê cote re. Nyebe jêingo nguiã Dios mbia beite cote. Dios que jêirabo ra. Dios ra jenderecua tuchi cote. Dios ra uturã mee jêje, ure beite que equia jêje ra.

¹³ Gracias, ure bei equia Dios je jeniã a. Dios cheê nguiatu ngue jêisi turãte nguiã. Ure Dios cheê nenei nenei mose jêje, jêisi turã ngue ra. Mbia cheê na eã ngue Dios cheê jêje ra. Dios cheê ngue jembuturã nda. Jê eisi mose. Gracias ure que Dios je, jê echeê isi mose ra.

¹⁴ Sã Judíos icuã icuã Jesús quiato Judea jenda je no. Eĩ si chõchĩ mbia icuã icuã jêje no, Seresenda. Jê ji jenda chõ eicuã icuã ndiqui nguiã jêje Jesús rĩ ùquĩ.

¹⁵ Judíos sí que Jesús icuia nandererecua ra. Sã Dios cheê mbuchecuaa icuia nyii no, eĩ sí que Jesús icuia no nda. Ure abe mombo no. Judíos icuã tuchi que ùquĩ nda. ã eicuãte riqui Dios je ã. Mbia abe je eicuãte riqui ã no. Mbia ja je.

¹⁶ —¿Mbaerã nda jêso Dios cheê nenei nenei Judíos eã je re? i que equia ure je ra. Ureriquisã quisã ndei que equia ra. Dios cheê ngue uresenei mbei bei chõ Judíos eã je ra. Dios erirõ sacuã eicuã si. Judíos que urecheê siquisã quisã ño nguia ra. Judíos que huicuaã saã i i tuchi quia ra. Nyebe que Dios paama i tuchi ee cote ra. Dios ra embasia tuchi cote.

Sesose rete jendea

¹⁷ Seresenda, ishote urecu jêsi a. Nyebe ureya eãte riqui nguiã jendese ã. Uremaese rete quia jendese ã. Urendua beite quia jendese ã.

¹⁸ Uresose rete rei que equia jendea ra. —Taso erea, ae beite rei que se quia ra. Pablo rei se. Satanás que ureriquisã quisã ño nguia ra.

¹⁹⁻²⁰ Jesucristo ra tu si nyebi nanderea. Seya tuchi aico eraarõ arõ a. Jê nguia uremombia mbia beite nguiã ùquĩ. Jêchĩ Jesús quiato. Nyebe ra ureya jendese Jesús tube mose. Ure Jesús cheê nenei nenei mose que jêisi turã nda. Nyebe ra Jesús ia tuchi urerese eru mose.

3

¹ —Tairandu tuchi rã erese, ure tuchi que equia jeniã nda. Urendua ndua tuchi que equia jendese ra. Nyebe ure ae ureico nguiã Atenas.

² Nyebe que Timoteo amondo rei nguiã jendea. Jirandu sacuaã jendese. Dios rimba tuchi que ae ra. Nanderesenda tuchi que ra. Cristo cheê turã nenei neneisa que ae ra. Ae que uremondo jendea jemundua ndua sacuaã Jesús rese ra.

³ Timoteo que amondo jendea ra. † nda jêhũ eã Dios cheê si mbia icuã mose jêje. Mbia icuã tuchi que eriqui jêje ra. Nande je ja que eicuãte riqui ra. Jesús icuasate quia nande re. Nyebe mbia icuãte riqui nguiã nande je.

⁴ Ureico que equia jendese nyii, aque mose que ureico rei ñee jêje resê. —Mbia icuã tuchi ra eriqui nande je, ure rei que equia jêje nyii resê. ¡Sã ngasê cote jê! ¡Sã mbia icuã icuã nande je cote jê!

⁵ Nyebe seiranduse beite riqui nguiã jendese. Nyebe Timoteo amondo rei nguiã jendea. Ureirandu sacuaã. —¡Quiatu Jesús quiato rea jê! Siq̄i bei rei equia Jesús rui reae. Aba mbiirĩ rĩsa embiicuaã eã ndei reae. Dios cheê nandesenei ñooño eã ndei ee reae, ae que Timoteo mondo jendea ra.

⁶ Ae que Timoteo tu jêsi cote ra. Ñee turãte que u jeniã nda. —Hue que echĩ Dios icua tuchi ra. Hue que echĩ nyesecua tuchi Dios rese ra. Nande abe rese que echĩ nduate huee ra. Eyayãte eriqui rei nanderese, i que Timoteo u urembiirandu jeniã nda. Ure abe ureyayãte riqui jendese ã.

⁷ —Hue que echĩ Dios icua tuchi ra, i mose que ureya tuchi ra. Mbia icuãte raque ure je. Seresenda, jê urembiate quia ùquĩ.

⁸ Ureya tuchite jendese, jêingo bei mose nandererecua rese.

⁹ Dios urembia tuchite quia jendese co. Nyebe ureico nguiã gracias i ee co.

¹⁰ Dios je que ureico ñee mbei ra. Nyaashĩ mosechõ eã. Itondaru abe. —Paba, ure-rerao rã mbia rea, ure bei que equia Dios je jeniã nda. † nda jembaaquiato ji jêingo tuchi Dios rese.

¹¹ Dios rei nanderu. Jesucristo rei nandererecua. ùquĩ je ureico ñee tuchi ã. Urererao sacuaã jendea.

¹² Sã nandererecua jembuchesequa tuchi jenyiese. Mbia ja rese. Sã ureico nyesecua tuchi jendese no. Eĩ jenyje si chõ nguia nyesecua mbia rese jê abe no.

¹³ † nda Cristo uquirãcuã mee jêje. † nda Cristo jemingo icúe umbaerã tuchi. † nda jemingo turã mbei Dios rese. Jesucristo tu mose chee ibate si. Mbia ra ñee icuã aroneate jeniã cote. Ñee icuã aroneate ra Dios je jeniã. Jesucristo tu mose ra Dios mae jêturã ndese. Jesucristo ra tube uquiato ja rese.

4

Jêingo turã, i Dios mbia je

¹ Seresenda, tacheê tuchi jêje. Jesús cheê ngue uresenei senei tuchi quia jêje ra. ùquĩ ndui chõ jêingo turã ndei nguiã ùquĩ. Jêingo i i tuchi quiato erui jê. † nda Dios ia tuchi jendese. Secheê ae eã ño ã nde. Jesucristo cheê ño ñene.

² Nandererecua tuchi chō Jesús re. Ae chō urembucheē nguiā jēje. Ae cheē si jēingo tesarei āte ūqui.

³ Dios jemingo sete quia icúe umbaerā co. ¡Emo ninisi rese ra jēingochī jē! ¡Eru eā mo ndese abe ra jēingochī jē!

⁴ ¡Jeninisi ae rese chō jēingo! Jeninisi jendeco turā ño nguia.

⁵ Dios icuasa reā ño mbia ninisi osei osei nguiā ūqui. ¡Eī jenyechī nda jē jē!

⁶ ¡Jenongue ra jembāirī irīchī eninisi rese jē! Ūqui naa naa mose ra Dios jembasi tuchi. Nyebe urecheē nguiā jēje nyii.

⁷ —Jēingo turā icúe sembaerā, i que Dios nande je ra jē. —Jēingo icuā icuā, iā equia nande je co.

⁸ ¡Urecheē jēisi turā ño nguia jē! Jē urecheē isiā mose, eī jenye chō nguiā Dios ucuayā. Urecheē achō eā ño uresenei senei nguiā jēje. Dios cheē ño ñene. Dios sí que Espiritu Turā mondo nande je ra.

⁹ —Jenyesequa jenyese, aeā nda jēje cote. ¿Mbaerā nda acheē jēje re? Dios que ñee jēje no. Nyebe jēingo nguiā nyesequa jenongue rese ūqui cote.

¹⁰ Macedonia jenda rese jēingo nyesequa ūqui. Jesús quiato rese. Jenyesequa i i tuchi jiri erese jē.

¹¹ ¡Jēingo turā ño nguia jē! ¡Jēñimbecoteā ño nguia jembae rese jē! ¡Jēquiei quiei bei equia jē! Ūqui ngue urecheē jēje nyii resē.

¹² Ūqui naa mose ra Jesús icuasa reā ñee turā turā jēje. Ūqui naa mose ra mbae tiā eā jēje no.

Jesús ra tu nyebi íbii

¹³ Mbia raaque rese taembiirandu rá. ¡ nda jēyayā eā mbia raaque rese. Jesús icuasa reā ngue eyayā tuchite riqui mbia raaque rese ra. —Quera sí na nye. Nandemae si na erese re, i eā ño Jesús icuasa reā nguiā mbia raaque je ūqui.

¹⁴ Jesús que mano ndei nguiā nyii. Quera si que ra. Nyebe ra Jesús icuasa raaque abe quera si. Sañi Jesús quera si no. Eī si ra Jesús icuasa raaque quera si no. Dios ra embuquera si. Jesús rese ra euaē. Ūqui nandecuate quia ā.

¹⁵ Nandererecua Jesús cheē uresenei senei nguia jēje ā. Jesús ra tube íbii. Aque mose ra mano je rane nyoí erea. Ae nandereco nandeco ā nae, ūqui abe ra nyoí erui cote.

¹⁶ Cristo ra tu nguichi ibei si. Ererecua rá nda eru ñee mbia je. Angel nderecua íbatenda ra ñeemombo. Corneta abe ra pu i Dios mbae. Cristo nguichi mose íbii. Aque mose tuchi ra Cristo icuasa mano je quera si. Ūqui nane nda quera si.

¹⁷ Aquere ra nandereco rerao ūqui ndese cote. Ibeishī ni nda nandererao ja. Huee ra

nandemae tuchi Cristo rese cote. Nandeco bei ra erese cote.

¹⁸ Á ndei Dios cheē ā. Jeñimundua ndua bei quia erese. ¡ nda jēya tuchi erese.

5

Jēquiche je na Jesús ru chā

¹ —Aque mose ra Jesús ru, ae eā nda jēje, Seresenda.

² Isa chō mbae mbuquiachāsa riqui nguiā tu. Mbia ndua eā mose ra eru. Eī si ra Jesús u, mbia ndua eā mose erese.

³ —Ureico turāt e quia ā ndesē, i ra mbia. Ajee tuchi ra Jesús ru aque mose. Mbia mbutiā nonde cote. Sā nanimbae rasi riqui tu ajee no nae, eī si tuchi ra Jesús u ajee. Emo nda oso chee eā.

⁴ Jē nguia jēingo āte nguiā itondaru ūqui, Seresenda. Jēaquiatuā eā ño jē nde. Jē nguia ra Jesús jembua eā u. Mbae mbuquiachāsa rá eā nda eru jēje.

⁵ Nyaashī na ño jēingo nguiā jē ja ūqui. Itondaru rá eā ño nandeco nguiā nande ā.

⁶ Nyebe nandechumumba rá mbei chō nandeco nguiā tesa. Mbia ataque quiarei uque bei.

⁷ Ae uque quia, ūqui ño uque nguiā itondaru. Ae quiacua quiacua quia, ūqui ño quiacua nguiā itondaru.

⁸ Nyaashī jenda chō nande re. Nyebe nandechimbaaracua bei quiatu quia nande. Dios nandecua tuchi quia nande. Nandehesecua tuchi quia erese nande. Dios ra nanderirō tuchi mbae icuā ja si. Ūqui nandecuate quia ā. Nyebe ra mbae icuā ocoā nanderese.

⁹ Nandembasi sacua eā ngue Dios nandearabo ra. Nanderirō sacua eicuā si chō ngue nandearabo nguia. Jesucristo rii nda nanderirō eicuā si. Jesucristo rei nandererecua.

¹⁰ Ae que mano nande je ra. Nandeco sacua erese. Tu ra nandererao siqui sacua erese. Nandereco siqui mose ra nandererao. Nanderaaque chí mose ra nandererao no. Eī ja chō ñene.

¹¹ Á ndei Dios cheē ā. Jē ño jeñimundua ndua nguiā erese ūqui. ¡Ūqui jēsaā saā mbei quia jē!

Pablo embaaquiatu

¹² Jesús icuasa rerecua cheē nda jemumbachī, Seresenda. Jenderecuarā ño Dios emingo nguiā. Jembaaquiatu quiatuchī equia ūqui.

¹³ Nyebe jēingo turā ño nguia ee. Jenyesequa tuchi quia erese. Jembaaquiatu quiatu sacua ño ūqui nde. ¡Jēingo turā ño nguia jenyue!

¹⁴ Emo tomei mo siqui mose jendese, jemingo mbae mo ndese. Ae hui serī serīte quia Dios cheē si nae, ūqui jemingobe erese.

Ae equirãcuã neate, ũqui jembirãcuã. Jëingo mingue chõ nguia mbia ja je.

¹⁵ Mbia icuã mose jëje ijëicuã eã ño ee jë!
jJëingo turã ño jenyue jë! jJëingo turã ño mbia ja je no jë!

¹⁶ Jëya bei jëingo.

¹⁷ jJeñee ñee mbei quia Dios je jë!

¹⁸ Gracias, jenyue quia Dios je mbae ja rií.
Ebi tuchi quiarei ũqui. Jesucristo icuasa chõ jë nde.

¹⁹ Espíritu Turã nda jësiquisãchí jë.

²⁰ Dios cheë mbuchecuasa cheë jeñandu turã ño nguia jë.

²¹ —Ma ñee ñooñoa, jenyue tuchi quiatu eicua jë. Ñee ñooño eã mose, erui jëingo.

²² jMbae icuã ja rese ra jëingochí jë!

²³ Aba mombiasa chõ Dios riqui nguã co.
Sã ae si jemingo icúe umbaerã tuchi. Sã ae jemingo turã mbei. Jesucristo tu chee mose ibate si. Mbia ra ñee icuã aroneate jeni cote.

²⁴ Ũqui nda Dios saã ja jëje. Ae quiarei ichõñosa reã tuchi.

Pablo ñee hui bei

²⁵ Jëñee mbei quia Dios je urerií, Sere-senda.

²⁶ Mbia nanderesenda jëquiaam a ama ja ure je hue jenda.

²⁷ Á sechimbesa jësenei ja rá nandenongue hue jenda je. —Jësenei na, i Cristo quia jëje co.

²⁸ Jesucristo rei nandererecua. Sã ae riqui siqui turã mbei jendese. Amén.

SEGUNDA CARTA DEL APOSTOL SAN PABLO A LOS TESALONICENSIS

Pablo chimbesa

¹ Pablo rei se. Silas riqi serese a. Timoteo abe no. Ureico ā mbesa jēje a, Tesalónica jenda. Jē nguia jeñumunua mbeite nguia Jesús je ũquí. Jesucristo icuasa chō jēingo nguia ũquí. Dios rei nanderu. Jesucristo rei nandererecua.

² Sā ũquí turā ndiqui jēje. Sā ũquí ndiqui jemombia bei.

Dios ra mbia icuā mbasi

³ Gracias, ure beite quia Dios je jeni ā. Coche ureico nguia ñee Dios je jeni. Jē nguia jēingo nguia Dios icua tuchite ũquí. Jē nguia jēingo nguia nyesequa tuchite jenyiese ũquí.

⁴ Nyebe ureico nguia ñee turāt e jeni ā. Ae ñumunua nua nguia Dios je, ũquí ja urembirandu turā nguia jendese ā. Jēingo mingwete quia mbia icuā je ũquí. Jēingo Dios icua tuchite ũquí. Mbias icuāte riqi raque jēje. Mbias icuā mose jēje, jē jēturate riqi ee ũquí.

⁵ Sā Dios turā tuchi riqi no jē. Sā mbia mbuchechea turā no. Ae ra ñumbiracuāte quia mbia icuā icuā mose Jesús rī ee nae, ũquí je ra mbae turā mondo. Mbae ra emondo mbia chisaā turā ndibishorō. Mbias chisaā icuā abe ribishorō no.

⁶ Ae jembasi mbasi quia nae, Dios ra ũquí mbasi tuchi cote.

⁷ Jesucristo ra tu ibate si. I ra eu quia nyecua. Angel cuabē ndese ra eru. Jesús ra ángel quiracuā tuchi queru. Tata rendi rā nda Jesús ru. Eru mose ra mbia icuā icuā eā nande je cote.

⁸ Jesús tu mose ra Dios icuasa reā mbasi mbasi cote. Echeē turā mumba mumbasa ra embasi Dios cheē turā Jesucristo rī.

⁹ Jesús ra ucheē mumba mumbasa mbasi tuchi. Jesús ra emombo isho. Echeē mumba mumbasa ra siquā mbei Dios rese cote. Dios quiracuā ndese abe ra eriquiā no.

¹⁰ ũquí nda Jesús saā ucheē mumba mumbasa je tu mose. Echiirabo quia ra ñee turā turā mbei erī eru mose. Eicuasa ra ñee turā turā mbei erī eru mose. Jē abe ra jēingo erese. Ure Dios cheē nenei mose, jēisi que ra. Nyebe ra jē abe jēingo erese eru mose.

¹¹ Nyebe ureico nguia ñee ñee mbei Dios je jeni ā. Ae Dios bite nae, i nda ũquí jēsaā saā mbei quia. ũquí je que Dios "jenyu" i jēje ra. Mbae turā jēsaā saāse rete quia ũquí. Sā Dios uquiracuā mee jēje. Mbae turā naa naa nonde cote. Jesús icuasa chō jengu nguia huee.

¹² Jē mbae turā naa naa mose, mbia ra ñee turā turā Jesucristo rī. Jē abe rī nda Jesucristo mbia mbucheē turā turā. Dios quia eturāte riqi nguia nande je. Jesucristo abe eturāte nande je. Ae rei nandererecua.

2

Dios ucuāyāsa

¹ Jesucristo rei nandererecua. Ae ra tu nandemunua mbucha uchiese. ũquí ño asenei senei nguia jēje.

² —"Co Jesús ru quia co", i que Pablo ra, ichōiño nda mbia serī jēje. Jeñanduchō ño ũquí mose. —Co Jesús ru quia co, ae eā se quia embesa jēje a. Mbias mo nda ñee ñoñofo jēje. —Jesús ra tu cote. Dios que sembiirandu ra, ichōiño nda jēje. ũquí jeñanduchō ño.

³ ¡Mbias ra ñee ñoñofochī jembirī irī jē! Jesús rane nda tuā nguia. Mbias rane nda hui hui Dios si. Dios ucuāyāsa rane nda tu Jesús si. —Emo mose aque tambutiā, i que Dios aque rī nda.

⁴ Aque ra Dios resenda ucuāyā tuchi. Dios abe ucuāyā tuchi rae. Dios chuchúaa ra eñi ngoi mbia mbirī irī. —Se rei Dios, ichōiño nda hui mbias mbirī irī.

⁵ Seico mose jendese que asenei ja jēje ra. ¿Jētesareia ndei equia secheē si re?

⁶ Dios ucuāyāsa ra tu emo mose. Eriquisā ji ae riqi nguia aque. Eriquisā iriā mose ra eru. Eriquisāsa jēicua quia ũquí.

⁷ Mbias Dios cheē mumba tuchi quia ā cote. Dios ucuāyāsa ra tuchō eā. Eriquisāsa iriā mose quia ra eru cote.

⁸ Nyecua tuchi ra u mbias je cote. Jesús ra tu erīcharā cote. Jesús nininya tuchi ra tu. Aque mose ra Dios ucuāyāsa iquias.

⁹ Satanās nda uquiracuā mondo Dios ucuāyāsa je. Dios ucuāyāsa mbuquiracuā sacua. Mbae icuā chumumbara tuchi ra equeru. Ñee ñoñofo nda u mbias je. Mbias mae sayā nda esaā saā u mbias mbirī irī sacua.

¹⁰ Dios ucuāyāsa icuā tuchi ra Jesús quiatoā je. Jesús quiatoā mbirī irī tuchi ra u. Jesús quiatoā nyesequa eā nguia Dios rese resē. Nyebe ra Dios ũquí ndiroā eicuā si. Dios ra uquiatoā mbutiā tuchi.

¹¹ Dios rese eriqui nyesequa eāte ā. Nyebe Dios aba mbirī iriāsa mondo nguia ee. Nyebe eriqui nguia "ae beite", i aba mbirī iriāsa je.

¹² Nyebe ra Dios ñee tuchi Jesús icuasa reā je. Ae mbias icuā saā sete quia, ũquí je. —Jēso tata cuāsua, i ra Dios ee.

Dios chiirabo rei jē

¹³ Seresenda, Jesubite jēingo ũquí. Gracias, ure bei quia Dios je jeni a. Dios que jēirabo cose nyi ra. Jendirō sacua jēicua si. Espiritu Turā jemingo sacua icue. Jē ichōiñosa reā jēicua sacua. ũquí je chō ngue Dios jēirabo nguia.

¹⁴ Jesús cheê ngue uresenei senei nguia jêje huee ra. Aque mose que Dios “jenyu” i jêje ra. Jembuquirâcuã sacua Jesucristo quirâcuã je.

¹⁵ Seresenda, jêhui jêhuichî nda esi jê! jUrecheê ndui jêingo bei jê! jUrechimbese abe rui jêingo jê!

¹⁶ Dios rei nanderu. Ae quia rei eturâ tuchi nande je. Ae quia rei nyesequa tuchi nanderese. Ae quia rei nandemombia mbi-asa. Nandeya tuchi nandeico Jesús raarõ arõ ã. Tube ra nyebi uquiato rea.

¹⁷ Sa Jesucristo riqui jemombia mbia bei. Dios abe no. Sã ûqui ndiqui tuchi jendese. Jêhui eã sacua echeê si. f nda jeñee turã mbei quia querabe. f nda jêingo bei mbae turã ndese querabe.

3

Jeñee Dios je

¹ Seresenda, jeñee mbei quia Dios je ure rã. f nda isho ishonda Dios cheê andu ja. f nda eandu chooño eã. f nda eisi turã jê na si.

² f nda Dios mbia icua ndiquisã ure si. Mbae mii mii ño Dios icua nguã ã. Mbia ja eã.

³ Nandererequa ñee ñooño eã nguã co. Uquirâcuã nda emee jêje ucheê nguire. Mbae icua nda esiquisã jêsi.

⁴ Urecheê ndui si chõ jêingo nguã ûqui. Ae uresenei senei nguia jêje, ûqui ndese ra Dios jemingo tuchi. Uqui ño aicua nguã ã.

⁵ jSã nandererequa siqui tuchi jendese jê! Jêirandu sacua Dios nyesequa rese nanderese. Jê abe jêingo mingue sacua Jesucristo rã si.

jJêtoimeite ra jêingochi jê!

⁶ Jesucristo cheê tuchi chõ ã nde, Seresenda. Jesús quiato mo tomei mose, jêhui chõ esi. Jesús quiato siqui sereã mose mbae mo ndese, jêhui chõ esi no. Jesús cheê tuchi chõ ã nde.

⁷ Ure rã si chõ jêingo. Uretomei ngue ursaã saã eãte quia jêje ra.

⁸ Jê mo ngue urembuquiaru chooño eãte quia resê. Mbae mo ño ngue uremondo mondo quia urechiurã ndibishorõ ndesê. Urequiei quiei beite que equia resê. Itondaru mose abe. Jê mbae mondochõ eã sacua ure je.

⁹ –Mbae mo embu se, ureã mbei que equia jêje resê. Eturete raque ûqui. Urequiei quiei chõ ngue equia urembaerã ndesê. Jembaaquiato sacua. Ure rã si jêingo sacua quiei quiei.

¹⁰ Ureico mose jendese que jaembiirandu rei resê. Ae quiei quiei sereãte quia, ûqui nda quiaruã.

¹¹ Ureirandu que jendese ra. Jêataque nda quiei quiei eã tuchi quia ra. Siqui choofiose

tuchi nda equia ra. Uchuru mondo chooño ñee emo je.

¹² Sã ûqui ae riqui quiei quiei uchirã ao sacua. Jesucristo cheê tuchi chõ ã nde. Nandererequa tuchi chõ a e re.

¹³ Seresenda, imbae turã ndese chõ jêingo bei jê! jJêhuichî nda esi jê!

¹⁴ A urecu urecheê mbese mbese emondo sacua jêje a. Jê mo urecheê mumba mumba mose, ûqui ndese jemaie tuchi. Jêhui chõ ûqui si. f nda irei irei jiri urecheê mumbare.

¹⁵ jUqui nda jêucuaã cuããchî jê! jJeñee turã ño equia ee jê! jJembaaquiato quiato turã ño jê! Jendese chõ ñene. Urecheê mumba mumbate raque.

Hui bei

¹⁶ Cristo rei aba mombiasa. jSã ae riqui jemombia bei jê! Jêingo mose jenyuchúaa. Jengatásaa abe no. jSã eriqui bei jendese jê!

¹⁷ Pablo rei se. Se ae chõ ã ambesa nguã hui bei a. Sechimbese ae chõ ã nde. Sechimbese jêicuate quia ûqui ndesê. Sembese letras. Se bei que ambesa quia hui bei ra.

¹⁸ Sã Jesucristo turã ndiqui bei jê ja je.

PRIMERA CARTA DEL APOSTOL SAN PABLO A TIMOTEO

Pablo embesa Timoteo je

¹ Pablo rei se. Jesucristo chimbaaquiату, Jesucristo chimondo. Dios abe chimondo. Dios ae nanderirō nguiā nandeicua si. Jesucristo chō nandesaarō arō nguiā ā.

² Aico ā mbesa ndeje a, Timoteo. Secheē nguire chō ereico nguiā Jesús icua aque. Nyebe aico nguiā seriirī i ndeje co. Dios rei nanderu. Jesucristo rei nandererecua. Sā ũqui turā mbei riqui ndeje. Sā ũqui ia eā mbei riqui nderese. Sā ũqui nembia tuchi.

Emo ndiqui mbia mbaaquiату icuā icuā ā, i Pablo

³ Sā acheē ndeje seso mose Macedonia no. “Efeso eico” ae que ndeje, huee bei chō eico. Ae ñee ñooño nguiā mbia mbaaquiату icuā icuā hue nae, ũqui ñee embutiba.

⁴ Ũqui siqui bei quia mbia cheē ima nenei nenei mbia je ũqui. Ũqui siqui bei quia amei cose ndare nenei nenei mbia je ũqui no. Ũqui ñee embutiba. Ũqui ñee icuā icuāte quia ũqui. Ũqui ñee ño mbia mbaaquiату icuā nguiā nyue. Ũqui ñee nda aba mbaaquiату Dios rī. Ũqui mose Dios icua aroneate.

⁵ Sā hue jenda turā mbei riqui Dios je jē. Sā hue jenda riqui ndua turā mbei jē. Sā hue jenda riqui Dios icua tuchi jē. Nyesecua tuchi nda nyiese cote chā.

⁶ Mbua hue jend a mo ndiqui tesarei Dios cheē si ũqui. Dios cheē abi abi. Ñee ñooño mbei equia nyue ũqui.

⁷ Moisés cheē ndese mbia tambaaquiату, i raque equia ũqui. Moisés cheē icua rocoī. Eaquiату rocoī. Echeeño ño ñene.

⁸ Dios que Moisés mbucheē turā mbia je ra. Mbua icuā je que embucheē nda. Mbua mundua sacua huicua ndese.

⁹ Mbua turā je eā ngue Dios Moisés mbucheē nguiā. Mbua turā je eā ngue Dios ley mī nguiā. Dios cheē mumbasa je chō ngue emī nguiā. Mbua icuā je. Dios quiatoā je. Mbua teā teā je. Usi ucuāyasa je. Ngu abe ucuāyasa je. Mbua iquiasa je.

¹⁰ Ucheē mumbasa je chō ngue Dios ley mī nguiā. Ae siqui quia emo ninisi rese, ũqui je. Ae eninisirā saā saā nguiā nguesenda mo je, ũqui je. Mbua rirōsa je abe no. Ñeeñoñoosa je abe no. Ae eicuā icuāte riqui Dios cheē turā je, ũqui je abe no. Ũqui ja je chō ngue Dios ley mī nguiā.

¹¹ Dios que ñee ucheē turā nī seje ra. — Secheē esenei senei mbia je, i que Dios seje ra.

Dios que uturā teacuquia seje ra, i Pablo

¹² “Coche ñene” ae se quia Jesucristo je co. Ae que seirabo ra. Ae que sembuquirācuā nda. Ae que semondo ucheē nenei nenei sacua mbia je ra.

¹³ Seicuā tuchi raque ee nyii. Acheē icuā icuā ndei que se quia ee nyii ra. Equiату je abe que seicuā icuā ndiqui nyii ra. Se Jesús icuayā mose. Seaquiатуā mose. Nyebe Dios ia eāte riqui nguiā serese. Nyebe Dios seicuā mbutiā nguiā sesi cote.

¹⁴ Uturā ngue eteacuquia seje ra. Nguiirī ngue embuchecua seje ra. Nyebe aico nguiā Jesucristo icua co cote. Nyebe aico nguiā nyesecua Jesucristo rese co cote.

¹⁵ Jesucristo que tu ibii ra. Mbua icuā mbitirō sacua. Emingo bei nonde. Ichōiñoa tuchi chō ā nde. Sā mbua “ae beite” i ja ā je. Seicuāte raque se quiату mbia ja si.

¹⁶ Dios ia eāte que eriqui serese ra. Erosee nguiату tuchi que eriqui seje ra. Nyebe mbua riqui nguiā jirandu ja Dios roseī nguiату rese. Sā Dios semingo bei se abe, i chee ra emo abe ñee ñee. Dios roseī nguiату rese jirandu mose.

¹⁷ Sā mbua riqui ñee turā mbei Dios je. Ae mī ño mbua rerecua tuchi re. Ae mī ño siqui bei tuchi nguiā co. Ae mī ño ererecua nandemae sayā nde. Ae mī ño mbae icua tuchi nguiā. Amén.

¹⁸ Timoteo, seriirī na tuchi chō nde re. Dios cheē mbuchecuaa que sembiirandu nderese nyii ra. Nyebe aico nguiā ñee tuchi ndeje ũqui ñee na si. Mbae icuā esiquisā quisā mbei chō nguiā Jesús quiato si jē.

¹⁹ Dios eicua tuchi quia jē. Erendua ata atate chí nda jē. Mbae turā ndese chō eico. Emo emo ngue ndua chooño mbei quia ra. Mbae turā naa naa ndocoi. Nyebe eriqui nguiā siqui icuā icuā mbeite. Nyebe tesarei nguiā Dios cheē si cote.

²⁰ Eī ngue Himeneo nda. Alejandro abe no. Nyebe ngue amondo nguiā Satanás je. Ndua ndua sacua. Ñee icuā icuā eā sacua Dios rī.

2

Sā mbua ñee turā ja Dios je, i Pablo

¹ Ā tacheē Jesús quiato ja je: Mbua ja rī jēingo bei ñee Dios je. † nda Dios uturā mee mbia je. Gracias jenyje bei quia Dios je mbia ja rī.

² Ae ererecua nae, ũqui ja rī abe jēingo ñee mbei Dios je. Dios uturā mee sacua ee. Ũqui mose ra nandeico turā ja cote. Ũqui mose ra nandeya bei nandeico cote. Ũqui mose ra nandeico tuchi Dios rese cote.

³ Ũqui mose ra Dios abe ia tuchi nanderese. Eicuā si mbua rirōsa chō ae re.

⁴ Dios mbua rirō ja sete quia eicuā si co. Dios mbua mbaaquiату quiату sete quia co no.

⁵ Dios mui ño siqui nguiã co. Mbia que icha icha jate esi ra. Jesucristo mui ño siqui nguiã mbite re co. Mbia mbucha sacua Dios rese. Mbia si chõ ae re.

⁶ Jesucristo que mano mbia icua ndiquicharõ sacua nda. Uqui ndese que Dios mbia mbiirandu cote ra.

⁷ Uqui nui ngue Dios seirabo ra. Semondo que judios eã je embaaquiato quiatu sacua nda. Uqui Dios icua sacua ngue Dios cheẽ asenei senei ee ra. Ae bei. Acheẽ ñooñoa ño nguiã co.

⁸ Sã mbia ja riqui ñee mbei Dios je. Sã o mumbate ñee Dios je. Sã eriqui turã ja. Sã paama iã mbei nyue.

⁹ Sã cuña abe riqui siqui mingue. Sã eriqui ndua tuchi eã jiri huirao rese. Uachu rinda hui rese abe. Ua rese abe no. Lujo rese abe no.

¹⁰ Sã eriqui quiatu ndua Dios rese. Sã eriqui mbae turã naa naa mbia je.

¹¹ Sã cuña quiriri chõ nguiã mbia ñumunua mose. Sã eriqui nyiisaquia turã. Sã eriqui mingue.

¹² Mbia ñumunua nua mose, cuña mbia mbaaquiato quiatu aroneate. Sã cuña mo ererecua raã naa eã ngu je. Sã eriqui chõ nguiã quiriri.

¹³ Adán nane nguiatu ngue Dios chao nguiã. Aquere quiatu ngue Eva ao nguiã cote.

¹⁴ Adán nane eã ngue Satanás mbiiri iri nda. Eva rane nguiatu ngue re. Eva rane ngue mbae icua saã nyii ra.

¹⁵ Dios ra paama i bei eã cuña je. Siqui nderequia turã mose. Dios icua mose. Siqui tuchi mose Dios rese. Nyesequa mose mbia rese.

3

Sã Jesús quiato rerecua siqui turã

¹ Acheẽ ñooño eã ño se re. Jesús quiato reaquiato sacua ño taico se, i mose emo, eturãte uqui.

² Sã Jesús quiato rerecua riqui siqui turã mbei. Mbia ñee eã sacua ee. Sã ngüinisi mui ño nderequia. Sã eriqui ndua turã turã mbei. Sã earacua tuchi riqui. Sã eriqui mbia isi turã turã mbia mo oso mose echuchua. Sã eriqui mbia mbaaquiato quiatu aracua.

³ Sã eriqui quiacuayã. Sã eicua icua eã mbei riqui emo je. Sã eriqui oo tuchiã mbae isiquia rese. Sã eriqui ico mingue.

⁴ Sã eriqui mbia uchuchua jenda rerequia turã. Sã eriqui nguiiri mbaaquiato quiatu turã. Aba cheẽ mumbayã sacua. ñ nda eriiri ei ñooño eã mbia je.

⁵ Nguiiri ndea chooño mose, Dios quiato reaquiato turã aroneate.

⁶ Ae Jesús icua ramote nae, Jesús quiato rerecua aroneate uqui. Uqui mose ucuasu

raã naa arõte. Eicua arõte cote. Sã Satanás abe ucuasu raã naa ñimbicua nonde no.

⁷ Sã Jesús quiato rerecua riqui siqui turã mbei Jesús quiato abe je. ñ nda diablo embiiri iri eã embicua. ñ nda Jesús quiato ñee turã mbei eri.

Sã diáconos siqui turã

⁸ Diáconos je abe tacheẽ. Sã diáconos abe siqui turã. Sã eriqui ucheẽ mbuchebiã mbae raã nonde. Sã eriqui quiacuayã. Sã eriqui oo tuchiã mbae isiquia rese.

⁹ Sã diáconos siqui eã tuchiã mbae icua mo ndese. Sã Dios mui ndese quiatu eriqui bei. Sã Dios icua tuchi.

¹⁰ Ae ra diácono nae, sã mbia mae na nguiatu erese nyii. Eturã mose mbia je, sã diácono ae cote.

¹¹ Sã diácono ninisi abe riqui siqui turã mbia je. Sã mbia mbucheẽ ñee eã emo nii. Sã eriqui quiacuayã. Sã eriqui ucheẽ mbuchebiã mbae raã nonde.

¹² Sã diácono ngüinisi mui ño nderequia. Sã eriqui nguiiri nderequia turã. Uchuchua jenda ja abe no.

¹³ Diáconos mbae raã turã turã mbei mose, mbia ra eicua tuchi cote. Dios abe ra embuquirã tuchi Jesucristo renei nenei sacua mbia je.

Ae Dios saã nande je, uqui aba icua ja aroneate raque

¹⁴ Seso jeise rete raque nderea. Seso eã moi ño aico nguiã co mbesa ndeje a.

¹⁵ Nde Jesús quiato rerecuarã irabo aquiato sacua ño aico nguiã a mbesa ndeje a. Iglesia jenda rerecua irabo sacua. Dios reco mbae rei iglesia. Iglesia quia rei Dios cheẽ nderequia tuchi mbia ja je.

¹⁶ Ae Dios saã nguiã nande je nae, uqui aba icua ja aroneate raque:

Dios que tu mbiarã ibii ra. Jesús, i equia ee.

“Eturã tuchi” i que Espíritu Turã eri nda.

Angeles abe que mae erese ra.

Ae Jesús quiato nae, uqui ngue esenei senei mbia ataque je ra.

Mbia mangue chooñoa jenda ja que eicua ra. Aquere que Dios equeraobe ibate cote ra.

4

Mbia ra hui hui Dios cheẽ si

¹ Espíritu Turã ndiqui ñee co: Mbae ua ja nonde ra mbia hui hui tuchi Dios si. Aba mbiiri irisa rese ra mbia riqui tuchi. Uqui nda mbia mbaaquiato icua icua aba checuayã icua na.

² Ae uturã saã nguiã nae, uqui ndui rui ra mbia riqui. Ae ñee ñooño nguiã nae, uqui ndui rui ra mbia riqui no. Uqui siqui beite mbae icua ndese uqui. Nyebe eriqui nguiã mbae turã icuayãte chee cote.

³ Ūquí nda mbia mbaaquiatsu icuã icuã. Jeninisirã nda jendecoã. Jendurã abe ra jendecoã no, i ra equia ñee mbia je. — Mbae ra jêu chooñochĩ jê, i ra equia mbia mbaaquiatsu icuã icuã. Dios mbae chao ja raque mbia chiurã. —Sã sequiatio mbae ja u, gracias ire seje, i que Dios ra.

⁴ Dios chiao mbae turã ja. Mbae nandeisi teã teã eã ño nguia echiao. Mbae nandeu turã ja chõ nguia. Gracias nande bei chõ nguia Dios je.

⁵ Dios cheẽ nguire mbae turã ja riqui nandechiurã ã. Nande “gracias” i mose Dios je, mbae turã ja chõ eriqui nguia nande je.

Jesús quiato rerecua turã

⁶ ã secheẽ esenei senei mbei quia Dios quiato je, Timoteo. Nde mbia mbaaquiatsu turã turã mose. Dios rimba turã tuchi ra nde cote. Jesús cheẽ ndui ra ereico tuchi cote. Dios ra ereicua tuchi cote. Sã ereico beite erese co no.

⁷ Mbia cheẽ ñooño je cheẽ ndese ra erechisaquiachĩ jê. Echimbirãcuã tuchi quiatsu quia siqui Dios rese jê.

⁸ Nanderete quirãcuã mose, eturãte raque. Nandeico mose Jesús rese, ũquí nguia tuchi nanderete quirãcuã si re. Aachõ eã nandeico Jesús rese. Ibate abe quiatsu nandeico erese.

⁹ Acheẽ ñooño eã ño se re. Sã mbia “ae beite” i ja secheẽ je. Dios cheẽ ño ñene.

¹⁰ Dios cheẽ ñii ño ureico nguia quicoi coi ã. Dios cheẽ ñii ño ureico nguia ñimbirãcuã mbae ja rese ã. Dios reco quiatsu ureicuate nguia ã. Ae que mano mbia ja je ra. Ae eicuate quia nae, ũquí nda emingo bei.

¹¹ ã esenei senei mbei quia mbia je. Mbia Dios cheẽ mumbayã sacua.

¹² Sã mbia ndecheẽ andu turã. Amei eã ndaque nde. Mbae turã esaã saã nguia Jesús quiato resaa. ũquí siqui turã sacua nde rá si. Echeẽ turã mbei quia mbia je. Eico turã mbei quia mbae turã ndese. Echesequa tuchi quia mbia rese. Dios eicua tuchi quia. Mbae icuã ndese ra eremae mae jirichã.

¹³ Mbia embaaquiatsu quiatsu bei quia seso mose chee nderea. Dios cheẽ esenei senei mbei quia leer i ee.

¹⁴ Jesús quiato rerecua o chono mose ndearõ, aque mose que Dios nembraacua tuchi ra. —Ã esaã, i que ndeje ra. ũquí si ra eretesareichĩ.

¹⁵ ũquí ndese eico bei. Endua ndua bei quia erese. ũquí mose ra Dios ereicua i i tuchi. Mbia ra jirandu ja nderese.

¹⁶ Emae ño nguia nde ae ndechiese. Echicuasẽ cuasẽ ño nguia mbae icuã si. Ae eresenei senei nguia mbia je Dios cheẽ nae, ũquí emumbayã ño nguia nde abe. ũquí

mose ra Dios nemingo turã tuchi. Ndecheẽ andusa abe ra emingo turã tuchi.

5

Jesús quiato siqui turã sacua

¹ Erecheẽ icuã icuãchĩ nda amei je nde embaaquiatsu quiatsu mose jê. Amei embaaquiatsu turã turã ño nguia jê. Nderu esaã ño nguia siqui turã ee. Ndenongue rá ño eico mbia yasu je no.

² Ndesi esaã ño nguia ari je jê. Ndenongue esaã ño nguia ubichõ nyucuaaque rese jê. Endua icuã icuã eã ño nguia eriĩ jê.

³ Uru cheecha mo mbae eã mose, sã Jesús quiato riqui mbae mo mee mee ee.

⁴ Eriiri tiarõ mose, sã aque chõ mbae mee mee mbei quia usi je. Eriiri nducucha mose, sã aque chõ mbae mee mee ee no. Ngu abe je. Umumbebosa je. ũquí Dios bite.

⁵ Sã eru cheecha mo ae riqui no. Sã embae eãte riqui no. Ae ndua ndua bei mose Dios rese, ñee mbei mose Dios je, sã Dios quiato riqui mbae mee mee mbei ee.

⁶ Ae ebite nae, ũquí ndese achõ eru cheecha mo siqui mose, eicuãte ũquí. Ereraaque rá ño aque riqui nguia. Eresco siqui raque.

⁷ ã esenei senei nguia mbia Jesús quiato hue jenda je. I nda mbia ñee icuã eã eriĩ.

⁸ Emo ndua eã mose usi rese, ngu abe rese, eicuãte ũquí. Mbae mee mee eã mose ee, eicuãte ũquí. ũquí siqui ãte quia Dios rese ũquí. Eicuã tuchi chõ ũquí Dios quiato si re.

⁹ Ari eru cheecha je inscribir jenye rá mámbii. Ae sesenta años eãte nae, ũquí je inscribir jenye eã. Ae eru ata nyii nae, ũquí je inscribir jenye eã no. Ae eru mii nyii nae, ũquí mii je chõ inscribir jenye.

¹⁰ Ae ari turã aba chicuante nae, ũquí achõ je chõ inscribir jenye. Ae ari nguiiri mbu-tiarõ turã mbeite quia nae. Ae ari mbia isi turãte quia uchuchúaa nae. Ae ari mbae turã saã saã mbeite quia Jesús quiato je nae. Ae ari erasi teaquiatsu turã mbeite quia nae. Ae ari siqui beite quia mbae turã ndese nae. ũquí ari je chõ inscribir jenye.

¹¹ Eru cheecha ari eã mose, ũquí je inscribir jenye eã. ũquí nyao arondete Cristo si. Ae ebite, ũquí achõ ndese ndua mose. —Serurã mo tateabe, i ra cote.

¹² ũquí mose ra Dios paama i ee. Ucheẽ mbuchebi chõ nguia ngu rea mose cote.

¹³ Eru cheecha ari eã mose, siqui eã arõte mbae mo ndese. Tuchua embuchesea sea chooño arõte. Mbia mbuchee ñee ñooño arõte emo ñii. Uchuru rerequia chooño eã arõte.

¹⁴ Nyebe aico nguia ñee eru cheecha, ae ari eãte, ũquí je. Sã ngurã mo ndea. Sã tiiri. Sã eriqui mbae turã naa naa mbei

uchuchúaa. Ũquí mose ra Jesús quiatoã ñee eã ee cote.

¹⁵ Emo emo ngue nyao Dios si cote ra. Satanás ndese eriqui ã cote.

¹⁶ Sã Jesús quiato riqui mbae mee mee uchari eru cheecha je. Usi abe je eru cheecha mose. Iglesia mbae mee mee eã sacua ee. Ae eru cheecha eriiriãte nae, ũquí je quiatu iglesia mbae mee mee.

¹⁷ Jesús quiato rerecua mbae saã turã turã mbei mose, sã mbia ia tuchi riqui erese. Dios cheẽ nenei nenei turã mose, sã Jesús quiato riqui mbae mee mee mbei ee.

¹⁸ Sã embesa ji riqui ñee no: “Emo nimba ticuasu mbae usi raã mose, echuru ra jenyatichĩ mbae mo je jẽ. Sã ae ae si quia quiaru quiaru”, i que embesa ji ra. “Ae quiei quiei quia emo je nae, sã echa mbae isiquia mo mee ee”, i que embesa ji ra.

¹⁹ —Jesús quiato rerecua que mbae icuaã saã nda, i mose emo, echeẽ nda jeñanduchĩ, ae mii ñee mose. Nyeremo ñee mose, ũquí ñee ñooñoa arõte cote.

²⁰ Jesús quiato rerecua mo siqui siqui bei mose mbae icuaã ndese, echeẽ asi asi ee Jesús quiato ataque résaa. † nda ũquí abe siquiche mbae icuaã naa naa eã.

²¹ Eĩ ere chõ Jesús quiato rerecua je, siqui mose mbae icuaã ndese. Ndequiatote raque. Echeẽ asi ee. Aico ñee ndeje Diosa a. Jesucristo sa abe no. Angeles Dios rimba sa abe no.

²² Jesús quiato rerecuarã nda eremii jeichĩ jẽ. Emae nguiatu turã na erese nyii. Eremii jei mose, eicuaã arõte emo mose. —Eremii jeichĩ ngue nyii ra, i ra mbia ñee ndeje cote. Mbae turã ndese chõ eico nde abe.

²³ I achõ nda erembeichĩ jẽ. Uva rique rasi ñetẽ abe embei mbei quia nderie rasi mose jẽ.

²⁴ Emo emo nyisaã mbae icuaã nyecuate riqui nande je ã. Emo nyisaã icuaã ndese quia nandeico nguiã mae ãte namo. Dios eicuaã mbasi mose, aque mose ramo nda nandemae ũquí nyisaã icuaã ndese cote.

²⁵ Eĩ si chõ mbia chisaã turã no nde. Emo emo nyisaã mbae turã nyecuate riqui nande je ã. Emo nyisaã turã ndese quia nandeico nguiã mae ãte raque ã no. Echisaã turã nda nyecua ja chee nande je cote.

6

¹ Ae Jesús quiato ererecua rimba mo nae, sã ũquí ndiqui nguerecua cheẽ mumbayã tuchi. Sã eriqui turã nguerecua je. Eĩ mose ra mbia ñee icuaã eã Dios cheẽ nĩ cote.

² Timoteo, mbia rimba embaaquiato quiatu quia. Æ echeẽ ee. —Jenderecua Jesús quiato mose, echeẽ jemumbayã ño nguia mbae raã turã turã ee. “Jesús rimba ja chõ nande re” jenyechĩ nda jenderecua ucuãyã cuãyã jẽ. Jenderecua Jesús quiato mose,

mbae jẽsaã turã tuchi quiatu quia ee. Jẽingo turã tuchi chõ nguia ee, ere ererecua rimba je ñee.

Nandendua tuchiã jiri quiatu quia mbae isiquia rese

³ Æ ndei Jesucristo cheẽ tuchi ã. Emo siqui mose ã ndui, siqui turã nda Dios rã si. Emo mbia mbaaquiato quiatu mose ã abi, Dios cheẽ ndui eã ño ũquí ndiqui nguiã.

⁴ Ucuasu raã naa ño nguiã ũquí. Ñee tuchi beite equia ũquí. Eaquiato rocoĩ. Mbia mbiiãcuã icuãte equia ũquí. Mbia mbucheẽ icuã icuãte equia nyue ũquí. Mbia mumae icuã icuãte equia nyiese ũquí.

⁵ Ndua icuaã icuaã mbeite equia ñee turã ndocoĩ ũquí. Eicuaã icuaã mbeite riqui emo je ũquí. —Mbia ra mbae isiquia mee seje, se Dios cheẽ nenei nenei mose ee, i beite equia ũquí. ũquí ndese eicoã tuchi, Timoteo.

⁶ Nandeico mose Dios rui, ae ae ra nandembia nandembae mii ndese.

⁷ Mbae mo ngue nanderuãte nandechaacuquia mose ra. Eĩ nande si ra nandemano mose mbae mo nderao eã no.

⁸ Nandechiurã nandereco mose, nandeirao abe nandereco mose, nandeya chõ nandeico ũquí ndese.

⁹ Ae “mbaecha tuchi ra se” i bei quia ndua ndua, ũquí nda nimbirãcuã eã mbae icuaã si. Mbae icuaã tã i mose ee, mbae icuaã nda esaã jei. Mbae Isiquia quiatu ebi tuchie riqui nguiã. Echiosei osei icuaã nda equerao chee tata cuãsuu.

¹⁰ Ae ndua beite quia mbae isiquia rese, ũquí mbae icuaã saã ja arondete. Emo emo ndiqui ndua tuchi mbae isiquia rese ã. Nyebe eriqui nguiã hui Dios si ã. Nyebe eya eã ndasi tuchi riqui nguiã ã.

Dios eicua tuchi, i Pablo ñee Timoteo je

¹¹ Eĩ erechĩ nda nde, Timoteo. Dios rimba tuchi chõ nde re. Mbae turã ndese bei eico. Dios rã mbei chõ eico. Dios eicua bei chõ nguia. Echesequa bei chõ nguia mbia rese. Eico mingue chõ nguia. Ndecuasu ra eresaã saãchĩ nguia jẽ.

¹² Echimbirãcuã tuchi quiatu quia Dios cheẽ ndese jẽ. Aba mingo beisa rese quia eico tuchi jẽ. Ae quia ngue ndeirabo nguiã nyii. Sã erecheẽ turãte mbia résaa nyii no. —Dios riqui semingo beite co, ere que equia nyii. ũquí ndese bei chõ eico.

¹³ Dios ae chõ mbae mingo ja nguiã co. Erésaa tacheẽ ndeje. Jesucristo résaa abe tacheẽ ndeje. Sã Jesucristo siquicheã ñee Poncio Pilato je no.

¹⁴ Ae rĩ Dios ñee ndeje nae, ũquí emumbayã ja chõ nguia eraã turã. Jesucristo tu mose chee eico echeẽ mumbayã mbei. † nda emo ñee eã ndeje.

¹⁵ Dios quia rei equirãcuã tuchi mbia mo si. Ae quia ererecua tuchi mbia mo si re. Emo mose ra Dios “Jesucristo tamondo íbii mbia rea” i. Aque mose ra Jesucristo nyecua tuchi mbia je.

¹⁶ Dios mii nda manoa. Ae mii ño siqui bei nguiã nyaashĩ na co. Mbia mo nda esichã eã. Mbia mo mae eãte erese emo mose. Emo nda mae eã mbei erese. Sã mbia ñee turã mbei quia erii. Sã eriqui ñee turã mbei equirãcuã nii. Amén.

¹⁷ Ae mbaechate nae, ũquí je echeẽ. Sã ucuasu raã naa eã. Sã eya siquiã umbae mii ndese. Embae ra ua emo mose. Sã Dios rese quiatu eya riqui. Ae mii ño mbae mee nguiã nande je.

¹⁸ Echeẽ mbaecha je. —Mbae turã jẽsaã saã mbei quia jembae je jẽ. Jẽingo turã jiri quia mbaecha reã je. Abei chiãte ra jẽingochĩ jẽ, ere mbaecha mbaaquiatu quiatu.

¹⁹ Ũquí naa naa mose ra Dios mbae mee tuchi ee ibate. Ũquí naa naa mose ra siqui turã tuchi no.

Pablo ñee hui bei Timoteo je

²⁰ Timoteo, ae rii Dios ñee ndeje, ũquí emumbayã mbei quia. Mbia ñee ñooño mose nyue, nde abe ra erecheẽchĩ. Ũquí ñee aba mundua turã eã ño nguiã. Uaquiatu raã naasa chõ ũquí nde.

²¹ Dios cheẽ abi chõ eriqui nguiã ũquí naa naa ũuuuuu uuquí. Dios icuasa reã ño ũquí nde. Sã Dios turã ndiqui bei ndeje. mén.

SEGUNDA CARTA DEL APOSTOL SAN PABLO A TIMOTEO

Pablo embesa Timoteo je

¹ Pablo rei se. Jesucristo chimbaaquiatu rei se. Dios que semondo mbia mbaaquiatu quiatu sacuã nda. —Jesucristo icuasa ra siqui bei, i sacuã ngue Dios semondo mbia je ra.

² Aico ã mbesa ndeje a, Timoteo. Secheẽ nguire chõ ereico nguã Jesús icua aque. Nyebe aico nguã seriĩri i ndeje co. Dios rei nanderu. Jesucristo rei nandererecua. Sã ũqui turã mbei riqui ndeje. Sã ũqui ia eã mbei riqui nderese. Sã ũqui nembia tuchi.

Pablo Dios oseiquia Timoteo je

³ Gracias, ae bei se quia nderĩĩ Dios je co. Aico turãte quia Dios je co. Seramei ja rã si. Senduasa tuchi Dios riqui co. Nderĩĩ aico ñee mbeite Dios je co. Nyaashĩ mose. Isa abe.

⁴ Anduate quia nderese co. Achimbiatẽ rã nda mae nderese chã. Erecheseote que nandechao ramo mose nandechesi ra.

⁵ Ereico Dios icua tuchite aque. Ndesi rã si Eunice. Ndechari abe rã si Loida. ũqui ngue Dios icua tuchite quia ra. Eĩ ere si quia Dios icua tuchite nde abe aque.

⁶ Nyebe aico nguã ñee ndeje a. Seo achono nguia ndearõ nae, aque mose que Dios nembraaracua tuchi ra. Ndearacua eico bei Dios cheẽ ndese. Dios cheẽ nenei nenei mbia je.

⁷ Dios siquã nguã nandembu siquiche mbia si ã. Dios nandembirãcuãte quia ã. Dios nandembuchesequate quia mbia rese ã no. Dios nandembaaracuate quia ã no.

⁸ Dios quirãcuã ndese eico bei. ũqui mose ra ereireĩ ireĩ eã Jesús renei nenei mbia je. ũqui mose ra ereireĩ ireĩ eã setarõ ji si. A setarõ ji ñi Jesús rĩĩ a. Mbã icuã icuã mose ndeje Jesús rĩĩ, echimbirãcuã ño. Dios ra nembirãcuã. Sã nembirãcuã no.

⁹ Dios quiatu ngue nanderirõ nguã nandẽicuã si. Dios que nandembuturã mingõ icuẽ umbaerã nda. Nandeturã je eã ngue nandemingo nguã icuẽ umbaerã. Nduate quiatu nguã nanderese. Mbae ao ja nonde que nduate nanderese ra. Jesucristo rĩĩ ño ngue Dios riqui nguã nyesequa nanderese.

¹⁰ Nyebe Jesucristo mondo nguã nanderirõ sacuã nandẽicuã si. Nyebe nandẽico nguã ñee: —Dios nyesequate nanderese, i cote. Jesucristo que nandembusiquicheã u nandemano si ra. Ae riqui nandemingo bei co. Ae riqui ucheẽ isiquia mingõ bei co. Jesucristo tu mose que nandembirandu ja ũqui ndese ra.

¹¹ Ucheẽ turã nenei nenei sacuã ngue Dios seirabo ra. Semondo que mbã mbaaquiatu quiatu ra. Mbã mangue choõnoa jenda ja mbaaquiatu quiatu.

¹² ũqui je chõ mbã riqui nguã mbae rasi raanguiquia tuchi seje co. Aireĩ ireĩ eãte quia Dios si co. Dios aicuate quia co. Sereco que amee tuchi ee ra. Ae ra sereco teaquiato bei seje. Jesucristo tube chee mose.

¹³ Arembaaquiato turãte que se, ũqui ndui eico bei. Dios eicua bei quia Jesucristo rĩĩ. Mbã rese echesequa bei quia Jesucristo rĩĩ.

¹⁴ Ae rĩĩ Dios ñee ndeje nae, nembraaracua equia nae, ũqui ndese eico tuchi. Espiritu Turã nda nembesari eã. Eriqui tuchite nandechiangui re co.

¹⁵ Ereirandu que Asia jenda serecha rese ra. Figelo. Hermógenes. ũqui ngue hui ja sesi ra.

¹⁶ Onesíforo quiato que tuuto quia serea sembia ra. Ireĩ ireĩ eãte que equia setarõ ji si ra. Sã Dios turã mbeite riqui ee. Echuchua jenda ja abe je.

¹⁷ Tu mose aa Rómaa que serequia tuchi ra. Ngasẽ nyee que seje ra.

¹⁸ Efeso seico mose abe que eriqui tuchite serece ra. Serece que eriqui Dios cheẽ nenei nenei nda. ã ereicuate quia aque. Sã Dios mbae turã tuchi mondo ee Jesús tu mose.

2

Mbae esaã saã tuchi quia Jesús je, i Pablo Timoteo je

¹ Seriĩri naate nde, Timoteo. Jesucristo quirãcuã ndese eico ñimbucha tuchi.

² Arembaaquiato quiato que se mbã résaa, ũqui esenei senei tuchi quia mbã je. Mbã ndua je secheẽ esenei senei. ũqui nda esenei senei emo je no ña.

³ Mbae rasi tu mose ndeje, echimbirãcuã ño. Soldado rã ño eico ñimbirãcuã. Jesús rimba turã ño eico.

⁴ Jesús rimba chõ nde re. Echeẽ emumbayã mbei chõ nguia. Mbae mo ndese ra erendua nduachĩ. Ndererecua mĩ ndese endua bei.

⁵ Sã deporte no. Emo nda ganar i eã, nguerecua cheẽ mumba mose.

⁶ Sã emo ndiqui quieĩ quieĩ tuchi úcoo no. Aque mbae tubirã tuchi ra. Eĩ ere si quiato mbae raã naa tuchi Jesús je.

⁷ Ae ambesa mbesa quia ndeje ã, ã ndese endua tuchi. Dios ra embuchecua tuchi ndeje.

⁸ Endua tuchi quia Jesucristo rese. Quera si que manonde ra. Mbiatẽ raque. David rucucha raque. Quera si que manonde ra. ũqui asenei senei nguia mbã je co.

⁹ ũqui je chõ mbã riqui nguã mbae rasi raanguiquia tuchi seje ã. ũqui ñi ño setarõ

mii nguiã a. Se mbia iquiare rocoĩ nyii setarõ tarõ. Se chõ setarõ ndaque. Dios cheẽ nguiã etarõ aroneate re.

¹⁰ Coche mbia icuã ndiqui nguiã seje. † nda Dios chiirabo Dios cheẽ isi bei cote. † nda Dios emingo bei cote. † nda ũqui siqui bei ibate Jesucristo rese cote.

¹¹ Ñee ñooñoa tuchi chõ mbia cheẽ ã nde: Nandemano ngue Jesucristo rese ra. Nyebe ra nandeico bei erese cote.

¹² Cristo ñi mbae rasi nandesã saã mose, Cristo ra nandemii ererecuarã, ererecua tuchi mose ae.

“Cristo aicuayãte” nande i mose, Cristo abe ra ñee nande je.

“Se abe jaẽicuayãte” i ra nande je.

¹³ Nandechẽẽ iru raque ra nande, Dios quia ra ñee iru eã mbei.

Dios quia ra ucheẽ mbuchebi aroneate nande je,

i que embesa ji ra.

Ndeico tuchi mose Dios rese, ereireĩ ireĩ eã ndae

¹⁴ ã ndese mbia hue jenda embaaquiato quiatu tuchi. Diósaa embaaquiato quiatu tuchi. Ñee icuã icuã eã nda nyue chã. Ñee icuã icuã mose, emingo turã eã nyiese chõ ũqui nde. Mbae turã si embui chõ ũqui no nde.

¹⁵ Equiei quiei tuchi chõ nguia Dios je jẽ. † nda Dios “coche ñene” i ndeje. Sã emo ndiqui quiei quiei turãte nguerecua je no. Eireĩ nguiãte ra nguerecua si cote. Eĩ ere si chõ nguia Dios cheẽ nenei nenei mbia je. Dios cheẽ abi abiã.

¹⁶ Ae uchuru mondo chooñote quia nae, ũqui ndese eicoã. ũqui ndiqui isho i ite Dios si ũqui.

¹⁷ ũqui ñee mbuchebi i ite echoi quia qui. Sã mbae rasi riqui oso i ite no. Eĩ si chõ Himeneo nguiã ũqui. Fileto rese.

¹⁸ ũqui ndiqui ñee Dios cheẽ abi abi tuchi ũqui. —Mbia rete raaque ra quera si eã, i chõĩno mbei equia ũqui. Nyebe eriqui nguiã mbia mbui mbuite Dios si ũqui.

¹⁹ Sita cuasu mo na ndei Dios cheẽ. Embuquiata aronea. Aque ñi mbei chõ nda echi. Eĩ si chõ Dios cheẽ nande je no nde. Dios cheẽ ño ã nde: “Dios riqui ngũimba icua jate ã,” i que ra. Co abe rei Dios cheẽ co: “Ae ‘Dios rimba rei se’ i quia nae, sã ũqui ndiqui nyao ja mbae icuã si”, i que ra.

²⁰ Sã mbae riru chumumbarate riqui mbaecha mo nyuchúaa no. Sã oro ao ji riqui emo no. Sã plata ao ji emo no. Sã ira ao ji emo no. Sã tuchu ao ji emo no. Emo emo ndei iti mombo sacua no. Emo emo mbae turã ndirurã no.

²¹ Sã Jesús quiato riqui mbae turã ndirurã na. Sã eriqui icue bei Dios mbaerã. Sã nyao

tuchi mbae icuã si. ũqui mose ra Jesús ia tuchi erese.

²² Ae icuã acuanindu chosei chosei quia nae, ũqui si ehui chõ jẽ. Eico turã ño Dios icha rui jẽ. Dios eicua tuchi chõ nguia jẽ. Echese-cua tuchi chõ nguia mbia rese jẽ. Echĩmbia chõ nguia mbia rese jẽ. Eĩ ño Jesús quiato nguiã siqui turã nyiese ã, echiã quishĩ ja mose.

²³ Mbia uchuru mondo chooño mose ñee nyue, nde abechĩ nda jẽ. Mbia mbicuã sacua ño ũqui nde.

²⁴ Dios rimba quia mbicuã aroneate re. Eturã tuchite quia mbia ja je re. Mbia mbaaquiato quiatu turãte quia ñene. Siqui minguete quia mbia je re.

²⁵ Ae Dios cheẽ isi teã teã, ũqui nda embaaquiato quiatu mingue quia. ũqui ñi nda ñee ñee Dios je. Dios emundua si sacua. Dios cheẽ isi turã sacua.

²⁶ † nda echoi oso chee uchã diablo si, ndua si mose Dios cheẽ ndese. Diablo quia eisite nguiã co. —Ã esaã jẽ, i beite diablo quia ee co.

3

Mbia ireĩ nguiãte ra mbae icuã naa i i

¹ Jesús quiato ra mbae rasi saã tuchi Jesús tu serĩ mose. ũqui eicua quiatu tuchi, Timoteo.

² Umbae ae ae rese ra mbia ndua cote. Mbae isiquia mii ndese chõ nda mbia riqui ndua ndua cote. Mbia ra ucuausa saã saã tuchi. Ñee icuã icuã mbei ra equia emo ñi. Mbia ra ngu cheẽ mumba mumba tuchi. Usi cheẽ abe no. Mbia ra gracias iã tuchi nyue aque mose. Siqui sereã tuchi ra Dios rese.

³ Mbia ia eã eã nda emo ndese. Nimbutorã sereã tuchi ra emo je. Emo nda embuqueta queta bei quia. Hui aroneãte ra mbae icuã si. Nyaba nyaba reã tuchi rae. Mbae turã nda eucuayã tuchi.

⁴ Mbia ra embucheẽ ñee ngõngue rĩ. Mbia ra mbae i ñooño. Mbia ra uaquiato saã ñooño. Ubi achõ ndese ra eriqui. Siqui rocoĩ Dios bi rese.

⁵ Dios quiato ra mbia saã ñooño. Dios quirãcuã icua rocoĩ. ũqui mbia icuã si echao tuchi, Timoteo.

⁶ ũqui mo ndiqui ique ique emo nyuchua ã. Cuña aquiatuã mbĩrĩ irĩ. Ae ndua ndua beite quia huĩcuã ndese cuña nae, ũqui mbĩrĩ irĩ. ũqui cuña ndiqui uchioseĩ raã naa mbei mbae icuã ũqui.

⁷ ũqui cuña ndiqui “tachĩmbaaquiato” i beite raque ũqui. Nĩmbaaquiato aroneate Dios cheẽ ndese.

⁸ Sã brujos Moisés cheẽ mumba no. Janes, i equia ee. Jambres abe no. Eĩ si chõ cuña mbĩrĩ irisa nguiã Dios cheẽ mumba

mumba ũquí. Ndua aquiatuã je chõ ũquí nde. Ũquí ndiqui emo mingo aroneate Dios chee ndese ũquí.

⁹Mbia ra siqui eã ũquí ñee ndui cote. Mbia ra "eaquiatuã" i chee erĩ. Sã "eaquiatuã" i chee Moisés chee mumbasa rĩ brujos no.

Jesús quiato ra mbae rasi saã, i Pablo

¹⁰Ereico turãte que se rã si ra, Timoteo. Dios chee ngue eresenei senei nguia se rã si ra. Ae asaã saã nguia Dios je nae, ũquí ngue eresaã saã nguia nde abe ra. Ae "tasaã Jesús je" ae quia co nae, nde abe eresaã saã turã nguia aque. Dios ereicua tuchite se rã si. Ereico mingue equia aque. Erechesequate equia mbia rese aque.

¹¹Ereico turãte que equia mbia icuã icuã mose ndeje ra. Sã mbia icuãte riqui seje Antioquíaa no. Iconioo abe. Lístraa abe. Sã ñi aico mbae rasi raã tuchi huee no. Dios que sereaquiato ũquí si ra.

¹²Ae siquise rete quia Jesucristo rese nae, ũquí nda mbae rasi saã tuchi. Mbia icuã icuã tuchi ra ee.

¹³Ae icuã icuãte riqui Dios je nae, ũquí nguia ra eicuã i i tuchi cote. Ae mbia mbĩrĩ irĩ nguia nae, ũquí ngui a ra mbia mbĩrĩ i i tuchi cote. Ñimbĩrĩ i i tuchi ra equia no.

¹⁴Nde chõ eico tuchi Dios chee ndese. Ae rese erechimbaaquiato nae, ũquí ndese eico tuchi. —Ichoĩña tuchi que ã nda, erete equia eicua aque. Nembaaquiatusa abe ereicuate quia aque.

¹⁵Ndeñetẽ mosenda bei chõ ereico nguiã Dios chee icua aque. Dios chee nembraacuate quia aque. Nyebe ereico Jesucristo icuate aque. Nyebe Dios nderirõ nguiã ndeicuã si.

¹⁶Dios chee turã ja chõ ñene. Dios chimondo ja chõ ñene. Dios chee nguia rei mbia mbaaquiato. Dios chee ngui a rei mbia icuã mbuchecua ee. Dios chee nguia rei "eĩ jenyee" i tuchi nande je. Dios chee nguia rei aba mingo Dios bi rese.

¹⁷¶ nda Dios quiato siqui turã tuchi. ¶ nda eaquiato mbae turã naa naa ja.

4

¹Aico ñee ndeje Dios nonde a, Timoteo. Jesucristo nonde abe no. Ae r a tube mae ja mbia rese. Mbia reco rese. Mbia mano je rese abe. Ae nonde aico ñee ndeje a.

²Dios chee esenei senei tuchi quia mbia je, Timoteo. Mbia eanduse mose. Mbia eandu sereã mose abe no. Embaaquiato quiato mingue bei chõ nguia. Embuti mbuti bei quiato quia Dios cuti. "Eĩ jenyee" ere bei quiato quia mbia je.

³Namo jiri quiato ra mbia Dios chee turã andu sereã cote. Ubi achõ ndese chõ nda huiisa rerequia tuchi cote. Nyebe ra Dios chee andu sereã. Ae mbia mbaaquiato icuã

icuãte quia Dios chee ndui eã nae, ũquí ndui chõ nda mbia riqui tuchi cote.

⁴Nyuisaquia tuchi chõ nda equia mbia ñee ñooño je rese cote. Ñee ñooño eã je rese nyuisaquia rocoi.

⁵Cochee chõ eico nde, Timoteo. Nderosei nguiãtu chõ eico mbia icuã icuã mose ndeje. Equiei quiei tuchi chõ nguia Dios je. Dios chee esenei senei tuchi chõ nguia mbia je.

⁶Achuruchate quia quia co cote. Aico mano utate co cote.

⁷Mbae que asaã saã tuchi quia Dios je ra. Ae je Dios riqui ñee seje nae, ũquí ngue asaã jate quia ee ra. Ahui eã mbeite que se quia esi ra.

⁸Dios que sechiã mbuturã nda. Ũquinde que aico ngata turã nda. Nyebe eriqui nguiã premio nderecoquiato seje pe. Jesucristo tu mose ra Dios mae ja mbia rese cote. Aque mose quia ra premio mee seje cote. Se mii je eã ndae. Ae Jesucristo ru choseite quia nae, ũquí ja je abe ra premio mee.

Echu serea, i Pablo Timoteo je

⁹Echu jei chõ serea, Timoteo.

¹⁰Demas quiato ngue serecha nguiã. Ibi jenda achõ ndese chõ eriqui nguiã ndua. Ubi mii ndese chõ eriqui nguiã ndua. Nyebe esi nguiã serecha Tesalónicaa. Crescente quiato que oso Galáciaa ra. Tito quiato que oso Dalmáciaa no nda.

¹¹Lucas mii ño siqui nguiã serese co cote. Marcos abe eru bei seje. Ae nda quiei quiei jiri nguiã serese aa.

¹²Tiquico quiato que amondo Efésoo ra.

¹³Ae asecha saco sembae nae, eru bei seje ndechu mose. Asecha que Troas ra. Carpo chuchua. Libros abe eru bei seje. Sechimbasa papeles si ra eretesareichĩ. Eru bei seje.

¹⁴Alejandro el herrero que mbae icuã saã saã tuchi quia seje ra. Dios ra mbae icuã mee ee eicuã ndibishorõ.

¹⁵Echiteaquiato quia esi jẽ. Nande Dios chee nenei nenei mose, ebiãte eriqui co.

¹⁶Mbia sererao mose erereca je, emo ngue nyaroã tuchi serese ra. Serecha ja chõ ngue ra. Dios nda paama i eã ee ũquí ñi ña.

¹⁷Jesús mii ngue serecha eã nda. Ae mii ngue sembiracuã nda. Se echeẽ turã nenei nenei tuchi sacua. Ae judíos eã nae, ũquí Jesús chee turã andu tuchi sacua. Nyebe Jesús sembuti mondo nguiã mbia icuã si.

¹⁸Ae ra sereaquiato bei quia mbae icuã si. Sererao chee mose lbate nyiese. Sã mbia riqui ñee turã mbei erĩ. Amén.

Pablo hui mbae mbesa mbesare

¹⁹Saludar ere rã Prisca je. Aquila abe je. Onesiforo chuchua jenda ja je abe.

²⁰Erasto que siquichõ Coríntoo ra. Trófimo ndasi que asecha Milétoo ra.

²¹ Nyiiseĩ tuutu nonde chõ echu. Eubulo saludos mondo quia ndeje aque. Pudente abe no. Lino abe no. Claudia abe no. Jesús quiato ja a jenda abe no.

²² Sã Jesucristo riqui bei nderese. Sã Dios turã ndiqui bei jendese. Amén.

CARTA DEL APOSTOL SAN PABLO A TITO

Pablo embesa mondo Tito je

¹ Pablo rei se. Dios rimba. Jesucristo chĩmbaaquiato. Dios que semondo ñee ñee sacua uchiirabo je ra. Ūqui Dios icua tuchi sacua ñge semondo ra. Siqui turã sacua Dios rã si.

² —Sechiirabo ra amingo bei, i que Dios cose ra. Ñee ñoño eã ndae. Ūqui ndese embiirandu sacua ño ñge semondo nguã.

³ Dios rei nanderirõsa mbae icua si. Ae que seirabo ucheẽ nenei nenei sacua mbia je ra. Eĩ ñge Dios ucheẽ mbuchecua mbia je cote ra.

⁴ Aico ã mbesa ndeje a, Tito. Ereico Jesús icuate se rã si aque. Nyebe aico nguã “seri-irĩ” i ndeje co. Nanderu chõ Dios re. Sã nanderu turã ndiqui bei ndeje. Sã Jesucristo abe turã ndiqui ndeje. Sã Ūqui ia eã tuchi riqui nderese. Sã Ūqui ndiqui nembia turã tuchi.

Sã Jesús quiato rerecua riqui turã

⁵ Ae nandesã ja eã huee nae, Ūqui esaã ja rã nguia nde huee. Amei mo eirabo rabo Jesús quiato rerecuarã. Mbia recua ja ja jenda. Secheende ndeje eirabo rabo ino huee. Nyebe arecha nguã huee Crétaa.

⁶ Amei turã ño eirabo rabo Jesús quiato rerecuarã. Eninisi mii nderecua chõ eirabo. Ae ririĩ Jesús icua quia nae, Ūqui mii ño eirabo rabo. Ae eririĩ seteate riqui nae, Ūqui ño eirabo rabo. Ae eririĩ teã eãte nae, Ūqui ño eirabo rabo. Jesús quiato rerecuarã.

⁷ Jesús quiato rerecua quia Jesús quiato teaquiato quiato quia. Ūqui siqui icua aroneate. Ucuasu abe raã naa aroneate. Eroseĩ nguã aroneate. Quiacua aroneate. O rerequia choõña aroneate. Mbia mo mbae oseĩ oseĩ aroneate no.

⁸ Mbia nyoi mose echuchua, isi turã ndae. Siqui turã ndae. Ndua ndua ra mbae ao nonde. Siqui eã nda mbae icua ndese. Dios rã si chõ nda eriqui. Echichati eã ndae. Jesús quiato rerecua ra eĩ mbei quia.

⁹ Sã eriqui bei Dios cheẽ ndese nandechẽ nguire. Ūqui mose ra Ūqui abe mbia mbaaquiato quiato turã. Jesús oseĩ uquia ee. Mbia icua ñee nda embutiba Dios si. Ūqui ño eirabo rabo Jesús quiato rerecuarã, Tito.

¹⁰ Mbia teã teã je tubiriãte riqui ã. Judios teã teã je abe tubiriãte no. Ñee ñoño tuchite equia ã.

¹¹ Ūqui nyuru esiquisã tuchi. Mbia mbaaquia tu icua icuate quiato nguã Ūqui. Eru mbiĩri iri. Eninisi abe mbiĩri iri. Eriĩri ja

abe no. —Mbia ra umbae mee mee nande je, i chõ nguã ã.

¹² Hue jenda mo ñge ñee nda. —Ñee ñoño je chõ ure re, Creta jenda re. Ureicua mbei chõ ure re. Nyacua icua na ño ure re. Uretomei ño ure re. Mbae mburireãsa chõ ure no nde, i que Creta jenda mo nda.

¹³ Ichõiñoa tuchi chõ ñene. Nyebe echeẽ asi tuchi Ūqui je, Tito. I nda eriqui tuchi Jesús rese.

¹⁴ I nda eriqui eã judios icua ñee ndese. Mbia tubiriã Dios cheẽ isi teã teãte quia Ūqui. —Ūqui ñee nda jemumbayãchi jẽ, ere chõ mbia hue jenda je.

¹⁵ Echã mbuturã ji je chõ mbae turã ja riqui nguã ã. Echã mbuturã jiriã je quiato mbae mo turã eãte re. Dios icuasa reã je mbae mo turã eãte. Ndua turã eã mbei. —Eicuã eã, i chõchi nguã mbae icua ndese siqui siqui.

¹⁶ —Dios ureicuate quia ã, ichõiño equia Ūqui. Echisaã nguia eicuate re. Nyebe nandeico nguã eicuate, Dios rese siquiã mose. Aba biã tuchi chõ Ūqui nde. Aba cheẽ mumbasa. Siqui aroneate mbae turã mo ndese.

2

Mbia embaaquiato turã, i Pablo ñee Tito je

¹ Nde quia mbia embaaquiato quiato turã jẽ. Dios cheẽ ndui si embaaquiato quiato.

² Amei embaaquiato quiato. Enyere chõ ñee ee: —Jẽquiacua quiacuachĩ nda jẽ. Jengata turã mbei chõ nguia jẽ. Jëaracua bei chõ nguia jẽ. Dios jëicua tuchi chõ nguia jẽ. Jenyesequa tuchi quia mbia rese jẽ. Jëingo tochi chõ nguia no jẽ, ere chõ amei mbaaquiato quiato, Tito.

³ Ari abe embaaquiato quiato. Enyere chõ ñee ee: —Jengata turã mbei quia Dios resa rae. Jeñee icua icua techĩ nda mbia mo nii jẽ. Jẽquiacua quiacuachĩ nda jẽ. Mbae jësaã turã ño nguia mbia resa rãee jẽ, ere chõ ari mbaaquiato quiato, Tito.

⁴ Sã ari acuanĩ mbaaquiato quiato. I nda acuanĩ nyesequa jaaja ngu rese. I nda nyesequa jaaja nguiri abe rese.

⁵ I nda acuanĩ aracua ja ja. I nda ndua ndua ja mbae turã ndese. I nda uchuchua jenda abe mbuturã turã ino no. I nda eturã mbia je. I nda ngu cheẽ abe mumbayã no. Sã ari eĩ acuanĩ mbaaquiato quiato. Ūqui mose mbia ñee icua icua aroneate Dios cheẽ nii.

⁶ Acuanĩndu abe embaaquiato quiato quia no. I nda earacua racua ja.

⁷ Nde abe ecuata turã mbei, Tito. Mbae turã esaã uquia mbia je. Ndeico mose mbia mbaaquiato quiato, cochee chõ eico. Echimbirãtã tuchi chõ nguia.

⁸ Ndeico mose mbia mbaaquiātu quiātu, echeē turā turā ño nguia ee. † nda mbia ñee icuā eā ndecheē mose. † nda Dios cheē ndesenda reā irei irei ndecheē si. † nda ñee icuā eā jēje.

⁹ Mbia rimba abe embaaquiātu quiātu. Enyere chō ñee ee: —Jenderecua cheē nda jemumba mumba techi nguia jē. Echeē nguire jēingo bei chō mbae turā ndese jē. Jeñeechi nda echeē ndibishorō jē.

¹⁰ Mbae mo nda jembuquia chāchī jē. Jēseteā ño jēingo mbae turā ndese jē. Eī jenyē mose ra mbia ñee turā Dios cheē nīi, jenyē chō nguia mbia rimba je.

¹¹ Dios que uturā teacuquia mbia je cote ra. Mbia rirō ja nonde mbae icuā si.

¹² Mbae ja rīi Dios rīqui nandembaaquiātu quiātu co. Ae echosei chiāte quia nae, ūqui nandesecha ja sacuā. Ae icuā nandebite rīqui nae, ūqui ndecha ja sacuā no. Nandearacua sacuā abe no. Nandeico sacuā mbae turā ndese no. Nandendua bei sacuā Dios rese abe no. Eī nande bei quiātu quia nande namo.

¹³ Jesucristo ra tu íbii ucheē nguire. Enininya tuchi ra tu. Nandeico eraarō arō ā. Ae ra nandembiate u. Ae rei Dios tuchi. Nanderirōsa mbae icuā si.

¹⁴ Ae que tu mano nande je ra. Nandeicuā ndibishorō ngue mano nda. Nandechiā mbuquishī ngue u umbaerā nda. Nandeico tuchi sacuā mbae turā ndese.

¹⁵ Enyere chō mbia mbaaquiātu quiātu, Tito. Ererecua rā ño eico embaaquiātu quiātu. Echeē asi asi jiri quia ee. Sā emo ndiqui ndecheē andu sereā nea eā.

3

Dios uturā teacuquia nande je

¹ Echeē mbia je, Tito. —Ererecua cheē nda jemumba mumba techi nguia jē. Ererecua cheē jeñandu quiātu quiātu quia jē. Jeñimbirātā tuchi quiātu mbae turā naa naa nonde jē.

² Jeñee icuā icuāchī nda emo nīi jē. Jeñee icuā icuāchī nda jenyue jē. Jeseteā ño jēingo jē. Jenguasu ra jesaā saāchī emo je jē, ere chō mbia je, Tito.

³ Nandearacuayā techi nande abe nyii. Nandeteā teā techi equia nyii. Nandembirī irī ji raanguiate nandecocho nyii. Ae nandechosei chosei quia mbae icuā nyii nae, ūqui achō ndesete nandecocho nyii. Mbae icuā ndese nandeico techi nguia nyii. Mbia mbae nandechosei chosei techi nguia nyii. Mbia mae icuā icuā techi nguia nanderese nyii. Nande abe nandemae icuā icuā techi nguia nandechiese nyii no.

⁴ Dios ia eāte que mbia rese aque mose ra. Uya eā ngue eteacuquia nande je ra. Uturā abe que eteacuquia nande je no nda.

⁵ Aque mose que nanderirō mbae icuā si ra. Eya eāte quiātu ngue eriqui nguia nanderese. Nyebe nanderirō nguia mbae icuā si. Nandeturā nīi eā ngue re. Nandechiā ngue eirei mbiasu ra. Espiritu Turā je que nandechiā mbiasu ra.

⁶ Dios que Espiritu Turā mondo tuchi nande je ra. Jesucristo rīi ngue emondo nande je ra. Jesucristo rei nanderirōsa tuchi nandeicuā si.

⁷ Dios que Espiritu Turā mondo nande je ra. Uturā je nandembitirō sacuā. Nandemingo bei tuchi sacuā no. —Nandemingo bei tuchi rae, sā nandeico i ā no.

⁸ I chōiñoa tuchi chō ā nde. Ā esenei senei tuchi quia mbia je. † nda mbia emumbayā. † nda Dios icuasa siqui ja mbae turā ndese. Ae rīi aico ñee jēje nae, sā mbia ūqui ñee mumbayā ja quiātu. Aba bite ūqui.

⁹ Mbia ñee asi asi je si ehui chō. Mbia ñee mbei mose ngāmei ndaque rīi, ūqui abe si ehui chō. Mbia ñee icuā icuā mose nyue, ūqui abe si ehui chō. Ae Dios senei senei nguia judíos je cose nae, ūqui nīi mbia ñee icuā mose nyue, ūqui abe si ehui chō no. Aba biāte ūqui ñee. Aba mbaaquiātu āte ūqui.

¹⁰ Emo Jesús quiato mbuqueta queta mose embicuā nonde uchue, ūqui abe si ehui chō. Eicuāte ūqui, ere ee. Ndecheē andu eā mose, echeembe ee. Aquere ehui chō esi.

¹¹ Aba chīcuate ūqui icuā. Ūqui siqui turā aroneate quia ūqui. Huiacuā eicuate quia ūqui.

Pablo embesa hui bei

¹² Artemas nda amondo nderea reae. Ae oso eā mose, Tíquico ra amondo ndeje. Ūqui mo ngasē mose huee, echu serea Nicápolis cote. Huee taico bei ama mose, ae que se ra.

¹³ Apolos embucua turā mondo. Zenas ndese. Zenas ndei embesasa. Jesús quiatote ūqui. Mbae mo emondo ee. † nda ehoi turā. † nda mbae tiā eā ee.

¹⁴ Sā nanderesenda rīqui mbae turā naa naa mbei ñimbaaquiātu. Emo mbae ua naa mose, sā mbae mo mee mee ee. Ūqui naa naa mose, siqui turā ño nguia ūqui cote.

¹⁵ Ae chī ja sere se nae, ūqui saludos mondo quia ndeje aque. Ae Jesús quiato nyesequate quia urerese hue jenda nae, ūqui je saludar ere ure je. Sā Dios turā ndiqui tuchi jē ja rese. Amén.

LA CARTA DEL APOSTOL SAN PABLO A FILEMÓN

Pablo embesa Filemón je

¹ Se rei Pablo. Setarō ji aĩ a. Mbia que setarō Jesucristo rĩĩ nda. Timoteo rese aico ā mbesa mbesa ndeje a, Filemón. Uteresenda tuchi chō nde re. Jesucristo rimba.

² Ae Jesús quiato ñumunua nua mbei quia ndechuchúaa nae, ũquĩ je abe ureico ā mbesa mbesa a. Apia je abe ureico embesa mbesa a. Arquipo abe je no. Ae que siqui bei urerese ra. Mbia icuā icuā mose ure je Jesús cheē ñi.

³ Sã Dios riqui turã mbei jêje. Sã jêya bei riqui erese. Jesucristo rese abe no.

Filemón Jesús quiato tuchi

⁴ Secheē mose Dios je, “gracias” ae bei se quia Dios je nderĩĩ co.

⁵ Mbia que sembiirandu randu nderese ra. —Filemón ndiqui Jesús icua tuchi co. Co eriqui nyesequa tuchite Jesús rese co. Dios quiato ja rese abe no, i que equia sembiirandu randu nderese ra.

⁶ Aico ñee mbeite Dios je nderĩĩ co. Ae je ereico Jesús nenei nenei nae, i nda ũquĩ abe Jesús icua tuchi nde rã si.

⁷ Aque ereico nyesequa tuchi Jesús quiato ja rese aque. Nyebe seya beite riqui nguiã nderese co. Nde que Jesús erechousei quia quia Jesús quiato je ra.

Onésimo eisi turã, i Pablo ñee

⁸ Cristo chimbacquiato aico raque co. Sã ererecua riqui ñee ngũimba je no. Ũquĩ asaã arôte raque ndeje. Asaã eã nda se.

⁹ Tacheē mingue chō ndeje. —Mbae esaã seje, tae turã ño ndeje. Ameite se cote. Setarō ji aĩ Jesús rĩĩ a no. Se rei Pablo.

¹⁰ Mbae mo esaã Onésimo je. Seico mose aa cárcel que aico Onésimo mbaaquiato quiato Jesús rĩĩ nda. Jesús quiato riqui co cote. Seriiĩ tuchi rã ño eriqui nguiã co cote. Jesús icua mose co cote.

¹¹ Nderimbachō ño ngue eriqui nguiã nyii. Erequeteã eã jiri que equia erese nyii ra. Aqueteãte quia erese co cote. Nde abe ra erequeteãte erese cote. Siqui turãte ra nande je cote.

¹² Aque amondo quia ndeje aque. Eisi turã mambii. Sã ereico seisi turãte no. Ũquĩ esaã si ee.

¹³ Amondo sereãte raque. Siquichō ndei nda serese aa chã. Mbae mee mee sacuã setarō ji je ndecutiã. A setarō ji ñi Jesús cheē turã ñi a.

¹⁴ Aisi eã nda mingue serese a, nde “eno” iã mose seje. “Eĩ ere chō”, ae eã nda ndeje.

Nde ae chō eisi turã. Nde ae chō echeē turã ee. Se ae ra arembucheē turã eã ee.

¹⁵ Uchã ndei que ndesi nyii ra. Siqui bei ra nderese cote reae.

¹⁶ Nderimbachō eã nda cote. Ndequiato chō nda cote. Nderesenda chō nda cote. Co aico nyesequate erese co. Nde quiato ra erechesequa tuchi erese cote. Cristo re-senda chō siqui nguiã co cote. Nderese.

¹⁷ Ndequiato tuchi chō se re. Sã ñi ereico seisi turã turãte no. Eĩ ere si chō Onésimo isi turã se rã si.

¹⁸ Onésimo deber i mose ndeje, cobrar erechĩ nda ee. Seje quiato cobrar ere.

¹⁹ Pablo chō se re. Seo je chō aico nguiã co mbesa ndeje a. Onésimo deber i mose ndeje, asibishorō nda mbae mee ndeje. Mbae que asaã tuchite rei quia ndeje ra. Dios cheē ngue asenei tuchite quia ndeje ra. Dios nemingo bei sacuã. Nyebe deber ere tuchite raque seje.

²⁰ Nyebe Onésimo eisi turã na seje. I nda seya tuchi jiri nderese. Dios abe ra eyate nderese.

²¹ —Filemón nda secheē mumba eã. Secheē ndui si tuchi ra Onésimo isi turã, ae tuchi se quia nderĩĩ co.

²² Seruacuã jendecoquiato ino mambii. Dios ra sembusẽ mondo, jeñee mbei mose ee reae. Ũquĩ mose ra aso jendea.

Pablo ñee hui bei

²³ Epafra saludos mondo quia ndeje aque. Ae tarō ji ñi serese a. Jesucristo cheē ñi.

²⁴ Marcos abe saludos mondo quia ndeje aque. Aristarco abe. Demas abe no. Lucas abe no. Æ ndiqui Dios cheē nenei nenei serese ã.

²⁵ Sã Jesucristo riqui uturã ndeacuquia bei jêje. Amén.

LA CARTA A LOS HEBREOS

Jesucristo mui ño Dios cheẽ mbuchecua nguiã

¹ Dios que ucheẽ mbiassa asa tuchi quia mbia nandei ñiinda je cose ra. Hue rĩ ji eã ngue eriqui ucheẽ mbiassa asa ee ra. Dios cheẽ mbuchecua checuasa atate que aque mose ra.

² Eĩ eã ño namo nde. Jesucristo mui ño Dios cheẽ mbuchecua checu nguiã nande je co cote. Dios nguiirĩte mbuchee nande je cote. Ae mui ndese chõ ngue Dios ibi ao nyii ra. Dios que emui mbae ja rerecuarã nda.

³ Dios nininya rã si tuchi chõ ae re. Ae chõ mbae mingo ja nguiã ucheẽ quirãcuã je co. Ae que mano nandẽicuã mbutiã sacuaã nda. Aquere eñi ngoi bei ngu rese ibate pe cote.

Jesús quia rei i tuchi ángeles si

⁴ Jesucristo quia rei i tuchi ángeles si. “Seriirĩ tuchi” i chõ Dios nguiã ee.

⁵ ã ngue Dios ñee áte ángeles mo je ra: Seriiĩ ño nde re.

Ndereco que amee nde je ra, i áte que Dios ángeles mo je ra. Nderu chõ se re.

Seriiĩ ño nde re,

i áte que Dios ángeles mo je ra.

⁶ Dios nguiirĩ mbu mose íbii que ñee nda:

Sã ángeles riqui adorar i ja seriiĩ je, i que ra.

⁷ ã ngue Dios ñee ángeles rii nda:

Quiririã tu asi rã tuchi chõ ángeles re.

Serimba chõ ángeles re.

Tata rendi rã tuchi,

i que Dios ñee ángeles rii nda.

⁸ Nguiirĩ je quiatu que ñee ã nda:

Nde rei Dios. Ererecuarã mbei ra nde.

Ererecuã turã tuchi ereico nde co.

⁹ Mbae turã eresaã sete quia co.

Mbae icuã nguia erechosei chiãte nguiã.

Nyebe Dios riqui nguiã nembia tuchi ndere-senda mo si.

¹⁰ Nde que mbae erchao ja tuchi ibi jenda nyii ra.

Ndeo je que ibei erchao no nda.

¹¹ Ũquiã nda ua ja chee.

Nde quia ra ereico bei.

Tiru ima na ja chee ra ũquiã.

¹² Sã mbia riqui tiru ima mombo no.

Eyasu rerequia erendaque re.

Eĩ si ra ibi cote. Ibei abe no.

Nde quia ra eĩ mbei ereico.

Eremanoã mbei ra nde quiatu,

i que Dios ñee Jesucristo je ra.

¹³ ã ngue Dios ñee áte ángeles mo je ra:

Ecoi sejiũ. Nde abe ra ererecuã serese.

Ae ndeucuãyãte quia nae, ũquiã je ra nde-quirãcuã ateacuquia tuchi.

Ndequirãcuã tuchi chee ra ũquiã si, i áte que Dios ángeles mo je ra. Jesús mui je que ñee ũquiã nda.

¹⁴ Dios ririĩ eã ño ángeles re. Dios rimba chõ ñene. Ae ra Dios mingo bei, ũquiã ndaarõ sacuaã ño ngue Dios ángeles mui nguiã.

2

Nandeichayã sacuaã Dios icha si

¹ Ae nandechandu quia Dios cheẽ nae, ũquiã ndese nandẽico ndua tuchi. **1** nda nandeichayã mbei Dios icha si.

² Ae rii ángeles riqui ñee mbia je cose nae, ñee ñooñoã tuchi chõ ñene. Ae ũquiã ñee mumba nae, mbae rasi que esaã cote ra.

³ Jesucristo sí que ñee nda. —Mbia tamingo bei, i que ra. Mbia que echeẽ senei senei mbiassa nande je cote ra. Nande echeẽ mumba mose ra mbae rasi nandesaã tuchi nande quiatu cote.

⁴ —Jesucristo ñee ñooñoã ño nguia re, i sacuaã mbia que Dios mbia mae sayã naa naa nda. Milagros tubiriã. —Jesucristo ñee ñooñoã ño nguia re, i sacuaã mbia que Dios Espiritu Turã mondo mbia je no nda. Ae je Dios Espiritu Turã mondo mondo sete nae, ũquiã je chõ ngue Espiritu Turã mondo ra.

Mbia rã ngue Jesucristo ru nyii ra

⁵ Ae ra nandeso emo mose nae, hue jenda rerecuã eã nda ángeles.

⁶ Sã embesa ji ñi ñee ã no:

¿Mbaerã ereico nduante mbia rese re, Dios?

¿Mbaerã ereico eraarõ tuchi re?

⁷ Angeles que eremingo turã tuchi rei mbia si aque mose ra.

Ũquiãde ereico bei mbia mingo turã tuchi ángeles si co cote.

Mbia que eremui mbae abe ja rerecuarã cote no nda.

Ndechiao rerecuarã tuchi cote.

⁸ Mbae que eremui ja mbia mbaerã nda,

i embesa ji huĩ ñee a. —Mbae rerecuarã ja ra mbia, i mose Dios, mbae ja rii ño ñee nguiã. Mbae mbia cheẽ mumbate raque quia ã.

⁹ Jesús mui ndese chõ nandẽico nguiã mae ã. Ae je Dios mbae rasi saanguquia tuchi nae. Ae que ererecuã eã tuchi ángeles si aque mose ra. Dios que mbia mingo bei sete ra. Nyebe “emano mbia rii” i nguiã Jesús je. Emanonde que Dios emui mbia rerecuarã tuchi cote ra.

¹⁰ Dios que mbae chao ja tuchi umbaerã nda. Nyebe mbae rasi raanguquia tuchi nguiã Jesús je cote. Mbia tubiriã mingo bei sacuaã ño ũquiã nde. Jesús mbae rasi raã mose, ererecuã turã tuchi sacuaã ño ũquiã nde.

¹¹ Jesús que nandembitirõ uturã na sí ra. Nyebe eru riqui nguiã nanderu ja co cote.

Nyebe Jesús riqui nguiã “senongue” i ireĩ ngũĩã nande je.

¹² Sã Jesús cheẽ ñi embesa ji rese a no:

Paba ibatenda tasenei senongue je.

Senongue rese tairasei rasei ee, i que Jesús cheẽ mbase ji huĩ nda.

¹³ Dios taicua tuchi,

i abe que Jesús cheẽ huĩ nda.

A aico seriĩrĩ Dios chimondo rese a,

i abe que Jesús cheẽ huĩ nda.

¹⁴ Mbiate quiatu ngue nande re. Nyebe Jesús abe mbiarã no nde. Mano sacua nande je. Mano mose nande je que diablo quirãcuã mbutiã cote ra. Diablo quiarei equirãcuã tuchi aba iquua sacua.

¹⁵ Ae siquiche beite quia umano si nae, mbae icua nimba raanguia chõ ùqui nde. Ùqui siquiche eã sacua ño ngue Jesús mano nguiã.

¹⁶ Angel sacua eã ngue Jesús ru ra. Mbiarã ño ngue eru nguiã. Judiorã ño ngue eru nguiã. Mbia mbitirõ sacua.

¹⁷ Nyebe Jesús ru nguiã mbiarã nande rã. Ñee turã sacua Dios je nande riĩ. Dios nandembasi eã sacua nandeicua ñi. Jesús siqui mose mbiarã ngue mano mbia icua ñi nda. Mbia icua mbutiã sacua esi.

¹⁸ Mbae icua ngue tã i tuchi rei Jesús je ra. Nyebe ra eriqui tuchi nanderese uquirãcuã mee nande je, mbae icua tã i mose nande je.

3

Jesús quia rei i tuchi Moisés si

¹ Seresenda, Dios que jemii icue umbaerã tuchi ra. Nyebe aico nguiã ñee tuchi Jesucristo riĩ jêje co. Secheẽ ndese jenyiisaquia tuchi quiatu quia. Jesucristo rei nandererecua tuchi cote. Sacerdote rerecua rã tuchi nande je cote.

² Jesucristo que Dios cheẽ mumbayã tuchi quia mbae raã ja echeẽ nguire ra. Sã Moisés abe mbae raã ja Dios cheẽ nguire no.

³ Jesús quia rei i tuchi Moisés si. Ae que Moisés chao ra. Sã emo ndiqui tuchua ao no. Tuchua aosa quia rei i tuchi tuchua uchiao si.

⁴ Mbia mo tuchua chao arondete raque. Dios mii nguia rei mbae ao ja tuchi.

⁵ Moisés que Dios cheẽ mumba eãte rei quia ra. Erimbachõ ño ngue ae ra. —Ã nda Dios saã je mbia je, i chõ ngue Moisés quia ra.

⁶ Cristo quia rei i tuchi Moisés si. Ae quia rei Dios riĩrĩ tuchi. Dios chuchua rerecua tuchi chõ ae re. Nande rei Dios chuchua. Ae quia siqui nguiã nandechiangui re co. Nandeico bei mose ndua erese. Nandeya bei nandeico mose abe erese.

Dios quiato ra uquenea ucua nyoi Dios récuua

⁷ Jesús quia i tuchi re. Nyebe Espiritu Turã ndiqui nguiã ñee nande je ã:

Dios cheẽ jeñandu rã namo.

⁸ Jeñia átãte ra jëingochĩ jê.

Sã cose ndare chiã átã mbeite riqui Dios cheẽ andu sereã turúquiaa eico mose no.

Ùqui icuãte que eriqui Dios je ra.

Dios que ñimbirãcuã ñote quia ee ra.

⁹ Dios que siqui minguede quia ùqui mbia je ra.

Cuarenta años chee que ra.

Mbia mae sayã ngue esaã saã mbei quia ee ra.

“Ma Dios siqui minguede nande je”, i rei que mbia jenamei nguia cose ra.

¹⁰ Nyebe Dios paama i nguiã ñee ee.

“Siqui icua mbeite equia uchiangui re ã. Siqui sereãte equia seicha rui ã.

¹¹ Aico paama ite ee co.

Uquenea nda eucua eã mbei nyoi serécuaa”, i tuchi que Dios erĩ nda,

i que Espiritu Turã ñee embesa ji huĩ nda.

¹² Cochee chõ jëingo, Seresenda. Jëicha eã sacua Dios reco si jeñiangui re. Dios jëicua bei sacua jeñiangui re no.

¹³ —Nandeico i i tuchi quiatu quia Dios rese, jenyje jenyje bei quiatu quia jenyue. Jendeco mose ibii. † nda mbae icua jembuĩrĩ irĩ eã. † nda jêtea teã eã Dios cheẽ je no.

¹⁴ Sã nande Cristo nandeicua raque nyii no, eĩ nande bei chõ nguia eicua i i. Ùqui mose ra Cristo resenda tuchi nande cote.

¹⁵ Sã embesa ji riqui ñee ã no:

Dios cheẽ jeñandu rã namo.

Jeñia átãte ra jëingochĩ jê.

Sã cose ndare chiã átã mbeite riqui Dios cheẽ andu sereã turúquiaa eico mose no,

i que embesa ji ra.

¹⁶ ¿Aba chõ Dios cheẽ ñandu sereã eandure cose chã? Ae Moisés querao Egipto si nae, ùqui ño ngue resê.

¹⁷ ¿Aba je chõ Dios paama i cuarenta años cose chã? Ae mbae icua saã saã nae, ùqui ño ngue resê. Nyebe mano mano nguiã turúquiaa.

¹⁸ ¿Aba je chõ Dios ñee tuchi chã? — Jenguenea nda jëucuyã mbei oso serécuaa, i chã. Ae echeẽ mumba quia nae, ùqui je chõ ngue re.

¹⁹ Nyebe ngasẽ eã nguiã Dios récuua. Dios icua eãte quiatu ngue re.

4

¹ —Ae seicua quia nae, ùqui nda nyoi serécuaa, i chõte Dios quia nande je co. Nyebe nandeico cochee. Cochee jëingo eã mose, jemo jengasẽ eã arõte Dios récuua.

² Nande abe je chõ Dios riqui nguiã ñee co. —Ae seicua quia nae, ùqui nda nyoi serécuaa, i. Moisés reco mosenda achõ je eã

ño ngue ñee nguiã. Ûqui ngue Dios chandu iru choõno nda. Dios icua rocoí.

³ Ae Dios icua quia nae, ùqui achõ ño nda nyoí ngasê Dios récuua. Uquenea ucua sacua huee. Dios que ñee tuchi ucheê andu sereãsa je cose ra:

Aico paama ite ee co.

Uqueneã nda eucua eã mbei nyoí serécuua, i que ra. —Ma siqui serese, i bei rei que equia eraarõ arõ nda. Ibi ao mosenda bei.

⁴ Á mbesa ji que chí nda:

Dios mbae ao jare que uqueneã ucua séptimo día ra,

i que embesa ji ra.

⁵ Á abe que chí embesa ji rese ra:

Uquenea nda eucua eã mbei nyoí serécuua, i que embesa ji huí no nda.

⁶ Emo emo abe ra Dios icua. Siqui sacua érécuua. Ae Dios cheê ñandu nyii nae, ùqui ngue Dios icua eãte ra. Nyebe ngasê eãte nguiã Dios récuua. Dios cheê nguiatu ngue emumbate nguiã.

⁷ Nyebe Dios riqui nguiã ñee nande je quiatu co. Nandeico sacua érese namo. Ûqui echeê mumbare nyii. Sã David Dios cheê mbesa no:

Dios cheê jeñandu rá namo.

Jeñia átãte ra jëingochí, i que Dios ra, i que David embesa ra.

⁸ Josué que mbia isrealitas mii aroneate Dios récuua ra. Uqueneã ucua sacua. † nda Dios ñee áte rei. —Taemingó serécuua jenguenea ucua sacua, i áte rei.

⁹ Nyebe ra Dios quiato nyoí ngasê Dios récuua. Huee ra uqueneã ucua tuchi huee cote.

¹⁰ Ae ra ngasê Dios récuua nae, ùqui nda uqueneã ucua tuchi. Sã Dios uqueneã ucua tuchi mbae ao jare no.

¹¹ Nandechimbirãcuã tuchi oso nonde Dios récuua. Nandequenea ucua sacua. Ae Dios icuayãte quia cose nae, ùqui na nda nandechochí nande mo namo jê.

¹² Dios cheê nguiã rei ereco tuchi. Equirãcuã tuchi. Ique tuchi aba chianguí re. Sã tiqise rimbe riqui ique chõte oso no. Eí si chõ Dios cheê nde. Ique tuchi aba ndua nduasa rí. Aba ndua nduasa mbuchecua tuchi aba je. Aba chiosei oseí abe mbuchecua tuchi aba je no.

¹³ Mbae mo ndese Dios riqui jirandu eã eãte co. Mbae mo nandesayã nyecuayã cuayã aroneate quia esi ã.

Jesús ñee turã mbei Dios je nande rii

¹⁴ Jesús rei Dios riri tuchi. Sacerdote rerecua tuchi chõ eriqui nguiã nande je co. Oso que ibate Dios rea ñee ñee sacua nanderii nda. Eriqui ñee ñee mbei Dios je nanderii co. Nyebe nandeico tuchi quiatu quia érese.

¹⁵ Diabolo tã i mose nande je, Jesús riqui ico tochi tuchi nande je co. Ae rane je quiatu

ngue diablo tã i tuchi nguiã nyii. “Ma Jesús mbae icua naa” i nguiã. Mbae icua ngue Jesús saã eã mbei chõ nda.

¹⁶ Nyebe nandesiquicheã nguiatu quia Dios riichã. Nyesecuate quiatu nguiã nanderese co. Nandesiquicheã nguiatu quia ñee ñee ee. Eya eã sacua nanderese. Uquirãcuã mee sacua nande je, diablo tã i mose nande je.

5

¹ Sacerdote rerecua judío mbae rei mbia chõ. Ae chõ ñee turã mbei nguiã mbia rii Dios je. Ae chõ mbae quishí ji mondo mondo nguiã Dios je. Dios mbia chisaa saã icua mbutiã sacua esi.

² Sã sacerdote rerecua abe riqui mbia nande rá si no. Nyebe eriqui nguiã siqui tochte mbia quirãcuã nea je. Mbiam aquiatuã je abe. Mbiam icha icha je abe no.

³ Sã sacerdote abe riqui Dios cheê mumba no. Sã eriqui mbae quishí ji mondo mondo Dios je no. Dios eicuã mbutiã sacua esi. Mbiam chisaa icua abe mbutiã sacua esi no.

⁴ “Sacerdote rerecua se” i aroneate emo, Dios eirabo eã mose. Dios ae que sacerdote mii mii nda. Sã Aarón mii cose no.

⁵ Eí si que Cristo ra. “Sacerdote rerecua se” iã ngue ae ae ra. Dios quiatu ngue emii nguiã. Sã Dios cheê mbesa ji riqui ñee no: Seriri ño nde re.

Ndere co que amee ndeje ra,

sã Dios i ñee ee no.

⁶ Sã embesa ji mo ndiqui ñee no:

Sacerdote bei rei nde.

Melquisedec na tuchi ereico nde co,

sã embesa ji riqui i no.

⁷ Jesús siqui mose a íbii, eya eã tuchi que emo mose ra. Ñee tuchi que Dios je aque mose ra. Nyeseo tuchi que equia Dios je ra. Dios emano ndiquisã sacua esi. Dios que echeê ñandu ra. Jesús quiatu que Dios cheê mumba serea mbeite quia ra.

⁸ Dios ririite raque Cristo. Mbae rasi que esaã tuchi ra. Nimbacquiatu chõ ngue equia ùqui ndese Dios cheê mumbayã nda.

⁹ Jesús que Dios cheê mumbayã tuchi mbae rasi raã tuchi ra. Aquere Jesús riqui mbiam mingó bei co. Ae echeê mumbayã nguiã nae, ùqui emingo bei quia co.

¹⁰ Dios quiatu ngue emii nguiã sacerdote rerecuarã. Melquisedec na si no.

Jeñimbaaquiutuã mbei chõchí equia Cristo rese ã

¹¹ —Mbae tasenei tuchi Jesucristo rii jêje, ae rei que se ra. Jê nguiã secheê jeñandu sereãte nguiã. Nyebe aico nguiã embiasa asa aroneate jêje co.

¹² Cosete que jëingo rei Jesús icua resê. ¿Mbaerã jëingo ñimbacquiutuã mbeite re? † nguiã nda jëingo nguiã emo mbacquiutuã

quiato chã. Jëaquiatuã mbei chõchĩ. Dios cheë aba chĩcua jëicuayã mbei chõchĩ. Äquë na ño jëingochĩ ä. Sã äquë ndiqui usi quiandi achõ mbei no. Soo quiatu eu aroneate nguia.

¹³ Äquë na jëingo bei mose, jëaquiatuãte siqui mbae turã ndese.

¹⁴ Ae ñĩmbaaquiato quiatu tuchi quia Cristo rĩĩ nae, ùqui nguia rei mbae turã icua tuchi, mbae icuã icua rocoĩ. Mbia cuasu rã ño ùqui nde.

6

¹⁻² Ae rese jeñĩmbaaquiato nyii nae, aba chĩcuate ùquí. Ùquí mĩite rese jëingochĩ nguia. Mbae aba chĩcuayã mo abe jëicua jiri Jesús rĩĩ ae. Ä aba chĩcua que asenei ja jëje nyii ra: —Jenyisãã mbae icuã si jëhui, ae que jëje nyii ra. —Dios jëicua, ae que jëje nyii no nda. Bautismo abe que asenei jëje nyii ra. —Jëo jeñono Jesús quiato arõ, ae que jëje nyii no nda. —Mbia raque ra quera si, ae que jëje nyii ra. —Mbia Dios quiatoã nda mbae rasi saã tuchi tata cuãsuu, ae que jëje nyii no nda.

³ Ùquí aba chĩcuate riqui ä ndesë. Aba chĩcuayã tasenei jëje cote, Dios “eno” i mose.

⁴ Emo emo ngue siqui rei Dios quiatorã nyii ra. Dios chĩmee icua raque nyii. Espĩritu Turã abe icua raque nyii no.

⁵ Dios cheë turã abe icua raque nyii. Dios quirãcuã abe icua raque nyii no.

⁶ Ùquí hui mose Dios si, uba si aroneate erese cote. Jesús mbucha si chõ nguia ira rese ùquí. Iquia iquia chõ nguia Jesús je mbia rësaã ùquí.

⁷ Sã Dios riqui ama mbuchaaqui ibi ja rese no. Eĩ si chõ ndaque equia ucheë mbuchecua raque mbia ja je co no. Sã mbia riqui mbae tiquia ibi ia mose no. Suri turã mose, echa iate ra cote.

⁸ Ñui achõ suri mose huee, eicuãte ùquí. Eĩ si chõ mbia Dios cheë andu chooñosa no nde. Eicuãte ùquí. Ùquí nda Dios mombo chõ tata cuãsuu.

Dios ra ucheë mbuchebiã mbei

⁹ Jeni aico nguia ñee eã, Seresenda. Dios cheë jeñandu chooño eã nguia jë ndeae. Jesús jëicuate quia ùquí. Nyebe jëingo tuchi quia erese ùquí ndeae.

¹⁰ Dios turãte eriqui co. Tesareia nda jenyisãã turã si. Jendua ndua mose Dios quiato ataque rese. Mbae jemondo mondo mose ee. Mbae jemondo mondo bei quia ee ùquí.

¹¹ Eĩ jenyee bei quiatu equia nyesecua bei emo ndese. I nda Dios mbae mee tuchi je jëje.

¹² Jeñĩmbirãã mbei chõ nguia mbae raã jë. Sã Dios quiato cose ndare no. Sã eriqui Dios icua tuchi no. Sã siqui mingue tuchi ee no.

Nyebe Dios ucheë mbuchebi jiri jiriã tuchi nguia ee. Eriqui beite mbae mee mee ee co.

¹³⁻¹⁴ Sã Dios ñee Abraham je cose no: — Taico turã mbei ndeje. Nderiirĩ nducucha tubiriã ndae, sã i Dios Abraham je no. Ùquí mose que Dios jurar i umbae nombre rĩĩ nda.

¹⁵ —Dios ra seriirina mee seje ucheë nguire, i que Abraham nguia eraarõ arõ mingue ra. Dios que eriirĩ mondo chee ee ucheë nguire cote ra.

¹⁶ Mbia jurar i mose, Dios rĩĩ ño eriqui nguia jurar i. —Ùquí nda asaã eã, i aroneate cote, jurar ire nui.

¹⁷ —Nderiirĩ nducucha tubiriã nda ambu, i mose Dios Abraham je, jurar i que ee aque mose ra. ¿Mbaerã ño jurar i chã? —Dios ra ucheë mbuchebiã, i sacua mbia chõ ñene. — Dios ra ucheë nyabi i eã, nande i sacua ño ñene.

¹⁸ Dios “mbae tasaã jëje” i mose, ñee ñooñoa ño ñene. Dios jurar i mose, jurar i chooñoa ño eno nde. Nyebe eriqui nguia nanderaarõ turãte nandeso mose eriichã. — Taemingõ bei, i mose Dios nande je, ucheë nda embuchebiã.

¹⁹ —Dios ra semingo bei ibate ucheë nguire, nande equia ä. Nande ùquí icua mose, nandequirãcuãte ra cote. Dios ra nandemingo tuchi uchiese cote. Sã sacerdote si quia Lugar Santísimo Dios rĩichã sacua no. Eĩ nande chõ nguia nande abe Dios rĩichã, nande eicua mose.

²⁰ Jesús rane ngue oso ibate ñeenda mombe nande je ra. Pe eriqui ñee turã mbei Dios je nanderiĩ pe. Sã sacerdote riqui ñee turã mbei Dios je mbia rĩĩ no. Sacerdote rerecua tuchi chõ Jesús nande je re. Melquisedec na si tuchi Jesús riqui co.

7

Jesús i tuchi sacerdotes ataque si

¹ Melquisedec ndei Salem jenda rerecua. Dios mbae sacerdote abe que ae ra. Abraham tu mose mbia rerecua iquia iquiare, Melquisedec que esobeishĩ oso ra. Melquisedec que bendecir i ee ra.

² Abraham ngue el décimo mee Melquisedec je ra. “Ererecua Turã” i chõ nguia “Melquisedec” i mose. “Mbia mingõ turãsa nyiese” i abe chõ nguia “Melquisedec” i mose no. “Mbia siqui turã nyiese” i chõ nguia “Salem” i mose no.

³ Melquisedec si eãte que ra. Eru eã abe no. Eramei mo eã abe no. Mano eã mbei que ra. Nyebe eriqui nguia Jesucristo rã mbei co. Sã Jesucristo riqui beite sacerdoterã co no.

⁴ Melquisedec quia rei i tuchi Abraham si. Abraham quiatu ngue el décimo mee nguia ee. Ae emee ee décimo sacua nda.

⁵ Abraham ndesenda eã ndaque Melquisedec. Aquere que Dios ñee judíos je ra. —El décimo jemee mee ño nguia sacerdote jendesenda je, i que Dios judíos je ra. Judíos que emee mee sacerdotes je ra. Leví riirĩ ndaque sacerdotes. Judíos sí raque sacerdotes. Abraham ndiirĩ ja raque judíos no.

⁶ Melquisedec que el décimo isi Abraham sí ra. Leví riirĩ eã ndaque Melquisedec. —Judíos i tuchi ra nde, i raque Dios Abraham je. Nyebe que Melquisedec bendecir i Abraham je ra.

⁷ Ae bendecir i nae, aque quia rei i tuchi bendecir i ji si.

⁸ Ae mbia décimo isi isi quia uataque si ã nae, mbiachõ ño ùqui nde. Ùqui mano arondete. Melquisedec quiatu que mano eã mbei ra.

⁹ Abraham décimo mee mose Melquisedec je, erucucha riirĩ décimo mee naanguia chõ ngue ee re. Leví décimo mee naanguia chõ ngue ee re. Sacerdotes Leví riirĩ décimo mee naanguia chõ ngue ee re. Ùqui décimo isi isi raque nguesenda si.

¹⁰ Abraham ngue ùqui i ja ra. Eriiriã ndaque nyii, décimo mee mose Melquisedec je.

¹¹ Sacerdotes riqui mose que Dios ucheẽ mondo rei judíos je ra. Sacerdotes mbia mingo turã aroneate Dios rese. † nda Jesús tu ãte rei. Ae quia ñi tu nguia sacerdote bei nonde cote. Melquisedec na sí. Aarón na eã.

¹² —Sacerdotes ra nyuuru uru eã ngõngue rendaque re cote, i que Dios aque mose cote ra. —Jesús mii nda siqui sacerdoterã mbei cote, i que Dios cote ra.

¹³⁻¹⁴ Leví riirĩ nducucha eã ndaque Jesús. Judá riirĩ nducucha raque quia ñene. Judá riirĩ nducucha mo siquiã ndaque sacerdoterã cose. —Ùqui mo sacerdoterã aroneate, i rei que Moisés nyii ra.

¹⁵ Sacerdotes cose ndare rã eã ño Dios Jesús mii nguia sacerdoterã cote. Jesús quia ra siqui bei sacerdoterã. Melquisedec na si ra eriqui bei.

¹⁶ Moisés chimbasa rui si eã ño Jesús riqui nguia sacerdoterã co. Leví riirĩ nducucha eã ño ae re. Ae quiatu siqui beite nguia co. Nyebe eriqui nguia sacerdote beite co.

¹⁷ Sã Dios ñee ee embesa ji rese no: Nde quiatu ereico bei nguia sacerdoterã mbei co.

Melquisedec na si,

sã Dios i ñee ee no.

¹⁸ —Sacerdotes ra nyuuru uru eã ngõngue rendaque re cote, i que Dios aque mose cote ra. Ùqui nguiau ngue mbia mingo aroneate nguia Dios rese.

¹⁹ Moisés chimbasa quia mbia mingo aroneate nguia Dios rese. Ae rese nandeico

quia namo co cote, aque quia aba mingo arondete nguia Dios rese co cote.

²⁰⁻²¹ —Sacerdoterã nde, i mose emo je nyii, emo ngue jurar i ãte quia ra. Dios Jesús mii mose sacerdoterã, jurar i que aque mose cote ra. Sã embesa ji riqui no:

Dios que jurar i ra. Ucheẽ nda embuchebiã mbei.

“Nde quiatu ereico bei nguia sacerdoterã mbei co.

Melquisedec na si”,

i que Dios cheẽ huĩ embesa ji rese ra.

²² Ae contrato Dios saã mbia je nyii nae, ùqui contrato que mbia mingo eã Dios rese ra. Ae contrato Dios saã Jesús rii namo nae, ùqui nguia rei eturã tuchi nande je namo cote.

²³ Sacerdote ñiinda atate que eriqui nyii ra. Nyuuru uru que equia ngõngue mano mose ra.

²⁴ Jesús quia siqui nguia sacerdoterã mbei co cote. Emo nda chi eã mbei euru erendaque re emo mose cote.

²⁵ Ae ra Dios siichã Jesús rii nae, ùqui nda Jesús mingo bei tuchi. Jesús quia siqui beite nguia co, ñee turã sacua Dios je ùqui ñii.

²⁶ Ae chõ sacerdote turã tuchi riqui nguia nande je co cote. Dios rã tuchite quia ae re. Eicua jiri jiriãte quia ñene. Mbae turã achõ ndese chõ eriqui nguia. Mbae icua ngue embicua aronea tuchi quia ra. Ae quia ibatenda rerecua tuchi riqui nguia namo co.

²⁷ Jesús quia rei sacerdote rerecua ataque rã eã tuchi. Ùqui nguiau ticuas quishĩ quishĩ mbeite nguia sacrificio raã naa. Dios eicua mbutiã sacua esi. Mbia abe icua mbutiã sacua esi. Jesús quiatu ngue ticuas mo quishĩ eate nguia sacrificio raã emo mose. Ae sí chõ ngue mano nguia sacrificio raã sacua. Mbia icua mbutiã ja sacua ño ngue mano nguia aque mose.

²⁸ Mbiachõ ño ngue sacerdote rerecua ja ñiinda ra. Ùqui ngue mbae turã saã mbei aroneate quia ra. Dios quiatu que Jesús mii sacerdoterã mbei cote ra. Ae quia mbae icua saã jiri jiriã tuchi nguia.

8

Dios contrato yasu saã Jesús rii

¹ Ababi tuchi quia rei Jesús siqui mose sacerdoterã. Sacerdote turã tuchi quia rei ae nande je. Hue eñi ngoi Dios Ibatenda ribisho quiti nande je huee.

² Hue eriqui mbae raã naa Dio s chuchua ibatendaa huee. Dios ae chisaã tuchi chõ hue tuchua re. Mbia mo nyisaã eã ño ñene. Nyebe Dios chuchua tuchi chõ hue re.

³ Sacerdote rerecua ja chõ sacrificio raã naa sacua nde. Nyebe Cristo abe sacrificio saã nguia umano mose.

⁴ Ae sacrificio Cristo saã nae, ùqui nguia eturã tuchi sacerdote chisaã si re. Cristo

siqui mose ibii, eĩ nda sacerdote eãte rei ae. Moisés chimbese cheẽ ndui achõ ño sacerdotes ibi jenda riqui nguiã sacrificio raã naa ã.

⁵ Ae sacerdotes ibi jenda saã saã nguia mbae nae, ibei jenda rese aba mundua sacua ño ñene. Sã Dios ñee Moisés je Dios chuchua ao nondẽ no. —Ndeico mose ibi ibátee que sechuchua ibei jenda ateacuquia ndeje, ùqui na si chõ sechuchuarã ibi jenda esaã, i que Dios ñee Moisés je ra.

⁶ Ae contrato Dios saã mbia je nyii nae, mbaranquiataãte que ùqui nda. Ae contrato Dios saã nande je namo Jesús rii nae, eturã tuchi chõ ùqui cote re. —Ã tasaã jẽje. ã abe tasaã jẽje no, i tuchi Dios quia contrato namonda rii nande je co.

⁷ Contrato ñiinda mbia mingo bei mose Dios rese, i nda contrato yasu raã eãte rei nande je.

⁸ Dios ia eãte que eriqui mbia aque mosenda rese ra. Sã embesa ji riqui no:

ã ño ngue Dios ñee nguiã: Contrato yasu ra asaã je Israel jenda je.

Judá jenda je abe no.

⁹ Contrato asaã nguia ùqui namei je nyii nae, ùqui contrato rã eã nda eyasu asaã cote.

Mbia arao quia Egipto si nae, ùqui mosenda rã eã nda contrato asaã je mbia namondo je.

Mbia cose ndare chõ ngue contrato saã iru seje resẽ.

Contrato raande que secheẽ mumba mumba chõ nda.

Nyebe ùqui asecha chõ nguiã, i que Dios ra.

¹⁰ Ae contrato ra asaã je Israel jenda je, ã ndei e ã:

Secheẽ nda amii tuchi eãqui ndese.

Secheẽ nda amondo tuchi echiangui re.

Se ra ererecua turã tuchi ee.

Serimba tuchi ra ùqui.

¹¹ Seicua ja tuchi rae. Mbia cuasu ja.

Eñetẽ abe ja chee.

Seicua ja mose, ùqui mose emo uataque mbaaquiatsu quiatsu aroneate serii cote.

Seicua ja tuchi quiatsu ra aque mose.

¹² Ùqui icuã nda ambutiã ja esi.

Atesarei bei ra eicuã si,

i que Dios cheẽ huĩ embesa ji rese ra.

¹³ —Contrato yasu tasaã, i que Dios cote ra. Contrato ñiinda imate quiatsu ngue ee re. Mbae ima nda ua ja cote.

9

Cristo rei sacerdote tuchi cote; sacerdotes ñiinda rã eã

¹ —Eĩ jenyje jenyje bei chõ nguia mbae raã naa mose sechuchua, i que Dios sacerdote je ra. Contrato ñiinda raã mose.

Uchuchua ibi jenda rii ño eriqui nguiã ñee, “sechuchua” i mose.

² Dios chuchua que cuartos nyeremo ñi nda. Eiquesa jii que cuarto nongue ñi nda. Lugar Santo, i que hue cuarto je ra. Candelero oro ao ji que chĩ huee ra. Mesa abe que chĩ huee ra. Mbichae Dios chuchua jenda abe que chĩ huee no nda.

³ Cortina mbucheseco ji que siqui tuchia ite rii nda. Aque quitera quti que cuarto nongue ñi nda. Lugar Santísimo, i que hue cuarto je ra.

⁴ Huee que altar mo ñi oro ao ji ra. Mbae shimbu turã ndei sacua. Ira ao ji mbae riru mo abe que chĩ huee ra. Oro quti ji resebe que ra. Contrato Dios cheẽ mbesa ji que chĩ aque mbae riru imi ye ra. Oro ao ji ñio abe que chĩ mbae riru imi ye ra. Mbichae resebe que eñi nda. Maná i equia ee. Aarón chitchoquia ruri abe que chĩ mbae riru imi ye no nda.

⁵ Angeles raanguia ao ji que chĩ ibate mbae riru arõ nda. Querubines, i que ùqui je ra. Ujeo que embiitee u mbae riru arõ nda. Sacrificio renda rei mbae riru. Ùqui cuartos nyeremo jenda asenei ja aroneate jẽje namo.

⁶ Aque mose que sacerdotes riqui ique ique bei cuarto eiquesa ji ra. Mbae raã naa sacua Dios je.

⁷ Cuarto cortina quitera quitinda quiarei mbia mo ique aronea tuchi. Sacerdote rerecua mii ño ngue i que quia huee ra. Ique chiibe ibeã ngue equia huee ra. Una vez al año ño ngue eriqui ique huee ra. Mbae ruqui que esii sii quia huĩque mose huee ra. Dios eicuã mbutiã sacua. Mbia icuã abe mbutiã sacua.

⁸ Aque mose bei que mbia mo ndiqui ique aroneate Lugar Santísimo nda. Dios rii chã tuchi sacua. Ùqui ndese Espiritu Turã ndiqui urembiirandute ã.

⁹ Sacerdotes que ticuas u quia quia tuchi rei quia aque mose ra. Ùqui ngue mbia chiã mbitiirõ eã mbei chõ nda. Mbia mundua ndua sacua Cristo ruqui rese chõ ngue ùqui nda. Ùqui nandeicuate quia ã cote.

¹⁰ Contrato ñiinda que mbia mingo turã aroneate quia ra. Mbae rii achõ ño ngue eriqui nguiã ñee. Mbaeiae rii. Mbia chiurii. Mbia chimbei rii. Mbia choita rii. Ùqui nii ja. Ùqui ñee ndui sí chõ ngue mbia riqui rei nguiã nyii. Cristo tu nondẽ.

¹¹ Cristo tu mose que contrato ñiinda mbutiã ja cote ra. Contrato yasu que esaã nande je cote ra. Ae mii ño sacerdote namo cote re. Dios chuchua ibi jenda jie eriqui eã ndaque aa. Ibatenda ye chõ eriqui nguiã mbae raã naa nande je pe.

¹² Cristo quiatsu ngue ticuas ruqui sii eã u nguiã nande je. Chivo ruqui abe.

Nguqui ae je chō ngue nande:icuā mbutiā nguiā. Mano mii ngue mbia ja je ra. Mbia mingo bei sacua cote.

¹³ Ticusu ruqui que mbia mbitirō tirō ndei quia sacerdote je ra. Chivo ruqui abe. Ticusu riri ndaque rei ji cusubu abe no.

¹⁴ Cristo ruqui quia rei equiracuā tuchi ũqui mbae ruqui si. Cristo ruqui mii nguia rei nandendua nduasa mbitirō tuchi. Ae ruqui mii nguia rei nandemingo turā Dios reco rese. —Se ae tamano mbia icuā mbitirō sacua. Mbia mbae turā naa naa sacua Dios je cote, i que Cristo mano nda. Mbae icuā mo ngue esaā jiri jiri tuchi ra. Espiritu Turā ngue siqui tuchi erese emano mose ra.

¹⁵ Cristo que contrato yasu saā nande je cote ra. Dios chiirabo erūchā tuchi sacua cote. Dios chiirabo siqui tuchi sacua erese Dios cheē nguire. Sā Dios ñee ee nyii no. —Jēingo bei ra serese, i ee no. Ae je Dios contrato saā ndei quia nyii nae, ũqui icuā nii ngue Cristo mano nda.

¹⁶ Ae contrato Cristo saā nande je nae, testamento chō ũqui nde. Sā emo testamento mbesa no. Testamento raāsa mano mose, aque namo mose chō testamento valer i nguia cote.

¹⁷ Testamento raāsa manoa mose, testamento chōño ño aque mose re.

¹⁸ Dios contrato ñiinda raā namo mose que ticuas i quia uquia mbia je ra.

¹⁹ Moisés contrato ñiinda raā mose, Dios cheē ngue embucheca ja mbia je ra. Aquere que ticuas ruqui isi chivo ruqui rese ra. I je que emombara ra. Eruqui je que Dios cheē mbesa ji rii rii cote ra. Mbia ja abe rii rii que ra. Mbae ribichu mbia ji je chō ngue erii rii nguā. Ovejara irei je. Ira rāquiā ñetē je abe no.

²⁰ Aquere que Moisés ñee mbia je ra. —Ā mbae ruqui ā ndesē. Ticusu que mano nda. Mbae ruqui rei Dios mbae testamento valer i sacua jēje, i que Moisés ñee mbia je erii rii cote ra.

²¹ Aquere que Dios chuchua abe rii rii cote ra. Dios chuchua teiqui renda abe que esii si no nda.

²² Contrato ñiinda mose, mbae ruqui achō je chō ngue Dios riqui nguā mbia icuā mbutiā esi. Dios que mbia icuā mbutiā choño eā nda. Mbae quishī mose bei quiatu ngue eriqui nguā mbia icuā mbutiā mbei esi.

Cristo mii aba icuā mbutiā

²³ Dios chuchua ibi jenda quia rei echuchua ibatenda raanguia. Ibatenda quia rei eturā tuchi ibi jenda si. Ibi jenda que Moisés sii sii mbae ruqui je embitirō sacua nda. Ibatenda quiatu que embitirō eā mbae ruqui je ra. Cristo ruqui mii je quiatu que ra.

²⁴ Dios chuchua ibi jenda que Cristo iqueā oso quera si mose ra. Dios chuchua ibatenda quiatu ngue esi nguā ique cote. Hue eriqui ñee turā mbei Dios je nanderi huee.

²⁵ Sacerdote ique ique beite quia Lugar Santísimo co. Una vez al año ño eriqui nguā ique ique bei huee. Mbae rii rii sacua mbae ruqui je. Nguqui je eā ño ñene. Cristo quiatu que mano mii nda. Nguqui que eichusē tuchi nande je ra.

²⁶ Cristo que tu mii ibi ra. Mano mii sacua nande je. Nande:icuā mbutiā sacua. Mbae ua serī mose que eru mano aa ra. Mano nyiibe i bei eā equia co.

²⁷ Sā mbia riqui mano mii no. Sā Dios riqui ecuata mee aquere no.

²⁸ Ei si que Cristo mano aque mii no nda. Mbia icuā ja mbutiā sacua esi. Cristo ra tu si ibii emo mose. Aque mose ra manoa mbia icuā ndiquicharō cote. Uquiato mingo bei sacua nguia ra eru. Ae esaarō arō nguā nae, ũqui mingo bei sacua.

10

¹ Moisés chimbesa que mbia mingo turā eā ndaque ra. Mbia mundua ndua sacua Dios riri mano ndese chō ngue re. Ticusu mbia quishī nyiibe i bei rei quia nae, ũqui nduqui que mbia mingo turā eā no nda.

² Ũqui mbia chiā mbitirō mbei mose, ei nda sacerdotes equishī nyiibe i bei ate rei. Ei nda ticuas mii quishī ndei mbia mbitirō ja sacua. Ei nda mbia tesarei rei huicuā si.

³ Mbia ticuas quishī nyiibe i bei mose, ũqui ngue embutesareite huicuā si ra. Munduate quiatu que huicuā ndese ra.

⁴ Ticusu ruqui ra mbia icuā mbutiā eā mbei. Chivo ruqui abe no.

⁵ Cristo ruqui mii nguia tu mbia icuā mbutiā nguā esi co. Sā Cristo ñee Dios je siqui mose ibii no:

Ticusu ruqui mbia mbitirō eā mbeite quia ndeje co.

Nyebe que serete ereme seje ra.

Se mano sacua mbia icuā nii.

⁶ Mbae raque rei ji abe ndebiāte.

Ticusu mbia quishī quishī nguia huicuā nii nae, ũqui abe ndebiāte no.

⁷ Nyebe ngue acheē nguā ndeje: “Ae ndebite nae, ũqui ndese seico sacua ño ngue achu nguā.

Sā embesa ji riqui ñee serī no, ũqui ñee nguire que achu ra”, ae que ndeje ra, i que Cristo ngu je ra.

⁸ Nyebe Dios biāte riqui nguā sacrificios. Mbia ticuas quishī quishī mose huicuā nii. Mbae raque rei ji abe ebiāte no. —Ũqui jēsaā saā, i raque Moisés chimbesa huī.

⁹ —Ae ndebite nae, ũqui ndese seico sacua ño ngue achu nguā, sā Cristo i Dios je no. Mbia mbui sacua sacrificios raā naa si chō ngue

eru nguiã. Sacrificio mii tuchi que esaã u mano mbia icuã nii nda. Cristo ruqui mii ño mbia icuã mbitirõ mbei nguiã co cote. Sacrificio raã i i rocoi.

¹⁰ Ae Dios bite nae, ùquĩ ngue Jesucristo saã tuchi u ra. Mano mose mbia ja icuã nii. Mano mii tuchi que u ra. Nanderirõ mbei que nandeicuã si cote ra.

¹¹ Sacerdotes riqui beite raque Dios chuchua ã. Ticuas equishĩ nyiabei ibeite raque quia mbia icuã mbutiã sacuaã ã. Ùquĩ nda mbia icuã mbutiã eã mbei.

¹² Jesucristo quiatu que mano mii aque mose bei ra. Mbiam icuã ndiquicharõ sacuaã ño ngue re. Aquere eñi ngoi bei Dios ribisho quti nande je hue.

¹³ Pe eñi ngoi beite Dios jii pee. Ererecua tuchi ra Dios rese cote. Ùqirãcuã nda eteacuquia tuchi chee uquiatoã je cote.

¹⁴ Sacrificio mii ngue esaã nda. Aque mii sacrificio je que uquiato chiã mbitirõ ja bei ra.

¹⁵ Sã Espiritu Turã abe riqui ñee ùquĩ no:

¹⁶ Ae contrato ra asaã je judíos je nae, ã nde e ã:

Secheẽ nda amii tuchi echiangui re.

Secheẽ nda amii tuchi eãquĩ ndese no.

¹⁷ Atesarei bei ra eicuã si,

i que Espiritu Turã nda.

¹⁸ Dios nandeicuã mbutiã mose, mbae mo nandequishĩ aroneate quia nandeicuã ndiquicharõ ã cote.

Dios nandesichã na

¹⁹ Nande abe quiatu Dios nandesichã tuchi quia cote, Seresenda. Sã sacerdote ique Lugar Santísimo no. Eĩ nande si quiatu quia siquicheã ique Diósa. Jesucristo ruqui rii nandeicuã Diósa.

²⁰ Cristo rete rei cortina mbucheseco ji rã. Cristo rete mano mose, cortina abe que embui ra. Nyebe nandeico ique arõte Dios rea Lugar Santísimo ã cote. Cose ndare rã eã tuchi chõ cote re.

²¹ Jesucristo mii ndei sacerdote tuchi nande je cote. Dios quiato ja je cote.

²² Diósa ra nandesiquicheã ique oso cote. Nandechiã turã ño nandeico oso Dios rii chã. —Dios ra nandei turã, nande chõ nguia nandechiangui re. Cristo quiatu ngue nanderi rii nguiã nguqui je nyii. Nandeicuã mbutiã sacuaã nande si. I turã je que nanderei ra.

²³ —Taemingõ bei, i que Dios nande je ra. Ñeende ùquĩ nda ucheẽ mbuchebiã. Nyebe nandeico quiatu quia ñee: —Dios ra nandemingo bei ucheẽ nguire, i.

²⁴ Sã Cristo mbae raã ja tuchi nande je no. Eĩ nande si chõ nguia siqui turã nyue. Nandenongue nandembuchesecua

turã nguiatu quia nyiese. Mbae turã nandesaã uquia bei quiatu quia nandenongue je.

²⁵ Cristo quiato ñumunua nua mose, nandetesareia mbei quiatu quia ñumunua nua. Sã emo emo ndiqui ñumunua nua eãte no. Cristo nandehosei uquia uquia bei quia nanderesenda je. Achite quiatu Cristo ñi nguiã tu a.

²⁶ —Mbae icuã tasaã, nande i i mose Jesucristo icuare, emo nda mano nandeicuã ndiquicharõ cote.

²⁷ Ùquĩ mose, mbae icuã nda nandesaã tuchi. Ùquĩ mose, nandeso chee ra tata cuãsuu no. Huee ra Dios ucuãyãsa nyoi ja.

²⁸ Sã mbia Moisés cheẽ mumbasa iquia iquia cose no. —Uremae ngue echeẽ mumbasa rese ra, i mose mbia nyeremo, echeẽ mumbasa que mbia iquia cote ra. Mbiam que etiisu isu eã tuchi equia ra.

²⁹ Dios riri ucuãyãsa quia ra mbae rasi saã tuchi ùquĩ si. Cristo ruqui ucuãyãsa abe no. Ae Espiritu Turã isiteã teãte quia nae, ùquĩ abe no. Cristo ruqui je quiatu ngue Dios ùquĩ mii ndei nguiã icuẽ.

³⁰ Sã Dios ñee no: —Se ra mbia icuã asibishorõ mbae rasi je, sã i no. —Dios si ra mbae rasi saanguquia ngũimba je, erimba icuã mose ee, i abe que embesa ji huĩ nda.

³¹ Ae ra Dios mbasi eicuã nii nae, mbasi tochi eã ndae. Aba mbusiquiche tuchi chõ ùquĩ nde.

³² Jẽ Jesucristo icua ramo mose que mbia mbae rasi saanguquia tuchi rei jẽje ra. Jẽingo turã mbei chõ ngue equia Dios rese ra. Jẽimbirãcuã mingue que equia aque mose ra. Ùquĩ ndese jendua jiri ae.

³³ Mbiam que ñee icuã icuã tuchite quia jemo je ra. Mbiam que mbae rasi saanguquia tuchi jemo je no nda. Mbiam tubiria ndesaa. Jẽataque abe ia eã ndasi tuchi que eriqui erese ra. Jẽingo tochi tuchi que equia aque mose ra.

³⁴ Jẽya eãte que eriqui mbiam tarõ ji rese ra. Mbiam jembae rirõ ndirõ mose abe chee que jẽyate riqui Dios rese ra. Jẽirandute quiatu que equia jembae turã ibatenda rese ra. Jembae ibatenda quiatu ra ua eã mbei.

³⁵ Dios jẽicua bei quiatu quia aque mosenda rã mbei. Ùquĩ mose ra Dios mbae turã tuchi mee jẽje.

³⁶ Ae Dios bite nae, ùquĩ ndese bei chõ jẽingo. Ae mbae turã nda Dios mee jẽje nae, ùquĩ jẽsaarõ arõ mingue chõ nguia cote.

³⁷ Achite Jesucristo ñi tu a.

³⁸ Ae chiã Dios mbitirõ nae, Dios icuate quiatu que equia ra. Nyebe ra siqui bei Dios rese. Ae ra hui Dios si nae, Dios ia eã tuchi ra erese.

³⁹ Nande quia ra nandehui eã mbei esi. Ae ra hui esi nae, ùquĩ nda Dios mbutiã.

Nande quiatu Dios nandeicua tuchite nguiã ã. Nyebe ra nandemingo bei.

11

Ae Dios icua

¹ Emo Dios icua mose, ¿mbae chõ ùqui ña? Ae Dios icua nae, ùqui nda ñee. —Ucheẽ nguire ra Dios mbae mondo seje, i rae. —Ae asaarõ arõ nguia nae, ùqui nda emondo seje ucheẽ nguire no, i ra eno. Mae eã ndaque erese.

² Dios quiato cose ndare que Dios icua tuchi quia ra. Nyebe mbia riqui nguiã jirandu jate erese.

³ Dios que mbae chao ja cose mbae eã mose ra. Mbae mo je eã ngue mbae ao ra. Ucheẽ achõ je chõ ngue mbae ao ra. Nande Dios icua mose, ã abe nandeicuate quia ã. Nandemae ãte raque erese.

⁴ Abel que Dios icua ra. Nyebe que Dios eisi turã nda. Ofrenda turã ngue emondo Dios je ra. Embae ofrenda que eturã tuchi Cain mbae si ra. Nyebe Dios embae ofrenda isi turã nguiã. —Co eturãte riqui seje co, nyebe Dios i nguiã Abel nii. Nyebe mbia riqui nguiã jirandu jate Abel rese.

⁵ Enoc que Dios icua ra. Nyebe Dios erao nguiã ibate emano mose rocoi. Mbia muate que eoreã cote ra. Dios equerao quiatu quia ibate reaẽ. —Co eturãte riqui seje co, i quia Dios quia Enoc nii nyii reaẽ.

⁶ Emo Dios icua eã mose, ùqui nda Dios isi turã eã mbei. —Co Dios reco riqui co, sã i quiatu nyii. —Emo Dios riichã mose, Dios turãte ra ee, sã i quiatu no. Aquere quiatu ra Dios eisi turã cote.

⁷ Noé que Dios icua ra. —Ama nda uchi, mbae atí ja chee, i mose Dios, “eno” i que Noé Dios cheẽ mose ra. Mae eã ndaque erese aque mose. Arca que esaã Dios cheẽ nguire ra. Nguiri mingue sacua eye. Mbia ataque que Dios icua eãte quia ra. Noé mii ño ngue eicua quia ra. Nyebe Dios Noé isi turã nguiã.

⁸ Abraham ngue Dios icua ra. Nyebe Dios cheẽ mumbayã nguiã. Dios que ñee ee ra. —Eso rã a sí. Ibi mo tamee ndeje mambi, i que Dios ee ra. Abraham ngue Dios cheẽ mumbayã oso ra. Ae quti esi nae, jiranuate raque erese nyii.

⁹ —Ibi mo tamondo ndeje, i Dios quia Abraham je nae, huee que eriqui huee cote ra. Ibimo tuchi que ee hue ra. Tei ñetẽ quire chõ ngue eriqui riqui bei huee ra. Nguiri ndese. Isaac. Jacob abe no. ùqui je abe que Dios ñee nda. —A ibi tamondo jẽ abe je, i.

¹⁰ Abraham quiatu que Dios icua tuchi quia ra. Nyebe ñee nguiã. —Aico chee ra sucha tubiriã túraã. Hue ra ua eã mbei, i que Abraham ndua ndua Dios recua rese ra.

¹¹ Abraham ninisi abe que Dios icua ra. Sara, i equia ee. Nyebe que nguiri ndea Dios cheẽ nguire ra. Ari tuchite rei que ae ra. —Dios ra seriirina mee seje ucheẽ nguire, i quiatu que equia Dios icua ra.

¹² Amei tuchi raque Abraham, Dios eriirina mee mose ee. Mbia tubiriã i tuchi chõ ae cote re. Contar i ja aronea tuchi chõ erucucha je cote re. Sã nyasitata tubiriãte riqui no. Sã ibi quishĩ tubiriãte riqui no.

¹³ ùqui ngue mano ja Dios mbae mondo ja eã mose ee ra. Ae je “co tamondo jẽje” i Dios ee nae, ùqui ndurubi quia ño ngue mano nda. —Dios ra emondo ure je uremanonde, i que eyate quia ndua ndua ùqui ndese ra. ùqui nguiatu que Dios icuate quia ra. —Nandeico mbiri ndaque equia ibi ã. Ibatenda chõ nande re, ite que equia eicua ra.

¹⁴ Emo ñee mose ùqui, siqui sete quiatu nguiã Dios récuua.

¹⁵ ùqui ndua ndua mose nguecua rese nda nyoi si nyebi re chã ae.

¹⁶ —Nanderecua turã nguiatu nandetea, ite que equia ra. Dios recua je chõ ngue eriqui nguiã ñee. Nyebe Dios irei irei eã nguiã esi. Dios bite “Paba” i mose ee. Dios ùqui ndecua turana quereco co.

¹⁷ —Ma Abraham secheẽ mumbayã, i que Dios Abraham nii nda. —Nderiri equia rã sacrificiorã, i que Dios ee ra. Abraham ngue Dios icua tuchi ra. Nyebe ngue “Isaac taiquia” i rei nguiã nguiri mii nii.

¹⁸ —Isaac nda tiiri tuchi ndeje, i rei que Dios ee nyii ra.

¹⁹ Abraham ngue Dios icua tuchite quia ra. —Dios seriiri mbuquera arondete se eiquia mose nyii, i que ndua ndua uchangui re ra. Abraham nguiri iquia seri mose que Dios eo isi ra. Abraham Dios cheẽ mumbayã mose, nguiri iquia raanguia chõ ngue re. Dios embuquera si raanguia chõ ngue eno nde.

²⁰ Isaac que Dios icua ra. Nyebe ñee nguiã nguiri je. —Dios ra mbae turã saã jẽje, i que Jacob je ra. Esaú abe je.

²¹ Jacob que Dios icua ra. Nyebe ñee nguiã José riiri ja je umano seri mose. —Dios ra mbae turã saã jẽje, i que ee ra. Uchitochoquia rese que nyeco rei nyibi ñee turã Dios je ra.

²² José que Dios icua ra. Nyebe ñee nguiã israelitas je umano seri mose. —Dios ra jenderao a Egipto si. Sequiangue abe jendao a sí, i que israelitas je ra.

²³ Moisés ru que Dios icua ra. Esi abe. Moisés ñetẽ mose que esi embuchemi tres meses ra. Ererecua eiquia eã sacua. Moisés itãquieĩ turãte quia ee re. Nyebe eru riqui nguiã siquicheate ererecua si. Esi abe.

²⁴ Moisés s abe que Dios icua quia aquere cote ra. Nyebe “Egipto jenda rerecua riiri nducucha eã se” i nguiã.

²⁵ “Dios quiato rese taico se. Mbia icuã icuã ndaque ra seje. Dios quiatoã ndese ra aicoã”, i que Moisés ucuasu mose cote ra. Mbae icuã ndese aba oote raque. Aba mbia mbiri ño ñene.

²⁶ —Taico chõ Dios rimba rese. Mbia ra sembasi mbasi raque Cristo riñ, i que Moisés ra. Nyebe eriquiã nguiã Egipto jenda rerecua rese. Mbaecha tuchi raque ae. —Dios ra mbae turã mee seje, ite quiatu que Moisés ra.

²⁷ Moisés que Dios icua ra. Nyebe esi nguiã Egipto si. Siquiche ãte ererecua paama i si. Nimbirãcuã turã mbeite que equia ra. Dios rese mae naanguia. Emo mae aroneate raque Dios rese.

²⁸ Moisés que Dios icua quia ra. Nyebe pascua raã nguiã. Aque ramo ngue pascua ra. —Oveja ruqui je jêiquesa ja jêsii sii. I nda ángel jendiiri i iquia eã, i que Moisés ñee mbia je ra. Angel que israelita riiri mo iquia eã tuchi cote ra.

²⁹ Israelitas que Dios icuate quia ra. Nyebe echoi nguiã Ama Ndisha Irei ndasa. Ama iru raanguia que etasa nyoi sobei ra. —Nande abe nandesõ iasa emombita, i rei que Egipto jenda abe ra. I que tuchõ eati eiquia ja ra.

³⁰ Israelitas que Dios icua quia Josué reco mose ra. Nyebe echoi nguiã sucha cuasu Jericó mama mama siete días. Nyebe Dios etaronda mbucoi nguiã ee. Muros i equia ee.

³¹ Rahab abe que Dios icua ra. Ae ngu saã saã jate quia mbia je nyii nae, aque. Dios icua tuchi que cote ra. Nyebe manoa nguiã mbia uataque rese. Ae Dios cheẽ mumba mumba quia nae, ùqui ndese. Rahab que Dios quiato isi turã nda. Mbuchemi ngue ererecua icuã si ra.

³² ¿Aba riñ abe ra aba ñee jêje re? Dios quiato tubiriãte quiatu ñene. Ûqui asenei ja aroneate jêje. Gedeón. Barac. Sansón. Jefe. David. Samuel. Dios cheẽ mbuchecua ja riñ.

³³ Ûqui ngue Dios icuate quia ra. Nyebe eriqui nguiã Dios cheẽ nguire mbia mbuti tuchi guerra mose. Siqui turã ngue equia Dios cheẽ nguire ra. Dios que siqui eres e ucheẽ nguire ra. Dios que etequiatu quiatu bei quia nyacua mbaba mose abe ee ra.

³⁴ Ûqui ngue Dios icuate quia ra. Nyebe tata rendi erei eã nguiã. Tata sendi cao caote raque. Mbia tiquise rerequia requia mose erese, Dios que etequiatu quia ùqui mose no nda. Dios que uquirãcuã mee

equirãcuã nea je ra. Dios que embuquirãcuã mbei guerra mose abe ra. Ganar i sacuã.

³⁵ Cuña abe que Dios icuate quia ra. Nyebe Dios eriiri ndaque mbuquera sí nguiã ee. Emo emo abe que mbae rasi saãte quia Jesús riñ nda. Hui sereãte quiatu que equia esi ra. —Sã seiquia rei. Dios ra sembuquera si nguiã. Serete mbuchiicabo turã ndae, i que equia ra.

³⁶ Emo emo ngue ñimbirãcuã nguia mbia iquia iquia choõno mose ee ra. Mbia eiruã nua mose abe no. O cuaacua mose abe no. Utarõ tarõ mose abe no. Hui eã mbei chõ ngue Dios si ra.

³⁷ Emo emo ngue mbia iquia iquia rei sita je no nda. Tiquise je abe que eriqui rei eiquia iquia ra. Emo emo ngue echisiamo tuchi ra. Mbae rasi je que eriqui ñimbirãcuã tuchi ra. Eirao eã ndei que ra. Mbae ire achõ ño ngue eirao riqui ra. Hue jechõ ngue eriqui aronea tuchi ra. Mbaecha reã ndei que ra. Mbia que mbae rasi saanguquia tuchi rei quia ee ra. Hui eã mbei que equia Dios si ra.

³⁸ Ûqui ngue eturã tuchi mbia ataque si ra. Hue jechõ ngue eriqui aronea tuchi ra. Mbaecha re que eriqui uque uque ra. Emo emo mose que eriqui sita ibate no nda. Emo emo mose que eriqui turuquia ri no nda.

³⁹ Ûqui ngue Dios icua tuchite rei quia ra. —Mbae turã tamondo jêje, i rei Dios quia ee nyii nae, mee jei eã ngue ee ra. Mee je quia ra ee cote.

⁴⁰ Ûqui mii je eã nda Dios mbae turã mee. Nanderese abe chõ eriqui nguiã ndua ndua. Mbae turã nda emondo nande ja je cote, ùqui ndese.

12

Jesús mii ndese nandendua ndua

¹ Sã Dios icuasa tubiriãte cose no. Ûqui na ño nandeico nande abe Dios icua tuchi. Ae nandembuti mbuti quia Dios si nae, ùqui si nandehui. Ae mbae icuã aba mbuchiishñ arõte quia nae, ùqui si nandechiicuasẽ ño. Jesús mii ndui chõ nandeico ngata. Nandechimbirãcuã ño nguia siqui erese.

² Jesús mii ndese nandendua ndua. Ae riqui Dios icua uquia nande je co. Ae ra mbae saã ja nandẽ je ucheẽ nguire. Mbae rasi que esaã tuchi ira rese ra. Emo mbucha mose i quia ira rese, aba ireite raque uqui. —Mbae rasi raande ra seyate cote, i que Jesús quia ra. Mbae rasi raande eñi ngoi bei Dios jii pe cote.

³ Jeñimondochote chñ nda siqui mose Dios rese jẽ. Sã Jesús no. Mbia icuã icuã mose ee, ñimbirãcuã mbei que equia ra. Nimondocho eã ngue ra.

⁴ Jesús mii ngue mano mbae icuã ndiquisã quisã sacuã mbia si ra. Jéngo mose mbae

icua ndiquisa quisã, aba mo ngue jêiquia eãte jê nguiaatu ra.

⁵ ¿Embesa ji si jêtesarei chõ nde? —Seriirite quia jê nde, ite Dios quia jêje co. Sã embesa ji riqui ñee ã no:

Seriirĩ, Dios mbae rasi saanguquia mose ndeicuaã nii, ereisiteã teãchĩ nda jê.

Dios ñee mose ndeje ndeicuaã nii, echeẽ eisi turã ño.

⁶ Ae rese Dios nyesequa nae, mbae rasi ra esaanguquia ee eicuaã mose.

Ae Dios isi nguiriina nae, ùqui je ra ñee eicuaã nii,

i que embesa ji huĩ ñee nda.

⁷ Dios “seriirĩ” i tuchi quia jêje co. Nyebe eriqui nguiaã mbae rasi raanguquia jêje jêicuaã mose co. Sã mbia ja riqui nguiriĩ iruã eicuaã mose no.

⁸ Dios mbae rasi raanguquia eã mose jêje, eriiriã nguiaatu rei jê.

⁹ Sã nanderu ibi jenda riqui nandeiruã nua nandẽnetẽ mose no. Nandembaaquiatu sacuaã. Sã nandeco echeẽ mumbayã cote no. Eĩ nande sí chõ Paba ibatenda je. Ae cheẽ nguiaatu nandembayã tuchi. Ûqui mose ra nandereco siqui turã tuchi.

¹⁰ Sã nanderu ibi jenda riqui nandembaaquiatu jua raque no. Nandeco turã sacuaã aa ibii. Dios quiatu nandembaaquiatu turã tuchi nguiaã nanderu ibi jenda sí co. Nandechiã mbitirõ sacuaã ae rã si.

¹¹ Dios mbae rasi saanguquia mose nande je, nandehosei chiãte raque. Erasite quia ñene. Aquere quiatu ra nandechimbitirõ cote. Aque mose quiatu ra nandeya cote.

Dios cheẽ nda jêisiteã teãchĩ jê

¹² Jêo tomei jembirãtã jiri ae. Jêtima abe jembirãtã jiri siqui sacuaã Dios rese no ae. Jeĩmõdochoã jiri quia siqui Dios rese ae.

¹³ Jêingo tuchi quiatu quia erese. Ae ndua ata atate quia nae, i nda ùqui abe siqui tuchi chee erese chã.

¹⁴ Jêingo turã mbia ja rese. Dios rã sí chõ jêingo. Dios rã sí nandecoã mose, nandemaẽ eã mbei ra erese.

¹⁵ Jenyteaquiatu turã ño nguia. I nda jemo Dios turã isiteã eã. Emo mbae icuaã naa mose jêje, jêtesarei chõ esi. Jendua icuaã icuaãchĩ nda jenongue rĩ jê. Ûqui mose ra jeĩmbiãicuaã jate.

¹⁶ Jeninisi ae rese chõ jêingo. Jemo nda siquichĩ emo ninisi rese jê. Dios mbae ra jêisiteã teãchĩ jê. Sã Esaú no. Aque que umbae herencia mondo ja chõ soo ñetẽ ndibishorõ nda.

¹⁷ Aquere que “sembae herencia taisibe” i rei nyeseo tuchi ra. “Bendecir ere rã seje”, i rei que ngu je ra. Eru que teã teã ño ee echeẽ mose ra. Nyebe Esaú nyeseo tuchi nguiaã cote.

¹⁸ Dios turã tuchi riqui jêje namo co. Mbia Moisés mosenda je sí. Aque mose que mbia riqui titi titi i tuchi siquiche Dios sí ra. Aque mose abe que sita ibate sendi sendi ee ra. Itondarute que eriqui ee ra. Ama ngue pirirã pirirã i tuchi quia ee aque mose ra.

¹⁹ Trompeta que nyuihui ee no nda. Dios que ñee ee cote ra. Mbia que Dios cheẽ ñandu sereãte ra.

²⁰ Dios quiatu ngue ñee nguiaã nyii: —Emo oco mose sita ibate rese, ùqui jêiquia. Mbae quiaa riinda abe oco mose erese, ùqui abe jêiquia no. Sita je jêiquia. Jeñio no ae, i quiatu que Dios ee nyii ra.

²¹ Aba mbusiquiche tuchi que mae mose ùqui ndese ra. —Aico titi titi i tuchi esi co, i chee que Moisés abe ra.

²² Eĩ jenyee eã ño jê nde. Dios jembusiquiche ãte quia jê co. Dios recua jêsiãchã tuchi quia jê ã. Dios reco chuchua. Jerusalén naanguia ibatenda jêsiãchã tuchi quia jê ã. Angeles tubiriã abe jêsiãchã tuchi quia ã no.

²³ Dios icuasa ñiinda abe jêsiãchã nguia ã no. Ûqui mbae nombres mbesa ji chi ibate pe. Dios abe jêsiãchã nguia ã no. Ae ra Jesús quiatoã icuaã tea tea ja emo mose. Mbasi ja rae. Jesús quiato mano je abe chõ jêsiãchã ichã nguia ã no. Ûqui ngue Dios mbaturã tuchi cote ra. Eicuaã jiri jiriã tuchi chõ cote re.

²⁴ Jesús abe chee jêsiãchãte quia ã no. Ae ruqui rĩ ngue Dios contrato yasu raã nande je ra. Ae ruqui rii rii ji jêsiãchã nguia ã. Ae ruqui quia rei eturã tuchi Abel ruqui si.

²⁵ Dios riqui ñee jêje co. Echeẽ nda jêisiteã teãchĩ jê. Dios que mbae rasi saanguquia mbia je cose ra. Echeẽ nenei neneisa andu sereã mose a lbii. Ibatenda riqui ñee nande je co. Ae cheẽ nandechandu sereã mose, mbae rasi ra esaanguquia tuchi nande je cote.

²⁶ Dios cheẽ mose que ibi nyere nyere aque mose coose ra. —Namo nda ibi ambuchere sí no. Ibi mii ño eã nda ambuchere. Ibei abe ra ambuchere no. Aque mii nda ambuchere cote, i Dios quia co.

²⁷ —Aque mii nda mbae ambuchere ja, i Dios quia co. Aque mose ra mbae ua ja Dios chiao. Ae ra siqui bei, ùqui achõ nda ua eã. Mbae ataque ra ua ja aque mose.

²⁸ Dios rimba rei nande. Nyebe ra nande nandetiã aroneate. Gracias nande tuchi quiatu quia Dios je. Nandeco mingue chõ nguia ee. Ûqui mose ra eya tuchi nanderese.

²⁹ Mbia Dios cheẽ mumbã mose, Dios ra paama i tuchi ee. Tata rã tuchi chõ Dios re.

13

Jenyesequa jenyiese

¹ Jenyesequa quia jenyiese jê. Nyiesenda chõ jê nde.

² Mbia ngaē mose jenyuchúaa, jēisi turā ño nguia. Emo ngue ángeles mo isi turā uchuchúaa ra. Iranua ndaque erese. Mbia mo eriqui rei nguia ee.

³ Etarō ji rese jēingo ndua. Mbae turā jēsaā saā ño nguia ee. Jētarō ji raanguia chō jē abe erese re. Ae je mbia icuā icuā ndiqui nae, ũquí je jēingo turā ño. Sā jē abe jendete riqui no. Sā jē abe jēiruā nua arōte no.

⁴ Emo siqui mose ngūinisi rese, ũquí Dios bite. Sā emo ngūinisi resechō ño siqui. Sā eriquiā emo ndese. Emo siqui mose emo ninisi rese, Dios ra paama i tuchi ũquí je. Ae ninisi áte riqui nae, siqui mose emo ndese, Dios ra paam a i tuchi ee no.

⁵ Mbae isiquia rese ra jendua nduachī jē. Jembae mī ndese chō jēya. —Jaundechayā mbei ra se, i quiatu Dios nguia co.

⁶ Ae bei jē. Dios ra nanderechayā mbei. Nyebe nandeico nguia ñee:

Dios riqui beite serese co.

Mbia mo si ra asiquicheā, nyebe nandeico nguia i ā.

⁷ Jenderecua rese jēingo ndua. Ũquí ño ngue Dios cheē senei senei jēje ra. Ũquí ndiqui Dios icuate ũquí. Eī jenyē Dios icua jē abe ũquí na si. Ũquí nguia siqui turāte nguia Dios rese ũquí.

⁸ Eī mbei chō Jesucristo re. Cose mosenda bei. Namō abe chee. Eī mbei ra ae quia.

⁹ Mbia jembaaquiātu ata ata mose, echeē si jēhui chō. Mbia jembaaquiātu chooño mose, echeē si jēhui chō no. Ae je mbia riqui mbaeiae i nande je nae, ũquí si nandehui mose, ũquí abe ra nandechiā mbuquirācuā eā no. Nandechiu abe ra nandechiā mbuquirācuā eā no. Dios turā ae chō nandechiā mbuquirācuā nguia.

¹⁰ Jesús mī ngue mano nande je ra. Sacrificio rei ae mī nande je. Cose ndare rā eā namō cote re. Ticuasū ra mano eā nandēicuā mbutiā sacūā cote. Jesús ruqui mī ño nandēicuā mbutiā nguia co cote.

¹¹ Sacerdote rerecua riqui ticuasū ruqui rerao rao Lugar Santísimo aque. Dios mbia icuā mbutiā sacūā esi. Isho jiri sucha cuasu si ehoi quia ticuasū roo rei rei aque.

¹² Jesús abe que mbae rasi saā ishō jiri sucha cuasu si ra. Mano tuchi que mbia mbitirō sacūā nguqui je ra.

¹³ Jesús que aba ireingua saā tuchi ra. Nande abe nandesiquicheā nguia quia aba ireingua raā erese.

¹⁴ Nanderecua ibi jenda ra ua chō. Dios ra nanderecuā mee nande je ibate. Ũquí nguia ra ua eā mbei.

¹⁵ Jesús que mano nande je ra. Nyebe nandechē turā mbei quia Dios je. Sā nandechuru riqui ñee turā mbei erīi.

¹⁶ Jēingo turā ño nguia mbia je. Jembae jemee mee nguia emo je. Ũquí Dios bite.

¹⁷ Jēingo turā jenderecua je. Echeē jemumbayā. Jenderecua riqui jendeaquiātu quiātu Dios je ũquí. —¿Jeteaquiātu turāte equia re? i chee ra Dios ee. Jenderecua cheē jemumbayā mose, eyate ra ũquí mose. Echeē jemumba mose, eya eāte ra jendese. Jē abe ra jēya eāte no.

¹⁸ Jeñee mbei quia Dios je urerīi. Ureico turā sete equia mbia ja je ā. Ureico ndua icuā icuā eāte emo mī ā no.

¹⁹ Jeñee tuchi quiātu quia serīi Dios je. † nda Dios semondo jei jendea.

Echeē hui bei

²⁰ Dios ae aba mombia nguia. Dios ae que Jesús raaque mbuquera si ra. Jesús ruqui rīi ngue Dios ucheē yasu mee nande je ra. Jesús ruqui rīi ngue Dios embuquera no nda. Jesús rei oveja raarōsa rā. Nanderaarō arō mbei equia co.

²¹ Sā Dios riqui jembuquirācuā tuchi. † nda jēingo bei ae Dios bite ũquí ndese. Sā ae riqui tuchi nandechiangui re. Nandemingo tuchi sacūā ae ebite ũquí ndese. Jesucristo quiatote quiātu nande re. Sā mbia ñee turā mbei quiātu quia erīi. Amén.

²² Seresenda, aico co mbesa juate jembirandu sacūā a. Secheē jemī tuchi rā jēaquī ndese.

²³ Aico jembirandu Timoteo rese a. Etarō iriā ndiqui namō co cote. Tu jei mose serea, ae abe ra arao seso mose jendea.

²⁴ Saludos amondo quia jenderequiasa je aque. Jesús quiātu ja je saludos amondo quia aque. A Italia jenda saludos mondo quia jēje aque.

²⁵ Sā Dios siqui turā jē ja je. Amén.

LA CARTA DE SANTIAGO

Mbia icúe cúe jenda je Santiago ucheẽ mbesa mondo

¹ Santiago chõ se re. Dios rimba chõ se re. Jesucristo rimba abe chõ se re. Judíos Jesús quiato je chõ aico nguiã ã mbesa mbesa. Judíos isúe cúe jenda je. Saludar ae chõ nguiã ã mbesa jêje.

Dios mi ño aba mbaaquiato nguiã

² Mbae icuã tâ i mose jêje, jêya bei chõ nguia, Seresenda.

³ —Ma Dios icua tuchite, i mose mbae mo tâ i jêje, jêingo tuchi chõ nguia Dios rese ùqui mose. Jeñimbiracuã aquiato sacuã.

⁴ Jeñimbiracuã mbei chõ nguia Dios icua. f nda Dios riqui jembitorõ tirõ mbei jembuchucabo mingo. Ùqui mose ra jêturã tuchi cote.

⁵ Jêingo turã aquiatuã mose, jeñee ño Dios je. Jeñimbiracuã aquiatuã mose, jeñee ño Dios je no. Ae ra jembaaquiato. Ae ñee nguia Dios je nae, ùqui ja je ra mbae mondo tuchi. Ñee asi asi eã nda ee no.

⁶ Jê ache i mose Dios je, “Dios quia ñene”, jenyé tuchi quiato quia. —Dios ra emee âte rei seje, i mose jemo, eicuãte ùqui. Ama ndebera rã ño ùqui nde. Sã quiririã ndiqui ama ndebera rerao turã eã no. Sã eriqui embuchebi chebite no.

⁷ Ama ndebera rã emo siqui mose, Dios ra mbae mee eã ùqui je.

⁸ Emo ndua ata ata mose, mbae mi mo ndese eriqui aroneate.

⁹ Jesús quiato mo embae eã mose, sã eya tuchi chõ siqui. Sequiatote ite quia Dios nguiã ee aque.

¹⁰ Sã Jesús quiato mbaecha ia bei chõ siqui, mbae icuã tâ i mose ee. Sã eya riquiã umbae tubiriã ndese. Sã Dios rese quiato eya riqui. Embae ua mose, sã eya riqui ùqui mose abe no. Mbaecha mbae ra siqui bei eã. Sã quiata uti riqui soõ jeite no.

¹¹ Tenda rasi mose ee, quiata ra ñimama. Euti abe ra uqui. Eturã eã mbei ra cote. Eĩ si ra mbaecha. Umbae tubiriã nyabe chõ nda mano.

Mbae icuã tâ i mose nande je

¹² —Ã esaã icuã, i mose emo jêje, jêesaachĩ nda jê! Jêingo mingue chõ nguia ñimbiracuã. Jeñimbiracuã mose ra Dios mbae turã mee jêje. Jemingo bei rae. —Ae nyesequa quia serese nae, ùqui nda amingo bei, i que Dios cose ra.

¹³ —Ã esaã icuã, i mose emo jêje, Dios eã ño ñee nguiã jêje ùqui. —Dios que “ã esaã icuã” i seje ra, jenyechĩ nda jê. —Ã esaã icuã, i eã

nda Dios emo je. Dios abe ra mbae icuã sã eã emo ñee mose ee.

¹⁴ Aba chiangui renda icuã nguiaresi mbae icuã ose; uquia aba je. Dios eã ñene.

¹⁵ Emo mbae icuã ose; mose, mbae icuã naa arondete cote. Mbae icuã naa naa mbei mose ra Dios embasi cote.

¹⁶ —Mbae icuã esaã, i mose emo jêje, Dios ñee eã nguiã jêje. —Dios chõ ñee nguiã, jenyechĩ nda jê.

¹⁷ Ae mbae turã tuutu beite quia nande je nae, Dios chimondo chõ ùqui nde. Dios quiarei eturã mbei tuchi. Eicuã jiri jiriã emo mose. Sã Dios tenda ao no. Nyasi abe no. Ùqui nguia nyiabi abi jiri nguiã. Dios quiarei nyiabiã mbei emo mose. Eturã mbei tuchi eriqui co.

¹⁸ Sã Dios riqui seriirĩ i nande je no. Nande echeẽ icua mose nandechiangui re. —Jê nane je aico seriirĩ i co, i que Dios nane je ra. Dios riirĩ tubiriã tuchi ra ngaẽ nanderui cote.

Dios cheẽ jemumbayã ño nguia eandu mose

¹⁹ Dios quiarei eturã tuchi. Nyebe echeẽ jeñanduse tuchi quiato quia jê. Jendua quiato quia ñee nonde. Paama jenyé jei jei techĩ nguiã emo je.

²⁰ Ae Dios bite riqui mbae nae, ùqui nandesaã aroneate nande paama i mose.

²¹ Ae Dios ucheẽ mondo quia jeñiangui re nae, ùqui jêisi tuchi quiato quia. Jêingo mingue chõ nguia Dios cheẽ je jê. Aba mingo beisa chõ Dios cheẽ nde. Ae mbae icuã ndese mbia riqui nae, ùqui icuã tubiriãte eriqui raque. Ùqui si jêhui tuchi. Mbae icuã ja si jêhui tuchi.

²² Dios cheẽ nda jeñandu chooñochĩ jê. Echeẽ jemumbayã tuchi quiato jê. Emo Dios cheẽ andu chooño mose, ae sí chõ ñimbirĩ irĩ nguiã aque.

²³⁻²⁴ Sã emo ndiqui mae ñooño nguba rese espejo je no. Sã eriqui tesarei jei chõ nguba si no. Eĩ si chõ Dios cheẽ andu chooñosa re. Tesarei jei chõ nguiã Dios cheẽ si. Echeẽ mumbayã ndocoi.

²⁵ Dios cheẽ nguiaresi aba mbui tuchi mbae icuã si. Ae siqui tuchite quia Dios cheẽ ndese nae, ùqui ndese ra Dios riqui tuchi echeẽ mumbayã mose. Ùqui Dios cheẽ ñandu chooñoate quiato nguiã. Echeẽ emumbayãte quiato nguiã.

²⁶ —Dios quiato chõ se re, i raque emo. Uchuru rerequia chooñoa mose, Dios quiato raã ñooño ño ùqui nde. Ae sí chõ ñimbirĩ irĩ nguiã ùqui.

²⁷ Ae Dios quiato chooñoa tuchi nae, ùqui ndiqui mbae turã naa naa ùqui. Ùqui ndiqui esi cheecha reaquiature ùqui. Ùqui ndiqui eru cheecha reaquiature ùqui no. Mbae

eã mose eru cheecha mbae. Ûquí ndiqui ñĩmbĩcuã icuã eãte mbae icuã mo je ùquí.

2

Mbia nandeisi turã ja chõ nguia nyiabiã

¹ Jesucristo quiato chõ jẽ nde. Jenderecua tuchi chõ ae re. Nyebe mbia jẽisi turã ja chõ nguia nyiabiã.

² Sã mbaecha mo ndiqui ngasẽ jeñimunua mose jẽje no. Huiĩrao turã ndesebe. Eo cuasa turã ndesebe oro. Sã mbaecha reã mo abe riqui ngasẽ jeñimunua mose no.

³ Sã jẽingo mbaecha isi turã no. Sã jẽingo embucoi erenda turã tose no. Sã jẽingo mbaecha reã mbucoi turã eã no.

⁴ Eĩ jenyẽ mose, jẽisi turã ja eã ño nguia ùquí. Jembuchiabi chõ nguia ùquí. Hue rĩ ja eã ño jẽingo nguia mbia cuata mee ùquí. Jendua turã eã ñochĩ nguia ùquí.

⁵ Secheẽ jeñandu rã, Seresenda. Mbia mbaecha reã ngue Dios irabo ra. Dios icua tuchi sacua. Ûquí ndese quiarei Dios o tuchi mbaecha mo si. — Ûquí nda siqui tuchi serese se ererecua tuchi mose, i que Dios ñee nyii ra.

⁶ Jẽ ngue mbia mbaecha reã jenguirirõ tuchi ra. Eicuã eãte ùquí ndiqui raque jẽje. Mbaecha quiatu eicuãte riqui nguia jẽje. Jembũĩrĩ irĩ ño nguia. Jenderao rao chõ nguia ererecua je, jẽ mbae mo mee mee sacua ee.

⁷ Mbaecha chõ ñee icuã nguia nguia Cristo rĩ. Nandererecua chõ Cristo rese.

⁸ — Sã ereico nyesecua ndechiese no. Eĩ ere si chõ nyesecua emo ndese, i que Dios mbia je cose ra. Dios cheẽ i tuchi chõ ùquí nde. Nande ùquí ñee mumbayã mose, nandeico turã ndae.

⁹ Nande mbia mo isi turã mose, emo isi icuã mose, eicuãte ùquí. Nande mbia isi chiabi abi mose, Dios cheẽ nandemumba chõ nguia ùquí.

¹⁰ Dios cheẽ tubiriãte raque nande je echeẽ mumbayã sacua. Nande echeẽ mii mo mumba mose, echeẽ ja mumba raanguia chõ ùquí nde. Echeẽ ataque mumbayã ndaque.

¹¹ Dios cheẽ tubiriãte. — Jẽingochĩ nda emo ninisi rese, i que ra. — Mbia mo nda jẽiquiachĩ, i que ae si ñee nda. Nande emo iquia mose, echeẽ nandemumba chõ nguia ùquí. Nandeicoã ndaque emo ninisi rese.

¹² Dios cheẽ ngue nandembui mbae icuã si cote ra. Nandechesecua sacua mbia rese. Nyebe nandeico turã mbei chõ nguia mbia je. Dios quiatu ra nandecuata mee tuchi emo mose cote.

¹³ Ae eya eã eãte riqui emo ndese nae, ùquí ndese ra Dios ia eã eã nandecuata mee mose. Nandeya eã mose emo ndese, ùquí mose ra Dios nandembasiã.

Nande Dios ĩcua mose, mbae turã abe nandesaã ño nguia

¹⁴ Sã emo ndiqui ñee no. — Dios aicuate quia co, i. Ûquí mbae turã naa eã mose, ùquí nda Dios sirõ eã mbae icuã si. Dios icua chooño ño ñene.

¹⁵ Sã Jesús quiato mbaecha reã mo ndiqui ngasẽ jẽje no. Sã eirao eã ndiqui no. Sã echĩurã mo eã ndiqui no.

¹⁶ Sã jemo ndiqui ñeeño ee no. — Nde ae chõ ndechĩurã etea. Nde ae chõ ndeiraorã etea. Eso turã ño, i jemo ee. Mbae mo mee ndocoi ee. Jeñee iru chooño ño nguia ee ùquí.

¹⁷ Jẽingo turã eã mose emo je, Dios jẽicua chooño ño nguia ùquí. Jẽ Dios jẽicua mose, mbae turã jẽsaã jiri ae.

¹⁸ Sã emo ndiqui ñee no. — Dios aicuate quia co, i. Sã emo ndiqui ñee no. — Mbae turã asaã saã nguia co. Dios aicua chooño eã nguia co, sã emo ndiqui i no. Jẽ Dios icua mose jmañĩ ae ra jẽicua mbae turã naa naa eã mose re? Se quiatu mbae turã asaã saã nguia co. Nyebe ra mbia “eriqui Jesús icuate co”, i serĩ.

¹⁹ — Dios mii ño siqui nguia co, jenyẽ chõ nguia ùquí. Eturãte raque ùquí. Aba checuayã abe riqui ñee ndaque Dios mii nii co no. Siquichete esi ñee ndaque erĩ.

²⁰ ¿Mbaerã jëaracuayã tuchi riqui re? Emo mbae turã naa naa eã mose, Dios icua chooño ño nguia ùquí.

²¹ Sã nandei Abraham no. — Nderiirĩ emee seje, i mose Dios, Abraham ngue echeẽ mumba eã nda. Nyebe Dios Abraham isi turã mbei nguia.

²² Abraham ngue Dios icua chooño eã nda. Mbae turã ngue esaã saã mbei quia Dios icua mose ra. Dios cheẽ ngue emumba eã nda. Nyebe nandeico nguia ñee. “Abraham Dios icuate”, i.

²³ Sã embesa ji riqui ñee no:

Abraham ngue Dios icua ra.

Nyebe que Dios eisi turã mbei ra,

i que embesa ji ra. Ûquí ngue ique tuchi cote ra. Nyebe “Dios Quiato” i nguia Abraham je.

²⁴ Emo Dios icua chooño mose, Dios ra eisi turã eã. Emo Dios icua tuchi mose, sã mbae turã abe raã naa. — Dios icuasa, i nda mbia ee cote chã.

²⁵ Sã Rahab cose no. Cuña icuã. Siqui ata ata bei mbia rese. Aque que Josué chimondo isi turã nda. Mbuchimi turã ngue mondo mbia icuã si ra. Nyebe Dios Rahab isi turã nguia.

²⁶ Sã nanderete no. Umi umi eã mose, “er-aaque” i chõ mbia nguia ùquí je. Ûquí na ño mbia mo ndiqui nguia ã. Mbae turã naa eã. Nyebe nandeico nguia “Dios icuayãte” i ee ã.

3

Cochee chõ nandechuru nandereco

¹ —Mbia mbaaquiatsu quiatu sacua se, jenyee jaaja techi nda equia je! Emo emo miu no. Mbia ra mae tuchi urerese. Ureacuata ra emee tuchi. Mbia mbaaquiatsu quiatusate quia ure re.

² Dios chee nandechabi chabi cho nguia nande ja a. Emo uchuru rerequia turu mose, nguete ja abe rerequia turu no nguia uqui.

³ Sa nandeico freno mi ticuas churu rese no. Nandechee mumbaya sacua no uqui nde. Sa freno nete je cho nandeico ticuas rete rurucuata nandenduasa quti no. Ticuas rete cuasute raque.

⁴ Sa lancha cuasute raque no. Sa quiriria quiracuete riqui raque ee no. Ira nete je cho echa riqui nguia embucuata turu unduasa quti.

⁵ Ei no nandechuru nguia. Nandechuru mbae sa ata ata cho nguia. Enetete raque. Sa tata netete raque no. Mbae ra ese ja tuchi oso quia.

⁶ Tata ra no nandechuru re. Nandechuru quiare mbae icua numumbara ra uqula tuchi nande je. Nandechuru icua na eate nanderete resenda mo. Nandechuru cho nanderete mbicu ja nguia. Nandechuru cho nandereco rerequia icua mbei nguia. Aba checuaya no nandechuru rerequia icua nguia no.

⁷ Sa nandeico quiaa rinda mo mbusetee arote raque no. Ae mbebe quia nae, uqui abe nande mbusetee arote raque. Mbei abe nandembusetee arote raque. Ae siqui ama ni nae, uqui abe nandembusetee arote raque no. Uqui ja que mbia mbusetee emo mose ra.

⁸ Nandechuru quiatu nandembusetee aroneate nguia. Nandechuru icua nguiatu nandembuquiriri aroneate nguia. Mbei tasi je ra tuchi cho nandechuru riqui nguia nande je a.

⁹ Nandechuru je nandeico nee turu ndaque nanderu Dios je. Nandechuru si je cho nandeico nguia nee icua mbia Dios chiao je cote. Ae ra si raque Dios mbia ao.

¹⁰ Nandechuru si je nandeico nee turu ndaque. Nee icua abe no. Uqui Dios biate, Seresenda.

¹¹ Sa icua riqui no. I turu mose, etura ja bei cho nee. I ree mose, eree ja bei cho eno nde. I chumumbara chi aroneate icua mi ye.

¹² Sa isio riqui ia ea ira a mo no. Isio a bei cho nda ia nguia. Ira mo nda ia ea enongue a no. Ea si cho nda ia nguia no. Sa nandeico i turu ndea ea i ree mbir o no. Hue icua mi ye ra eni ja ea. Ei si cho nandechuru no nde. Nandechee numumbara mose, eicuete uqui.

¹³ Jemo aquiatsu mose, sa eriqui mbae turu naa naa mbei. Sa eriqui tochi bei no.

¹⁴ —Paama jenyee checuaya mose jenyue, jeaquiatsu jesa noofo no nguia uqui no. Jenee noofo no nguia uqui. Dios chee ndui ea tuchi cho uqui nde.

¹⁵ Ei jenyee ea nda cote, Dios uquiatsu mee mose jeje. Paama jenyee checuaya mose jenyue, Dios ra ea no je nde. Dios quiatoa nyisa na no uqui nde. Aba checuaya nyisa na no uqui no nde.

¹⁶ Mbia ndua ea mose emo ndese, eicuete uqui. Mbia paama i checuaya mose nyue, eicuete uqui no. Uqui mose ra mbia siqui turaya nyue. Mbae icua icua mbei ra ee.

¹⁷ Dios uquiatsu mee mose nande je, nandechi turate ra cote. Nandechi nda ngoite cote. Cocheete ra nandeico cote. Emo nee nda nandemumba eate cote. Nandeya ea nda mbia rese cote. Mbae ra nandesaa turu mbei quia cote. Nandendua ata ata ea nda cote. Nandechee nyecuate ra eriqui mbia je cote.

¹⁸ Nande mbia nandemingo turu mose nyiese, nandechi turu nda nandeico cote.

4

Ae mbae icua quiatote nae, Dios quiatoa no uqui nde

¹ ¿Mbaera no jeingo nyao nyao nyiese cha? ¿Mbaera no jeingo ico icua icuate nyue cha? Jeñiangui renda icua ni no nee. “Se cho je”, jenyee jaaja quiatu nguia mbae icua oseise.

² Jembae ea jenyosei choseichi nguia a. Je ererequiaya mbei mose, mbia jeiquia ar o noch nguia a. Mbae jenyosei chosei chochi nguia a. Nyebe jeicua icua mbeite riqui nguia jenyue a. “Embu seje”, jenyee ate quiatu nguia Dios je. Nyebe jeingo nguia eisia.

³ “Embu seje”, jenyee mose Dios je, “emba seje” jenyee icua icua no nguia ee a. Mbae mumba choofo sacua no jeingo nguia “emba seje” i Dios je a. Nyebe Dios riqui nguia emee ea jeje.

⁴ Sa cuña mo ndiqui hui ngu si no. Ei jenyee si chochi nguia hui hui Dios si a. Ae Dios biate nae, je uqui oseise mose, Dios quiato aronea no je cote re. ¿Mañi jenyee quia uqui icuayate re?

⁵ Sa embesa ji riqui nee noofo ate no: Espiritu Turu Dios mee nguia nandechiangui re nae, aque riqui ngueteate nanderese co.

Nandeico sacua Dios mi ndese, i que embesa ji ra.

⁶ Dios turu i ite riqui nande je co. Sa embesa ji riqui nee no: Ae ucuasa sa sa nguia nae, Dios riqui uqui ndiquisate co. Ae siqui tochte quia nae, uqui je quiatu Dios turu i ite riqui nguia co, i que embesa ji ra.

⁷ Jëingo tochi chõ nguia Dios je. Aba checuayã jësiquisã ño nguia jenyesei. Ûquí mose ra uchã jësi cote.

⁸ Dios jësiichã tuchi quiatu quia. Ûquí mose ra Dios abe jendiichã tuchi. Jëingo mose mbae icuã ndese, jëhui chõ esi. Jendua ata ata mose, jeñia jembitorõ ño.

⁹ ¿Mbaerã jëingo iquia iquia mbae icuã naa mose re? ¿Mbaerã jëyate riqui mbae icuã naa mose re no? Jenyeseo quiatu quia jëicuã ñi. Jëya eã nguiatu quia jëicuã ndese no ae.

¹⁰ Jëingo tochi chõ nguia Cristo je. Aquere quia ra ae jëturã mbuchecua mbia je cote.

Nandechë icuã eã emo ñi

¹¹ Jeñee icuãchí nda emo ñi, Seresenda. Dios cheë mumba chõ ùquí nde. —Jenyeseo quia chõ nguia jenyese, i que Dios ra. Jë Dios cheë mumba mose, “Dios cheë icuã” i raanguia chõ ùquí nde. “Dios cheë icuã” jenyechí nda echeë mumbayã ndocoi jë.

¹² Dios ae chõ mbia cuata mee nguia co. Dios mi ño ucheë mondo nguia nande je. Nande echeë mumbayã sacuã. Dios ae chõ aba rirõ nguia aba icuã si. Dios ae chõ nda aba mondo tata cuásuu no. Nande quiarei emo cuata nandeme aroneate.

Mbae mo tasaã isamami, nande aroneate

¹³ Sã nandemo ndiqui ñee no. —Taso mbae mo naa naa pee. Taico are tuchi pee. Mbae mo isi sacuã icua. Tenda nongue mose ra achube, i no. Ndua rane eã Dios rese.

¹⁴ Ûquí Dios biãte. Nandeiranuate mbae mo ndese. Mbae mo tu arondete tã i nande je. Isamami nandemano arondete. Shimbo rã ño nande re. Sã shimbo riqui quiachã jeite no.

¹⁵ —Mbae mo tasaã, nandechí nda nande ae ndua mose rocoi Dios rese jë. —Dios eno i mose seje, ùquí mose quiatu mbae tasaã, nande quiatu quia.

¹⁶ ¿Mbaerã jëingo tesarei Dios si re? ¿Mbaerã jëingo “se ae mbae tasaã” i re? Jenguasu jësaã saã ño nguia ùquí. Eicuãte ùquí.

¹⁷ Ae mbae turã icuate quia nae, sã ùquí ndiqui mbae turã naa mbei. Mbae turã naa eã mose, eicuãte ùquí cote. Dios biãte ùquí cote.

5

Santiago ñee asi mbaecha je

¹ Tacheë mbaecha je cote. Jëya eã ndasi ra jësaã tuchi cote, mbaecha. Jenyeseo tuchi quiatu quia.

² Jembae ra ua ja tuchi cote. Chicuaquiarí nda jëirao ua tuchi.

³ Jembae mbae isiquia ra quiachã ja cote. Jembae mbae isiquia rã nda jë abe jëquiachã

tuchi cote. Mbae isiquia rese chõ jëingo nguia ndua. Dios rese ndua rocoi. Mbae isiquia jemunua nua tuchi chõ nguia Dios jembasi sacuã ã cote.

⁴ Mbã que quieie quieie rei quia jëje resë. Mbae que jemondo turã turãya nguia jembae ishao shaosa je resë. Ûquí Dios mbi-irandu raanguia chõ nguia jeni. Nyebe ra Dios jembasi uquiracuã je.

⁵ Sã ticuas riqui quiaru bei ñimbuquira no. Eiquia nonde. Eí ño jë nde, mbaecha. Jembi rese chõ ngue jëingo bei quia ra. Jëquiaru chooño mbei que equia ra. Siquí rocoi Dios rese. Nyebe ra Dios jembasi cote.

⁶ Jë ngue mbia turã jëiquia iquia quia no nda. Mbae icuã mo esaã eate raque jëje. Nyebe ra Dios paama i tuchi jëje, mbaecha.

Jesucristo jësaarõ arõ mingue chõ nguia

⁷ Jesucristo ra tube ñibi, Seresenda. Jësaarõ arõ mingue chõ nguia. Sã mbia riqui ama nyaaquí raarõ arõ mingue no. Mbae tiquia nonde no. Aquere ra eriqui mingue umbae raarõ arõ no. Eucua ucua nonde.

⁸ Eí jenyë chõ nguia Jesucristo raarõ arõ mingue jë abe. Jeñimbiracuã ño nguia Jesucristo raarõ arõ. Achite eñi tu a cote.

⁹ Jeñee icuã icuãchí nda jenyue, Seresenda. Ûquí mose ra Dios jembasi. Namojiri ra Dios mbia icuã mbasi.

¹⁰ Jeñimbiracuã mingue chõ nguia. Sã Dios cheë mbuchecua mbia cose ndare no. Sã ñimbiracuã mingue mbia icuã mose ee no.

¹¹ Ae ñimbiracuã mingue quia nae, ùquí je chõ Dios turã ndiqui nguia. Sã Job cose no. Ñimbiracuã mingue tuchi que equia ra. Aquere que Dios turã tuchi riqui e cote ra. Ûquí jëicuate quia ã. Eí si chõ Dios turã tuchi nguia mbia je co.

¹² ã abe jeñandu tuchi. Jeñee ñooñochí nda jë. Jurar jenyechí nda emo mose jë. Ibatenda ríi. Ibi jenda mo ñi abe no. Mbae ja mo ñi nda jurar jenyë jirichí jë. Eno jenyë mose, ùquí mi mbei chõ jeñee. Tei jenyë mose, ùquí mi mbei chõ jeñee no. Eí jenyë mose ra Dios ñee asiã jëje.

¹³ Jemo ia eã mose, sã ñee Dios je. Jemo ia mose, sã irasei rasei Dios je no.

¹⁴ Jemo ndasi mose, sã “jenyu” i Jesús quiato rerecua je. Sã ùquí ñee Dios je erasi ríi cote. Sã mbae quira mo quti erasi ãquí ndese Jesús ríi.

¹⁵ —Jesús ra embucherõ, i mose uchiangui re ñee mose Jesús je, mbucherõ ndae. Erasi mbae icuã naa mose nyii, ùquí nda embutiã esi no.

¹⁶ —Mbae icuã ngue asaã eã nda, jenyechí nda jë. —Mbae icuã ngue asaã nda, jenyë quiatu quia jenyue. Jeñee quiatu quia Dios

je jenongue rĩ. Ũquí mose ra Dios jem-
bucherō. Emo turã mo ñee tuchi mose Dios
je, Dios ra mbae turã saã tuchi ee.

¹⁷ Sã Elías no. Nande rã si chō ndaque
Elías. Sã ñee tuchi Dios je ama mbuchaaqui
eã nonde no. Nyaaqui eã mbei que cote ra.
Tres años y medio chee que ra.

¹⁸ Aquere que Elías ñee Dios je cote ra.
Ama mbuchaaqui sacua cote. Aque mose
que nyaaqui cote ra. Mbae que suri ja cote
ra. Mbae ia ja chee no.

¹⁹ Emo icha mose Dios si, sã enongue em-
buehipe mingo Dios rui sí.

²⁰ Nde mbia mo mbui mose huiicua si,
eresiquisã quisã ño nguiã eso eã sacua tata
cuásuu ũquí. Dios ra eicua mbutiã esi cote.

PRIMERA CARTA DEL APOSTOL SAN PEDRO

Pedro ucheē mbesa mondo Jesús quiato ishonda jaaja je

¹ Pedro chō se re. Jesucristo chimbaaquiato chō se re. Aico ā mbesa jēje a. Isho isho jendeco mose jendecua si. Ponto jenda je. Galacia jenda je. Capadocia jenda je. Asia jenda je. Bitinia jenda je. Jē ja je aico ā mbesa a.

² Dios que jēirabo umbaerā nyii jeā mose ra. Espiritu Turā ngue jemū icúe Dios mbaerā cote ra. Jē echeē mumbayā sacua. Jesucristo ruqui jembitorō sacua abe jēicua si no. Sā Dios rīqui turā i i tuchi jendese. Sā eriqui jembia i i tuchi no.

Dios ra mbae turā mee ja nande je

³ Nandechē turā mbei quia Dios rī. Jesu cristo rute quia ae re. Ae que eya eāte rīqui nanderese ra. Nyebe nandēisi nguā mbiasu nguīrina cote. Dios Jesucristo raaque mbuquera mose, aque mose que nandembiasu nande abe ra. Nyebe nandēico nguā űee ā. “Dios cheē nda io turā ja nande je”, i ā.

⁴ Dios ra nandemingo bei. Eriirīte quia nande re. Nyebe ra mbae mee ja nande je nandēico mose ibate. Mbae icuā ndese ra nandēmae eā tuchi aque mose cote.

⁵ Jēingo Dios icuate űqui. Nyebe ae rīqui nguā jendeaquiato tuchi uquirācuā je co. Dios que mbae mbuquiche ja nande je ra. Nandererāo sacua ibate. Mbae ua ja mose ra nandererāo ja ibate cote. Co eriqui rā nguā nandēraquiato co.

⁶ Nyebe jēyate rīqui nguā űqui. Mbae rasi tu mbirī arōte raque jēje.

⁷ Sā mbia rīqui oro mbuchi no. Equia rirō sacua esi. Eī űo Dios nguā jēje co no. Jē Dios icua tuchi sacua űo mbae rasi rīqui re. Nyebe Dios jēicua. Mbae rasi rā naa ndaque. Eturā tuchi chō űqui oro si re. Oro quia ra ua emo mose. Jē nguā ra jēhua eā mbei Dios icua mose. Jesucristo tu mose nda Dios űee turā tuchi jenī űa.

⁸ Jēingo nyesequate Jesucristo rese űqui. Jēmae eāte raque quia erese űqui. Jēingo eicuate jeñiangui re űqui. Jēya tuchite rīqui erese űqui.

⁹ Jēingo Jesucristo icuate űqui. Nyebe ra Dios jēā mingo turā mbei cote.

¹⁰ Sā Dios cheē mbuchecuaa űee cose no. —Mbia ra mae jee Dios turā ndese, i que űee nda. Nanderī űo ngue eriqui nguā űee. —Mañi nda Dios quia reae. Uturā je ra mbia mingo bei reae, i que Dios cheē mbuchecuaa ndua ndua cose ra.

¹¹ Espiritu Turā ngue siqui quia Dios cheē mbuchecuaa chiangu re ra. Mbiirandu randu que equia Cristo rī nda. —Cristo ra mbae rasi saā tuchi. Aquere ra equirācuā tuchi mbia rerecua mose ae cote, i que Espiritu Turā Dios cheē mbuchecuaa mbiirandu nyii ra. —Manosete ra űqui ndeae. Aba rī eriqui “Cristo” i remi, i tuchi que Dios cheē mbuchecuaa quia ndua ndua ra.

Dios que jemū icúe umbaerā nda

¹² Dios que embiirandu ra. —Jē jētiamba quiato ra Cristo mbae rasi saā mbia mingo bei sacua. Jētiamba quiato ra Cristo mbae rasi saā mbia namonda je. Mbia emo mosenda je, i que Dios ra. Nanderī űo ngue eriqui nguā “namonda” i. Nyebe mbia rīqui nguā űqui ja renei nenei jēje Cristo rī cote. Espiritu Turā abe rīqui erenei nenei jēje co cote. Angeles abe űqui icua sete raque quia Cristo rī űqui.

¹³ Jendua tuchi rā nguia mbae rā nonde. Jētesa bei quiato quia. Jesucristo tu mose, eturā tuchi ra ae jēje aque mose. űqui ndese quia jēingo bei tesa eraarō.

¹⁴ Ae jenyosei chosei quia nyii nae, Dios icuayā mose nyii nae, űqui ndese jēingo ndua eā cote. Dios cheē jemumba eā űo nguia cote.

¹⁵ Dios quiarei jemingo icúe umbaerā tuchi. Nyebe jēingo turā tuchi ae rā si.

¹⁶ Sā Dios cheē mbesa ji rīqui no: —Jēturā űo jēingo se rā si, i űi embesa ji re.

¹⁷ űqui jēingo “Paba” i Dios je űqui. Nyebe jēingo irēi irēi jiri esi jēingo mose lbii. Dios ra mae nandechiao ja ja rese. Emo chiao rese ra mae eā eā.

¹⁸ Nandēi űiinda que siqui chooño nguia cose ra. Dios rese siqui rocoī. Eī nande que equia nande abe nyii no nda. Dios que nanderirō űqui si cote ra. Dios que mbae isiquia mondo eā nanderirō sacua nandēicua si ra. Oro que emondo eā no nda. Plata abe no.

¹⁹ Cristo ruqui quiato ngue nanderirō nguā nandēicua si. Aba queteamba tuchi chō Cristo ruqui re. Cristo mano mose nande je que eruqui uchē tuchi ra. Sā sacerdotē oveja turā űo icua no.

²⁰ —Cristo ra mano mbia icuā ndiquicharō, i que Dios nyii mbae ao nonde ra. Namo űo űqui io nguā jēje cote. Namo űo Cristo mano nguā jēje cote.

²¹ Cristo chō Dios icua quia nguā jēje űqui. Dios chō ngue Cristo raaque mbuquera nguā. Dios chō uquirācuā mee nguā Cristo je. Nyebe jēingo nguā Dios icua űqui cote. Nyebe jēingo nguā űee. “Dios ra nandemingo bei ibate” i űqui.

²² Dios cheē jēisi turā mingo űqui cote. Nyebe jeñia mbitorō nguā mbushī cote. Nyebe jēingo nguā nyesequa arōte mbia rese cote. Jenyesequa tuchi quiato quia

jenyiese jê. Nandechiangui re chõ nandeico nyesequa tuchi mbia rese jê.

²³ Nyaacuquia si je raanguia chõ jê cote re. Nandechaacuquia que equia nyii nae, mbia chõ ngue nanderu nyii ra. Nandechaacuquia sire, Dios que nanderu tuchi cote ra. Dios cheê ño nandembuchaacuquia si nguiã. Echeê nda ua eã bei. Siqui bei rae.

²⁴ Sã embesa ji riqui ñee no:
Quiata rã tuchi chõ mbia ja riqui nguiã ã.
Sã quiata riqui mano jeite no.
Quiata uti rã ño mbia riqui nguiã ã no.
Eturã mbiri ño chí ndaque nyii.
Aquere chõ ñimama cote. Mano cote.

²⁵ Dios cheê nguia ra ua eã mbei,
i que embesa ji ra. Dios cheê sí chõ ngue jeñandu nguiã Jesucristo rií. Jemingo bei sacuaã.

2

Jêo tuchi chõ nguia Dios cheê ndese

¹ Nyebe jêhuí mbae icuã ja si. Jê nda mbia jembuiri irichí nguia jê. Jenguasu ra jêsaã saãchí. Emo mbae ra jenyosei choseichí nguia jê. Jeñee icuã icuãchí nda equia emo nii jê.

² Sã ãquê itãqueí ndiqui uchíu achã asite no. Eí jenyê bei chõ nguia oo Dios cheê ndese. Eí nda jêquirãcuã tuchi riqui Dios rese. Sã ãquê quirãcuã ndiqui quiambure no.

³ Dios turã ngue jêsaã ndei resê.

Sita turã na ño Cristo re

⁴ Jesucristo ra siqui bei. Jesucristo rei sita turã na. Sã mbia riqui sita mo ndirirõ no. Eí sí chõ mbia nguiã Jesucristo ririrõ ndei ã. Dios queteamba tuchi quiatu Jesucristo re. Dios chiirabo tuchi chõ ae re. Jesucristo jêsiichã i i tuchi quiatu quia jê.

⁵ Sita turã na ño jêingo nguiã jê abe ùqui. Sã Dios chuchua ao ji sita turã je no. Dios chuchua ao ji rã ño jê no nde. Jeñee turã mbei quiatu quia Dios je. Jê sí chõ jendete jemondo quia ee. Jêingo bei quiatu quia icúe embaerã. Ùqui mose ra Dios jêisi turã mbei Jesucristo rií cote.

⁶ Nyebe Dios cheê mbesa ji riqui nguiã ñee:

Jesucristo ra amí Zión.
Tuchua i turã na tuchi chõ Jesucristo re.
Sechiirabo tuchi chõ ae re.
Aba queteamba tuchi chõ ae re.
Ae Jesucristo icuate quia nae, ùqui mo nda ñee eã.

“Jesucristo rui aico jirichí co”, iã nda emo,
i que embesa ji ra.

⁷ Sã mbia mo tuchua ao sita turã je no. Ùqui sita turã na ño Jesucristo riqui nguiã co. Ùqui jêingo Jesucristo icuate ùqui. Nyebe jengueteamba tuchi ae riqui nguiã co. Ae

Jesucristo icua eãte quia nae, ùqui je ra embesa ji cheê io tuchi cote. ã ndei embesa ji cheê ã:

Ae tuchua aosa quirirõ sita nae, aque quia ra tuchua i turã tuchi cote,
i que embesa ji ra.

⁸ Sã embesa ji riqui ñee no:

Sã sita riqui pãtã i emo cúe je no jê.
Embucoi no jê,

i que embesa ji ra. Eí sí chõ nda mbia pãtã i raanguia Jesucristo cheê je. Jesucristo cheê mumbayã sereãte quia ñene. “Echeê mumbasa ra pãtã i raanguia”, i que Dios ñiinda mosenda bei ra.

Dios mbaerã tuchi chõ jê nde

⁹ Dios que jêirabo umbaerã tuchi ra. Sacerdotes rã ño jêingo nguiã Dios je ùqui. Dios que jemingo icúe umbaerã nda. Jê mbia mbiirandu randu bei sacuaã Dios chiao turã nii. Ae quiatu que jendirõ itondaru si ra. Jêingo sacuaã nyaashí Dios rese cote.

¹⁰ Mbia chĩmbutereãte que jê nyii ra. Dios quiato tuchi chõ namo jê cote re. Emo ngue ndua eãte quia jendese nyii ra. Dios quia ndua tuchi nguiã jendese co cote.

Dios rimba chõ jê nde; nyebe jêingo turã

¹¹ Achesequa tuchite quia jendese co. Isho ishote jêingo jendecua si ùqui. Ae mbia chosei chosei quia mbae icuã nae, ùqui ndese ra jemae maechí. Eicuãte riqui nan-deaí je ùqui.

¹² Ae Dios icua eãte quia nae, ùqui ndéssaa jêingo turã ño nguia. Ùqui ndiqui ñee icuã icuãte raque jenií ùqui. Jêicuã mose rocoí. Ùqui nda mae jee jêturã ndese. Ñee turã jee ra Dios rií, Jesús tu mose.

¹³ Mbia rerecua ja cheê jemumbayã ño nguia Dios je. Ae ererecua tuchi rerecua ja si nae, aque cheê abe jemumbayã ño nguia no.

¹⁴ Sã ererecua tuchi riqui mbia rerecuarã mii jaaja no. Mbia icuã mbasi mbasi sacuaã. Mbia turã ndeaquiato sacuaã abe no. Ùqui ñee abe jemumbayã ño nguia no.

¹⁵ Jêingo turã ño nguia jê. Jêingo turã mose ra mbia aquiatuã ñee icuã aroneate jêje. Dios bite ùqui.

¹⁶ Jesucristo que jembui mbae ja si cote ra. Jenderecua eãte raque mbae mo cote. —Mbae icuã tasaã. Sererecua eãte rei ñene, jenyechí ndae. Dios rimba chõ jêingo.

¹⁷ Jêingo turã ño nguia mbia ja je. Jenyese-cua chõ nguia jendesenda Jesús quiato rese. Jêireí ireí jiri Dios sí. Mbia rerecua cheê nda jemumba mumbachí jê.

Cristo rã si chõ jêingo ñimbirãcuã turã mbae rasi je

¹⁸ Mbia rimba je tacheê cote. Jenderecua cheê jemumbayã ño nguia jê. Jêireí ireí jiri quia esi jê. Jenderecua icuã mose abe

chõ echeê jemumbayã nguia. “Jenderecua turã mose achõ ño echeê jemumbayã”, ae eã nguã jêje co.

¹⁹ Mbia icuã icuã ñooño mose nande je, nanderosei nguãtu chõ nandeico. Dios bite ùqui. Dios riñ nanderosei nguãtu mose, ebite ùqui.

²⁰ Mbae turã jësaã saã mbei chõ nguia. Mbia jëiruã nua mose jëturã nii, jendosei nguãtu chõ jëingo. Ùqui mose ra Dios ia tuchi jendese. Mbae icuã mo nda jësaãchí. Jë mbae icuã naa mose, Dios biãte ùqui. Mbia jëiruã nua mose jëicuã nii, jendosei nguãtu raque rae, Dios biãte ùqui. Jëicuã nii ño ñene.

²¹ Nyebe Dios “jëingo serui”, i nguã nande je. Sã Cristo rosei nguãtu tuchi mbae rasi raã mose nande je no. Nande abe nanderosei nguãtu sacua eraã si.

²² Cristo que mbae icuã mo saã eã tuchi ra. Mbia mo ngue embiiri iriã tuchi quia ra.

²³ Mbia ñee icuã mose Cristo je, ae que ñee icuã eã mbei mbia cheê ndibishorõ nda. Mbia Cristo mbaasi asi mose, “tasaã se”, iã tuchi que equia ra. “Dios quiarei”, i chõ ngue equia ra.

²⁴ Jesús mano mose ira mbuchicuidasa ji rese, nandeicuã ndiquicharõ ño ngue mano nguã. Eraaque rã nandeico sacua mbae icuã je chõ ngue re. Nandeico sacua mbae turã ndese chõ ngue re. Cristo mbae rasi raã mose, jembitorõ sacua ño ùqui nde.

²⁵ Ovejas quiachã je rã ño ngue jëingo nguã nyii. Jenyebi que oso ngasë Cristo rea cote ra. Ovejas raarõsa rã ño ae riqui nguã jêje co cote. Ae chõ jendeaquiatu nguã co.

3

Jendu cheê jemumbayã ño nguia, i cuña je

¹ Mbia ninisi je tacheê cote. Jendu cheê nda jemumbachí jë. Jesús quiatoã ndaque jendu. Echeê jemumbayã ño. Jendu nda Jesús icua chee cote chã. Jëingo turã mose ee. Jë Jesús cheê nenei neneinde rocoi ee. Jesús nda eicua cote chã.

² Jëingo turã ndese ra jendu mae nyee. Echeê jemumbayã mose.

³ —Mbae je nda serete ambarõ na ña, jenyechí nda ndua ndua jë. Jëo resenda rese. Jëhui rese abe no. Tiru turã ndese abe no. Jëa uma ji turã ndese abe no. Ùqui mii ndese chõ nda jëingochí ndua beite jë.

⁴ Jëñiangui re quiatu jëingo turã. Jëingo tochi chõ nguia. f nda jëturã ua eã mbei jësi. Ùqui nguãtu Dios bite re.

⁵ Sã cuña mo no. Dios quiato cose no. Ùqui nguãtu que eturãte riqui uchiangui re quiatu ra. Ngu cheê abe mumbayã no. Ndua rocoi nguete resenda umbarõsa rese.

⁶ Sã Sara Abraham ñee mumbayã no. Sererecua i ee. Jëingo turã mose, Sara rã nda jë cote. Mbae mo si ra jësiquichechí cote jë.

Jëingo turã ño nguia jeninisi je

⁷ Tacheê eninisi rerecua je cote. Jëaquiatu chõ jëingo turã jeninisi je. Jeninisi jemingo turã. Jëingo tochi chõ nguia ee. Jë nguia jeãtã jiri esi re. Dios quia eturãte jë ja je re. Jeninisi rese. Dios que jendeco mingo nyiese ra. Jeninisi rese. Nyebe jëingo nguã siqui turã jeninisi je. Ùqui mose ra Dios jeñee andu bei, jeñee mose ee.

Mbia icuã icuã mose jêje jëturã mose, jëya chõ jëingo

⁸ Jëingo turã ja chõ nguia jenyue no. Jëya eã jiri jëingo jenyiese no. Hue ri ja chõ jëingo ndua ja. Jenyesequa ja chõ nguia nyiese. Jëseteã ño jëingo nyue.

⁹ Mbia icuã mose jêje, jëicuãchí nda jë abe ee. Mbia ñee icuã mose jêje, jeñee icuãchí nda jë abe ee. Jeñee turã nguãtu quia ee jë. Jëingo serui, i chõ ngue Dios jêje re. Dios ñee turã mbei sacua jeniñ ño ngue re.

¹⁰ Sã embesa ji riqui ñee no: Jëingo turãse mose, jeñee icuã eã emo nii. Jëingo chooño sereã mose, jeñee ñooño eã emo je no.

¹¹ Jenyicuasë ño nguia mbae icuã si.

Mbae turã ño jësaã nguia.

Jëturã ño nguia mbia ja je jë.

¹² Ae siqui turã nguia nae, ùqui Dios teaquiato bei quia co.

Ùqui ñee Dios chandu turã mbei quia co.

Ae siqui quia mbae icuã ndese nae, Dios biã tuchi chõ ùqui nde,

i que embesa ji ra.

¹³ Jëingo turã mose jmañi nda emo mbae icuã naa jêje re?

¹⁴ Mbia icuã icuã mose jêje mbae turã naa mose, jëya tuchi chõ ùqui mose re. —Mbae icuã nda asaã ndeje jë, i mose jêje, jësiquicheã ño esi.

¹⁵ Jesucristo jemingo tuchi chõ nguia jëñiangui re jenderecuarã. Emo ñee mose jêje, jeñee aquiato chõ ee. —Mbaerã ereico Jesucristo rese re? i mose emo jêje, jeñee aquiato chõ ee. Jëingo mingue chõ ee.

¹⁶ Jëingo turã mbei. Diosbi rese jëingo bei. f nda jëya bei riqui. f nda “mbae turã asaã eã ñochí”, jenyee eã. Ae ñee icuã icuã nguia jeniñ nae, ùqui nda irei ireite quia ucheê icuã si cote. Irei irei nda jëingo turã mose Cristo rese.

¹⁷ Mbae rasi jësaã mose jëturã nii, ùqui nguiarei Diosbi tuchi. Mbae rasi jësaã mose jëicuã nii, ùqui nguiarei Dios biã tuchi. Mbae icuã ñite quia ñene.

¹⁸ Cristo abe que mbae rasi saã nande je ra. Mbae icuã naande rocoi. Ae raque eturã. Mbae rasi que esaã nandeicuã ndiquicharõ nda. Nandemingo sacua Dios rese. Cristo rete que mano nda. Espiritu Turã ngue embuquera si ra.

¹⁹ Aque mose que Cristo si Dios cheē nenei nenei mbia aī tarō ji je ra.

²⁰ Ūquí ngue Dios cheē mumba mumba quia nyii ra. Noé Dios cheē nenei nenei mose ee. Dios roseī nguiātu tuchi que eriqui mbia riisu isu aque mose ra. Noé siqui bei mose arca raā naa. Aqere que mbia miite ique arca ye ra. Ocho que mbia ra. Siqui bei sacua ama ndicuas mose.

²¹ Sā ama Noé mumbebi mingo no. Eī si chō bautismo co no. Nandei mbuchasu mose, aque quia ra nandemingo eā Dios rese. Nandechiā mbitirō ji mose, aque mose quia ra Dios nandemingo bei cote. Bautismo tuchi chō ūquí nde.

²² Jesucristo quera sire que esi ibate ra. Hue eriqui beite Dios jii hue cote. Mbae ja rerecua tuchi chō ae cote re. Angeles rerecua. Ibatenda rerecua ja.

4

Mbae jēsaā turā ja

¹ Sā Cristo mbae rasi saā tuchi siqui mose ibii no. Eī jenyje si chō nguia űimbiracuā nguiātu mbae rasi raā mose. Ae mbae rasi saā tuchi quia nae, ūquí nda mbae icuā saā eā mbei cote.

² Ae Dios bite nae, ūquí ndese ra eriqui bei cote. Ae echoseite quia nae, ūquí naa ndocoī.

³ Mbia ataque rā tuchi que nandeico nyii ra. Nandēicuā tuchite que eriqui nyii ra. Ae nandechosei quia nae, ūquí ndese achō ño ngue nandeico nyii ra. Nandechiacua quiacua que equia nyii ra. Nandechimbusareī chooño mbei que equia nyii ra. Dios abareā ndese que nandeico ndua tuchi nyii ra. Huee chō cote. Nandehui que ūquí ja si cote ra.

⁴ —¿Mbaerā jēingo bei eā mbae icuā naa naa urere se re? i nanderesenda űiinda quia nande je ā. Nyebe eriqui nguīā ñee icuā icuāte nande je ā.

⁵ —¿Mbaerā ūquí jēsaā nde? i chee ra Dios ūquí je cote. Dios mae mose mbia chisaā saā ja rese. Aque mose ra Dios mbia mano je abe chisaā ndea ja. Mbia reco abe chisaā ndea ja.

⁶ Ae mano mbia nyii nae, ūquí je que Jesucristo Dios cheē nenei nenei nda. Eaī siqui turā sacua Dios rā si. Erete mano ndaque huīcuā je.

⁷ Achite mbae ñi ua ja a cote. Nyebe jēingo mbae turā naa naa ja bei. Nyebe jēingo ñee ñee mbei Dios je.

⁸ Jenyesequa tuchi quiatu quia jenyese. Ūquí mose ra jētesareī jenongue icuā si.

⁹ Jenongue jēisi turā ño nguia nyoī mose jenyuchua. Jēya chō jēingo eisi mose.

¹⁰ Dios que nandechisaā saana mee nande ae ae je ra. Ūquí jēsaā turā turā ño nguia jēataque je. Dios uaquiatu mee mose

jēje mbae mo naa sacua, ūquí jēsaā turā turā ño nguia jēataque je.

¹¹ Erno Dios cheē nenei nenei mose, sā Dios cheē tuchi chō esenei senei nguia. Jemo mbae turā naa naa mose uataque je, sā eriqui eraā turā Dios quirācuā ñii. Ae jēsaā saā nguia mbae nae, Dios je chō jēsaā. † nda mbia ñee turā mbei Dios riī. Jesucristo riī abe no. Sā mbia ñee turā mbei Dios riī. Amén.

Mbae icuā tuutu mose jēje, jēya cho jēingo

¹² Mbae icuā tuutu mose jēje, “¿mbaerā eriqui seje re?” jenyechī nda nyuruirate, Seresenda. Eī mbei chō mbae icuā nguīā tuutu Jesús quiato je.

¹³ Mbae icuā tuutu mose jēje, jēya chō jēingo. “Cristo rā si chō nandeico nguīā mbae rasi raā”, jenyje chō nguia űimbia. Cristo nininya tu mose, aque mose abe nda jēya tuchi chā.

¹⁴ Mbia ñee icuā icuā mose jēje Cristo riī, coche ñene. Jēya chō jēingo. Espiritu Turā ño jēichu ichu nguīā ūquí.

¹⁵ Mbia jembaasi asi chooño mose Cristo riī, jēya chō jēingo. Jēicuā ñi mbia jembaasi asi mose, ūquí nguiatu aba ireite re. Jē mbia mo iquia mose. Jē mbae mo mbuquiachā mose. Jē mbia mo mbupaama i mose. Jē ūquí icuā mo naa mose, aba ireite ūquí.

¹⁶ Mbia jembaasi asi mose Cristo riī, jēireī ireichī nda ūquí mose. Cristo resendate quia jē nde. Nyebe jēya chō jēingo.

¹⁷ Dios ra mae ja chee mbia chisaā ja rese. Achite Dios ñi mae uquiato chisaā ndese a. Nandechisaā ndese chee ra Dios mae. Uquiato chisaā ndese chee. Mañi nda uquiatoā nyisaā je remi. Ūquí nguiatu ra embasi tuchi nandesī quiatu. Dios cheē turā nguiatu ngue eisiāchī nguīā.

¹⁸ Dios quiato riqui űimbiracuāyā arō arōte mbae icuā tuutu bei mose ee ā. Dios quiatote raque. Dios quiatoā nguiatu ra űimbiracuāyā tuchi mbae icuā si. Dios ra emondo chee tata cuasu.

¹⁹ “Mbae rasi jēsaā”, i mose Dios nande je, nandesaa turā ño nguia ee. Mbae turā nandesaa i i chō nguia ee. Nandereco nandemee tuchi nandeaosa Dios je. Ae ra ucheē mbuchebiā mbei nande je.

5

Jesús quiato jēteaquiatu turā ño nguia

¹ Jeñimunua je rerecua ja je tacheē cote. Cristo quiato rerecua chō se no nde. Cristo mbae rasi raā ndese que amae se ra. Cristo nininya nyecua mose, se abe ra aico bei erese cote.

² Ae Jesús quiato siqui quia jendese nae, ūquí jēteaquiatu turā nguia. Sā ovejas raarōsa riqui ovejas raarō turā no. Eī jenyje chō nguia Jesús quiato raarō. Jēteā teā eā ño

nguia mbia mbaaquiato quiatu. Jendua ndua eã ño nguia mbae isiquia rese.

³ Jëingo tochi chõ nguia Jesús quiato chimunua nua je. Mbiacha ra jësaã saã techi ee jë. Jëingo turã ño nguia eresa rae. f nda jë na sí eriqui.

⁴ Jesucristo quiarei mbia reaquiatusa tuchi nande si. Ae tu mose, mbae turã tuchi mo nda emee jëje premio. Uqui nda ua eã mbei.

⁵ Acuanindu je tacheë cote. Amei ñee jemumbayã ño nguia jë. Jë ja jëataque cheë jemumbayã ño nguia jë. Jëingo tochi ja chõ nguia jenyue jë. Sã embesa ji riqui ñee no: Ae ucuasu saã saã nguia nae, Dios biã tuchi chõ uqui nde.

Ae siqui tochi quia nae, uqui je quiatu ra Dios turã mbei riqui, i que embesa ji ra.

⁶ Jëingo tochi chõ nguia Dios je jë. Equirãcuã tuchi chõ ae re. Ae ra mbia mumae turã nyee jendese emo mose cote.

⁷ Jendua ndua ia eã si jëhui chõ. Jemee ño Dios je. Ae riqui ndua beite jendese co. Jendeaquiato beite quia co.

⁸ Jëñimbaaracua chõ nguia jë. Jëtesa bei chõ nguia jë. Aba checuayã nderecua riqui ngata beite co jë. “Mbia tambicuã icuã”, i beite equia co. Sã nyacua no. Sã nyacua risha riqui urei mbocheite “mbae tau” i no.

⁹ Aba checuayã nderecua jësiquisã ño nguia jenyese. Dios jëicua tuchi chõ nguia jëñiangui re. Sã jendesenda ishonda ja riqui mbae rasi raã tuchi no. Jë na si no.

¹⁰ Sã Dios turãte riqui nande je no. Mbae rasi ra jësaã ndaque nyii. Aquere ra Dios jembitirõ cote. Jembirãcuã tuchi cote. Dios sí chõ ngue ñee nguiã nande je. “Taemingo bei serese ibate Jesucristo rii”, i nguiã nande je.

¹¹ Dios quiarei equirãcuã mbei. Eturã mbei. Amén.

Pedro ñee hui bei sacua cote

¹² Co ambesa quia jëje co. Jëingo i i sacua Dios rese. Jëmbaaquiato sacua Dios turã nii. Jëingo bei chõ nguia erese. Co ambesa mondo quia jëje aque. Silvano ndese aque. Jesús quiato turã tuchi chõ Silvano nde. Nanderesenda re.

¹³ Jesús quiato Babilonia jenda saludos mondo quia jëje aque. Dios chiirabo chõ ã nde. Jë na si. Marcos abe saludos mondo quia jëje aque no. Seriri na ño aico nguiã ee co.

¹⁴ Saludar jenye turã turã ño jenyue mambi. Jenongue ritii abe jësiite ite chõ nguia mambi. Jesucristo quiato jate quia jë nde. Sã jëya beite riqui. Amén.

SEGUNDA CARTA DEL APOSTOL SAN PEDRO

Pedro ucheẽ mbesa mondo Jesús quiato je

¹ Simón Pedro chõ se re. Jesucristo rimba chõ se re. Jesucristo chimbaaquiato chõ se re. Aico co mbesa mbesa jêje co. Ure rã si chõ jêingo nguiã Jesucristo icua ùqui. Nandebi tuchi Jesucristo icua mose. Dios turã tuchi nandemingo mose Jesucristo rese.

² Sã Dios turã ndiqui tuchi jendese. Sã Dios jembia tuchi mingo. Jesucristo jêicua i i tuchi bei oso quia.

Jeñimbaaquiato i i tuchi Dios rĩ

³ Jesucristo nandeicuate quia ã. Nyebe Dios riqui nguiã mbae raã ja tuchi nande je co. Nandemingo bei sacua. Nandeico sacua erã sí. Uquirãcuã je eriqui mbae raã ja tuchi nande je co. Uturã ngue emee nande je ra.

⁴ Dios que ucheẽ turã mee nande je ra: — Co tasaã jêje. ã tasaã jêje. Co abe, i tuchi que equia nande je ra. Ùqui ngue esaã ja nande je cote ra. Jesucristo rã si que nanderaã nda. Ae mbae icua mbia chosei chosei quia nae, ùqui si eriqui nanderiquisã quisã co.

⁵ Jêingo Dios icuate ùqui. Jêingo turã ño nguia jê. Jeñimbaaquiato i i tuchi quiato quia Dios rĩ jê.

⁶ Jendeco jêingo turã ño nguia i co jê. Jêingo mingue chõ nguia jê. Dios rã si chõ jêingo jê.

⁷ Jêingo turã ño nguia jenyue. Jenyesequa chõ nguia jenyese no.

⁸ Eĩ jenyue mose, eturãte ùqui. Eĩ jenyue i i tuchi chõ nguia jê. Ùqui mose ra Jesucristo jêicua chooño eã. Mbae ra jesaã saã tuchi quia ee.

⁹ Eĩ jenyue eã mose, mbia resayã na ño jêingo nguiã ùqui. Eĩ jenyue eã mose, jêtesarei chõ ndei equia jenia irei ji si ùqui. Jesús jêicua cose ndare mbutiã mose.

¹⁰ Ùqui jesaã saã tuchi chõ nguia jê. Jê ùqui naa mose, jê sí chõ nda jenyicua quia. “Dios chiirabo chõ nande re”, jenyue tuchi ra equia. Jêhui eã mbei ra equia Dios si cote.

¹¹ Dios ra jêisi tuchi mingo Jesús récuua cote. Huee ra jêingo bei erese.

¹² Nyebe ra aico bei jemundua ndua ùqui ndese. Jêicuate raque. Jêingo turãte raque Dios cheẽ ndese.

¹³ Coche aico rei jemundua ndua ùqui ndese a. Sereco siqui mose a ra aico jemundua ndua bei ùqui ndese.

¹⁴ Jesucristo que ñee seje ra: —Ereico arete eã nda íbii, i que sembiirandu ra.

¹⁵ Taemundua ndua bei erese. † nda jêtesareia mbei esi semanonde abe.

Se sí amae Jesucristo rese, i Pedro

¹⁶ Jesucristo quirãcuã ngue uresenei senei tuchi quia jêje ra. —Jesucristo ra tube íbii, ure tuchi que equia jêje ra. Ichoiñosa reã ñeetuchi chõ ùqui nde. Mbia ñee ñooño je eã tuchi chõ ùqui nde. Se sí chõ ngue amae Jesucristo nininya rese ra.

¹⁷⁻¹⁸ Dios que unininya mee ee sita íbatee ereco mose ra. Se abe reco mose hueue que ra. Serésaa que Dios unininya mee Jesucristo je ra. —Seriirĩ ño co re. Sechesequa chõ co re. Seyate erese, i que íbatenda ñee aque mose ra. Echeẽ ngue achandu se abe ra.

¹⁹ Eĩ sí tuchi que Dios cheẽ mbuchecuasa chimbasa nyii ra. Echeẽ mbesa ji chooño eã ño ùqui nde. Jêingo tuchi quia echeẽ mbesa ji rese. Mbae resaesa tuchi chõ echeẽ mbesa ji re. Sã tata rendi riqui itondaru resaete nyaashĩ nyee no. Jêingo tuchi mose echeẽ mbesa ji rese. Cristo ra jendique tesae tuchi quia jêje. Sã nyasitata riqui nanderesae no.

²⁰⁻²¹ Dios cheẽ mbuchecuasa mo ngue ñee ñooño eãte quia emo mose ra. Ucheẽ ae que embesa mbesa eãte quia ra. Espiritu Turã ño ngue embucheẽ nguia ra. Espiritu Turã ño ngue Dios cheẽ mbesa mbesa uquia quia ee ra.

2

Ae mbia mbũrĩ ñrĩ nguia embaaquiato quiato mose

¹ Mbia mo ngue Dios cheẽ mbuchecuasa saã ñooñote quia cose ra. Espiritu Turã ae que embucheẽ eã nda. Eĩ sí ra emo jembũrĩ irĩ ñooño name. Ñee ñooño nda equia Dios rĩ jêje. Hui huite chõ nda equia Jesucristo sí. Ae mano nguia erĩ. Nyebe ra Dios ùqui mbutiã asi.

² Mbia ra siqui tuchi mbae icua ndese ùqui ñee nguire. Mbia ra siqui chooño ño cuña mo ndese ùqui ñee nguire. Nyebe ra mbia ñee icua icua Jesús cheẽ turã niã.

³ Ùqui nda mbae isiquia choosei osei tuchi chõ nguia jembae. Nyebe ra jembaaquiato icua icua. Dios que ñee ùqui niã coose ra. — Ùqui nda ambasi tuchi je, i que ra. Achite ùqui ñi a cote.

⁴ Angeles mbae icua naa mose, ùqui nyee que Dios tiisu isu ãte quia ra. Ecuã ji que emombo tata cuásuu ra. Itondáruu que emombo ra. Siqui bei sacua huee, Jesús tu chee mae eicuã ndese.

⁵ Mbia cose ndare abe que Dios tiisu isu ãte quia ra. Noé mosenda. Ùqui ngue eicuãte riqui ee ra. Nyebe que Dios ama mbuchaaqui tuchi ee ra. Ama mbicuasuu mbia iquia ja sacua. Noé mii ngue Dios iquia eã nda. Mbia siete rese. Dios cheẽ nenei neneisate quiato ngue Noé nde.

⁶ Sodoma jenda abe que Dios tiisu isu âte quia ra. Gomorra jenda abe no. Mbia icuã tuchite quiatu ngue re. Nyebe Dios ûquĩ ndei ja nguĩã tata je. Echuchua ja resebe. — Eĩchĩ nda nande abe je re, nandeico eã mose erese, i sacuã mbia icuã.

⁷ Lot mii ngue Dios iquia eã nda. Eturâte quiatu ngue eriqui nguĩã Dios je. Eya eãte que eriqui mbia hue jenda mbae icuã naa naa mose ra.

⁸ Mbia mbae icuã naa naa mbei mose que Lot ia eã mbeite riqui ra. Ae mii ño ngue echĩã turã Dios je ra. Nyebe Dios ae mii iquia eã nguĩã.

⁹ Ae siqui beite quia Dios rese nae, Dios riqui ûquĩ ndeaquiato beite co. Mbae icuã jea je esi tã i mose ee. Ae mbae icuã saã nguia nae, ûquĩ nda Dios mbasi tuchi. Jesucristo ra tu chee mae eicuã ndese.

¹⁰ Ae siqui quia mbae icuã ndese ubi nae, ûquĩ nda Dios mbasi tuchi. Ae aba chee mumba quia, ûquĩ abe ra Dios mbasi no. Ae eĩ ñooñote quia mbia je nae, ûquĩ. Ae ñee ñooñote quia mbae ibatenda je nae, ûquĩ abe no.

¹¹ Mbae ibatenda rii ngue ángeles ñee icuã eãte quia Dios je ra. Angeles quirãcuãte raque mbia si.

¹² ã mbia quiarei mbae quiaa riinda rã tuchi. Ndua turã eã mbae rese. Siqui chooño. Ñee icuã ñooño mbae icua rocoi. Mbae quiaa riinda rã ño nda ã mano cote. Dios ra eiquia tuchi.

¹³ ã nda mbae rasi saã tuchi quia cote. Ubi icuã mii ndese chõ eriqui nguĩã ndua ã. Jembĩrĩ irĩ ño nguĩã ã. Quiaru chooño ño nguĩã jendese ã. Jesús quiato raã ñooño jėje. Aba ireinguaia tuchi chõ ûquĩ nde.

¹⁴ Maeño aronea cuña mo ndese. Hui aroneate equia mbae icuã si ã. Ubichõ aroneate equia cuña iquia iquia chooño je rese ã. Mbae osei osei jate equia ã. Dios ra embasi tuchi cote.

¹⁵ Ishote eriqui Dios si ã. Nyiicuasẽ equia Dios si ã. Sã Balaam ndiqui nyiicuasẽte esi no. Beor riirĩ. Sã mbae icuã naa mbae isiquia isi nonde no jẽ.

¹⁶ Sã burra ñee asite ee no. “Mbae icuã tasaã”, i mose ndua ndua. Sã mbae icuã naa eã burra ñeende ee cote no.

¹⁷ Icuã iru rã ño ã mbia re. Sã quiririã ndiqui ibeishĩ mbucuatate no. Eĩ si chõ ã mbia re. Hue bei eã chĩ. Nyebe ra Dios emombo bei itondãruu.

¹⁸ Uchisaã mbae icuã nii ñee ñee ja mbia je. Ucuasu raã naate equia ã. Mbia mbĩrĩ irĩ mbeite equia mbae icuã je ã. Ae hui ramo ndei mbae icuã si nae, ûquĩ abe mbĩrĩ irĩte equia mbae icuã je ã.

¹⁹ —Jëingo mose urerese, jëingo turã ndae, i bei rei equia mbia je ã. Mbae icuã nimba si

chõ ñee ñee nguĩã ee ûquĩ. Ae rui nandeico quia nae, ûquĩ nimba quiato nande re.

²⁰ Sã emo Jesucristo icua raque nyii no. Sã mbae icuã naa eã ndaque ee aque mose no. Mbae icuã embĩrĩ irĩ mose ûquĩnde, eicuã tuchi ra cote. Mbae icuã nimba tuchi ra ae cote. Ñiinda si.

²¹ Dios quia nda ûquĩ icuayã mbei nyii re chã. Dios icuare quiato ngue hui nguĩã echeẽ si.

²² Siqui mbĩrĩ ndaque Jesús rese. Hui esi aquere cote. Sã ñooño ndiqui ñemo ndaque no. Sã oso raque ucúe ndecha no. Nyebi jei chõ u ucúe u cote. Sã teasu socoi mo ndiqui raque nyasu no. Aquere ñimoo moo ño utuchu je cote. Eĩ ño mbia re, ae siqui juate quia Jesús rese. Aquere siqui jei chõ mbae icuã ndese.

3

Jesucristo ra tube

¹ A aico segunda carta mbesa jėje a. Jemundua turã sacuã ño ûquĩ nde. Ae acheẽ jėje nyii nae, ûquĩ ndese jemundua sacuã ño aico nguĩã ã mbesa jėje a.

² Ae Dios quiato senei senei mbia je nyii nae, ûquĩ ndese jendua. Ae Jesús chimbaaquiato ñee mbia je nae, ûquĩ ñee jemumbayã ño.

³ ã ndese jendua: Jesucristo tu nonde ra mbia riqui iquia chooño Dios je. Ñee icuã icuã nda equia Dios je. Ae ebite mbae icuã nae, ûquĩ achõ ndese chõ nda eriqui.

⁴ Uquĩ nda ñee jėje: —Sã Jesús tu âte no jẽ. Sã ucheẽ mbuchebe chõ jẽ. Sã eĩ mbei chõ Dios chisaã ima jẽ, i ra ûquĩ ñee icuã icuã jėje.

⁵ Cose ndare rese nduayã. Dios que ibei chao ucheẽ je chõ cose ra. Ibi abe que echao i ite re ra.

⁶ Aquere que Dios ama mbicuasru ra. Mbae iquia ja nonde cote.

⁷ Dios riqui ibei rerecoquiato co. Ibi abe no. ã nandeico irõ erese ã nae, Dios ra emendi cote. Aque mose ra mbia Jesús quiatoã oquei ja.

⁸ Co abe rese jendua, Seresenda: Nyaashĩ mii na ño mil años Dios je re. Mil años na ño nyaashĩ mii Dios je no nde.

⁹ —Jesús ra tu âte rei no. Ucheẽ embuchebe rei quia mambi, i raque emo emo nguia Jesús rii ã. Ico minguetate equia mbia je pe. — Emo nda quiachãya Dios si chã. Siqui ja nda erese chã, i equia eriisu isu pe no. Nyebe eriqui nguĩã tu jei eãte.

¹⁰ Mbia mbuate ra Jesús ru. Sã mbae mbuquiachãsa riqui tu itondiite mose no. Eĩ si ra Jesús u mbia mbua. Uquĩ mose ra ibei ua cote. Mbae rieu ra aba mundi tuchi. Nyasitata ra membe. Ibi abe ra oquei tuchi. Mbae ja ra oquei ibi jenda.

¹¹ Nyebe Dios nandesiiichã tuchi quiatu quia. Dios rã si quiatu nandeico mbae turã ndese.

¹² Jesucristo ru jenyosei quiatu quia. Ae Dios bite nae, ũquĩ ndese quiatu jẽingo. ƒnda Jesucristo ru jei. Ũquĩ mose ra ibei oquiei ja. Nyasitata abe ra membe tata je.

¹³ Aquere ra Dios ibei mbiasu cote. Ibi abe ra embiasu ucheẽ nguire no. Ũquĩ ño nandesaarõ arõ nguiã ã. Ũquĩ mose ra mbae turã achõ cote.

¹⁴ Nyebe jẽingo turã ño Dios rese. Mbae icuã je ra jeñimbicuaãchĩ jẽ. Jeñimbicuaã eã mose ra Dios iate jendese eru mose chã.

¹⁵ Dios siqui mingüete quia mbia je co. Mbia rirõ sacuaã eicuã si chõ ũquĩ nde. Eĩ si chõ ngue Pablo abe embesa nguiã jẽje no. Ae Dios ñee Pablo je nae, ũquĩ sí que Pablo mbesa jẽje ra. Nanderesenda tuchi chõ Pablo re. Nandehesecua chõ nguiã erese ã.

¹⁶ Pablo carta mbesa mbesa bei mose, mbia mundua ndua sacuaã ã ndese chõ ñene. Aba chiicuayãte raque Pablo chimbese emo. Ae equiatuãte Dios rese nae, ũquĩ Pablo cheẽ nyabi chabi chõ nguiã. Sã embesa ji ataque abi abi no. Nyebe ũquĩ sí chõ ñimbicuaã icuã nguiã ũquĩ.

¹⁷ Sechesecua, a aico jembiirandu jei a. Mbia icuã jembui eã sacuaã Dios si. Mbia icuã nda jembiirĩ irĩchĩ jẽ. Jẽingoquiato tuchi quiatu jẽ. Huee jẽingo turãte Dios rese namo hue.

¹⁸ Jesucristo rei nandererecua tuchi. Jẽicua i i tuchi quiatu jẽ. Jenyesequa i i tuchi quiatu erese jẽ. Ae que nanderirõ mbae icuã si ra. Eturaã mbeite que eriqui nande je ra. Sã mbia ñee turã mbei quia erĩ. Amén.

PRIMERA CARTA DEL APOSTOL SAN JUAN

Mbia mingosa

¹ Ae siqui quia mbae tiã mose nyii nae, aque tasenei jêje. Ae riqi beite namo co no. Ae cheê ngue urechandu chandu bei quia ra. Uremae mae mbei que equia erese ra. Ureoco oco que equia erese no nda. Jesucristo, i equia ee. Dios cheê, i abe equia ee. Mbia mingosa, i abe equia ee no.

² Mbia mingosa que siqui ngu rese nyii ra. Tu que nyecua urê je ibi cote ra. Uremae ngue equia erese ra. Uresenei senei equia jêje ã.

³ Ae rese uremae nae, aque uresenei senei nguia jêje ã. Ae urechandu nae, ũqui abe uresenei senei nguia jêje ã. Jê abe nda jêingo ureresê chã. Sã ureico Dios rese ure no. Jesucristo abe rese.

⁴ Jêya tuchi sacua ño ureico nguia ã mbesa jêje ã.

Dios rei nyaashĩ na

⁵ Jesucristo que urembiirandu Dios rese nyii ra. Ũqui si chõ uresaã saã nguia jembirandu sacua ã: Dios rei nyaashĩ na. Itondaru rã jiri jiriã tuchi chõ ae re.

⁶ “Dios resenda rei se” nandechĩ nda nandeico eã mose erui jê. Nande i mose, nandechêê ñooño ño nguia ũqui. Nande i mose, mbia mbĩrĩ irisa chõ nande re.

⁷ Dios rã nandeico mose nyaashĩ, nandeico turã ño nguia nandehiese ũqui. Dios rã nandeico mose nyaashĩ, Jesús ruqui nandeicuã mbutiã ja quia nandesĩ ã no.

⁸ “Mbae icuã asaã eãte rese” nande i mose, nandechĩmbĩrĩ iri ño nguia ũqui. Nande i mose, ñee ñooñosa tuchi chõ nande re.

⁹ Nandeicuã nandesenei mose Dios je, ae ra eturã nande je. Nandeicuã nda embutiã ja nandesĩ ucheê nguire.

¹⁰ “Mbae icuã asaã eãte resê” nande i mose, “Dios ñee ñooñosa” nandesã ño nguia ee. Nande i mose, Dios cheê iqueã ño nguia nandechiangui re ũqui.

2

Jesús ñee turã Dios je nanderĩ

¹ Mbae icuã jêsaã eã sacua ño aico nguia co mbesa jêje co, seriĩrĩ. Jemo mbae icuã naa mose, Jesucristo ra ñee turã Dios je aque riĩ. Eicuã mbutiã sacua esi. Jesucristo quia rei eturã mbei.

² Jesucristo riĩ ño Dios nandeicuã mbutiã nguia nandesĩ. Ae rei nandeicuã ndibishoronda. Nande miĩ icuã ndibishoronda eã ño ñene. Mbia ja icuã ndibishoronda chõ ñene.

³ Nande Dios cheê mumba eã mose, “Dios aicuete quia co” nande ra nandechiangui re cote.

⁴ “Dios aicuate quia co” i mose emo, Dios cheê mumba mose, ñee ñooño je chõ ũqui nde.

⁵ Ae Dios cheê mumba eãte nae, ũqui nguatiu nyesequate nguia Dios rese ũqui.

⁶ Ae “aico tuchi Dios rese co” i quia nae, sã ũqui siqui tuchi quiatu quia Jesús rã.

Dios cheê yasu

⁷ Dios cheê yasu eã ño ambesa nguia jêje co, Sechesequa. Dios cheê ñiinda sí chõ ambesa mbesa nguia jêje a. Jê echeê mumbayã sacua. Ae jeñandu nyii nae, ũqui.

⁸ Jêingo Jesucristo icuate ã cote. Nyebe eyasu raãte eriqui nguia jêje. Jesucristo que nyesequa mbia rese ra. Jê abe jêingo nyesequa jenyiese ã cote. Itondaru eãte riqi jêje ã cote. Nyaashĩ ja chõ jêje cote re.

⁹ Nyaashĩ aico co, i mose emo, nguesenda ucuãyã cuãyã mose, itondaru bei chõ siqui nguia ũqui je aque.

¹⁰ Ae nyesequate quia nguesenda rese nae, ũqui ndiqui nyaashĩ mbei ũqui. Ũqui nda siqui icuã eã.

¹¹ Ae nguesenda ucuãyãte quia nae, ũqui ndiqui itondaru bei ũqui. Itondaru eresa chati chõ nguia ũqui. Nyebe eriqui nguia nguico icuayãte ũqui.

¹² Jesucristo riĩ ngue Dios jêicuã mbutiã jêsi ra, Seriĩrĩ. Nyebe aico nguia co mbesa mbesa jêje a.

¹³ Ae siqui beite quia nyii nae, aque jêicuate quia ũqui, Mbiaru. Nyebe aico nguia co mbesa jêje a. Jêingo mbia mbĩrĩ irisa riqisã quisã ũqui, Acuanindu. Nyebe aico nguia co mbesa jêje a. Nanderu jêicuate quia ũqui, Echo. Nyebe aico nguia co mbesa jêje a.

¹⁴ Ae siqui beite quia nyii nae, aque jêicuate quia ũqui, Mbiaru. Nyebe aico nguia co mbesa jêje a. Jêirãtãte jêingo jeñiangui re ũqui, Acuanindu. Dios cheê ngue jêsi turãte jeñiangui re ra. Jêingo mbia mbĩrĩ irisa riqisã quisãte ũqui. Nyebe aico nguia co mbesa jêje a.

¹⁵ Jenyesequate chĩ nda mbae ibi jenda ja rese jê. Mbae ibi jenda ja rese jenyesequa mose, jenyesequa eãte ra Dios rese.

¹⁶ Ibi jenda icuã ja chõ ñene. Nanderesa mbae icuã ose: ose: mose, eicuãte ũqui. Nanderete abe mbae icuã ose: ose: mose, eicuãte ũqui no. Nandecuasu abe nandesã saã mose, eicuãte ũqui no. Ibi jendachõ ño ũqui nde.

¹⁷ Mbae icuã nda ua ja ibi jenda. Ae mbia chosei chosei quia ibi jenda nae, ũqui abe ra ua no. Ae Dios cheê mumba eãte quia nae, ũqui nguia ra siqui bei.

Cristo ucuãyãsa

¹⁸ Achite mbae ñi ua ja a, Seriiṛi. Cristo ucuāyāsa ra tu mbia mbiiṛi iri, i que jeñandu nyii, ngaē ngaēte que cote ra. Nyebe ureico nguiā ñee, “mbae ra ua ja cote” i.

¹⁹ Cristo ucuāyāsa tubiriāte riqui ā. Nanderesenda rei que nyii ra. Nanderesenda chooño ño ngue ra. Nanderesenda tuchi mose, eī nda hui āte rei nandesī. Hui chō ngue ehoi uresi ra. “Eresenda eā ño eriqui re” i sacua mbia.

²⁰ Jēje quiatu que Cristo Espiritu Turā mondo nguiā. Nyebe jēingo nguiā mbae icua jate ũqui.

²¹ Ae bei, jenyē eā ño nguiā ichōiñosa je ũqui. Dios quia ichōiñosa reā tuchi re. Dios cheē jēicuate quia ũqui. Nyebe aico nguiā ā mbesa mbesa jēaquiatu je a. Eaquiātuā je eā aico nguiā ā mbesa mbesa a.

²² ¿Aba chō ichōiñosa chā? “Dios chimondo eā ndei Jesús” ae i quia nae, ũqui ño ñene. Ae siqui sereāte quia Paba rui nae, Jesús abe rui nae, Cristo ucuāyāsa chō ũqui nde.

²³ Ae siqui sereāte quia Dios riiri ndu nae, Dios abe rui eriqui āte ũqui. Ae Jesús isi turā nguiā nae, eru abe eisi turā ño nguiā no.

²⁴ Ae rese jēingo jirandu beite nyii nae, ũqui ndese jēingo bei. ũqui ique tuchi mose jeñiangui re, jēingo bei ra Dios riiri ndese. Eru rese abe no.

²⁵ Taemingo bei, i que nande je ra.

²⁶ Ae jembiiṛi iri serite quia nae, ũqui ñi ño aico nguiā ā mbesa mbesa jēje. Jembiiṛandu sacua.

²⁷ “¿Aba quiatu ra nandembaaquiātu quiatu re?” jenyē aroneate quia ũqui. Espiritu Turā ndiqui tuchi jeñiangui re jembaaquiātu quiatu ũqui. Jesucristo que emondo jēje ra. Ae chō jembaaquiātu quiatu nguiā mbae ja riī ũqui. Ñee ñooñoa tuchi chō ñene. Cristo rese jēi ngo bei, Espiritu Turā ñee nguire.

²⁸ Seriiṛi, jēingo bei equia erese jē. Nandesiquicheā nda esi eru mose chā. Nandeirei nguiā nda eru mose no ña.

²⁹ Jesucristo quia rei eturā tuchi. Mbae raā turā ja bei. Ae mbae saā turā mbei quia nae, eriiṛi ño ũqui nde.

3

Seriiṛi, i Dios nande je

¹ Dios que nyesecua tuchite nanderese ra. Seriiṛi i tuchi que nande je ra. Nyebe mbia Dios quiatoā ndiqui nandeicua eāte ā. Dios abe icua eāte equia ā.

² Dios riiri ndei nande, Sechesequa. Dios ra nandebuturā tuchi core. ũqui nandeicua eāte raque quia ā. Jesucristo tu mose, nandemae tuchi ra erese cote. Erā si ra nandeico tuchi cote.

³ “Jesucristo ra tu sembuturā” ae i icuate quia uchiangui re nae, ũqui ndiqui siqui turā tuchi ũqui. Jesucristo rā sí.

⁴ Mbae icuā naa naasa rei Dios cheē mumbasa. Eicuāte Dios cheē mumba.

⁵ Jesucristo que tu mano nandeicua mbutiā nandesī ra. Mbae icuā ngue esaā jiri jiriā tuchi quia ra. ũqui jēicuate quia ā.

⁶ Ae siqui quia Jesucristo rese nae, ũqui nda mbae icuā mo saā eā. Ae siqui quia mbae icuā ndese, ũqui nguiā eicua eāte nguiā.

⁷ Seriiṛi, emo nda jembiiṛi iri chī ñee ñooño jēje jē. Ae mbae turā saā saā nguiā, eturā ño ũqui nde. Jesucristo rā sí chō ũqui nde.

⁸ Ae mbae icuā saā saā nguiā, diablo rimba chō ũqui nde. Diablo riqui mbae icuā naa naa mbei co. Cose ndare bei. Diablo chiao mbuquiachā sacua ño ngue Dios riiri ndu ra.

⁹ Nande Dios riiri mose, mbae icuā nandesā aroneate. Dios quiatu ngue nguico mee nguiā nande je. Nyebe nandeico nguiā mbae icuā naa aroneate ā. Eriiriṛte quia nande re.

¹⁰ Ae Dios riiri nae, ae Dios riiriā no nae, ũqui abe aba chiicuate. Emo nyesecua eā mose ngōngue rese, diablo riiri ño ũqui nde. Emo mbae turā naa naa eā mose, diablo riiri ño ũqui no nde.

Nandechesequa chō nguiā nandechiese

¹¹ Cose ndare bei que jēingo ā andu ra: nandechesequa bei chō nguiā nandechiese.

¹² Caín na nda jēingochi jē. Diablo resenda chō ae re. Nyebe ngōngue iquia nguiā. ¿Mbaerā ño ngōngue iquia chā? Echisaā saā icuāte quiatu ngue eriqui nguiā. Enongue chisaā nguiatu ngue eturāte riqui nguiā.

¹³ Jesús quiatoā jēucuaāyā mose, jenyuruirate chī nda mae erese jē.

¹⁴ Nanderaaque rā eā ño nandeico nguiā ā cote. Dios nandereco mingo tuchi quia co cote. Nandenongue rese nandeico nyesecua ā cote. Nyebe nandeico nguiā “nanderaaque rā eā ño nandeico nguiā ā cote,” i. Ae nyesecua eāte quia ngōngue rese, eraaque rā mbei tuchi chō ũqui ndiqui nguiā ũqui.

¹⁵ Emo ngōngue ucuāyā mose, mbia iquiasa rā tuchi chō ũqui nde. Dios ra aba iquiasa mingo bei eā.

¹⁶ Jesús que mano nande je ra. Nyebe nandeico nguiā “Jesús riqui nyesecuate nanderese co” i. Eī nande quiatu quia nyesecua nandenongue rese. Nandeteā teā eā ño mano sacua nandenongue riī.

¹⁷ Nandequeteā tuchi aroneate nandembae rese mbaecha reā mo je. Emo ia eā eā mose mbaecha reā mo ndese, ¿mañi ño nda equia nyesecua Dios rese uchiangui re?

18 “Aico nyesequate mbia rese co” nande chooñochí nda equia jê. Mbae turã quiatu nandesaa saã tuchi quia ee.

Nandeireĩ ireĩ eãte equia ñee Dios je ã

19 Nandehesecua mose mbia rese, Dios resendate quia nande re. Nandechiã ngoi turãte.

20 Nandechiangui renda nandemundua ndua mose nandeicua ndese, Dios quia rei equirãcuã tuchi ùqui si. Ae quia mbae icua jate nguia.

21 Nandechiangui renda nandemundua eã mose nandeicua mo ndese, nandeireĩ ireĩ eãte quia ñee Dios je ã.

22 “Mbae mo embu seje” nande mose Dios je, mondo ra nande je. Echeẽ nguia nandemumbayãte nguia ã. Nyebe ra emondo nande je.

23 ã ndei Dios cheẽ ã, nande emumbayã sacuaã ã: “Serucucha jêicua Jesucristo jê. Jenyesequa chõ jenyiese Jesucristo cheẽ nguire jê”, i Dios quia nande je co.

24 Nande echeẽ mumbayã mose, nandeico beite quia erese ã. Ae abe riqui beite nanderese co. Espiritu Turã Dios mondo quia nande je nae, aque chõ nandembiirandu nguia ùqui ndese. —Dios riqui beite jeñiangui re co, i Espiritu Turã nguia nande je co.

4

Eĩ nande ra Dios quiato icua; Dios quia-toã abe icua

1 —Aico Dios cheẽ nenei nenei co, i ja jate raque mbia quia ã. Ñee ñooñote quiatu nguia ã. Ùqui ñee nda jêisi chooñochí nguia jê. —¿Ma Dios cheẽ nenei neneisa tuchi ma nde? jenyje tuchi rã eicua nyii.

2 “Jesucristo que tu ibate si mbiarã nda” i mose ùqui, Espiritu Turã ndiqui erese ùqui cote. Eĩ jenyje ra eicua.

3 “Jesucristo que tu mbiarã nda” i eã mose, Espiritu Turã siqui eã tuchi chõ nguia erese. Cristo ucuayãsa chõ ùqui nde. Se rei Cristo, ichõña ño nguia ã. Cristo ucuayãsa ra tu, i jeñandu quia nyii nae, aque riqui a cote.

4 Dios resenda rei jê, Seriiĩ. Ae siqui jeñiangui re co nae, ae quia rei equirãcuã tuchi ibi jenda si. Ae Dios cheẽ senei ñooño nguia nae, jê quiatu que jêquirãcuã tuchi ùqui si ra.

5 Dios quiatoã ño ùqui nde. Ibi jendachõ ño ùqui nde. Ibi jendachõ niĩ ño eriqui nguia ñee mbia je. Mbia ibi jenda achõ ño echeẽ ñandu nguia.

6 Nande quiatu Dios resenda tuchi re. Ae Dios icua quia nae, ùqui ndiqui nandechêe andu ùqui. Ae Dios icua eãte quia nae, ùqui nguia nandechêe andu sereãte nguia ùqui. Eĩ nande ra Dios quiato icua. Dios quiatoã abe icua.

Dios nyesequa tuchi mbia rese

7 Sechesequa, nandehesecua ja chõ nandehiese jê. Dios chõ nandembuchesequa nguia nandehiese. Nandehesecua mose nandehiese, Dios ririĩ ño nande re. Ùqui mose chõ nandeico nguia Dios icua ã.

8 Nandehesecua eã mose nandehiese, ã nguia nandeico nguia Dios icua eãte ã. Dios quia siqui nguia nyesequate nanderese co.

9 Dios que nguiriĩ miĩ mbu ibii ra. Nandemingo bei tuchi sacua erii. Nyebe nandeico nguia “Dios riqui nyesequate nanderese co” i.

10 Dios ae nyesequa aquiatute. Nande rane nguia nandehesecua eãte nguia erese. Ae rane nguia ngue nyesequa nguia nanderese. Nyebe nguiriĩ mondo nguia nandeicua ndiquicharõ sacua.

11 Sechesequa, Dios nyesequa tuchite quia nanderese co resê. Nyebe nande abe quiatu nandehesecua nandehiese.

12 Nandehesecua mose nandehiese, Dios riqui tuchi nandechiangui re co. Dios riqui nandembuchesequa tuchi nandehiese co. Aba mo mae eã ndaque erese.

13 ã nandeico tuchi Dios rese ã. Ae abe siqui tuchi quia nandechiangui re co. Espiritu Turã ngue Dios mondo nande je, ae chõ nandembiirandu nguia ùqui ndese co.

14 Dios que nguiriĩ mondo mbia rirõ ja sacua huicua si ra. Uremae ngue erese ra. ã ureico erenei nenei ja mbia je ã.

15 “Jesús rei Dio s ririĩ” nande i mose, Dios riqui tuchi nandechiangui re co. Ùqui mose nande abe nandeico tuchi erese ã.

16 Dios riqui nyesequa tuchite nanderese co. Ùqui nandeicua tuchi quia ã cote. Nandehesecua bei mose Dios rese, ã nandeico tuchi erese ã. Ae abe riqui tuchi nandechiangui re co.

17 Nandeico mose Dios rese, ae riqui nandembuchesequa uchiese co. Nandehesecua tuchi mose erese, nandeico sibicheãte esi ã. Nandesiquiche ãte ra esi mbia icua mbasi mose. Nandembasi ãte ra mbia chabe. Jesucristo raãte quiatu nandeico nguia nande ã.

18 Nandesiquiche mose Dios si, nandehesecua tuchi ãte quiatu nguia erese nandechiangui re ã. Nandehesecua tuchi mose erese, nandesiquicheã nda esi. Nandesiquiche mose Dios si, nandesiquiche chõ nda nandembasi.

19 Dios rane ngue nyesequa nanderese nyii ra. Nyebe nande abe nandeico nguia nyesequa erese ã cote.

20 “Achesecua quia Dios rese co” i mose emo, ngõngue ucuayã mose, ñee ñooño je chõ ùqui nde. Nandehesecua eã mose nandemongue rese, Dios abe rese chõ nandeico

nguiã nyesecea eã no. Dios rese quia nandeico nguiã mae aroneate.

²¹ ã i que ñee nande je ra: Ae nyesecea quia Dios rese nae, sã nyesecea ngõngue abe rese.

5

Jesús quiato “qui jê” i mbae icuã je

¹ “Dios chimondo rei Jesús” nande i mose, Dios ririñ ño nande re. Emo ndese nandechesecea mose, eririñ abe rese ra nandechesecea.

² Nandechesecea mose Dios rese, echeẽ nandemumba eã mose, Dios ririñ ja rese abe chõ nandeico nguiã nyesecea ã.

³ Dios rese nandechesecea mose, echeẽ nandemumbayãte quia ã. Echeẽ mbaranguiatuã eãte riqui nande je co.

⁴ Dios ririñ mose nande, ibi jenda icuã nandesiquisã quisã ño nguiã nandechesi ã. Nandeico Jesucristo icuate ã. Nyebe nandeico nguiã “qui jê” i mbae icuã ibi jenda je.

⁵ Jesús icuasa achõ nda “qui jê” i mbae icuã ibi jenda je. —Dios chimondo rei Jesús, i je ra “qui jê” i ibi jenda icuã je no.

Dios siqui ñee mbei Jesús quiato chianguí re

⁶ Jesucristo que tu ibi ra. I je que Juan bautizar i ee ra. Eruqui que uchẽ emano mose ra. Ûqui Espiritu Turã senei senei nguia nande je ã. Ae ñee ñooño eãte quia co.

⁷⁻⁸ Tres riqui nandembiirandu randu Jesús rii ã. Espiritu Turã nane. I abe no. Jesús ruqui abe no. Ûqui ja riqui nandembiirandu randu Jesús rii ã. Hue ri ja chõ ùqui tres riqui nguiã ñee.

⁹ Eĩ sí que Dios ñee Jesús rii nande je ra. “Ae bei”, nande chõ nguia ee. Sã nandeico mbia cheẽ mo isi turã no. Dios cheẽ nguiatu nandeisi turã tuchi.

¹⁰ Ae Dios ririñ icua quia nae, ùqui je quia Dios riqui nguiã ñee mbei echianguí re Jesús rii. Ae “eno” i ãte quia Dios cheẽ je nae, “ichõĩñosa chõ Dios cheẽ nde”, isa chõ ùqui nde. “Eno” i ãte quiatu nguiã Dios ñee mose Jesús rii.

¹¹ Dios nandemingo bei quia co. Nguiriñ nã ño eriqui nguiã nandemingo bei co. Ûquiñ nã ño Dios riqui nguiã ñee nande je.

¹² Ae chianguí re Dios ririñ ndiqui nae, ùqui nda Dios mingõ bei. Ae chianguí re eriqui eãte nae, ùqui nguiatu ra emingo bei eã.

Juan embesa hui bei

¹³ A aico ã mbesa jêje a. Dios ririñ icuasa je a. “Dios ra semingo bei” jentye sacua eicua jeñiangui re.

¹⁴ Nandesiquicheã nguia ñee Dios je ã. “Mbae mo embu seje”, i mose ee, mondo ra

nande je. Nandendua mose ae rã sí, mondo ra nande je.

¹⁵ Nande ache i mose ee ra nandendua. “Aque embu seje”, i mose ra emondo nande je. Nandeico ùqui icuate ã.

¹⁶ Nandemae mose nandenongue rese mbae icuã naa naa mose, nandechẽ Dios je eriñ. Dios ra emingo turã cote. Aque mii mbae icuã ndiqui mbia mbuquiachã icuã mbei co. Emo aque icuã naa mose, “jeñee Dios je eriñ”, ae ãte quia jêje co. Ûqui nda quiachã mbei chõ.

¹⁷ Mbae icuã naa naa mose rei eicuã tuchi. Aque mii mbae icuã nguiareí mbia mbuquiachã mbei mondo tata cuãsuu.

¹⁸ Dios ririñ mose nande, nandeico ãte quia mbae icuã ndese ã. Jesús riqui nanderaarõ mbeite mbae icuã si co. Satanás nandembicuã eã sacua.

¹⁹ Nande rei Dios resenda. Ûqui nandeicuate quia ã. Mbia ataque quiareí Satanás ndesenda tuchi. Eicuã ndesenda tuchi.

²⁰ Dios ririñ ngue tu nandembaaquiatu sacua Dios rii nda. Dios ichõĩñosa reã nã. Ichõĩñosa reã ño eririñ abe no nde. Ae rese nandeico tuchit e quia ã. Aba mingõ beisa chõ ae re.

²¹ Seririñ, Dios aba reã ndese ra jêjingoçhĩ. Amén.

SEGUNDA CARTA DEL APOSTOL SAN JUAN

Achesequate jendese, i Juan

¹ Juan ndei se. Ameite se. A aico ã mbesa mbesa ndeje a, Ari. Dios chiirabo tuchi chõ nde re. Nderiirĩ je abe aico ã mbesa mbesa a. Co aico nyesequa tuchi jendese co. Dios rese quia jëingo tuchite nguiã ùqui. Nyebe Dios quiato riqui nguiã nyesequa jate jendese ùqui.

² Achesequa tuchite quia jendese co. Dios cheë nguiatu siqui beite quia nandechiangui re co.

³ Dios rei nanderu. Jesucristo rei eriirĩ. Sã ùqui ndiqui turã jendese. Sã ùqui ia eã tuchi riqui jendese. Sã ùqui ndiqui jembia bei tuchi. Ùqui ndiqui nyesequa tuchi jendese ùqui. Ùqui ñee ñooño eã tuchi quia ùqui.

⁴ Nderiirĩ mo ngue chi tuchi Dios cheë ndese seje ra. Seya tuchi que ùqui mose ra.

⁵ Nandechesequa ja chõ nguia nandechiese. Dios cheë yasu eã ño ã nde. Dios cheë ñiinda bei chõ ñene.

⁶ Nandechesequa mose nandechiese, nandeico Dios cheë ndui sí ã. —Jenyesequa chõ jenyiese, i quiatu ngue Dios nande je re. Cose ndare bei chõ jëingo nguiã ùqui andu ã.

Aba mbĩrĩ irĩsa

⁷ Mbia tubiriã ndiqui aba mbĩrĩ irĩte ã cote. Jesucristo que tu ibate si mbiarã nda, i sereã nea. Cristo ucuayãsa, i chõ ùqui je re. Aba mbĩrĩ irĩsa, i abe que ùqui je ra.

⁸ Cochee chõ jëingo. Mbae jësaã iru iru eã sacua Dios je. Ùqui mose ra Dios jenyisaã sibishorõ turã tuchi jëje.

⁹ Emo icha mose Cristo cheë si, Dios resenda eã ño ùqui nde. Emo siqui bei mose Cristo cheë ndese, Dios resenda tuchi chõ ùqui nde. Cristo resenda abe no.

¹⁰ Emo mbia mbaaquiato quiatu mose Cristo cheë ndui si eã, ùqui jëisi turã eã ño nguia jenyuchúaa. Jeñee turã turã aroneate ee.

¹¹ Ae ñee turã nguia ee ùqui ñi nae, ae abe chõ eicua ndiqui nguiã erã sí.

Juan embesa hui bei

¹² Mbae tasenei ja tuchi jëje, ae rei que se ra. Ambesa oco sereãte mondo jëje. Tambuchecua tuchi chõ oso ñee jëje, ae que se ra. Nandeya tuchi sacua nandechiese.

¹³ Dios chiirabo tuchi chõ ndenongue re. Eriirĩ ja saludos mondo quia ndeje aque. Amén.

TERCERA CARTA DEL APOSTOL SAN JUAN

ndeje aque. Saludar ere sequiato hue jenda ja je.

Gayo turâte que eriqui Dios je ra

¹ Juan ndei se. Ameite se. A aico ã mbesa mbesa ndeje a, Gayo. Aico nyesequa tuchite nderese co.

² Sechesequa, acheẽ mbeite quia Dios je nderiĩ co. Dios nemingo turã sacua. Nderete abe mingo turã sacua no. Sã ereico siqui tuchite Dios rese no.

³ Seya tuchi que jirandu mose nderese ra. Nanderesenda mo ngue ngaẽ sembiirandu nderese ra. —Gayo riqui tuchi Dios rese aque, i que sembiirandu ra.

⁴ —Nderiiri nyi tuchi Dios rese pee, i mose seje, sembia beite equia co. Uqui nguiatu sembia tuchi nguiã mbae mo si co.

⁵ Sechesequa, ereico turã tuchi nanderesenda je huee. Ishonda je abe no. Mbae turã eresaã saã mbeite quia ee huee.

⁶ Urechumunua mose que Dios quiato mo urembiirandu ndeturã ndese ra. —Nyesequa tuchi que urerese ra, i que euaẽ ñee ure je ra. Mbae turã emondo mondo bei ee, embucuata turã sacua. Ei mose ra Dios ia tuchi nderese.

⁷ Jesús riĩ nguiatu uqui ndiqui nguiã ngata mbia mbaaquiato quiatu. Mbae mo nda eisi chooño eã Jesús icuasa reã mo si.

⁸ Nyebe nande chõ mbae nandemee mee ee. Dios cheẽ nenei neneisate quia uqui nde.

Diótfes ucuasu raã ñooño

⁹ Papel jua que ambesa rei mondo jeñumunua ji je ra. Diótfes quiato seosei chiãte nguiã. —Se mii ño ererecuara, ite.

¹⁰ Huee seso mose ra Diótfes icua asenei jẽ ja je. Ae icua esaã ure je nae, uqui. Nanderesenda abe isi teã teã nyee. Emo eisi turã sete mose, ñee asi asi chõ nguiã aque abe je no. Mombo chõ nguiã hue si no.

¹¹ Sechesequa, ereicochi nda eicua mo ndui. Etura ndui chõ eico. Etura nduinda quiarei Dios resenda. Ae siqui quia eicua ndui, uqui ndei Dios resenda eã.

Etura tuchi, i Demetrio je

¹² Demetrio quiarei eturã tuchi. Co eriqui tuchi Dios rese co. Mbia ja abe ñee turâte quia eriĩ uqui. Se abe acheẽ turâte quia eriĩ co. Acheẽ ñooño ãte que se quia jẽje resẽ.

Juan embesa hui bei

¹³ Mbae tasenei ja tuchi ndeje, ae rei que se ra. Ambesa oco sereãte mondo ndeje.

¹⁴ Namu jiri ra amae nderese reae. Aque mose ra nandechẽ tuchi nandechue.

¹⁵ Sã Dios nembia turã mbei mingo. Nandequiato a jenda ja saludos mondo quia

LA CARTA DEL APOSTOL SAN JUDAS

Judas embesa Dios chiirabo je

¹ Judas rei se. Jesucristo rimba. Jacobo nongue rei se. Á ambesa quia jêje a. Dios chiirabo je. Dios que jêirabo ino icúe umbaerã nda. Dios ríqui nyeseuca tuchi jendese co. Dios ríqui jenderecoquiato bei Jesucristo mbaerã co.

² Sã Dios ríqui ndua bei jendese. Sã eriqui jembia bei. Sã eriqui nyeseuca bei jendese.

Ae Jesús quiato saã ñooño nguia

³ Jesucristo nandemingo beisa ríi ngue ambesa seese rei nguia jêjê. Ae mbia mbaa tambesa jêje. Jêingo eã nonde erese. Úqui ñee icuã icuã mose Dios cheê ñii, echeê jêsbishorô. —Dios cheê tuchi chõ ñene, jenje tuchi quiato quia Dios cheê ndiquisã quisã mbia icuã si. Dios quiato ngue ucheê mondo ja nguia nguesenda ja je.

⁴ Dios quiato raã naasa mo ndiqui mbia mbaaquiato icuã icuãte úqui. Úqui siquiã tuchi chõ nguia Dios rese úqui. —Sã Dios ríqui aba icuã mbutiã uturã je c o no jê. Nyebe mbae icuã icuã nandesaã i chõ jê, i chõchí nguia úqui. Jesucristo cheê ndui eã tuchi chõ úqui nde. Nanderereuca cheê ndui eã. Cosete que Dios úqui mbicúe embasi sacua nda. Mbasi mbasi bei ra equia cote.

⁵ Mbae tasenei na jêje. Jêicuate raque. Taemunduabe erese. Dios ngue judíos sirô ja rei nguia Egipto si cose. Mbiam hue jenda icuã icuã mose ee. Úquinde que siqui sereã Dios rese cote ra. Nyebe Dios eiquia nguia.

⁶ Sã ángeles mo je Dios ñee ndei no jê. “Aa jêingo aa”, sã i rei ee no jê. Sã Dios cheê mumba chõ no jê. Sã Dios ríqui etarô i nderequia itondaruqui re co no. Embasi mbasi bei sacua cote.

⁷ Sã Sodoma jenda no. Sã Gomorra jenda no. Sã úqui ndurubinda ja no. Siqui chooño eã. Mbae icuã naamba amba. Siqui siqui emo ninisi rese. Eruã mo ndese abe no. Nyebe que Dios úqui mombo tata cuásuu ra. Mbae rasi ra esaã mbei u huee cote. Mbiam mundua ndua sacua ño úqui nde.

⁸ Ae Dios quiato saã saã nguia nae, úqui ndiqui ndua icuã icuã mbei úqui. Nyebe eriqui nguia nguete mbiicuã úqui. Aba cheê mumba. Ñee icuã ángeles ibatenda abe ríi no.

⁹ Sã Miguel ángel rereuca no. Sã ñee asi asi nyue diablo rese no. Moisés rete ríi. —Mbae icuã tasaã ndeje, i eã ngue diablo je ra. —Dios quiato ra mbae rasi saanguquia ndeje, i chõ ngue ñee diablo je ra.

¹⁰ Ae Dios quiato saã saã nguia nae, úqui ndiqui ñee ñooño mbae uchiicuayã ñii ã. Ae

eicuate quia mbae nae, úqui ndese siqui turã eã. Siqui chooño eã úqui ndese. Nyebe ra Dios embasi tuchi cote. Quiaa ríinda quia mbae icua jiri nguia úqui si.

¹¹ Aba mbia eã tuchi chõ úqui nde. Cain na tuchi chõ eriqui nguia mbae icuã naa naa úqui. Balaam abe rã si chõ eriqui nguia icha icha Dios si úqui. Mbae isiquia achõ ndese siqui sacua. Aba cheê mumba mumba bei chõ nguia Coré rã úqui. Nyebe ra Dios mbae rasi saanguquia ee Coré rã si.

¹² Ae Jesús quiato saã saã nguia nae, aba ireingua tuchi chõ úqui nde. Jeñumunua nua mose quiaru sacua nyiese, úqui ndiqui quiaru chooño ño úqui. Mbae abe mbei chooño. Ico chooñoa abe mbia mo je. Mbiam reaquiatusa mo na eã. Nguete mii ño úqui teaquiato nguia úqui. Sã ibei rondei ríqui raque pã i mose no. Sã eriqui nyaaquã no jê. Sã quirirã ndiqui ibei rondei rerao no jê. Úqui na ño Dios quiato raã naasa ríqui nguia ã. Mbae iabae je rã abe chõ eriqui nguia ã. Ira shi rã abe no. Ira ríqui jã rã abe no.

¹³ Ama ndebera rã abe chõ úqui ndiqui nguia úqui. Mbiam mbaaquiato quiato mose, i ríchoi rã ño úqui nde. Sã nyasitata ríqui oso nguenda recha no. Eí si chõ úqui nguia úqui. Nyebe ra mbae rasi raã tuchi itondaruqui re.

¹⁴ Enoc abe que ñee úqui icuã ñii nda. Adán ndiirí nducucha rei ae. Eí ngue ñee nda: “Dios ra tu ngũimba tubirã ndese.

¹⁵ Mbiam icuã mbasi ja ra eu. Ae icuã mbia saã saã nguia nae, úqui ndese ra mae ja. ‘Mbae icuã asaã áte resê’, i aroneate ra úqui cote. Ae ñee icuã nguia Dios ríi nae, Dios ra echeê icuã senei a e sí je cote. ‘Eí ere que equia ñee icuã serii nda’, i ra Dios ee. Echisaã icuã tuchi chõ úqui nde”, i que Enoc ñee cose ra.

¹⁶ Echiichati tuchi chõ úqui nde. Ñee icuã mbei equia emo ñii úqui. Ae rese eriqui sete nae, úqui mii ndese chõ eriqui nguia ndua úqui. Ucuasu raã ñooño. Uchuru mondo chooño. Ñee turã abareã nea emo je. Mbiirí irí ño nguia ñee turã abareã nea ee.

Á jêsaã saã, i Judas Jesús quiato je

¹⁷ Jê nguia rei Jesús quiato tuchi. Jesús chimbaaquiato cheê si jêtesarei eã. Á ndei echeê ã:

¹⁸ “Mbae ua ja nonde ra mbiam iquia iquia Dios cheê je. Ae icuã ndese eriqui sete nae, úqui mii ndese chõ nda eriqui nguia ndua”, i que Jesús chimbaaquiato ñee cose ra.

¹⁹ Mbiam mbuqueta quetasa tuchi chõ úqui nde. Ae ebite mbae icuã nae, úqui ndese achõ ño eriqui nguia ndua. Espiritu Turã siqui áte echiangui re.

²⁰ Jê nguia jeñimbiracuã tuchi quia Dios rui. Dios jêicua tuchi. Jêfee mbei Dios je. Sã

Espíritu Turã ndiqui jembucheẽ mbei Dios je.

²¹ Jẽingo bei quia Dios rese. ¶ nda jeñee. —Nyesecua tuchi chõ equia nanderese re, i. Jesucristo ia eã tuchi que nanderese ra. Nyebe ra nandemingo bei tu mose. Ûquĩ jẽsaarõ mbei quia.

²² Ae Dios tiisu isu quia nae, ùquĩ jembuti mbuti quiatu quia Dios cuti.

²³ Mbia icuã mo abe jemingo Dios rese. Tata si erirõ naanguia jemingo Dios rese. Eicuã tuchi raque. Jẽingo tuchi quiatu quia Dios rese. Ûquí icuã uba eã sacuã jendese.

Judas ñee turã Dios rĩ

²⁴ Dios mii ño jendeaquiato bei nguiã jembücha eã sacuã. Dios mii ño jeñiangui renda icuã mbuchiabo nguiã jemingo sacuã uchiese. Dios mii ño jembia bei nguiã no.

²⁵ Dios mii ño mbae icua ja nguiã. Dios mii ño nandemingo bei nguiã Jesucristo rĩ no. Ae je ra mbia ñee turã mbei quia. Ae rei eturã tuchi. Ae rei ererecua tuchi. Ae rei equirãcuã tuchi. Eĩ mbei chõ ae re. Amén.

APOCALIPSIS O REVELACIÓN A SAN JUAN

Jesucristo mbae mbuchecua

¹ Juan ño se re. Mbae tasenei jêje. Ae ra nyecua namo nae, ùquí tasenei jêje. Dios rane ngue embuchecua Jesucristo je ra. Jesucristo que ángel mbu sembiirandu sacuã erese cote ra. Se jembiirandu sacuã erese cote.

² Nyebe aico nguiã Dios cheẽ mbuchecua checua jêje co. Ae Jesucristo senei senei nguia seje nae, ùquí ño asenei senei nguiã jêje co. Ae rese semumae nae, ùquí abe chõ asenei senei nguiã jêje co.

³ Ae ra mae mae nguia sechimbese rese nae, Dios turã tuchi ra eriqui ùquí je. Ae ra nyiisaquia turã sechimbese rese nae, Dios turã tuchi ra eriqui ùquí je no. Achite secheẽ ñi ique a cote.

Juan ucheẽ mbesa mondo siete iglesias je

⁴ Se rei Juan. Jê siete iglesias Asia jenda je aico ã mbesa a. Sã Dios riqui uturã ndeacuquia cuquia jêje. Sã Dios riqui jembia bei mingo. Ae chõ siqui bei nguiã co. Ae siqui beite quia nyii no. Ae ra tu emo mose no. Sã Espiritu Turã abe riqui uturã ndeacuquia cuquia jêje. Ae chõ siqui nguiã mangue chooñoa ja co. Mbae raã naa Dios je.

⁵ Sã Jesucristo abe uturã mee jêje. Ae que nandembiirandu turã tuchi Dios rese ra. Ae rane ngue quera si manonde ra. Ae quia rei equiracuã tuchi mbia rerecua mo si. Ae riqui nyesequa tuchite nanderese co. Ae que nandembi nandembi si nguqui je ra.

⁶ Ae que nandemingo bei ngu res e erimbarã nda. Nande mbae raã naa sacuã Dios je. Sã mbia riqui ñee turã turã mbei Jesucristo je. Ae ra ererecua bei. Amén.

⁷ Jesucristo ra tu ibei si. Mbia ra mae ja tuchi equichi rese. Mangue jenda chooñoa tuchi ra mae ja erese. Ae Jesús iquia nyii nae, ùquí abe ra mae erese no. Mbia ra siquichete nyeseo mae mose erese. Ae bei. Amén.

⁸ —Co aico beite querabe co. Mbae eã mose que aico se rane nyii ra. Mbae ua ja mose abe ra aico bei querabe no, i que Dios ra. Equiracuã mbeite riqui co. Ae chõ siqui bei nguiã co. Ae siqui beite quia nyii. Ae ra tu sí emo mose.

Juan mae Jesús rese cuu

⁹ Se rei Juan. Jendesenda chõ se re. Nandeico ñumbiracuã jate mbia icuã icuã mose nande je ã. Jesucristo rii. Ae sí chõ nandembiiracuã nguiã co. Ae sí chõ nandererecua ja riqui nguiã co no. Ama ndisha joõ

ngue mbia sereru aa ra. Aa semingo isho mbia si a. Se Dios cheẽ nenei nenei eã sacuã. Mbia mbiirandu eã sacuã Jesucristo rese. Patmos, i que a ejoõ acua je ra.

¹⁰ Aa sereco mose que Espiritu Turã mbae reacuquia seje cuu ra. Domingo mo mose. Emo ngue ñeemombo seje sequite quiti cuu ra. Echeẽ ngue serasate ra.

¹¹ —Se ae que aico bei mbae eã mose nyii resẽ. Mbae ua ja mose abe ra aico bei no, i que seje ra. —Ae ra eretea cuu nae, ùquí embesa papel rese. Ndechimbese emondo rã siete iglesias Asia jenda je. Efeso, Esmirna, Pérgamo, Tiatira, Sardis, Filadelfia, Laodicea. Ùquí jenda ja je ndechimbese emondo, i que ñee seje cuu ra.

¹² —¿Aba ñee nguia seje re? ae que uba mae nda. Siete candeleros oro ao ji rese que amae nda.

¹³ Ùquí ite re que mbia raanguia mo ñi juã nda. Dios riri ño eriqui reaẽ. Huirao oco que ecunua nda. Eichuã ati tuchi que eirao ra. Oro ao ji chõ ngue eishia cuasa ra.

¹⁴ Eashí tuchi que ra. Tata rendi rã tuchi que eresa ra.

¹⁵ Ei nininyate que ra. Bronce rã. Ama ndieu rã ño ngue echeẽ nda.

¹⁶ Nyasitata siete que equereco oo ra. Uquiatocuti que ererequia ra. Espada que equereco uchúruu ra. Erimbe tuchi que ra. Erimbe chobei que ra. Eruba nininya tuchi que ra. Sã tenda nininyate riqui nandeite re mose no.

¹⁷ Semae mose erese que sesiquiche tuchi ra. Mbia raaque rã ngue aso ngoi ejii ra. Oco que serese oo uquiatocutinda je ra. Ñee ngue seje ra. —Eresiquichechí nguiã sesi. Ae siqui beite quia querabe nae, ae chõ se re.

¹⁸ Seraaque rei que nyii ra. Aico bei querab e co cote. Mbia mingo beisa chõ se re. Secheẽ mose ra mbia mano. Secheẽ mose ra mbia riqui bei querabe no.

¹⁹ Ae rese eremae nae, ùquí embesa rã. Ae atecuquia cuquia quia ndeje namo nae, ùquí abe embesa no. Ae ra nyecua nyecua emo mose nae, ùquí nonde embesa jei rã.

²⁰ Siete candeleros rese que eremae namo, siete iglesias rã ño ùquí nde. Siete nyasitata rese que eremae séoo, siete iglesias rerecua rã ño ùquí no nde. Jesús quiato rerecua rã ño ùquí nde, i que ñee seje ra.

2

Cristo ucheẽ mondo uquiato Efeso jenda je

¹ Jesús que ñeembe seje ra. —Dios quiato rerecua Efeso jenda je ã embesa rã. Æ embesa rã mondo ee: “Cristo que ñee jêje ra. Ae siete nyasitata quereco oo nae, aque. Ae

ngata quia siete candelero ite rĩ nae, aque sí chõ ñee nguiã jêje aque.

² ã ngue Cristo ñee jêje ra: 'Jenyisaã turã aicuate quia co. ã jêingo quiei quiei tuchite seje ã. Jeñimbirãcuã tuchite quia mbae icuã si ã. ã jêingo jiri jiriãte mbia icuã ndese ã. Ae sequiato rerecua saã ñooño nguia nae, jê ngue ùquĩ jêisiã nda. "Ma Jesús quiatote", jenyete turã tuchi que ra. "Ichõñosa chõ ñene" jenyete chõ ngue erĩ nda.

³ Jeñimbirãcuã turãte que equia ra. Mbae rasi que jesaã nguia serĩ nda. Jêquiei quiei tuchite que seje ra. Jêhui eã mbeite equia sesi ã. ùquĩ jesaã turã jate rei nguiã ã.

⁴ ã nguia sembia eãte nguiã ã. Jenyese-cua eã jirichĩ equia serese jê nguia tũ cote. Seicua ramo mose que jêote serese nyii. Jenyesequate que equia serese nyii. Eĩ jenyete eã ñochĩ equia ã cote.

⁵ Jendua rã ùquĩ ndese ae. Jenyesequabe jiri serese ae. Jemba eã mose serese, jaem-butia nda u. Sequiato eã nda jê cote, jemba eã mose serese.

⁶ ã abe sembiante quia jendese ã. Ae siquĩ quia Nicolás rese nae, ùquĩ nyisaã jêucuyãtequia ùquĩ. Se abe aucuayãte quia co no. ùquĩ nyisaã icuãte riqui ùquĩ.

⁷ Jêisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae, ùquĩ jeñandu rã: Ae "qui jê" i beite quia Satanás quirãcuã je nae, ùquĩ nda amingo turã mbei ibate Dios rese', i que Cristo jêje ra", ere chõ embesa mondo sequiato Efeso jenda je.

Cristo ucheẽ mondo uquiato Esmirna jendaje

⁸ Dios quiato rerecua Esmirna jenda je ã embesa rã. ã embesa rã mondo ee: "Cristo que ñee jêje ra. Ae rane ño ngue siquĩ bei mbae eã mose nyii ra. Mbae ua ja mose abe ra eriqui bei no. Ae que mano ndei nyii ra. Manonde eriqui beit e co no. Aque sí chõ ñee nguiã jêje co.

⁹ ã ngue Cristo ñe e jêje ra: 'Jenyisaã turã aicuate quia co. Mbia icuã icuãte riqui jêje serĩ ùquĩ. Mbaecha reãte jêingo ùquĩ. Dios quiatu siquĩ tuchite nguiã jendese co. Ae Dios chuirabo saã ñooño nguia nae, ùquĩ ndiqui ñee icuã mbeite jeni ùquĩ. Satanás chuirabochõ ño ùquĩ nde.

¹⁰ Ae ra jesaã saã mbae rasi nae, ùquĩ mo si ra jêsiquichechĩ jê. Satanás nda jemo tarõ mĩ. "Ma nyao Dios si", i sacua ño ùquĩ nde. Diez días ra jêingo mbae rasi raã naa. ùquĩ mose, jêingo bei Dios rese. Mbia ra jêiquia serĩ. ùquĩ mose nda jaemingo bei Dios rese cote chã.

¹¹ Jêisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae,

ùquĩ jeñandu rã: Ae "qui jê" i beite quia Satanás quirãcuã je nae, ùquĩ nda Dios mondo eã tata cuásuu', i que Cristo jêje ra", ere chõ embesa mondo sequiato Esmirna jenda je.

Cristo ucheẽ mondo uquiato Pérgamo jendaje

¹² Dios quiato rerecua Pérgamo jenda je ã embesa rã. ã embesa rã mondo ee: "Cristo que ñee jêje ra. Ae espada rimbe chobei quereco nae, aque sí chõ ñee nguiã jêje co.

¹³ ã ngue Cristo ñee jêje ra: 'Sucha tubiriã jendecua aicuate quia co. Mbia hue jenda siquĩ tuchite quia Satanás ndese ùquĩ. Jê ae chõ jêingo nguiã serese ùquĩ. Jêhui eãte equia sesi ùquĩ. Mbia icuã sequiato iquia raque hueue jendécuaa. Antipas, i rei ngue aque sequiato je re.

¹⁴ ã nguia sembia eãte nguiã ã. Balaam na tuchi chõ jemo jemo ndiqui nguiã ùquĩ. Balaam nguiarei Balac mbaaquiato icuã icuã nyii. Balac Israel jenda mbaicua icuã nonde. Nyebe Israel jenda riqui nguiã siquĩ tuchi cuña icuã ndese. Dios abareã ndese abe no. Jemo abe chõ mbia jembicua icuã nguiã ùquĩ.

¹⁵ Ae siquĩ quia Nicolás rese nae, ùquĩ mo siquĩ chõchĩ nguiã jendese ùquĩ. ùquĩ ñee aucuayã tuchi quia co.

¹⁶ Jendua si rã jêicuã ndese. Nicolás re-senda jemombo chõ. Jemombo eã mose ra achu icuãte ee. Co espada areco sechúruu co nae, aque ra areco reco tuchi erese.

¹⁷ Jêisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae, ùquĩ jeñandu rã: Ae "qui jê" i beite quia Satanás quirãcuã je nae, ùquĩ nda amingo tuchi Dios cheẽ ndese. Dios cheẽ nda ùquĩ mingo bei. ùquĩ je ra sitashĩ ñetẽ mo amee. Sita ñetẽ ndese ra nombre yasu ambesa mĩ. Emee sacua ee. Emo nda sechimbesa icuayãte nombre yasu. Ae je ra amee, ùquĩ achõ nda eicua', i que Cristo jêje ra", ere chõ embesa mondo sequiato Pérgamo jenda je.

Cristo ucheẽ mondo uquiato Tiatira jendaje

¹⁸ Dios quiato rerecua Tiatira jenda je ã embesa rã. ã embesa rã mondo ee: "Dios rucucha que ñee jêje ra. Ae resa tata rendi saãte quia nae, aque. Ae i nininyate eriqui bronze rã nae, aque sí chõ ñee nguiã jêje co.

¹⁹ ã ngue Cristo ñee jêje ra: 'Jenyisaã turã aicuate quia co. Jenyesequate quia mbia rese ùquĩ. Mbae jesaã saã turãte quia Dios je ùquĩ. ùquĩ jêingo Dios icua tuchite ùquĩ. Jeñimbirãcuã turãte equia mbae icuã si ùquĩ no. Jenyisaã turã tuchite riqui cose ndare si ùquĩ.

²⁰ ã nguia sembia eãte nguiã ã. Jezabel naanguia siquĩ chõchĩ nguiã jendese ùquĩ.

¿Mbaerã aque cuña jêteachõ nde? Emombo rocoí jenyese. Dios cheê esenei senei ñooño ño nguia aque. Sequiatio mbaaquiatiu icuã icuã ño nguia aque. Sequiatio mingooño ño nguia cuña icuã ndese aque. Sequiatio mingooño ño nguia dios aba reã ndese aque no.

²¹ Jezabel naanguia que atisu isu chõ nyii ra. “Sã ndua sí huicua ndese. Sã eriqui chooñoa mbia rese”, ae rei que se nyii ra. Hui eã mbei chõ equia ùqui si aque re.

²² Nyebe ra ambasi tuchi cote. Ae siqui siqui quia erese nae, ùqui abe ra mbae rasi saã tuchi cote, ndua si eã mose huicua ndese.

²³ Ae siqui Jezabel icuã ndui nae, ùqui abe ra aiquia. Ùqui mose ra sequiatio jirandu ja sequirãcuã ndese. “Jesús mbia chiangui renda icua ja chõ nguia re. Mbã ndua ndua eicua ja chõ nguia re”, i ra sequiatio serí cote. Jëingo bei mose mbae icuã ndese, se abe ra mbae icuã amee jêje.

²⁴ Ae siqui eã nguia Jezabel cheê ndui jemo nae, ùqui je chõ tacheê cote. Jê nguiatu que jëimee áte Satanás je ra. Nyebe ra acheê tuchiã jêje. “Mbae mo ndese ra jëingochí jê”, ae eã nda jêje mbae mo ñi cote.

²⁵ Ae jëicuate quia serí nae, ùqui ndese jëingo bei querabe. Achu chee nda jêje chã.

²⁶⁻²⁷ Sã seru uquirãcuã me e seje no. Ae ra secheê mumbayã mbeite quia nae, ae ra “qui jê” i beite quia Satanás quirãcuã je nae, ùqui je ra sequirãcuã amee tuchi. Ùqui nda mbia rerecurã cote. Ùqui nda mbia icuã mbasi mbasi tuchi quia cote. Sã emo ño iquia iquia ira je no.

²⁸ Nyasitata turã na nda aico ùqui je.

²⁹ Jëisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae, ùqui jeñandu rã, i que Cristo jêje ra”, ere chõ embesa mondo sequiatio Tiatira jenda je.

3

Cristo ucheê mondo uquiato Sardis jenda je

¹ Dios quiato rerecua Sardis jenda je ã embesa rã. ã embesa rã mondo ee: “Cristo que ñee jêje ra. Ae siete nyasitata quereco oo nae, aque. Ae rese Espiritu Turã ndiqui nae, aque. ã ngue Cristo ñee jêje ra:

Jenyisaã aicuate quia co. Mbã raaque raãte chõ jëingochí nguia ùqui. Siqui eã Dios rese. Jëingo arõte raque equia Dios rese mbia je ùqui.

² Secheê ndese jenyiisaquia rã. Jeñimbrãcuã ño nguia siqu i Dios rese. Jëhui serí seríte chõchí nguia Dios si ùqui. Jenyisaã ndese aico mae maete co. Jenyisaã saã icuãte riqui Dios je ùqui.

³ Jendua jiri mbae rese ae. Ae rese jeñimbaaquiatiu nae, ùqui ndui jëingo tuchi

jiri ae. Jëicua si jëhui tuchi jiri ae. Jê secheê mumba mose, jaembuate bei ngasê jêje. Jendua eã mose ra asochí jêje re. Sã mbae mbuquiachãsa riqui aba mbuate no.

⁴ Jemo mi mi mbae icuã saã saã eãte quia ùqui. Ùqui ño nda siqui bei serese. Eiraoshí nda amee ùqui je. Mbae icuã ndese quiatiu que eriqui oco oco áte ra.

⁵ Ae “qui jê” i beite quia Satanás quirãcuã je nae, ùqui nda huiraoshí quereco quia serese. Ùqui nda siqui bei serese ibate. Ùqui mbae nombres ra achusi eã mbei. “ã ndei sequiatio tuchi ã”, ae ra Paba je. Angeles abe je.

⁶ Jëisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae, ùqui jeñandu rã, i que Cristo jêje ra”, ere chõ embesa mondo sequiatio Sardis jenda je.

Cristo ucheê mondo uquiato Filadelfia jenda je

⁷ Dios quiato rerecua Filadelfia jenda je ã embesa rã. ã embesa rã mondo ee: “Cristo que ñee jêje ra. Ae ñee ñooño eãte quia querabe nae. Ae mbae icuã saã eã mbeite quia nae. Ae ererecua tuchi riqui David rã si nae. Cristo eiquesa mbuquiata mose, emo ematã aroneate. Cristo ematã mose, emo embuquiata aroneate no.

⁸ ã ngue Cristo ñee jêje ra. Jenyisaã aicuate quia co. Jëquirãcuã miite jëingo raque ùqui. Seisi teã eãte que equia ra. Ùqui jëingo secheê mumbayãte ùqui. Nyebe que mbae ambuquiata mi eiquesa rã jêje ra. Jëingo tuchi sacua serese. Emo nda ematã eã.

⁹ Judíos ñee ñooño je ra amumae turã nyee jendese. Ùqui ndiqui Dios chiirabo raã ñooñote ùqui. Ùqui eriqui tuchite Satanás rese ùqui. Ùqui nda ñee turã nyee seje jeni. “Dios nyesequa tuchi chõ nguia ã ndese re. Judíos eã ndaque”, i chee ra jeni. Ngoi turã nyee ra jendese ñee seje.

¹⁰ Jeñimbrãcuã turãte equia secheê nguire ùqui. Nyebe ra jaendeaquiatiu turãte serequia. Mbã mangue chooñoa jenda mbae rasi raã ja mose ra jaendeaquiatiu tuchi serequia.

¹¹ Achu jei ra se. Ae jëicuate quia serí nae, ùqui ndese jëingo bei querabe. ã nda emo jembui eã Cristo si.

¹² Ae “qui jê” i beite quia Satanás quirãcuã je nae, ùqui nda amingo bei Dios récuua. Sembãe marca ra ami tuchi ùqui ndese. “Dios quiato” i tuchi ra mbia quia ùqui je. “Dios recua jenda” i tuchi ra mbia quia ùqui je no. “Jerusalén yasu”, i chõ nguia Dios recua je ã. Jerusalén yasu ra nguichi i ubate si.

¹³ Jëisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae,

ũqui jeñandu rã', i que Cristo jêje ra", ere chõ embesa mondo sequiato Filadelfia jenda je.

Cristo ucheẽ mondo uquiato Laodicea jenda je

¹⁴ Dios quiato rerecua Laodicea jenda je ã embesa rã. ã embesa rã mundo ee: "Cristo que ñee jêje ra. Ae ñee ñooño eãte quia querabe nae. Ae rane siqui quia mbae eã mose nyii nae. Ae ucheẽ mbuchebiã mbeite quia nae.

¹⁵ ã ngue Cristo ñee jêje ra: 'Jenyisaã aicuate quia co. Seya eãte aico jendese co. Jêhui tuchi ãte raque equia sesi ũqui. Jêingo tuchi eã ñochi equia serese ũqui no. Ei jenyje jenyete chõchõ equia ũqui. I ribebe rã ño jêingochi ũqui.

¹⁶ Sã emo ndiqui i ribebe mbei aroneate no. Mombo chõ nda uchuru si. Ei ae ra jemombo sechuru si no.

¹⁷ "ã ureico tuchite Dios rese ã", jenyje chooño ñochi equia ñimbirĩ irĩ ũqui. Aba mbia eã tuchi chõ jêingo nguiã ũqui. Mbaecha reã na ño jêingochi nguiã Dios je ũqui. Eresayã na ño jêingochi nguiã Dios je ũqui. Jëirao eã na ño jêingochi nguiã Dios je ũqui no.

¹⁸ Jêingo chõ nguia serese ae. f nda oro turã naanguia amee jêje. f nda mbae amee tuchi jêje. f nda tirushĩ naanguia amee tuchi jêje. f nda jëireĩ nguiãte jëirao eã si. f nda Dios cheẽ ambuchecua tuchi jêje.

¹⁹ Ae rese aico nyesequate nae, ũqui icuã icuã mose chõ aico nguiã eiruã nua. Emundua si sacuaã mbae turã ndese. Jëicuã si jêhui. Jendua sí Dios rese.

²⁰ Aico jëiquesa mbuu mbuu a. Jemo seandu mose, huiiquesa mbuquiata mose seje, aique ra ee. Aico bei ra erese cote. AQUIARU QUIARU ra se quia erese cote. ũqui abe ra quiaru quiaru quia serese cote no.

²¹ Ae "qui jê" i bei quia Satanás quirãcuã je nae, ũqui nda siqui bei serese se ererecua tuchi mose. ũqui abe ra amii mbia rerecuarã. Sã ñi aico "qui jê" i beite Satanás quirãcuã je nyii no. Sã ñi Paba semii mbia rerecuarã no.

²² Jëisa mose, Espiritu Turã ñee jeñandu rã. Ae Espiritu Turã ndiqui ñee iglesias je nae, ũqui jeñandu rã', i que Cristo jêje ra", ere chõ embesa mondo sequiato Laodicea jenda je, i que Cristo ñee seje ra.

4

Mbia ibatenda ñee turã ja Dios rii

¹ Aquere que amae ibate quti ra. Eiquesa raanguia que nyeequia mii seje ibei ra. Ae ñeemombo sequite quti serasate nyii nae, aque que ñee si seje cote ra. —Echu rã ibate. Mbae tateacuquia ndeje. Ae ra jei jei mbia

je nae, ũqui tateacuquia rã ndeje, i que seje ra.

² Aquere mose tuchi que Espiritu Turã mbae tateacuquia seje cuu ra. Dios rese que amae cuu ra. Huee que eñi ngoi trono tose ibate ra.

³ Enininya tuchi que seje ra. Sita rendi rã jasje rã. Cornalina na abe no. Ibei asa que chi trono mama nda. Ibei asa nininya tuchite que chi nda. Esmeralda rã.

⁴ Veinticuatro tronos que chi Dios mama nda. Veinticuatro amei ngue chi tronos tose ja ja ra. Huiraoshĩ ngue ecunui ja ja ra. Coronas oro ao ji que chiichi ja eãqui ndese ra.

⁵ Ama ngue sieu tuchi Dios mbae trõnoo nda. Ama ngue ñee tuchi trõnoo nda. Pirirã pirirã i tuchi que equia trõnoo nda. Siete tata rendi que chi Dios ruba quti ra. ũqui ndei Espiritu Turã na ũqui.

⁶ Ama ndisa raanguia que chi Dios ruba quti no nda. Eibera tuchi que ra. Mbae ato cuatro que chi Dios mama nda. Eresa ata atate que ũqui nda. Eruba quti que eresa ra. Equite quti abe que eresa no nda.

⁷ Nyacua rã tuchi que ũqui mo nda. Ticuasuu riri na ngue enongue no nda. Mbia ruba rã ngue enongue no nda. Nguira risha rã ngue enongue no nda. Aquere que mbebe quia ra.

⁸ Seis ja ja que ũqui jeo ra. Eresa ata ata tuchi que ejeo rese ra. ũqui cuatro que ñee turã mbeite quia Dios rii nda. Isa abe que eriqui ñee turãte Dios rii nda. Ei ngue equia ñee e nda:

Ndeturãte. Ndeturãte. Ndequirãcuãte ereico co, Dios.

Co ereico beite co.

Nyii que ereico beite no nda.

Mbae ua ja mose abe ra ereico beite no, i que ũqui nguia ñee ñee Dios je ra.

⁹ ũqui ndeco cuatro que ñee turã mbeite quia Dios je ra. Ae siqui beite quia co, aque je.

¹⁰ Amei veinticuatro abe que ngoi ngoi quia nguiã ndese ra. Ñee turã turã Dios je. Umbae coronas que echono chono ja Dios jii ra.

¹¹ Ei ngue equia ñee ñee Dios je ra:

Urererecua turãt e ereico co, Dios.

Nybe ureico nguiã ñee turã mbeite ndeje ã. Mbae que erechao jate nembraerã nda.

Erendua turãt e que mbae ao nonde nyii no nda,

i que ũqui nguia ñee turã turãte Dios je ra.

5

Emo libro equia aronea

¹ Dios que libro quereco quia oo cuu ra. Uquiato cuti que enunui trono tose ra. Libro mbesa ji. Equitera quti abe que embesa ji ra. Siete sellos je que ematã ji ra.

² Angel quirācuā mo ngue ñee nda. —¿Aba ra sellos ndoso libro equia re? i que ángel ñeemombo ra.

³ Mbia mo ngue sellos ndoso aroneate ra. Ibatenda. Ibi jenda. Ibiqúi riinda. Ūquí mo ngue sellos ndoso aroneate cuu ra. Nyebe mbia riqúi nguiā mae aroneate libro rese.

⁴ Nyebe que acheseo tuchi cuu ra. Mbia ja libro equia aronea mose. Mbia ja mae aronea mose rese.

⁵ Ūquí amei mo ngue ñee seje ra. — Erecheseochí nguiā. Jesucristo ra libro equia. Ae quia equirācuāte re. Ae quia Dios chíirabo rerecua tuchi re. David riri tuchi chō ae re. Ae quiatu que mbae rasi saā tuchi mbia icuā ndiquicharō nda. Ae quia ra sellos ndoso. Ae quia ra libro equia, i que amei ñee seje cuu ra.

⁶ Jesucristo que chí huee cuu ra. Oveja iquia ji rā ngue eñi seje huee cuu ra. Siete que erambashí nda. Siete que eresa no nda. Siete eresa rei Espíritu Turā. Sā Espíritu Turā mae mbae ja rese no. Jesucristo que chí Dios ruba quiti ra. Mbae reco cuatro joō ngue eñi nda. Amei abe joō ngue eñi no nda.

⁷ Dios que libro mondo Jesucristo oo cote ra. Dios chí mose trono tose.

⁸ Jesucristo libro isi mose que ūquí mbae cuatro ngói nguiā ndese ejii ra. Amei veinticuatro rese. Arpas que amei quereco reco ja ra. Mbae riru oro ao ji abe no. Incienso resebe. Incienso, i que mbae mbushimbusa oquiei mose ra. Dios quiato ñee mose Dios je, eí sí chō incienso ee re.

⁹ Ūquí amei ngue irasei rasei canto yasu mo je ra. Ā ño ngue irasei rasei nguiā: Nd e que mbia ndeiquia ra.

Nde que mbia mangué choñoa jenda ereisi Dios mbaerā nda.

Mbia cheemo ja ja eriqui nae, ūquí abe que ereisi ja Dios mbaerā no nda.

Mbia mbuae ja abe no.

Nyebe nde mii ño libro ereisi arōte nguiā co. Nde mii ño sellos erendoso arōte nguiā co. Libro rese mae sacuā.

¹⁰ Nde que uremii Dios rimbarā nda.

Ure mbae raā naa sacuā Dios je.

Mbia ibi jenda rerecuarā nda ureico cote, i que amei irasei rasei Jesucristo je ra.

¹¹ Angeles cheē ngue achandu cot e ra. Angeles que chí ūquí mama tuchi cuu ra. Dios mama. Mbae reco cuatro abe mama. Amei veinticuatro abe mama no. Angeles tubiriā tuchi que ra. Millones y millones tuchi que ángeles ra.

¹² Ūquí ngue ñee nyecuate Jesucristo je re: Oveja riri na ño ereico nguiā nde.

Mbia que ndeiquia mbae icuā ndiquicharō nda.

Nyebe mbia riqúi nguiā ñee turāte ndeje co cote.

Nyebe mbia riqúi nguiā ñee turāte nderi co cote no.

Ndequirācuā nii. Ndeaquiatu rii abe no, i que ángeles ñee turā Jesucristo je cuu ra.

¹³ Mbae que ñee turā jate quia Jesucristo rii cuu ra. Ibatenda ñee turā ja erií. Ibi jenda abe no. Ibiqúi riinda abe no. Ama ndisha riinda abe no. Eí ngue ūquí nguiā ñee turā jate Jesucristo je ra. Dios abe je:

Jēquirācuā jēingo beite ā.

Mbia rerecua jēingo beite ā no.

Mbae jenyiao ra ñee turā mbeite quia jēje, i que Dios chiao quia ñee jate ee cuu ra.

¹⁴ Ae beite, i que mbae reco cuatro ra. Amei veinticuatro abe que ngói ja nguiā ndese ñee turā Dios je ra. Ae ereco siqui beite quia co, aque je.

6

Jesucristo sellos ndoso

¹ Jesucristo que chí oveja riri na cuu ra. Ae que sello mo ndoso libro si cote ra. Ae mbae reco cuatro chí nae, ūquí mo ngue ñee cote ra. —Echu, i que ñeemombo ra. Ama ndieu rā ngue echeē nda.

² Caballo shí mo ndese que amae cote ra. Ae chí éatoo nae, nguiraa mo ngue ecunui oo ra. Corona abe que emo mee ee ra. Oso que guerra raā naa cote ra. Equirācuāte que eriqui mbia mo si ra.

³ Jesucristo que segundo sello ndoso cote ra. Ae mbae reco cuatro chí nae, ūquí mo ngue ñee endoso mose cote ra. —Echu, i que ra.

⁴ Caballo nongue gue usē u seje cote ra. Era irei tuchi que aque ra. Ae chí éatoo nae, aque je que emo espada cuasu mee nda. Aque que mbia mbūcuā icuā jate nyue ra. Nyebe mbia riqúi nguiā nyiiquia iquia.

⁵ Jesucristo que sello nongue ndoso cote ra. Tercer sello. Ae mbae reco cuatro chí nae, ūquí mo ngue ñee endoso mose cote ra. —Echu, i que ra. Caballo rondei que usē u seje cote ra. Ae chí éatoo nae, aque que balanza mo cunui oo ra. Mbae mbuche chasa.

⁶ Emo ngue chí ūquí mbae reco cuatro ite re ra. Aque que ñee nda: —Mbia chiu ra ua jiri. Un kilo de trigo re: una jornada. Tres kilos quiata a rei una jornada no. Mbae quira quiatu ra ua eā. Vino ndese, i que ra.

⁷ Jesucristo que sello nongue ndoso cote ra. Cuarto sello. Ae mbae reco cuatro chí nae, ūquí mo ngue ñee nda: —Echu, i que ra.

⁸ Caballo nongue que usē u seje cote ra. Eracho que aque ra. Ae chí éatoo nae, ER-AAQUE i que aque je ra. Emo ngue oso erui no nda. ERAAQUE TĀSA i que aque je no nda. Ūquí ngue mbia ibi jenda mbutiā tuchi la cuarta parte ra. Mbia iquia iquia tuchi que equia guerra je ra. Mbae rasi je. Eriācuā je. Quiaa riinda icuā je abe no.

⁹ Jesucristo que sello nongue ndoso cote ra. Quinto sello. Mbae rese que amae altar qui re cote ra. Mbia chiquia iquia aingue rese que amae nda. Ae mbia iquia iquia Dios cheē nī nyii nae, ũquĩ aingue rese que amae nda. Ũquĩ ñimbirācuā tuchi chō nguia mbae rasi je Jesucristo rī nyii reaē.

¹⁰ Ũquĩ ngue tasē tasē ñee Dios je ra: — Mbae eresaā turā jate quia nde co, Dios. Mbae ja rerecua chō nde re. ¿Manosete ra urerichare erembasi re no, Dios? i que ñee ja Dios je ra.

¹¹ Dios que tirushī mee mee ũquĩ ja je cote ra. Ñee ngue ee cote ra: —Mbarandiri. Mbia icuā nda jēataque abe iquia. Sā jēiquia nyii no. Ũquĩ sacuā jēingo chombe jiri, i que Dios ñee e e ra.

¹² Jesucristo que sello nongue ndoso cote ra. Sexto sello. Ibi que nyere nyere tuchi aque mose cote ra. Tenda que ñimoo tuchi cote ra. Mbae ruqui rā tuchi que nyasi no nda.

¹³ Nyasitata que ngoi ngoi ngaē ĩbii cote ra. Sā ira a rīqui uqui quiririā ñimbuqui no.

¹⁴ Ibei abe que ua cote ra. Sā emo ndiqui papel acua acua no. Sita ibate abe que siri siri ja nyesi ra. Ama ndisha joō abe que echoi siri siri ja ra.

¹⁵ Mbia que ñimi ñimi ja ibicua ye ra. Sita imi ye abe. Mbia rerecua. Mbia rimba abe. Mbaeche abe. Soldados rerecua abe. Mbia que ñimi ñimi jate cuu ra. Esiquichete quia ñene.

¹⁶ Mbia siquiche mose que ñee ñee jate sita ibate je cuu ra: —Jenyu ngoi urearō ureiquia. I nda Dios mbae rasi saanguquia eā ure je. I nda Jesucristo mbae rasi saanguquia eā ure je no.

¹⁷ Dios rīqui mbae rasi raanguquia uquiato eā je co. Aba quia ra ñimbirācuā ā je, i que mbia quia siquichete cuu ra.

7

Angeles Dios mbae marca mī mī mbia je

¹ Aquere que cuatro ángeles atea cuu ra. Emo ngue chí juā tenda chuisa quiti ra. Enongue que tenda sosa quiti no nda. Enongue que sur quiti no nda. Enongue que norte quiti no nda. Ũquĩ ngue quiririā isi tuchi quia ra. I chu eā sacuā. Manguie jenda chooñoa quitinda abe ichu eā sacuā. Ama ndisha quiti abe. I nda quiririā ira rāquiā mo ichu eā tuchi.

² Angel nongue mo ndese abe que amae no nda. Tenda chuisa quiti que eru quia ra. Dios mbae marca que equereco ra. Ñemombo que ũquĩ ángeles cuatro je ra.

³ —Mbae rasi ra jemondo jeichī ibi je jē. Ama ndisha abe je. Ira abe je. Dios rimba ruba rese Dios mbae marca uremī mī na nyii, i que ñemombo ángeles cuatro je ra.

⁴ Ciento cuarenta y cuatro mil ndese que Dios mbae marca mī nda. Judios chumumbara ja que ra.

⁵ Judá ririī ndei doce mil. Rubén ndiriī ndei doce mil.

Gad ndiriī ndei doce mil.

⁶ Aser ririī ndei doce mil.

Neftalí ririī ndei doce mil.

Manasés ririī ndei doce mil.

⁷ Simeón ndiriī ndei doce mil.

Leví ririī ndei doce mil.

Isacar ndiriī ndei doce mil.

⁸ Zabulón ndiriī ndei doce mil.

José ririī ndei doce mil.

Benjamín ndiriī ndei doce mil.

Ũquĩ ja rese que ángeles Dios mbae marca mī nda.

Mbia tubiriā iraoshī

⁹ Aquere que mbia cuabēte atea cuu ra. Contar i ja aroneate que ee cuu ra. Ecuabēte quiatu ngue re. Mbia chumumarate que ra. Manguie chooñoa jenda abe tubiriāte que ra. Echeē ñumumarate que ra. Dios ruba quiti que ũquĩ chí jate juā nda. Cristo ruba quiti abe no. Eiraoshī ja que chí ra. Sindo que equeru ja oo ra.

¹⁰ Ũquĩ ngue tasē tasēte u ñee Dios je ra. Cristo abe je. Ā i chō ngue equia ñee nda: Nde ae ereico nguiā mbia rirō eicuā si co. Nde ereico trono tose mbia rerecuarā co. Jesucristo rese chō ereico nguiā mbia rirō ndirō eicuā si co, i que ũquĩ ja ñee Dios je ra.

¹¹ Angeles que ñumbui jate u Dios mama cuu ra. Mbae reco cuatro abe mama. Ae amei veinticuatro chí nae, ũquĩ abe mama no. Ũquĩ ángeles que ngoi jate ngüiā ndese Dios ruba quiti ra. Ngüiā ndese que echi ñee turā jate Dio s je ra:

¹² Dios turā tuchite rīqui mbia je co.

Sā mbia rīqui ñee turā mbei erī.

Dios aquiatu tuchite rīqui co.

Sā mbia rīqui “gracias” i bei ee.

Dios quirācuā tuchite rīqui co,

i jate que ñee turā Dios je ra.

¹³ Ũquĩ amei mo ngue ñee seje cote ra: —¿Aba ā nde? Ae eiraoshī chí a. ¿Ma si ecuaē a re no? i que ñee seje cuu ra.

¹⁴ —Ereicuate nde resē, Amei, ae que ee ra. Ae que eicua seje cote ra. —Ā ngue mbae rasi saā tuchi quia resē. Tiru irei ji rā ño ā ñia ndiqui nguiā ā cote. Jesucristo echiā mbitirō nguqui je resē.

¹⁵ Nyebe eriqui beite nguiā Dios rese ā. Nyebe eriqui nguiā mbae raā naa mbei Dios je echuchúaa ā. Dios ra siqui bei erese. Teaquiātu bei ra mingo.

¹⁶ Ũquĩ nda ngüiācuā irara eā mbei. Huisei abe ra eirara eā no. Tenda abe ra eiro eā. Huiiriei abe ra eucuyā eā cote.

17 Jesucristo quia ra eteaquiatu bei mingo. Sã oveja raarõsa riqui oveja reaquiutate no. Sã eriqui oveja rerao rao mbiu no. Eĩ si ra Jesucristo ùqui ndeaquiatu mingo. Dios ra echeseo mbutiba bei cote, i que amei ñee seje ra.

8

Mbae rei ji shĩmbu turã ndetashĩ ngasẽ oso Dios je

¹ Jesucristo que sello nongue ndoso libro si cote ra. Séptimo sello. Mbae ibatenda que quiriri tuchi sello ndoso mose ra. Quiriri arete que ra. Media hora chee.

² Siete ángeles chí quia Dios ruba quiti nae, ùqui ndese que amaembe cuu ra. Emo ngue trompeta mee ja ja ùqui je ra. Siete que trompetas ra.

³ Angel mo ngue tu incienso riru mo nderu ra. Oro ao ji. Tiba que uã altar jii ra. Emo ngue incienso tubiriã mondo ee cuu ra. Altar mo ngue chí oro ao ji ra. Aque arõ ngue ángel incienso ñono nda. Dios ruba quiti. Ae Dios quiato ñee ñee nguia Dios je nae, ùqui ñee ngue ngasẽ nguia Dios je ra. Incienso rei ji shĩmbu turã ndese.

⁴ Incienso retashĩ ngue nyui oso quia ángel o si ra. Dios quiato cheẽ mbirõ ngue eriqui oso ngasẽ Dios je ra.

⁵ Angel que incienso riru mombisẽ tata retei je ra. Altar jenda je. Ichusẽ ngue ibi quiti cuu ra. Ama ngue sieu tuchi cote ra. Pirirã pirirã i tuchi que ra. Ibi abe que nyere cuu no nda.

Angeles trompetas mbucheẽ

⁶ Ae siete ángeles trompetas quereco nae, ùqui ngue icoquiatu cote ra. Trompeta mbucheẽ sacua.

⁷ Emo ngue trompeta mbucheẽ cote ra. Iquitã ngue ngoi ngoi tuchi ibii cote ra. Tata abe que ngoi ngoi ra. Irei tuchi que cote ra. Mbae ruqui rã. Ibi tercera parte que oquiei tuchi ra. Ira tercera parte abe que oquiei ra. Mbae ruri abe que oquiei ja no nda.

⁸ Segundo ángel que trompeta mbucheẽ cote no nda. Aque mose tuchi que mbae mo ndu ngoi ama ndisha ye ra. Ecuasu tuchi que ra. Sita ibate rã. Sendi que u ama ndisha ite re ra. Ama ndisha tercera parte irei tuchi que cote ra. Mbae ruqui rã.

⁹ Ama ndisha riinda tercera parte que mano ja ra. Ae ngata quia ama ndisha rui barcos nae, ùqui tercera parte abe que ñiimi imi ja no nda.

¹⁰ Tercer ángel que trompeta mbucheẽ cote no nda. Aque mose que nyasitata cuasu mo ndu ngoi ibii ra. Tata rendi rã ngue erendi ra. Ngoi que ama tercera parte ye ra. Eriecua tercera parte ye ja abe que ngoi no nda. I mbiicua tuchi que ra.

¹¹ Etei, i que equia aque nyasitata je ra. Nyasitata que ama tercera parte mbotei tuchi ra. Itei tuchi que cot e ra. Nyeb e mbia riqui nguia mano mano tuchi iu mose cuu.

¹² Cuarto ángel que trompeta mbucheẽ cote no nda. Aque mose que mbae mo tenda mbuchecuyãte tercera parte ra. Nyasi tercera parte abe. Nyasitata tercera parte abe no. Nyebe mbae checuayã tuchi riqui nguia mbia je nyaashĩ mose tercera parte. Isa mose abe nyasi mbae tesae eã tercera parte. Nyasitata abe no.

¹³ Nguira risha rese que amae cuu cote ra. Mbebe que equia ibate tuchi searõ nda. Ñeemombo mombo que equia ra: —Aba mbia eã tuchi mbia ibi jenda. Mbae rasi ra esaã tuchi cote. Angeles ataque nyuihuĩ mose. Angeles tres trompetas mbucheẽ mose, mbia ra mbae rasi saã tuchi cote, i que nguira risha ñee nda.

9

¹ Quinto ángel que trompeta mbucheẽ cote no nda. Aque mose que nyasitata mo ngoi u ibii seje cuu ra. Mbia raãte que aque nyasitata ra. Nyasitata que ibicua atiquia jea ra. Abismo, i que hue ibicua je ra.

² Equia mose que tatashĩ usẽ tuchi ra. Sã tata riqui nyuuta rosot e tetashĩ no. Tatashĩ ngue tenda choote ra. Mbae mbuchecuyã jate que ra.

³ Tatashĩ si que tucu mbuae ngaẽ tuchi usẽ cote ra. Tucu mbuae que ibi mboo ja tuchi nyoi manguie chooõa nda. Mbia i i tuchi que equia ra. Quiraẽ ndasi rã tuchi que eriqui mbia je ra.

⁴ Emo ngue ñee tucu mbuae je ra: —Ira mo nda jẽtuchi jẽ. Ira ruri ja abe. Mbae ruri ja abe no. Quiata abe no. Mbia Dios quiatoã achõ ño jembasi mbasi quia. Ae Dios mbae marca quereco eã nguia nguba rese nae, ùqui.

⁵ Ùqui je mbae rasi jẽsaanguia tuchi cinco meses. Jẽiquia eã ño, i que ñee tucu mbuae je ra. Quiraẽ ndasi rã tuchi que tucu rasi riqui mbia je ra.

⁶ Aque mose ra mbia “nandemano” i tuchi rei nguia nyue. Mano aroneate rae.

⁷ Caballo rã tuchi que tucu mbuae ra. Sã caballo riqui icoquiatu guerra raã naa sacua no. Corona naanguia que siqui tucu mbuae aqũ ndese ja ja ra. Oro ao ji ereae. Mbia ruba raãte que tucu mbuae ruba ra.

⁸ Cuña a raãte que ea ra. Nyacuareĩ naate que ereĩ nda.

⁹ Eishia ãtã tuchi que ra. Hierro rã. Mbia eiõ aronea. Guerra ndieu rã tuchi que ebebe mose ra.

¹⁰ Sã quiraẽ ndiqui mbia i ngocoi je no. Eĩ si que equia mbia i i ngocoi je ra. Mbia mbasi mbasi que equia cinco meses ra.

¹¹ Angel icuã mo ngue tucu mbuae rerecua ra. Ae ibicua atiquia jea nae, aque que ererecua ra. Abadón, i que hebreo cheê nguia ee ra. Apolión, i que griego cheê nguia ee no nda. —Mbia iquiasa, i chõ nguã embae nombres je.

¹² Tucu mbuae que ua chee cote ra. Mbae rasi ñiinda chõ ùqui nde. Mbae rasi nyeremo tasenei jêje cote.

¹³ Sexto ángel que trompeta mbucheê cote no nda. Aque mose que emo ñee altar jii Dios mbae ra. Oro ao jí rei altar.

¹⁴ Ñee ngue ángel je ra. Ae trompeta mbucheê namo nae, aque je. —Cuatro ángeles embui rá mondo. Aecua jí chí Ama Eufrates nae, ùqui embui rá mondo, i que ee ra.

¹⁵ Cuatro ángeles que embui mondo cote ra. Aque mose sacua ngue Dios ùqui nderecoquiato ra. Ùqui ngue mbia iquia iquia tuchi tercera parte cuu ra.

¹⁶ Soldados tubiriã tuchi que ùqui ángeles nimba cuu ra. Doscientos millones tuchi que ra, i que achandu ra.

¹⁷ Caballo átoo que soldados chí ja ra. Eishia riquisã ja ja que mbae átã ñi nda. Eishia aosa mbitã jí que ra. Eireí. Erubi. Echo. Nyacua áqui na ngue caballos seje cuu ra. Tata que emombo mombo ja quia uchuru rí nda. Tatashí abe. Azufre abe no.

¹⁸ Ùqui tres que mbae rasi tuchi ra. Tata. Tatashí. Azufre. Ae caballos mombo mombo quia uchuru rí nae, ùqui. Ùqui ngue mbia iquia iquia tuchi quia tercera parte ra.

¹⁹ Ngocoi je que eriqui mbia mbasi mbasi tuchi ra. Mbei tasi je rá tuchi que erocoi ra. Uchuru je abe que eriqui mbia mbasi mbasi tuchi ra.

²⁰⁻²¹ Nyebe mbia riqui nguã mano mano tuchi ùqui ndasi je. Mbia ataque quiato que siqui beite quia huicua ndese ra. Eicua icua mbei nyue. Nyiquia iquia. Brujería raã naa mbei. Siqui icua icua cuña mo ndese. Mbae mbuquiachã quiachã mbei. Uchisaã icua si hui eã mbei. Siqui beite que equia aba checuayã ndese ra. Uchiao Dios abareã ndese abe no. Oro ao ji. Plata ao ji. Bronce ao ji. Sita ao ji. Ira ao ji abe no. Ùqui ja rese chõ ngue eriqui ra. Ùqui mae aroneate raque Dios abareã. Mbae andu aroneate raque. Ngata aroneate raque no.

10

Angel libro mo quereco

¹ Angel mo ngue nguichí ibei si seje cuu ra. Equirãcuãte que ra. Ibeishí ngue equeru huiraorã nda. Ibei asa que chí eãqui mama nda. Eruba nininyate que tenda rá sí ra. Etima abe nininyate que ra. Sã tata nininyate riqui no.

² Libro ñetê mo ngue equereco oo ra. Equia jí que equereco ra. Utima ndibisho que emi ama ndisha ye ra. Utima ndibisho que emi ibii no nda.

³ Tasê tuchi que ra. Sã nyacua riqui curu curu no. Erasê mose que ama ñee siete veces ra.

⁴ —Ae rese ama ndieu sembiirandu nae, aque tambesa rá, ae rei que se cote ra. Ibatenda mo ngue ñee ño seje ra. —Ae ama ñee erechandu nae, ùqui nda erembesachí. Eresenei seneichí nda emo je. Echeê emocoño ño, i que seje ra.

⁵ Ae ángel tima ndibisho chí ama ndisha ye nae, aque que oo uquiatocutinda mee ibate quiti ra.

⁶ Ñee ngue cote ra: —Dios que sembu ra. Ae siqui i beite quia co nae. Ae ibei chao nae. Ae ibi chao nae. Ae ama ndisha chao nae. Ae mbae chao ja tuchite nae. Aque que sembu co renei nenei sacua nda. Achite mbae ja ñi ua a cote.

⁷ Séptimo ángel nda nyuihuí cote. Trompeta mbucheê. Dios cheê ique ja mose r a nyuihuí cote. Ae Dios ñee uquiato ñiinda je nae, ùqui nda ique ja echeê cote. Mbia rerecurarã tuchi ra Jesús cote, i que ángel quirãcuã ñee seje cuu ra.

⁸ Ae cheê achandu ibatenda nyii nae, aque que ñeembe seje ra. —Eso rá libro ñetê isi. Ae tima chí ama ndisha ye nae, ae tima ndibisho chí ibii nae, aque si libro ñetê eisi rá. Eequia jí eisi, i que seje ra.

⁹ Ae aso nguã ñee ángel je. —Libro ñetê emee na seje, ae que ee ra. Ae emee nguã ñee seje cote. —Co libro ñetê jê. Eu ja. Irao raãte raque ra eachã namo mose. Etei tuchite quiato ra nderie je cote, i que seje ra.

¹⁰ Angel que libro ñetê mee seje cote ra. Au que se ra. Eturã tuchi que sechuru je ra. Irao rá. Se eu tuchi mose quiato que eteite serie je cote ra.

¹¹ Emo ngue ñee seje cote ra. —Dios cheê nda eresenei senei sí mbia ja je. “Co ra Dios saã. Á nda Dios saã no”, ere ra mbia je. Ishonda abe je. Mangue chooña jenda abe je. Mbia cheê ñumbara abe je. Mbia rerecua jate abe je, i que seje cuu ra.

11

Dios quiato nyeremo Dios cheê senei senei

¹ Dios que uu mo mondo séoo cuu ra. Ñee ngue seje ra. —Eso Dios chuchua mbuchecha checha. Altar abe embuchecha. Ae mbia chí huee ñee ñee Dios je nae, ùqui abe je contar ere rá.

² Itaicuee ra erembuchechachí jê. Patio ra erembuchechachí jê. Ùqui ngue amee mbia sequiatoã je ra. Sequiatoã nda irõ irõ Jerusalén ndese cuarenta y dos meses chee.

³ Sequiato nyeremo je ra sequirācuā amee. Ūquĩ nda secheē senei senei tuchi quia mbia je 1,260 días chee. Tiru rondei ra ūquĩ quereco quia, i que seje ra.

⁴ Dios quiato nyeremo ndei olivos i nyeremo na sí. Candeleros nyeremo na sí no. Sã Dios mbae reaquiatu ja no. Uquiato nyeremo abe ra eteaquiato no.

⁵ Dios ra uquirācuā mee ūquĩ nyeremo je. Emo embasi serĩ mose, tata ra embu embu uchuru si. Ucuāyãsa mbasi tuchi sacuã. Eĩ nda mbia mano mano, ūquĩ Dios quiato nyeremo ucuāyã mose.

⁶ Ūquĩ Dios quiato nyeremo ama mbuchaaqui eã arôte, Dios cheẽ nenei nenei mbei mose mbia je. Mbae ruqui rã nda ama naa. Mbiamba ra embasi mbasi arôte uquirācuā je. Ibi jenda mbasise mose, mbasi tuchi rae.

⁷ Ūquĩ Dios quiato nyeremo Dios cheẽ nenei nenei ja mose mbia ja je, icuã nda tu icuãte ee cote. Ibicua yenda. Icuã nda Dios quiato nyeremo iquia cote.

⁸⁻⁹ Emo ūquĩ Dios quiato raaque nyati aroneate. Erete tiquia iriã nda chichõ itaicuee rĩ. Mbiamangue choõña jenda abe tuchi r a mae ja eraaque rese. Tres días y medio chee rae. Jerusalén ndei ra ūquĩ. Ae mbia Jesucristo mbucha ira rese nae, huee. Hue jenda quiarei eicuã tuchi mbia. Sodoma jenda rã. Egipto jenda rã abe no.

¹⁰ Ae mbia siqui quia ibi rĩ nae, ūquĩ ia tuchi rae. Dios quiato nyeremo mano mose. —Ae nandechiao icuã siquisã quisã nguia nae, ūquĩ ngue mano cote ra, i r a eyate ñee nyue. Nyebe ra eriqui mbae mondo mondo tuchi nyue.

¹¹ Dios quiato nyeremo ndaaque que chi tres días y medio cuu ra. Aquere que Dios embuquera sí seque re cuu ra. Júã ngue cuu ra. Mbiam que siquiche ja tuchi mae erese ra.

¹² Ibatenda que ñee nyecua ūquĩ Dios quiato nyeremo je cote ra. —Jenyu aa quiatu ibate, i que Dios ñee ee ra. Nyoĩ que ibate ibei ye cuu ra. Eucuāyãsa que mae mbeite u echui rese ra.

¹³ Aquere mose tuchi que ibi nyere icuã nda. Sucha tubiriã ndibisho que ngoi ngoi jate ra. Mbiam tubiriãte que mano nda. Siete mil que mbiamano nda. Mbiam ataque que siquichete ra. Ñee turã turãte que equia Dios ibatenda je cote ra.

¹⁴ Segundo mbae rasi chõ ã nde. Tercero quia tasenei jėje cote.

Séptima trompeta mbucheẽ cote

¹⁵ Séptimo ángel que trompeta mbucheẽ cote no nda. Ūquĩ mose que mbiam ñeemombo ja ja ibatenda ra. Eĩ ngue tasẽ tasẽ nda: Mbiam mo ibi jenda mo nda siquiã ererecuarã cote.

Dios ae chõ nda siqui ererecuarã cote. Nguiriĩ ndese.

Ae ae chõ nda siqui ererecuarã mbei cote, i que ibatenda tasẽ tasẽ cuu ra.

¹⁶ Ae amei veinticuatro siqui beite quia Dios jii nae, ūquĩ ngue ngoi nguã ndese ñee Dios je cuu ra. Eĩ ño ngue ñee nguã:

¹⁷ Gracias ure tuchi quia ndeje co, Dios.

Ndequirācuā mbae saã ja arôte quia co.

Ereico beite que equia nyii ra. Nam abe no.

Ereico beite ra eno.

Ereico ndequirācuā naanguquiate mbiam je co cote.

Ereico mbiam rerecuarã tuchi co cote.

¹⁸ Mbiam rerecua que paama ite ndeje ra.

Co mose ra ndequiatioã erembasi cote.

Ndequiatioã mano je abe ra erembasi cote.

Ndequiato abe ra erembuquera cote.

Mbae turã mee mee sacuã ee.

Ae ndecheẽ senei senei mbeite quia mbiam je nae.

Ae ñee turã turã nguia ndeje nae.

Ndequiato cuasu je. Ndequiato ñetẽ je abe no.

Ndequiato ja je ra mbae turã eremee mee cote.

Ae mbiam mbiicuã icuã nguia nae, ūquĩ nda erembutiã co mose cote,

i que veinticuatro amei ñee turã Dios je cuu ra.

¹⁹ Dios chuchua ibatenda iquesa que quiata seje cuu ra. Caja Dios chuchua jenda que nyecua seje cuu ra. Aquere rei contrato riru Dios mbae aque. Aquere que ama pirirã pirirã i ra. Ama ngue sieute ra. Ama ngue ñeete ra. Ibi que nyere ra. Iquitã abe que ngoi ngoi chee ra.

12

Dragón icuã icuã cuña je

¹ Mbiam mae sayã mo ndese que amae ibate cuu ra. Cuña nguasu tuchi mo ngue ra. Tenda que eirao ra. Nyasi que chí ei quitu ra. Corona ngue equereco uãquĩ ndese ra. Nyasitata doce que chí corona ndese ra.

² Nañimbae que cuña nda. Tasẽ tasẽ tuchi que equia nguiriĩ ndasi je ra.

³ Aquere que amae mbiam mae sayã mo ndese ibate no nda. Dragón ireĩ mo ndese que amae nda. Siete que aque dragón ãquĩ cuu ra. Diez que erambashĩ nda. Corona ngue chí eãquĩ ja rese ra.

⁴ Dragón ngue nyasitata tubiriã siichã tuchi imbu ibii ngocoi je ra. Cuña ji que eñi eraarõ cote ra. —Sã nyaacuquia. Eriiri tau, i que huĩ ejii ra.

⁵ Nyaacuquia que cote ra. Erãcoẽ ngue ra. Mbiam rerecuarã tuchi ra aque. Emo ngue eriiri isi ra. Querao que Dios je ibátee ra.

⁶ Cuña ngue uchã oso turuquia ñi nda. Dios echuchua saã ño nguia huee reaẽ.

Huee que eriqui 1,260 días ra. Huee que emo ndiqui embuquiaru quiaru ra.

⁷ Amae ngue guerra rese ibate cuu ra. Dragón icuã icuãte que ángeles je ra. Miguel nimba ángeles abe que ucua ucu a dragón nimba ángeles rese no nda. Nyiiquia serí jate que cuu ra.

⁸ Dragón ngue ganar i aroneate umbae ángeles rese ra. Nyebe eriqui aroneate nguiã ibate cote.

⁹ Dios que dragón mombo bei ibate si cote ra. Mbei ima ndei dragón. Diablo. Satanás, i abe que ee ra. Ae chõ mbia mangue chooñoa jenda mbiirí irí mbeite nguiã co. Dios que ae mombo íbii cuu ra. Ngũimba rese.

¹⁰ Ibatenda ia tuchi que Dios emombo mose ra. Ibatenda mo ñee ngue achandu cuu ra: —Coche ñene. Dios riqui mbia rirõ mbei huicua si co cote. Namo tuchi mbia riqui mae Dios quirãcuã ndese co. Cristo riqui mbia rerecua tuchi co cote. Dios quiatu que diablo mombo nguiã. Ae Dios mbuqueta queta beite quia equiato rí nyii.

¹¹ Ūquí Dios quiato que diablo siquisãte quia Jesús ruquí je ra. Jesús cheë je abe no. Ae ūquí senei mbeite quia mbia je Jesús cheë nae, ūquí je chõ eriqui nguiã eriquisã quisã. Ūquí Dios quiato que siquicheãte quia umano si ra. “Tamano ndei Dios je”, i jate que equia ra.

¹² Mbia ibatenda ia tuchite cote. Mbia ibi jenda quiatuchi eya eãte. Mbia ama ndisha yenda abe no. Diablo quiatu que nguchichí u nguiã jêje, ibi jenda. Paama i tuchite equia co. Achite quiatu Dios ñi nguiã embasi a cote, i que ibatenda mo ñee cuu ra.

¹³ Dios dragón mombo mose íbii, dragón icuã icuã ngue cuña je cote ra. Ae eririñ nacué nyaacuquia nae, aque cuña je que dragón icuã icuã cote ra.

¹⁴ Emo ngue mbae jeo nyeremo mondo cuña je ejeorã nda. Ngaira risha jeo raanguia. Cuña mbebe sacua. Eso chee sacua turuquia rí. Ae Dios saã echucharã turúquiaa nyii nae, huee eso chee sacua diablo si. Mbei si. Emo embuquiaru sacua tres años y medio huee.

¹⁵ Mbei que i mombo tuchi uchuru rí nda. Iãcuana. Cuña iquia sacua ndaque chõ ūquí iãcuã nde.

¹⁶ Ibi ia eãte que cuña ndese ra. Nyebe ibi nyiequia nguiã i mocõ ja dragón nyuru jenda.

¹⁷⁻¹⁸ Nyebe dragón paama i tuchi nguiã cuña je. Eicuã icuã mbeite que eriqui cuña ndiirí ataque ja je cote ra. Ae Dios cheë mumba eãte quia nae, ūquí je chõ eriqui nguiã cuña ndiirí i. Ae siqui beite quia Jesús cheë ndui nae, ūquí je dragón icuã icuã mbeite riqui co.

13

Icuã nyeremo

¹ Ama ndisha rimia ndese que aĩ juã cuu ra. Mbae mo ndese abe que amae huee ra. Icuã mo ngue usë u quia ama ndisha si seje cuu ra. Siete que eãquí nda. Diez que erambashí nda. Corona ngue chí erambashí ndese ja ra. Eãquí ndese que nombre mo mbesa ji ñi nda. Aque nombre icuãte que Dios je ra.

² Nyacua risha rã ngue icuã nda. Oso i rã tuchi que ei ra. Echuru que nyacua churu rã nda. Dragón ngue uquirãcuã mee tuchi icuã je ra. —Ererecuarã nde, i tuchi que dragón icuã je ra.

³ Icuã aqú mo sia ji tuchi rei ngue re. Manombi chõ ndei ngue re. Nyerõ ñochí ngue re. Nyebe mbia mangu e chooñoa jenda nyuruira jate nguiã mae erese cote. Mbia que siqui jate erui cote ra.

⁴ Mbia que ñee turã turãte quia dragón je ra. Uquirãcuã mee mose icuã je. Icuã je abe que eriqui ñee turã turãte ra: —Co icuã turã na eãte mbia mo. Ae miñ ño equirãcuã ndiqui nguiã mbia si co, i jate que mbia quia ee ra.

⁵ Icuã ngue ucuasu saã saã tuchi quia Dios je ra. —Dios tuchi chõ se re, i tuchi que equia mbia je ra. Dragón ngue emi mbia rerecuarã cuarenta y dos meses ra.

⁶ Aque mose bei que eriqui ñee icuã icuã Dios rí nda. Echuchua rí abe no. Dios rimba ibatenda rí abe no.

⁷ Dragón ngue uquirãcuã mee tuchi icuã je ra. Icuã icuã icuãte que eriqui Dios quiato je cote ra. Dios quiato iquia iquia cheete que equia ra. Icuã ngue mbia mangue chooñoa jenda rerecua tuchi cote ra. Mbia cheemo abe rerecua tuchi que cote ra.

⁸ Mbia Dios quiatoã ja tuchi que siqui icuã ndese ra. Ae embae nombre mbesa iriãte riqui Jesús mbae libro rese nae, ūquí ngue siqui jate icuã ndese ra. Dios quiato mbae nombre que Jesús mbesa mbae ao ja nond e coose ra. Jesús mano nonde erí.

⁹ Jëisa mose, secheë jeñandu rã.

¹⁰ Dios mbae icua ja chõ nguiã, mbae tã i nonde equiato je. —Co sequiato ra mbia iquia tiquise je, i mose Dios, mbia ra eiquia tiquise je. —Co sequiato ra mbia tarõ, i mose Dios, mbia ra etarõ no. Sã Jesucristo rimba ñimbirãcuã ño. Sã Jesucristo icua tuchi. Icuã icuã icuã mose ee.

¹¹ Aquere que amae icuã mo ndese no nda. Ibi si qu e co icuã ndu ra. Erambashí nyeremo ngue ra. Cordero nambashí na si que ra. Dragón ñee na si que echeë no nda.

¹² Equirãcuã tuchi que ra. Icuã ñiinda rã sí. —Icuã ñiinda rimbarã ño jëingo, i tuchi que equia mbia mingo ja icuã ñiinda rese ra. Ae aqú sia ji nyerõ nguiã nae, aque.

¹³ Mbia mae sayā ngue esaã saã tuchi quia ra. Tata que embucoi ibei si mbia resa rae ra.

¹⁴ Mbia mae sayā ngue esaã saã tuchi icuã ñiinda rese eico mose ra. Eĩ ngue equia mbia mbĩĩrĩ irĩ tuchi ra. —Icuã ñiinda raanguia mo mbae mo jenyao jê, i que ñee mbia je ra. Mbia que echao ra. Ae ãquĩ sia ji tiquise je nae, ae nyerõ nguia nae, aque raanguia que mbia chao ra.

¹⁵ Icuã ngue ereco mee mbae ao ji je ra. Mbucuaata que ra. Mbuheẽ ngue ra. Mbia rã ngue eriqui cote ra. Ae ngoi sereãte quia nguĩã ndese mbae ao ji rêsaa nae, mbae ao ji que ùquĩ iquia cote ra.

¹⁶ Icuã ngue umbae marca mĩi jate mbia rese ra. Mbia ruba rese. Mbia o rese equia-tocutinda. Mbia rĩĩrĩ ndese. Mbia cuasu rese. Mbaecha rese. Mbaecha reã abe rese. Mbia rimba rese. Mbia rimba eã ndese abe no. Icuã ngue marcar i ja mbia ja je cuu ra.

¹⁷ Mbia mo marcar iriã mose, ùquĩ mbae mo isi aroneate. Mbae mo je vender i aroneate no. Icuã mbae marca nderequia eã mose. Icuã mbae número abe rerequia eã mose no.

¹⁸ Ae ndua tuchi eãte quia nae, ùquĩ nda ã icua eã. Ae mbae icuate quia nae, sã ùquĩ icuã mbae número icua. Mbia mo ñiĩ ño ñene. Embae número rei 666.

14

Mbia 144,000 irasei rasei Dios je

¹ Mbae mo ndese abe que amae cuu ra. Jesucristo que chí juã Ibi Ibate Sión seje cuu ra. Ae je eriqui Cordero i. Mbia cuabẽ tuchi que chí erese ra, 144-000 que mbia chí erese ra. Ùquĩ nduba rese ja ja que Jesucristo mbae nombre mbesa ji ñi nda. Dios mbae nombre mbesa ji abe no.

² Mbae rieu que achandu bei quia ibatenda ra. Tororomba ata ata rieu raãte que ra. Ama ndieu abe raãte que ra. Sã mbia tubiriãte riqui arpas mbucheẽ ñee no jê, ùquĩ naate que erieu riqui ra.

³ Ùquĩ mbia cuabẽte que irasei rasei quia Dios rêsaa ra. Mbae reco cuatro rêsaa abe no. Amei veiticuturo rêsaa abe que eriqui irasei rasei no nda. Eirasei rasei yasu que ra. Mbia mo ngue ñimbaaquiatu aroneate quia eirasei rasei yasu je ra. Mbia 144,000 achõ ño ngue ñimbaaquiatu aque irasei rasei yasu je ra. Dios ùquĩ sirõ nguiatu quia mbae icuã si reaẽ.

⁴ Ùquĩ ngue ñimbucua eãte quia mbae icuã je ra. Ñimbucua eã siqui cuña mo ndese no. Siqui turã mbei equia Jesucristo rese ùquĩ. Dios que esirõ mbei mbia ibi jenda si ra. Ofrenda turã na tuchi chõ ùquĩ Dios je re. Jesucristo abe je.

⁵ Ùquĩ nguiarei ñee ñoñoõ eã tuchi ùquĩ. Ùquĩ turã tuchite eriqui Dios je ã.

Tres ángeles ñee mbia je

⁶ Amae ngue ángel nongue rese cuu ra. Mbebe mbebe que equia ibei rĩ cuu ra. Dios cheẽ turã ua eã je que equereco quia ra. Erenei nenei sacua mbia ja je. Mangua chooñoa jenda ja je. Mbia cheẽ ñumumbara abe ja je.

⁷ Aque ángel que ñee nda: —Jẽireĩ ireĩ jiri Dios si. Jeñee turã turã jiri quia ee. Achite Dios ñi mae ja mbia rese a. Uquiatõ mbasi nonde. Dios quiatu ngue mbae chao ja nguĩã. Ibei. Ibi. Ama ndisha. Ama ndicõĩ. Nyebe ra mbia ñee turã ee, i que ángel ñee cuu ra.

⁸ Ángel nongue abe que siqui seje cuu ra. Aque que ñee cote ra: —Sucha tubiriã Babilonia ngue quiachãte cote ra. Babilonia nda mbia mbucua eã cote. Mbia mbucua tuchichi equia nyĩ, i que aque ángel ñee cuu ra.

⁹ Ángel nongue abe rese que amae no nda. Ñee asite que ra: —Icuã ndese chõ nda jẽingochĩ jê. Icuã naanguia mbae ao ji rese abe chõ nda jẽingochĩ jê. Icuã mbae marca ra jemichĩ jenduba rese jê. Jêo abe rese ra jemichĩ jê.

¹⁰ Emo emii mose, Dios ra paama i tuchi ee. Emo emii mose, Dios ra embasi tuchi. Dios ra ùquĩ mbasi bei tata je. Azufre je abe no. Mbasi bei ra ángeles resa rae. Jesucristo resa rae abe no.

¹¹ Ùquĩ nda Dios mbasi bei. Mbae rasi ra eucua mbiri jiriã. Siqui quiatu que equia icuã ndui mbaerã nda. Icuã naanguia ao ji abe rese quiatu que eriqui ra. Icuã mbae marca abe rese quiatu que eriqui mbaerã no nda.

¹² Dios quiato tuchi ra ùquĩ saã eã. Sã eriqui beite Dios cheẽ ndui. Sã eriqui ñimbiracua mbeite, i que ángel ñee cuu ra.

¹³ Ibatenda mo ngue ñee seje cuu ra: — ã embesa rã: “Jesús quiato mo mano mose, eyate riqui co”, ere chõ mi embesa. Espíritu Turã ñee abe chõ ùquĩ nde. Jesús quiato mo mano mose, uquenea nda eucua cote. Ae mbae turã esaã saã nguia nyi nae, ùquĩ si ra Dios tesareia mbei, i que ibatenda ñee seje ra.

Dios uquiatõ mbasi mose, mbae a riami ami na ño nda esaã ee

¹⁴ Ibeishĩ ndese que amae cuu cote ra. Emo ngue chí ngoi ibeishĩ tose ra. Jesucristo rã tuchi que ra. Corona ngue chí eãquĩ ndese oro ao ji ra. Tiquise raanguia rimbete que equereco oo ra. Quiata a ucua ucua sacua.

¹⁵ Ángel mo ngue tu usẽ Dios chuchua si ra. Ñeemomo que Jesucristo raanguia je ra. —Mbae eucua ucua tiquise raanguia je cote.

Mbae a quiche jate mangue chooñoa jenda ja, i que ee ra.

¹⁶ Ae chí ibeishĩ tose nae, aque que tiquise raanguia mee ibi quiti ra. Aque mose tuchi chõ ngue mbae a ibi jenda ishao ja tuchi cote ra.

¹⁷ Angel mo abe que usẽ u Dios chuchua ibatenda si ra. Tiquise raanguia rimbete que equereco no nda. Uvas ucua ucua sacua.

¹⁸ Angel mo ngue tu altar si cot e ra. Tata raarõsa altar jend a rei aque ángel. Ñemombo que tiquise raanguia rerequiasa je ra: —Uvas ucua ucua tiquise raanguia je cote. Mangue chooñoa jenda ja ucua ucua. Equiche jate, i que ra.

¹⁹ Angel que tiquise raanguia mee ibi arõ cote ra. Aque mose tuchi chõ ngue uvas ibi jenda ishao ja tuchi ra. Uvas ishao ji que emondo ja tuchua mo nda. Eriami ami sacua. Dios uquiatoã mbasi mose, mbae a riami ami na ño ùqui nde.

²⁰ Isho jiri que eriqui uvas riami ami sucha tubiriã si ra. Dios uquiatoã mbasi mose, uvas riami ami na ño ùqui nde. Eruqui riquira tuchi que ra. Caballo mbuchecha tuchi que eruqui riquira ra. Trescientos kilómetros tuchi que eruqui seje cuu ra.

15

Angeles mbae rasi siete quereco ja eriru ye

¹ Aba siquichesa mo ndese que amae ibei rĩ cuu ra. Mbia mbiirandu sacua. Siete angeles rese que amae nda. Mbae rasi chumbarate que ecucuaẽ cuaẽ nguia ibii ra. Siete que mbae rasi ra. Mbae rasi tuchi. Ùqui siete mbae rasi ua mose, Dios ra mbae rasi mbu si eã cote.

² Ama ndisha icoi mo ndese que amae nda. Enininya tuchi que ra. Vidrio raanguia. Tata abe raanguia. Ae siquiã mbei icua ndui Jesús quiato nae, ùqui ndese que amae no nda. Icuã naanguia rese abe siquiã. Icuã mbae número abe que equerecoã nda. Ùqui ndese que amae ama ndisha arõ nda. Arpas Dios mbae je que echi tocar i ra.

³ Ae Moisés irasei rasei nyii nae, ùqui sí je que echi irasei rasei ra. Ae mbia irasei rasei Jesús je nae, ùqui sí je que echi irasei rasei ra.

Ángue irasei rasei ra:
Ndechiao turã tuchite, Dios.
Ndequirãcuã tuchite ereico co.
Mbia erembuchiabi jiri jiriãte quia co.
Erecheẽ iru iru eãte quia co.
Mbia rerecua jate ereico co.

⁴ Mbia ra ireĩ ireĩ ja ndesi mae mose ndechiao rese.

Ñee turã ja ra nderĩ.

Nde mi ño ererecua tuchi re.

Mbia ra ngaẽ ja tuchi nderea. Ñee turã sacua ndeje.

Ndechiao turã ndese quiatu ngue mbia mae nguia,

i que mbia irasei rasei ama ndisha arõ cuu ra.

⁵ Aquere que mbae mo abe atea cuu ra. Dios chuchua ibatenda eiquesa que quiata seje cuu ra.

⁶ Siete ángeles mbae rasi quereco quia nae, ùqui ngue usẽ nyoĩ Dios chuchua si cote ra. Eiraoshĩ tuchi que nyoĩ usẽ nda. Oro que equereco huiishia ati ra.

⁷ Ae rese ama e mbae reco cuatro nyii nae, ùqui m o ngue mbae riru mee mee ja ùqui ángeles siete je ra. Oro ao ji rei mbae riru. Mbae rasi mbisete que chí eriru ja ye ra. Dios mbia mbasi tuchi sacua.

⁸ Dios nininya tuchi que seje cuu ra. Equirãcuã tuchi que ra. Nyebe que tatahĩ Dios chuchua mboo ja tuchi ra. Mbia mo ngue ique aroneate rã huee ra. Ùqui ángeles mbae rasi icherẽ cherẽ ja eã mose.

16

Angeles mbae rasi icherẽ cherẽ ja

¹ Dios chuchua jenda mo ngue ñee asite ùqui ángeles je cuu ra. —Jẽso mbae rasi icherẽ cherẽ ibi jenda ja rese. Dios embasi sacua, i que ñee siete ángeles je ra.

² Angel ñiinda que oso umbae mbae riru yenda icherẽ ibii ja ra. Ae siqui quia icua ndese nae, ae ngoi coi quia nguia ndese icua naanguia je nae, ùqui ire rasi rasi que cote ra. Mbae asi tubiriã ngue erese cote ra. Nyerõ aroneate que ra.

³ Segundo ángel que umbae mbae riru yenda icherẽ ama ndisha ja ye ra. Mbia raaque ruqui rã ngue ama ndisha cote ra. Ama ndisha rãnda que mano ja tuchi mbae cote ra.

⁴ Tercer ángel que umbae mbae riru yenda icherẽ ama ñi nda. Ama ndicoĩ ñi abe que eicherẽ no nda. Mbae ruqui rã tuchi que ama ja cote ra.

⁵ Angel ama ndaarõsa que ñee Dios je cuu ra. —Coche rei mbia icua erembasi. Dios turã tuchi chõ nde re. Ndeturã mbeite que eriqui ra.

⁶ Ùqui mbia icua nguiatu ngue ndequiato iquia iquiate nguia nyii. Ndecheẽ nenei neneisa abe iquia iquia. Coche rei mbae rasi ersaanguquia ùqui je cote. Coche rei mbae ruqui ersaanguquia ee, i que ángel ñee turã Dios je ra.

⁷ Altar jenda mo abe que ñee Dios je cuu ra. —Ae bei. Coche mbia icua erembasi nguia cote. Ndeturã mbeite chõ ereico nguia nde, i que Dios je ra.

⁸ Cuarto ángel que umbae mbae riru yenda icherē tenda rese ra. Nyebe tenda riqui nguiā mbia rei ja ngacu je cote.

⁹ Tenda que mbia sei tuchi quia embasi ra. Ūqui mose abe que mbia riqui ñee turā eāte Dios je ra. Dios embasi raque. Mbia que uba eā mbei Dios rese ra. Ñee icuā icuā mbei chō ngue equia eriñ nda.

¹⁰ Quinto ángel que umbae mbae riru yenda icherē icuā nenda rese ra. Itondaru tuchi que icuā nimba ja je mbia cote ra. Mbia que hueecō shiu shiu tuchi quia mbae rasi mose ee ra.

¹¹ Ūqui mose abe que mbia uba eā Dios rese ra. Huicua ngue esecha eāte quia ra. Ñee icuā mbeite que equia Dios riñ nda. Ngasi rerequia mose abe que eriqui ñee icuā mbeite Dios riñ nda.

¹² Sexto ángel que umbae mbae riru yenda icherē Río Eufrates ye ra. Ama nguasu tuchi que aque ra. Aque ama ngu e iru cot e ra. Tenda chuisa quitinda soldados iasa sacuā.

¹³ Aba checuayā icuā tres rese que amae nda. Emo ngue tu usē dragón nyuru si ra. Enongue que tu usē icuā nyuru si ra. Enongue que tu usē Dios cheñ nenei ñooñosa churu si no nda. Nyui rā tuchi que ūqui aba checuayā icuā nda.

¹⁴ Ūqui aba checuayā icuā ngue mbia mae sayā saā saā tuchi quia milagros ra. Ñee ja que mbia rerecua ja je ra. Ñumunua ja sacuā pelear i sacuā Dios rese.

¹⁵ Sā Jesús ñee no: “Mbia ndua eā mose serese ra achu. Jētesa tesa bei equia serese jē. Jēngoquiātu bei equia jē. f nda jēirei nguiā sechu mose”, sā Jesús i no.

¹⁶ Aba checuayā icuā ngue mbia rerecua munua ja huee ra. Pelear i sacuā Dios rese. Armagedón, i que hebreo cheē hue je ra.

¹⁷ Séptimo ángel que umbae mbae riru yenda icherē quiririāsa ra. Aque mose que Dios ñeemombo uchuchua ibatenda si ra. — Mbae rasi icherē ji jate cote, i que Dios ñeemombo ra.

¹⁸ Ama ngue pirirā pirirā i tuchite cote ra. Ama ngue sieu tuchi quia no nda. Ibei que ñee tuchi quia ra. Ibi abe que nyere tuchi quia no nda. Emo mose rā eā tuchi que ra.

¹⁹ Sucha tubiriā Babilonia ngue obo obo nyibite rí nda. Tres partes. Hue jenda tuchua que ngoi ja tuchi ra. Mbia chuchua que ngoi ngoi ja mangue chooñoa jenda aque mose ra. Dios quiātu ngue tesareiate nguiā Babilonia jenda chisaā icuā si. Nyebe eriqui nguiā paama i tuchi ee cote. Embasi mbasi uquirācuā je cote.

²⁰ Islas abe que quiachā quiachā ja ama jenda ra. Ibi ibate abe que quiachamba chamba ja no nda.

²¹ Iquitā nguasu que ngoi ngoi quia mbia iquia iquia ra. Cuarenta kilos ja ja que ūqui

iquitā nda. Iquitā ngue mbia iquia iquia tuchi quia ra. Nyebe mbia riqui nguiā ñee icuā icuā tuchi Dios riñ. Ñee turā ndocoi ee.

17

Cuña icuā mbae rasi saā tuchi

¹ Ae mbae riru quereco ángeles nae, ūqui mo ngue tu ñee seje ra. —Nyao serese. Mbae tateacuquia ndeje. Babilonia jenda ra mbae rasi saā tuchi cote. Ae cuña siqui chooñote quia mbia ja rese nae, aque ra mbae rasi saā tuchi cote. Ama ndisha jie eñi ngoi mar hue.

² Mbia rerecua que siqui siqui jate quia erese ra. Mbia ataque abe no. Ae que mbia mbiicuā jate quia ra, i que ángel ñee seje cuu ra.

³ Angel que sererao turuquia rí cuu ra. Huee que amae cuña icuā ndese ra. Icuā irei átoo que eñi nda. Embesa ji tubiriāte que chñ icuā ndese ra. Nombres mbesa ji icuā tuchi que ūqui Dios je ra. Icuā āqui atate que ra. Siete que eāqui nda. Diez que erambashí no nda.

⁴ Mbia rerecua irao raāte que cuña icuā irao ra. Eirao irei turāte que ra. Oro tubiriāte que equereco adorno nda. Perlas abe no. Sita ñetē aba queteamba abe no. Mbae riru abe que equereco oo ra. Oro ao ji. Huiicuā ngue equereco ja quia aque mbae riru ye cuu ra.

⁵ Embesa ji que chñ eruba rese ra. Aba chñicuayā tuchi que ra. Á i chō ngue huñ nguiā: “Babilonia ño co re. Sucha tubiriā icuā ño co re. Cuña icuā nderecua ja chō co re. Mbae icuā nderecua ja chō co re”, i chō ngue embesa ji huñ nguiā eruba rese.

⁶ Quiacuate quia cuña icuā ndiqui reaē. Jesús quiato uninya ruqui quia embei quia quiacua nonde reaē. Achuruira tuchi que mae erese cuu ra.

⁷ Angel que ñee seje cote ra. —¿Mbaerā ereico nyuruirate mae erese re? Tarembi-irandu cuña icuā ndese. Ae átoo eñi nae, aque rese abe tarembiirandu. Ae siete eāqui ndiqui nae. Ae erambashí diez riqui nae.

⁸ Ae rese eremae icuā cuu nae, aque ngue siqui rei nguiā cose. Emoate namo cote. Siquibe rae. Usē nda ibicua si. Aque icuā quera si mose, Jesús quiatoā nda nyuruira tuchi mae erese. Ae embae nombre mbesa ji eāte Jesús mbae libro rese nae, ūqui. Icuā nda oso mbae rasi raā tuchi tata cuasu cote.

⁹ Earacua achō nda ã secheē icua: Eāqui siete rā sí rei ibi ibate siete. Cuña icuā ñi ngoi ibi ibate siete tose hue.

¹⁰ Eāqui siete rā sí rei mbia rerecua siete no. Cinco que mano nda. Aque mñ ndiqui namo co. Emo mñ nda siqui emo mose cote. Aque ra siqui mbirí ño mbia rerecuarā.

¹¹ Ūqui siete mo ndei icuā irei mo. Siqui que equia nyii ra. Emoate namo cote. Siqui

i ra ũquí siete ua mose cote no. Mbia rerecua octavo ra ae cote. Ae ra oso bei tata cuasu aquere cote.

¹² Ae erambashĩ ndese eremae diez nae, mbia rerecua diez rá sí chõ ũquí nde. Mbia rerecua eã ño ũquí namo nde. Emo mose quia ra mbia rerecua cote. Ererecua mbĩrĩ ño ndae. Icuã ndese quiatu ra ererecua.

¹³ Hue rĩ sí tuchi ra ũquí ererecua ndua ndua. —Ererecuarã ño icuã jẽ, i ja ra ũquí ererecua. Uquirãcuã nda emee ja icuã je.

¹⁴ Ũquí nda pelear i ja Cristo rese cote. Cristo quia ra i tuchi ũquí ja si. Ae quia mbia rerecua tuchi re. Ae quia equirãcuã tuchi mbia mo si re. Ae síqui Cristo rese nae, Cristo chiirabo chõ ũquí nde. Eturã tuchi chõ ũquí Cristo je re, i que ángel seje cuu ra.

¹⁵ Ñee si que seje ra. —Ae ama ndisha rese eremae mar nae, ae ji cuña icuã ñi ngoi nae, mbia chumumbara rá sí chõ ũquí nde. Mangué chooñoa jenda ja rá ño ũquí nde. Sucha tubiriã jenda ja rá ño ũquí nde.

¹⁶ Erambashĩ diez rese que eremae nae, mbia rerecua diez na sí chõ ũquí nde. Ũquí nda cuña icuã ucuáyate cote. Ũquí nda cuña icuã secha icuã cote. Erete checua ra esecha cote. Eroo ra eu. Erete ra esei tata je cote.

¹⁷ Dios que ñee nyii ra. —Mbia rerecua icuã tuchi ra cuña icuã je, i que Dios nyii ra. Echeẽ ndui sí ra eicuã icuã cuña icuã je cote. Dios que eicua nyii ra. Hue rĩ sí ra ũquí ererecua diez ndua. Umbae ra emondo ja icuã je. Icuã mii nda mbia rerecuarã ja cote. Aque mose ra Dios cheẽ ique.

¹⁸ Cuña icuã ndese ereico mae nae, sucha tubiriã na si chõ aque cuña nde. Hue sucha rei ererecua tuchi sucha ataque si. Mangué chooñoa jenda rerecua ja rei hue sucha, i que ángel seje ra.

18

Babilonia jenda ra mbae rasi saã tuchi

¹ Aquere que amae ángel mo ndese ra. Nguichi que u quia ibei si ra. Equirãcuã tuchi que ra. Enininya tuchi que ra. Ibi resae tuchi qu e eu quia ra.

² Angel que ñeemombo mombo tuchi ra. —Sucha tubiriã Babilonia jenda que ngoi ja cote ra. Mbia tiãte que huee cote ra. Aba checuayã icuã achõ ño chĩ nguiã hue cote.

³ Hue sucha tubiriã Babilonia jenda que mbia mbĩcuã jate quia ra. Mbia mbui mbui tuchi que equia Dios si ra. Ubi icuã achõ ndese chõ ngue eriqui ndua tuchi ra. “Ũquí na nda se chã” i ja ja que equia mbae ja je ra, i que ángel ñee cuu ra.

⁴ Ibatenda mo ngue ñee cuu ra. —Ae serimba jemo nae, hue si jenyao. † nda hue jenda chisaã icuã jẽsaã eã jẽ abe. † nda mbae

rasi jẽsaã eã jẽ, hue jenda mbae rasi raã mose.

⁵ Hue jenda que mbae icuã saã saã tuchite quia ra. Dios tesareiãte quia hue jenda icuã si co.

⁶ Hue jenda que mbia ataque mbasi mbasi tuchi quia ra. Ũquí sí ra mbae rasi saã tuchi cote. Dios ra mbae rasi saanguquia i i tuchi quia ee cote.

⁷ Hue jenda que ucuasu saã saã tuchi quia ra. Ubi achõ ndese chõ ngue eriqui ndua ra. “Co ai aico turãte co. Mbae rasi tu aroneate seje”, i ja jate rei que equia ra. Nyebe ra Dios mbae rasi saanguquia tuchi ee cote.

⁸ Aque mose tuchi ra mbae icuã tu tuchi ũquí mbua cote. Mbae rasi icuã nda esaã tuchi. Eriãcuã ndasi tuchi ra cote. Echuchua ra oquiei ja. Mbia ra mano ja. Dios quiatu ra mbae icuã saanguquia tuchi mbia je eicuã ñi cote. Dios quiarei equirãcuã tuchi, i que ángel ñee cuu ra.

⁹ Ae ererecua mbae icuã saã nguia Babilonia jenda rese nae, ũquí ia eã tuchi ra erese cote. Nyeseo tuchi ra erese mbae rasi raã tuchi mose. Echuchua oquiei rese mae mose.

¹⁰ Isho chõ nda echi mae mbae rasi raã ndese. Esiquichete quia ñene. Ñee nda ee mbae rasi raã mose. —Ureya eãte riqui jendese ã. Babilonia sucha tubiriã jenda rei ngue jẽ nyii re. Sucha eã tuchite que jenyuchu a cote ra. Mbae rasi tu asi chõchĩ nguia jẽje ã, i ra maesa erese ñee ee.

¹¹ Comerciantes mangué chooñoa jenda ja abe ra eya eãte, Babilonia jenda mbae rasi raã mose. Nyeseo tuchi ra erese. Mbia quia nda embae isi eãte nguia cote. Nyebe ra eya eãte cote.

¹² Æ je nda vender i nguiã ña:
oro
plata
sita ñetẽ aba queteamba huirã
perlas
turu turã tuchi
turu ireĩ
turu seda
ira simbu turã mo
marfil ao ji
ira turã ao ji
bronce ao ji
hierro ao ji
sitashĩ ao ji
¹³ canela
aba mbushĩmbusa
perfumes
tuchua mbusĩmbusa
vino
mbae quira
mbae cui
trigo
ovejas

caballos
ira nambacua
mbia nimba

Ūquĩ ja je nda vender i nguĩã ee chã.

¹⁴ Mbia ra ñee Babilonia jenda je cote. — Ae mbae jenyoseite quia nae, ūquĩ mo nda tu áte jėje cote. Jembae tubiriãte riqui nyii nae, ūquĩ mo nda jendecoã cote, i ra mbia ee cote.

¹⁵ Ae ã mondo mondo quia vender i Babilonia jenda je nyii nae, ūquĩ abe ra chi mae isho erese no. Esiquichete ra chi mae mbae rasi raã ndese. Nyeseo ra erese.

¹⁶ Ñee nda Babilonia jenda je. —Ureya eãte riqui jendese ã. Babilonia sucha tubiriã jenda rei ngue jėje nyii re. Sucha eã tuchite jenyuchua cote. Jẽirao turã tubiriãt e rei ngue nyii re. Oro ao ji tubiriãte rei ngue adornos jembae nyii no nde.

¹⁷ Jembae ua asi chõchĩ jėje mbae rasi raã mose, i ra ee. Ae comerciantes nyoĩ choi quia canoa ye nae, ae nyoĩ choi quia barco ye nae, ūquĩ nda chi isho mae Babilonia jenda mbae rasi raã ndese.

¹⁸ Babilonia sucha tubiriã oquiei mose ra ūquĩ nyi isho mae erese. —Sucha tubiriã tuchichĩ Babilonia. Babilonia na eãte emo, i ra nyeseo sucha tubiriã oquiei mose Babilonia jenda.

¹⁹ Ibi tuba ra emombo mombo uãquĩ ndese. Nyeseo tuchi rae. Sucha tubiriã oquiei mose Babilonia jenda. Ñeemombo mombo ra Babilonia jenda je. —Ureya eãte riqui jendese ã. Mbaechate que jẽngochĩ nyii ra. Ure abe que mbaechate ureico jeniĩ nyii no nda. Mbae ua asi tuchi chõchĩ co mose cote, i ra ñee Babilonia jenda je.

²⁰ Babilonia sucha tubiriã ua mose ra ibatenda iate cote. Jesús chimbacuaquiatu abe ra eya cote. Ae Dios cheẽ senei senei quia nae, ūquĩ abe ra eyate cote. Dios quia ra mbae rasi mondo tuchi Babilonia jenda je uquiato riĩ.

²¹ Angel quirãcuã mo ndese que amae cuu ra. Sita cuasu mo ngue esui mombo ama ndisha ye cuu ra. Ñee ngue cote ra. —Eĩ nda Dios sucha tubiriã Babilonia mombo. Sã sita amombo ama ndisha ye no. Sucha tubiriã eã mbei ra Babilonia cote.

²² Nyebe ra mbia música saã eã mbei huee cote. Mbia ra irasei rasei eã mbei huee cote no. Mbia ra nyuao eã mbei mbae rese huee cote. Mbia ra mbua tocho eã mbei huee cote no.

²³ Lamparina mo nda mbae tesae eã huĩ huee cote. Emo nda nguĩnisirã isiã mbei huee cote. Mbia mbaecha hue jenda que aba chãcuate riqui nyii ra. Hue jenda que mbia ataque mbĩrĩ i rĩ jate rei quia brujería je nyii no nda.

²⁴ Hue jenda que Dios quiato iquia iquia bei quia ra. Dios cheẽ mbuchecuaa que eiquia iquia tuchi quia ra. Nyebe ra Dios mbae rasi raanguquia tuchi hue jenda je cote.

19

¹ Aquere que mbia cheẽ tubiriãte achandu ibate cuu ra. Ñeemombo mombo que ñee turã Dios je ra.

Dios turã tuchite riqui mbia je co.

Dios ae riqui mbia rirõ eĩcuã si co.

Dios ae chõ equirãcuã ndiqui nguĩã co.

² Ae siqui sereãte quia Dios rese nae, ūquĩ nda Dios mbasi.

Mae tuchi ra erese embasi nonde.

Sã Dios mbae rasi saanguquia cuña icuã je namo no.

Aque que siqui siqui jate quia mbia rese ra. Mbia mbĩcuã icuã ja.

Ae que Dios quiato iquia iquia quia no nda.

Nyebe Dios embasi nguĩã cote,

i que ibatenda cheẽ tubiriãte cuu ra.

³ Aquere que ñee si ra. —Dios turã tuchi riqui mbia je co. Cuña icuã ndiqui oquiei beite hue, i que ñee nda.

⁴ Aquere que veinticuatro amei ñee turãte Dios je cote ra. Mbae reco cuatro rese. Ngoi que nguĩã ndese Dios nonde ra. Dios chĩ mose ngoi umbae trono tose. Ñee turã ngue Dios je ra. —Amén. Dios turã tuchi riqui mbia je co, i que ñee turã Dios je ra.

⁵ Emo ñee ngue achandu ibate ra. —Ae Dios quiato jėje nae, jeñee turã ja eriĩ. —Ae Dios cheẽ jumumba eãte quia jėje nae, jeñee turã ja eriĩ no. Ae ecuasú nae, ae eñeté nae, jeñee turã ja chõ nguia eriĩ, i que ibatenda mo ñee cuu ra.

Jesús quiato ra quiaru erese ibate

⁶ Mbae mo ndieu que achandu cote ra. Iãcuã ndieu rã. Ama sieu rã. Mbia tubiriã ñee ño ndei ngue re. ã ño ngue mbia ñee nguĩã;

Dios turã tuchi riqui mbia je co.

Equirãcuã tuchite riqui co.

Ae riqui mbia rerecua tuchi co cote.

⁷ Nandechimbua tuchi quia erese jėje.

Nandechee turã ño nguia eriĩ jėje.

Jesús ra uquiato isi bei cote.

Sã emo ndiqui nguĩnisirã isi bei no.

Sã eninisi icoquiato ngurã ndaarõ arõ no.

⁸ Sã eninisi tirushĩ turã mingue eru eisi bei nonde no.

Eĩ si ra Jesús uquiato isi cote, eru nguĩnisirã isi rã,

i que ibatenda ñee cuu ra. Tirushĩ turã ndei Jesús quiato reco turã na.

⁹ Angel que ñee seje cote ra. —Co embesa rã: “Jesús nguĩnisirã isi raanguia chõ nda esaã uquiato je ibate cote. Ae je ra ñee ‘jenyu sere se quiaru’ i aque mose nae, Dios turã

tuchi ra ũquí je”, ere embesa mi, i que ángel seje ra. —Dios cheē tuchi chō ũquí nde, i que ángel seje ra.

¹⁰ Senia ndese que acoi rei ángel ndésaa ra. Adorar i sacuaē ee. Angel que ñee ño seje ra. —Adorar erechĩ nda seje jē. Dios rimba chō se re. Nde rā sí. Ndequiato rā sí. Ae siqui tuchi quia Jesús rui nae, ũquí mo na ño se re. Dios mi je chō adorar ere. Ae Dios cheē senei senei nguia mbia je nae, Jesús mbuchecua sacua mbia je chō ũquí nde, i que ángel seje ra.

Ae siqui caballosĩ átoo

¹¹ Ibei que obo seje cuu ra. Caballosĩ mo ndese que amae huee ra. Emo ngue chĩ eátoo ra. “Ñee ñooñosa reā” i que aque je ra. Ererecua turâte que ae ra. Ae que guerra saā saā nguia mbae turā ndiquisā quisā nda.

¹² Tata rā tuchi que eresa ra. Corona tubiriâte que eāquĩ ndese ra. Embae nombre mbesa ji que chĩ ndei ra. Mbia mo ngue embae nombre icua eâte quia ra.

¹³ Eirao mondo ji eruqui ye que equereco ra. “Dios cheē” i que embae nombre ra. Jesús chō eriqui reaē.

¹⁴ Ejército ibatenda que nyoĩ jate erui ra. Eiraoshĩ turā achôte que nyoĩ erui ra. Caballo átoo que echoi quia erui ra.

¹⁵ Ae rui ejército nyoĩ nae, aque que tiquise mo ngueruco uchúruu ra. Ae teā teā nguia Dios je nae, ũquí mbasi sacua ño tiquise rerequia nguia uchúruu aque. Ae ra mbae rasi saanguquia tuchi Dios quiato eā je cote. Dios ra paama i tuchi mbia je aque mose. Mbia quia siqui sereâte nguia Dios quirācuā ndese.

¹⁶ Ae chĩ caballo átoo nae, aque irao rese que embesa ji ñi nda. Eu rese abe que embesa ji ñi nda. ERERECUA TUCHI i que embesa ji huĩ nda.

¹⁷ Angel mo ngue chĩ juā tenda re cuu ra. Urubu je que eñi ñeemombo mombo ra. Ae mbebe ja quia. —Jenyu ja quiaru. Dios ra jembuquiaru ja tuchi cote.

¹⁸ Mbia chumumbara roo ra jēu cote. Mbia rerecua roo. Soldados rerecua roo. Mbia quirācuā ndoo. Caballo roo abe no. Caballo ato jenda roo abe no. Mbias cuasu roo abe no. Mbias riirĩ ndoo abe no. Ae ererecua riqui nae, ũquí ndoo abe no. Ae ererecua eā ndiqui nae, ũquí ndoo abe no. ũquí ndoo ra jēu ja cote, i que ángel urubu je ra.

¹⁹ Icuā ndese que amae cote ra. Mbias rerecua tubiriā ndese uquiato rese. Ejército tubiriâte que chĩ erese ra. ũquí ñumunu a ño nguia eicuā icuā nonde Jesús je reaē. Ae siqui caballosĩ átoo, aque je. Jesús rimba soldados je abe no.

²⁰ Jesús que icuā isi tarō nda. Dios cheē nenei ñooñosa abe no. Aque chō mbia mae sayā saā saā ño nguia icuā ndeco mose nyii reaē. Aque chō mbia mbĩrĩ irĩ nguia reaē. Ae mbia marca quereco quia icuā mbae nae, ũquí mbĩrĩ irĩ ño equia reaē. Ae adorar i quia icuā naanguia mbae ao ji je nae, ũquí mbĩrĩ irĩ ño equia reaē. Nyebe Jesús icuā mombo nguia tata cuásuu cote. Dios cheē nenei ñooñosa rese. Azufre rese eriqui sendi hue.

²¹ Jesús que icuā nimba iquia ja cote ra. Ae equereco quia tiquise uchúruu nae, aque je que eiquia ja cuu ra. Urubu ja que eroo u tuchi quia ra.

20

Dios ra Satanás tarō mi mil años

¹ Aquere que amae ángel mo ndese cuu ra. Nguichi que u quia ibate si ra. Cadena cuasu que equereco ra. Llave abe que equereco ibicua mbuquiata sacua nda. Abismo i equia hue ibicua je.

² Angel que dragón isi nyucua ra. Satanás, i que equia dragón je ra. Mbei ima, i abe que equia ee ra. Diablo, i abe que equia ee no nda. Aque que ángel nyucua mil años cuu ra.

³ Angel que dragón mombo ibicua ye ra. Tarō ngue llave je huee ibicua ye ra. Eiquesa que ematā nda. † nda dragón mbia mangue chooñoa jend a mbĩrĩ irĩ si eā. Mil años ua mose, ángel nda embui mbĩrĩ na mondo.

⁴ Jesús quiato iquia ji rese que amae nda. Ae āquĩ mbia nyisia sia quia Jesús riĩ. Mbias rerecuarā tuchi que ũquí cuu ra. Siqui eâte quiatu ngue icuā ndese re. Icuā naanguia mbae ao ji je abe que eriqui adorar i āte ra. Icuā mbae marca abe que equerecoâte quia nguba rese no nda. O abe rese. ũquí ndaaque que quera si cuu ra. Cristo que emi ererecuarā mil años nda.

⁵ ũquí ndei mbia quera je rane ũquí. Mbias raaque ataque que quera eā aque mose ra. —Mil años ua mose ra Dios mbia ataque mbuquera cote, i que seje cuu ra.

⁶ Ae rane nda Dios mbuquera nyii nae, ũquí ia tuchi rae. Dios quiato tuchi chō ũquí nde. ũquí nda nyoĩ eā mbei tata cuasu. Siqui bei ra Dios rese. Cristo abe rese. Ererecuarā mbei ra eriqui Cristo rese mil años.

⁷ Mil años ua mose, Dios ra Satanás mbui sí mondo ibicua si.

⁸ Satanás nda mbia mangue chooñoa jenda mbĩrĩ irĩ ja quia cote. Gog abe mbĩrĩ irĩ. Magog abe mbĩrĩ irĩ no. Dios quiatoā ja mbĩrĩ irĩ. Etubiriā tuchite ũquí. Satanás nda ũquí munua nua ja quia. Guerra raā naa sacua Dios je.

⁹ Mbias tubiriā tuchi ra Satanás munua nua nguia ibi jenda ja cote. ũquí nda Jesús quiato mama tuchi cote. Jerusalén ab e mama tuchi

rae. (Dios nduasa tuchi chō Jerusalén nde.) Dios ra tata mbu ibei si cote. Tata ra ũquí sei ja cote.

¹⁰ Diablu quiatu nda mbia mbĩrĩ irĩte nguĩ. Nyebe ra Dios emombo tata cuásuu cote. Ae eriqui icuã mombo. Ae eriqui icuã naanguia mbae ao ji abe mombo. ũquí nda siqui bei huee tata cuásuu. Tata sendi quia azufre mumbara. Mbae rasi ra esaã saã mbei huee. Nyaashĩ mose. Isa abe chee. Usẽ eã mbei ra hue si.

Dios mbia uquiatoã mbasi mose

¹¹ Mbae mo ndese abe que amae cuu ra. Dios que chí ngoi trono tose ra. Trono cuasu tuchi que ra. Eshĩ ngue ra. Mbae que uchã ja Dios si aque mose ra. Ibi jenda. Ibei jenda abe no. —Tachimi Dios si, i rei que mbae ja ra.

¹² Amae ngue mbia raaque rese ra, ae mano ndei quia nyii. Mbia cuasu rese. Mbia ririĩ abe rese. Chi ja que júã Dios resa rae cuu ra. Emo ngue libros ata equia ra. Libro nongue abe que equia ra. Ae mbia ra siqui bei nae, ũquí mbae nombres que chí aque libro rese ra. Ae mbia saã saã nguia mbae nyii nae, ũquí mbesa mbesa ji qu e chí ũquí libros rese ra. Dios que mbia chisaã mbuchecha checha cote ra. Embasi sacua.

¹³ Ae mbia mano ama ñi nae, ũquí ja que chí ra. Ae mbia mano íbii no nae, ũquí abe que chí ja no nda. Ae mano mano mangu e chooñoa jenda nae, ũquí abe que chí ja no nda. Dios que ũquí nyisaã mbuchecha checha ja cuu ra. Embasi sacua.

¹⁴ Aquere ra mbia mano eã mbei cote. Dios quiatoã nda siqui bei tata cuásuu no.

¹⁵ Ae embae nombre mbesa iriãte aque libro rese nae, ũquí ngue Dios mombo ja tata cuásuu seje cuu ra.

21

Dios ibi mbiasu, ibei abe

¹ Aquere que amae mbae yasu rese cuu ra. Ibei yasu rese. Ibi abe yasu rese. Ibei ñiinda quiachã ño nguia reaẽ. Ibi ñiinda abe no. Ama ndisha mo eãte que cote ra.

² Se rei Juan. Mbae que nguichi u quia ibate si seje cuu ra. Jerusalén yasu chō nguichi u quia seje cuu reaẽ. Dios recua. Mbae mbuturã ji jate que ra. Sã emo ninisirá quiche riqu i ngurã je no.

³ Ibatenda mo ngue ñee cuu ra: —Sã jẽ. Sã Dios riqui mbia mumbara co cote jẽ. Siqui bei ra equia erese. Mbia rerecua turãte ra eriqui ee. Erimbarã tuchi ra mbia cote.

⁴ Dios ra mbia mbia tuchi cote. Mbia mo nda manoã tuchi cote. Emo ndasiã nda cote. Emo nda nyeseo eã cote. Emo ia eã eã nda cote. Cose ndare rã eã nda mbae cote, i que ibatenda ñee cuu ra.

⁵ Dios que ñee cote ra: —Sã jẽ. Sã aico mbae mbiasu jate co jẽ, i que ra. —Ã secheẽ embesa ja rã. Ae rĩ aico ñee nae, ũquí nda asaã ja, i que ñee seje ra.

⁶ Ñembe que seje ra: —Equiche que eno. Co aico beite querabe co. Mbae eã mose abe que aico se rane nyii ra. Mbae ua ja mose abe ra aico bei querabe no. Emo iseĩ mose, i turã nda amondo ee. I mbia mingo beisa ra amondo ee. “Mbae embu i ribishorõ”, ae eã nda ee.

⁷ Ae “qui jẽ” i quia Satanás je nae, ũquí je ra mbae turã ja amondo. ũquí nderecua tuchi ra se. Seririĩ tuchi ra ũquí.

⁸ ã ja ra nyoĩ tata cuásuu: Esiquiche. Jesús icuasa reaẽ. Mbia nyaba chaba reaẽ. Mbia iquiasa. Ae siqui chooñote quia emo ninisi rese. Ae brujeria saã saã nguia. Ae siqui quia Dios abareã ndese. Ae ñee ñooño nguia. ũquí ja ra nyoĩ tata cuásuu. Huee ra tata rasi raã mbei. Asufre mumbara, i que ra.

Jerusalén yasu

⁹ Ae siete ángeles mbae rasi quereco mbae riru ye nae, ũquí mo ndese que amae cuu ra. Ñee ngue seje ra: —Quiatuchu. Mbae tateacuquia ndeje. Jesucristo ninisirá tateacuquia ndeje, i que seje cuu ra.

¹⁰ Aque ángel que sereraro ibi ibátee mo cuu ra. Huee que mbae nguichi u quia ibate si seje cuu ra. Jerusalén yasu chō nguichi u quia seje cuu reaẽ. Dios recua. Sucha cuasu.

¹¹ Jerusalén yasu nininyate que ra. Dios nininya rã si. Sita rendi rã ño ngue eturã nda. Eibera turã ño ngue ra.

¹² Etaronda que sucha cuasu mama ja huĩ nda. Muralla, i que etaronda je ra. Eicoi tuchi que ra. Ibate tuchi que ra. Doce que eiquesa ra. Angel mii ngue chi eiquesa raarõ ja ja ra. Embesa mbesa ji ja que eiquesa ra. Doce tribus mbae nombre que chí jaaja eiquesa rese ra.

¹³ Eiquesa tres que chí tenda chuisa quiti ra. Tenda sosa quiti tres no. Norte quiti tres no. Sur quiti tres no.

¹⁴ Doce sita cuasu que chí muralla qui ñi nda. Etaronda irã. Doce apóstoles mbae nombres mbesa ji que chí ũquí sita rese ra.

¹⁵ Angel que uu mo nguereco oro ao ji ra. Dios recua mbuchecha sacua. Eiquesa abe mbuchecha sacua no. Etaronda abe mbuchecha sacua no.

¹⁶ Angel que Dios recua mbuchecha uu je ra. Cuadrado tuchi que Dios recua ra. Eco que 2,200 kilómetros ra. Eicoi que 2,200 kilómetros no nda. Ibate quitinda abe que 2,200 kilómetros no nda.

¹⁷ Angel que muralla abe mbuchecha ra. Sesenta y cuatro metros que eicoi ra. Sã mbia riqui mbae mo mbuchecha no. Eĩ sí que ángel muralla mbuchecha no nda.

¹⁸ Oro ao ji rei sucha cuasu. Eibera tuchi que ra. Muralla rei sita ao ji. Jaspe ao ji. Aba queteamba tuchi rei jaspe.

¹⁹ Sita cuasu chi quia muralla irã nae, ũqui arõ ngue sita ñetẽ nininya chiuchi ja ra. Embarõsa chõ ngue ũqui nde. Jaspe mbitee ji rane ngue ra. Zafiro mbitee ji que chi jaspe arõ cote ra. Agata mbitee ji que chi cote ra. Esmeralda abe no.

²⁰ Onice. Cornalina. Cristólito. Berilo. Topacio. Crisoprassa. Jacinto. Amatista. Ũqui ja sita ñetẽ nininya que chi ja ja sita cuasu arõ nda.

²¹ Eiquesa riquisã jate que perla ao ji chi ra. Perla miã miã ja que chi eiquesa riquisã nda. Oro ao ji que calle mbitee renda ra. Oro ao ji achõ ngue ra.

²² Dios chuchua templo mo eãte que huee ra. Mbia quiatu que ñee mbei quia Dios je mangue choõñoa nda. Jesucristo abe je.

²³ Tenda eãte abe que eriqui Dios récuua seje cuu ra. Nyasi eãte abe que seje cuu ra. Dios nininya ae chõ ngue mbae tesae ja quia ra. Jesucristo nininya abe no.

²⁴ Dios nininya ra uquiato tesae ja ino huee. Mangue choõñoa jenda ja. Mbia rerecua ra ñee turã turã ja Dios recua riã cote.

²⁵ Dios recua chiquesa tarõ iriã mbei rae. Itondaru eã mbei ra huee.

²⁶ Mbia mangue choõñoa jenda ja ra ñee turã turã Dios recua riã. Mbae turã ja ra chi huee.

²⁷ Mbia icuã nda iqueã mbei huee. Mbia mbiãriã iriãsa abe ra ique eã mbei huee no. Ae embae nombre mbesa ji Jesucristo mba e libro rese nae, ũqui achõ ño nda ique Dios récuua.

22

¹ Angel que ama mo abe teacuquia seje cuu no nda. Mbia mingo beisa que aque ama nda. Ama ndiibera tuchi que ra. Dios mbae que aque ama nda. Jesucristo mbae abe no. Sucha tubiriã ite riã ngue iacuã irãtã mo ñi nda.

² Ama nimia nguiti ja que ira ñi nda. Mbia mingo beisa que ũqui ira ra. Ũqui ngue ia beite quia doce veces en el año nda. Nyasi mbuchechea quiatu beite que eriqui ia ia bei ra. Ũqui iraro que mbia chumumbara mbucherõ cherõ tuchi quia ra.

³ Mbia rasi eã mbei ra huee cote. Dios ra siqui tuchi huee. Jesucristo rese. Cordero, i equia ee. Erimba ra ñee turã mbei quia ee huee.

⁴ Mae mae ja ra Dios ruba rese. Dios mbae nombre mbesa ji ra equereco nguba rese ja ja.

⁵ Itondaru eã mbei ra huee. Tenda aroneate huee. Tata abe aroneate huee no. Dios nininya ae chõ nda mbae tesae ja huí

nguiã huee. Ererecua turã tuchi ra Dios quiato ja huee.

Achite Jesús ñi tu a cote

⁶ Angel que ñee seje ra: —Acheẽ ñoõño eã ño nguiã co. Ae riã aico ñee nae, ũqui nda Dios saã ja. Sã Dios ucheẽ mbuchecuasa mondo mbia je cose no. Eĩ si que sembu namo no nda. Ae ra nyecua namo jiri nae, ũqui ndeacuquia sacua mbia je chõ ngue sembu nguiã.

⁷ “Se ra achu jei”, i que Jesús ra, i que ángel ñee seje ra. Ae ra ñ mumba eã Dios cheẽ mbesa ji nae, ũqui ia tuchi rae.

⁸ Se rei Juan. Ñ ndese que amae nda. Ñ ngue achandu no nda. Aque ángel ñ teacuquia quia seje nae, aque jii que acoi rei senia ndese ra. Adorar i sacua ee.

⁹ Ñee ngue seje ra. —¡Adorar erechĩ nda seje jẽ! Dios miã je chõ adorar ere. Dios rimba chõ se re. Nde rã sí. Ndequiato rã sí. Ae Dios cheẽ mbuchecu checua quia nae, ũqui na si. Ae ñ mbesa ji mumba eãte quia nae, ũqui na sí, i que ángel ñee seje ra.

¹⁰ Angel que ñee si seje no nda: —Ae erembesa co libro nae, ũqui nda erembuchecuayã cuayãchi mbia si jẽ. Eteaquiatu ee. Ae riã erembesa nae, achite eñi tu a cote.

¹¹ Sã mbia icuã mbae icuã naa naa ño na. Ae siqui quia mbae rondei rese nae, sã eriqui rã erese. Ae siqui quia mbae turã ndese nae, siqui i i tuchi ra mbae turã ndese. Ae siqui Dios rese nae, siqui i i tuchi ra erese cote, i que ángel seje ra.

¹² Jesús que ñee nda: —Achu jei ra se. Ae mbae turã saã saã nguia nae, ũqui je ra mbae turã aru. Echisaã na sí.

¹³ Co aico beite querabe co. Mbae eã mose que aico se rane nyii ra. Mbae ua ja mose abe ra aico bei querabe no, i que Jesús ra.

¹⁴ Ae echiaã irei ji Jesús ruqui je nae, ũqui ia bei ra eriqui. Eirao ituquia ji na ndei echiaã irei ji. Ũqui nda ique Dios récuua. Siqui turã mbei ra equia huee.

¹⁵ Dios quiatoã nda iqueã huee Dios récuua. Ae brujeria saã saã nguia nae. Ae siqui choõnote quia cuña mo ndese nae. Ae mbia iquia nae. Ae siqui quia Dios mbuae rese nae. Idolo rese nae. Ae mbia mbiãriã iriã nguia nae. Ũqui mo nda iqueã tuchi Dios récuua.

¹⁶ Jesús que ñee nda: —Ángel serimba que amondo ra. Á nenei nenei sacua iglesias ja je. David i chõ se re. David nducucha chõ se no nde. Nyasitata nininya rã ño se re, i que Jesús ra.

¹⁷ Espiritu Turã ndiqui “quiatchu” i co. Jesús ninisirã abe riqui “quiatchu” i co no. Sã secheẽ andusa abe “quiatchu” i. Emo isei mose, sã ecuaẽ i mbei Jesús mbae. I mbia mingo beisa ra Jesús mondo ee. Embei

mose, siqui bei rae. —Mbae embu i ribishorõ seje, i eã nda Jesús ee.

¹⁸ Ae ã ñandu quia Dios cheẽ co libro resenda nae, ãquĩ je tacheẽ tuchi: Emo co libro resenda mbirõ mose emo ñee je, Dios ra ãquĩ mbasi tuchi. Ae mbae rasi chi ja co libro rese a nae, ãquĩ nda esaã ja tuchi.

¹⁹ “Dios cheẽ eã ño co re”, i mose co libro resenda je, ãquĩ abe ra Dios mbasi tuchi. ãquĩ nda Dios mingo bei eã nguécuaa.

²⁰ Jesucristo cheẽ ño ã nde: —Achu jei ra se, i equia co. Amén. Echu cote, Jesucristo.

²¹ Jesucristo rei nandererecua. Sã uturã mondo tuchi jẽje. Amén.